

Νyεmε Jοrε Kαdasi



The New Testament in Anufo (Chokosi)

Nyeme Jore Kadasi
The New Testament in Anufo (Chokosi)

copyright © 2009 Wycliffe Bible Translators, Inc.

Language: Anufo

Contributor: Wycliffe Bible Translators, Inc.

All rights reserved.

2020-11-13

PDF generated using Haiola and XeLaTeX on 13 Jul 2024 from source files dated 29 Jan 2022

fe36d0e6-2a60-5e15-8d1c-8bf275389598

Contents

MATIO	1
MARAKO	68
LUKA	108
YOHANE	177
SAYOOWAM	224
ROMAFOM	290
1 KORINTOFOM	320
2 KORINTOFOM	348
GALATIYAFOM	367
EFESOFOM	378
FILIPYAFOM	388
KOLOSİYAFOM	395
1 TESALONIKAFOM	402
2 TESALONIKAFOM	408
1 TIMOTI	412
2 TIMOTI	420
TITOSI	426
FILEMON	430
HIBURUFOM	432
YAKOBO	456
1 PETORO	464
2 PETORO	473
1 YOHANE	478
2 YOHANE	485
3 YOHANE	486
JUDA	488
SAYIKEREEWA	491

Labari kpa n bo MATIO akere i ni

Kabo ba kere Yesu nam дума барасу ни

¹ Ahin дума керεwam керε ti Yesu Kristo nam busu wɔ, fiteeri Abraham kɔ tu Feme Davidi fa ba juuri sanɔa bo bu wuuri yiri Yesu ni. I nam n busu yaa ni, ² Abraham wuuri Izaki, na Izaki awu Jakobu, na Jakobu awu Yuda ni i niemam, ³ na Yuda awu Farese ni Zara bo bu ni yo la Tama ni, na Farese awu Hesarom, na Hesarom awu Aram, ⁴ na Aram awu Aminadabu, na Aminadabu awu Naasoni, na Naasoni awu Salemɔ, ⁵ na Salemɔ awu Boosi bo i ni yo la Rahabu ni, na Boosi gusu awu Yobedi bo i ni yo la Ruti ni, na Yobedi gusu anya awu Yese ⁶ bo i gusu wuuri Feme Davidi ni.

Tɔ, na Feme Davidi awu Feme Solomon bo i ni yo la Yuriya yi ni, ⁷ na Feme Solomon gusu awu Feme Robowam, na Feme Robowam awu Feme Abiya, na Feme Abiya awu Feme Asafu, ⁸ na Feme Asafu awu Feme Yosafati, na Feme Yosafati awu Feme Yoram, na Feme Yoram awu Feme Yoziya, ⁹ na Feme Yoziya awu Feme Yowatam, na Feme Yowatam awu Feme Ahazi, na Feme Ahazi awu Feme Hezekiya, ¹⁰ na Feme Hezekiya awu Feme Manase, na Feme Manase awu Feme Amoni, na Feme Amoni awu Feme Yosiya, ¹¹ na Feme Yosiya awu Feme Yekoniya ni i niemam. Nyini sanɔa n ye bu miεeri Yisarelifɔm fiteeri bu asien su kɔri Babilɔniya asien su n a.

¹² Bu faari bu kɔri Babilɔniya n deε n sin ni, na Feme Yekoniya awu Salatiyeli, na Salatiyeli awu Zorobabeli, ¹³ na Zorobabeli awu Abiyidu, na Abiyidu awu Eliyakimu, na Eliyakimu awu Azore, ¹⁴ na Azore awu Sadoki, na Sadoki awu Akim, na Akim awu Eliyudu, ¹⁵ na Eliyudu awu Eleyaza, na Eleyaza awu Matan, na Matan awu Jakobu nyinga bekun, ¹⁶ na nyini Jakobu n awu Yosefu, Mariya hun. Mariya wuuri Yesu bo bu fere i ka Kristo n a, Tiidefɔ n bo Nyeme ase ka i sɔnma i ni.

¹⁷ Tɔ, nyini kere ka fiteeri Abraham fa ba juuri Feme Davidi, bu tiiri nanam buru ni nna wɔ, na fiteeri Feme Davidi fa ba juuri sanɔa bo bu miεeri Yisarelifɔm kɔri Babilɔniya asien n su ni, bu tiiri nanam buru ni nna wɔ, na fiteeri nyini sanɔa n fa ba juuri sanɔa bo bu wuuri Kristo Tiidefɔ ni, bu gusu tiiri nanam buru ni nna wɔ.

Kabo bu wuuri Yesu Kristo ni

¹⁸ Kabo bu wuuri Yesu Kristo n yaa. Bu yo faari i ni Mariya ceeri Yosefu wɔ, ama, kana bu ba ja i kɔ i hun n dika ni, na ba fa nu ka i bita nyinse bo i fite Nyeme Awiewie Casi n deɛ yiko nu wɔ. ¹⁹ I hun Yosefu yo ti sonɔ bo i yo sa bo i kɔ atin su Nyeme do ɔ, nyini ti, wɔ koro má ka i wura i yi n nyinse jama nu, na wɔ fa sunsunni ka i yaki i asiri nu. ²⁰ Saŋga bo i wo birisi su n so ni, na Micera n deɛ mereke aba i do alele nu, aba ase i ka, “Feme Davidi anuma Yosefu, má a soro sere ka a ja Mariya, na a fa i kɔ u dika, dama Nyeme Awiewie Casi ni maari i nyinse n a. ²¹ I wú baabieso na a fere i ka Yesu, i bu la ka Tiidefo, dama yiri bá yi i minem fite bu satiem nu a.” ²² To, nyini n kere yoori so, adena i ma Nyeme noanie kanfo n noanie n bá yo yiiwa, kabo wɔ jojo ka,

²³ “Sunɔguru bo wɔ nya si má bieso bá nyinse,
na i wú baabieso,
na bu fére i ka *Emanuweli*,”

i bu la ka, Nyeme wo ya do. ²⁴ Saŋga bo Yosefu tengeeri ni, na wɔ yo kabo Micera n deɛ mereke n seeri i ni, na wɔ fa Mariya aba i dika. ²⁵ Ama, i ni yiri asaŋga má bara ni bieso, haari Mariya ba wuuri baabieso, na Yosefu atun i duma ka Yesu.

2*Kabo asarambaa koresiyifom baari Yesu busu nie ni*

¹ Saŋga bo bu wuuri Yesu mie n bo bu fere i ka Betilehem na i wo Yudiya awore n nu ni, nyini saŋga ni Herode ti nyini awore n nu feme a. Na asarambaa koresiyifom nbem afite wie afiiri, aba Yerusalem aba abisa ka, ² “Baa n bo ba wu i na i bá yo Yudafom feme n wo ni wɔ? Ya ŋu i asarambaa wie afiiri do, ye ya ŋa ya bá na ya bá kutu i a.” ³ Feme Herode tiiri so ni, na jore n amie i ni Yerusalemfom kere. ⁴ Na wɔ fere Nyeme sayoowa donɔguyofom nkpienkpienm, ni Nyeme noanie kerefom kere atien bu noo, na wɔ bisa bu ka, “Ye bu wú Kristo Tiidefo n ni wɔ?” ⁵ Na ba bo i nu ka, “Betilehem bo i wo Yudiya asien n su ni, dama kabo Nyeme noanie kanfo n kereri i lee. Micera n ŋa o,

⁶ ‘Woro Betilehem bo a wo Yuda asien n su ni,
a ti má mie kaan.

Woro ti Yuda asien n su miem anyunuyifom kun a,
dama ka feme n bo m yi i na i bá yo m mine Yisarelifom tiifo ni,
i fite u do ɔ.’ ”

⁷ Na Feme Herode afere asarambaa koresiyifom n asiri nu na i si saŋga bo asarambaa n tieeri ni. ⁸ Na wɔ kere bu ka,

“Am kɔ Betilehem, na am kɔ nienie nyunyumi, na nzen am ŋuuri baa ni, am kpie am nyi ba se m na m gusu kó kutu i.”
 9 Feme n jɔjɔri bu dɔ wieeri sɔ n na ba de atin, bu wo kɔ su sɔ ni, na ba ŋu asarambaa n bo bu ŋuuri i wie afiri ni, ka i du bu mɔ haari na wɔ kɔ ajina awuru n bo baa n wo nu n tii su. 10 Bu ŋuuri asarambaa n sɔ ni, na bu ahore ajɔ agaya. 11 Na ba kɔ awura awuru n nu, na ba ŋu baa n ni i ni Mariya na ba kutu i, na ba yo i anse. Na ba nya ateke bu kurukum, na ba yi aceerim ace i. Aceerim n la sika, ni tulaale nvanvanifo be, i ti samene wɔ, ni baka nyunvuin nvanvanifo. 12 Nyini sin na ba fa atin be akpie bu nyi ako bu bɔsu, dama Nyeme ase bu alele nu ka má bu kɔ Feme Herode dɔ kun.

Kabo Yosefu faari Yesu ni i ni ŋmati kɔori Ijipiti ni

13 Asarambaa kɔresiyifom n kɔ wieeri ni, na Micera n dɛe mereke aba Yosefu dɔ alele nu, aba ase i ka, “Yasu fa baa n ni i ni na am ŋmati kɔ Ijipiti asien su, má nyini Feme Herode wo baa nienie su na i kun i. Am kɔ wo dɔ haari cɛen bo m bá kaaki ba ma am nɔɔ ka am yasu dɔ.” 14 Na Yosefu ayasu afa baa n ni i ni aŋmati kɔngue n kere, na ba kɔ Ijipiti asien n su, 15 na ba wo dɔ haari Feme Herode aba awu. Ahin yoori sɔ ni, i ma kabo Micera n ma i nɔanie kanfom n yo jɔjɔri n yo yiiwa a. I ŋa, “Ma fere m wa n afite Ijipiti asien n su.”

Kabo Feme Herode ma bu kuunri nbaabiesɔ kan kanm ni

16 Saŋga bo Feme Herode ba faari nu ka asarambaa kɔresiyifom n adadaka i ni, na wɔ fa yaa agaya, na wɔ ma i sojam nɔɔ ka bu kɔ Betilehem mie n nu, ni i aheme aheme n kere su na bu kɔ kun nbaabiesɔ kan kanm kere bo ba wu bu kisa, kɔ ju afɔ nnyɔ, dama i sunsun ka saŋga n bo asarambaa kɔresiyifom n ŋa asarambaa n tieeri ni, wɔ ju ka afɔ nnyɔ. 17 Nyini kere ka, kabo Nyeme nɔanie kanfo Jeremiya yo jɔjɔri n ayo yiiwa. I ŋa,

18 “Ya ti awie bo ŋga Rama mie kpiri nu,

sun ni ahoresaaki wo dɔ,

bara Rakeli susun i nbaam busu.

Wɔ kete ka má be kpata i, dama i nbaam wo má bere kun.”

Kabo Yosefu faari Yesu ni i ni fiteeri Ijipiti baari Nazareti ni

19 Saŋga bo Feme Herode ba wuuri ni, na Micera n dɛe mereke aba Yosefu dɔ alele nu Ijipiti asien n su, aba ase i ka, 20 “Yasu fa baa n ni i ni, na am kpie am nyi kɔ Yisareli asien su, dama minem bo bu kpiiri ka bu kun baa ni, ba wu.”

21 Na Yosefu ayasu afa baa n ni i ni, na ba kpie bu nyi ako

Yisareli asien n su. ²² Ama, sanḡa bo i tiiri ka Akilawu adi i si Feme Herode femeya n Yudiya awore n nu ni, na sere ati i ni kabo i ko wo do. Na Nyeme merere aba i do alele nu, aba akere i kabo i yo, na wo yasu ako Galili awore n nu ako awo mie be bo bu fere i ka Nazareti n su. ²³ Nyini n kere ka, kabo Nyeme ma i noanie kanfom n jorori n yo yiiwa a, fa ko Kristo Tiidefo n do. I ḡa, “Bu fere i ka Nazaretifo o.”

3

Kabo Yohane Nyeme Nzue Biefo n kaanri Nyeme jore ni

¹ Nyini sanḡa n na Yohane Nyeme Nzue Biefo n ako Yudiya boro kpantain n nu, ko sukan Nyeme jore, i ḡa, ² “Am kaaki am wo, dama sanḡa n adodo bo Nyeme Feme ba nie i minem su.” ³ Yiri Yohane n ye Nyeme noanie kanfo Esaya yo jorori i jore n a. I ḡa, “Sono be subo ndoori boro kpantain n nu se ka,

‘Am sese Mibie n atin n su,
na am yo i atin n dongu.’ ”

⁴ Yohane wuraari sutura bo bu faari nyoma ndore wuuri i a. Na wo fa jina abo i wi nu. I diire yo la lalom ni wie wo. ⁵ Na mine afite Yerusalem mie kpiri n nu, ni Yudiya dee awore miem kere su, ni Yodan dee bue n kere aba i do, ⁶ na ba kan bu ḡgasi ni bu satie kere akere Nyeme, na Yohane abie bu Nyeme nzue Yodan kunma n nu.

⁷ Ama, sanḡa bo i ba ḡuuri ka Farasifom ni Sadusifom dongu suba i do ka i bie bu Nyeme nzue ni, na wo se bu ka, “Amberere burukonufom bo am ti ka woom ni, ḡma seeri am ka am ḡmati fite nyini suicin kekereke n bo Nyeme sufa ba am do n nu a? ⁸ Am yo sakpa bo i kere ka am akaaki am wo. ⁹ Na ma am sunsun ka Abraham ti am na n dee ti, na am koro fite nyini suicin n nu. M suse am wo lee, ka, Nyeme koro ma ahin yabuem ni kaaki nbaam ma Abraham. ¹⁰ Nyeme asi i samba n nana ase baka kere bu na i kpie i ji sin nu, yiri bo i suuwa ti ma kpa ni. ¹¹ Mini sufa nzue bie am a, na am yo casi, bo i kere ka am akaaki am wo, ama, yiri bo i wo m sin suba n tara m fieo, m ti kaan ni bo m dodo i. Yiri fa Awiewie Casi n ni sin yo am casi a, kabo sono bie nzue na i yo casi ni. ¹² I bita i ḡgani kpaja fieeba bo i ba bobo ḡgani n ganḡba n su, na i kpaja yi ḡgani mbaa n fa go i bondo nu, na i nya yara kunkun n sin n bo i je na i no ma n nu.”

Kabo Yohane bieeri Yesu Nyeme nzue ni

¹³ Nyini sanḡa n na Yesu afite Galili awore n nu, aba Yohane do Yodan kunma n nu ka Yohane bie i Nyeme nzue. ¹⁴ Ama, na Yohane akete ka i bie ma Yesu Nyeme nzue ni. I

ɲa, “Má i ti ye ni ka wɔɔ biɛ m Nyɛmɛ nzue a, ye nzu ti ye a ɲa mini biɛ u a?” ¹⁵ Ama, na Yesu abɔ i nu ka, “Ma ya yo sɔ adena ya yo deke kɛrɛ bo Nyɛmɛ koro ni.” I seeri sɔ n na Yohane asoro su. ¹⁶ Saɲga bo Yohane biɛeri Yesu Nyɛmɛ nzue n wieeri n na i fiteeri nzue n nu ni, kpɛɲga na aɲgoro ateke, na wɔ ɲu ka Nyɛmɛ Awiewie n ajura ka tiwa dɛɛ su aba atana i ɲu. ¹⁷ Dɔ na wɔ ti akonvi be ɲga aɲgoro, i ɲa, “Ahin ti m wa a, m koro i agaya, m ahore ajo i ɲu.”

4

Kabo Sitana yoori Yesu na i niɛ ni

¹ Nyini sin na Nyɛmɛ Awiewie Casi n afa Yesu akɔ boro kpantain n nu ka Sitana kɔ yo i na i niɛ, ka i yó yiri Sitana n dɛɛ koroowa nzen i yó má. ² Dɔ na Yesu acici i nɔɔ haari cɛɛn aburana, kɔɲgue ni wiesu bo i di má pui, na ahɔɛ aba ati i. ³ Na Sitana bo bu kaaki fere i ka ɲgɛɛsɔfɔ n aba ase i ka, “Nzen a ti Nyɛmɛ Wa, se ahin yabuɛm n na bu kaaki diire.” ⁴ Ama, na Yesu abɔ i nu ka, “Ba kɛrɛ i Nyɛmɛ Jɔrɛ Kadasi n nu ka,

‘Má diire ɲgumi ma sɔnɔ ɲgɔɔ a,

ama, i de nɔanɛ kɛrɛ bo i fite Nyɛmɛ dɔ n gusu.’ ”

⁵ Na Sitana n akaaki afa Yesu akɔ Yerusalem miɛ kpiri n nu, na wɔ kɔ afa i ajina Nyɛmɛ Sereebiri Awuru n tii su lenlenge, na wɔ se i ka, ⁶ “Nzen a ti Nyɛmɛ Wa, ti tɔ asienɲu na m niɛ. Dama ba kɛrɛ i Nyɛmɛ Jɔrɛ Kadasi n nu ka, ‘Nyɛmɛ má i merɛkem nɔɔ na bu niɛ u dika.’

Ba kaaki akɛrɛ i ka,

‘Bu fá bu saa so u nu,

na má u jaa bo yabuɛ be.’ ”

⁷ Na Yesu ase i ka, “Ba kaaki akɛrɛ i Nyɛmɛ Jɔrɛ Kadasi n nu bekun ka, ‘Má a yo Micɛra Nyɛmɛ n na a niɛ kabo i yiko ti barasu.’ ”

⁸ Nyini sin na Sitana n afa i akɔ buka be tii su lenlenge, na wɔ kɛrɛ i durunya n nu asien kɛrɛ, ni kabo bu ti na bu yo nyumi barasu. ⁹ Na wɔ se i ka, “Nzen a kutu suuri m, m fá nyinim n kɛrɛ ma u.” ¹⁰ Na Yesu ase i ka, “Wɔɔ Sitana, fa cinsi m bi bɛrɛ. Dama ba kɛrɛ i Nyɛmɛ Jɔrɛ Kadasi n nu ka,

‘Kutu Micɛra u Nyɛmɛ ni,

na a su yiri ɲgumi.’ ”

¹¹ Na Sitana n akɔ ayaki i, na Nyɛmɛ merɛkem aba i dɔ na ba ba asu i.

Kabo Yesu boori i juma bu Galili awɔrɛ n nu ni

¹² Na saɲga bo Yesu ba tiiri ka ba tara Yohane anyi i dan-saraka ni, na wɔ fite bɛrɛ akɔ Galili awɔrɛ n nu. ¹³ I yasuuri

Nazareti miε n nu ni, na wɔ kɔ awo Kapenam miε kpiri n bo i wo dodo Galili kunma kpiri ni, na i wo Zabulonfɔm ni Nafatalifɔm dεε awɔre n nu ni. ¹⁴ I kɔ tanaari dɔ ni, adena kabo Nyeme nɔanie kanfɔ Esaya yo jɔjɔri n yo yiiwa. I ɲa,

¹⁵ “Zabulon ni Nafatalifɔm, am so am sui,
 ambere bo am wo dodo kunma kpiri n bo i wo Yodan
 kunma n wiε afiiri dεε bue ni,
 ambere bo am wo Galili awɔre n ni, deke bo bu ti má
 Yudafɔm wo ni, am so am sui.

¹⁶ Minem bo bu wo awosin nu ni,
 ba ɲu wein bambaka ni.

Na bo bu wo awosin ni yiwee nu ni,
 bere ye sin ni jé ta wein ma bu a.”

¹⁷ Fite nyini saɲga n na Yesu abo i bu sukan Nyeme jɔre, i ɲa, “Am kaaki am wo, dama saɲga n aju bo Nyeme Feme bá nie i minem su.”

Kabo Yesu fereeri jombaa tarafɔ nbem ka bu su i su ni

¹⁸ Na saɲga bo Yesu sunati Galili kunma kpiri n nɔɔ su ni, na wɔ ɲu mine nnyɔ nbem, bu ti sɔnɔ kun nbaam wɔ. Bere la Simon bo bu fere i ka Petoro ni, ni i niema Andere. Bu wo bu diendie sandi su kunma kpiri n nu, dama bu ti jombaa tarafɔm wɔ. ¹⁹ Na Yesu ase bu ka, “Am bra na am ba su m su na m má am tien minem nɔɔ ma m, kabo am tara jombaam ni.” ²⁰ I seeri sɔ ni, na ba kaba ayaki bu diendiem ni, na ba su i su.

²¹ I nati kɔɔri i nyunu kaan, na wɔ ɲu mine nnyɔ nbem bekun, bu ni bu si, bu fere i ka Zebedi, bere la Yakobo ni i niema Yohane. Bu ni bu si n wo lee nu suyo bu diendiem dɔɲgu, na Yesu afere bu. ²² Dɔ na ba kaba afite lee n nu ayaki bu si ni, na ba su i su.

Kabo Yesu kaanri Nyeme jɔre na i ma tukpakifɔm nyaari laifε ni

²³ Na Yesu abara aye Galili awɔre n kere nu, na i sukere minem bu tientienbunɔɔ sɔɔm n nu, deke bo bu sere Nyeme na bu kere minem Nyeme jɔre nu ni, na i sukan labari kpa n fa kɔ Nyeme femeya n su, na wɔ ma minem bo bu la tukpaki barasu barasu n kere anya laifε. ²⁴ Na i duma ata abara aye Siriya awɔre n kere nu, na ba sɔ minem bo bu la tukpaki barasu barasu kere, ni bo bu di yaari agaya bu ɲuniembaa nu, aba i dɔ ka i ma bu nya laifε. Ajinim wo bu nbem ɲu, na nbem tɔ ɲgbiti, na nbem gusu saam ni bu jaam awu, na wɔ ma bu kere anya laifε. ²⁵ Na jama beberebe afite Galili awɔre n nu, ni Miε Burum dεε awɔre n nu, ni Yerusalem miε kpiri n nu, ni Yudiya dεε awɔre n nu, ni Yodan kunma n sin dɔ, na bu kere aba asu i su.

5

Kabo minem yo na bu nya terefie Nyeme do ni

¹ Yesu nuuri jama n ni, na wo fun ako atana buka be su. Na i susufom n aba i do. ² Na wo bo i bu ka i kere bu, i na,

³ “Bere bo bu ti yaarifom bu ahore su ni,
terefie wo bu do,
dama Nyeme femeya n ti bu dee wo.

⁴ Bere bo bu ahore asaaki ni,
terefie wo bu do,
dama Nyeme da bu ahore a.

⁵ Bere bo bu yo bu nu kaan ma Nyeme ni,
terefie wo bu do,
dama Nyeme ba fa durunya n ma bere wo.

⁶ Bere bo bu nyunu aboro ka bu yo sa bo i ko atin su
kabo sono la konviki fa ko diire ni nzue busu ni,
terefie wo bu do,
dama Nyeme ba ma bu akunnuyi a.

⁷ Bere bo bu si anunfo ni,
terefie wo bu do,
dama Nyeme ba si bu anunfo a.

⁸ Bere bo bu ahorembaa ti casi ni,
terefie wo bu do,
dama bere ba nu Nyeme a.

⁹ Bere bo bu kpata aluwa ni,
terefie wo bu do,
dama Nyeme ba fere bu ka i nbaam a.

¹⁰ Bere bo bu yo sa bo i ko atin su n dee ti
na minem kere bu wuwuruwa ni,
terefie wo bu do,
dama Nyeme femeya n ti bere dee a.”

¹¹ Na Yesu akaaki ase ka, “Amberere bo minem ba kpie am nzuko, na bu kere am wuwuruwa, na bu bu kore barasu kere so am, na i kere fite ka am ti m deem dee ti, terefie wo am do. ¹² Bu ba yo am so, am ma am ahore jo agaya, dama am nya nkato bambaka Nyeme do. I fite ka, kabo bu yo kereeri dawa dee Nyeme nonie kanfom n wuwuruwa n lee.”

Kabo Yesu na i susufom ti ka njin ni wein ni

¹³ Na Yesu ase ka, “Amberere, m susufom ni, am ti ka njin wo durunya n nu a. Ama, nzen njin fiefie nya ba saari wieeri, i koro yo ma i fiefie kun. Nyini sangha ni, wo ka ngbeen lee, nka bu fa butu wo, na minem tientien sangha i ni fa. ¹⁴ Amberere ti wein bo i ta ma durunya n nufom a. Mie kere bo i wo kperere su, sono kere nu i wo. ¹⁵ Sono be nya so ma fitana su na i fa gangha butu su, ama, i fa taka deke su

angoro wɔ na i ta wein ma awuru n nufɔm kere. ¹⁶ Nyini ti, am ma am wein ta durunya n nu, na sɔnɔ kere ɲu am sakpa yoowa, adena bu kansu am Si Nyeme bo i wo angoro ni.”

Kabo Yesu ɲa ya su Nyeme nɔaniɛ kpamaawa n su barasu ni

¹⁷ Na Yesu ase ka, “Fa kɔ Moyisi nɔaniɛ kpamaawa n ni Nyeme nɔaniɛ kanfɔm dɛɛ kereewa n su, má am sunsun ka ma ba ka m ba ɛɛ bu se wɔ. Ai, ma ba má ka m ba ɛɛ bu se wɔ, ama, ma ba ka m ma i kere bá yo yiiwa a. ¹⁸ Nahɔre ye m suse am n a, kabo angoro ni asiɛngu toko wo bere ni, bu yí má nɔaniɛ n be haari kampiti sɔ n mmɔɔ fite má nɔaniɛ kpamaawa n nu, haari na i deke n kere ba awieeri. ¹⁹ Nyini ti, sɔnɔ kere bo i buuri Nyeme nɔaniɛ mawa n kampiti sɔ mmɔɔ ɲgbɛɛn, na i kereeri minɛm ka bere gusu yo sɔ, bu fére i mi ka sɔnɔ kaan Nyeme femeya n nu. Ama, sɔnɔ kere bo i suuri Nyeme nɔaniɛ kpamaawa n su na i kereeri minɛm ka bu gusu yo sɔ, bu fére i mi ka sɔnɔ bambaka Nyeme femeya n nu. ²⁰ Nyini ti, m suse am wɔ lɛɛ, ka, kana am bá wura Nyeme femeya n nu, má ka am yo sa bo i kɔ atin su Nyeme dɔ n tara Farasifɔm, ni Nyeme nɔaniɛ kerefɔm dɛɛ ni.”

Kabo Yesu kere fa kɔɔri yaafa su ni

²¹ Na Yesu akaaki ase ka, “Am ati ka bu seeri ya nam ka, ‘Má a kun sɔnɔ,’ na ‘Nzen wɔrɔ kere bo a kuunri sɔnɔ, bu dí u jɔre.’ ²² Ama, m suse am wɔ lɛɛ, ka, wɔrɔ kere bo a faari yaa u beɲgu ɲu, wɔ yo daka ka bu di u jɔre. Sasu bekun, wɔrɔ kere bo a seeri u beɲgu ka i ti sɔnɔ ɲgbɛɛn, wɔ yo daka ka bu fa u jina Yudaɔm jɔredifɔ nkpiɛnkpiɛnm n nyunu na bu di u jɔre. Na nzen wɔrɔ kere bo a seeri u beɲgu ka i ti sinnzin, Nyeme fá u wura ɛɛema sin n nu. ²³ Nyini ti, nzen a fa u aceeri aba ka a ba sere Nyeme, na a tenge su ka u ni u beɲgu be la ɲgasi, ²⁴ yaki u aceeri n yoowa yoobiri n ka, na a kɔ na am kɔ yo am afien dɔɲgu, na a nya ba fa u aceeri n ma Nyeme. ²⁵ Nzen u ni be la jɔre, na nzen i koro ka i fa u kɔ jɔre diibiri, jɔkoti tara i mi n jaa, na má jɔre n ju jɔre diibiri n ni, má nyini, i mi ni fá u kɔ wura jɔredifɔ n saa nu, na yiri gusu fá u ma dansaraka niɛɔ ni, na yiri gusu nyá nyi u. ²⁶ Nahɔre ye m suse u n a, nzen a woori dɔ na a tɔ má kaari n kere awie má, a nyá má atin fite má dansaraka n nu.”

Kabo Yesu kere fa kɔɔri ajaa ciire saaki su ni

²⁷ Na Yesu akaaki ase ka, “Am ati ka ba se ka, ‘Má a saaki ajaa ciire.’ ²⁸ Ama, mini, m suse am wɔ lɛɛ, ka, wɔrɔ kere bo a niɛ bara, na u konvi wuraari i, i ti ka a saaki ajaa ciire

u ahore su wɔ ɔɛɛ. ²⁹ Nzen u nyumbaa n kun cin u wuraari satie nu, lokoti yi i tu. I ti ye ni ka a fun u ɲuniɛmbaa n bue kun, ni bo a fa u ɲuniɛmbaa n kere wura cɛɛma sin nu. ³⁰ Nzen u saa fɔmbɔɔ cin u wuraari satie nu, kaba kpɛ i tu. I ti ye ni ka a fun u ɲuniɛmbaa n bue kun, ni bo a fa u ɲuniɛmbaa n kere wura cɛɛma sin nu.”

Kabo Yesu kere fa kɔɔri bara ajaa yaki su ni

³¹ Na Yesu akaaki ase ka, “Sasu bekun, ba kaaki ase am ka, ‘Sɔnɔ kere bo i yaki i yi ajaa, i ti ye ni ka i mi ma bara n ajaa yaki kadasi bo i kere ka i hun ayaki i ajaa.’ ³² Ama, mini, m suse am wɔ ɔɛɛ, ka, sɔnɔ kere bo i faari i yi jiiri, na wɔ yo má ka bara n akɔ somaya ye i fa i jiiri a, na nzen bara n kɔ jaari biesɔ fɔfɔɛ, i mi n ma bara n asaaki ajaa ciire ɔɛɛ. Na sɔnɔ bo i faari bara n jaari, yiri gusu asaaki ajaa ciire ɔɛɛ.”

Kabo Yesu kere fa kɔɔri ndie taanwa su ni

³³ Na Yesu akaaki ase ka, “Am akaaki ati ka ba se ya nam ka, ‘Má a tan ndie na a kaaki wɔɔ u nɔɔ, ama, ma u sui wo ndie bo a tan i ama Micera n su, na a yo i.’ ³⁴ Ama, mini, m suse am wɔ ɔɛɛ, ka, má am tan ndie mmɔɔ fieo. Má am tan angoro, dama Nyeme femeya n woobiri ɔɛɛ. ³⁵ Má a tan asienɲu gusu, dama i ti Nyeme jaa gbagbaa jinaabiri wɔ. Má a tan Yerusalem, dama i ti ya Micera Feme n deɛ mie kpiri wɔ. ³⁶ Má a kaaki se ka a tan u tiiawa, dama a koro yo má u tiiɲmie kun mmɔɔ fofoe, wara biri. ³⁷ Am ma am nɔanie kere yo tika. Nzen i ti ‘Eɛn,’ am se ka, ‘Eɛn.’ Nzen i ti ‘Ai’ gusu a, am se ka, ‘Ai.’ Sin nyini sin, nɔanie kere bo i buka su n fite Sitana dɔ ɔ.”

Kabo Yesu kereeri ka má ya fa minɛm satie tɔ bu kaari ni

³⁸ Na Yesu akaaki ase ka, “Am ati ka ba se ka, ‘Nzen sɔnɔ yi u nyumbaa, wɔɔ gusu yi i mi deɛ, na nzen i bo tuuri u jee, wɔɔ gusu tu i mi deɛ.’ ³⁹ Ama, mini, m suse am wɔ ɔɛɛ, ka, nzen sɔnɔ yoori u satie, má a wɔɔ satie ma i mi. Haari nzen be fiinri u nyɔɔnu, kaaki bue nyiɲga n gusu ma i na i fin buka su. ⁴⁰ Nzen be cici u lekisi ka i fa u kɔ jɔɛ diibiri, na i de u tanɔɛ kaan n be i wo i bu ni, kaba yi i tii su deɛ bambaka n mmɔɔ buka i su. ⁴¹ Nzen fanɲafɔ be miɛeri u ka a sɔ i sɔɔri kɔ ju ajaari natiwa akpii kun ma i, kaba fa i kɔ ju akpii nnyɔ. ⁴² Sɔnɔ bo i sereeri u deke be, má a kpɛ i, na sɔnɔ bo i ɲa a fie i deke be, má a kete.”

Kabo Yesu kereeri ka ya koro minɛm bo bu kpɔ ya ni

⁴³ Na Yesu akaaki ase ka, “Am ati ka ba se ka, ‘A koro sɔnɔ bo i koro u ni, na a kpɔ sɔnɔ bo i kpɔ u ni.’ ⁴⁴ Ama, mini, m suse am wɔ ɔɛɛ, ka, am koro am kpɔfɔm, na am sere

Nyeme ma bo bu kere am wuwuruwa ni, ⁴⁵ adena am yó am Si Nyeme bo i wo angoro ni nbaam. Dama yiri ma wie fite ma satieyofom, ni sakpayofom kere a, na i kaaki ma nzue to ma bo bu yo sa bo i ko atin su i do ni, ni bo bu yo má sa bo i ko atin su i do n kere. ⁴⁶ Nzen am nya koroori minem bo bu koro am ngumi ni, nzu nkato, ye am nya i a? Dama haari lampodefom bo bu sisi minem ni mmoo yo so o. ⁴⁷ Na nzen am bisa am danfom ngumi ahin, am sunsun ka am ayo nzu sakpa ye be koro yo má i a? Bo bu su má Nyeme ni mmoo koro yo so, má so? ⁴⁸ To, am ma am woowa n ti kpa bo i la má anjusu, kabo am Si Nyeme bo i wo angoro n dee woowa n ti kpa bo i la má anjusu ni.”

6

Kabo Yesu kereeri ya ka ya ce yaarifom aceeri barasu ni

¹ Na Yesu ase bu ka, “Am si am nu sa, na má am yi am nyemesu sayoowa fite fofoe nu, adena minem nu i na bu kansi am. Nzen am yoori so, am nya má nkato be, am Si Nyeme bo i wo angoro n do.

² Nyini ti, nzen a na a ce yaarifom aceeri, má a bo ndoori na sono kere ti, kabo burukonufom yo i bu tientienbunoo soo n nu, ni mie kunnu atingberem n su ni, dama bu yo so o, adena minem kansi bu. Nahore ye m suse am n a, bere nkato awieeri lee, ye ba du mo anya i n a. ³ Ama, nzen a na a ce yaarifom aceeri, má a ma be nu i fieo, na bu si sa bo a suyo i ni, ⁴ adena u aceeri n yo asiri nu. Do na u Si Nyeme bo i nu sa kere bo a yo i asiri nu ni, n to u kaari.”

Kabo Yesu kereeri ya nyemesere atin barasu ni

⁵ Na Yesu akaaki ase ka, “Nzen sanja bo am ba susere Nyeme, má am yo kabo burukonufom yo ni, dama bere koro ka bu sujina bu tientienbunoo soom n nu, ni deke bo atingberem jaja nu ni, na bu sere Nyeme adena minem nu bu. Nahore ye m suse am n a, bu nkato awieeri lee, ye ba du mo anya i n a. ⁶ Ama, sanja bo a ba susere Nyeme, wura u soro na a nyi u ano, na a sere u Si Nyeme bo be nu má i ni, na u Si Nyeme bo i nu sa kere bo a yo i asiri nu ni, nya to u kaari.

⁷ Na sanja bo am ba susere Nyeme, má am yo nanmie kabo bo bu su má Nyeme n yo ni, dama bu sunsun ka bu jooori beberebe n ye Nyeme de bu sere a. ⁸ Má amberé yo ka bere, dama am Si Nyeme si am sa koroowa kere n mmoo ka, ye am nya sere i a.

⁹ Nyini ti, kabo i ti ye ni ka am sere Nyeme yaa.
‘Ya Si, bo a wo angoro ni,
ma minem bu u duma casi ni.

10 Ma u femeya n bra.

Ma u koroowa yo asiɛngu fen, ka aleceema nu.

11 Ma ya nyuma deɛ ceɛn nu, ya nɔɔ nu diire.

12 Fa ya ngasi fa ce ya,

kabo ya gusu afa ace bo bu do ya ngasi ni.

13 Má a ma deke be yo ya na ya wura satie nu,

ama, yi ya fite anyumbiri nu.

[Dama, u deɛ la femeya, ni fanja, ni jirima sanja kere.
Ami.]'

14 Dama nzen am fa minem ngasi ce bu, am Si Nyeme bo i wo angoro n gusu fá am deɛ ce am. 15 Ama, nzen am afa má minem ngasi ace má bu, am Si Nyeme bo i wo angoro n gusu fá má am deɛ ce má am."

Kabo Yesu kereeri ya ka ya cici ya nɔɔ ni

16 Na Yesu akaaki ase ka, "Sanja bo am sucici am nɔɔ, má am nie anunfo nie kabo burukɔɔnufɔm yo ni, bu yo má bu ɲu nyankandi, adena minem ɲu ka ba cici bu nɔɔ. Nahɔre ye m suse am n a, bu ɲkato awieeri lee, ye ba du mo anya i n a. 17 Ama, nzen a ba sucici u nɔɔ, yo u ɲu nyankandi, 18 adena má minem si nu ka a sucici u nɔɔ, má ka u Si Nyeme bo be ɲu má i ni, na yiri u Si Nyeme bo i ɲu sa kere bo a yo i asiri nu ni n tó u kaari."

Kabo Yesu ɲa ya tien ajekɛ nɔɔ se Nyeme dika n nu ni

19 Na Yesu akaaki ase ka, "Má am tien ajekɛ nɔɔ se durunya n nu fen, bo watarawam muka i na i kpɔɔ, na i tɔ ngambulaari, na awiefɔm gusu bá wura wo i. 20 Ama, am tien ajekɛ nɔɔ se Nyeme dika n nu, bo watarawam koro muka má i, na i koro tɔ má ngambulaari, na awiefɔm gusu koro wura wo má i. 21 Dama deke bo u ajekɛ wo ni, u ahorembaa kere gusu wó do ɔ."

Kabo Yesu kereeri anyumbaa kpa jɔre ni

22 Na Yesu akaaki ase ka, "Ya nyumbaa ni ti ka fitana ma ya ɲuniɛmbaa n a. Nzen u nyumbaa nya ti kpa, u ɲuniɛmbaa n kere tá wein n wo lee. 23 Ama, nzen u nyumbaa nya ti má kpa, u ɲunie kere wo awosin nu wo lee. Nyini ti, nzen wein wo má u do, nyini n la ka, a wo awosin bambaka bo i la má anusu nu lee."

Kabo Yesu ɲa ya daafi Nyeme ɲu barasu ni

24 Na Yesu akaaki ase ka, "Sɔnɔ kun koro sanja su má mibiɛm nnyɔ. Nzen i ɲa i yó sɔ, i kpó kun wo, na i koro nyiɲga ni, wara i bóro i nyi su kun n wo, na i bú nyiɲga ni ngbɛɛn. Am koro sanja su má Nyeme ni ajekɛ."

²⁵ Na Yesu akaaki ase ka, “Nyini ti, m suse am wɔ lɛɛ, ka, má am tana sukoko fa kɔ am ɲɔɔ su, kabo am dí, ni kabo am nú, na má am kaaki sukoko fa kɔ am ɲunie su, kabo am nyá suturam bo am fá wura na am kára. Dama ɲɔɔ n tara diire, na aɲuniɛmbaa n gusu tara suturam, má sɔ? ²⁶ Am niɛ anumam, haari ni bo bu dɔ má ni, na bu kaaki kpíe má ni, bu tambu gɔ má bondo nu gusu, se am Si Nyeme ma bu diire ye bu di a. Amberɛ la anyunuyi tara anumam, má sɔ? ²⁷ Am nu, ɲma tana koko fa kɔ i koroowam su ye i mi koro buka i ɲɔɔ tintiin su haari kaan sɔ a? ²⁸ Ye nzu ti ye am ma suturam sa miɛ am a? Am niɛ kabo wuram bo pum barasu barasu a. Bu yo má juma be, bu tu má gise. ²⁹ Ama, m suse am wɔ lɛɛ, ka, haari Feme Solomon, ni i neɲge n kere bo i yo la i ni, wɔ la má sutura bo i yo nyumi juuri nyini wura pum ni be. ³⁰ Nzen wuram bo bu wo bere nyuma, na ahunma a ɲú ka ba kpíe bu na bu yara bu, ye Nyeme niɛ bu dika, nzu ti ye i níe má amberɛ bo am tara wuram co n a? Amberɛ, am yarada n ti kaan sɔ. ³¹ Nyini ti, má am tana koko se ka, ‘Ye ya dí nzu wɔ?’ wara ‘Ya nú nzu wɔ?’ wara ‘Ya wúra nzu wɔ?’ ³² Dama bo bu su má Nyeme ni, bere sunsun sɔ saɲga kere a. Am Si Nyeme si ka am koro nyinim n kere. ³³ Nyini ti, am du mɔ kpini Nyeme femeya n ni sa bo i kɔ atin su i dɔ n busu ka, na i nyá ba fa nyini dekem n kere buka am su. ³⁴ Nyini ti, má am koko fa kɔ ahunma su, ahunma mmɔɔ kpini i dɛɛ. Dama nyuma dɛɛ sunsunni mmɔɔ ase su.”

7

Kabo Yesu ɲa má ya jɔjɔ be jɔɛ jaraki i ni

¹ Na Yesu ase bu ka, “Má am jɔjɔ be jɔɛ na am jaraki i, adena má Nyeme gusu jɔjɔ amberɛ jɔɛ jaraki am. ² Dama kabo am jɔjɔ am bengum jɔɛ jaraki bu ni, sɔ ye Nyeme gusu jɔjɔ am gusu jɔɛ jaraki am a. Gɔɲɔ bo am fa susu ma minem ni, sɔ ye Nyeme gusu fá susu ma am a. ³ Nzu ti ye a niɛ ɲu wura mbaa n bo i wo u niwa nyumbaa nu, ye a niɛ ɲu má yeenzin n bo i wo u dɛɛ nyumbaa n nu a? ⁴ A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye saɲga kere yeenzin n wo u dɛɛ nyumbaa n nu a? ⁵ Wɔɔɔ burukɔɔnufɔ ni, du mɔ yi yeenzin n bo i wo u nyumbaa nu n ka, na a nyá ɲu asi nyunyumi na a yi wura mbaa n bo i wo u niwa n dɛɛ nyumbaa nu ni.

⁶ Má am se ka am fa deke bo i ti casi fa ma caam, nzen am yoori sɔ, bu kpíe bu nyi fɔn tara am wɔ, na bu kán titi am nu. Sasu bekun, má am se ka am fa afere fofom bo bu

la gɔ agaya, fa tu afam. Má nyini, bu tíentien i su wura fa nu wɔ.”

Kabo Yesu ɲa Nyeme de ya nyemesere barasu ni

⁷ Na Yesu akaaki ase bu ka, “Am sere deke bo am koro i Nyeme dɔ, na i má am. Am niɛniɛ deke bo am koro i dɔ, na am ɲú i. Am bobo anɔ ni, na i téke i ma am. ⁸ Dama sɔnɔ kere bo i sere Nyeme deke be, i má i, na sɔnɔ kere bo i niɛniɛ deke be, i ɲú i, na sɔnɔ kere bo i bobo anɔ ni, i téke i ma i. ⁹ Amɛɛre nu, ɲma ye i wa sere i diire, ye i mi kéte na i fá yabuɛ ma i wa n a? Ai, be yo má sɔ. ¹⁰ Wara, amɛɛre nu, ɲma ye i wa sere i jombaa ye i kéte na i fá woo ma i wa n a? Ai, be yo má sɔ. ¹¹ Tɔ, amɛɛre, haari ni bo am ti satieyofɔm ni, am si aceeri kpam bo am fá ce am nbaam, nzu ti ye nzen am sereeri am Si Nyeme bo i wo angoro ni, i koro ma má am aceeri kpam a?

¹² Nyini ti, kabo am koro ka minem yó ma am ni, am yo i sɔ ma bu, dama Nyeme nɔaniɛ kpamaawa n jɔɛ n kere lee, na i nɔaniɛ kanfɔm dɛɛ buka su.”

Kabo Yesu jɔjɔ fa kɔɔri anɔ n bo i ti fii n jɔɛ ni

¹³ Na Yesu akaaki ase ka, “Am fa anɔ n bo i ti fii n na am wura. Dama atin n bo i fa minem kɔ saakiibiri ni, i anɔ n ti tetere wɔ, na i natiiri ti má kekere, nyini dɛɛ ti, minem dɔɲgu fa yiri wɔ. ¹⁴ Ama, atin n bo i fa minem kɔ ɲɔɔ woobiri ni, i anɔ n ti fii wɔ, na i atin gusu nati ti kekereke, nyini dɛɛ ti, minem bo bu ɲu nyini atin n na bu su i su ni, bu sunnu má.”

Kabo Yesu ɲa ya fa minem sayoowa fa si bu ni

¹⁵ Na Yesu akaaki ase ka, “Am si am ɲu sa ni kɔɛfɔm bo bu yo bu ɲu ka bu ti Nyeme nɔaniɛ kanfɔm ni. Bu yo bu ɲu benle ka nbɔɛm wɔ, ama, bu ti ka bedim wɔ, na bu ti tie. ¹⁶ Bu sayoowa n nu, ye am koro fa si kabo bu ti barasu a. Am anu ka buwe asu koto? Wara, am anu ka bedikantɔŋga asu ndɔɔɔwa? Ai. ¹⁷ Ama, i ti sɔɔ lee, ka baka kpa kere su suuwa kpa a, na baka ɲgbɛɛn kere su suuwa ɲgbɛɛn-ɲgbɛɛn. ¹⁸ Baka kpa koro su má suuwa ɲgbɛɛn, na baka ɲgbɛɛn gusu koro su má suuwa kpa. ¹⁹ Baka kere bo i su má suuwa kpa, bu kpiɛ i wɔ, na bu fa ji sin nu. ²⁰ Nyini ti, bo bu yo bu ɲu ka bu ti Nyeme nɔaniɛ kanfɔm ni, bu sayoowa n nu, ye am koro fa si kabo bu ti barasu a.”

Kabo Yesu jɔjɔ fa kɔɔri jina cɛɛn n jɔɛ ni

²¹ Na Yesu akaaki ase ka, “Má sɔnɔ kere bo i bo fere m ka, ‘M Mibiɛ, m Mibiɛ,’ ni wura Nyeme femeya n nu a, se má ka bo bu yo m Si Nyeme bo i wo angoro n dɛɛ koroowa ni. ²² Jina cɛɛn n ba juuri, mine dɔɲgu bá se m ka, ‘Ya Mibiɛ,

niɛ e. Ya yo faari u dɛɛ duma, na ya fa akan Nyɛmɛ jɔrɛ, na ya fa u duma n afɔn ayi ajinim afite minɛm ɲu, na ya kaaki afa u duma n ayo alekutura sam dɔŋgu.’ ²³ Na m nya se bu ka, ‘Amberɛ satieyofɔm ni, am fa cinsi m bi berɛ. M si má am cɛɛn n be cɛɛn n be da.’ ”

Miɛenu fa kɔ ataari tafɔ nnyɔ nbem jɔrɛ

²⁴ Na Yesu akaaki ase ka, “Nyini ti, sɔnɔ kɛrɛ bo i tiiri m dɛɛ nɔaniɛm n na i deerɪ i na i fa yoori juma, i mi ti ka alecirafɔ be bo i taari i awuru na i seeri i jaa n yabue su n wɔ. ²⁵ Na nzue aba atɔ, na wawa n kɛrɛ ayi asandi, na aɲuma akpisi awuru ni, ama, wɔ tɔ má, dama i jaa jina yabue su n dɛɛ ti. ²⁶ Ama, sɔnɔ kɛrɛ bo i tiiri m dɛɛ nɔaniɛm n na wɔ de má i, afa ayo má juma, i mi ti ka sinnzin be bo i taari i awuru ɲmiɛ nu n wɔ. ²⁷ Na nzue aba atɔ, na wawa n kɛrɛ ayi asandi, na aɲuma akpisi awuru n na i kɛrɛ abereki atɔ liim. Nyini awuru n tɔɔwa n tiiri tie haari.”

²⁸ Saɲga bo Yesu ba jɔjɔri sɔ wieeri n na jama n ayo alekutura fa kɔ i kereewa n su, ²⁹ dama i kereewa n awo i ɲgumi ni Yudaɔm dɛɛ Nyɛmɛ nɔaniɛ kerefɔm ni. I kereewa n nu la yiko.

8

Kabo Yesu tuntunri kokofɔ be ni

¹ Saɲga bo Yesu juraari buka n su ba juuri n na jama beberebe asu i su. ² Na kokofɔ be aba i dɔ, na wɔ ba akutu i nyunu asere i ka i buka i, i ɲa, “M Mibiɛ, nzen a koro ka a ma m nya laifiɛ, a koro ma m nya i.” ³ Na Yesu atɛnge i saa anana i ɲu, na wɔ se i ka, “M koro. Nya laifiɛ.” Na kokobi n akaba ayaki sɔnɔ n na wɔ nya laifiɛ. ⁴ Dɔ na Yesu ase i ka, “Má a se ka a se be ahin jɔrɛ ni, ama, kɔ na a kɔ fa u ɲu kere Nyɛmɛ sayoowa dɔŋguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minɛm ka a nya u ɲu a.”

Kabo soja kpɛn be yoori Yesu yarada agaya ni

⁵ Saɲga bo Yesu kɔ wuraari Kapenam miɛ kpiri n nu ni, na Romafɔm soja kpɛn be aba asere Yesu jandɛ ka i buka i, ⁶ i ɲa, “M Mibiɛ, m gbɛfɛnɛ da awuru, i saa ni i jaa kɛrɛ awu, i sudi wahara agaya.” ⁷ Na Yesu ase i ka, “M bá na m ma i nya laifiɛ.” ⁸ Na soja kpɛn n ase i ka, “M Mibiɛ, m ti kaan ni be a ba m dika. Ama, haari a ma nɔaniɛ n mmɔɔ, m gbɛfɛnɛ ni nyá laifiɛ. ⁹ Dama mini mmɔɔ ni m tii n wo sɔnɔ saa nu wɔ, na mini gusu nya la m dɛɛ sojam bo m niɛ bu su. Na bo m nya se i ka, ‘Kɔ fɛn,’ na i kɔ, na m se nyiɲga gusu ka, ‘Bra fɛn,’ na i ba. Na m se m akɔɔ n gusu

ka, 'Yo ahin,' na i yo i." ¹⁰ Saɗga bo Yesu tiiri so ni, na wo yo alekutura, na wo se minem bo bu su i su n ka, "Nahore ye m suse am n a, ma nya anu ma sɔno bo i la yarada agaya ka ahin sɔno n nusu, haari fa saɗga ni Yisarelifom mmoo. ¹¹ M suse am wo lee, ka, minem beberebe fite durunya n wie afiiri, ni wie atoori kere, na bere, ni Abraham, ni Izaki, ni Jakobu ba saɗga tana Nyeme femeya n nu, na bu di na bu nu. ¹² Ama, na minem n bo ma i ti ye ni ka bere wo Nyeme femeya n nu ni, na Nyeme fa bu tu awosin nu. Do na bu sun, na bu kan bu saa." ¹³ Na Yesu anya ase soja kpien n ka, "Ko awuru. Kobo a yo yarada ni, i yo so ma u a." Na soja kpien n gbefene n anya laifie, nyini saɗga n bo Yesu fa jooori ni.

Kabo Yesu tuntunri tukpakifom beberebe Petoro dika ni

¹⁴ Saɗga bo Yesu wuraari Petoro dika n na wo nu ka Petoro sibara da soro, i la ma i nu, yakoko abo i. ¹⁵ Na Yesu aso i saa nu, na yakoko n ayaki i, na bara n ayasu, na wo ko ayo diire ama i.

¹⁶ Nyini cen n naaso, na ba fa minem beberebe n bo ajinim wo bu nu ni, aba Yesu do. Na wo ma ajinim noo na ba fite, na wo tuntun tukpakifom na bu kere anya laifie. ¹⁷ I yoori so, na nonie n bo Nyeme nonie kanfo Esaya yo jooori i n yo yiiwa wo, i na, "Na wo de ya afite ya torem, ni ya tukpaki kere nu."

Minem bo bu koro ka bu su Yesu su n jore

¹⁸ Saɗga bo Yesu nuuri jama n so ni, na wo se i susufom n ka bu kpie ko kunma kpiri n bukun do. ¹⁹ Na Nyeme nonie kerefo kun aba Yesu do, aba ase i ka, "Ya Kerefo, deke kere bo a ko, m su u su wo." ²⁰ Na Yesu ase i ka, "Naakum la kunmam, na anumam gusu la tierim, ama, mini Adamande Wa n yiri, m la ma m tii daabiri." ²¹ Na i susufom n kun be gusu ase i ka, "M Mibie, ma m du mo ko yo m si sutura ka, na m nya ba su u su." ²² Ama, na Yesu ase i ka, "Woro su m su, na a yaki bo ba wu ni, na bu se bu bengu."

Kabo Yesu kereeri ka i la yiko tara anuma ni nzue ni

²³ Nyini sin na Yesu awura lee nu, na i susufom n asu i su. ²⁴ Bu wo ko su so ni, na anuma bambaka be ayasu nzue n nu, na i subo nzue go lee n nu. Ma lee ni suyi ni nzue wo. Ama, nyini saɗga na Yesu wo daafiri su. ²⁵ Na i susufom n ako atenge i, na ba se i ka, "Ya Mibie, de ya tii ji, ma nyini, ya wu awie." ²⁶ Na wo se bu ka, "Nzu ti ye am soro sere so a? Ambere, am yarada n ti kaan so o." Na wo yasu atien anuma n ni nzue n nu, na dika n kere atara jum. ²⁷ Na ba

yo alekutura, na ba se ka, “Nzu sɔnɔmbiri barasu la ahin, bo aɲuma ni nzue n mmɔɔ de i nɔaniɛ a?”

Kabo Yesu fɔn yiiri ajinim fiteeri mine nnyɔ nbem ɲu ni

²⁸ Saɲga bo Yesu kpiɛeri kunma kpiri n kɔ juuri awɔrɛ n bo bu fere i ka Gadara n ni, na i ni mine nnyɔ nbem ayɛ, bu fite faɲkunmam nu wɔ, ajinim wo bu ɲu. Bu ti tie haari bo be koro nati sin má nyini awɔrɛ n nu. ²⁹ Bu ɲuuri Yesu sɔ ni, na ba tien afere i, bu ɲa, “Nyeme Wa, a koro nzu ya nu fen a? A ba ka a ba ma ya ɲu anyumboro wɔ ka, na saɲga n nya ju, nzen sɛ?” ³⁰ Nyini saɲga afam beberebe wo di su, bu waari má ni bɛrɛ, ³¹ na ajinim n asere Yesu ka, “Nzen a ɲa a fɔn ya fite minem n ɲu, ma ya kɔ fun afam n ɲu.” ³² Na Yesu ase bu ka, “Am kɔ.” Na ba fite ayaki minem ni, na ba kɔ afun afam n ɲu. Dika n nu bɛrɛ, na bu kɛrɛ aɲmati aɔɔɔndi akɔ ato kunma kpiri nzue n nu, na nzue n adi bu. ³³ Afa sasafɔm ni ɲuuri nyini n sɔ ni, na ba ɲmati akɔ miɛ n kunnu akɔ abo ndoori, fa kɔ sa n bo wɔ yo n su. Na ba kan sa kɛrɛ bo i tuuri minem n bo ajinim woori bu ɲu ni. ³⁴ Na miɛ n nufɔm kɛrɛ pepere afite akɔ Yesu dɔ. Saɲga bo bu kɔ ɲuuri i sɔ ni, na ba sere i jande ka i fite bu awɔrɛ n nu.

9

Kabo Yesu tuntunri sɔnɔ bo i saam ni i jaam awu ni

¹ Na Yesu akaaki awura lee n nu, akpie akɔ i bɔsu. ² Dɔ na mine nbem afa sɔnɔ be aba i dɔ, i saam ni i jaam awu. Bu sɔori i ni i dasu kɛrɛ baari a. Yesu ɲuuri kabo bu yoori i yarada n sɔ ni, na wɔ se sɔnɔ n bo i saam ni i jaam awu n ka, “M wa, ma u ahore si, dama ma fa u satie ace u.” ³ Dɔ na Yudaɔm Nyeme nɔaniɛ kerefɔm nbem asunsun bu ahore su ka, “Ahin sɔnɔ n sujɔɔ wura Nyeme ɲgasi nu.” ⁴ Yesu siiri bu sunsunni nu sɔ ni, na wɔ bisa bu ka, “Nzu ti ye am bita sunsunni tie am ahore su a? ⁵ Bɔnɔ ti kekereke a, bo m se ka, ‘Ma fa u satie ace u,’ nzen, ‘Yasu fa u dasu n na a nati’ n a? ⁶ Ama, m kɛrɛ am ka mini Adamande Wa n la yiko durunya n nu bo m fa minem satie ni bu ɲgasi ce bu.” Na wɔ se sɔnɔ n ka, “Yasu fa u dasu n na a kɔ awuru.” ⁷ Na sɔnɔ n ayasu, na wɔ kɔ awuru. ⁸ Saɲga bo jama n ɲuuri nyini n sɔ ni, na ba yo alekutura, na ba kansii Nyeme, kabo wɔ ma minem nyini yiko n ni.

Kabo Yesu fereeri Matio ka i ba su i su ni

⁹ Na Yesu ayasu dɔ akɔ. I wo kɔ su sɔ ni, na wɔ ɲu lampo-defɔ be, bo bu fere i ka Matio, ka i tana i juma yoobiri. Na Yesu ase i ka, “Yasu bra na a ba su m su.” Na wɔ yasu asu i su.

¹⁰ Saɗga bo Yesu wo Matio dika, sudi diire ni, na satieyofom, ni lampodefom beberebe aba Yesu ni i susufom n do, na ba saɗga adi diire. ¹¹ Farasifom ŋuuri nyini so ni, na ba bisa Yesu susufom n ka, “Nzu ti ye am kerefom n ni lampodefom, ni satieyofom saɗga di diire a?” ¹² Na Yesu ati bu jɔjɔwa n na wo bo bu nu ka, “Minem bo bu la laifie n koro má ayirifo, má ka bo bu la má laifie ni koro a. ¹³ Am ko na am ko fiiti Nyeme nonie n nu na am ti i bu, kabo ba kere i ka, ‘M koro anunfo si tara bo am yo yoowa ma m.’ Ma ba má ka m bá fere minem bo bu ŋa bu yo sa bo i ko atin su Nyeme do n wo, ama, m baari ka m bá fere satieyofom wo.”

Kabo Yesu kereeri noo cici jore ni

¹⁴ Na Yohane susufom n aba Yesu do, aba abisa i ka, “Nzu ti ye yere ni Farasifom cici ya noo, ye u dee susufom bere cici má?” ¹⁵ Na Yesu abo bu nu ka, “Am sunsun ka konyayafom koro wo ni ahoresaaki, saɗga bo konyafan n toko wo bu do ni? Ama, saɗga suba bo bu bá yi konyafan n fite bu nu, nyini saɗga n ye bu nyá cici bu noo a.”

¹⁶ Na Yesu akaaki ase ka, “Be koro fa má sanvuin fofore kpa to má tani dawa kunma, nzen i yoori so, sanvuin fofore ni son tani dawa n wo, na i teke i kunma buka su. ¹⁷ I kaaki ti so o bekun ka be koro fa má nzan nyiiwa fangafom go má dundu dawa bebete nu, nzen i yoori so, dundu ni tie wo, na i ka ngbeen, na nzan n kere songi butu. Ama, i ti ye ni ka, bu fa nzan nyiiwa fangafom go dundu fofore biiwa nu wo, na bu fa taka bo pui yo má i.”

Bara tukpakifo be, ni baabara be yiwee jore

¹⁸ Saɗga bo Yesu wo jɔjɔ su so ni, na Yudafom kpien be bo i nie bu tientienbunoo soo n su n aba akutu i nyunu, ase i ka, “M wa baabara awu, jina n nu bere. Bra na a ba fa u saa nana i ŋu, na i nyá ngoo.” ¹⁹ Na Yesu ayasu, na i ni yiri ako, na i susufom n asu su.

²⁰ Do na bara be woori jama n nu, i bita abieeri i afo buru ni nnyo lee bo i kpu na i kpie má. Na wo sakati awura jama n nu Yesu sin, afa i saa akan Yesu tanlee n jaa bu. ²¹ Dama i seeri i kunnu ka, “Haari m fa m saa kaanri i tanlee ni mmoo, m nyá laifie.” ²² Na Yesu akaaki anie anu i, na wo se i ka, “M wa, ma u ahore si. Yarada n bo a yo m ni, yiri ma a nya laifie a.” Dika n nu bere, na bara n anya laifie.

²³ Saɗga bo Yesu ko juuri kpien n dika ni, na wo ŋu see mbie kanfom, ni jamam ka bu wo nanmie su. ²⁴ Na wo se bu ka, “Am fa sin fite, baabara n awu má, wo daafi wo.” Ama, na ba siri i. ²⁵ I fonri jama n kere fite wieeri ni, na wo nya awura soo n bo baabara n da nu n nu, na wo ko atara i saa,

na wɔ yasu. ²⁶ Na nyini labari n abara aye dɔ dɛɛ awɔrɛ n kɛrɛ nu.

Kabo Yesu tuntunri anyinsin nnyɔ nbem na bu ɲuuri asi ni

²⁷ Na Yesu afite bɛrɛ, i sukɔ n na anyinsin nnyɔ nbem asu i su, subo fere i, bu ɲa, “Fɛmɛ Davidi anuma, si ya aɲunfɔ.” ²⁸ Na saɲga bo Yesu kɔ wuraari awuru n nu ni, na anyinsinm n aba i dɔ na wɔ bisa bu ka, “Am yo yarada ka m koro ma am nya laifɛ?” Na ba bɔ i nu ka, “Ɛɛn, ya Mibiɛ, ya yo yarada.” ²⁹ Dɔ na wɔ fa i saa akan bu nyumbaam, na wɔ se bu ka, “Kabo am ayo m yarada ni, i yɔ sɔ ma am.” ³⁰ Na bu nyumbaam n ateke, na ba ɲu asi. Na Yesu abɔbɔ bu ni nahɔrɛ su ka, má bu ma be si sa n bo wɔ yo i ni. ³¹ Ama, na ba kɔ abo ndoori abara aye dɔ dɛɛ awɔrɛ n kɛrɛ nu, fa kɔ sa n bo Yesu ayo i ni.

Kabo Yesu ma bobo be nyaari laifɛ ni

³² Saɲga bo anyinsinm n fite kɔɔri n dɛɛ sin, na mine nbem afa sɔnɔ be aba Yesu dɔ, ajini ayo i bobo wɔ. ³³ Yesu fɔn yiiri ajini n fiteeri sɔnɔ n ɲu wieeri n na wɔ koro ajɔɔ. Na jama n ayo alekutura, na ba se ka, “Ya nya ɲu má ahin sa n be ɲusu cɛɛn be, Yisareli asien n su.” ³⁴ Ama, na Farasifɔm n ase ka, “Ajanim kɛrɛ dɛɛ fɛmɛ ni ma i yiko ye i koro fɔn yi ajanim n a.”

Kabo Yesu siiri jama ni aɲunfɔ ni

³⁵ Na Yesu abara aye miɛ ɲgbingbirim, ni kan kanm n kɛrɛ su, na i sukere minem, bu tientienbunɔɔ sɔɔm n nu, na i sukan labari kpa n fa kɔ Nyemɛ fɛmɛya n su, na wɔ tuntun mine bo tukpaki barasu barasu n kɛrɛ bita bu ni, na ba nya laifɛ. ³⁶ Saɲga bo Yesu ɲuuri jama n na wɔ si bu aɲunfɔ, dama ba di wahara, na bu la má bukafɔ. Bu ti ka nbɔɛm bɔ bu la má sasafɔ ɔ. ³⁷ Na wɔ se i susufɔm n ka, “Fiesu diire n sunnu, ama, bo bu kɔ i tambu n sunnu má. ³⁸ Nyini ti, am sere Mibiɛ n bo i dɛɛ la fie n ka i sunma jumayofɔm na bu kɔ i tambu.”

10

Kabo Yesu yiiri mine buru ni nnyɔ ka bu yo i jaramasam ni

¹ Na Yesu afere i susufɔ buru ni nnyɔm ni, na wɔ ma bu yiko ka bu kɔ sufɔn yi ajanim fite minem ɲu, na bu ma tukpakifɔm barasu barasu kɛrɛ nya laifɛ. ² I jaramasa buru ni nnyɔm n bo i yiiri bu n duma n la Simon, bo bu fere i ka Petoro ni, ni i niɛma Andere, ni Yakobo ni i niɛma Yohane bo bu si la Zɛbedi ni, ³ ni Filipu, ni Batolomeyo, ni Tomasi,

ni Matio bo i ti lampodefo ni, ni Yakobo bo i si la Alafeyo ni, ni Tadayo, ⁴ ni Simon bo i tu ngoni fa ko i asien su ni, ni Yudasi Isikariyoti bo i ba tooi Yesu ni.

⁵ Na Yesu asunma nyini mine buru ni nnyom n na wo ma bu ahin noanie ni, i na, "Ma am ko miem bo bu ti ma Yudafom miem n nu, wara am wura Samariyafom mie be nu. ⁶ Ama, am ko Yisarelifom bo bu ti ka nboem na ba mini n do. ⁷ Am ko na am ko kan Nyeme jore kere bu, na am se bu ka, sanja n adodo bo Nyeme Feme ba nie i minem su. ⁸ Na am ma tukpakifom nya laifie, na am tenge bo ba wu ni, na am ma kokofom nya laifie, na am fon yi ajinim fite minem nu. Kabo ma ma am ahin yiko n na ma de ma pui ni, am gusu yo so n na ma am de pui. ⁹ Ma am se ka am bita nwaa be, haari nwaa kaan mmoo. ¹⁰ Ahin atin n bo am sukoi ni, ma am se ka am bita kuruku, ma am fa tanlee be buka bo am wura i n su, ma am fa gbagbaa, ma am fa kpama, dama jumayofa kere ti ye ni ka bu ma i diire wo."

¹¹ Na wo se ka, "Mie kpiri, wara mie kan kan kere bo am ko wuraari nu, am nienie sono kpa, na am ko wo i do, haari am ba fite mie n nu. ¹² Awuru kere bo am ko suwura nu, am bisa bu dongu, na am se bu ka Nyeme yo bu kisi. ¹³ Nzen nyini awuru n nufom deeru am wofa, am ma nyini kisi n ka bu do, ama, nzen ba de ma am, am kaaki de nyini kisi n bu do. ¹⁴ Sasu bekun, nzen awuru, wara mie bo am ko wuraari nu, na ba de ma am wofa, wara ba soro ma am su ka bu ti am noanie ni, am fite yaki nyini awuru n wara mie ni, na am kponkpon yi am jaa tuturi kere. ¹⁵ Nahore ye m suse am n a, jina ceen, Nyeme cin nyini mie n nufom sui tara Sodom ni Gomora miem n nu satieyofom ni."

Kabo Yesu na bu ba kere i jaramasam wuwuruwa barasu ni

¹⁶ Na Yesu akaaki ase bu ka, "Am ti fen. M susunma am wo lee kabo nboem ko sanja bedim nu barasu ni. Nyini ti, am fa ngonle na am tara am nu ka woom, na am yo am nu benle ka tiwam. ¹⁷ Am si am nu sa, dama mine ba fa am wura joredifom saa nu, na bu fin am ngbere bu tientienbunoo soom n nu. ¹⁸ Mini dee ti, bu cin am wura gominam ni nfemem saa nu. Nyini ma am atin na am di m daani kere bere a, ni bo bu ti ma Yudafom n kere. ¹⁹ Sanja bo bu ba faari am wuraari joredifom saa nu ni, ma am ma am ahore saaki fa ko kabo am ko joko barasu. Nyini sanja n ba juuri, Nyeme ma am noanie ye am joko a. ²⁰ Noanie ni fite ma am do, ama, i fite am Si Nyeme dee Awiewie n do, ye am joko a.

²¹ Gɔrɔm ni niemam bá tɔ bu beɲgu ma bu kpɔfɔm na bu kún bu, na nbaasim tó bu nbaam, na nbaam kéte bu wufɔm ɲu, na bu má minem kun bu wufɔm ni. ²² Mini dɛɛ ti, sɔnɔ kere kpó am. Ama, wɔrɔ kere bo a mindi deerɔ nyini n kere kɔ juuri i awieeri su, Nyeme dé u tii ji. ²³ Saɲga bo bu bá sukere am wuwuruwa miɛ be su, am ɲmati kɔ miɛ nyiɲga su. Nahɔre ye m suse am n a, am koro kan má Nyeme jɔre bara ye má Yisareli miem kere su ka, ye mini Adamande Wa ni kpíe m nyi ba.

²⁴ Sɔnsɔnfɔ tara má i kerefɔ, akɔɔ gusu tara má i mibiɛ. ²⁵ Nzen sɔnsɔnfɔ n ba juuri i kerefɔ n juubiri, i ti ye ni ka i nyunu yi i tii. Na nzen akɔɔ n ba juuri i mibiɛ n juubiri, i ti ye ni ka i nyunu yi i tii. Nzen bu nya fereeri awurufɔbiɛ n ka Belazɛbuli, bo bu kaaki fere i ka Sitana ni, nyini saɲga bu fére i dikafɔm bere kere ka se wɔ lɛɛ?"

Kabo wɔ yo daka ka ya soro Nyeme ɲgumi ni

²⁶ Na wɔ kaaki ase bu ka, "Nyini ti, má am soro sere ni minem. Dama deke be wo má bere bo i wo fieɛwa ɲu na bu bá ɲu má i, deke be gusu wo má bere bo i wo asiri nu na bu bá si má i. ²⁷ Deke kere bo m jɔjɔ seeri am kɔɲgue, wɔ yo daka ka am jɔjɔ i wiɛsu wɔ. Na deke kere bo m tuuri i asuturi am dɔ, wɔ yo daka ka am bo i ndoori na sɔnɔ kere ti i. ²⁸ Má am soro minem bo bu koro kun aɲuniembaa n na bu koro kun má awiewie n ni. Ama, am soro Nyeme bo i koro saaki awiewie n ni aɲuniembaa n kere, cɛɛma sin nu ni. ²⁹ Am si ka njɔrem nnu ɲwaa ti kaan sɔ ɔ, má sɔ? Ama, bu kun n kpein mmɔɔ tó má asiɲgu bo i ti má ya Si Nyeme koroyanu. ³⁰ Haari am tiɲmie kere mmɔɔ bo i wo am tii su ni, Nyeme si i kere nɔ. ³¹ Nyini ti, má am soro sere. Am la anyunuyi Nyeme dɔ tara njɔrem beberebe."

³² Na Yesu akaaki ase bu ka, "Sɔnɔ kere bo i kan kereeri minem ka i ti m susufɔ, mini gusu bá kan kere m Si Nyeme bo i wo aɲgoro n ka i mi ti m dɛɛ wɔ. ³³ Ama, sɔnɔ kere bo i keteeri minem nyunu ka i ti má m susufɔ, mini gusu bá kete m Si Nyeme bo i wo aɲgoro n nyunu ka i mi ti má m dɛɛ."

Kabo Yesu ɲa wɔ fa kpakpaakinu aba barasu ni

³⁴ Na Yesu akaaki ase ka, "Má am sunsun ka ma ba ka m fa tanalaifie ba ma durunya n nufɔm wɔ. Ma ba má ka m fa tanalaifie ba, ama, m faari lue baari a. ³⁵ M baari ka m ba kpura baa ni i si tii wɔ, na m kpura baabara ni i ni tii, na m kaaki kpura baa n ni, ni i wa yi tii, ³⁶ na sɔnɔ dikafɔm káaki i kpɔfɔm.

³⁷ Sɔnɔ kere bo i koro i si, wara i ni tara mini, i ti má ye ni ka i mi wo m dɔ. Na sɔnɔ kere bo i koro i wa baabieso,

wara baabara tara mini, i ti má ye ni ka i mi wo m dɔ. ³⁸ Na sɔnɔ kere bo i sɔ má i yiwee baka jaanu n na i su m su, i ti má ye ni ka i mi wo m dɔ. ³⁹ Sɔnɔ kere bo i ɲa i kpíni i ɲɔɔ busu, i mi bá fun i, ama, na sɔnɔ kere bo i tɔɔri i ɲɔɔ mini dɛɛ ti, i mi nyá ɲɔɔ.”

Kabo sɔnɔ kere bo i deeru Yesu susufɔm wɔfɔ nyá i ɲkato ni

⁴⁰ Na Yesu akaaki ase bu ka, “Sɔnɔ kere bo i de am wɔfɔ, i mi de mini wɔ lɛɛ, na sɔnɔ kere bo i de mini, i mi de yiri bo i sunmaari m wɔ lɛɛ. ⁴¹ Sɔnɔ kere bo i de Nyeme nɔaniɛ kanfɔ ka i ti Nyeme nɔaniɛ kanfɔ n dɛɛ ti, i mi nyá ɲkato kabo Nyeme nɔaniɛ kanfɔ nya i n wɔ, na sɔnɔ kere bo i de sɔnɔ bo i yo sa bo i kɔ atin su Nyeme dɔ, na wɔ de i ka i yo sa bo i kɔ atin su n dɛɛ ti, i mi nyá ɲkato kabo sɔnɔ bo i yo sa bo i kɔ atin su n nya i n wɔ. ⁴² Nahɔre ye m suse am n a, sɔnɔ kere bo i saari nzue niniki kaan sɔ mmɔɔ, maari m susufɔ n bo i ti bu kere kaan n kun, ka i mi ti m dɛɛ susufɔ n ti, i mi nyá i ɲkato.”

11

¹ Saɲga bo Yesu jɔjɔri i susufɔm n dɔ wieeri ni, na wɔ jengbe Galili awɔre n nu mie miem su, sukere minem, na wɔ kan Nyeme jɔre.

Kabo Yohane Nyeme Nzue Biefɔ n sunmaari i susufɔm Yesu dɔ ni

² Nyini saɲga ni, ba nyi Yohane Nyeme Nzue Biefɔ n dan-saraka sɔɔ. Na wɔ ti sam kere bo Kristo Tiidefɔ n suyo bu ni, na wɔ sunma i susufɔm ka bu kɔ bisa i ka, ³ “Wɔɔ ye bu yo seeri ka a bá n a, nzen ya ɲmínda sɔnɔ fɔfɔre be wɔ?”

⁴ Na Yesu abɔ bu nu ka, “Am kpíe am nyi kɔ se Yohane fa kɔ sam bo am ati bu na am aɲu bu ni, ka ⁵ anyinsinm aɲu asi, wɔbukam akoro anati, kokofɔm anya laifíe, asuturim ati asui, minem bo ba wu n atenge, na yaarifɔm gusu akoro ati labari kpa ni. ⁶ Terefiɛ wo minem bo bu yo m yarada na bu la má sika be ni mini n dɔ.”

⁷ Saɲga bo Yohane susufɔm kaaki sukɔ ni, na Yesu ajojo jama n dɔ, fa kɔ Yohane ɲusu jɔre, i ɲa, “Saɲga bo am fite kɔɔri Yohane dɔ, boro kpantain n nu ni, am kɔɔri ka am kɔ ɲu nzu wɔ? Am kɔɔri ka am kɔ ɲu sɔnɔ bo i ti ka barankpaati fofoe bo aɲuma n kankan i wɔ? ⁸ Nzen má nyini, nzu ti ye am kɔɔri a? Am ɲa am kɔ ɲu sɔnɔ bo i wura sutura ɲgbingbiri wɔ? Ai, am si ka minem bo bu wura nyini suturam ni, bu wo nfemem dika a. ⁹ Nzen má nyini, nzu ti ye am kɔɔri a? Am kɔɔri ka am kɔ ɲu Nyeme nɔaniɛ kanfɔ ɔ? Eɛn, m suse am wɔ lɛɛ, ka, am aɲu sɔnɔ bo i tara

Nyeme nɔaniɛ kanfɔ. ¹⁰ Dama Yohane ye bu yo kerɛeri i Nyeme Jɔre Kadasi n nu ka,

'Nyeme ɲa o,

"M dú mɔ sunma m sunmafɔ n na i dú u mɔ,
yiri kó yo u atin n dɔŋgu se u a."'

¹¹ Nahɔre ye m suse am n a, Yohane Nyeme Nzue Biefɔ n la má abenɔgu, bo i tara i durunya n nu. Ama, sɔnɔ kere bo i ti kaan, Nyeme femeya n nu n tara yiri Yohane." ¹² Na Yesu akaaki ase ka, "Fite sanɔga bo Yohane Nyeme Nzue Biefɔ n boori Nyeme jɔre kan n bu ni, fa ba ju ni kisa, ye Nyeme femeya n ɲuuri kekereke a, na minem afa anyumboro ka bu wura nu de i. ¹³ Nyeme nɔaniɛ kanfɔm kere, ni Moyisi du mɔ kerɛeri Nyeme Jɔre Kadasi n nu fa kɔ Nyeme femeya n su ka, ye Yohane nya baari a. ¹⁴ Nzen am yó bu nɔaniem yarada, Yohane la yiri n bo bu yo kerɛeri ka Eliya káaki ba n a. ¹⁵ Bo i koro ka i ti ahin jɔre n bu, i ti ye ni ka i so i sui na i ti."

¹⁶ Na Yesu akaaki ase ka, "Ye m fá nzu fa sunsun kabo nyumafɔ ti a? Bu ti ka nbaatuma kan kanm bo bu tana gɔɔsu wɔ. Na bu sufere bu benɔgu, ¹⁷ bu ɲa, 'Ya kan tere ama am, ama, am abo má kereba. Ya di sɛɛ jue ama am, ama, am asun má.' ¹⁸ Deke bo i ti na m se sɔ n la ka, Yohane ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na ba se ka ajini wo i ɲu a. ¹⁹ Ama, mini Adamande Wa n ba juuri, na m ni mine asanɔga adi, na ya sanɔga anu, na ba se ka, 'Am niɛ, ahin sɔnɔ n yiri, i ti ayaakpirifɔ ɔ, na i nu nzan nahɔre su. Wɔ tara lampodefɔm, ni satieyofɔm danfoya.' Tɔ, minem kere bo bu su Nyeme deɛ alecira n atin n su ni, bu sayoowam kere ka i ti nahɔre a."

Kabo Yesu ɲa miɛ nbem n nufɔm bá ɲu anyumboro barasu ni

²⁰ Miɛm bo Yesu yoori alekutura sam beberebe nu ni, bu minem n akaaki má bu wo, nyini ti, na Yesu akan bu ndie, ²¹ i ɲa, "Amberɛ Korazinfɔm, am bá ɲu anyumboro. Amberɛ Besayidafɔm gusu, am bá ɲu anyumboro. Alekutura sam bo m yo maari am ni, má nzen m yoori bu Tiro ni Sidon miɛ kpirim n nu, má minem n akaaki bu wo dada kere na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n deɛ ti ni. ²² Ama, m suse am wɔ lɛɛ, ka, jina cɛɛn, Nyeme bá cin am sui tara Tiro ni Sidon deɛ satieyofɔm. ²³ Amberɛ Kapenamfɔm gusu, am sunsun ka Nyeme bá ye am su kɔ anɔgoro wɔ? Ai, i bá yo am kaan wɔ, na i fá am cɔɔndi kɔ Yiweefɔm Woobiri nu. Alekutura sam bo m yo maari am ni, má nzen m yoori bu Sodom miɛ kpiri n nu, má kisa, miɛ n toko wo bere haari ni

nyuma. ²⁴ Ama, m suse am wɔ ɔɛɛ, ka, jina cɛɛn, Nyɛmɛ bá cin am sui tara Sodom dɛɛ satieyɔfɔm.”

Kabo Yesu jɔjɔ fa kɔɔri kabo i woowa ti barasu ni

²⁵ Nyini saŋga n na Yesu ase ka, “M Si Nyɛmɛ, wɔɔɔ ti aŋgoro ni asiɛŋgu kɛɛ Mibiɛ a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. ²⁶ M Si, i ti nahɔɛ wɔ, kabo a koroori ka i yo ɔɛɛ.”

²⁷ Na wɔ kaaki ase bu ka, “M Si Nyɛmɛ afa deke kɛɛ awura m saa nu. Be si má Nyɛmɛ Wa ni, má ka i Si Nyɛmɛ si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²⁸ Na wɔ kaaki ase ka, “Amberɛ kɛɛ bo am sɔ sɔɔri nɔnɔɔri n na am afie ni, am bra m dɔ, na m má am ŋumiyi. ²⁹ Am de m sɔɔri ni, na am ma am wo ti kabo m dɛɛ n ti ni, dama m ti benle wɔ, na m yo m ŋu kaan. Mini dɔ ye am nyá ŋumiyi a. ³⁰ Dama kereewa n bo m fa ma am n ti má kekereke, na sɔɔri n gusu bo m fa sɔ am n wo má nɔ.”

12

Kabo Yesu jɔjɔ fa kɔɔri Ŋumiyi cɛɛn jɔɛ ni

¹ Nyini saŋga n na Yesu ni i susufɔm ni sunati sin alembaa fie be nu, Yudaɔm Ŋumiyi cɛɛn ni. Na ahɔɛ ati i susufɔm ni, na ba bubu be akpɛɛɛ. ² Saŋga bo Farasifɔm ni ŋuuri nyini sɔ ni, na ba se Yesu ka, “Niɛ fɛn. Kabo u susufɔm ni suyo ni, Nyɛmɛ nɔɔniɛ kpamaawa n kere ka má be yo sɔ, Ŋumiyi cɛɛn ni.” ³ Na wɔ se bu ka, “Am nya kan má Nyɛmɛ Jɔɛ Kadasi n nu, kabo Fɛmɛ Davidi yo yoori saŋga bo ahɔɛ tiiri i ni i minem na ba si má kabo bu yo ni, nzen sɛ? ⁴ Ahɔɛ n ti, na wɔ kɔ awura Nyɛmɛ Sereebiri Awuru n nu, na wɔ di kpɔɔ n bo ba fa ama Nyɛmɛ ni, na wɔ ma i minem ni be. Ama, am si ka ya dɛɛ atin n su, Nyɛmɛ sayoowa dɔŋguyɔfɔm ŋgumi ti ye ni ka bu di nyini kpɔɔ n a. ⁵ Sasu bekun, am nya kan má Nyɛmɛ Jɔɛ Kadasi n nu, kabo Ŋumiyi cɛɛn n kɛɛ cɛɛn, na Nyɛmɛ sayoowa dɔŋguyɔfɔm ni saaki Ŋumiyi cɛɛn n ciire ni, na bu yo bu yoowam Nyɛmɛ Sereebiri Awuru n nu, na be se má bu pui, nzen sɛ? ⁶ M suse am wɔ ɔɛɛ, ka, deke bo i tara Nyɛmɛ Sereebiri Awuru n wo fɛn. ⁷ Ba kɛɛ i Nyɛmɛ Jɔɛ Kadasi n nu ka, Nyɛmɛ ŋa o, ‘M koro aŋunfɔ si tara bo am yo yoowa ma m.’ Nzen má am si nyini nɔɔniɛ n bu, má am ma má bu di minem jɔɛ cin bu sui, bere bo bu la má ŋgasi be ni. ⁸ Dama mini Adamande Wa ni ti Ŋumiyi cɛɛn n Mibiɛ n a.”

Kabo Yesu tuntuunri sɔɔɔ asaa fuin be Ŋumiyi cɛɛn ni

⁹ Na Yesu ayasu dɔ akɔ awura bu tientienbunɔɔ sɔɔ n nu. ¹⁰ Sɔnɔ asaa fuin be woori dɔ. Na mine nbem akoro ka bu sɔ Yesu nɔɔ na bu jāraki i ka na wɔ saaki Njumiyi cɛɛn n ciire ni. Dɔ na ba bisa i ka, “Atin wo nu ka ya koro ma sɔnɔ nya laifɛ, Njumiyi cɛɛn ni?” ¹¹ Na Yesu abɔ bu nu ka, “Am nu, nma ye i bɔɛ ti kun n kpein ye i toori kunma nɔnɔnɔ nu Njumiyi cɛɛn n ye i mi wúra yi má i a?” ¹² Adamande tara bɔɛ fieo. Nyini ti, ya dɛɛ atin n su, atin wo nu ka ya yo sakpa Njumiyi cɛɛn ni.” ¹³ Na wɔ nya ase sɔnɔ n ka, “Tenɔge u saa ni.” Na wɔ tenɔge i saa ni, na i saa n ayo fanɔa bekun ka nyinga ni. ¹⁴ Dɔ na, Farasifɔm n afite akɔ asese bu nju su, kabo bu yó na bu kun Yesu.

Kabo amusuisufɔ n bo Nyeme ayi i n ti barasu ni

¹⁵ Saɔga bo Yesu siiri nu sɔ ni, na wɔ yasu bere. Na jama beberebe asu i su, na wɔ ma bu tukpakifɔm kere anya laifɛ. ¹⁶ Na wɔ bobɔ bu ka, má bu ma be si i sɔnɔ nzuin nu. ¹⁷ I yoori sɔ, adena kabo Nyeme nɔaniɛ kanfɔ Esaya yo jɔjɔri n yo yiiwa a, i nja,

¹⁸ “Nyeme nja o,

‘M amusuisufɔ bo ma yi i ka i yo m sa koroowa n yaa.

Yiri ye m koro i a, m ahore ajo i nju.

M má m Awiewie n ba wura i nju.

Na i kó kan kere durunya n nufɔm kere

kabo m nahore atin n ti barasu.

¹⁹ I ni be sé má akuruwa, wara i tientien má.

I káaki yo má nanmie atingberem su.

²⁰ I búbu má janja wura bo wɔ biri,

na i nó má fitana bo i je má nyunyumi.

I wó bere sɔ

haari na m nahore atin n bá kunma deke n kere.

²¹ Na durunya n nufɔm kere bá ti i duma ni,

na bu yó i tama.’ ”

Kabo Farasifɔm tuunri Yesu nzuin ka i ni Sitana dɛɛ ti kun ni

²² Nyini sin na ba fa sɔnɔ be aba Yesu dɔ, ajini ayo i anyinsin ni bobo wɔ. Na Yesu ama wɔ nya laifɛ, na wɔ koro ajojɔ, na wɔ nju asi. ²³ Na minem kere ayo alekutura, na ba bisa bu nju nu ka, “Feme Davidi anuma n lee, nzen se a?” ²⁴ Ama, Farasifɔm tiiri sɔ n na ba se ka, “Belazebuli bo i ti ajinim kere dɛɛ feme ni, yiri ngumi ma ahin sɔnɔ n yiko dɛɛ ti, ye i koro fon yi ajinim n a.”

²⁵ Yesu siiri bu sunsunni n sɔ n na wɔ se bu ka, “Femeya kere bo i nya kpakpaakiiri nu wieeri, nyini femeya ni ká nɔnɔ wɔ. Awuru, wara mie kere gusu bo i nya kpakpaakiiri nu wieeri, nyini awuru, wara mie ni sáandi wɔ.

²⁶ Nyini ti, nzen má Sitana bo i ti ajinim kere femε n nya fɔn i ajinim fite minem ηu, má nyini kere ka ba kpakpaaki nu læε. Ye i yó sε ye i femεya ni kóro jina a? ²⁷ Tɔ, ye nzen am ηa Belazεbuli maari m yiko, ye m fa fɔn yi ajinim a, ye ηma maari am dεε minem ni yiko ye bu bita fɔn yi bu n a? Nyini ti, kabo am minem yoori ni, nyini kere ka am la má nahɔrε. ²⁸ Ama, Nyεmε dεε Awiewiε ni ma m yiko ye m fa fɔn yi ajinim a. Nyini n kere ka Nyεmε Femε wo am nu suniε i minem su læε.

²⁹ Bekun, i bá yo sε ye be koro wura sɔnɔ fangafɔ dika na i fin i nenje a, má ka wɔ tara i fangafɔ acin i nyama ka? Nyini sin na i nyá koro fin i nenje bo i wo awuru n nu.

³⁰ Sɔnɔ kere bo i jina má m sin, i mi ti m kpɔfɔ ɔ. Na sɔnɔ kere gusu bo i buka má m na ya tien minem nɔɔ, i mi sandi minem wɔ. ³¹ Nyini ti, m suse am wɔ læε, ka, Nyεmε koro fa minem satie kere fa ce bu, haari fa kɔ sanja ni jɔrε ηgbεenηgbεen kere bo bu jɔjɔri i fa kɔ Nyεmε dɔ, ama, sɔnɔ kere bo i jɔjɔ wuraari Awiewiε Casi ni ηgasi nu, Nyεmε fá má i mi ηgasi ce má i. ³² Sɔnɔ kere bo i jɔjɔ wuraari mini Adamande Wa ni ηgasi nu, Nyεmε fá i mi ηgasi ce i. Ama, sɔnɔ kere bo i jɔjɔ wuraari Awiewiε Casi ni ηgasi nu, Nyεmε fá má i mi ηgasi ce má i, fite kisa haari fa kɔ fa ba.”

Kabo Yesu ηa ya fa minem woowa fa si kabo bu ti ni

³³ Na Yesu akaaki ase bu ka, “Baka kere bo i nya ti kpa, su suuwa kpa a, na baka kere gusu bo i nya ti má kpa, su suuwa tietie wɔ. Dama baka kere suuwa, ye a fa si kabo i ti a. ³⁴ Amberε burukɔɔnufɔm ka woom ni, kabo am ti satieyofɔm sɔ ni, am yo sε koro yo sakpa bekun a? Dama dekem n bo am sunsun bu am ahore su n ye am jɔjɔ bu a. ³⁵ Sɔnɔ kpa ni i deke kpa kere bo i bita i, fa sakpa ba a. Na sɔnɔ tie gusu ni i deke tie bo i bita i, fa satie ba a. ³⁶ M suse am wɔ læε, ka, jina cεen, Nyεmε dí sɔnɔ kere jɔrε fa kɔ jɔrε ηgbεenηgbεen kere bo i yo jɔjɔri i. ³⁷ Dama u nɔanie jɔjɔowa má a fite nu a, na u nɔanie jɔjɔowa gusu má bu di u jɔrε cin u sui a.”

Kabo Yesu keteeri ka i yó má alekutura sa bo bu koro i ni

³⁸ Na Nyεmε nɔanie kerefɔm, ni Farasifɔm nbem ase Yesu ka, “Ya Kerefɔ, ya koro ka a yo alekutura sa be kere ya na ya ηu i.” ³⁹ Na Yesu ase bu ka, “Amberε nyumafɔ, satieyofɔm bo am su má Nyεmε ni, ye am koro ka m yó alekutura sa be na am niε a? Ai, m yó má alekutura sa be na am ηu i fieo, má ka alekutura sa n bo Nyεmε yo yoori i maari i nɔanie kanfɔ Jona ni ηgumi. ⁴⁰ Dama kabo Jona yo woori jombaa bambaka be kunnu kɔ juuri lesan, kɔngue ni wiesu ni, sɔ

ye mini Adamande Wa ni bá wo asien n bu kɔ ju lesan, kɔŋgue ni wiesu a. ⁴¹ Jona yo kaanri Nyeme jɔre kereeri Ninevafɔm na ba kaaki bu wo. Jina cɛen, bere bá yasu jina na bu járaaki ambere nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo. ⁴² Feme bara be yo fiteeri haari i bɔsu Seba wɔ, na i bá ti Feme Solomon dɛe alecira jɔjɔwa nɔaniɛ ni. Jina cɛen, yiri bá yasu jina na i járaaki ambere nyumafɔm nahɔre su, dama kisa, m suse am wɔ ka, mini tara Feme Solomon, ama, am ade má m nɔaniɛ ni.”

Kabo ajini bá kaaki ba i woobiri dawa na i ti barasu ni

⁴³ Na Yesu akaaki ase bu ka, “Nzen ajini nya fite yakiiri sɔnɔ, i kɔ jengbe bara ye boro kpantain nu wɔ, deke bo nzue wo má, na i kɔ niɛniɛ woobiri bo i tana yi i nɔmi. Nzen wɔ nya má woobiri, ⁴⁴ nyini saŋga, a ti ka i ŋa, ‘Ma m kpie m nyi kɔ m woobiri dawa ni.’ Na i kaaki kɔ, i kɔ ŋu ka ba kpára dika n nyunyumi, asese deke kere su, be wo má nu. ⁴⁵ Na i nyá kɔ fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini saŋga, a ŋu ka sɔnɔ n woowa ayo tie atara kabo i yo ti dawa ni. So ye i bá yo ma ahin nyumafɔm bo bu satieyo asunnu n a.”

Minem bo bu ti Yesu ni, ni i ninbaam nahɔre su n jɔre

⁴⁶ Yesu toko wo minem dɔ jɔjɔ su ni, na i ni, ni i niemam aba aka ajina dasin, na ba se ka bu koro ka bu jɔjɔ i dɔ ɔ. ⁴⁷ Na minem ni kun ase i ka, “Ti fen, u ni, ni u niemam jina dasin koro ka bu jɔjɔ u dɔ.” ⁴⁸ Sɔnɔ n seeri i sɔ wieeri ni, na Yesu ase i ka, “Ma m kere u bo bu ti m ni, ni m niemam.” ⁴⁹ Na wɔ fa i saa akere i susufɔm ni, na wɔ se ka, “Nie fen. M ni, ni m niemam n yaa. ⁵⁰ Dama sɔnɔ kere bo i yo m Si Nyeme bo i wo aŋgoro n dɛe sa koroowa, yiri ti m siwa, ni m niwa, ni m ni a.”

13

Miɛenu fa kɔ kabo dɔdɔrifɔ be sandiiri alembaa ni

¹ Nyini cɛen n na Yesu afite awuru n nu ako atana Galili kunma kpiri n nɔɔ su, ka i kan Nyeme jɔre kere jama ni. ² Na jama beberebe atien bu nɔɔ i dɔ. Bu sunnuuri beberebe sɔ n dɛe ti, na wɔ wura lee nu atana, na bere aka ajina nzue n nɔɔ su. ³ Na wɔ bo miɛenum na wɔ kere bu dekem beberebe. I ŋa, “Dɔdɔrifɔ be fiteeri sɔ ɔ, ka i kɔ sandi alembaa. ⁴ Saŋga bo i wo sandi su ni, na alembaa ni nbem atɔtɔ atin n nɔɔ, na anumam aba atambu bu ami. ⁵ Na nbem atɔtɔ tieka su, deke bo fa sunnu má ni, fa n sunnu má n dɛe ti, wɔ ce má, na wɔ fi, ⁶ ama, wie ba fiteeri agaya ni, na ba waandi, dama bunlui n akpama abi má. ⁷ Na alembaa ni

nbem atoto lolɔe nu, na lolɔe n anyi akata bu ɲu. ⁸ Ama, na alembaa ni nbem atoto asien kpa su, na wo nyi awura mbaa zoi zoi.” ⁹ Na Yesu ase bu ka, “Bo i koro ka i ti ahin jore n bu, i ti ye ni ka i so i sui na i ti.”

Deke bo i ti na Yesu boori bu miɛnu n ni

¹⁰ Nyini sin na i susufom n aba i do, aba abisa i ka, “Nzu ti ye a nya ba ɲa a jojo minem do, a bo bu miɛnu a?” ¹¹ Na Yesu abo bu nu ka, “Amberɛ ye Nyeme ma am asi i femeya n nu asiri jore kere a, ama, bere bo ba ka ni, i ma bu si ma i. ¹² Dama sono kere bo wo nya deke be Nyeme do na i mi si i bita, Nyeme buka i su wo, na i nya beberebe, ama, bo i si ma i bita, haari ni nyini kaan n bo i la i ni, Nyeme de i do o. ¹³ Deke bo i ti na m bo bu miɛnu n la ka, bu nie wo, ama, bu ɲu ma pui. Bu so bu sui wo, ama, bu ti ma deke n bo bu so bu sui ka bu ti i n bu. ¹⁴ Bu ti so n deɛ ti, ye Nyeme noanie kanfo Esaya yo jojo niiri bu n a, i ɲa,

‘Nyeme ɲa o,

Am so am sui ni nahore su,

ama, am ti ma deke bo am so am sui

ka am ti i n bu.

Am kaaki nie ni nahore su,

ama, am ɲu ma pui.

¹⁵ Dama ahin minem tii ti kekereke,

ba to bu sui na ma bu ti,

ba kata bu nyumbaa na ma bu ɲu.

Ma nyini, bu nyumbaa ɲu i wo,

na bu sui ti,

na bu si bu ahore su,

na bu kaaki bu wo,

na m ma bu nya laifie.’

¹⁶ Ama, amberɛ la terefie, dama am ɲu asi, na am kaaki ti asui. ¹⁷ Nahore ye m suse am n a, Nyeme noanie kanfom ni minem beberebe bo bu yo sa bo i ko atin su Nyeme do n kere koroori ka bu ɲu deke bo am ɲu i ni, ama, ba ɲu ma i, na ba koro ka bu ti deke bo am ati i ni, ama, ba ti ma i.”

Kabo Yesu kereeri miɛnu n bu fa ko dodoorifo n su ni

¹⁸ Na Yesu ase i susufom ni ka, “Am so am sui, na m se am miɛnu n bu, fa ko dodoorifo n bo i sandiiri alembaa n su. ¹⁹ Nbem de Nyeme noanie n fa ko i femeya n su kabo alembaa n totoori atin noo n wo. Bu nya tiiri Nyeme noanie n na bu ti ma i bu, i ce ma, na Sitana bo i ti sono tie ni, ba yi noanie n fite bu ahore su, a ɲu ka bu wara afi i sa. ²⁰ Nbem gusu de Nyeme noanie n kabo alembaa totoori tieka su n wo. Bu nya tiiri Nyeme noanie ni, a ɲu ka ba de i ndende ni ahorejo, ²¹ ama, i da ma bu ahore su. Bu kaaki ti ka alembaa n bo bu bunlui akpama abi ma n wo. I woori bu do kaan

sɔ, na nzen wahara, wara kekereke be ba tuuri bu, fa kɔ bu Nyeme su n su, a ŋu ka ba fa ati. ²² Nbem gusu de Nyeme nɔaniɛ n kabo alembaa n tɔtɔɔri lolɔɛ nu n wɔ. Bu nya tiiri Nyeme nɔaniɛ ni, a ŋu ka bu sunsunni kere wo deke bo bu yɔ na bu asiri káta su, na bu koro kabo bu yɔ na bu nyá ajeke kere, na bu ahore bi fa kɔ durunya n nu nen gem su, na Nyeme nɔaniɛ n koro da má bu ahore su na i yo juma. Bu ti ka alembaa n bo i wura má mbaa n wɔ. ²³ Ama, nbem de Nyeme nɔaniɛ n kabo alembaa n tɔtɔɔri asien kpa su n wɔ. Bu nya tiiri Nyeme nɔaniɛ ni, na bu de i, na bu fa yo juma, na i yo kperɛ beberebe.”

Miɛnu fa kɔ wura mbaa fiwa ni

²⁴ Na Yesu abo bu miɛnu be bekun. I ŋa, “Kabo Nyeme femɛ bá niɛ i minem su yaa. Sɔnɔ be kɔ sandiiri nvonɛ i fiesu a. ²⁵ Cɛɛn n be kɔŋgue n sɔ ɔ, saŋga bo sɔnɔ kere ada adaafi ni, na i kpɔfɔ be anya ayasu akɔ afa jaŋmɔŋgu nvonɛ asandi nvonɛ fie n nu. ²⁶ Saŋga bo nvonɛ n ba fi suko nyinse ni, na jaŋmɔŋgu nvonɛ n gusu atu asaŋga nvonɛ kpa n nu. ²⁷ Na awurufɔbiɛ ni akɔom aba i dɔ, aba ase i ka, ‘Ya mibiɛ, m ŋa ya sandiiri nvonɛ kpa fie n nu e. Ye jaŋmɔŋgu nvonɛ n fiteeri ni, kɔ saŋgaari nu a?’ ²⁸ Na wɔ bɔ bu nu ka, ‘M kpɔfɔ be kɔ yoori nyini a.’ Na i akɔom n abisa i ka, ‘Ye a koro ka ya kɔ tutu jaŋmɔŋgu nvonɛ n butu wɔ, nzen se a?’ ²⁹ Na wɔ bɔ bu nu ka, ‘Am yaki i, dama nzen am ŋa am tutu jaŋmɔŋgu nvonɛ ni, am sáŋga tutu i ni nvonɛ kpa n kere wɔ. ³⁰ Am ma bu kere saŋga nyi, haari nvonɛ n kpɛ bá ju. Nyini saŋga na m nya se nvonɛ kpɛfɔm ni ka bu kpɛ i kere na bu cin wɔrɔ jaŋmɔŋgu nvonɛ n tien i nɔɔ yara i ka. Nyini saŋga na bu nya tien nvonɛ kpa ba gɔ m bondo nu.’ ”

Miɛnu fa kɔ alembaa kaan be jɔre su

³¹ Na Yesu abo bu miɛnu be bekun. I ŋa, “Kabo Nyeme femɛya n ti yaa, i ti ka alembaa kaan kabo nyem mbaa ti n wɔ, bo sɔnɔ be dɔɔri i fiesu ni. ³² Yiri ti alembaam kere kaan, ama, bu nya ba dɔɔri na i fiiri, i tara toro nyawam n kere bambaka, i koro nyi na i teterɛki asambaam bo anumam koro yo bu tiɛrim su.”

Miɛnu fa kɔ kpɔnɔ ayiri n su

³³ Na Yesu akaaki abo bu miɛnu be bekun. I ŋa, “Kabo Nyeme femɛya n ti yaa, i ti ka ayiri bo bu fa gɔ kpɔnɔ samɛnɛ nu na i yasu ni, na bara be fa gɔɔri samɛnɛ beberebe nu, na i kere yasuumi n wɔ.”

Deke bo i ti na Yesu boori nyini miɛnum ni

³⁴ Ahin n kere, Yesu boori jama n miɛnu wɔ. Nahɔre, i se má bu pui, má ka miɛnu ye i bo bu a. ³⁵ I yoori sɔ, adena nɔanie n bo Nyeme nɔanie kanfɔ n yo jɔjɔri n yo yiiwa a. I ɲa,

“Nyeme ɲa o,

‘M bó bu miɛnu wɔ,

na m má bu si deke n bo ba si má i,

fite haari durunya n bumboori ni.’ ”

Kabo Yesu kereeri wura mbaa fiiwa n miɛnu n bu ni

³⁶ Saɲga bo Yesu cin yakiiri jama n na i kɔ wuraari awuru n nu ni, na i susufɔm n aba i dɔ, aba ase i ka, “Ya koro ka a yi jaɲmɔŋgu n voni n deɛ miɛnu n bu kere ya.” ³⁷ Na wɔ bɔ bu nu ka, “Sɔnɔ n bo i sandiiri n voni kpa n la mini Adamande Wa ni. ³⁸ Fie n la durunya ni, na n voni n la minem bo bu fa Nyeme yo bu femɛ ni. Na jaɲmɔŋgu n voni n la Sitana deɛ minem ni. ³⁹ Ye kpɔfɔ n bo i fa jaɲmɔŋgu n voni n saɲga n voni kpa n nu n la Sitana. N voni kpie saɲga n la durunya n awieeri, ye n voni n kpiefɔm la Nyeme merɛkem ni. ⁴⁰ Kabo bu tientieɛnri jaɲmɔŋgu n voni n nɔɔ, na bu yaraari i ni, sɔ ye i bá yo durunya n awieeri a. ⁴¹ Mini Adamande Wa ni súnma Nyeme merɛkem, na bu bá tambu yi satieyofɔm kere, ni deke kere bo i wura minem konvi na bu yo satie. ⁴² Na Nyeme merɛkem ni fá bu tu cɛema sin nu, dɔ na bu sún, na bu kán bu saa. ⁴³ Na bo bu yo Nyeme sa koroowa n yiri nya yo wein ka wie, bu Si Nyeme femɛya n nu. Bo i koro ka i ti ahin jɔre n bu, i ti ye ni ka i so i sui na i ti.”

Miɛnu fa kɔ ajeke n bo bu fundu seeri n su ni

⁴⁴ Na Yesu akaaki abo bu miɛnu be bekun. I ɲa, “Kabo Nyeme Feme nie i minem su yaa, i ti kabo sɔnɔ be kɔ ɲuuri ajeke be, bo ba fundu i ase fie be nu n wɔ. I ɲuuri i sɔ n na wɔ kaaki akata su, na ahorejɔ aba i dɔ agaya, na wɔ kɔ ato i neɲge kere bo i la i ni, na wɔ kpie i nyi aba ato nyini asien ni.”

Miɛnu fa kɔ afere fofoe be bo i la anyunuyi agaya n su ni

⁴⁵ Na Yesu akaaki ase ka, “Bekun, kabo Nyeme Feme nie i minem su yaa, i ti kabo watafɔ be bo i nati niɛniɛ afere fofɔem bo bu la anyunuyi agaya na i to n wɔ. ⁴⁶ Saɲga bo i ba kɔ ɲuuri be bo i la anyunuyi na i la gɔ agaya ni, na wɔ kɔ ato i neɲge kere, na wɔ fa ato i.”

Miɛnu fa kɔ jombaa tarafɔm diɛndie su ni

⁴⁷ Na Yesu akaaki ase ka, “Bekun, kabo Nyeme Feme nie i minem su yaa, i ti ka diɛndie be bo bu fa sandiiri nzue nu, na bu taraari jombaa barasu barasu kere n wɔ. ⁴⁸ Saɲga bo diɛndie n yiiri ni jombaam ni, na ba cin i afite kperɛ

su, na ba tana ka bu yi yi jombaam ni. Bo bu nya ŋuuri ka bu ti kpakpam ni, na bu fa bere ji bu jombaa tara botom nu. Na bu nya fa bo bu ti má kpam fikindi tu. ⁴⁹ I bá yo so o, durunya n awieeri, Nyeme má i merkem ni nati ba yi satieyofom n fite bo bu yo sa bo i ko atin su Nyeme do nu, ⁵⁰ na i fa satieyofom ni tu cema sin nu. Do na bu sun, na bu kan bu saa.”

Mienu fa ko nenje fofore ni nenje dawa su ni

⁵¹ Na Yesu abisa bu ka, “Am ati ahin mienu n kere bu?” Na ba bo i nu ka, “Ya ti i bu.” ⁵² Na Yesu ase bu ka, “To, sono kere bo i kere Nyeme noanie ni, na i siiri kabo Nyeme Feme atin ti barasu, i mi ayo ka awurufobie bo i yi i nenje fofore ni i nenje dawa fite i nenje woobiri soo n nu, na i fa ma minem wo.”

Kabo Yesu na Nyeme noanie kanfo la ma jirima i bosu ni

⁵³ Sanga bo Yesu boori nyini mienu kere ko wieeri ni, na wo yasu dika n nu do. ⁵⁴ Na wo kpie i nyi ako i bosu. Na wo kan Nyeme jore akere minem, bu tientienbunoo soo n nu. Na bo bu tiiri i kereewa n kere ayo alekutura. Na ba bisa bu ŋuŋu nu ka, “Nifansu ye ahin sono n nyaari nyini Alecira n ni yiko koro yo nyini alekutura sam n a? ⁵⁵ Má kampa n wa n lee? Má i ni la Mariya a? Má Yakobo, ni Yosefu, ni Simon, ni Yudasi n goro n lee? ⁵⁶ Am nie e. Má i niema nbaram kere wo ya nu fen n a? Ye nifansu ye ahin sono n ko sonsoonri i si n kere a?” ⁵⁷ Na ba bu i ngbeen. Na Yesu ase bu ka, “Deke n kere bu ma Nyeme noanie kanfo jirima a, ma ka i bosufom, ni i gisannufom ngumi do.” ⁵⁸ I bosufom ayo ma i yarada n dee ti, wo yo ma alekutura sam beberebe do.

14

Kabo bu kuunri Yohane Nyeme Nzue Biefo n barasu ni

¹ Nyini sanga ni, na Feme Herode ati Yesu nga. ² Na wo se i nkpienkpienm bo bu wo i nyunu n ka, “Yohane Nyeme Nzue Biefo n lee, ye wo tenge i yiwee n nu a, nyini ti ye i la yiko koro yo nyini alekutura sam kere a.” ³ Feme Herode yo ma bu taraari Yohane nyiiri i wo, dama yiri Feme Herode yo fiinri i goro Filipu yi Herodiya jaari wo. ⁴ Má pui ti, Yohane yo seeri Feme Herode ka, “Nyeme noanie kpamaawa n kere ka a la ma atin ka a fa u goro yi ja i ngoo su.” ⁵ Má Feme Herode yo kooro ka i kun Yohane wo, ama, i soroori Yudafoam jama n wo, dama ba se ka Yohane ti Nyeme noanie kanfo o. ⁶ Na Feme Herode baawu ceenkpiri di ceen, na Herodiya wa sunnguru ago agore feme ni i jama n

kere nyunu, na feme n ahore ajo. ⁷ Nyini ti, na wo tan ndie ase sunguru n ka, “Deke kere bo a koro, se m, na m ma u.” ⁸ Na sunguru n ni ase i ka i ko se ka i koro Yohane Nyeme Nzue Biefo n tiawa a. Na wo ko ase feme n ka, “M koro ka na a fa Yohane Nyeme Nzue Biefo n tiawa ma m perente nu kisa kisa.” ⁹ Feme n tiiri so ni, na i ahore asaaki, ama, ndie n bo i taanri i jama n nyunu n dee ti, wo koro akaaki ma i noo. Na wo ma noo ka bu yo sunguru n koroowa ma i. ¹⁰ Nyini ti, na wo ma bu ako akpie Yohane tii dansaraka soo n nu do. ¹¹ Na ba fa i tiawa n ada perente n nu, aba ama sunguru ni, na yiri gusu afa ako ama i ni. ¹² Na Yohane susufom n aba afa fuin n ako ase i, na ba ko ama Yesu labari.

Kabo Yesu maari nbiesom akpii nnu ni bu minem diire ni

¹³ Yesu tiiri Yohane n jore labari n so ni, na wo fa lee ako deke bo mine n wo ma, i ni i susufom ngumi. Minem tiiri so ni, na ba fite mie miem su anati bu jaa su, asa i su. ¹⁴ Sangga bo Yesu ko fiteeri lee n nu ni, na wo nu jama beberebe, na wo si bu anunfo, na wo ma tukpakifom bo bu woori do n anya laifie. ¹⁵ Nyini ceen n naaso sangga, na i susufom n aba i do, aba ase i ka, “Kisa wie ato, ya wo boro gusu wo lee. Ma minem n atin na bu ko mie kunnu, na bu ko nya diire be to di.” ¹⁶ Na Yesu ase bu ka, “I ti ma deke bo bu ko pui, ambere mmoo ni am tii nya deke be ma bu na bu di.” ¹⁷ Na ba se i ka, “Deke bo ya la i fen n kere ti kpono nnu wo, ni jombaa nnyo.” ¹⁸ Na wo se bu ka, “Am fa bu ba ma m fen.” ¹⁹ Na wo ma minem noo ka, bu tantana wura fiefiewa n su. Na wo fa kpono nnu ni, ni jombaa nnyo ni, na wo ye i tii su angoro na wo da Nyeme asi. Na wo nya akpiekpie kpono n nu afa ama i susufom ni, na bere gusu afa ama minem ni. ²⁰ Na sono kere adi, na bu kunnu ayi. Na i susufom n atambu kpono ni jombaa sinsin n bo bu diiri na i kaari ni, na ba nya kandie buru ni nnyo. ²¹ Minem bo bu diiri kpono n ni jombaa n kere ko yasuuri nbiesom akpii nnu wo, ba kan ma nbaram ni nbaatumam awura ma nu.

Kabo Yesu natiiri nzue su ni

²² Nyini sin na Yesu ama i susufom n awura lee n nu na bu du i mo kpie ko kunma kpiri n buekun, na yiri aka na i kaari jama ni. ²³ I kaariiri jama n wieeri ni, na wo fun ako kperere be su i ngumi ka i ko sere Nyeme. Haari wie ba tooori kere, i toko wo do i ngumi. ²⁴ Nyini sangga na lee n yiri wo nzue n afien dede do, na nzue nyama sukpara i, dama anuma sun bu ko bu sin wo. ²⁵ Na fa ko akonyuma ciciri su, na wo nati nzue n su suba bu do. ²⁶ Sangga bo bu nuuri ka i nati nzue n su ni, na sere ati bu agaya, bu na, “Njumi lee o.” Na ba bo awie, sere n dee ti. ²⁷ Kpennga na Yesu ajojo bu do,

na wɔ se bu ka, “Am ma am ahore si, mini a, má am soro sere.”

²⁸ Na Petoro ase i ka, “M Mibiε, nzen i ti wɔɔ nahɔre su a, se m ka m nati nzue n su bra u dɔ.” ²⁹ Na Yesu ase i ka, “Bra.” Na Petoro afite lee n nu sunati nzue n su sukɔ Yesu dɔ. ³⁰ Ama, sanɔa bo i ŋuuri ka aɔuma ni sukpie agaya sɔ ni, na sere akaaki ati i, kpenɔa i suwura nzue n bu. Na wɔ bo awie ase ka, “M Mibiε, de m tii ji.” ³¹ Kpenɔa na Yesu alaandi i saa aso i nu, na wɔ se i ka, “Wɔɔ, u yarada n ti kaan sɔ. Nzu ti ye u sunsunni ti nnyɔ nnyɔ a?” ³² Na bu nnyɔ n kere awura lee n nu, na aɔuma n atara. ³³ Na i susufɔm bo bu wo lee n nu n kere akansi i, bu ŋa, “A ti Nyeme Wa a, nahɔre su.”

Kabo Yesu ma tukpakifɔm beberebe nyaari laifɛ ni

³⁴ Na ba kpie nzue n aba aju awɔre n bo bu fere i ka Genesareti ni. ³⁵ Na dɔfɔm asi ka Yesu lee, na ba sunma ako ase awɔre n nufɔm kere, na ba fa tukpakifɔm kere aba Yesu dɔ, ³⁶ na ba sere i jande ka i ma bu fa bu saa kan i tanlee n jaa bu. Na bo bu yoori sɔ n kere anya laifɛ.

15

Yudafɔm nana sayoowa jɔre

¹ Na Farasifo nbem, ni Yudafɔm Nyeme noanie kerefɔm afite Yerusalem mie kpiri n nu aba Yesu dɔ, aba abisa i ka, ² “Nzu ti ye u susufɔm n akete ya nam sayoowa n a? Dama bu ŋmisi má bu saa ka, na bu nya di diire.” ³ Na Yesu abɔ bu nu ka, “Nzu ti ye am akete Nyeme noanie maawa n ye am su am dee sayoowam su a? ⁴ Dama Nyeme ama nɔɔ ka, ‘Bu u si, ni u ni.’ Ye wɔ kaaki ase ka, ‘Sɔnɔ kere bo i jɔjɔri i si, ni i ni jɔre tie, wɔ yo daka ka bu kun i mi.’ ⁵ Ama, ambere kere ka nzen sɔnɔ be la deke be bo i ti ye ni ka i fa buka i si, ni i ni, i koro se bu ka, ‘Deke bo má m ŋa m fa ma am ni, ma fa ayi saraka ama Nyeme.’ ⁶ Am suse ka i mi koro kpie i si, ni i ni n nyini deke n lee. Nyini n kere ka am abu Nyeme dee noanie ni ŋgbeen lee, ye am su am dee sayoowam n su a. ⁷ Ambere burukɔɔnufɔm ni, nahɔre ye Nyeme noanie kanfo Esaya yo kaanri am jɔre n a. Wɔ kere i kadasi n nu ka, Nyeme ŋa o,

⁸ ‘Ahin minem ni, bu ma m jirima bu nɔɔ nu bere wɔ, ama, i wo má bu ahore su.

⁹ Bu kansi m ŋgbeen wɔ, dama bu kere mine adamande dee kereewam wɔ, na bu se ka nyini kereewa n fite Nyeme dɔ o.’ ”

Kabo Yesu ŋa diire diiwa koro yo má sɔnɔ fin ni

¹⁰ Na Yesu afere jama n aba i bi, na wɔ se bu ka, “Am so am sui na am ti jɔrɛ n bo m sujɔjɔ i ma am n bu. ¹¹ Má diire bo i wura sɔnɔ nɔɔ nu n yo i fin a, ama, jɔjɔwa bo i fite sɔnɔ nɔɔ nu ni, yiri yo i fin a.”

¹² Na i susufɔm n aba i dɔ, aba abisa i ka, “A si ka u jɔrɛ n bo a jɔjɔri i n asun má Farasifɔm n nu e?”

¹³⁻¹⁴ Na Yesu ase i susufɔm n ka, “Má am bɔ bu nu, bu ti ka anyinsinm wɔ. Anyinsin gusu nya bitaari i bɛngu anyinsin n kpama, bu kɛrɛ kó to kunma nu wɔ. Baka kɛrɛ bo m Si Nyɛmɛ bo i wo aŋgoro n ata má i, i cín tu i wɔ.”

¹⁵ Na Petoro ase i ka, “Kere ya anyunderɛ n bu, bo a ŋa sɔnɔ nɔaniɛ jɔjɔwa yo i fin ni.” ¹⁶ Na Yesu abisa bu ka, “Nka ambereɛ gusu ati má jɔrɛ n bu lɛɛ? ¹⁷ Deke bo i wura sɔnɔ nɔɔ nu, wura i kunnu wɔ, na i kɔ je yi i, má sɔ? ¹⁸ Ama, jɔjɔwa bo i fite sɔnɔ nɔɔ nu fite i ahore su wɔ, nyini yo i fin a. ¹⁹ Dama deke bo i wo sɔnɔ ahore su ma i sunsunni tiɛ a. I koro ma i nati sukun minɛm, na i suyo sakaraya, na i susaaki ajaa ciire, na i suwɔ, na i nati sudi kɔrɛ daani, na i nati susaaki minɛm duma. ²⁰ Nyini dekem kɛrɛ koro yo sɔnɔ fin a. Ama, nzen sɔnɔ di diire na wɔ ŋmisi má i saa, i yo má i fin.”

Kabo bara bo i ti má Yudafo yoori Yesu yarada ni

²¹ Na Yesu afite bɛrɛ akɔ awɔrɛ n bo i dodo Tiro ni Sidon miɛ kpirim ni. ²² Na bara be aba Yesu dɔ, i ti má Yudafo, i ti Kananafɔ ɔ, bo i fite nyini awɔrɛ n nu. Na wɔ bo afere Yesu, ase i ka, “M Mibiɛ, Fɛmɛ Davidi anuma, si m aŋunfo. Ajinim wo m wa baabara ŋu, sukere i yaari agaya.” ²³ Ama, Yesu abɔ má i nu. Na i susufɔm n aba i dɔ, aba asere i jande, ase i ka, “Fɔn bara n na i kɔ. Nie kabo i su ya su, yo nanmiɛ barasu a.” ²⁴ Na Yesu ase ka, “Nyɛmɛ asunma m Yisarelifɔm bo bu ti ka nbɔɛm na ba mini ni ŋgumi dɔ a.” ²⁵ Na bara n aba akutu i nyunu, ase i ka, “M Mibiɛ, buka m.” ²⁶ Na Yesu ase i ka, “I ti má ye ni ka, a fa nbaatumam diire na a fa ma caam.” ²⁷ Na bara n ase i ka, “M Mibiɛ, a la nahɔrɛ, ama, haari ni nyini mmɔɔ, caam n tambu diire n bo bu fɔm di, na i toto asiɛngu n na bu fa di.” ²⁸ Na Yesu ase i ka, “A ti bara yaradayofɔ ɔ, nahɔrɛ su. Nyini ti, kabo a koro ni, i yó sɔ ma u a.” Dika n nu bɛrɛ, na i wa n anya laifiɛ.

Kabo Yesu ma minɛ beberebe nyaari laifiɛ barasu ni

²⁹ Na Yesu afite bɛrɛ, asu Galili kunma kpiri n su, na wɔ kɔ afun atana buka be su. ³⁰ Na jama beberebe afa wɔbukam, ni anyinsinm, ni bo bu saam ni bu jaam awu ni, ni bobom, ni tukpakifɔm beberebe, ka i ma bu laifiɛ, na wɔ ma bu anya laifiɛ. ³¹ Na minɛm n ayo alekutura, ni kabo bu ŋuuri

ka bobom sujɔɔ, na minem bo bu saam ni bu jaam awu n anya laifɛ, na wɔbukam sunati, na anyinsinm suju asi ni, na ba kansi Nyeme n bo bere Yisarelifom su i ni.

Kabo Yesu maari nbiesom akpii nna ni bu minem diire ni

³² Na Yesu afere i susufom ni, na wɔ se bu ka, "Ahin jama n la m anjunfo, dama i nyuma lesan lee bo bu wo m do na bu la ma deke bo bu di. M koro ma ka m yaki bu na bu ko awuru ni ahoe, ma nyini, bu nbem to cin atin nu wo." ³³ Na i susufom n abisa i ka, "Ye nifansu ye ya nya diire ma ahin jama beberebe n so n na bu di na bu kunnu yi a?" ³⁴ Na Yesu abisa bu ka, "Am la kpono nye wo?" Na ba bo i nu ka, "Ya la kpono nso wo, ni jombaa kan kan nbem." ³⁵ Na Yesu ama jama n noo ka bu tana asienhu. ³⁶ Na wo fa kpono nso n ni jombaa ni, na wo da Nyeme asi, na wo kpiekpie i nu, na wo fa ama i susufom ni, na bere gusu afa ama jama n ka bu di. ³⁷ Bu kere diiri, na bu kunnu ayi. Na i susufom n atambu sinsin kaawa n kandie nso. ³⁸ Minem bo bu diiri diire ni, nbiesom ngumi ko yasuuri akpii nna a, ba kan ma nbaram ni nbaatumam awura ma nu. ³⁹ Na Yesu anya kaari jama ni, na ba ko awuru, na wo nya awura lee nu, ako awore n bo bu fere i ka Magadan n nu.

16

Kabo Yesu keteeri ka i yo ma alekutura sa bo bu koro i ni

¹ Na Farasifom, ni Sadusifo nbem aba Yesu do, na ba koro ka bu so i nge. Nyini ti, na ba se i ka i yo alekutura sa be bo i kere ka i yiko n fite Nyeme do. ² Na Yesu ase bu ka, "Sanga bo wie nya ba suto, na am nu ka angoro n kere ayo kore, a ti ka am na, 'Ahunma dika ni bo, dama i ti kore wo.'" ³ Nzen ngarama fuun, na am nu ka angoro asanga kore ni biri, a ti ka am na, 'Nyuma nzue to.' Am koro nie angoro n na am si sa bo i ba yo, ama, am koro si ma sam bo bu suyo jina n nu n yiri bu. ⁴ Ambere nyumafom, satieyofom bo am su ma Nyeme ni, ye am koro ka m yo alekutura sa be na am nie? Ai, m yo ma alekutura sa be na am nu i fieo, ma ka alekutura sa n bo Nyeme yo yoori i maari Jona ngumi ni." I seeri so wieeri ni, na wo yaki bu, na wo ko.

Bobowa fa ko Farasifom ni Sadusifom dee kereewam n su

⁵ Sanga bo Yesu susufom n kpie ko juuri kunma kpiri n bue kun do ni, na bu wara afi diire sa, ba bita ma kpono nu. ⁶ Na Yesu ase bu ka, "Am si am nu sa ni Farasifom ni Sadusifom dee kpono ayiri n bo bu fa go kpono nu na i yasu

ni.” ⁷ Na ba se bu n̄ju nu ka, “Ya bita má k̄p̄n̄n̄ aba má n d̄e ti, ye i se s̄o n a.” ⁸ Na Yesu afa nu kabo i susuf̄m n suj̄j̄o bu n̄ju nu ni, na w̄o se bu ka, “Amb̄ere bo am yarada n ti kaan s̄o ni, nzu ti ye am suj̄j̄o am n̄ju nu ka am bita má k̄p̄n̄n̄ a? ⁹ Am nya ti má sa n bu, nzen s̄e? Am tenge má su ka m yo faari k̄p̄n̄n̄ nnu k̄pīk̄pī maari min̄e ak̄pii nnu? Ye bo i kaari ni, kandie nye ye am sasaari a? ¹⁰ Ye k̄p̄n̄n̄ nso n bo m yo fa k̄pīk̄pī maari min̄e ak̄pii nna n di? Kandie nye ye am sasaari a? ¹¹ Ye nzu ti ye am si má ka m suj̄j̄o má k̄p̄n̄n̄ j̄ore a? M ña am si am ñu sa ni Farasif̄m ni Sadiusif̄m d̄e k̄p̄n̄n̄ ayiri n bo bu fa ḡo k̄p̄n̄n̄ nu na i yasu ni.” ¹² Na ba nya asi ka i suse má bu ka bu si bu ñu sa ni Farasif̄m ni Sadiusif̄m d̄e k̄p̄n̄n̄ ayiri n w̄o, ama, i ña bu si bu ñu sa fa k̄o bu kereewa n d̄e atin su w̄o.

Kabo Petoro kereeri ka Yesu ti barasu ni

¹³ Saŋga bo Yesu fa ba juuri Sizariya Filipiya d̄e mie kan kanm su ni, na w̄o bisa i susuf̄m ka, “Minem fa mini Adamande Wa n bu ñma a?” ¹⁴ Na ba b̄o i nu ka, “Nbem ña w̄o la Yohane Nyeme Nzue Bief̄o n a, nbem ña w̄o la Nyeme n̄oan̄ie kanf̄o Eliya, nbem ña w̄o la Nyeme n̄oan̄ie kanf̄o Jeremiya, ye nbem gusu ña a ti dawa d̄e Nyeme n̄oan̄ie kanf̄o nyin̄gam n kun w̄o.” ¹⁵ Na w̄o nya abisa bu bekun ka, “Ye amb̄ere fa m bu ñma a?” ¹⁶ Na Simon Petoro ab̄o i nu ka, “W̄o ti Kristo Tiidef̄o n a, Nyeme n bo i wo bere saŋga kere n d̄e Wa ni.” ¹⁷ Na Yesu ase i ka, “Simon Jona wa, terefie wo u d̄o. Dama má adamande yiiri ahin j̄ore n bu kereeri u ka a j̄j̄o a, ama, m Si Nyeme bo i wo aŋgoro ni yi kereeri u a. ¹⁸ Nyini ti, m suse u w̄o l̄e ka, w̄o ti Petoro a, u duma bu la ka yabue ni. Nyini yabue n su ye m ma m jama minem kere jina a, na yiwee mm̄o koro yo má bu pui. ¹⁹ M fá Nyeme femeya n an̄o kadombaam ma u, na deke kere bo a ma minem atin ka bu yo i durunya n nu fen, i ti s̄o o l̄e, Nyeme d̄o. Na deke kere bo a ma má minem atin ka bu yo i durunya n nu fen, i kaaki ti s̄o o l̄e, Nyeme d̄o.” ²⁰ Nyini sin, na Yesu ab̄o i susuf̄m ni ka má bu ma be si ka yiri ti Kristo Tiidef̄o n a.

Kabo Yesu j̄j̄o fa k̄o i yiwee n su ni

²¹ Fite nyini saŋga n fa k̄o, na Yesu ab̄o i bu sukere i susuf̄m n ka, “W̄o yo daka ka m k̄o Yerusalem na m k̄o di wahara d̄oŋgu fite Yudaf̄m nk̄pīenk̄pīenm, ni Nyeme sa-yoowa d̄oŋguyof̄o nk̄pīenk̄pīenm, ni Nyeme n̄oan̄ie keref̄m d̄o na bu kún m. Ama, na i lesan c̄en, na Nyeme má m tenge m yiwee n nu.” ²² Na Petoro afa i ak̄o aheme, na w̄o jaraki i ase i ka, “M Mibie, má a se ka a se s̄o, Nyeme yo u

kisi ni nyini sa ni. Nyini koro yo má cɛɛn be da.” ²³ Na Yesu aɛɛ anie Petoro na wɔ tien i ɲu ase i ka, “Sitana, fa cinsi m bi bɛɛɛ. A sukanda m atin wɔ. A sunsun má kabo Nyeme sunsun ni. A sunsun kabo adamande sunsun n wɔ.”

²⁴ Na Yesu ase i susufɔm n ka, “Sɔnɔ kɛɛ bo i koro ka i su m su, wɔ yo daka ka i mi wara fi i tienɲu sa koroowa sa, na i fa i yiwee baka jaanu n sɔ, na i su m su. ²⁵ Dama sɔnɔ kɛɛ bo i koro ka i fa i ɲɔɔ fiɛ, i mi bá fun i. Ama, sɔnɔ kɛɛ bo i tɔɔri i ɲɔɔ mini ni m labari kpa n dɛɛ ti, i mi nyá ɲɔɔ. ²⁶ Nzen sɔnɔ nyaari durunya n nu deke n kɛɛ, na i fuunri i ɲɔɔ, i kɛɛɛ la bɔnɔ? Nzu deke ye sɔnɔ fá kaaki i ɲɔɔ a? ²⁷ Dama mini Adamande Wa ni bá ba ni m Si Nyeme jirima woowa n nu, ni i merekem ni, na m nyá tɔ sɔnɔ kɛɛ kaari, kabo i juma, wara i sayoowa ti barasu. ²⁸ Nahɔɛ ye m suse am n a, am nbem wo fen bo am wu má, má ka am aba aɲu ka mini Adamande Wa ni suba ka m bá nie m fɛmɛya n su.”

17

Kabo Yesu ɲunie kaakiiri wo barasu ni

¹ Lesen cɛɛn sin na Yesu afa Petoro, ni Yakobo, ni yiri Yakobo niɛma Yohane, afun akɔ buka lenlenɲe be su, bu ni yiri ɲgumi. ² Bu woori dɔ n na ba ɲu ka i ɲunie akaaki wo, na i nyunuawa aje ka wie, na i tanlɛɛ n akaaki fofoe papasi. ³ Dɔ na ba ɲu mine nnyɔ nbem atie bu ɲu, na bu ni Yesu subo anzama, bɛɛ la Moyisi ni Eliya, dawa dɛɛ Nyeme nɔɔnie kanfɔm ni. ⁴ Na Petoro ase Yesu ka, “M Mibie, i ti kpa ka na ya wo fen. Nzen má a soro su, m bó nambue nsan fen, u dɛɛ kun, Moyisi kun, na Eliya gusu dɛɛ kun.” ⁵ Saɲga bo i jina wo jɔjɔri su n na yinyiɲu papasi akata bu ɲu, na ba ti akonvi be ɲga yinyiɲu n nu, na wɔ jɔjɔ bu dɔ, i ɲa, “M wa koroowa lɛɛ bo m ahore ajo i ɲu. Am de i nɔɔnie.” ⁶ I susufɔm n tiiri akonvi ni ɲga sɔ ni, na sɛɛɛ ati bu agaya, na ba butu asiɲgu. ⁷ Na Yesu aba afa i saa akan bu, na wɔ se ka, “Má am ma sɛɛɛ ti am, am yasu.” ⁸ Na ba ye bu tii su anie, ba ɲu má sɔnɔ be kun, má ka Yesu ɲgumi.

⁹ Na saɲga bo bu ba sujura buka n su ni, na Yesu abɔɔ bu ka, “Má am be se ka i bo sa n bo am aɲu i n sufa kere sɔnɔ be, haari fa kɔ saɲga bo mini Adamande Wa ni bá wu na Nyeme bá ma m tenɲe m yiwee n nu ka.” ¹⁰ Dɔ na i susufɔm n abisa i ka, “Ye nzu ti ye Nyeme nɔɔnie kerefɔm n bita jɔjɔ ka wɔ yo daka ka Eliya dú mɔ ba ka, ye Kristo Tiidefɔ ni bá ba n a?” ¹¹ Na wɔ bɔ bu nu ka, “I ti nahɔɛ wɔ ka, Eliya dú mɔ ba na i bá sɛɛɛ deke n kɛɛ su. ¹² Ama, m suse am wɔ lɛɛ, ka, Eliya adu mɔ aba, na minem asi má i, na ba yo i kabo bu koro. Sɔ ye mini Adamande Wa n gusu

bá di wahara minem saa nu a." ¹³ Dɔ na i susufɔm n anya asi ka i jɔjɔ Yohane Nyeme Nzue Biɛfɔ n dɛɛ jɔrɛ wɔ.

Kabo Yesu fɔn yiiri ajini fiteeri baa be ɲu ni

¹⁴ Saɲga bo Yesu ni i susufɔ nsanm ni kpieri bu nyi ba juuri jama n bi ni, na sɔnɔ be aba akutu i nyunu, ¹⁵ ase i ka, "M Mibiɛ, si m wa baabiɛsɔ n aɲunfɔ. I tɔ ɲgbiti wɔ, bo i di wahara agaya. Saɲga kɛrɛ bo i nya ba yasu i ɲu, i fa i wura sin nu wɔ, wara nzue nu. ¹⁶ Ma fa i aba u susufɔm n dɔ lɛɛ ka bu ma i nya laifiɛ, ama, ba koro atuntun má i na i nya laifiɛ." ¹⁷ Na Yesu ase bu ka, "Amaa. Ambere satieyofɔm, am la má yarada fieo. Nyuma sa ye m wo am dɔ fɛn a? Ye m yó sawɔrɛ ni ambere kɔ ju sɛ wɔ? Am fa baa n ba ma m fɛn." ¹⁸ Na Yesu atien ajini n ɲu, na wɔ fite ayaki baa ni. Dika n nu bɛrɛ, na baa n anya laifiɛ.

¹⁹ Nyini sin na Yesu susufɔm n aba i dɔ, bɛrɛ ɲgumi, aba abisa i ka, "Nzu ti ye yɛrɛ akoro afɔn má nyini ajini n a?" ²⁰ Na Yesu abɔ bu nu ka, "I fite ka am yarada n ti kaan sɔ n dɛɛ ti a. Nahɔrɛ ye m suse am n a, nzen am yoori Nyeme yarada bo i kɔ juuri kabo nyem mbaa ti ni mmɔɔ, am koro se nyini buka n ka, 'Fite fɛn kɔ dɔ,' na i kɔ. Deke wo má bɛrɛ bo i yó kekereke ma am. [²¹ Ama, nyini ajini n ɲusu sɔ koro fite yaki má sɔnɔ ɲgbɛɛn sɔ, má ka nyemesere ni nɔɔ cici.]"

Kabo Yesu jɔjɔ fa kɔɔri i yiwee n su bekun ni

²² Saɲga bo i susufɔm ba tiɛɛnri bu nɔɔ Galili awɔrɛ n nu ni, na Yesu ase bu ka, "Bu bá tɔ mini Adamande Wa n ma minɛ nbem, ²³ na bu kún m, ama, bu kuunri m wieeri, i lesan cɛɛn, Nyeme má m tenge m yiwee n nu." I jɔjɔri sɔ ni, na i susufɔm n ahore asaaki agaya.

Kabo Yesu tɔɔri Nyeme Sereebiri Awuru n nu lampo kaari ni

²⁴ Saɲga bo Yesu ni i susufɔm n ba juuri Kapenam mie kpiri n nu ni, na Nyeme Sereebiri Awuru n nu lampodefɔm n aba Petoro dɔ, aba abisa i ka, "Am kprien n tɔ Nyeme Sereebiri Awuru n nu lampo kaari, nzen i tɔ má?" ²⁵ Na Petoro abɔ i nu ka, "I tɔ wanla." Saɲga bo Petoro kɔ juuri awuru n nu n na Yesu adu mɔ abisa i dɔ ka, "Simon, ye wɔrɔ ɲa sɛ wɔ? ɲmam tɔ lampo ɲwaa ma durunya n nu fɛn nfemɛm a, mienbaam nzen wɔfɔm?" ²⁶ Na Petoro abɔ i nu ka, "Wɔfɔm." Na Yesu ase i ka, "Nzen i nya tiiri sɔ de, mienbaam tɔ má lɛɛ. ²⁷ Ama, yɛrɛ koro má ka ya wura bu ɲgasi nu. Nyini ti, kɔ kunma kpiri n nu na a kɔ fa u kuwa n ji nu, jombaa kɛrɛ bo a du mɔ taraari i, niɛ i nɔɔ nu, a ɲú

ɲwaa bo i ju mini ni wɔɔ dɛɛ Nyemɛ Sereebiri Awuru n nu lampo ɲwaa tɔ. Fa i na a fa kɔ tɔ mini ni wɔɔ tii su kaari.”

18

Kabo Yesu kereeri sɔɔ bo i tara bu kere ni

¹ Nyini sanɓa ni, na Yesu susufom n aba i dɔ, aba abisa i ka, “Nma yo ya kere tii Nyemɛ femeya n nu a?” ² Dɔ na Yesu afere baa kaan be, aba ajina bu afien. ³ Na wɔ se ka, “Nahɔre ye m suse am n a, am wura má Nyemɛ femeya n nu, má ka am kaaki am wo na am yo am ɲu ka baatuma kaan. ⁴ Nyini ti, sɔɔ kere bo i yo i ɲu kaan ka ahin baa ni, yiri ti minem kere tii Nyemɛ femeya n nu a. ⁵ Sɔɔ kere bo i deeri ahin baakan n ɲusu m dɛɛ ti, wɔ de mini wɔ lɛɛ.”

Kabo wɔ yo daka ka má sɔɔ wura satie nu ni

⁶ Na Yesu akaaki ase ka, “Wɔɔ kere bo u sayoowa ma ahin nbaatuma kan kanm n be bo i yo m yarada n be wuraari satie nu ni, i ti má kpa. Nzen má bu faari ɲgani san yabue bambaka ciciiri u kom na bu fa u kɔ tu tieku nu ka nzue di u, i ti ye tara bo a ma ahin nbaatuma kan kanm n be wura satie nu ni. ⁷ Durunya n nufom bá ɲu anyumboro, dama bu yo sam bo bu ma mine kaaki bu sin bo m dɛɛ atin n wɔ. Nyini sam ni yo wɔ, sanɓa kere, ama, sɔɔ kere bo i ma nyini sam yoori ni, yiri bá ɲu anyumboro.

⁸ Nzen u saa, wara u jaa cin u wura satie nu a, kaba kpiɛ i fa tu na a ka asaasin, wara, ajaasin, na a nyá u ɲu kɔ Nyemɛ dɔ. I ti ye ni bo a la u saa nnyɔ ni u jaa nnyɔ n kere, na bu ba fa u tu cɛema sin n bo i nɔ má n nu. ⁹ Nzen u nyumbaa kun gusu cin u wura satie nu a, lokoti yi i tu na a ka anyunu kun, na a nyá u ɲu kɔ Nyemɛ dɔ. I ti ye ni bo a la u nyumbaa nnyɔ n kere na bu ba fa u tu cɛema sin nu ni.”

Miɛnu fa kɔ bɛ bo wɔ mini n su ni

¹⁰ Na Yesu ase ka, “Má am se ka am bu ahin nbaatuma kan kanm n be ɲgbɛɛn. M suse am wɔ lɛɛ, ka, bu dɛɛ merɛkem bo bu wo aɲgoro ni, wo m Si Nyemɛ nyunu sanɓa kere a. [¹¹ Dama, mini Adamande Wa n baari ka m ba nienie bo ba mini n wɔ, na m de bu tii ji.]

¹² Nzen sɔɔ la nbɛm yaa, na bu nu kun miniiri, am sunsun ka i yo se wɔ? I yáki aburaɲɔna ni ɲɔna n wura diibiri kperɛ n su, na i kó nienie kun n bo wɔ mini ni, má sɔ? ¹³ Nahɔre ye m suse am n a, nzen i nienie kɔ ɲuuri nyini kun ni, i ahore jɔ i ɲu tara aburaɲɔna ni ɲɔna n bo ba mini má ni. ¹⁴ I ti sɔ ɔ lɛɛ, am Si Nyemɛ bo i wo aɲgoro n dɔ, i koro má ka ahin nbaatumam kun n kpein mmɔɔ mini.”

Kabo ya niwa yo ya satie na ya yo barasu ni

¹⁵ Na Yesu akaaki ase ka, “Nzen wɔɔ kere bo u niwa yoori u satie be, ko i do na u ni yiri mine nnyo ni ngumi, na a se i ka wo yo u satie. Nzen i tiiri i bu ka wo yo u satie, i toko ti u niwa lee. ¹⁶ Ama, nzen i keteeri, yo anie na a nya sono kun, wara mine nnyo buka u nu su, na am ko nu i, adena mine nnyo, wara mine nsan n bo ba ti jore n yo u daanifom. ¹⁷ Nzen i keteeri bere gusu, na a nya fa i sereya n ko Kristo jama n kere do. Nzen i nya keteeri Kristo jama ni, am fa i ka sono bo i su ma Nyeme, wara satieyofo bo wo kete ka i kaaki ma i wo lee.”

¹⁸ Na Yesu akaaki ase ka, “Nahore ye m suse am n a, deke kere bo am ma minem atin ka bu yo i durunya n nu fen, i ti so o lee Nyeme do, na deke kere bo am ma ma ma minem atin ka bu yo i durunya n nu, i kaaki ti so o lee Nyeme do.

¹⁹ Nahore ye m suse am bekun n a, sangka kere bo am mine nnyo yoori am nookun, na am sereeri m Si Nyeme deke be, i yo i ma am. ²⁰ Dama deke kere bo mine nnyo, wara nsan tieenri bu noo m dee duma n nu, m wo bu do.”

Mienu fa ko kaari bitafɔ nnyo nbem su ni

²¹ Nyini sin na Petoro aba Yesu do, aba abisa i ka, “M mibie, nzen m niwa nati yo m satie sangka kere, kpe nye ye m fa i satie ce i a? Kpe nso, nzen se?” ²² Na Yesu abo i nu ka, “Ai, m suse u wo lee ka, ma kpe nso co, ama, kpe aburasoso busu nso.” ²³ Na Yesu akaaki ase ka, “Nyini ti, kabo Nyeme femeya n ti yaa. Feme be yo woori bere a, ceen n be na wo se ka i bu akunta ni i akoom bo bu wo i do yo juma ni, na i si nwaa bo bu bita i. ²⁴ Sangka bo i boori i bu na i bu akunta ni, na ba fa i akoo n kun be bo i bita i nwaa kaari bo i la ma noo, aba i do. ²⁵ Kabo nwaa n sunnu so na i koro to ma kaari n ni, na feme n ama noo ka bu to i ni i yi, ni i nbaam, ni i deke kere bo i la i, na bu fa to kaari ni. ²⁶ Na akoo n akutu i mibie n nyunu asienggu, asere i ka, ‘Jande, si m anunfo, na m ko nienie nwaa n na m ba to kaari ni.’ ²⁷ Na i mibie n asi i anunfo, na wo fa kaari n ace i, na wo yaki i aji. ²⁸ I fiteeri bere, na i ni i benggu akoo n kun be bo i gusu bita i kaari n aye, i dee n sunnu ma fieo. Na wo so i benggu n kom nu amie i, na wo se i ka, ‘To m kaari n kisa kisa bere.’ ²⁹ Na i benggu n akutu haari asienggu, asere i ka, ‘Jande, si m anunfo, na m ko nienie u nwaa na m ba to u kaari.’ ³⁰ Ama, na wo kete, na wo ko anyi i benggu n saraka, na wo se i ka ma ka wo to i kaari ni. ³¹ I benggu nyingam nuuri sa n bo wo yo i n so ni, na bu ahore asaaki agaya, na ba ko ase feme n sa n bo wo yo i n kere. ³² Do na feme n afere i, ase i ka, ‘Woo satieyofo ngbeen ni, a sereeri m dee ti, ye m yakiiri u kaari n kere bo a bita i n fa ceeri u a. ³³ Ma

wɔ yo daka ka wɔrɔ mmɔɔ siiri u beɲgu n aɲunfɔ na a fa ce i, kabo m ɲuuri u aɲunfɔ na m fa ceeri u ni.’ ³⁴ Na yaa ati femɛ n agaya, na wɔ ma bu afa nyini akɔɔ n akɔ anyi i saraka, ka i kɔ di wahara dɔ, haari fa kɔ ju saɲga bo i bá tɔ kaari n kerɛ wie.” ³⁵ Na Yesu ase bu ka, “Nzen am afa má am beɲgum satie ace má bu am ahore su, sɔ ye m Si Nyemɛ bo i wo aɲgoro ni cín am sui a.”

19

Kabo Yesu kereeri minem fa kɔ ajaa ni ajaa yaki atin su ni

¹ Saɲga bo Yesu jɔjɔori ahin jɔrem n kerɛ wieeri ni, na wɔ yasu Galili awɔrɛ n nu, akɔ Yudiya dɛɛ awɔrɛ n nu, na wɔ kɔ akpie Yodan kunma n buekun dɔ. ² Na jama beberebe asu i su, na wɔ ma tukpakifɔm bo bu wo jama n nu n anya laife.

³ Na Farasifo nbem aba i dɔ, ka bu ba sɔ i ɲgɛɛ fa kɔ i nɔanie jɔjɔowa n su, na ba bisa i ka, “Ya dɛɛ atin n su, atin wo nu ka sɔnɔ koro fa i yi ji deke be dɛɛ ti?” ⁴ Na Yesu abɔ bu nu ka, “Ye ba kerɛ i Nyemɛ Jɔrɛ Kadasi n nu sɛ wɔ? Ba kerɛ ka, fite durunya n bumboori, saɲga n bo Nyemɛ yiiri adamande ni, i yiiri biesɔ ni bara wɔ, ⁵ na wɔ se ka, ‘Nyini dɛɛ ti, i ti ye ni ka biesɔ n kpaaki i gisan yaki i si ni i ni, na i ni i yi n saɲga wo. Nyini saɲga, bu mine nnyɔ n ayo deke kun lɛɛ.’ ⁶ Bu wo má bu ɲgunɲumi kun. Nyini ti, deke bo Nyemɛ anya asaɲga i awie, má sɔnɔ kpaaki i nu kun.” ⁷ Na ba bisa Yesu bekun ka, “Ye nzu ti ye Moyisi yo maari atin ka, nzen sɔnɔ koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji a?” ⁸ Na Yesu abɔ bu nu ka, “Am ahorembaa kekereke n dɛɛ ti, ye Moyisi yo maari am nyini atin n a. Ama, fite durunya n bumboori, i yo ti má sɔ. ⁹ M suse am wɔ lɛɛ, ka, sɔnɔ kerɛ bo i faari i yi jiiri, na wɔ yo má ka bara n akɔ somaya ye i fa i jiiri, na i jaari bara fɔfɔrɛ, i mi n asaaki ajaa ciire lɛɛ.”

¹⁰ Na i susufɔm n ase i ka, “Nzen i nya tiiri sɔ yiri, fa kɔ biesɔ ni bara dɔ, i ti kpa ka má be ja ajaa.” ¹¹ Na wɔ se bu ka, “Má sɔnɔ kerɛ koro su ahin nɔanie n su a, má ka bere bo Nyemɛ adu mɔ afa ama bu ni. ¹² Dama deke bo i ti na mine nbem ja má ajaa n la ka, bu biesɔ dika yo má juma n dɛɛ ti, nbem gusu, ba sa bu wɔ, ye nbem gusu kete ajaa fa kɔ Nyemɛ femɛya n jɔrɛ dɛɛ ti. Nyini ti, sɔnɔ kerɛ bo i koro de ahin nɔanie ni, i mi de i.”

Kabo Yesu yoori nbaatumam kisi barasu ni

¹³ Na mine nbem afa nbaatumam aba Yesu dɔ, ka i fa i saa nana bu ɲu na i sere Nyeme ma bu. Ama, na i susufom n atien minem ni ɲu. ¹⁴ Na Yesu ase bu ka, “Am ma nbaatumam n bra m dɔ, má am fon bu. Dama bere ɲusu so ye Nyeme femeya n ti bu dee a.” ¹⁵ Na wo fa i saa anana bu ɲu na wo yo bu kisi, na wo nya afite bere ako.

Gbefene nengefɔ n ni i nyemesu jɔre

¹⁶ Ceen be, na gbefene be aba Yesu dɔ, aba abisa i ka, “Ya Kerefo, m yo nzu sakpa ye m bá nya ɲgɔɔ n bo i la má awieeri n a?” ¹⁷ Na Yesu abo i nu ka, “Nzu ti ye a bisa m fa ko deke bo i ti sakpa su a? Sɔnɔ kun n kpein wo bere bo i ti kpa. Nzen a koro ka a nya ɲgɔɔ, su Nyeme noanie maawam n su.” ¹⁸ Na wo bisa Yesu ka, “Noanie maawa nbɔnɔm?” Na Yesu abo i nu ka, “Má a kun sɔnɔ. Má a saaki ajaa ciire. Má a wo. Má a di kɔre daani. ¹⁹ Bu u si ni u ni. Koro u benju kabo a koro u ɲu ni.” ²⁰ Na gbefene n ase i ka, “Ma su nyini noanie maawa n kere su, ye nzu kaari a?” ²¹ Na Yesu ase i ka, “Nzen a koro ka u woowa n ti kabo Nyeme koro ka i ti n wo, ko na a ko to u aja kere, na a fa ɲwaa n ma yaarifom, na a bá nya ajeki Nyeme dɔ, na a bra, ba su m su.” ²² Sanja bo gbefene n tiiri nyini so ni, na wo yasu ako ni ahoresaaki, dama i la nenje agaya n dee ti.

²³ Na Yesu ase i susufom n ka, “Nahore ye m suse am n a, i yó kekereke ni bo nengefɔ wura Nyeme femeya n nu. ²⁴ M suse am wo bekun lee ka, kabo nyɔɔma sin misini bue nu ni, i ti má kekereke tara má kabo nengefɔ yo na i wura Nyeme femeya n nu ni.” ²⁵ Sanja bo Yesu susufom n tiiri nyini n so ni, na ba yo alekutura agaya, na ba bisa i ka, “Ye nzen i ti so, ɲma koro fite nu a?” ²⁶ Na Yesu anie bu dɔ, na wo se ka, “Ahin ti deke bo adamande koro yo má i, ama, Nyeme dɔ, i ti má pui, dama Nyeme koro yo deke kere.”

²⁷ Na Petoro ase i ka, “To, ye yere ayaki deke kere susu u su e. Ye ya nyá nzu wo?” ²⁸ Na Yesu ase bu ka, “Nahore ye m suse am n a, sanja bo mini Adamande Wa n ba tanaari m jirima tanaabiri n durunya fɔfɔre n nu, m má ambere bo am asu m su ni tana femeya bie buru ni nnyom n su, na am nie Yisarelifom anɔ buru ni nnyom n su. ²⁹ Na sɔnɔ kere bo i yakiiri i awuru, wara i ninbaam, wara i si, ni i ni, wara i nbaam, wara i asienm, mini dee ti, i mi nyá nyini n kere ɲusu yaa i ɲgɔɔ su, na i káaki nya ɲgɔɔ bo i la má awieeri. ³⁰ Am mine dongu bo bu wo mo kisa ni bá ka sin, na bo bu ka sin kisa n bá du mo.”

20

Mienu fa ko fe fo be ni i npadifom su ni

¹ Na Yesu akaaki ase ka, “Nyeme femeya n ti ka sɔnɔ be bo i yasuuri alecin ngarama fuun, ka i kɔ nienie npadifom na bu kɔ yo i fie juma n wɔ. ² Na i ni bere adi gɔ, na wɔ soro su ka i tɔ bu lekun jumayoowa nkato, jete nwaa kun. Na wɔ fa bu ako fie n su. ³ Na fa kɔ kerefi ngɔna sanja, na wɔ kaaki ako anu ka mine nbem tana gɔosu, bu yo má pui. ⁴ Na wɔ se bu ka, ‘Am ma ya kɔ m fie n su, na am kɔ yo m juma, na m tɔ am kaari, kabo am jumayoowa ti barasu.’ ⁵ Nyini ti, na ba kɔ. Na kerefi buru ni nnyɔ sanja, na wɔ kaaki ako gɔosu, ako anu ka mine nbem jina, na wɔ fa bu ako i fie n su. Na kerefi nsan sanja, na wɔ yo sɔ bekun. ⁶ Na fa kɔ naaso kerefi nnu sanja, na wɔ kɔ anu ka mine nbem jina ngbeen, bu yo má pui. Na wɔ bisa bu ka, ‘Nzu ti ye am ba jina fen ngarama kun kere ngbeen sɔ, na am yo má pui a?’ ⁷ Na ba bɔ i nu ka, ‘Be afa má ya ka ya yo i juma.’ Na wɔ se bu ka bere gusu kɔ na bu kɔ yo juma i fie n su. ⁸ Sanja bo wie ba tɔori n na fieɔ n fere i juma niesufɔ n na wɔ se i ka, ‘Fere jumayofom n kere na a tɔ bu kaari. Bo i bu tɔ bo bu baari kasin n ka, na a nya ba tɔ bo bu duuri mɔ baari ni.’ ⁹ Na bo bu baari ka sin n kere aba, na wɔ tɔ bu jete nwaa kun kun. ¹⁰ Sanja bo i ba kpuraari bo bu duuri mɔ baari ni, bu sunsuunri ka bu dee nkato tara bo bu kaari sin baari n dee n wɔ. Ama, bu tɔori bu kere jete nwaa kun kun wɔ, kabo bu tɔori kasinfom ni. ¹¹ Bu deeri nwaa wieeri sɔ ni, na ba nunuti fie n fɔ ni. ¹² Bu na, ‘A tɔ kasinfom bo ba yo má juma kpa be ni nkato nyunyumi, na kabo a tɔori bu ni, a tɔ yere gusu bo ya baari ngarama kun kere, na ya ba adi yaari, na wie abo ya n gusu sɔ o.’ ¹³ Ama, na fie n fɔ n abo nu, ase bu kun ka, ‘M don, ti fen, ma sisi má am e. Bo mini si i n la ka, am soroori su ka am yo lekun juma, na am de jete nwaa kun wɔ. ¹⁴ Nyini ti, de u nwaa na a kɔ. M koro ka m ma kasinfɔ n kabo m maari u n wɔ. ¹⁵ M la má atin ka m yo m nwaa kabo m koro, nzen se? Wara, a si m kore fa kɔ m sakpa bo ma yo i n wɔ?’ ” ¹⁶ Na Yesu ase bu ka, “Ahin mienu n bu la ka, minem bo ba ka sin kisa ni, bá du mɔ, na bo ba du mɔ kisa n bá ka sin.”

Kabo Yesu jɔɔ fa kɔori i yiwee n su kpe nsan su ni

¹⁷ Sanja bo Yesu ni i susufom, ni jama n sukɔ Yerusalem mie kpiri n nu ni, bu wo kɔ su sɔ ni, na wɔ fere i susufɔ buru ni nnyom n ako aheme, na wɔ se bu ka, ¹⁸ “Am ti fen. Ya sukɔ Yerusalem lee, do ye bu kɔ tara mini Adamande Wa n a, na bu fá ma Nyeme sayoowa dongyufɔ nkpienkpienm ni, ni Nyeme noanie kerefom ni, na bu dí m jore, na bu soro su ka bu kún m. ¹⁹ Na bere gusu nyá fa m wura minem bo bu ti má Yudafom saa nu, na bu yó m anzasi, na bu fín m

ngbere, na bu nyá kpama m baka jaanu n su na m wu, na i lesan εεν, na Nyεμε má m tenge m yiwee n nu.”

Kabo Yesu kereeri ka mɔfo yo i ηu kaan ni

²⁰ Na Zεbedi yi afa i nbaa nnyom n aba akutu Yesu nyunu, asere i ahɔroma ka i yo sa be ma i. ²¹ Na Yesu abisa i ka, “A koro ka m yo nzu ma u a?” Na bara n abo i nu ka, “M koro ka a ma nɔɔ ka sanɔa bo a bá diiri u femeya ni, a má m ahin nbaa nnyom ni atin na bu nu kun tana u saa fomboro su, na kun gusu tana u saa bie su.” ²² Na Yesu ase bu ka, “Am si má deke bo am susere i n ti a. Am koro di wahara n bo m dí i ni?” Na ba bo i nu ka, “εεν, ya koro yo i kere.” ²³ Na Yesu ase bu ka, “Nahore, am dí wahara n bo m dí i ni. Ama, mini la má atin bo m má am be tana m saa fomboro su, na be tana m saa bie su. Ama, m Si Nyεμε aseε nyini tanaabiri n su, afa ase minem bo yiri ni i tii ayi bu n a.”

²⁴ Sanɔa bo i susufo burum n ba tiiri kabo Zεbedi nbaa nnyom n seeri Yesu ni, na ba fa yaa bu ηu. ²⁵ Na Yesu afere bu kere aba i bi, na wo se bu ka, “Am si tenle su ka minem bo bu su má Nyεμε, na bu yo bu ηu nkpienkpienm ni, bere mie bu minem a, na bu tereterefom gusu kere kabo bu yiko ti barasu. ²⁶ Ama, i ti má ye ni ka ambere yo so. Nzen sono bo i koro ka i wura i ηu kpiri am kere nu, wo yo daka ka i mi yo i ηu kaan, na i su am. ²⁷ Na bo i kaaki koro ka i yo am mɔfo, i ti ye ni ka i mi yo am kere akoo, ²⁸ kabo mini Adamande Wa n ni m tii aba má ka minem su m ni, ama, m baari ka m ba su minem wo, na m wu ma bu, na m de mine dongu tii ji.”

Kabo Yesu tuntuunri anyinsin nnyo nbem na bu ηuuri asi ni

²⁹ Sanɔa bo Yesu, ni i susufom ni sufite mie kpiri n bo bu fere i ka Yeriko ni, na jama beberebe asu bu su. ³⁰ Bu sukɔ ni, anyinsin nnyo nbem tana atin n nɔɔ su. Sanɔa bo bu tiiri ka Yesu susin ni, na ba bo afere i, bu ηa, “Ya Mibie, Feme Davidi anuma, si ya anunfo.” ³¹ Na jama n atien bu ηu ka bu yaki nanmie. Ama, na ba kaaki abo afere abuka su ka, “Ya Mibie, Feme Davidi anuma, si ya anunfo.” ³² Na Yesu aka ajina, na wo fere bu, na wo bisa bu ka, “Am koro ka m yo nzu ma am a?” ³³ Na ba bo i nu ka, “Ya Mibie, ya koro ka a ma ya ηu asi wo.” ³⁴ Na Yesu asi bu anunfo, na wo fa i saa akan bu nyumbaa ni, kpenɔa na ba ηu asi, na ba su i su.

21

Kabo Yesu fuunri kaako wuraari Yerusalem ka feme deε su ni

¹ Bu kɔ ɲa bu dodo Yerusalem miɛ kpiri n nu, na bu ɲa bu wura miɛ n bo bu fere i ka Befage ni, nyini miɛ n dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na Yesu asunma i susufɔm n nu nnyɔ, ² na wɔ se bu ka, “Am kɔ miɛ kaan n bo i wo am nyunu dɔ ni, am kɔ juuri, am ɲú ka kaako be minda, i wa jina i bi bere. Am nyanɲi i ni baa n kere bra. ³ Nzen be bisaari am ka nzu ti ye am sunyanɲi i a, am se i ka Mibiɛ ni koro bu a, na i má am kaaki fa bu ba kisa kisa.”

⁴ Ahin yoori sɔ ɔ, adena Nyeme ɲɔnie kanfɔ n ɲɔnie n bo i yo jɔjɔri i n yo yiiwa a, i ɲa,

⁵ “Se Siyonfɔm ka,

Am nie, am feme ni suba n a.

Wɔ yo i ɲu taraka, i fun kaako wɔ.”

⁶ Na i susufɔm n akɔ ayo kabo i seeri bu ni. ⁷ Na ba fa kaako n ni i wa n aba, na ba fa bu suturam anana bu ɲu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na jamam bo bu du i nyunu n ni bo bu wo i sin n kere, subo kuyigindi, bu ɲa,

“*Hosana*. Ya kansi Feme Davidi anuma ni.

Terefie wo yiri n bo i suba Micera n dɛɛ duma n nu n dɔ.

Ya kansi Nyeme bo i wo angoro ni.”

¹⁰ Yesu kɔ wuraari Yerusalem ni, na miɛ n abo nu, na ba bisa ka, “Ye sɔnɔ bɔnɔ la ahin a?” ¹¹ Na jama n abɔ nu ka, “Ahin ti Yesu wɔ, Nyeme ɲɔnie kanfɔ n bo i fite Nazareti miɛ n bo i wo Galili awɔre n nu ni.”

Kabo Yesu fɔnri watafɔm fiteeri Nyeme Sereebiri Awuru n nu ni

¹² Na Yesu akɔ awura Nyeme Sereebiri Awuru n nu, na wɔ fɔn nenɲe tɔfɔm ni tofɔm kere afite awuru n nu, na wɔ kaaki ɲwaa kaakifɔm teebirim, ni tiiwa tɔfɔm biem kere alanlɔnga. ¹³ Na wɔ se bu ka, “Ba kere i Nyeme Jɔre Kadasi n nu ka, Nyeme ɲa o, ‘M awuru ni, bu bá fere i ka awuru bo bu bá sere Nyeme nu wɔ.’ Ama, amberɛ afa i yo awiefɔm fieebiri.”

¹⁴ Na anyinsinm, ni wɔbukam aba i dɔ, Nyeme Sereebiri Awuru n nu, na wɔ ma bu anya laifie. ¹⁵ Saɲga bo Nyeme sayoowa dɔnguyofɔ nkpienkpienm, ni Nyeme ɲɔnie kerefɔm n ɲuuri sam n bo i yoori bu ni, ni kabo nbaatumam bo bu woori Nyeme Sereebiri Awuru n nu bo tuntunri i ka, “*Hosana*. Ya kansi Feme Davidi anuma ni,” na yaa ati bu. ¹⁶ Nyini ti, na ba bisa Yesu ka, “A ti kabo nbaatumam n ase ni e?” Na Yesu abɔ bu nu ka, “Een, ma ti. Am nya kan má

kabo ba kere i Nyeme Jore Kadasi n nu n wo? Bo ba kere ka,

'Woro Nyeme ye a kere nbaatumam, ni nbaatuma kan kanm,

kabo bu kansu u nahore su a.' "

17 Na Yesu ayaki bu bere, na wo fite mie n nu ako Betani mie n nu, ako ada do.

Kabo Yesu yoori damba baka be ngbeen ni

18 I alecin ngarama fuun, na Yesu sukpie i nyi ko Yerusalem mie n kunnu, na ahoe ati i. 19 Na wo nie anu damba baka be, atin n noo, na wo ko anie ka i nya suuwa n be di. Ama, i ko juuri baka n bu ni, wo nu ma pui su, se nyawa ngumi a. Do na wo se baka n ka, "Sin nyuma sin, woro su ma suuwa kun." Dika n nu bere, na baka n akaba awu. 20 Sangha bo i susufom n nuuri nyini n so ni, na ba yo alekutura. Na ba bisa i ka, "Nzu ti ye baka n wuuri ndende so a?" 21 Na Yesu abo bu nu ka, "Nahore ye m suse am n a, woro kere bo a yoori Nyeme yarada na a yo ma sika, a koro yo sa n bo ma fa ayo ahin damba baka n be. Ma ahin ni ngumi, haari nzen a seeri ahin buka n ka, 'Yasu ko to tieku n nu,' i yo so o. 22 Nzen am yoori yarada, deke kere bo am sere Nyeme ka am koro i, Nyeme yo i ma am."

Kabo bu bisaari Yesu deke bo i yiko n fite ni

23 Na Yesu akpie i nyi aba awura Nyeme Sereebiri Awuru n nu, na i sukere minem. I wo kere su so n na Nyeme sayoo-wa donguyofom, ni Yudafo m nkpienkpienm aba i do, na ba bisa i ka, "Nma dee yiko nu ye a yo nyini sam kere a? Nma ma u nyini yiko ni, ye a yo nyini sam n a?" 24 Na Yesu abo bu nu, ase bu ka, "Am ma m du mo bisa am bisaawa kun be ka, na nzen am boori m nu, na m gusu nya se am deke bo m yiko n fite. 25 Nma maari Yohane atin ye i ba bieeri minem Nyeme nzue n a? Nyeme nzen adamande?" Na ba se akuruwa bu nu nu, kabo bu bo Yesu nu barasu. Bu na, "Nzen ya se i ka Nyeme maari i atin a, i bisa ya ka ye nzu ti ye ya da ma Yohane nu a? 26 Ama, nzen ya seeri i ka adamande do, ya soro sere ka jama ni ya ki ma ya. Ma pui ti, dama sono kere soroori su ka Yohane yo tiiri Nyeme noanie kanfo o nahore su." 27 Nyini ti, na ba bo i nu ka, "Ya si ma." Na yiri gusu ase bu ka, "Mini mmoo se ma am sono bo i dee yiko nu na m yo ahin sam n kere ni."

Mienu fa ko sono be ni i nbaa nnyo nbem su

28 Na Yesu abisa bu ka, "Am sunsun ka ahin mienu bu la ka se wo lee? Sono be yo woori bere a, i la nbaabiesom nnyo. Een be na wo ko kpien n do, ako ase i ka, 'M wa, ko

baka suuwam fie n nu, na a kɔ yo juma nyuma.’²⁹ Na baa n ase i ka, ‘M kó má.’ Ama, kasin, na baa n aba akaaki i sunsunni, na wɔ kɔ.³⁰ Na wɔ kɔ nyinga n dɔ, akɔ ase i gusu. Na baa n ase i ka, ‘Ma ti, m kó.’ Ama, wɔ kɔ má.³¹ Tɔ, bu mine nnyom n nu, nma yoori i si n sa koroowa?” Na ba bo i nu ka, “Baakpien ni.” Dɔ na Yesu ase bu ka, “Nahɔre ye m suse am n a, lampodefɔm ni sakaram kere sufa Nyeme yo bu femɛ yaki am.³² Dama ka, Yohane baari ka i bá kere am sa bo i kɔ atin su Nyeme dɔ ɔ, ama, am ayo má i yarada, na lampodefɔm ni sakaram, bere ayo i. Haari ni bo am njuuri kabo bu yoori yarada ni, am akaaki má am wo, na am yo i yarada.”

Kabo Yesu boori miɛenu niiri Yudaɔm nkpienkpienm ni

³³ Na Yesu ase bu ka, “Am so am sui na am ti miɛenu n be bekun. Awurufɔbie be yo woori bere a, na wɔ dɔ i baka suuwa barasu be fie, na wɔ kanda abara aye fie ni. Na wɔ lokoti yabue bambaka be kunma, ka i sumiemie baka suuwam ni nzue gɔ nu. Na wɔ ta kpafiri lenlenge be ka bu tana su sunie fie n kere su, na wɔ nya afa fie n awura i npadifɔm saa nu. Na wɔ kɔ atin.³⁴ Saŋga bo i siiri ka wɔ ka kaan na baka suuwam n bí ni, na wɔ sunma i akɔm i npadifɔm n dɔ ka bu kɔ de i deɛ bo ba nya i n bra.³⁵ Akɔm n kɔ juuri ni, na ba bo bu nu kun, na ba kun nyinga, na ba tu nyinga n gusu yabue.³⁶ Na sɔnɔ n asunma i akɔ nyingam bekun, bu sunnu tara ciciri deɛm ni, na npadifɔm n ayo bu kabo bu yoori ciciri su deɛm ni.³⁷ Na kasin, na wɔ ba asunma i wa, na wɔ se ka, ‘Bu má m wa n yiri jirima.’³⁸ Ama, saŋga bo npadifɔm n njuuri ka baa ni suba ni, na ba se bu njuu nu ka, ‘I wa n bo i dí i aja n lɛe suba n a. Am bra na ya kun i na aja n kere ká ya deɛ.’³⁹ Dɔ na ba tara i, na ba cin i atu baka suuwa fie n aheme, na ba kun i.”⁴⁰ Na Yesu anya abisa bu ka, “Am sunsun ka fie fɔ n ba baari, i yó nyini npadifɔm ni se wɔ?”⁴¹ Na ba bo i nu ka, “I bá ma nyini mine tieɔm n kere wu kenkesi yiwee wɔ, na i fá fie n wura npadifo fɔfɔrem saa nu, bere bo bu má i nya i deɛ baka suuwam, saŋga bo bu ba biiri ni.”

⁴² Na Yesu ase bu ka, “Am nya kan má kabo ba kere i Nyeme Jɔre Kadasi n nu ni, nzen se? Bu nja, ‘Yabue n bo bondo tafɔm n faari i tuuri ni, yiri ye wɔ kaaki bondo n jaa yabuem n kere tii a. Micera ni yoori i sɔ a.

Ya nju i na wɔ yo ya alekutura.’ ”

⁴³ Na Yesu ase bu ka, “M suse am wɔ lɛe, ka, bu dé Nyeme femeya n fite am dɔ, na bu fá ma minem bo bu bita i na i la kperɛ ni.” [⁴⁴ Na wɔ kaaki ase ka, “Sɔnɔ kere bo i kpaasiiri

ahin yabue n su, i mi búbu nu wɔ mumuku, na sɔnɔ kere gusu bo ahin yabue n tɔɔri i ɲu, i sán i mi samene wɔ.”]

⁴⁵ Nyeme sayoowa dɔɲguyofɔm, ni Farasifɔm n tiiri miɛnu n bo Yesu boori i sɔ ni, na ba fa nu ka i boori i niiri bere wɔ. ⁴⁶ Nyini ti, na ba kpini atin kabo bu yo na bu tara i, ama, bu soroori jama n wɔ, dama bu kere ɲa i ti Nyeme nɔanie kanfɔ ɔ.

22

Miɛnu fa kɔ konyaya di ni nu bambaka n su

¹ Na Yesu akaaki abo miɛnu be bekun, i ɲa, ² “Kabo Nyeme femeya n ti yaa. Feme be yo seseeri i wa konyaya di ni nu su fa seeri a. ³ Na wɔ sunma i akɔɔm ka bu kɔ fere minem bo wɔ du mɔ abaandi bu ka bu ba konyaya di ni nu ni, ka bu bra. Ama, na ba kete ka bu ba má. ⁴ Na wɔ kaaki asunma akɔɔ nyingam ka bu kɔ se bere n bo wɔ du mɔ abaandi bu n ka, ‘Am bra, dama ma yo m di ni nu n siriya kere awie. Haari ma kun m tooram, ni nengendɔre bo bu la lui ni, ayo siriya kere awie. Am bra na am ba konyaya di ni nu ni.’ ⁵ Ama, bu be mmɔɔ abo má bu nu. Na ba ka bu juma n yo su. Kun kɔɔri i fiesu wɔ, na nyinga gusu akɔ i juma yoobiri. ⁶ Na nyingam n atara i akɔɔm ni, na ba kere bu wuwuruwa, na ba kun bu. ⁷ Dɔ na yaa ati feme n agaya, na wɔ sunma i sojam, na ba kɔ akun nyini mine kunfɔm ni kere, na ba yara bu mie ni. ⁸ Na wɔ fere i akɔɔm ni, na wɔ se bu ka, ‘Konyaya di ni nu n ayo siriya, ama, minem bo m duuri mɔ baandiiri bu ka bu ba di i ni, i ti má ye ni ka bu dí i kun. ⁹ Nyini ti, am fite kɔ atingberem su, na am kɔ fere minem barasu kere bo am ɲuuri bu ni, ka bu bra konyaya di ni nu ni.’ ¹⁰ Na akɔɔm n akɔ atingberem su, akɔ atien minem kere bo bu kɔ ɲuuri bu n nɔɔ aba, mine kpam ni tiem kere. Na konyaya awuru n ayi ni jama beberebe.

¹¹ Na feme n akɔ, ka i kɔ nie jama ni, na wɔ ɲu ka sɔnɔ kun be wo jama n nu, i wura má konyaya sutura. ¹² Na feme n abisa i ka, ‘M dɔn, a yo se wuraari awuru n nu fen, ye a wura má konyaya sutura a?’ Ama, sɔnɔ n akoro abo má i nu. ¹³ Na feme n ase i ngbefenem ka, ‘Am tara i, na am cici i saam, ni i jaam nyama, na am fa i tu dasin dɔ, awosin n nu. Dɔ na i sún, na i kán i saa.’ ” ¹⁴ Na Yesu anya ase bu ka, “Minem bo Nyeme afere bu n sunnu, ama, bo wɔ yi bu n sunnu má.”

Kabo bu sɔɔri Yesu ɲgeɛ lampo tɔ busu ni

¹⁵ Na Farasifɔm n afite akɔ aseɛ su kabo bu sɔ Yesu ɲgeɛ, na bu nya i taraabiri fa kɔ i nɔanie jɔjɔɔwa su. ¹⁶ Na ba sunma bu susufɔm, ni Feme Herode minem Yesu dɔ, na ba

kɔ ase i ka, “Ya Kerefo, ya si ka a ti nahore sefo ɔ, na a kere minem kabo Nyeme atin ti nahore su, na u cee wo ma kabo minem jɔjɔ nu, dama a nie ma sɔnɔ jinaabiri ti. 17 Tɔ, a ɲa se wo? Ya dee atin n su, atin wo nu ka ya tɔ lampo ma Romafom Feme Kpiri Siza, nzen atin wo ma nu?” 18 Ama, na Yesu asi ka bu bita sunsunni tie wo, na wo se bu ka, “Amberɛ burukɔnufom ni, nzu ti ye am sukoro ka am sɔ m ɲɛɛ a? 19 Am fa ɲwaa n bo bu fa tɔ lampo kaari n bra na m nie.” Na ba fa ɲwaa n aba ama i, 20 na wo de ɲwaa n anie, na wo bisa bu ka, “Nma dee tii ni i duma wo ɲwaa n su n a?” 21 Na ba bo i nu ka, “Feme Siza dee a.” Na Yesu ase bu ka, “Tɔ, deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme.” 22 Sangɔ bo bu tiiri ahin nɔanie n sɔ ni, na ba mie, na ba kɔ ayaki i.

Kabo bu bisaari Yesu fa kɔri yiwee tenge jɔre su ni

23 Nyini cɛen n gbingbin na Sodusifo nbem aba Yesu ɔ. Bu dee kereewa la ka Nyeme tenge ma minem bu yiwee n nu n a. Na ba ba abisa i jɔre be, bu ɲa, 24 “Ya Kerefo, Moyisi yo seeri ka, nzen sɔnɔ wu yakiiri i yi, na i ni bara n anya ma baa, wo yo daka ka i niema n fa kunafo n na bu wu nbaam ma yiri n bo wo wu ni. 25 Tɔ, sɔnɔ be yo laari nbaabiesom nso wo, ya nu fen, na baakpien n aja bara, na wo wu ayaki bara ni, ba wu ma baa. 26 Sɔ ye bo i tɔ i su nnyɔ su, ni nsan su n yoori a, haari fa kɔ kpuraari nso su ni. 27 Na bara n ni i tii aba aka sin awu. 28 Tɔ, kabo bu mine nso n kere aja bara n na ba wu sɔ ni, cɛen bo Nyeme ba tenge minem bu yiwee n nu ni, bara ni ka ɲma dee tenle su a?”

29 Na Yesu abɔ bu nu ka, “Am amini atin. Dama am ti ma deke bo ba kere i Nyeme Jɔre Kadasi n nu n bu, na am kaaki si ma kabo Nyeme yiko n ti barasu. 30 Dama sangɔ bo Nyeme ba tenge minem bu yiwee n nu ni, ajaa wo ma bere kun. Ama, nyini cɛen ni, sɔnɔ kere kaaki ka Nyeme merɛkem bo bu wo aɲgoro n wo, dama bu ja ma ajaa kun. 31 Na fa kɔ kabo Nyeme ba tenge minem bu yiwee n nu barasu ni, am akan ma Nyeme Jɔre Kadasi n nu kabo i yo seeri am n wo, nzen se? I ɲa, 32 ‘Mini ti Abraham, ni Izaki, ni Jakɔbu dee Nyeme n a.’ ” Na Yesu asa su ase bu ka, “Tɔ, kabo Nyeme ɲa i ti nyini minem n dee Nyeme ni, nyini kere ka bu toko la ɲɔɔ lee, dama Nyeme ti ma bo ba wu n dee Nyeme, ama, i ti bo bu la ɲɔɔ ni dee Nyeme a.” 33 Minem n tiiri i kereewa n sɔ ni, na ba yo alekutura.

Nyeme nɔanie maawa n bo i tara bu kere n jɔre

34 Sangɔ bo Farasifom tiiri ka Yesu ajɔjɔ ayi Sodusifom ni, na ba tien bu nɔɔ i ɔ. 35 Na bu nu kun be, bo i ti Nyeme

nɔaniɛ kerefɔ n abisa Yesu bisaawa be ka i sɔ i ηγεε. I ηα, ³⁶ “Ya Kerefɔ, Nyeme nɔaniɛ maawa n bo i wo i nɔaniɛ kpamaawa n nu ni, bɔnɔ tara bu kere a?” ³⁷ Na Yesu abɔ i nu ka, “Ba kere ka, ‘Koro Micera u Nyeme ni, ni u ahorembaa kun, ni u awiewie, ni u sunsunni kere.’” ³⁸ Ahin ti nɔaniɛ maawa n bo i tara i kere a. ³⁹ Bo i tɔ su nnyɔ su n ti ka nyini n wɔ. Ka o, ‘Koro u benggu kabo a koro u ηu ni.’ ⁴⁰ Kabo ba kere Nyeme nɔaniɛ kpamaawam n kadasi n nu, ni Nyeme nɔaniɛ kanfɔm n dɛɛ n nu ni, i kere jina ahin nɔaniɛ maawa nnyɔm n su wɔ.”

Kristo Tiidefɔ n bo i ti Feme Davidi anuma n jɔre

⁴¹ Sanga bo Farasifɔ nbem ba tientienri bu nɔɔ ni, na Yesu abisa bu jɔre be fa kɔ Kristo Tiidefɔ n su. I ηα, ⁴² “Am fa Kristo Tiidefɔ n bu ηma a? Am sunsun ka i ti ηma dɛɛ anuma a?” Na ba bɔ i nu ka, “I ti Feme Davidi anuma a.” ⁴³ Na Yesu abisa bu ka, “Ye nzu ti ye Nyeme Awiewie n ba wuraari Feme Davidi ηu, ye i fereeri i ka i Mibiɛ a? I ηα, ⁴⁴ ‘Na Micera n ase m Mibiɛ n ka, ‘Ba tana m saa fɔmbɔrɔ su fen,

haari m bá má u kpɔfɔm kere ba kutu u jaa bu.” ’

⁴⁵ Tɔ, nzen Feme Davidi mmɔɔ ni i tii yo fereeri Kristo n ka i Mibiɛ, ye Kristo n yo sɛ kaaki yo Feme Davidi anuma a?” ⁴⁶ Be akoro anya má nɔaniɛ be abɔ má i nu. Nyini ti, fite nyini cɛɛn n sin, be abɔ má su ka i bisa Yesu jɔre bekun.

23

Kabo Yesu ηa mine si bu ηu sa ni Yudaɔm tereterefɔ nbem ni

¹ Na Yesu ajojɔ i susufɔm n ni jama n dɔ, na wɔ se bu ka, ² “Nyeme nɔaniɛ kerefɔm, ni Farasifɔm n ade Moyisi dɛɛ jinaabiri ni, ye bu kere minem Nyeme nɔaniɛ kpamaawa n a. ³ Nyini ti, deke kere bo bu fa kere am ni, am soro i su, ama, má am yo sam bo bu yo bu ni, dama bere yo má sam bo bu kere ka minem yo bu ni. ⁴ Bu cici sɔori nɔnɔori sɔ minem wɔ, ama, bere ni bu tii soro má su ka bu fa bu saa kan i. ⁵ Deke kere bo bu yo i, bu koro ka minem ηu bu wɔ, na bu kansi bu. Bu kere Nyeme nɔaniɛ n wɔ, na bu yo i ka sebe, na bu fa cici bu ηuma su, adena minem ηu i. Na bu yo bu tanlɛ nɔɔ njɔrem tintiin. ⁶ Nyini minem n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka diire diibirim ni, bu koro ka bu tana kpirikoro tanaabirim wɔ. ⁷ Bu koro ka minem suyo bu anse gɔɔsu wɔ, na bu ma bu jirima, na bu fere bu ka, ‘Ya Kerefɔ.’ ⁸ Amberɛ, má am ma be fere am ka ‘Ya Kerefɔ,’ dama am la kerefɔ kun n kpein wɔ. Amberɛ kere

ti nibaam wɔ. ⁹ Má am fere be ka am si, durunya n nu fen, dama am la Si kun n kpein wɔ, yiri wo angoro n a. ¹⁰ Má am ma be fere am ka i kpɛn, dama am kpɛn ti kun n kpein wɔ, yiri la Kristo Tiidefɔ ni. ¹¹ Bo i ti am kere tii ni, wɔ yo daka ka yiri su am a. ¹² Sɔnɔ kere bo i wura i ɲu kpiri, Nyeme yó i mi kaan, na sɔnɔ kere bo i yo i ɲu kaan, Nyeme wúra i mi kpiri.”

Kabo Yesu ɲa Yudafɔm tereterefɔ nbem bá ɲu anyumboro ni

¹³ Na Yesu akaaki ase ka, “Amberɛ Nyeme nɔaniɛ kerefɔm, ni Farasifɔm n bo am ti burukɔɔnufɔm ni, am bá ɲu anyumboro. Am kanda minɛm wɔ, adena má bu su Nyeme femɛya n atin su, dama amberɛ ni am tii kete ka am su má i atin n su, na am sukanda bo bu koro ka bu su i su ni. [¹⁴ Amberɛ Nyeme nɔaniɛ kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am sisi nkunafɔm na am fin bu neɲgem wɔ, na am jina sere Nyeme cɛ, adena minɛm ɲu ka am ti mine kpam wɔ. Jina cɛɛn, amberɛ bá nya suicin tara minɛm kere.]

¹⁵ Amberɛ Nyeme nɔaniɛ kerefɔm ni Farasifɔm n bo am ti burukɔɔnufɔm ni, am bá ɲu anyumboro. Am kpɛ tiekum wɔ, na am kɔ miɛm bo bu waarim su, adena am nya sɔnɔ kun mmɔɔ bo i káaki i wo na i su am su, na sanɲa bo am nya nyaari i mi, am ma i satie yoowa tara am dɛɛ wɔ, adena yiri dú am mɔ kɔ cɛɛma sin nu.

¹⁶ Amberɛ bo am ti ka anyinsinm na am kere minɛm atin ni, am bá ɲu anyumboro. Am ɲa nzen sɔnɔ taanri ndie fa kɔ Nyeme Sereebiri Awuru n dɔ, i ti má pui. Ama, nzen sɔnɔ kere bo i taanri sika neɲgem n bo bu wo Nyeme Sereebiri Awuru n nu ni, i mi ma i ndie taanwa n yo yiiwa. ¹⁷ Amberɛ bo am ti ka anyinsin sinnzinm ni, bɔnɔ tara i beɲgu a? Sika neɲgem ni, nzen Nyeme Sereebiri Awuru n bo yiri ma sika neɲgem n yo casi n a? ¹⁸ Am kaaki ɲa, nzen sɔnɔ taanri Mikun n yoowa yoobiri ni, i ti má pui. Ama, nzen sɔnɔ taanri aceerim bo ba fa ase Mikun n yoowa yoobiri n su ni, wɔ yo daka ka i mi ma i ndie taanwa n yo yiiwa. ¹⁹ Amberɛ bo am ti ka anyinsinm ni, bɔnɔ tara i beɲgu a? Aceerim ni, nzen Mikun n yoowa yoobiri n bo i ma aceerim n yo casi n a? ²⁰ Nyini dɛɛ ti, sɔnɔ kere bo i taanri Mikun n yoowa yoobiri ni, i mi atan i ni dekem kere bo bu wo su n wɔ lɛɛ. ²¹ Na sɔnɔ kere bo i taanri Nyeme Sereebiri Awuru ni, i mi atan i ni Nyeme bo i wo nu n wɔ lɛɛ. ²² Na nzen sɔnɔ kere bo i taanri angoro ni, i mi atan Nyeme femɛya bie n wɔ lɛɛ, ni yiri Nyeme bo i tana su ni.

²³ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am yi am jakam ma Nyeme wo, haari ni am maakunm, ni ngetem, ni nvan-nvanm kere, ama, am yo ma sam bo Nyeme noanie kpamaawa n kere ka am yo bu n na bu la anyunuyi tara bu kere ni. Bere la nahore sam, ni anunfo si, ni yaradayo. Wo yo daka ka na am yo nyini sam sanja kere, na am fa jaka yiiwam buka su. ²⁴ Ambere ti ka anyinsinm na am kere minem atin ni. Am kpokpo yi nminsennm bo bu ti kan kanm n wo, am deke nuuwam nu, ama, na am sanja nu nyoomam bere, am deke nuuwam nu.

²⁵ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am nmisi am kopum ni taalem sin wo, ama, na bu kunnu ayi ni dekem bo am fin bu fanja, ni anyii sayoowam wo. ²⁶ Woro Farasifo bo a ti ka anyinsin ni, du mo yo u kopu n kunnu casi ka, na i sin n gusu nya yo casi.

²⁷ Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am ti ka fanjunmam bo ba bo bu nzue fofoe kpakpari, na bu yo nyunyumi n wo, ama, bu kunnu yiri ayi ni fuin buwem wo, ni fin barasu kere. ²⁸ Am ti so o lee. Am ma minem nu am ka am ti minem bo bu yo sa bo i ko atin su Nyeme do n wo, ama, am ahore su ayi ni burukoonu, ni satiem wo."

Kabo Yesu na Nyeme ba cin Yudafo tereterefo nbem sui barasu ni

²⁹ Na Yesu asa su ase ka, "Ambere Nyeme noanie kerefom, ni Farasifom n bo am ti burukoonufom ni, am ba nu anyumboro. Am yo fanjunmam dongu fa ma Nyeme noanie kanfom wo, na am yo minem bo bu yo sa bo i ko atin su Nyeme do n fanjunmam nyunyumi. ³⁰ Na am se ka, nzen ma ambere yo woori bere, am nam sanja ni, ma am kun ma Nyeme noanie kanfom n ni, kabo am nam yo yoori bu ni. ³¹ Nyini ti, am asoro su ka am ti bere bo bu yo kuunri Nyeme noanie kanfom n dee busu nufom wo lee. ³² To, i ti ye ni ka am de am nam jinaabiri ni, na am yo bu satie yoowam n ko wie. ³³ Ambere burukoonufom bo am ti woom na am ti ka pumpuni nbaam ni, am yo se ye am koro nmati fite nu, bo am wura ma cema sin n nu a? ³⁴ Nyini ti ye m sunma Nyeme noanie kanfom, ni mine alecirafom, ni kerefom am do n a. Am kun bu nbem, na am fa bu nbem sense baka jaanu n su, na am fin bu nbem ngbere, am tientienbunoo soom n nu, na am ko mie miem su na am kere bu wuwuruwa. ³⁵ Nyini dee ti, Nyeme cin ambere sui fa ko kabo am nam yo kuunri minem bo bu yo sa bo i ko

atin su Nyeme do durunya n nu. Bu yo yoori so o fite sanja n bo bu kuunri sono be bo i yo sa bo i ko atin su Nyeme do n na bu fere i ka Abeli ni, fa ba juuri sanja n bo bu kuunri sono be bo bu fere i ka Zakariya, Berakaya wa ni. Yiri ye am kuunri i Nyeme Sereebiri Awuru n nu, Casi Kere Casi Soo n ni Mikun yoowa yoobiri n afien n a. ³⁶ Nahore ye m suse am n a, nyini n kere dee ti ye Nyeme ba cin ambere nyumafom sui n a.”

Kabo Yesu ahore saaki maari Yerusalemfom barasu ni

³⁷ Na Yesu abo awie ase ka, “Keto, keto, ambere Yerusalemfom. Ambere kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Sanja kere m koroori ka m tien am noo, na m fa m saa bara ye am, kabo ako tien i nbaam noo, i lanjkrere nu ni, ama, am soro ma m su. ³⁸ Am nie fen, Nyeme yaki am nu ji, na am mie n ka ngbeen. ³⁹ M suse am wo lee, ka, fite kisa fa ko, am nu ma m kun, ma ka sanja bo am ba se ka, ‘Terefie wo yiri n bo i suba Micera n dee duma n nu n do.’ ”

24

Kabo Yesu seeri ka Nyeme Sereebiri Awuru ni ba bereki barasu ni

¹ Sanja bo Yesu fiteeri Nyeme Sereebiri Awuru n nu na i wo ko su ni, na i susufom n aba i do, aba ase i ka i nie kabo Nyeme sereebiri n ti barasu a. ² Na wo se bu ka, “M na am anu ahinm kere e? Nahore ye m suse am n a, yabue kun n kpein n mmoo ba nana ma i benju su. Bu ba bereki i kere go o lee.”

Kabo Yesu kere fa korri durunya n awieeri su dee jore ni

³ Sanja bo Yesu fun ko tanaari Oliva Buka n su ni, na i susufom n aba i do, bu ni yiri ngumi, na ba se i ka, “Ya Kerefɔ, se ya, sanja bono ye ahin sam kere ba yo a? Ye nzu deke ba kere ya ka sanja n adodo bo a ba bekun, na durunya n ba awieeri a?”

⁴ Na Yesu abo bu nu ka, “Am si am nu sa, na ma am ma be dadaka am. ⁵ Dama mine dongu ba fa m duma ba, na bu se ka, ‘Kristo Tiidefo n la mini wo.’ Na bu dadaka mine beberebe. ⁶ Sanja bo am ba ti aluwa nga fen, wara bu sukun lue do, ma am ma am ahore saaki. Wo yo daka ka nyini sam n kere ba yo sin ka, ama, ma am nie ka durunya n awieeri lee. ⁷ Daanfie daanfie ba kun lue ni bu benjum, na nfemem kun lue ni bu benju nfemem. Na asien ba kpisi awore aworem nu, na ahoe to. ⁸ Nyini n kere ba yo kabo bara kutu een bumoori dee wahara n ti n wo.”

⁹ Nyini san̄ga, na bu tára am ma yikofom na bu kére am wuwuruwa, na bu kún am. Mini d̄e ti, s̄on̄o k̄ere kp̄o am. ¹⁰ Nyini san̄ga n na mine d̄on̄gu bá kete m na bu su má m kun, na bu t̄o bu ben̄gu, na bu kp̄o bu ben̄gu. ¹¹ Na k̄orefom d̄on̄gu bo bu yo bu ŋu ka bere ti Nyeme n̄on̄ie kanfom ni bá ba, na bu dádaka minem beberebe. ¹² Satīeyo bá sunnu n d̄e ti, mine d̄on̄gu koro bá k̄o i sin. ¹³ Ama, w̄or̄o k̄ere bo a mindi deer̄i nyini n k̄ere k̄o juuri i awieeri, Nyeme dé u ti ji. ¹⁴ Na bu bá kan ahin labari kpa n fa k̄o Nyeme fem̄eya n j̄ore su, kere durunya n nufom, na adamande k̄ere tí i ka, na durunya n nya bá awieeri.”

Anyumbaa ciire sa n bo i bá n j̄ore

¹⁵ Na Yesu akaaki ase bu ka, “Am bá ŋu anyumbaa ciire sa be bo Nyeme mm̄o kp̄o i n na Nyeme n̄on̄ie kanf̄o Danieli yo j̄oj̄ori i j̄ore ni, ka i jina s̄ōo casi n bo i wo Nyeme Sereebiri Awuru n nu ni. Ma s̄on̄o k̄ere bo i kan ahin kadasi n ti i bu nyunyumi. ¹⁶ Nyini san̄ga ni, w̄or̄o k̄ere bo a tiiri i ŋga na a wo Yudiya asien n su, ŋmati k̄o bukam n su. ¹⁷ W̄or̄o k̄ere bo a wo kpata nu, má a wura gisan nu fa pui. ¹⁸ Na w̄or̄o k̄ere gusu bo a wo fiesu, má a kpie u nyi k̄o awuru k̄o fa u sutura be. ¹⁹ Nyini san̄ga ni yó kekereke agaya ma nyinsefom, ni nbaram bo bu nbaam toko nu ni. ²⁰ Am sere Nyeme ka má nyini sa n yó buke san̄ga, wara Yudafom N̄umiyi c̄een ni. ²¹ Nyini san̄ga ni wahara bo mine dí i, i tára wahara k̄ere bo ba di i asin ni, fite san̄ga n bo Nyeme yiiri durunya ni, haari ni kisa. Nah̄ore, nyini wahara n ŋusu bá má kun. ²² Ama, Nyeme akpie nyini san̄ga n su. Nzen má w̄o kpie má i su, má s̄on̄o wo má bere bo i nya ŋḡo, ama, i d̄e tienḡu minem bo w̄o yi bu n d̄e ti, ye w̄o kpie san̄ga n su a. ²³ Nyini san̄ga ni, na nzen be bá se am ka, ‘Am nīe, Kristo Tiidef̄o ni wo fen n a,’ wara, ‘Am nīe, yiri wo d̄o n a,’ má am de i mi n̄on̄ie ni. ²⁴ Dama k̄oref̄o nbem bá ba, na bu yó bu ŋu ka bere ti Kristo n a, na nbem gusu yó bu ŋu ka bu ti Nyeme n̄on̄ie kanfom w̄o. Bu yó alekutura sam beberebe fa kere am, na nzen bu koro nyaari atin, bu dádaka Nyeme d̄e minem mm̄o bo w̄o yi bu ni. ²⁵ Ambere, am ti fen, ma se am w̄o l̄e ka, na san̄ga n nyá ba ju.

²⁶ Na nzen be bá seeri am ka, ‘Am nīe, Kristo ni wo boro kpantain n nu d̄o n a,’ má am k̄o d̄o. Wara, nzen be bá seeri am ka, ‘Yiri fie s̄or̄o d̄o n a,’ má am yo i mi yarada. ²⁷ Dama mini Adamande Wa n ba ni, i bá ti kabo nzue k̄p̄ese na i ta bara ye deke k̄ere n w̄o, fite wīe afiiri fa k̄o ju wīe at̄ori n w̄o. ²⁸ Deke k̄ere bo deke fuin nya wo, petem bara ye d̄o o.”

Kabo Adamande Wa ni bá kaaki ba barasu ni

29 Na Yesu akaaki ase bu ka, “Sanja bo nyini wahara n kere ba siinri,
 ‘Awosin káta wie n su,
 na sara n gusu tá má bo minem ñu i.
 Na asarambaam fíte angoro titi tótó,
 na angoro n kere kpísi.’

30 Nyini sanja ni, na mine ñú deke be angoro bo i kere ka mini Adamande Wa ni suba. Na minem bo bu wo durunya n nu n kere bó awie, na bu nyá ñu ka mini Adamande Wa ni sufite angoro yinyingú n nu suje piépiéu suba ni yiko bambaka ni. 31 Na bu tí ka awie be sukpara ni fanja su, na m nyá sunma Nyeme merékem durunya n awore n kere nu, na bu tien minem bo Nyeme ayi bu durunya n nu n kere nɔɔ.”

Kabo Yesu ña ya fa damba baka fa se nyaari barasu ni

32 Na Yesu akaaki ase ka, “Am fa damba baka n fa se nyaari. Sanja bo am ba ñu ka i nyawa akponkpon, na i sufiefe fofore ni, am si ka dɔdɔori sanja adodo lee. 33 Mini Adamande Wa n ba ni bá yo sɔɔ. Sanja bo am ba ñu ka nyini sam kere bá suyo ni, am si tenle su ka sanja n adodo lee, i cé má kun. 34 Nahore ye m suse am n a, ahin nyumafom busu kere wú wie má ka, ye nyini sam kere bá yo a. 35 Angoro n ni asienngu n kere bá la awieeri, ama, m dee noanie n yiri la má awieeri cɛen be.”

Kabo Yesu seeri ka ya si ya ñu sa fa kɔ i ba n su ni

36 Na Yesu akaaki ase ka, “Be si má sanja ni, wara cɛen n bo m bá kpie m nyi ba ni. Haari Nyeme merékem bo bu wo i dɔ ni, ni mini bo m ti i wa ni mmɔɔ si má. Má ka ya Si Nyeme ngumi si a. 37 Mini Adamande Wa n ba sanja ni yó kabo sɔnɔ be bo bu fere i ka Nowa sanja na i yoori n wɔ. 38 Sanja bo wɔmbu n nya di má durunya n ni, sɔnɔ kere woori di ni nu su wɔ, na nbaram ni nbiesom suja bu bengum, fa kɔ juuri haari cɛen n bo Nowa wuraari lee bambaka n nu ni. 39 Minem ayo asi má sa bo i bá yo ni, haari cɛen n bo wɔmbu n ba diiri bu kere ni. I yó sɔɔ, fa kɔ sanja n bo mini Adamande Wa ni bá ba ni. 40 Nyini sanja ni, mine nnyɔ bá wo juma yo su fiesu, na Nyeme má bu bá fa kun n kɔ yaki kun ni. 41 Na nbaram nnyɔ wo ngani saanbiri, na Nyeme má bu bá fa kun n kɔ yaki kun ni. 42 Tɔ, nyini ti, má am fa am ñu ji na am daafi, dama am si má cɛen n bo am Mibiɛ ni bá ni. 43 Am si tenle su ka nzen má awurufobie n si sanja bo awiefɔ ni bá i dika na i bá wɔ i, má i tana ñminda a, na awiefɔ n koro ba wura má. 44 Nyini ti, amberɛ gusu kpa am ñu sanja kere, dama mini Adamande Wa ni, m bá sanja bo am sunsun má ka m bá n wɔ.”

Miɛnu fa kɔ akɔɔ nbem dabuɲu n jɔɛ

⁴⁵ Na Yesu akaaki ase ka, “Akɔɔ kpiɛn n bo i la dabuɲu na i kaaki la alecira n la ŋma a? Yiri la bo i mibiɛ n afa akɔɔ nyingam awura i saa nu ka i kpaaki diire nu ma bu, sanɟa bo i ti ye ni ka i ma bu ni. ⁴⁶ Nzen i mibiɛ n ba ŋuuri ka i suyo i juma kabo i seeri ka i yo ni, terefie wo nyini akɔɔ n dɔ. ⁴⁷ Nahɔɛ ye m suse am n a, mibiɛ ni fá i aja kere wura nyini akɔɔ n saa nu wɔ, na i níɛ i dika. ⁴⁸ Ama, nzen i ti akɔɔ tiefo, i súnsun ka i mibiɛ ni kpíe má i nyi nde. ⁴⁹ A ŋu ka i subo akɔɔ nyingam wɔ, na i sudi, na i ni nzan nufɔm sunu bo. ⁵⁰ Dɔ, na i mibiɛ n ba kpieeri i nyi baari cɛɛn bo i sunsun má ka i bá, na i kaaki si má ba n sanɟa ni. ⁵¹ Nyini sanɟa n na i mibiɛ n cín i sui agaya, na i fá i bo burukɔɔnufɔm n su. Dɔ na i sún, na i kán i saa.”

25*Miɛnu fa kɔ nsunɟuru buru nbem jɔɛ*

¹ Na Yesu akaaki ase bu ka, “Sanɟa bo mini Adamande Wa ni bá ba, na Nyeme Feme bá nie i minem su ni, i yó ka nsunɟuru buru nbem bo bu faari bu fitanam ka bu kɔ kpa konyafan atin n wɔ. ² Bu mine nnu tiiri alecirafɔm wɔ, na nnu nyingam n ati sinnzinm. ³ Na sinnzinm n afa bu fitanam, ama, ba bita má ŋguin nu, ⁴ na alecirafɔm n bere afa ŋguin abita nu. ⁵ Na ba kɔ anminda konyafan n ace, wɔ ba má nde, na daafiri aba ati nsunɟurum ni, na ba daafi. ⁶ Na jinanjin sanɟa, na ba ti ka bu subo ndoori ka, ‘Konyafan ni suba o, am fite na ya kɔ kpa i atin.’ ⁷ Na nsunɟuru burum kere ayasu, ayo bu fitanam dɔŋgu. ⁸ Na sinnzinm n ase alecirafɔm ni ka, ‘Am bu am ŋguin n be ma ya, ya fitanam ni sunɔ.’ ⁹ Na alecirafɔm n ase bu ka, ‘Ai, ya ŋguin ni koro ju má ya ni ambere kere. Am kɔ ŋguin tɔfɔm dɔ, na am kɔ to.’ ¹⁰ Na nsunɟuru sinnzinm n ako ka bu kɔ to ŋguin ni. Bu kɔ wieeri ni, na konyafan n aju. Na nsunɟuru nnum bo ba kpa bu ŋu ni, asu i su, awura konyaya awuru n nu. Na ba tu anɔ ni. ¹¹ Kasin, na nsunɟuru nyingam bo bu kɔɔri ŋguin to ni, aba ajina anɔ n nu, abo afere i ka, ‘Ya mibiɛ, ya mibiɛ, teke anɔ n ma ya na ya wura.’ ¹² Na konyafan n ase bu ka, ‘Ai, nahɔɛ ye m suse am n a, m si má am cɛɛn be cɛɛn be.’ ” ¹³ Na Yesu ase i susufɔm n ka, “Tɔ, nyini ti, má am fa am ŋu ji na am daafi, dama am si má cɛɛn n bo m bá ni.”

Miɛnu fa kɔ akɔɔ nsan nbem dabuɲu n jɔɛ

¹⁴ Na Yesu ase bu ka, “Sanɟa bo m bá ba ni, i yó kabo sɔnɔ be sukɔ atin, na i fereeri i akɔɔm, na i faari i nenɟe

kere wuraari bu saa nu, ka bu nie i dika n wo. ¹⁵ Na wo fa njwaa akpaaki bu kere nu, kabo bu koro bita i barasu. I faari njwaa n busu nnu maari kun wo, na wo fa busu nnyo n ama kun gusu, na wo nya afa busu kun n ama nyinga ni. Na wo ko atin ni. ¹⁶ Na bo i maari i busu nnu ni afa abo wata bu, na wo nya i njusu nnu abuka su. ¹⁷ Na bo i maari i busu nnyo n gusu ayo so, na wo nya i njusu nnyo abuka su. ¹⁸ Ama, bo i maari i seseewa kun ni ko funduuri kunma wo, na wo fa i dee njwaa n awura nu, na wo kata su. ¹⁹ Na bu mibie n ako ace do, haari na wo ba aba ka i ba nie kabo bu bita i njwaa n barasu ni. ²⁰ Na bo i maari i busu nnu n afa i dee njwaa aba, na wo se i mibie n ka, 'M mibie, nie. A maari m njwaa n busu nnu wo, ama, ma nya i njusu nnu abuka su.' ²¹ Na i mibie n ase i ka, 'Nfan. Woro akoo kpa bo a la dabunju ni, kabo a kere ka a la dabunju nie deke kaan su ni, m fa donju n mmoo wura u saa nu na a nie i dika. Bra na a ba nya ahorejo n bo ma nya i n be.' ²² Na bo i maari i busu nnyo n gusu aba ase i mibie n ka, 'M mibie, nie. A maari m njwaa n busu nnyo o, ama, ma nya i njusu nnyo abuka su.' ²³ Na i mibie n ase i ka, 'Nfan. Woro akoo kpa bo a la dabunju ni, kabo a kere ka a la dabunju nie deke kaan su ni, m fa donju n mmoo wura u saa nu na a nie i dika. Bra na a ba nya ahorejo n bo ma nya i n be.' ²⁴ Kasin, na bo i maari i seseewa kun ni aba, na wo se ka, 'M mibie, m si u sa ka a ti sono fangafao o. Deke bo a do ma i ni, a kpie nyini wo. Na deke bo a bobo ma i ni, a tientien nyini noo a. ²⁵ Nyini ti ye sere tiiri m a, na ma fundu kunma afa u njwaa n afie i nu. Yiri yaa, de u deke.' ²⁶ Na i mibie n akaaki ase i ka, 'Woro akoo tie nviyafao ni, a si tenle su ka deke bo ma do ma i ni, m kpie nyini wo, na deke bo ma bobo ma i ni, m tientien nyini noo a. ²⁷ To, ma a si ka i ti so ni, ma wo yo daka ka a fa m njwaa n ko seeri ban kifom do, na ma m ba kpieri m nyi baari, ma m de m deke na m nya kperere buka su.' ²⁸ Do na mibie n ase i minem ka, 'To, am de njwaa ni i do kisa kisa, na am fa ma akoo n bo i bita njwaa n busu buru ni. ²⁹ Dama sono kere bo wo nya deke na i mi si i bita, bu ma i buka su wo, na i nya beberebe, ama, bo i si ma i bita, haari ni nyini kaan n bo i la i ni, bu cin de i do o. ³⁰ Ama, m ahin akoo ngbeen ni, am fa i tu awosin n nu, deke bo i sun, na i kan i saa.' "

Kabo Yesu ba di minem jore barasu ni

³¹ Na Yesu akaaki ase ka, "Sanga bo mini Adamande Wa ni ba baari ni m jirima woowa n nu ni, ni Nyeme merékem kere ni, m ba tana m jirima femeya bie n su. ³² Na durunya n nu minem kere ba tien bu noo m nyunu, na m kpaaki bu

nu, busu nnyo, kabo boesasafɔ kpaaki yi nbɔem ni sirim nu barasu ni. ³³ Na m má m dɛɛ minem bo bu ti ka nbɔem ni jina m saa fɔmbɔɔ su, na m má bo ba ka na bu ti ka sirim ni jina m saa biɛ su. ³⁴ Na mini fɛmɛ n sé bo bu wo m saa fɔmbɔɔ su n ka, 'Amberɛ bo m Si Nyemɛ ayo am kisi ni, am bra na am ba de fɛmɛya n bo wɔ sɛsɛ i su ase ama am, fite durunya n bumboori kɛrɛ ni. ³⁵ Deke bo i ti na m se am sɔ n la ka, ahɔɛ yo tiiri m, na am ama m diire. Nzuehɔɛ yo tiiri m, na am ama m nzue. M yo baari am dɔ ka wɔfɔ, na am ade m. ³⁶ M yo kaari m bu ngbɛɛn, na am ama m sutura. M yo daari tukpaki, na am aba anie m dika. Bu yo nyiiri m dansaraka, na am akɔ anie m busu.' ³⁷ Dɔ na m minem bo bu yo sa bo i kɔ atin su ni nyá bɔ m nu ka, 'Ya Mibiɛ, sanɔa bɔnɔ ye ya ŋuuri ka ahɔɛ ati u, ye ya maari u diire a, wara nzuehɔɛ ati u, ye ya maari u nzue a? ³⁸ Sanɔa bɔnɔ tenle su, ye a baari ya dɔ ka wɔfɔ, ye ya deeri u a, wara sanɔa bɔnɔ ye a kaari u bu ngbɛɛn, ye ya maari u sutura a? ³⁹ Sanɔa bɔnɔ ye ya ŋuuri ka a daari tukpaki, wara sanɔa bɔnɔ ye bu nyiiri u dansaraka, ye ya kɔ niɛeri u busu a?' ⁴⁰ Dɔ na m nyá bɔ bu nu ka, 'Nahɔrɛ ye m suse am n a, sanɔa kɛrɛ bo am yo yoori sakpa fa maari m ahin ninbaa kan kanm ni kun, am yo maari mini wɔ lɛɛ.' ⁴¹ Na m nyá se bo bu wo m saa biɛ su n ka, 'Amberɛ bo m Si Nyemɛ ayo am ngbɛɛn na wɔ fa nɔɔ tie ase am ŋu ni, am fa cinsi m bi berɛ na am kɔ wura sin n bo i nɔ má n nu, nyini sin n ye ba tɔɔ i afa ase Sitana ni i dɛɛ mɛrɛkɛm n a. ⁴² Deke bo i ti na m se am sɔ n la ka, ahɔɛ yo tiiri m, ama, am ama má m diire. Nzuehɔɛ yo tiiri m, ama, am ama má m nzue. ⁴³ M yo baari am dika, ama, am ade má m wɔfɔ. M yo kaari m bu ngbɛɛn, ama, am ama má m sutura. M yo daari tukpaki, wara m yo woori dansaraka nu, ama, am akɔ anie má m busu.' ⁴⁴ Dɔ na berɛ bo bu wo m saa biɛ su ni nyá bɔ m nu ka, 'Ya Mibiɛ, sanɔa bɔnɔ ye ya ŋuuri u ka ahɔɛ ati u, wara nzuehɔɛ ati u, wara a baari ya wɔfɔ, wara a kaari u bu ngbɛɛn, wara a daari tukpaki, wara a woori dansaraka, ye ya buka má u a?' ⁴⁵ Na m nyá kaaki se bu ka, 'Nahɔrɛ ye m suse am n a, sanɔa kɛrɛ bo am ayo má sakpa, ama má m ahin ninbaa kan kanm ni kun, am ayo ama má mini wɔ lɛɛ.' ⁴⁶ Na nyininim berɛ kó wo suicin n bo i la má awieeri n nu. Ama, na bo bu yo sa bo i kɔ atin su Nyemɛ dɔ ni, berɛ kó wo ŋɔɔ bo i la má awieeri n nu."

26

Kabo bu sɛsɛeri su ka bu tára Yesu ni

¹ Saŋga bo Yesu kereeri nyini kereewam kere wieeri ni, na wɔ se i susufɔm ni ka, ² “Am si ka wɔ ka lennyɔ ɔ, na bu di Butara cɛɛnkpiri ni. Dɔ ye bu nyá mini Adamande Wa n taraabiri a, na bu kpáma m baka jaanu n su.”

³ Dɔ na Nyeme sayoowa dɔnguyofɔ nkpienkpienm ni, ni Yudaɔm nkpienkpienm n atien bu nɔɔ bu kpien n dika, bu fere i ka Kayafasi, yiri ti Nyeme sayoowa dɔnguyofɔm kere kpien a, ⁴ na ba fa sɛsɛsu ka bu tara Yesu asiri nu na bu kun i. ⁵ Na ba se bu ŋuŋu nu ka, “Má am ma ya yo i cɛɛnkpiri n saŋga. Má nyini, minem ni kéte yo nanmie wɔ, na bu sutientien.”

Kabo bara be faari tulaaleɛ gɔɔri Yesu tii su ni

⁶ Yesu woori Betani mie n nu wɔ, sɔnɔ be dika, bu fere i ka Simon, i yo ti kokofɔ ɔ. ⁷ Saŋga bo Yesu wo diire di su ni, na bara be aba i dɔ, ni tulaaleɛ tuwa nvanvani bo i la gɔ agaya. Na wɔ teke tulaaleɛ tuwa n nɔɔ, na wɔ kaaki tulaaleɛ n kere agɔ Yesu tii su. ⁸ Yesu susufɔm ni ŋuuri i sɔ ni, na yaa ati bu agaya, na ba bisa bu ŋuŋu nu ka, “Nzu ti ye wɔ saaki i sɔ a? ⁹ Má ya tɔɔri nyini tulaaleɛ ni, má ya nyá ŋwaa beberebe, na má ya fá nyini ŋwaa n ma yaarifɔm.” ¹⁰ Na Yesu asi sunsunni bo bu bita i, na wɔ se bu ka, “Nzu ti ye am sukan bara ni ndie a? Sakpa lee ye wɔ yo ama m n a. ¹¹ Am ni yaarifɔm ni wo bere saŋga kere a, ama, mini, m wó má am dɔ saŋga kere. ¹² Tulaaleɛ n bo wɔ kaaki agɔ m ŋu ni, i kere ka i nzee bo wɔ fa ayo m siriya afa anminda m yiwee cɛɛn lee. ¹³ Nahɔre ye m suse am n a, deke kere bo bu bá kaanri Nyeme labari kpa n durunya n kere nu, bu kán i sayoowa n na minem tenge i su.”

Kabo Yudasi sɛsɛeri su ka i tɔ Yesu ni

¹⁴ Na Yesu susufɔ buru ni nnyɔm nu kun bo bu fere i ka Yudasi Isikariyoti ni, ako Nyeme sayoowa dɔnguyofɔ nkpienkpienm ni dɔ, ¹⁵ ako abisa bu ka, “Nzen m tɔɔri Yesu maari am, am má m nzu wɔ?” Na ba kan jete ŋwaa aburasan, afa ama i. ¹⁶ Fite nyini cɛɛn n na Yudasi akpini atin kabo i yó na bu nya Yesu taraabiri.

Kabo Yesu ni i susufɔm diiri cɛɛnkpiri diire ni

¹⁷ Na cɛɛnkpiri n bo bu di i ni kpɔnɔ bo bu gɔ má ayiri nu na i yasu ni, i lekun cɛɛn, na Yesu susufɔm n aba i dɔ, aba abisa ka, “A koro ka ya kɔ ni kɔ sɛsɛ Butara cɛɛnkpiri n diire n su se a?” ¹⁸ Na wɔ se bu ka, “Am kɔ mie n kunnu, sɔnɔ be wo dɔ, na am kɔ se i ka, ‘Ya Kereɔ n ŋa o, i saŋga n aju. Na i ni i susufɔm ni bá di Butara cɛɛnkpiri diire ni, u dika n nu.’ ” ¹⁹ Na Yesu susufɔm n ako ayo kabo i seeri bu ni, na ba sɛsɛ Butara cɛɛnkpiri n diire n su.

²⁰ Na naaso sanḡa, na Yesu ni i susufɔ buru ni nnyɔm n aba atana ka bu di diire ni. ²¹ Sanḡa bo bu tana wo diire n di su ni, na Yesu ase bu ka, “Nahɔre ye m suse am n a, am nu kun bá tɔ m ma m kpɔfɔm a.” ²² Na bu ahore asaaki, na bu kun kun n kere abisa i ka, “M Mibiɛ, ye m ŋa má mini yiri e?” ²³ Na Yesu abɔ bu nu ka, “Am nu kun bo m ni yiri sanḡa fa ya saa wura taale kun nu ni, yiri tó m a. ²⁴ Mini Adamande Wa ni wú kabo ba kere i Nyeme Jɔre Kadasi n nu ase ka m wú n wɔ, ama, sɔnɔ n bo i tɔ mini Adamande Wa n ni, i mi bá ŋu anyumboro. Má ba wu má i mi n mmɔɔ, má i ti ye.” ²⁵ Na Yudasi bo i tó Yesu n abisa i ka, “Ya Kerefɔ, m ŋa má mini yiri e?” Na Yesu abɔ i nu ka, “Kabo a jɔjɔri ni, i ti sɔ ɔ.”

Ya Mibiɛ kasin diire n jɔre

²⁶ Sanḡa bo Yesu ni i susufɔm ni wo diire n di su ni, na Yesu afa kpɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, “Am de ahin kpɔnɔ n na am di, i ti m ŋuniembaa a.” ²⁷ Na wɔ kaaki afa awa ni nzan, na wɔ da Nyeme asi, na wɔ fa ama bu, na wɔ se bu ka, “Am kere nu be. ²⁸ Ahin nzan n ti m mbunja a lee, ye m sufa ma am n a. M mbunja n dee ti, ye Nyeme sufa sesesu na i di i di n a. Minem donḡu satie dee ti, ye m mbunja ni sonḡi ḡɔ a, na Nyeme fa bu satie ce bu.” ²⁹ Na wɔ kaaki ase bu ka, “M suse am wɔ lee, ka, m nú má ahin nzan bekun, má ka cɛen be bo m ni ambere bá sanḡa nu i fɔfɔre, m Si Nyeme femeya n nu ni.”

³⁰ Nyini sin na ba di jue akansi Nyeme, na ba fite akɔ Oliva Buka n su.

Kabo Yesu seeri i susufɔm n ka bu bá ŋmati yaki i ni

³¹ Dɔ na Yesu ase i susufɔm ni ka, “Nyuma dee kɔngue n nu, am kere ŋmáti yaki m, dama ba kere i Nyeme Jɔre Kadasi n nu ka, Nyeme ŋa,

‘M bó kun bɔesasafɔ ni,

na nbɔem bá sandi.’

³² Ama, m bá tenḡeri m yiwee n nu, m dú am mɔ kɔ Galili awɔre n nu.” ³³ Na Petoro ase i ka, “Nzen ahinm kere ŋmati yakiiri u, mini ŋmáti yaki má u da.” ³⁴ Na Yesu ase Petoro ka, “Nahɔre ye m suse u n a, nyuma kɔngue n nu, kana akɔnyuma bá bo, a kéte kpe nsan ka a si má m.” ³⁵ Na Petoro akaaki ase i ka, “Mini sé má sɔ da. Nzen haari wɔ yo daka ka mini ni wɔrɔ kere sanḡa wú mmɔɔ, ŋka ya wú wɔ.” Na i susufɔm n kere ase sɔ.

Kabo Yesu jeke tiiri na i kɔ sereeri Nyeme ni

³⁶ Na Yesu ni i susufom n ayasu ako aju awore be bo bu fere i ka Gesemane ni, na Yesu ase i susufom ni ka, "Am tana fen nminda m, na m kó do ko sere Nyeme." ³⁷ Na wo fa Petoro ni Zebedi nbaa nnyom ni, na ba ko mo kaan. Bu ko juuri do, na ahoresaaki aba i do agaya, na i jeke ati. ³⁸ Na wo se bu ka, "Ahoresaaki aba m do agaya, i yo m ka m wu wo mmoo. Am wo fen na am nminda m. Má am daafi." ³⁹ Na wo ko dede kaan, na wo butu i kunnu su. Na wo sere Nyeme, i na, "M Si Nyeme, nzen má a soro su, yi m fite ahin anyumboro n bo i suba m do n nu. Haari ni nyini mmoo, má a yo kabo m koro ni, ama, yo kabo a koro ni."

⁴⁰ I sere Nyeme wieeri ni, na wo kpie i nyi ako anu ka i susufo nsanm ni wo daafiri su. Na wo bisa Petoro ka, "Nzu ti ye am mine nsan n kere be mmoo koro kpie má daafiri haari kaan so mmoo a?" ⁴¹ Na wo kaaki ase bu ka, "Am kpie daafiri, na am sere Nyeme adena má deke be yo am na am wura satie nu. Ahorembaa n koro nyemesu, ama, anuniembaa n ayoroki."

⁴² Na wo kaaki ako asere Nyeme bekun, i na, "M Si Nyeme, nzen i ti u dee koroyanu ka m fite má ahin anyumboro n bo i suba m do n nu, ma u dee koroowa n yo." ⁴³ Na wo kpie i nyi aba i susufom n do, na wo ba anu ka ba daafi bekun, dama daafiri ati bu agaya. ⁴⁴ Na Yesu ayaki bu bekun, na wo ko asere Nyeme kpe nsan su, ni nyini noanie jooowa kun bo i du mo jooori i ni. ⁴⁵ Nyini sin, na wo kpie i nyi aba i susufom n do, aba anu ka bu toko wo daafiri su, na wo se bu ka, "Am toko daafi yi am nuni wo? Am nie, sanja n aju, wo to mini Adamande Wa ni ama satieyofom. ⁴⁶ Am nie, sono n bo wo to m lee. Am yasu na ya ko."

Kabo bu taraari Yesu barasu ni

⁴⁷ Na sanja bo Yesu toko wo jooori su ni, na Yudasi bo i ti Yesu susufo buru ni nnyom nu kun aju ni jama beberebe. Bu bita takobem ni koromam. Nyeme sayoowa donguyofom, ni Yudafom nkpienkpienm ni sunmaari bu a. ⁴⁸ Na Yudasi bo i toori Yesu ni akere jama n nyaari su kabo bu si Yesu na bu tara i. I na, "Sono n bo m ko biti i ni, yiri lee. Am tara i." ⁴⁹ Sanja bo bu ko juuri deke bo Yesu wo ni, na Yudasi akaba ako i do, na wo se i ka, "Ya Kerefo." Na wo biti i, na wo yo i anse. ⁵⁰ Na Yesu ase i ka, "M don, yo deke n bo a koro ka a yo i ni ndende." Na minem n aba atara Yesu, na ba bita i kenken. ⁵¹ Na Yesu susufom n nu kun acin aworo i takobe, na wo kpie sono be sui, nyini sono n ti Nyeme sayoowa donguyofom kpien n akoo o. ⁵² Na Yesu ase i ka, "Fa u takobe n kaaki wura i bue nu. Dama minem kere bo bu fa takobe yo juma ni, bere gusu ba wu ni takobe wo. ⁵³ A

si má ka nzen má m sereeri m Si Nyeme, i súnma i merékem ase se ase se buru ni nnyo, na bu bá buka m kisa kisa beré? ⁵⁴ Ama, nzen m nya yoori so, kabo ba kere i Nyeme Jore Kadasi n nu ka wo yo daka ka i yo so ni, i yo se ye i bá yo yiiwa?"

⁵⁵ Na Yesu abisa jama n ka, "M ti finfo o, ye am fa takobem ni koromam na am ba tara ma? E'en kere e'en m ni amberé wo Nyeme Sereebiri Awuru n nu a, ye m kere minem a, ama, am atara má m. ⁵⁶ Ama, ahin kere yo so, adena kabo Nyeme noanie kanfom akere i Nyeme Jore Kadasi n nu n yo yiiwa a." Do na i susufom n kere anmati ayaki i.

Kabo bu fa Yesu koori jore diibiri ni

⁵⁷ Na bo bu taraari Yesu n afa i ako Kayafasi do, yiri ti Nyeme sayoowa donguyofom kpien n a. I dika n nu ye Nyeme noanie kerefom ni, ni Yudafom nkpienkpienm n ti'enri bu noo a. ⁵⁸ Na Petoro asu Yesu su, i woori dede kaan ni yiri, haari i ko wuraari Nyeme sayoowa donguyofom kpien n dika gisan nu. I wuraari gisan n nu ni, na wo ko asanga atana tintinijinafom nu, adena i nu sa n bo i yo n awieeri. ⁵⁹ Na Nyeme sayoowa donguyofom nkpienkpienm ni, ni Yudafom tereterefom n kere anienie minem bo bu ba di kore daani fa ko ngasi bo Yesu ado i ni, adena bu nya i taraabiri na bu kun i. ⁶⁰ Haari ni bo mine beberebe fite jina diiri kore daani n kere, ba nya má jore bo bu fa kpie so i. Kasin na mine nnyo nbem ayasu ajina, ⁶¹ na ba se ka, "Ahin sono n na yiri koro fufu Nyeme Sereebiri Awuru ni, na i kaaki ta i lesan afien." ⁶² Na Nyeme sayoowa donguyofom kpien n ayasu ajina, na wo bisa Yesu ka, "A la má bonu be fa ko ahin jore n bo minem ni akpie aso u n su?" ⁶³ Ama, na Yesu amo i noo. Na Nyeme sayoowa donguyofom kpien n ajojo i do bekun, i na, "Kisa, m koro ka a tan Nyeme bo i wo bere sanga kere ni. Nzen woro ti Nyeme Wa n bo i ti Kristo Tiidefo ni, se ya." ⁶⁴ Na Yesu abo i nu ka, "Kabo a jooori ni, i ti so o. Ama, m suse am kere wo lee ka,

'Fite nyuma fa ko, am ba nu mini Adamande Wa ni

ka m tana Nyeme Yikofom n saa fomboro su,

na am nu ka m fite angoro yinyingu n nu suba.' "

⁶⁵ Yesu bo nu so wieeri ni, na Nyeme sayoowa donguyofom kpien n ason i tanlee. Na wo se ka, "Wo jojo awura Nyeme ngasi nu. Ya koro má daanifo bekun. Amberé mmoo ti kabo wo jojo awura Nyeme ngasi n nu e. ⁶⁶ Ye am na se wo?" Na bu kere ase ka, "Wo kan ciire jore lee, wo yo daka ka i wu."

⁶⁷ Na ba yi nanzue aƙo Yesu nyunuawa nu, na ba bo i, na ba bo i nyɔɔnu, ⁶⁸ na ba se i ka, “Wɔɔ Kristo Tiidefo ni, nma bo u a? Kan kere ya.”

Kabo Petoro keteeri ka i si má Yesu ni

⁶⁹ Bu wo nyini kere su ni, na Petoro toko tana gisan n nu, na afani be aba i bi, na wo se Petoro ka, “Wɔɔ mmɔɔ yo woori nyini Yesu Galilifo n do ɔ.” ⁷⁰ Ama, na Petoro akete bu kere nyunu ase ka, “Ai, m si má nyini jɔre n bo a sujɔɔ i ni mmɔɔ.” ⁷¹ Na Petoro afite aƙo gisan n anɔ n nu, na afani nyinga be aba anu i, na wo se minem bo bu jina bere n ka, “Ahin sɔnɔ ni mmɔɔ yo woori Yesu Nazaretifo n do ɔ.” ⁷² Na Petoro akete bekun, na wo tan ndie, i na, “Mini si má nyini sɔnɔ ni mmɔɔ.” ⁷³ Wo ce má na minem n bo bu jina bere n gusu ase Petoro ka, “Nahɔre, a ti bu kun wo, dama u jɔɔɔwa ni kere so a.” ⁷⁴ Na Petoro atan ndie afa i saa awura sin nu, i na, “M si má nyini sɔnɔ ni.” Kpennga na akonyuma abo. ⁷⁵ Na Petoro atenge su kabo Yesu seeri i ni, i na “Kana akonyuma bá bo, a kéte kpe nsan su ka a si má m.” Na wo fite aƙo asun agaya.

27

Kabo bu faari Yesu ko jinaari Gomina Pilato nyunu ni

¹ Na alecin sanƙa na Nyeme sayoowa donƙuyofɔ nkpienkpienm, ni Yudafo nkpienkpienm n atana asese su kabo bu yo barasu na bu kun i. ² Na ba wura i jɔrɔko, na ba fa i aƙo ama Pilato bo i ti Romafom gomina ni.

Kabo Yudasi kuunri i nu ni

³ Sanƙa bo Yudasi bo i toori Yesu n tiiri ka ba ma nɔɔ ka bu kun Yesu ni, na wo yo m si n so, na wo kaaki awɔɔ jete nwaa aburasan n aba ama Nyeme sayoowa donƙuyofɔ nkpienkpienm, ni Yudafo nkpienkpienm ni. ⁴ Na wo se bu ka, “Ma yo satie kabo ma to sɔnɔ bo i la má ngasi be na bu kun i ni.” Na ba se i ka, “Ya cece bonɔ wo nyini nu a? U deɛ jɔre leɛ.” ⁵ Na Yudasi afa nwaa n atu Nyeme Sereebiri Awuru n nu, na wo fite aƙo awura i kom nyama akun i nu.

⁶ Na Nyeme sayoowa donƙuyofɔ nkpienkpienm n afa nwaa ni, na ba se ka, “Ahin nwaa n ti mbunja yiiwa nwaa a. Nyeme noanie kpamaawa n kere ka má be fa i nusu fa sanƙa Nyeme Sereebiri Awuru deɛ nwaa n nu.” ⁷ Na ba yo anɔɔse, afa nwaa n ato asien be, bo bu fere i ka yakati tafe juma yoobiri ni, ka bu fa yo wɔfo seebiri. ⁸ Nyini ti ye bu fere nyini asien n ka Mbunja Asien, haari ni nyuma so n a. ⁹ Do na noanie n bo Nyeme noanie kanfo Jeremiya yo jɔɔɔri n ayo yiiwa, i na, “Ba fa jete nwaa aburasan n bo Yisarelifom

kere soroori su ka bu to i kaari, sono n dee ti ni, ¹⁰ na ba fa nwaa n ato yakati tafɔ juma yoobiri, kabo Micera n seeri m ka bu yɔ lee.”

Kabo Gomina Pilato bisaari Yesu jɔre ni

¹¹ Na ba fa Yesu ako ajina Gomina Pilato n nyunu, na wo bisa Yesu ka, “Wɔro ti Yudafom feme n a?” Na wo bo i nu ka, “Kabo a jɔɔ ni, i ti so ɔ.” ¹² Na Nyeme sayoowa dɔnguyofɔ nkpienkpienm, ni Yudafom nkpienkpienm akpie jɔre aso Yesu, ama, wo bo ma be nu. ¹³ Na Gomina Pilato abisa i ka, “A ti ma jɔre n kere bo ba kpie aso u ni?” ¹⁴ Ama, Yesu abo ma jɔre n haari kun be mmoo nu, na gomina n abirisi agaya kabo wo bo ma nu ni.

Kabo Gomina Pilato maari noo ka bu kun Yesu ni

¹⁵ Afɔ kere afɔ, Butara ceenkpiri n nya ba ju, Romafom gomina yi dansaraka n bo jama n koro ka i yi i ji n wo. ¹⁶ Nyini sangani, sono be woori dansaraka n nu do, bu fere i ka Barabasi, i ti ma jɔre bu, sono kere si i sa. ¹⁷ Na sangani bo jama n kere ba tiɛnri bu noo ni, na Gomina Pilato abisa bu ka, “Am koro ka m yi nma ma am a, Barabasi ni, nzen Yesu n bo bu fere i ka Kristo Tiidefo ni?” ¹⁸ I seeri so ni, dama i siiri tenle su ka bu si Yesu kore ti ye bu faari i ba wuraari i saa nu a.

¹⁹ Sangani bo Gomina Pilato wo Yesu joredi su ni, na i yi asunma ase ka, “Ma a se ka a yo nyini nahorefo n sa be, dama anuma kongue, ma cin alele fa ko nyini sono n do bo wo mie m agaya.”

²⁰ Ama, na Nyeme sayoowa dɔnguyofɔ nkpienkpienm, ni Yudafom nkpienkpienm n awura jama n bu sin ka bu sere Gomina Pilato ka i yi Barabasi ma bu, na i kun Yesu. ²¹ Ama, na Gomina Pilato akaaki abisa jama n ka, “Nyini mine nnyom ni nu, am koro ka m yi nma ma am a?” Na ba bo i nu ka, “Barabasi.” ²² Na Gomina Pilato abisa bekun ka, “Ye ahin Yesu n bo bu fere i ka Kristo Tiidefo ni, am koro ka m yo i se wo?” Na bu kere abo i nu ka, “Kpama i baka jaanu n su na i wu.” ²³ Na Pilato abisa ka, “Ye nzu satie ye wo yo i a?” Ama, na ba kaaki atien kpa agaya bekun ase ka, “Kpama i baka jaanu n su na i wu.”

²⁴ Sangani bo Gomina Pilato nuuri ka i koro yo ma jɔre n dɔngu, haari ni bo wo boro i nyi na i yo i dɔngu ni, jama n akete sukoro ka bu yo nanmie. Nyini ti, na wo fa nzue anmisi i saa, jama n kere nyunu, na wo se bu ka, “M saa wo ma ahin sono n yiwee nu. Am dee jɔre lee.” ²⁵ Na jama n kere ase i ka, “To, ma i yiwee ni ngasi su ya su, ni ya anumam kere.” ²⁶ Do na Gomina Pilato ayi Barabasi aji, na

wɔ ma sojam n afin Yesu ngbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo sojam yoori Yesu anzasi ni

²⁷ Na Gomina Pilato n dɛɛ sojam n afa Yesu awura i gisan n nu, na ba tien bu bengɔ sojam kɛrɛ nɔɔ abara ayɛ i. ²⁸ Na ba yi Yesu sutura bo i wura i ni, na ba fa tanlɛɛ kɔkɔrɛ yorom be ka fɛmɛya tanlɛɛ dɛɛ su awura i. ²⁹ Na ba fa buwe aɲɔ i ka kaba dɛɛ su, na ba fa aforo i tii ka fɛmɛya kere dɛɛ su. Na ba fa kpama awura i saa nu, na ba kutu i nyunu suyo i anzasi, bu ɲa, “Yudafɔm Fɛmɛ ni, ya yo u anse.” ³⁰ Na ba yi nanzue aɲɔ i ɲu, na ba de kpama ni i dɔ, na bu sufin i tii baka. ³¹ Bu ba yoori i anzasi n wieeri ni, na ba yi tanlɛɛ kɔkɔrɛ yorom ni, na ba kaaki afa i tienɲu dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

³² Sanɲa bo bu sukɔ ni, na bu ni Sirenefɔ biɛ be ayɛ, bu fere i ka Simon. Na sojam n amiɛ i ka i sɔ Yesu baka jaanu ni. ³³ Na ba kɔ aju awɔrɛ be bo bu fere i ka *Gologota* ni, *Gologota* n bu la ka Tereawa Woobiri. ³⁴ Na ba sanɲa nzan ni ayiri wiwi barasu be ama Yesu ka i nu na i jɔ yaari ni, ama, i kaanri i nɔɔ ɔ, na wɔ kete, wɔ nu má i. ³⁵ Na ba nya akpama i baka jaanu n su, na ba ye i su ajina. Bu yoori sɔ wieeri ni, na ba tu mbaa na bu si kabo bu kpaaki i suturam nu, bu ɲuɲu nu. ³⁶ Nyini sin na ba ka atana suniɛ Yesu. ³⁷ Na ba kɛrɛ jɔrɛ n bo bu kpiɛ sɔɔri i ni, afa abo akpama i baka jaanu n tii su, kɛrɛɛwa n la ka, “Yesu bo i ti Yudafɔm Fɛmɛ n lɛɛ.” ³⁸ Na ba kpama finfɔ nnyɔ nbem baka jaanu su adodo i, bu kpamaari kun i saa fɔmbɔrɔ su, na ba kpama kun n gusu i saa biɛ su.

³⁹ Na minɛm kere bo bu sin dɔ ni, subobo bu tii, na ba kpiɛ i nzukɔ, bu ɲa, ⁴⁰ “Wɔrɔ bo a ɲa a fúfu Nyɛmɛ Sereebiri Awuru n na a káaki ta i lesan afien n lɛɛ, de u tii ji. Nzen a ti Nyɛmɛ Wa nahɔrɛ su, jura baka jaanu n su.” ⁴¹ Sɔ ye Nyɛmɛ sayoowa dɔɲguyofɔ nkpiɛnkpiɛnm, ni Nyɛmɛ nɔɔniɛ kerefɔm, ni Yudafɔm nkpiɛnkpiɛnm n gusu yoori i anzasi a, ⁴² bu ɲa, “Wɔ de minɛm tii aji, ama, i sukoro de má yiri ni i tii. M ɲa i ti Yisarelifɔm Fɛmɛ n wɔ e. Tɔ, ma i jura baka jaanu n su bra kisa kisa na ya niɛ, na ya yó i yarada. ⁴³ I daafi Nyɛmɛ ɲu a, ye i ɲa i ti Nyɛmɛ Wa a. Tɔ, nzen Nyɛmɛ koro i a, ma i de i tii ji kisa na ya niɛ.” ⁴⁴ Haari na finfɔ nnyɔm n bo bu kpamaari bu dodoori Yesu ni mmɔɔ akpiɛ i nzukɔ sɔ.

Kabo Yesu wuuri ni

⁴⁵ Wiɛsu kerefi buru ni nnyɔ sanɔa na awosin akata asien n kere su, haari naaso kerefi nsan. ⁴⁶ Na fa ko nyini sanɔa ni, na Yesu abo awie kpa ase ka, “Eli, Eli, lama sabatani?” I bu la ka, “M Nyeme, m Nyeme, nzu ti ye a yaki m aji a?” ⁴⁷ Na mine nbem jinaari bere, bu nbem n tiiri so ni, na ba se ka, “Am ti, ahin sono n sufere Eliya.” ⁴⁸ Kpenga na bu nu kun anmati afa mene, ado nzan gagaraki be nu, na wo fa awo baka su alaandi ato Yesu noo ka i nu. ⁴⁹ Ama, na nyingam n ase ka, “Am yaki na ya nie, ka Eliya ba de i ti ji?”

⁵⁰ Na Yesu abo awie kpa, na wo nya ayo Nyeme dee. ⁵¹ Do na tani bambaka n bo bu fa kanda kpaakiiri soo Casi n bo i wo Nyeme Sereebiri Awuru n nu n ati nu nnyo, fa i angoro ko jura i asienngu. Na asien n akpisi, na yabue ngbingbirim akpakpaaki nu. ⁵² Na fanjunmam ateke, na Nyeme minem donngu bo ba wu n atenge bu yiwee nu. ⁵³ Na ba fite fanjunmam n nu, na sanɔa bo Yesu ba tengeeri i yiwee n nu ni, na ba ko awura Yerusalem mie kpiri n nu, na mine donngu anu bu. ⁵⁴ Na soja kprien n ni i sojam n bo bu jina nieeri Yesu ni, na bu nuuri kabo asien n kpisiiri barasu, ni kabo sa n kere yoori ni, na sere ati bu agaya, na ba se ka, “Ahin sono n ti Nyeme Wa a nahore su.”

⁵⁵ Na nbaram beberebe bo bu su i su fite Galili awore n nu na bu buka i ni, ajina dede sunie Yesu. ⁵⁶ Bu nu nbem la Mariya bo i fite Magadala mie n nu ni, ni Mariya n bo i nbaam la Yakobo ni Yosefu ni, ni Zebedi yi.

Kabo bu yoori Yesu sutura barasu ni

⁵⁷ Na naaso sanɔa na nengefo be aba, i fite Aramatiya mie kpiri n nu wo, bu fere i ka Yosefu. Yiri mmoo ti Yesu susufom kun wo. ⁵⁸ Na wo ko asere Gomina Pilato ka i fa Yesu nunie n ma i. Na Gomina Pilato ama noo ka bu ko fa ma i. ⁵⁹ Na Yosefu ako ayi Yesu fuin n apooni nzee fofore nu, ⁶⁰ na wo ko ase i fanjunma nu, yiri Yosefu dee tienngu yabue bue fanjunma n bo ba lokoti i fofore ni. Na wo nya akundu yabue bambaka afa ato fanjunma n ano ni, na wo ko. ⁶¹ Na Mariya Magadalafon ni, ni Mariya nyinga n atana afa bu nyunu awo fanjunma ni.

Kabo tintinijinafom jina nmindaari Yesu fanjunma ni

⁶² Na alecin fofore bo i ti Yudafo nmiumiye seen ni, na Nyeme sayoowa donnguyofon nkpienkpienm, ni Farasifom n ako Gomina Pilato do. ⁶³ Na ba ko ase i ka, “Ya si, ya tenge su ka sanɔa bo nyini korefo n yo la ngoo ni, na wo se ka yiri wuuri, i lesan seen, i tenge i yiwee n nu. ⁶⁴ Nyini ti, ma noo na bu ko jina nminda i fanjunma ni, fa ko ju haari

lesan cɛɛn ni, má nyini, i susufɔm ni koro kɔ wɔ yi i nyini ni, na bu bu kɔrɛ ka wɔ tenge wɔ. Nyini sanja, kasin dɛɛ kɔrɛ ni tára bumboori dɛɛ ni.” ⁶⁵ Na Gomina Pilato ase bu ka, “Am fa tintinijinafɔm, na am ma bu kɔ jina nyinda i fanjunma n kabo am koro i barasu ni, na má be koro yo pui.” ⁶⁶ Nyini ti, na ba kɔ ata atɔ fanjunma n anɔ n kɛrɛ, na ba ma tintinijinafɔm n ajina nyinda abara aye i, adena má be koro yo pui.

28

Kabo Yesu tengeeri i yiwee n nu ni

¹ Yudaɔm Nyumiya cɛɛn n sin dɛɛ alecin, bakue n bumboori, mɔnɛ cɛɛn nyarama fuun, na Mariya Magadalaɔ ni, ni Mariya nyinɔa ni, akɔ ka bu kɔ niɛ Yesu fanjunma ni. ² Kpenɔa na asien n akpisi agaya, dama Micera n merɛke be fiteeri angoro jura ba kundu yiiri yabue bambaka n fanjunma n anɔ n su a, na wɔ fun atana su. ³ Na wɔ ta fofoe papasi ka nzue kpɛsɛɛwa dɛɛ su, na i sutura n kɛrɛ ayo fofoe ka cisen. ⁴ Na sere ati tintinijinafɔm ni, na bu nyini subobo bu, na ba yo ka ba wu dɛɛ su wɔ.

⁵ Na Nyeme merɛke n ase nbaram n ka, “Má am ma sere ti am. M si ka am nienie Yesu bo bu kpamaari i baka jaanu n su n wɔ. ⁶ I wo má fen. Wɔ tenge i yiwee n nu, kabo i yo seeri am ni. Am ba niɛ deke bo bu faari i seeri ni. ⁷ Am kpie am nyi na am kɔ se i susufɔm ni ka wɔ tenge i yiwee n nu. Am ti fen, i sudu am mɔ kɔ Galili awɔrɛ n nu, dɔ ye am kɔ nyi i a. Ma se am lɛɛ.”

⁸ Na ba fite fanjunma n nu ndende ni sere, ama, ni ahorejo, na ba nyimati na bu kɔ se i susufɔm ni. ⁹ Bu sukɔ ni, kpenɔa na bu ni Yesu aye, na wɔ yo bu anse. Na ba kutu i jaa bu, na ba ma i jirima. ¹⁰ Na wɔ se bu ka, “Má am ma sere ti am. Am kɔ se m ninbaam ka bu kɔ Galili, dɔ ye bu kɔ nyi m a.”

Kabo tintinijinafɔm seeri sa n bo i yoori ni

¹¹ Sanja bo nbaram n wo kɔ su ni, na tintinijinafɔm nbem akɔ mie n kunnu, akɔ ama Nyeme sayoowa dɔnguyofɔ nkpienkpienm ni labari, fa kɔ sa n kɛrɛ bo wɔ yo n su. ¹² Na Nyeme sayoowa dɔnguyofɔ nkpienkpienm, ni Yudaɔ nkpienkpienm n atien bu nɔɔ, afa asese su, na ba ma tintinijinafɔm ni nyaa beberebe, ¹³ na ba se bu ka, “Am se minem ka, sanja bo am adaafi kɔngue n ye i susufɔm ni ba wɔ yiiri i a. ¹⁴ Na nzen haari gomina n ba tiiri nyini labari ni, yere kán de am tii, na i yó má am pui.” ¹⁵ Na tintinijinafɔm n ade nyaa n na ba kɔ ase minem kabo

nkpienkpienm n seeri bu ni. Nyini dɛɛ ti ye nyini labari n abara aye Yudafɔm dɔ, fa ba ju haari ni nyuma n a.

Kabo Yesu faari i ηu kereeri i susufɔm ni

¹⁶ Na i susufɔ buru ni kunm n akɔ Galili awɔrɛ n nu na ba fun akɔ buka n su, deke bo Yesu seeri bu ka bu kɔ ni. ¹⁷ Saŋga bo bu kɔ ηuuri i ni, na ba kutu ama i jirima, ama, bu nbem asunsun ka má yiri lɛɛ. ¹⁸ Na Yesu acin adodo bu, na wɔ se bu ka, “Nyemɛ afa aŋgoro ni asiɛŋgu fɛn kɛrɛ yiko, afa awura m saa nu. ¹⁹ Nyini ti, am kɔ durunya n kɛrɛ nu, na am ma daanfɛ kɛrɛ yo m susufɔm. Na am biɛ bu Nyemɛ nzue, Si, ni Baa, ni Awiewiɛ Casi n dɛɛ duma nu. ²⁰ Na am kɛrɛ bu ka bu de m nɔaniɛ maawa n kɛrɛ bo ma fa ama am ni. Am ti fɛn, m wo am dɔ, saŋga kɛrɛ, fa kɔ haari durunya n awieeri.”

Labari kpa n bo MARAKO akere i ni

Kabo Yohane Nyeme Nzue Biefo kaanri Nyeme jore ni

¹ Ahin jore ni, i ti Nyeme Wa Yesu Kristo dee labari kpa n wo. Kabo i boori i bu yaa. ²⁻³ Nyeme yo seeri i wa n ka, "Ti fen, m sunma m sunmafɔ n na i du u mo, yiri sese u atin n su a.

Yiri ko subo ndoori boro kpantain n nu se ka,
'Am sese Mibie n atin n su,
na am yo i atin n dogu.'

Na Nyeme ama ba kere nyini jɔjɔwa n kere Nyeme nɔanie kanfo Esaya dee kadasi n nu. ⁴ Nyini sɔnɔ n bo Nyeme sunmaari i n la sɔnɔ be bo bu fere i ka Yohane Nyeme Nzue Biefo ni. I baari boro kpantain n nu, na i sukan Nyeme jore, i na, "Am kaaki am wo na m bie am Nyeme nzue, na Nyeme fa am ngasi ni am satie kere ce am."

⁵ Na Yudiya asiensufom, ni Yerusalem mie nufom kere afite aba i do, na ba kan bu ngasi ni bu satie kere bo ba yo i akere Nyeme, na Yohane abie bu Nyeme nzue Yodan kunma n nu.

⁶ Yohane sutura wuraawa yo ti deke bo bu faari nyoma ndore wuuri i a, na wo fa jina abo i wi nu. I diire yo la lalom ni wie wo. ⁷ I kaanri Nyeme jore, i na, "Sɔnɔ be wo m sin suba, i tara m fieo, m ti kaan ni bo m dodo i. ⁸ Mini afa nzue abie am a, na am yo casi, ama, yiri fa Nyeme Awiewie Casi n wura am nu yo am casi a, kabo sɔnɔ bie nzue na i yo casi ni."

Kabo Yohane bieeri Yesu Nyeme nzue ni

⁹ Nyini sangga n na Yesu afite Nazareti, mie n bo i wo Galili awore n nu ni, na wo ba Yohane do, na Yohane abie i Nyeme nzue Yodan kunma n nu. ¹⁰ Sangga bo Yesu fiteeri nzue n nu ni, kpennga na wo nu ka angoro n ateke, na Awiewie Casi n ajura ka tiiwa dee su aba atana i nu. ¹¹ Na wo ti akonvi be nga angoro, i na, "Woro ti m wa a, m koro u agaya, m ahore ajo u nu."

Kabo Sitana yoori Yesu na i nie ni

¹² Nyini jinaabiri n nu na Awiewie Casi n ama Yesu ako boro kpantain n nu. ¹³ I woori do een aburana, i ni boro nengem woori do a, na Sitana ayo i na i nie ka, i yo yiri

Sitana n dæe koroowa, nzen i yó má. Ama, Yesu asoro má su. Na Nyeme merékem aba asu i.

Kabo Yesu fereeri jombaa tarafɔ nna nbem ka bu su i su ni

¹⁴ Saŋga bo bu taraari Yohane nyiiri i dansaraka n sin, na Yesu akɔ Galili awɔre n nu, na i sukan labari kpa n fa kɔ Nyeme atin n su kere minem, ¹⁵ i ŋa, “Saŋga n aju bo Nyeme Feme bá nie i minem su. Am kaaki am wo, na am de Nyeme labari kpa n na am yo i yarada.”

¹⁶ Ye i ba sunati sin Galili kunma kpiri n nɔɔ su, na wɔ ŋu jombaa tarafɔ nnyɔ nbem. Bere la Simon ni i niema Andere. Bu wo bu diendie sandi su kunma kpiri n nu. ¹⁷ Na Yesu ase bu ka, “Am bra na am ba su m su, na m má am tien minem nɔɔ ma m, kabo am tara jombaa ni.” ¹⁸ I seeri sɔ ni, na ba kaba ayaki bu diendiem ni, na ba su i su.

¹⁹ I nati kɔɔri mɔ kaan bekun, na wɔ ŋu mine nnyɔ nbem. Bere la Yakobo ni i niema Yohane. Bu fere bu si ka Zebedi. Bu wo lee nu suyo bu diendiem dɔŋgu. ²⁰ Dɔ na wɔ fere bu ka bu su i su, na ba yaki bu si ni, ni i npaadifom n lee n nu, na ba su i su.

Kabo Yesu fɔn yiiri ajini sɔnɔ be ŋu ni

²¹ Na ba kɔ aju mie kpiri n bo bu fere i ka Kapenam su. Na Yudaɔm Numiya cɛen na Yesu awura bu tientienbunɔɔ sɔɔ n nu, bo bu sere Nyeme na bu kere Nyeme jɔre nu ni, na wɔ kan Nyeme nɔɔnie akere minem ni. ²² Na bu kere ayo alekutura fa kɔ i kereewa n su, dama i kereewa n awo i ŋgumi ni Yudaɔm dæe Nyeme nɔɔnie kerefom ni. I kereewa n la yiko. ²³ Nyini saŋga n nu na sɔnɔ bo ajini wo i ŋu n aba bu dɔ bu tientienbunɔɔ sɔɔ n nu, na wɔ bo awie ²⁴ ase ka, “Yesu Nazaretifo, a koro nzu ya nu fen a? A ba ka a ba yo ya ŋgbɛen wɔ? M si u sa, wɔɔɔ ti sɔnɔ casi n bo Nyeme asunma u n a.” ²⁵ Na Yesu atien ajini n ŋu ase ka, “Mɔ u nɔɔ bere, na a fite yaki sɔnɔ ni.” ²⁶ Na ajini n akpisi sɔnɔ ni, na wɔ ciindi afite ayaki i. ²⁷ Na minem kere ayo alekutura akɔ asin su, na ba bisa bu ŋuŋu nu ka, “Ee. Nzu la ahin? I ti kereewa fɔfore wɔ. Ahin sɔnɔ n la yiko bo i koro ma ajinim n mmɔɔ nɔɔ na bu de i.” ²⁸ Nyini ti na Yesu duma akaba ata abara aye Galili awɔre n kere nu.

Kabo Yesu tuntunri tukpakifom beberebe Simon dika ni

²⁹ Saŋga bo i fiteeri tientienbunɔɔ sɔɔ n nu ni, na i ni Yakobo ni Yohane akɔ awura Simon ni Andere dika. ³⁰ Bu kɔ juuri awuru n nu ni, na ba se Yesu ka Simon sibara la má i ŋu, yakɔkɔ abo i, i da sɔɔɔ. ³¹ Na wɔ kɔ aso i saa nu

aye i su atana, na yakoko n ayaki i, na wo ko ayo diire ama bu.

³² Nyini ceen n naaso, dika bibiri sangha, na minem afa tukpakifom kere ni minem bo ajinim wo bu nu n aba Yesu do. ³³ Na mie n nu jama n kere aba atien bu noo i do anungbere n nu. ³⁴ Na wo tuntun tukpaki barasu barasufom beberebe, na ba nya laifie, na wo fon ayi ajinim gusu beberebe. Wo du ma su na ajinim n jajo, dama bu si i sa.

Kabo Yesu kaanri Nyeme jore Galili awore n nu ni

³⁵ Na alecin akonyuma ciciri su, na Yesu ayasu afite ako dede awore be nu i ngumi, na wo ko asere Nyeme. ³⁶ Na Simon ni i bengum ako i nienie. ³⁷ Bu ko nuuri i ni, na ba se i ka, "Sono kere sunienie u busu." ³⁸ Na Yesu ase bu ka, "Am ma ya ko mie nyingam n su na m ko kan Nyeme jore kere bu gusu, dama ka nyini ti ye m baari durunya n nu a." ³⁹ Na wo bara aye Galili awore n kere nu, sukan Nyeme jore bu tientienbunoo soom n nu, ye i fon yi ajinim minem nu a.

Kabo Yesu tuntuunri kokofa be ni

⁴⁰ Na kokofa be aba Yesu do, na wo ba akutu i nyunu asere i jande ka i buka i. I na, "Nzen a koro ka a ma m nya laifie, a koro ma m nya i." ⁴¹ Na Yesu anu i anunfo, na wo tenge i saa anana i nu, na wo se i ka, "M koro. Nya laifie." ⁴² Na kokobi n akaba ayaki sono n na wo nya laifie. ⁴³ Na Yesu ama i atin ka i ko, na wo bobo i ⁴⁴ ase i ka, "Ma a se ka a se be ahin jore ni, ama, ko na a ko fa u nu kere Nyeme sayoowa donguyofa ni, na a ko yo yoowa n bo Moyisi yo kereeri dawafom ni, dama nyini kere minem ka a nya u nu a." ⁴⁵ Ama, na wo ko abo ndoori, na labari n abara aye deke n kere, nyini ti, Yesu akoro ayi ma i nu fofoe nu miem be nu kun, i fiere i nu aheme wo, na mine afite awore n kere nu aba i do.

2

Kabo Yesu tuntuunri sono bo i saam ni i jaam awu ni

¹ I yoori lennyo na Yesu akpie i nyi aba Kapenam mie kpiri n nu, na labari abara aye ka i wo awuru, ² na mine atien bu noo i do agaya haari fofoe anya ma ano n bo bu fa wura soo n nu mmoo, na Yesu akan Nyeme jore sukere bu. ³ I wo bu kere su ni, na mine nbem aba i do, bu nu mine nna so sono bo i saam ni i jaam awu. ⁴ Jama n sunnuuri so n dee ti, ba koro anya ma fofoe bo bu fa sono n dodo Yesu, na ba fiiti soo n bo Yesu wo nu n angoro buekun, na ba fa i ni i dasu n kere accondi afa i ada soo n nu. ⁵ Yesu nuuri kabo

bu yoori i yarada n sɔ ni, na wɔ se sɔnɔ n bo i saam ni i jaam awu n ka, “M dɔn, ma fa u satie ace u.”

⁶ Tɔ. Yudafɔm Nyemɛ nɔanie kerefɔm nbem tana bere, na ba sunsun bu ahore su ka, ⁷ “Ahin sɔnɔ n la atin bɔnɔ ye i jɔjɔ wura Nyemɛ ngasi nu sɔ a? Be wo má bere bo i koro fa minem satie ni bu ngasi ce, sin Nyemɛ ɲu.” ⁸ Na Yesu afa nu i ahore su fa kɔ bu sunsunni bo bu bita i n su, na wɔ bisa bu ka, “Nzu ti ye am bita nyini sunsunni ni am ahore su a? ⁹ Bɔnɔ ti kekereke a, bo m se sɔnɔ n ka, ‘Ma fa u satie ace u,’ nzen, ‘Yasu fa u dasu n na a nati n a?’ ¹⁰ M kére am ka mini Adamande Wa n la yiko durunya n nu bo m fa minem satie ni bu ngasi ce bu.” Na wɔ se sɔnɔ n ka, ¹¹ “Wɔrɔ, yasu fa u dasu n na a kɔ awuru.” ¹² I kaba yasu faari i dasu n wɔ, na wɔ fite jama n kére nyumbaa nu. Na bu kére ayo alekutura, na ba kansi Nyemɛ, na ba se ka, “Ya nya ɲu má ahin sa n ɲusu cɛɛn be.”

Kabo Yesu fereeri Levi ka i su i su ni

¹³ Na Yesu akaaki akpie i nyi akɔ Galili kunma kpiri n nɔɔ su, na jama beberebe akɔ atien bu nɔɔ i dɔ, na wɔ kan Nyemɛ jɔre akere bu. ¹⁴ I wo natiiri su susin ni, na wɔ ɲu lampodefɔ be bo bu fere i ka Levi, Alafeyo wa ni, ka i tana i juma yoobiri, na Yesu ase i ka, “Yasu bra na a ba su m su.” Na wɔ yasu asu i su.

¹⁵ Na Yesu akɔ Levi dika ka i kɔ di diire. Na satieyofɔm, ni lampodefɔm beberebe asu i su. Diire n diibiri dɔ ni, na bu dɔngɔ aba atana Yesu ni i susufɔm n dɔ, na ba sanɔga adi diire. ¹⁶ Na Nyemɛ nɔanie kerefɔm nbem bo bu su Farasifɔm dɛɛ atin su ni, aɲu ka Yesu ni satieyofɔm, ni lampodefɔm tana sudi diire, na ba bisa i susufɔm ni ka, “Nzu ti ye Yesu ni lampodefɔm, ni satieyofɔm sanɔga di diire a?” ¹⁷ Na Yesu ati bu jɔjɔɔwa n na wɔ bɔ bu nu ka, “Minem bo bu la laifie n koro má ayirifɔ, má ka bo bu la má laifie ni koro a. Ma ba má ka m bá fere minem bo bu ɲa bu yo sa bo i kɔ atin su Nyemɛ dɔ n wɔ, ama, m baari satieyofɔm n dɛɛ ti wɔ.”

Kabo Yesu kereeri nɔɔ cici jɔre ni

¹⁸ Cɛɛn be na Yohane dɛɛ susufɔm ni Farasifɔm sucici bu nɔɔ, na mine nbem aba na ba bisa Yesu ka, “Nzu ti ye Yohane susufɔm ni Farasifɔm dɛɛ susufɔm cici bu nɔɔ, ye u dɛɛm bere cici má?” ¹⁹ Na Yesu abɔ bu nu ka, “Am sunsun ka konyayafɔm koro cici bu nɔɔ sanɔga bo konyafan n toko wo bu dɔ ni, nzen se? Ai, sanɔga bo konyafan n wo bu dɔ ni, bu yo má nyini. ²⁰ Ama, sanɔga suba bo bu bá yi konyafan n fite bu nu, nyini sanɔga n ye bu nyá cici bu nɔɔ a.”

²¹ Na Yesu akaaki ase ka, “Be koro fa má sanvuin fɔfɔre kpa tɔ má tani dawa kunma, nzen i yoori sɔ, sanvuin fɔfɔre

ni sɔn tani dawa n wɔ, na i tɛke i kunma n agaya buka su. ²² I kaaki ti sɔ ɔ bekun ka be koro fa má nzan nyiiwa fanɔafo ɔ má dundu dawa bebete nu, nzen i yoori sɔ, dundu ni tɛ wɔ, na i ká nɔbɛɛn, na nzan n kere sɔngi. Ama, i ti ye ni ka bu fá nzan nyiiwa fanɔafo ɔ dundu fɔfɔre biiwa nu.”

Kabo Yesu jɔjɔ fa kɔɔri Njumiyi cɛɛn n jɔre ni

²³ Yudafɔm Njumiyi cɛɛn be, na Yesu ni i susufɔm ni sunati sin aɛmbaa fie be nu, na i susufɔm n abubu be akpɛse. ²⁴ Na Farasifɔm n ase i ka, “Nɛ fɛn. Nzu ti ye u susufɔm ni suyo sɔ a? Nyɛmɛ nɔaniɛ kpamaawa n kere ka má be yo sɔ, Njumiyi cɛɛn ni.” ²⁵ Na wɔ bɔ bu nu ka, “Am nya kan má Nyɛmɛ Jɔre Kadasi n nu, kabo Fɛmɛ Davidi yo yoori sanɔa bo i ni i minɛm miɛeri diire busu n wɔ, nzen sɛ? ²⁶ Nyini sanɔa Abiyata yo ti Nyɛmɛ sayoowa dɔnguyofɔm kere kpɛn n a. Ahɔɛ n ti, na Fɛmɛ Davidi akɔ awura Nyɛmɛ Sereebiri Awuru n nu, na wɔ di kpɔnɔ n bo ba fa ama Nyɛmɛ ni, na wɔ ma i minɛm be. Ama, am si ka ya dɛɛ atin n su, Nyɛmɛ sayoowa dɔnguyofɔm nɔgumi di nyini kpɔnɔ n a.”

²⁷ Na Yesu akaaki ase bu ka, “Adamande dɛɛ ti ye Nyɛmɛ yiiri Njumiyi cɛɛn n a, má Njumiyi cɛɛn n dɛɛ ti ye Nyɛmɛ yiiri adamande a. ²⁸ Nyini ti, Njumiyi cɛɛn ni mmɔɔ, mini Adamande Wa ni ti i Mibiɛ a.”

3

Kabo Yesu tuntunri sɔnɔ asaa fuin be Njumiyi cɛɛn ni

¹ Na Yesu akaaki akɔ tientienbunɔɔ sɔɔ n nu dɔ bekun. Sɔnɔ asaa fuin be woori dɔ. ² Na minɛm bɔ bu wo dɔ n atu bu nyumbaa aniɛ Yesu, na bu niɛ ka i túntun asaa fuin n Njumiyi cɛɛn ni, nzen i túntun má i, adena bu sɔ i nɔɔɛ na bu járaaki i ka wɔ saaki Njumiyi cɛɛn n ciire ni. ³ Na Yesu ase asaa fuin n ka, “Ba jina afɛn fɛn.” ⁴ Na wɔ bisa bu ka, “Ya dɛɛ atin n su, atin wo nu ka ya yo sakpa Njumiyi cɛɛn ni, nzen ya yo satie wɔ? I kaaki ti ye ni ka ya de nɔɔɔ, nzen ya yi nɔɔɔ ɔ?” Ama, ba bɔ má i nu. ⁵ Na Yesu aniɛ bu nyunu abara ayɛ, na wɔ fa yaa bu nɔ, na i ahore asaaki fa kɔ bu atii kekere n dɛɛ ti, na wɔ se sɔnɔ n ka, “Tenɔge u saa ni.” Na wɔ tenɔge i saa ni, na wɔ yo fanɔa bekun. ⁶ Na Farasifɔm n akaba afite tientienbunɔɔ sɔɔ n nu akɔ Fɛmɛ Herode minɛm dɔ, na ba sɛsɛ bu nɔ su kabo bu yó na bu kún Yesu.

Kabo jama beberebe tiɛnri bu nɔɔ Yesu dɔ ni

⁷ Nyini sin na Yesu ni i susufɔm n afite akɔ kunma kpɛri n nɔɔ su, na jama beberebe afite Galili awɔre n nu asu i su. Nɛm gusu fiteeri Yudiya dɛɛ awɔre n nu, ⁸ ni Yerusalem miɛ kpɛri n nu, ni Idumeya dɛɛ awɔre n nu, na nɛm gusu

afite Yodan kunma n wiε afiiri ni, ni Tiro ni Sidon dεε bue ni. Bu tiiri kabo Yesu yoori alekutura sam barasu ni, nyini ti ye bu baari i dɔ a. ⁹⁻¹⁰ Yesu ama tukpakifɔm beberebe anya laifie n dεε ti, bo bu la tukpaki kere koro ka bu mie bu nyi wɔ, na bu sakati wura na bu fa bu saa kan i. Nyini ti, na wɔ se i susufɔm ni ka bu kpa bu ɲu ni lee ma i, na nzen minem ba ɲa bu mie i ɲu na i koro wura lee n nu. ¹¹ Sangka kere bo minem bo ajinim wo bu ɲu n nya ɲuuri i, bu kutu i nyunu wɔ, na bu ciindi na bu se ka, "Wɔrɔ ti Nyeme Wa n a." ¹² Na wɔ bɔbɔ ajinim ni ni anyumboro ka, má bu ma be si i sɔnɔ nzuin nu.

Kabo Yesu yiiri mine buru ni nnyɔ ka bu yo i jaramasam ni

¹³ Na Yesu afun akɔ buka be su, na wɔ fere mine n bo i koroori ka bu ba i dɔ ni, na ba ba i dɔ. ¹⁴ Na wɔ yi bu nu buru ni nnyɔ, na wɔ fa bu ayo i jaramasam ka bu wo i dɔ, na i susunma bu ka bu kɔ sukan Nyeme jɔre, ¹⁵ na wɔ ma bu yiko ka bu kɔ sufɔn yi ajinim minem ɲu. ¹⁶ I jaramasa buru ni nnyɔm ni bo i yiiri bu n la Simon bo Yesu tuunri i duma ka Peto ni, ¹⁷ ni Yakobo ni i niema Yohane, bo bu si la Zebedi na Yesu kaaki tuunri bu duma ka *Bowanaje*, i bu la ka bu tientien agaya ka nzue wɔ. ¹⁸ Bu nbem gusu la Andere, ni Filipu, ni Batolomeyo, ni Matio, ni Tomasi, ni Yakobo bo i si la Alafeyo ni, ni Tadayɔ, ni Simon bo i tu ɲgoni fa kɔ i asien su ni, ¹⁹ ni Yudasi Isikariyoti bo i ba tɔori Yesu ni.

Kabo minem ɲa Yesu ni Sitana dεε ti kun ni

²⁰ Na Yesu akɔ awuru, na jama aba atien bu nɔɔ bekun bo i ni i susufɔm n akoro anya má tana bo bu di diire mmɔɔ. ²¹ Na sangka bo i minem tiiri i ɲga ni, na ba kɔ ka bu kɔ fa i ba awuru, dama minem ɲa i nyunu akan i. ²² Na Yudafoɔm Nyeme nɔanɛ kerefɔm bo bu fiteeri Yerusalem mie kpiri n nu n ase ka, "Belazebuli bo i ti ajinim kere dεε femε ni, wo i ɲu a." Na ba kaaki ase ka, "Yiri ajinim kere femε ni ma i yiko ye i koro fɔn yi ajinim n a." ²³ Bu seeri sɔ ni, na Yesu afere bu, na wɔ bo bu mieɛnu. I ɲa, "Sitana koro yo se fɔn yi i dεε ajinim minem ɲu a? ²⁴ Ya fa i ka, nzen femeya nya kpakpaakiiri nu wieeri, nyini femeya ni kóro jina a? Ai, i kóro jina má. ²⁵ Na nzen awuru gusu bo i minem nya kpakpaakiiri nu, nyini awuru ni kóro jina a? Ai, i kóro jina má. ²⁶ Nzen Sitana dεε femeya n nya kpaakiiri nu wieeri, i kóro jina a? Ai, i kóro jina má. Nzen i nya yoori sɔ, i fanɲa wie wɔ. ²⁷ Be koro wura má sɔnɔ fanɲafo dika na i fin i nenɲe, má ka wɔ tara i fanɲa acin i nyama ka, ye i nya koro fin i nenɲe n bo i wo awuru n nu a."

28 Na Yesu akaaki ase ka, “M suse am nahore wo lee ka, Nyeme koro fa minem satie kere fa ce bu, haari fa ko sanja jore ngbeenngbeen kere bo bu jorori i fa ko Nyeme do, 29 ama, sono kere bo i joro wuraari Awiewie Casi ni ngasi nu, Nyeme fa ma i mi ngasi ce ma i, dama i mi ayo satie bo i la ma awieeri lee.” 30 Deke bo i ti na Yesu seeri so n la ka, bere Nyeme nonie kerefom ni, bu na ajini wo i ju a.

Minem bo bu ti Yesu ni, ni i ninbaam nahore su n jore

31 Na Yesu ni, ni i niemam aba i do awuru n bo i wo nu ni, na ba ka ajina dasin asunma ka bu fere i. 32 Na jama beberebe atana abara aye yiri Yesu na ba se i ka, “Ti fen. U ni, ni u niemam wo dasin koro u.” 33 Na wo se bu ka, “Am ma m kere am bo bu ti m ni, ni m niemam.” 34 Na wo nie abara aye minem bo bu tana bara yeeri i ni, na wo se bu ka, “Am nie. M ni, ni m niemam n yaa. 35 Sono kere bo i yo Nyeme sa koroowa, yiri ti m siwa, ni m niwa, ni m ni a.”

4

Mienu fa ko kabo dodorifo be sandiri alembaa ni

1 Na Yesu akaaki ako Galili kunma kpiri n noo su, na wo bo i bu sukere minem Nyeme jore, na jama beberebe atien bu noo i do. Jama n sunnuuri beberebe n dee ti, na wo wura lee nu atana nzue n nu, na jama n kere atien bu noo fa dodo nzue n noo su. 2 Na wo bo mienu, na wo kere bu dekem beberebe. I na, 3 “Am ti fen. Dodorifo be yo fiteeri so o, ka i ko sandi alembaa. 4 Sanja bo i wo sandi su ni, na alembaam nbem atoto atin n noo, na anumam aba atambu bu ami. 5 Na nbem atoto tieka su, deke bo fa sunnu ma ni, na fa sunnu ma n dee ti, na wo ce ma, na wo fi, 6 ama, sanja bo wie ba fiteeri agaya ni, na wo waandi, dama bunlui n akpama abi ma n dee ti. 7 Na alembaa ni nbem atoto loloe nu, na loloe n anyi akata i ju, nyini ti, wo koro awura ma mbaa. 8 Ama, na alembaam ni nbem atoto asien kpa su, na wo nyi awura mbaa zoi zoi.” 9 Na Yesu ase bu ka, “Bo i koro ka i ti ahin jore n bu, i ti ye ni ka i so i sui na i ti.”

Deke bo i ti na Yesu boori bu mienu n ni

10 Na sanja bo i kaari i ni i susufo buru ni nnyom ni, ni minem bo bu wo i do sanja kere ni, na ba bisa i nyini mienu n bu. 11 Na wo bo bu nu ka, “Ambera ye Nyeme ama am asi i femeya n nu asiri jore a, ama, minem bo bu su ma m su ni, m bo i mienu kere bu a, 12 adena i yo kabo ba kere i Nyeme Jore Kadasi n nu ni, ka,

‘Bu nie ni nahore su,
ama, bu nu ma pui.
Bu so bu sui ni nahore su,

ama, bu tí má deke n bo bu so bu sui ka bu ti i n bu, dama nzen má bu tiiri i bu, má bu káaki bu wo wɔ, na Nyeme fá bu satie ce bu.' "

Kabo Yesu kereeri miɛnu n bu ni

¹³ Na Yesu abisa bu ka, "Am ati má ahin miɛnu n bu? Ye am yó se ti miɛnu nyingam n kere bu a? ¹⁴ Ahin miɛnu n bu la ka, dɔdɔrifɔ n ti ka sɔnɔ n bo i kan Nyeme jɔre n wɔ. ¹⁵ Mine nbem de Nyeme nɔanie n kabo alembaa n tɔtɔri atin n nɔɔ n wɔ. Bu nya tiiri Nyeme nɔanie n na bu de i, i ce má, na Sitana bá yi nɔanie n fite bu ahore su, a ŋu ka bu wara afi i sa. ¹⁶ Mine nbem gusu de Nyeme nɔanie n kabo alembaa n tɔtɔri tieka su n wɔ. Bu nya tiiri Nyeme nɔanie ni, a ŋu ka ba de i ndende ni ahorejo, ¹⁷ ama, i da má bu ahore su. Bu kaaki ti ka alembaa n bo i bunlui akpama abi má n wɔ. I woori bu dɔ kaan sɔ na nzen wahara, wara kekereke be ba tuuri bu fa kɔ bu nyemesu n su, a ŋu ka ba fa ati. ¹⁸ Nbem gusu de Nyeme nɔanie n kabo alembaa n tɔtɔri lɔlɔe nu n wɔ. Bu nya tiiri Nyeme nɔanie ni, ¹⁹ ama, bu sunsunni kere wo kabo bu yó na bu asiri káta su, na bu koro kabo bu yó na bu nyá ajেকে kere, na bu ahore bi fa kɔ durunya n nu nenngem su, na Nyeme nɔanie n koro da má bu ahore su na i yo juma. Bu ti ka alembaa n bo i wura má mbaa n wɔ. ²⁰ Ama, mine nbem de Nyeme nɔanie n kabo alembaa n tɔtɔri asien kpa su n wɔ. Bu nya tiiri Nyeme nɔanie ni, na bu de i, na bu fa yo juma na i yo kperɛ beberebe."

Kabo sɔnɔ koro so má sin su na i fa fie ni

²¹ Na Yesu abisa bu ka, "Am nya ŋu ka sɔnɔ be aso fitana su na i fa ganɔa butu su, nzen má nyini i fa kɔ se gado bu? I fa taka deke su angoro wɔ bo sɔnɔ kere koro ŋu i, má sɔ? ²² Dama deke be wo má bere bo i wo fieɛwa nu, na bu bá ŋu má i, na deke be gusu wo má bere bo i wo asiri nu, na bu bá si má i. ²³ Sɔnɔ kere bo i koro ka i ti ahin jɔre n bu, i ti ye ni ka i so i sui na i ti."

²⁴ Na wɔ se bu ka, "Am si am ŋu sa ni kabo am ti nɔanie barasu ni. Gɔngɔ bo am fa susu ma minɛm ni, sɔ ye Nyeme gusu fá susu ma am a, na bo Nyeme yó ma am ni tara sɔ n mmɔɔ. ²⁵ Dama sɔnɔ kere bo wɔ nya deke be Nyeme dɔ na i mi si i bita, Nyeme búka i su wɔ, ama, bo i si má i bita, haari ni nyini kaan n bo i la i ni, Nyeme dé i dɔ ɔ."

Miɛnu fa kɔ kabo alembaa fi barasu ni

²⁶ Na wɔ kaaki ase bu ka, "Nyeme femɛya n ti ka kabo dɔdɔrifɔ be kɔ sandi alembaa i fiesu n wɔ. I dɛɛ la ka i sandi wɔ, ²⁷ na i kɔ da kɔngue, na i tenge alecin. Nyini sanɔa n ye alembaa n fi a, na i sunyi, i si má kabo i yoori

barasu. ²⁸ Asien n buka alembaa n ye i fi a. I nya fi wieeri, na i nyi, na i nyinse, na i woro, na i nya bi mbaa. ²⁹ Alembaa n ba bi ni, i kpie sanja lee, na i kpie i.”

Alembaa kaan be jore

³⁰ Na wo kaaki ase bu ka, “Ya fa nzu deke fa sunsun Nyeme femeya n a? Wara ya fa mienu barasu bono ye ya bo i fa kere kabo Nyeme femeya n ti a? ³¹ I ti ka nyem mbaa bo bu do i wo. Yiri ti alembaa n kere kaan durunya n nu a. ³² Ama, bu nya ba doori i na i fiiri, i tara toro nyawam n kere bambaka, i koro nyi na i tetereki asambaa asambaa bo anumam koro yo bu tierim nu.”

³³ Na Yesu afa nyini mienu n ni mienu nyingam beberebe akan Nyeme jore akere bu, kabo sono kere koro ti i bu barasu. ³⁴ Jama n nya woori i do, i se ma bu pui, ma ka mienu ye i bo bu a, ama, i ba kaari i ni i susufom ni, na i nya yi i bu kere kere bu.

Kabo Yesu kereeri ka i la yiko tara anjuma ni nzue ni

³⁵ Nyini cen n naaso sanja, na Yesu ase i susufom n ka, “Am ma ya kpie ko kunma kpiri n bukun do.” ³⁶ Na i susufom n acin ayaki jama ni, na ba ba awura lee n bo Yesu wo nu n nu, na ba ko. Na nbem gusu afa lee nbem na ba su i su. ³⁷ Na anjuma bambaka be ayasu, na i subo nzue go lee n nu. Ma lee ni suyi ni nzue wo. ³⁸ Nyini sanja ni, Yesu afa piti ason i tii, ye i wo daafiri su lee n sin, na ba ba atenge i ase i ka, “Ya Kerefɔ, nzen ya suwu, u cee wo ma ya nu fan?” ³⁹ Na wo yasu na wo tien anjuma n nu, na wo se nzue n ka, “Da surum.” Na anjuma n atara, na dika n kere atara jum. ⁴⁰ Na wo se bu ka, “Nzu ti ye am soro sere so a? Am yo ma m yarada?” ⁴¹ Na sere akaaki ati bu agaya, na ba bisa bu nuju nu ka, “Nzu sonombiri barasu la ahin bo anjuma ni nzue n mmoo de i noanie a?”

5

Kabo Yesu fon yiiri ajinim sono be nu ni

¹ Na Yesu ni i susufom n akpie kunma kpiri n ako aju Gerasafom dee awore n nu. ²⁻³ Sanja bo Yesu fiteeri lee n nu ni, na sono be afite fanjunma nu aba akpa i atin. Nyini sono n nati da fanjunma nu wo, dama ajini wo i nu. Sono be wo ma bere bo i koro tara i cici i ni joroko n mmoo kun, ⁴ dama sanja kere bu bo i tobari wo na bu wura i joroko buka su, ama, haari ni nyini n mmoo i titi joroko n wo na i kaaki bo sandi tobari n nu. Be wo ma bere bo i la fanja koro tara i jina kun. ⁵ Kongue ni wiesu kere i wo fanjunma nu so o, ni bukam su na i suciindi, na i sufa yabue kpiekpie i nu.

6-8 Na wɔ ɲu Yesu sangɔ bo i toko wo dede ni yiri ni, na Yesu atien ajini n ɲu ase i ka, "Ajini, fite yaki nyini sɔnɔ ni." Na sɔnɔ n aɲmati akɔ akutu Yesu nyunu, na wɔ ciindi ase ka, "Yesu, Micerɔ Nyemɛ Kpɪri n Wa, a koro nzu m dɔ fɛn a? M sere u wɔ, Nyemɛ ti, mɔ a ma m ɲu anyumboro." ⁹ Na Yesu abisa i ka, "Bu fere u sɛ?" Na wɔ bɔ i nu ka, "Bu fere m ka Jama Beberebefɔ, dama ya sunnu." ¹⁰ Na wɔ sere Yesu jande ka mɔ i fɔn bu fite nyini awɔrɛ n nu. ¹¹ Nyini sangɔ afam beberebe wo dodo bɛrɛ, bu wo buka be su sudi, ¹² na ajinim n asere Yesu ka, "Ma ya kɔ fun afam n ɲu." ¹³ Na Yesu ama bu atin na ba fite akɔ afun afam n ɲu. Afam n ju akpii nnyɔ dika, na bu kɛrɛ aɲmati aɔɔndi akɔ ato kunma kpɪri nzue n nu, na nzue n adi bu.

¹⁴ Afa sasafɔm ɲuuri nyini n sɔ ni, na ba ɲmati akɔ abo ndoori miɛ kunnu, ni ahɛmɛ ahɛmɛ kɛrɛ su. Na minɛ aba anɛ sa n bo i yoori ni. ¹⁵ Na ba ba Yesu dɔ, na ba ɲu sɔnɔ n bo ajinim n yo woori i ɲu n ka i tana Yesu bi wura tanlɛɛ, ni i nyunu koroya su, na sɛrɛ ati bu. ¹⁶ Na minɛm bo bu ɲuuri sa n yoobiri ni, akan jɔrɛ n kɛrɛ akere jama n fa kɔ sa n bo i tuuri sɔnɔ n bo ajinim yo woori i ɲu ni, ni sa n bo i tuuri afam ni. ¹⁷ Bu tiiri jɔrɛ n sɔ ni, na ba nya asere Yesu jande ka i yasɔ bu awɔrɛ n nu. ¹⁸ Sangɔ n bo Yesu suwura lee n nu na i kɔ ni, na sɔnɔ n bo ajinim yo woori i ɲu ni, asere i jande ka i ma i su i su. ¹⁹ Ama, na Yesu akete, na wɔ se i ka, "Kpie u nyi kɔ awuru na a kɔ kan kere u lamɔkɔm fa kɔ sakpa n bo Mibiɛ n ayo ama u ni, ni kabo wɔ si u aɲunfɔ barasu ni." ²⁰ Na sɔnɔ n akpie i nyi akɔ akan sakpa n kɛrɛ bo Yesu ayo ama i ni, abara ayɛ Miɛ Burum dɛɛ awɔrɛ n nu, na sɔnɔ kɛrɛ ayo alekutura.

Bara tukpakifɔ be, ni baabara be yiwee jɔrɛ

²¹ Na Yesu awura lee n nu akpie i nyi akpie kunma kpɪri n buekun dɔ, na jama beberebe aba atien bu nɔɔ i bi nzue n nɔɔ su. ²² Na Yudaɔm kpien be wo bɛrɛ, yiri niɛ bu tientien-bunɔɔ sɔɔ n su a. Bu fere i ka Yarusi. Na wɔ ba Yesu dɔ nzue n nɔɔ su na wɔ kutu i jaa bu, ²³ na wɔ sere i jande. I ɲa, "M wa sunɲuru atɔ cin. Bra na a ba fa u saa nana i ɲu na i nya ɲɔɔ ni laifɛ." ²⁴ Na Yesu asu i su na ba kɔ.

Na jama beberebe asu Yesu su haari bu kɔ sumɛ i ɲu. ²⁵ Bara be woori jama n nu, i bita abiɛeri i afɔ buru ni nnyɔ lɛɛ bo i kpɪ na i kpɛ mɔ. ²⁶ Wɔ di wahara, na wɔ saaki i ɲwaa kɛrɛ atuntun i ɲu ayirifɔm dɔ dede haari wɔ ba afie, ama, wɔ nya mɔ laifɛ se tukpaki n buka su kɔ ɔ. ²⁷ Na wɔ ti Yesu ɲga, na wɔ sakati awura jama n nu Yesu sin, afa i saa akan Yesu tanlɛɛ ni. ²⁸ Dama i seeri i kunnu ka, "Nzen m koro yoori anɛ faari m saa kaanri i tanlɛɛ n mmɔɔ, m

nyá laifié.”²⁹ Na wɔ̄ yo sɔ̄ n kpenɔ̄ na i abieɛri n akpie, na yiri ni i tii aɔ̄u ka wɔ̄ nya laifié. ³⁰ Jina n nu bere na Yesu afa nu ka i yiko n be afite i ɔ̄unie nu ako ayo juma. Na wɔ̄ kaaki anie jama n nu, na wɔ̄ bisa ka, “Nma faari i saa kaanri m tanlee n a?” ³¹ Na i susufom n ase i ka, “Wɔ̄ɔ̄ mmɔ̄ɔ̄ aɔ̄u kabo jama n amie u barasu, ye nzu ti ye a bisa ka, nma fa i saa kaanri u a?” ³² Ama, na wɔ̄ nie abara aye na i si sɔ̄nɔ̄ n bo i yoori sɔ̄ ni. ³³ Na sere ati bara ni, i jina, i ɔ̄unie kere subobo i fa kɔ̄ sa n bo i tuuri i ni, na wɔ̄ ba akutu Yesu nyunu, na wɔ̄ kan jɔ̄re n kere ni i nahore atin su akere i. ³⁴ Na Yesu ase i ka, “M wa, yarada n bo a yo m ni, yiri ma a nya laifié a. Kɔ̄ awuru ni ahoreda, na má u tɔ̄re n ba u ɔ̄u kun.”

³⁵ Sanga n bo Yesu toko wo jojo su ni, na mine nbem afite tientienbunɔ̄ɔ̄ sɔ̄ɔ̄ n kpien n dika aba ase i ka, “U wa n wo má bere. Nyini ti, má a dama ya Kerefɔ̄ n kun.” ³⁶ Na jɔ̄re n ato Yesu sui nu, ama, na wɔ̄ se kpien n ka, “Má a ma sere ti u, wɔ̄ɔ̄ yo m yarada.” ³⁷ Wɔ̄ soro má su ka be su i su kun, má ka Petoro, ni Yakobo, ni i niema Yohane. ³⁸ Bu kɔ̄ juuri kpien n dika ni, na Yesu awura aɔ̄u ka mine beberebe suyo nanmie, bu susun subo awie. ³⁹ Na wɔ̄ bisa bu ka, “Nzu ti ye am suyo nanmie sun sɔ̄ a? Baabara n awu má, wɔ̄ daafi wɔ̄.” ⁴⁰ Na ba siri i. Na wɔ̄ fon bu kere afite, na wɔ̄ fa baabara n si ni i ni, ni i susufɔ̄ nsanm ni, na ba kɔ̄ sɔ̄ɔ̄ n bo baabara n da nu ni. ⁴¹ Na wɔ̄ kɔ̄ atara i saa, na wɔ̄ se i ka, “*Talita kumi.*” I bu la ka, “Sunɔ̄guru kaan, m ɔ̄a a yasu.” ⁴² Kpenɔ̄ na sunɔ̄guru n ayasu anati. I yo ti afɔ̄ buru ni nnyɔ̄ baa a. Na minem kere bo bu woori bere n ayo alekutura agaya. ⁴³ Na Yesu abobo bu ni nahore su ka má bu ma be si sa n bo wɔ̄ yo i ni, na wɔ̄ se ka bu ma baa n deke be na i di.

6

Kabo Yesu ɔ̄a Nyeme nɔ̄anie kanfɔ̄ la má jirima i bɔ̄su ni

¹ Ye Yesu yasu kɔ̄ori i bɔ̄su na i susufom n asu i su. ² Na Yudaɔ̄m Numiya cɛen n na wɔ̄ kɔ̄ bu tientienbunɔ̄ɔ̄ sɔ̄ɔ̄ n nu, na wɔ̄ kɔ̄ akan Nyeme jɔ̄re akere bu. Minem bo bu tiiri i kereewa n kere yoori alekutura. Na ba bisa bu ɔ̄uɔ̄u nu ka, “Nifansu ye ahin sɔ̄nɔ̄ n kɔ̄ sɔ̄nsɔ̄nri i si n kere a? Bu maari i alecira bɔ̄nɔ̄ ɔ̄? Ye alekutura sam bo i yo bu ni, i yo se yo bu a? ³ Má Mariya wa n bo i ti kampa n lee? Má Yakobo ni Yose ni Yuda ni Simon n ɔ̄ɔ̄ɔ̄ n lee? Am nie e. Má i niema nbaram mmɔ̄ɔ̄ wo ya nu fen n a?” Na ba bu i ɔ̄gbɛen. ⁴ Na Yesu ase bu ka, “Deke kere bu ma Nyeme nɔ̄anie kanfɔ̄ jirima, má ka i bɔ̄sufom ni i lamokom

ni i gisannufom do ngumi.” ⁵ Nyini ti, wo koro ayo ma alekutura sa be i bosu do se i faari i saa nanaari tukpakifo nbem nu wo, na ba nya laifie. ⁶ Na wo yo i awarabo kabo i bosufom n ayo ma i yarada ni.

Kabo Yesu sunmaari i susufo buru ni nnyom ni

Na Yesu abara aye aheme miem n kere su, na i sukere minem. ⁷ Na wo fere i susufo buru ni nnyom ni, na wo sunma bu nnyo nnyo, na wo ma bu yiko ka bu ko sufon yi ajinim fite minem nu. ⁸⁻⁹ Na wo se bu ka, “Ma am fa puitiripui ko ahin atin n bo am sukoni, diire o, kuruku o, nwaa o. Ama, am fa kpama ni gbagbaa yiri. Ma am se ka am fa tanleε buka bo am wura i n su.” ¹⁰ Na wo kaaki ase bu ka, “Am ko juuri mie be su, awuru kere bo am ko wuraari nu, am ka nyini awuru n nu, haari am ba fite mie n nu. ¹¹ Sasu bekun mie bo am ko wuraari nu na ba de ma am wofa, na ba kaaki asoro ma am su ka bu ti am noanie ni, am fite yaki nyini mie n ni, na am kponkpon yi am jaa tuturi kere. Nyini di daani kere bu ka bu woowa ti ma kpa.” ¹² Na i susufom n afite ako akan Nyeme jore akere minem ka bu kaaki bu wo. ¹³ Na ba fon ayi ajinim minem beberebe nu, na ba sere Nyeme ama tukpakifom dongu, na ba fa nguin ago bu nu, na ba nya laifie.

Kabo bu kuunri Yohane Nyeme Nzue Biefo n barasu ni

¹⁴ Na Feme Herode ati nyini sa n kere, dama Yesu dama ata abara aye deke kere. Na mine nbem ase ka, “Yohane Nyeme Nzue Biefo n ye wo tenge i yiwee n nu a, nyini ti ye i la yiko koro yo nyini alekutura sam kere a.” ¹⁵ Ama, na nbem ase ka, “Yiri la Eliya a.” Na nbem gusu ase ka, “I ti Nyeme noanie kanfo ka dawa deem wo.” ¹⁶ Ama, Feme Herode tiiri nyini ni, na yiri ase ka, “Yohane bo m kpieri i tii n ye wo tenge a.”

¹⁷ Feme Herode yo ma bu taraari Yohane nyiiri wo, dama yiri Feme Herode afin i goro Filipu yi Herodiya afa aja. ¹⁸ Ma pui ti, dama Yohane ase Feme Herode ka, “Nyeme noanie kpamaawa n kere ka a la ma atin ka a fa u goro yi ja i ngoo su.” ¹⁹ Yohane seeri so ni, na Herodiya afa i ngasi na wo fo anminda i kabo i nya i na i kun i. Ama, wo koro anya ma i, ²⁰ dama Feme Herode ni i tii soroori Yohane ka i ti sonofofoe bo i yo sa bo i ko atin su Nyeme do o. Wo koro ma ka pui yo i. Na Feme Herode ajimi fa ko noanie n kere bo Yohane kan maari i n su, ama, haari ni nyini mmoo, i koro ka i suti i noanie n wo.

²¹ Een be so o na Herodiya aba anya Yohane taraabiri. Nyini een n ye Feme Herode sugo i baawu een agore n a.

Na wɔ fere i gomina mine ŋgbɛŋgbirim, ni i soja nkpien-kpienm, ni Galili mine tereterefɔm kere ka bu ba di na bu nu. ²² Agɔre n nu ni, na Herodiya wa sunɔguru awura ago akere Feme Herode ni i jamam, na bu kere ahore ajo. Do ye feme n seeri sunɔguru n ka, "Deke kere bo a koro, se m, na m ma u." ²³ Na wɔ tan ndie ase i ka, "Haari a ŋa m kpaaki m femeya n buekun ma u mmɔɔ, m fa ma u." ²⁴ Na sunɔguru n afite ako abisa i ni ka, "Ye m sere nzu wɔ?" Na i ni n ase i ka, "Ko se i ka a koro Yohane Nyeme Nzue Biefo n tiiawa a." ²⁵ Na wɔ ŋmati akpie i nyi ndende aba ase Feme Herode n ka, "M koro ka na a fa Yohane Nyeme Nzue Biefo n tiiawa ma m perente nu kisa kisa." ²⁶ Feme n tiiri so ni, na i ahore asaaki agaya, ama, ndie n bo i taanri i jama n nyunu n dee ti, wɔ koro akaaki ma i no. ²⁷ Kpenɔa na feme n asunma soja ŋmindafɔm n kun ka i ko fa Yohane tiiawa bra. Na wɔ ko akpie i tii dansaraka so n nu do. ²⁸ Na wɔ fa ada perente n nu aba ama sunɔguru ni, na yiri gusu afa ako ama i ni ni. ²⁹ Saŋa bo Yohane susufɔm tiiri so n na ba ba afa fuin n ako ase i.

Kabo Yesu maari nbiesɔm akpii nnu ni bu minem diire ni

³⁰ Na jaramasam n akpie bu nyi aba i do, na ba kan sam kere bo ba yo i n akere i, ni kabo ba kan Nyeme jore akere mine barasu. ³¹ Jama n dee ti, ba nya ma anyunkoro bo bu di diire. Nyini ti, na Yesu ase bu ka, "Am ma ya ko deke bo minem wo ma, na am ko yi am ŋumi." ³² Na bere ŋgumi afa lee ni na ba ko. ³³ Bu yasu sukɔ ni, na minem donɔgu anu bu, na ba si bu, na ba fite mie miem su anmati adu bu mo ako aju deke bo bu sukɔ ni. ³⁴ Saŋa bo Yesu fiteeri lee n nu ni, na wɔ ŋu jama beberebe, na wɔ si bu anunfo, dama bu ti ka nboem bo bu la ma sasafɔ, na wɔ kere bu dekem beberebe. ³⁵ Na saŋa bo wie ba suto ni, na i susufɔm n aba i do aba ase i ka, "Kisa, wie suto, ya wo boro gusu wo lee. ³⁶ Ma minem n atin na bu ko mie kunnu ni aheme aheme miem su na bu ko nya diire be to di." ³⁷ Ama, na Yesu ase bu ka, "Amberɛ mmɔɔ ni am tii nya deke be ma bu na bu di." Na ba se i ka, "Nzen a ŋa ya to kpono ma ahin jama n kere, ya di nwaa beberebe." ³⁸ Na wɔ bisa bu ka, "Amberɛ la kpono nye wɔ? Am nienie na am nie." Na ba ko anie na ba bo i nu ka, "Kpono nnu ni jombaa nnyo wo bere a." ³⁹ Na Yesu ase i susufɔm n ka bu ma jama n tana asese asese wura fiefiɛwa n su. ⁴⁰ Na ba tana asese asese yaa yaa ni aburunu nnu. ⁴¹ Na wɔ fa kpono nnu ni, ni jombaa nnyo ni, na wɔ ye i tii su angoro, na wɔ da Nyeme asi. Na wɔ kpiekpie kpono nnu n nu, na wɔ fa ama i susufɔm n ka bu fa ma minem ni, na wɔ fa jombaa nnyo n gusu akpaaki bu

kere nu. ⁴² Na bu kere adi na bu kunnu ayi. ⁴³ Na ba tambu kpɔɔ, ni jombaa sinsin bo bu diiri na i kaanri ni, na ba nya kandie buru ni nnyɔ. ⁴⁴ Minem bo bu diiri kpɔɔ n ni jombaa n kere yasuuri nbiesɔm akpii nnu wɔ.

Kabo Yesu natiiri nzue su ni

⁴⁵ Nyini sin na Yesu ama i susufɔm n awura lee n nu na bu du i mɔ kpɛ kɔ Besayida mie nu kunma kpiri n buekun, na yiri aka na i kaari jama ni. ⁴⁶ I kaari bu wieeri ni, na wɔ fun akɔ buka n su ka i kɔ sere Nyemɛ. ⁴⁷ Saŋga bo ale ba saanri ni, lee n aju kunma kpiri n afien, na Yesu ŋgumi aka kunma kpiri n sin. ⁴⁸ Na wɔ ŋu ka i susufɔm n sudi wahara lee n kaanbiri, dama aŋuma sun bu kɔ bu sin wɔ. Na fa kɔ akɔnyuma ciciri su, na wɔ nati nzue n su suba bu dɔ, na wɔ yo ka i susin bu ŋu. ⁴⁹ Saŋga bo bu ŋuuri ka i nati nzue n su ni, na ba sunsun ka, ŋumi a, na ba bo awie. ⁵⁰ Bu kere ŋuuri i sɔ ni, na sere ati bu agaya. Kpenŋa na Yesu ajojɔ bu dɔ, na wɔ se bu ka, “Am ma am ahore si, mini a, má am soro sere.” ⁵¹ Na wɔ wura lee n nu, na aŋuma n atara. Na i susufɔm n kere ayo alekutura agaya. ⁵² Dama ba koro ati má i bu kabo i la yiko koro faari kpɔɔ nnu maari jama beberebem ni, bu ahorembaa ti kekereke n dɛɛ ti.

Kabo Yesu ma tukpakifɔm beberebe nyaari laifie ni

⁵³ Na ba kpɛ nzue n aba aju awɔre n bo bu fere i ka Genesareti n nu, na ba minda lee n ahemɛ. ⁵⁴ Bu fiteeri lee n nu kpenŋa ni, na minem n asi ka Yesu lee. ⁵⁵ Na ba ŋmati abara aye miem n kere su, na deke kere bo bu tiiri i ŋga, bu sɔ bu tukpakifɔm ni bu dasum kere ba i dɔ ɔ. ⁵⁶ Na nzen i kɔori ahemɛ miem wara mie kunnu, deke kere bo i fa, bu fa bu tukpakifɔm ba i dɔ sɔ ɔ, na bu sere i jande ka i ma bu fa bu saa kan i tanlee n jaa bu. Na bo bu yoori sɔ n kere anya laifie.

7

Yudafɔm nana sayoowa jɔre

¹ Na Yudafɔm Nyemɛ nɔanie kerefɔm nbem bo bu fite Yerusalem mie kpiri n nu ni, ni Farasifɔm n aba atien bu nɔɔ Yesu dɔ. ² Na ba ŋu ka Yesu susufɔm n nbem sudi diire bu saa fin, ba ŋmisi má bu saa kabo bu nana sayoowa ti barasu ni. ³ Dama Farasifɔm ni Yudafɔm kere la bu saa ŋmisi sayoowa bo i ti bu nana sa a. Bu nya ŋa bu di diire, bu du mɔ yo nyini sa n wɔ ka, na bu nya di. ⁴ Nzen haari bu fiteeri gɔ ba juuri awuru, bu di má nenŋem bo ba fa aba ni, má ka ba ŋmisi i ka, na bu yo bu nana sayoowa bo bu yo na bu di ni. Bu sayoowam sunnu. Bu nbem la ka bu

ɲmisi awam ni dundum ni ayabam wɔ. ⁵ Na Farasifɔm ni, ni Yudaɔfɔm Nyɛmɛ nɔɔniɛ kerefɔm n abisa Yesu ka, “Nzu ti ye u susufɔm n su má ya nam sayoowa n su, ye bu di diire bu saa fin a?” ⁶ Na Yesu ase bu ka, “Nahɔre ye Nyɛmɛ nɔɔniɛ kanfɔ Esaya yo kaanri am jɔre ka am ti burukɔɔnufɔm n a. Wɔ kere i kadasi n nu ka, Nyɛmɛ ɲa o,

‘Ahin minem ni, bu ma m jirima bu nɔɔ nu bere wɔ,
ama, i wo má bu ahore su.

⁷ Bu kansi m ɲgbɛɛn wɔ,
dama bu kere mine adamande dɛɛ kereewam wɔ,
na bu se ka nyini kereewa n fite Nyɛmɛ dɔ ɔ.’ ”

⁸ Na Yesu ase bu ka, “Am ace Nyɛmɛ nɔɔniɛ maawa n ase buekun, na am nya susu adamande dɛɛ sayoowam su.”

⁹ Na wɔ se bu bekun ka, “Am la nahɔre bo am akpie mbenle ayaki Nyɛmɛ nɔɔniɛ maawa n na am asu am dɛɛ sayoowam su ni. ¹⁰ Dama Moyisi ase ka, ‘Bu u si ni u ni.’ Na wɔ kaaki ase ka, ‘Sɔnɔ kere bo i jɔjɔri i si, ni i ni jɔre tie, wɔ yo daka ka bu kun i mi.’ ¹¹ Ama, amberɛ kere ka nzen sɔnɔ be la deke be bo i ti ye ni ka i fa buka i si ni i ni, i koro se bu ka ‘I ti *Koroban* wɔ.’ I bu la ka, ‘Deke bo má m fa ma am ni, ma fa ayi saraka ama Nyɛmɛ.’ ¹² Nyini sanɲa ni, am akere ka i mi n koro buka má i si n ni i ni n lɛɛ. ¹³ Nyini n kere ka am abu Nyɛmɛ dɛɛ nɔɔniɛ n ɲgbɛɛn lɛɛ, ye am su am dɛɛ sayoowam n bo am kere bu n su a. Na am la ahin sayoowam dɔɲgu bo am kaaki yo bu sɔ ɔ.”

Kabo Yesu ɲa diire diiwa koro yo má sɔnɔ fin ni

¹⁴ Na Yesu akaaki afere jama n aba i bi bekun, na wɔ se bu ka, “Am kere so am sui na am ti jɔre n bo m sujɔɔ ma am n bu. ¹⁵ Deke bo i wura sɔnɔ nɔɔ nu koro yo má i mi fin, ama, deke bo i fite i mi ahore su yo i mi fin a. [¹⁶ Bo i koro ka i ti ahin jɔre n bu, i ti ye ni ka i so i sui na i ti.]”

¹⁷ Sanɲa bo Yesu ba cinsi yakiiri jama n na i wuraari awuru n nu ni, na i susufɔm n abisa i nyini anyunderɛ n bu. ¹⁸ Na wɔ se bu ka, “Nka amberɛ gusu ati má jɔre n bu lɛɛ? Amberɛ si má ka deke bo i wura sɔnɔ nɔɔ nu koro yo má i fin, ¹⁹ dama deke bo sɔnɔ di, i wura má i ahore su se i wura i kunnu wɔ, na i kaaki je yi i, má sɔ?” Yesu afa ahin jɔjɔwa n akere ka diire be la má ciire. ²⁰ Na wɔ kaaki ase bu ka, “Deke bo i fite sɔnɔ ahore su, nyini yo i fin a. ²¹ Dama deke bo i wo i ahore su ma i sunsunni tie a. I koro ma i nati suyo sakaraya, na i suwɔ, na i sukun mine, ²² na i susaaki ajaa ciire, na i nyunu suboro nenɲe kpini su, na i suyo satietiem, na i sudadaka minem, na i suyo sa ɲgbɛɛnɲgbɛɛn bo i cɛɛ wo má nu, na i susi kɔre, na i nati susaaki minem duma, na i la karambani, na i nati suyo sinnzinya sam. ²³ Nyini satie

n kere mmoo nya fite sono ahore su, nyini ma i mi kaaki findifo a.”

Kabo bara bo i ti má Yudafo yoori Yesu yarada ni

²⁴ Na Yesu ayasu ako awore n bo i wo dodo Tiro ni Sidon mie kpirim ni, na wo ko awura awuru be nu benle ka ma sono be nu i. Ama, wo koro afe ma i nu. ²⁵ Na bara be ati i nga na wo ba ndende aba akutu i jaa bu. Ajini wo i wa baabara nu. ²⁶ Bara n ti má Yudafo, i ti Fonisiyafoco, bo i fite Siriya awore n nu wo. Na wo sere Yesu jande ka i fon yi ajini n bo i wo i wa n nu ni. ²⁷ Na Yesu ase i ka, “Ma nbaatumam n du mo di na bu kunnu yi ka, dama i ti ma ye ni ka a fa nbaatumam diire na a fa ma caam.” ²⁸ Ama, na bara n ase i ka, “M Mibie, a la nahore, ama, haari ni nyini mmoo, caam n tambu nbaatumam n diire n bo bu di na i toto asienggu n na bu fa di.” ²⁹ Na Yesu ase i ka, “U noanie jooowa n dee ti, ko awuru. Ajini n afite ayaki u wa ni.” ³⁰ Na wo ko awuru ako anu ka i wa n da i dasu su, ajini n afite ayaki i.

Kabo Yesu tuntunri asuturi be barasu ni

³¹ Na Yesu ayasu Tiro awore n nu ako aju Sidon mie kpiri n nu, na wo fa bere asin Mie Burum dee awore n nu, aba aju Galili kunma kpiri n noo su. ³² Na mine nbem afa sono be aba Yesu do, i ti asuturi wo, na i koro joo ma nyunyumi. Na ba sere Yesu jande ka i fa i saa nana i nu na i nya laifie. ³³ Na Yesu afa sono n afite jama n nu, i ni yiri ngumi, na wo fa i saa marakam awura i suim nu, na wo yi nanzue ago i saa su afa akan sono n taferema, ³⁴ na Yesu aye i tii su anie angoro na wo nuundi, na wo se sono n ka, “Efata.” Nyini la ka, “Teke.” ³⁵ Jina n nu bere, na sono n sui n ateke, na i taferema n gusu akaaki anyangi nu, na wo koro ajoo nyunyumi. ³⁶ Na Yesu abobo bu ka ma bu ma be ti ka wo tuntun sono ni, ama, kabo i bobo bu barasu ni, bu boori ndoori n gusu so o bara yeeri a. ³⁷ Na mine ayo alekutura haari ako asin su, bu na, “I sayoowa kere kaba ti kpa a. I ma asuturim ti asui wo, na bobom joo.”

8

Kabo Yesu maari minem akpii nna diire ni

¹ Nyini sangha n na jama beberebe aba atien bu noo Yesu do bekun, bu la ma deke bo bu di, na wo fere i susufom ni, na wo se bu ka, ² “Ahin jama n la m anunfo, dama i nyuma lesan lee bo bu wo m do na bu la ma deke bo bu di. ³ M koro yaki ma bu na bu ko awuru ni ahoe, ma nyini, bu to cin atin nu wo, dama bu nbem fite dede.” ⁴ Na i susufom n ase i ka, “Ye nifansu ye ya koro nya diire ahin boro n nu fen

ma ahin minem n kere na bu kunnu yi a?" ⁵ Na wɔ bisa bu ka, "Am la kpɔnɔ nye wɔ?" Na ba bɔ i nu ka, "Nso." ⁶ Na wɔ ma jamam n nɔɔ ka bu tana asiɛngu, na wɔ fa kpɔnɔ nso n na wɔ da Nyemɛ asi. Na wɔ kpiɛkpiɛ i nu ama i susufɔm n ka bu fa ma jama ni. Na bere gusu afa akpakpaaki bu nu. ⁷ Bu la jombaa kan kan nbem gusu, na wɔ fa ada Nyemɛ asi, na wɔ fa ama i susufɔm n ka bu fa nyini n gusu ma jama ni. ⁸ Bu diiri na bu kunnu ayi. Na i susufɔm n atambu sinsin kaawa n kandie nso. ⁹ Jama ni ju akpii nna dika. Na Yesu anya akaari bu na ba kɔ awuru. ¹⁰ Na i ni i susufɔm n awura lee akɔ Damanuta dɛɛ awɔrɛ n nu.

Kabo Farasifɔm koroori ka Yesu yo alekutura sa na i keteeri ni

¹¹ Na Farasifɔ nbem aba i dɔ, na ba se akuruwa ni Yesu. Bu koroori ka i yo alekutura sa be bo i kere ka i yiko n fite Nyemɛ dɔ ɔ, adena bu nya i nɔɔ sɔɔbiri. ¹² Na wɔ nɔɔndi ni dimi i ahore su, na wɔ se ka, "Nzu ti ye ambere nyumafɔm koro ka m yo alekutura sa na am nɔ i a? M suse am nahɔrɛ wɔ lee ka, m yɔ má alekutura sa ma má ambere nyumafɔm fuu." ¹³ Na wɔ yasu ayaki bu, na wɔ wura lee n nu akpie akɔ kunma n bukun dɔ.

Bɔbɔɔwa fa kɔ Farasifɔm ni Fɛmɛ Herode kereewam n su

¹⁴ Na i susufɔm n wara afi diire sa, ba bita má pui, má ka kpɔnɔ kun n kpein woori lee n nu a. ¹⁵ Na Yesu atu bu fɔ, i nɔ, "Am si am nɔ sa ni Farasifɔm, ni Fɛmɛ Herode dɛɛ kpɔnɔ ayiri n bo bu fa gɔ kpɔnɔ n nu na i yasu ni." ¹⁶ Na ba jɔjɔ bu nɔnɔ nu ka, "Ya la má kpɔnɔ n ti, ye i su se sɔ n a." ¹⁷ Na Yesu afa nu kabo i susufɔm n sujɔjɔ bu nɔnɔ nu ni, na wɔ bisa bu ka, "Nzu ti ye am sujɔjɔ ka am bita má kpɔnɔ a? Am nya si má deke bo m sujɔjɔ i ni, am nya ti má sa n bu? Am ahorembaa ti kekereke wanla. ¹⁸ I baari se ye am la anyumbaa na am nɔ má asi a? Ye am la asui na am ti má? Am tenge má su ka ¹⁹ m yo faari kpɔnɔ nnu kpiɛkpiɛ maari mine akpii nnu? Ye bo i kaari ni, kandie nye ye am sasaari a?" Na ba bɔ i nu ka, "Kandie buru ni nnyɔ." ²⁰ Na Yesu akaaki abisa bu bekun ka, "Ye kpɔnɔ nso n bo m yo fa kpiɛkpiɛ maari mine akpii nna n di? Sinsin kandie nye ye am sasaari a?" Na ba bɔ i nu ka, "Kandie nso." ²¹ Na wɔ se bu ka, "Haari ni kisa, am nya ti má i bu?"

Kabo Yesu tuntuunri anyinsin be na i nɔuri asi ni

²² Bu kɔ juuri Besayida miɛ n nu, na mine nbem afa anyinsin be aba Yesu dɔ, na ba sere i jande ka i fa i saa nana i nɔ na i nya laifɛ. ²³ Na wɔ so sɔnɔ n saa nu afa i afite miɛ n nu, na wɔ yi nanzue agɔ i nyumbaa n nu. Na wɔ

fa i saa anana i ɲu, na wɔ bisa i ka, “A niɛ, a ɲu deke be e?”
²⁴ Na anyinsin n aye i tii su anie, na wɔ se Yesu ka, “M ɲu minɛm ka bu nati, ama, bu ti ka bakam wɔ.” ²⁵ Na Yesu akaaki afa i saa anana i nyumbaa n su bekun, na anyinsin n anie ghirim, na wɔ ɲu ka i nyumbaam n ateke, na wɔ ɲu deke kere casi. ²⁶ Na Yesu ase i ka, “To atin nu kɔ awuru, na má a se ka a fa miɛ n nu.”

Kabo Petoro kereeri ka Yesu ti barasu ni

²⁷ Na Yesu ni i susufɔm n ayasu ka bu kɔ Sizariya Filipu miɛ kan kanm su. Bu wo natiiri su ni, na wɔ bisa i susufɔm n ka, “Minɛm fa m bu ɲma a?” ²⁸ Na ba bɔ i nu ka, “Bu ɲa wɔɔ ti Yohane Nyeme Nzue Biefo n a, nbem ɲa wɔɔ ti Nyeme noanie kanfo Eliya a, ye nbem gusu ɲa a ti dawa dɛɛ Nyeme noanie kanfo nyingam n kun wɔ.” ²⁹ Na wɔ bisa bu bekun ka, “Ye amberɛ fa m bu ɲma a?” Na Petoro abɔ i nu ka, “Wɔɔ ti Kristo n a, Tiidefo n bo Nyeme ase ka i sunma i ni.” ³⁰ Na Yesu abɔɔ bu ka má bu ma be si ka yiri ti Kristo Tiidefo n a.

Kabo Yesu jɔjɔ fa kɔɔri i yiwee n su ni

³¹ Nyini sin na wɔ bo i bu sukere i susufɔm n ka, “Wɔ yo daka ka mini Adamande Wa n di wahara dɔngɔ, na Yudafo n kpienkpienm, ni Nyeme sayoowa dɔnguyofɔ n kpienkpienm, ni Nyeme noanie kerefɔm kere bá kete m ɲu na bu kún m. Ama, lesan cɛɛn sin na m tɛngɛ m yiwee n nu.”
³² Na wɔ kan sa n kere bu kpain akere bu. Na Petoro afa i akɔ aheme, na wɔ jarki i ase i ka, “Má a se ka a kan nyini jɔɛ ni.” ³³ Ama, na Yesu ace anie i susufɔm ni, na wɔ tien Petoro ɲu ase i ka, “Sitana, fa cinsi m bi bere. A sunsun má kabo Nyeme koro ni. A sunsun kabo adamande koro n wɔ.”

Kabo Yesu jɔjɔ fa kɔɔri kabo minɛm su i su ni

³⁴ Na Yesu afere jama n ni i susufɔm n na wɔ se bu ka, “Sɔɔ kere bo i koro ka i su m su, wɔ yo daka ka i mi wara fi i tienɔ sa koroowa sa, na i fa i yiwee baka jaanu n sɔ, na i su m su. ³⁵ Dama sɔɔ kere bo i koro ka i fa i ɲɔɔ fie, i mi bá fun i. Ama, sɔɔ kere bo i tɔɔri i ɲɔɔ mini ni m dɛɛ labari kpa n dɛɛ ti, i mi nyá ɲɔɔ. ³⁶ Nzen sɔɔ nyaari durunya n nu deke n kere na i fuunri i ɲɔɔ, i kperɛ la bɔɔ? ³⁷ Nzu deke ye sɔɔ koro fa kaaki i ɲɔɔ a? ³⁸ Nyumafɔm ti satieyofɔm wɔ, bo bu su má Nyeme. Amberɛ bo am wo bu nu, na nyinse ti am fa kɔ mini ni m noanie n dɛɛ ti ni, sɔ ye nyinse tí mini Adamande Wa n gusu fa kɔ am su, sanɔ bo m bá ba ni m Si Nyeme jirima woowa n nu, ni i mereke casim ni.”

9

¹ Na wɔ se bu ka, “Nahɔre ye m suse am n a, am nbem wo nu fen bo am wú má, má ka am aba anu ka Nyeme femeya n aba ni yiko.”

Kabo Yesu nunie kaakiiri wo barasu ni

² Lesen cɛen sin na Yesu afa Petoro ni Yakobo ni Yohane afun buka lenlenge be su, bu ni yiri ngumi. Bu wo do n na ba nu ka i nunie akaaki wo, ³ na i tanlee n akaaki fofoe papasi bo i nusu nya má durunya n nu. ⁴ Do na mine nnyo nbem atie bu nu, na bu ni Yesu subo anzama. Bere la Eliya ni Moyisi, dawa dee Nyeme noanie kanfom ni. ⁵⁻⁶ Na sere ati Petoro ni susufo nyingam ni, na Petoro ajimi agaya na i noo afinfin i. Nyini ti na wɔ se Yesu ka, “Ya Kerefɔ, i ti kpa ka ya wo fen. Ma ya bo nambue nsan, u dee kun, Moyisi dee kun, na Eliya gusu dee kun.” ⁷ Na yinyingu akata bu nu, na ba ti akonvi be nga yinyingu n nu, na wɔ jojo bu do. I na, “M wa koroowa lee. Am de i noanie.” ⁸ Bu tiiri jojowa n so ni, kpennga na ba nienie abara aye, ama, ba nu má sono be kun, má ka Yesu ngumi wo bu do a.

⁹ Na sangha bo bu ba sujura buka n su ni, na Yesu abobo bu ka, “Má am be se ka i bo sa n bo am anu i n su fa kere sono be, haari fa ko sangha bo mini Adamande Wa ni bá wu na m ténge m yiwee n nu ka.” ¹⁰ Na ba de i noanie ni, ama, na ba bakati abisa bu nu nu ka, “Ye nzu la ka, i bá wu na i ténge i yiwee n nu a?” ¹¹ Na ba bisa Yesu ka, “Ye nzu ti ye Nyeme noanie kerefom n bita jojo ka Eliya dú mo ba ka, ye Kristo Tiidefo ni bá ba n a?” ¹² Na wɔ bo bu nu ka, “I ti nahore wɔ ka Eliya dú mo ba na i bá sese deke n kere su. Bu kereeri se Nyeme Jore Kadasi n nu fa ko Adamande Wa n do a? Ba kere ka i bá di wahara agaya, na mine bú i ngbeen. ¹³ Ama, m suse am wɔ lee, ka, Eliya adu mo aba, na minem ayo i kabo bu koro, kabo ba kere i Nyeme Jore Kadasi n nu lee.”

Kabo Yesu fon yiiri ajini fiteeri baa be nu ni

¹⁴ Sangha bo Yesu ni i susufo nsanm ni kpieeri bu nyi ba juuri i susufo nyingam bi ni, na ba nu ka jama beberebe atien bu noo abara aye bu. Ye Nyeme noanie kerefom n nbem bita bu ni akuruwa. ¹⁵ Jama n nuuri Yesu so ni, na ba yo alekutura, na ba bo nu anmati akpa i atin ayo i anse. ¹⁶ Na wɔ bisa bu ka, “Am se nzu akuruwa a?” ¹⁷ Sono be woori jama n nu na wɔ bo i nu ka, “Ya Kerefɔ, ma fa m wa baabieso aba u do ka a tuntun i ma m, dama ajini bobom wo i nu. ¹⁸ Sangha kere bo ajini n anya aba afa i, a nu ka wɔ fa i abo asiengu, na i nanzue sufite fufuku, na i sukpeɛ i jee, na i kese i nu. Ma sere u susufom n ka bu fon yi ajini ni,

ama, ba kura má nu.” ¹⁹ Na Yesu ase bu ka, “Amaa. Ambere nyumafom, am la má yarada fieo. Nyuma sa ye m wo am do fen a? Ye m yó sawore ni ambere ko ju se wo? Am fa baa n ba ma m.” ²⁰ Na ba fa baa ni aba i do, na sangha bo ajini n nyuri Yesu ni, kpennga na wo kpisi baa ni, na wo fa i abo asienggu, na wo da sukundu, na nanzue fufuku sufite i noo nu. ²¹ Na Yesu abisa i si n ka, “Sanga bono ye tukpaki n taraari i a?” Na si n abo i nu ka, “I kaan nu kere a. ²² Sanga kere bo i nya ba yasu i nyu, i fa i wura sin nu wo, wara nzue nu ka i kun i. Nyini ti, nzen a koro buka ya, si ya anjuno na a buka ya.” ²³ Na Yesu ase i ka, “Nzu ti ye a na nzen m koro buka u a? Deke be ti má kekereke ma má minem bo bu yo Nyeme yarada ni.” ²⁴ Kpennga na baa n si asa Yesu noo su ka, “Ma yo yarada, ama, i sunnu má. Buka m na i sunnu.” ²⁵ Na Yesu anu ka jama n sunmati ba i do, na wo tien ajini n nyu, i na, “Woro ajini n bo a ma baa n ayo bobo ni asuturi ni, mini suse u ka a fite yaki i a, na má a kpie u nyi ba i do kun.” ²⁶ Kpennga na wo ciindi na wo kpisi baa n agaya, na wo fite ayaki i, na baa n aka ada ka wo wu dee su. Na minem n dongu ase ka wo wu wo. ²⁷ Ama, na Yesu atara i saa aye i su, na wo jina.

²⁸ Yesu ba wuraari awuru n nu ni, na i susufom n aba i do, bere ngumi, abisa i ka, “Nzu ti ye yere akoro afon má nyini ajini n a?” ²⁹ Na wo bo bu nu ka, “Be koro fon má nyini ajini n nyusu so, má ka nyemesere.”

Kabo Yesu jajo fa koori i yiwee n su bekun ni

³⁰ Na Yesu ni i susufom n ayasu bere ako asin Galili awore n nu. Wo koro má ka be si i woobiri, ³¹ dama i sukere i susufom wo. Na wo se bu ka, “Bu ba to mini Adamande Wa n ma mine nbem na bu kun m, ama, bu kuunri m wieeri, i lesan ceen sin, na m tégge m yiwee n nu.” ³² I jajoori so ni, i susufom n ati má i bu, ama, sere dee ti, ba koro abisa má i jore be.

Kabo Yesu kereeri sono bo i tara bu kere ni

³³ Na ba ko aju Kapenam mie kpiri n nu, na sangha bo bu wo awuru n nu ni, na Yesu abisa i susufom n ka, “Am wo atin n nu suba ni, am se nzu akuruwa a?” ³⁴ Ama, na bu kere ato amuna, dama bu wo atin n nu do ni, na ba se akuruwa bu nyunu nu fa ko sono bo i tara bu kere bu nu. ³⁵ Na wo tana, na wo fere bere i susufo buru ni nnyom ni, na wo se bu ka, “Sono kere bo i koro ka i kaaki mofa, wo yo daka ka i mi yo i nyu kaan tara am kere na i kaaki yo am kere dee amusuisufo.” ³⁶ Na wo fa baa kaan be aba ajina bu afien, na wo biti i, na wo se bu ka, ³⁷ “Woro kere bo ade ahin baakan n nyusu m dee ti, a deer mini wo lee. Bekun,

wɔɔ kere gusu bo a nya deeri mini, a de m Si Nyeme bo i sunmaari m wɔ lee.”

Kabo Yesu na bo i fite ma i sin, jina i sin ni

³⁸ Na Yohane ase i ka, “Ya Kerefo, ya nuuri ka sono be afa u duma sufa fon yi ajinim fite minem nu, ye ya na ya yaki ma i, dama i wo ma ya nu n dee ti.” ³⁹ Na Yesu ase ka, “Ma am se ka am kanda i, dama sono kere bo i nya sufa m duma n yo alekutura sam, i mi ba koro kaaki jojo ma jore tie fa ko m do. ⁴⁰ Dama sono kere bo i fite ma ya sin, i mi jina ya sin wo lee. ⁴¹ M suse am nahore wo lee, ka sono kere bo i maari am nzue ka am nu dama am su mini dee ti, i mi nya i nkato.”

Kabo wo yo daka ka ma sono wura satie nu ni

⁴² Na Yesu akaaki ase bu ka, “Woro kere bo u sayoowa ma ahin nbaatuma kan kanm n be bo i yo m yarada n be wuraari satie nu, i ti ma kpa. Nzen ma bu faari ngani san yabue bambaka ciciiri u kom, na bu fa u ko tu tieku nu, i ti ye tara bo a ma ahin nbaatuma kan kanm n be wura satie nu ni. ⁴³⁻⁴⁴ Nzen u saa n be cin u wura satie nu a, kaba kpie i na a ka asaasin, na a nya u nu ko Nyeme do. I ti ye ni bo a la u saa nnyo n kere na a wura ceema sin n bo i no ma n nu. ⁴⁵⁻⁴⁶ Nzen u jaa n be cin u wura satie nu a, kaba kpie i na a ka ajaasin, na a nya u nu ko Nyeme do. I ti ye ni bo a la u jaa nnyo n kere na bu ba fa u tu ceema sin nu. ⁴⁷ Nzen u nyumbaa kun gusu cin u wura satie nu a, lokoti yi i tu, na a ka anyunu kun, na a wura Nyeme femeya n nu. I ti ye ni bo a la u nyumbaa n nnyo n kere na bu ba fa u tu ceema sin nu. ⁴⁸ Do dee kakabam ni bo bu wura mine bo ba wu ni, bere wu ma ceen be, na sin n gusu bo i je no ma.”

⁴⁹ Kabo bu fa njin nyina saraka nenge kere su fa ma Nyeme, na i yo casi barasu ni, so ye Nyeme cin sono kere sui na i yo casi. ⁵⁰ Ya si ka njin yo fie, ama, nzen i fiefie nya ba saari wieeri, i koro yo ma fiefie kun. Am ma am wo yo fie ka njin am benju nu, na am wo ni tanalaifie.”

10

Kabo Yesu kereeri minem fa ko ajaa ni ajaa yaki atin su ni

¹ Yesu yasuuri Kapenam mie kpiri n nu, na wo ko Yudiya dee awore n nu, na wo kpie ako Yodan kunma n buekun do fan, na jama beberebe ayandi aba atien bu noo i do. Na wo kere bu kabo sanja kere na i kere bu barasu ni.

² Na Farasifo nbem aba i do ka bu so i nge fa ko i noanie n jooowa su, na ba bisa i ka, “Ya dee atin n su, atin wo nu

ka sɔnɔ koro fa i yi ji i?" ³ Na Yesu abɔ bu nu ka, "Nɔaniɛ maawa bɔnɔ ye Moyisi yo fa maari am a?" ⁴ Na ba bɔ i nu ka, "Moyisi yo maari atin ka nzen sɔnɔ koro ka i fa i yi ji, i ti ye ni ka i mi ma bara n ajaa yaki kadasi ka, na i nya fa i ji." ⁵ Na Yesu ase bu ka, "Am ahorembaa kekereke n dɛɛ ti ye Moyisi yo kerɛɛri nyini nɔaniɛ maawa n maari am a." ⁶ Ba kerɛ i Nyemɛ Jɔrɛ Kadasi n nu ka fite durunya n bumboori, 'Nyemɛ yiiri biesɔ ni bara a.' ⁷ Na wɔ se ka, 'Nyini dɛɛ ti, i ti ye ni ka biesɔ n kpaaki i gisan yaki i si ni i ni, na i ni i yi sanɔa wo. ⁸ Nyini sanɔa bu mine nnyɔ n ayo deke kun lɛɛ.' Bu wo má bu ngungumi kun. ⁹ Nyini ti, deke bo Nyemɛ anya asanɔa i awie, má sɔnɔ kpaaki i nu kun."

¹⁰ Sanɔa bo Yesu ni i susufɔm ba juuri awuru ni, na ba bisa i nyini nɔaniɛ n bu. ¹¹ Na wɔ se bu ka, "Sɔnɔ kerɛ bo i faari i yi jiiri, na i jaari bara fɔfɔrɛ, i mi n asaaki ajaa ciire ni i yi n bo wɔ fa i aji n lɛɛ. ¹² Sasu bekun, bara kerɛ bo i yakiiri i hun ajaa, na i kɔ jaari biesɔ fɔfɔrɛ, nyini bara n gusu asaaki ajaa ciire lɛɛ."

Kabo Yesu yoori nbaatumam kisi ni

¹³ Minɛm sufa bu nbaam ba Yesu dɔ ka i fa i saa nana bu ŋu na i yo bu kisi, ama, na i susufɔm n atien bu ŋu. ¹⁴ Yesu ŋuuri i susufɔm sayoowa n sɔ ni, na yaa ati i, na wɔ se bu ka, "Am ma nbaatumam n bra m dɔ, má am fɔn bu. Dama berɛ ŋusu sɔ ye Nyemɛ femeya n ti bu dɛɛ a. ¹⁵ Nahɔrɛ ye m suse am n a, wɔrɔ kerɛ bo a de má Nyemɛ femeya n nu jɔrɛ kabo baatuma de deke i saa nnyɔ ni, a wúra má Nyemɛ femeya n nu." ¹⁶ Na wɔ kuku nbaatumam ni i saa nu, na wɔ fa i saa anana bu ŋu, na wɔ yo bu kisi.

Nenɔgefɔ n ni nyemɛsu jɔrɛ

¹⁷ Nyini sin na Yesu ayasu dɔ sukɔ. I wo kɔ n su ni, na sɔnɔ be anmati aba akutu i nyunu, na wɔ bisa i ka, "Ya Kerefɔ sɔnɔ kpa, m yó se ye m bá nya ŋɔɔ n bo i la má awieeri n a?" ¹⁸ Na Yesu abɔ i nu ka, "Nzu ti ye a fere m ka sɔnɔ kpa a? Be ti má kpa sin Nyemɛ ŋu. ¹⁹ Ye m ŋa a si Nyemɛ nɔaniɛ maawam ni e, bu ŋa, 'Má a kun sɔnɔ. Má a saaki ajaa ciire. Má a wɔ. Má a di kɔrɛ daani. Má a sisi sɔnɔ. Bu u si ni u ni.' " ²⁰ Na sɔnɔ n abɔ i nu ka, "Ya Kerefɔ, ma su nyini nɔaniɛ maawa n kerɛ su haari m kaan nu." ²¹ Na Yesu anie sɔnɔ n na wɔ koro i agaya, na wɔ se i ka, "Deke kun ye wɔ kpie u su a. Kɔ na a kɔ tɔ u aja kerɛ, na a fa ŋwaa n ma yaarifɔm, na a bá nya ajeke Nyemɛ dɔ, na a bra ba su m su." ²² Yesu seeri i sɔ n na i ŋunie ayɔrɔki i. Na wɔ kɔ awuru ni ahoresaaki, dama i la nenɔge agaya n dɛɛ ti.

²³ Na Yesu anie i susufom n abara aye, na wo se bu ka, "I yó kekereke bo nenjefo wura Nyeme femeya n nu." ²⁴ Na i susufom n ayo alekutura ni nyini jójowa ni. Ama, na Yesu ase bu bekun ka, "Njam, i ti kekereke ka nenjefom wura Nyeme femeya n nu." ²⁵ Kabo nyoma sin misini bue nu ni, i ti má kekereke tara má kabo nenjefo yo na i wura Nyeme femeya n nu ni." ²⁶ Na i susufom n amie ako asin su, na ba bisa bu nju nu ka, "Ye nzen i ti so e, nma koro fite nu a?" ²⁷ Na Yesu anie bu do na wo se ka, "I ti deke bo adamande koro yo má i, ama, Nyeme do, i ti má pui, dama Nyeme koro yo deke kere."

²⁸ Na Petoro ase i ka, "To, ye yere ayaki deke kere susu u su e." ²⁹ Na Yesu ase ka, "Nahore ye m suse am n a, sono kere bo i yakiiri i awuru, wara i ninbaam, wara i ni, wara i si, wara i nbaam, wara i asien, mini ni m labari kpa n dee ti, ³⁰ i mi nya nyinim so nusu yaa i ngoo su. I nya awurum, ni ninbaam, ni nim, ni nbaam, ni asienm, na minem má i di wahara, na fa ko fa ba i nya ngoo bo i la má awieeri." ³¹ Ama, mine dongu bo bu wo mo kisa ni ba ka sin, na bo bu ka sin kisa n ba du mo."

Kabo Yesu jajo fa koori i yiwee n su kpe nsan su ni

³² Sanga bo Yesu ni i susufom suko Yerusalem mie kpiri n nu ni, na Yesu adu bu mo sunati, na i susufom n ajimi, na sere ati minem bo bu suuri i su ni, na wo kaaki afere i susufo buru ni nnyom n ako aheme, na wo jajo bu do bekun fa ko sa n bo i ba tu i ni. ³³ I na, "Am ti fen. Ya suko Yerusalem lee, do ye bu ko tara mini Adamande Wa n a, na bu fa m ma Nyeme sayoowa donguyofa nkpienkpienm ni, ni Nyeme noanie kerefom ni, na bu di m jore, na bu soro su ka bu kun m. Na bere gusu nya fa m wura minem bo bu ti má Yudafoom saa nu, ³⁴ na bu yo m anzasi, na bu yi nanzue go m nu, na bu fin m ngbere, na bu nya kun m, na i lesan een sin, na m tenge m yiwee n nu."

Kabo Yesu kereeri ka mofa yo i nu kaan ni

³⁵ Na Zebedi nbaam Yakobo ni Yohane aba Yesu do aba ase i ka, "Ya Kerefo, ya koro ka deke kere bo ya sere u, a yo i ma ya." ³⁶ Na wo bisa bu ka, "Am koro ka m yo nzu ma am a?" ³⁷ Na ba se i ka, "Sanga bo a ba tana u jirima tanaabiri ni, ya koro ka a ma ya kun tana u saa fomboro su, na kun gusu tana u saa bie su." ³⁸ Na Yesu ase bu ka, "Am si má deke n bo am susere i n ti a. Am koro di wahara n bo m di i ni, am kaaki koro wu yiwee n bo m wu i ni, nzen se?" ³⁹ Na ba bo i nu ka, "Een, ya koro yo i kere." Na Yesu ase bu ka, "Nahore. Am di wahara n bo m di i ni, na am kaaki wu yiwee n bo m wu i ni." ⁴⁰ Ama, mini la má atin bo m má am

be tana m fomboro su, na be tana m bie su. Ama, Nyeme asese nyini tanaabiri n su, afa ase ama minem bo yiri ni i tii ayi bu n a.”

⁴¹ Sanga bo i susufo burum ni tiiri kabo Yakobo ni Yohane n seeri Yesu ni, na ba fa yaa bu nu. ⁴² Na Yesu afere bu kere aba i bi, na wo se bu ka, “Am si tenle su ka minem bo bu su ma Nyeme n na bu yo bu nu nkpienkpienm ni, bere mie bu minem a, na bu tereterefo m gusu kere kabo bu yiko ti barasu. ⁴³ Ama, wo ti ma ye ni ka ambere yo so. Nzen sono be koro ka i wura i nu kpiri am kere nu, i ti ye ni ka i mi yo i nu kaan, na i su am. ⁴⁴ Na bo i kaaki koro ka i yo am mofa, i ti ye ni ka i mi yo am kere akoo. ⁴⁵ Dama mini Adamande Wa n ni m tii aba ma ka minem su m wo, ama, m baari ka m ba su minem wo, na m wu ma bu, na m de minem dogu tii ji.”

Kabo Yesu tuntuunri anyinsin be na i nuuri asi ni

⁴⁶ Na ba ko aju mie kpiri n bo bu fere i ka Yeriko ni. Sanga bo Yesu ni i susufom, ni jama beberebe n sufite mie n nu ni, anyinsin be tana atin n noo wo sere su. Bu fere i ka Batimeyo, Timeyo dee wa. ⁴⁷ I tiiri ka Yesu Nazaretifo ni susin ni, na wo tien afere i, i na, “Yesu, Feme Davidi anuma, si m anunfo.” ⁴⁸ Na jama n atien i nu ka i yaki nanmie. Ama, na wo kaaki atien kpa abuka su ka, “Feme Davidi anuma, si m anunfo.” ⁴⁹ Na Yesu aka ajina, na wo se bu ka, “Am fere i ma m.” Na ba fere anyinsin ni, na ba se i ka, “Ma u ahore si na a yasu, i fere u.” ⁵⁰ Na wo fikindi i zaba n atu, na wo warakpin, na wo nmati ako Yesu do. ⁵¹ I ko juuri do n na Yesu abisa i ka, “A koro ka m yo nzu ma u a?” Na anyinsin n abo i nu ka, “Ya Kerefo, m koro ka a ma m nu asi wo.” ⁵² Na Yesu ase i ka, “Ko. Yarada n bo a yo m ni, nyini ma a nya laifie a.” Kpenga na wo kaba anu asi, na wo su i su ako.

11

Kabo Yesu wuraari Yerusalem ka feme dee su ni

¹ Bu ko na bu dodo Yerusalem mie kpiri n nu, na bu na bu wura miem bo bu fere bu ka Befage ni Betani n ni, nyini miem n dodo buka n bo bu fere i ka Oliva Buka n wo, dama oliva bakam go su wo. Do na Yesu asunma i susufom n nu nnyo, ² na wo se bu ka, “Am ko mie kaan n bo i wo am nyunu do ni, am ko na am wura mie n nu, am nu ka kaakobaa be minda, be nya fun ma i. Am nyangi i bra. ³ Nzen be bisaari am ka nzu ti ye am sunyangi i a, am se i ka am Mibie ni koro i a, ama, i ma am kaaki fa i kpie i nyi ba kisa kisa.” ⁴ Na ba ko, na ba ko anu ka kaakobaa n minda ano be nu

atingbere n su, na ba nyangi i. ⁵ Na mine n bo bu jina do n abisa bu ka, "Am suyo nzu lee, am sunyangi kaakobaa n ko ni wo?" ⁶ Na ba se minem n kabo Yesu seeri bu ni, na ba ma bu atin. ⁷ Na ba fa kaakobaa n aba Yesu do, na ba fa bu suturam anana kaakobaa n nu, na Yesu afun atana su. ⁸ Na mine beberebe afa bu suturam atereki ase atin n nu, na nbem gusu abubu nyawa asese atin n nu. ⁹ Na bo bu du i nyunu n ni bo bu wo i sin n kere subo kuyigindi, bu na, "Hosana. Ya kansi Nyeme.

Terefi wo yiri n bo i suba Micera n dee duma n nu n do.

¹⁰ Terefi wo ya si Davidi femeya n bo i suba n do.

Ya kansi Nyeme bo i wo angoro ni."

¹¹ Na Yesu awura Yerusalem mie kpiri n nu, na wo ko Nyeme Sereebiri Awuru n nu. I ko juuri do na wo nie abara aye deke n kere. Nyini sanja wie ato, nyini ti, na i ni i susufu buru ni nnyom n akpie bu nyi ako Betani.

Kabo Yesu yoori damba baka be ngbeen ni

¹² Na i alecin na ba yasu Betani mie n nu suko, na ahoe ati Yesu. ¹³ Na wo nie anu damba baka be ni i nyawa, ka i wo dede, na wo ko anie ka i nyá suuwa n be di. Sanja bo i ko juuri baka n bu ni, wo nu ma pui su, baka n jina ni nyawa ngumi wo, dama nyini sanja n ti ma damba su sanja. ¹⁴ Na wo se baka n ka, "Sin nyuma sin, sono di ma u suuwa kun." I seeri so n na i susufom n ati.

Kabo Yesu fonri watafom fiteeri Nyeme Sereebiri Awuru n nu ni

¹⁵ Sanja bo Yesu ni i susufom ko juuri Yerusalem mie kpiri n nu ni, na wo ko awura Nyeme Sereebiri Awuru n nu, na wo fon nenje tofom ni tofom kere afite awuru n nu, na wo kaaki nwaa kaakifom n teebirim n ni tiwa tofom n biem kere alanlanga. ¹⁶ Wo soro ma su na be so sori nati sin Nyeme Sereebiri Awuru n nu. ¹⁷ Na wo kere minem ka, "Ba kere i Nyeme Jore Kadasi n nu ka, Nyeme na o, 'M awuru ni, bu ba fere i ka awuru n bo bu ba sere Nyeme n nu fa ma durunya n nufom kere wo.' Ama, ambere afa i ayo finfom woobiri."

¹⁸ Nyeme sayoowa donguyofu nkpienkpienm n ni Nyeme noanie kerefom n tiiri sa n bo Yesu yoori i ni, na ba kpini atin kabo bu yo na bu kun i, dama ba soro i. Deke bo i ti na bu soroori i n la ka, mine dongu tiiri i kereewa n na ba yo alekutura. ¹⁹ Nyini een n naaso, na Yesu ni i susufom n afite mie n nu.

Kabo Yesu seeri ya ka ya yo Nyeme yarada ni

²⁰ Alecin ngarama bu ba susin sukɔ na ba ɲu ka damba baka n awu akɔ akpura haari i bunlui. ²¹ Na Petoro atenje su kabo Yesu seeri baka n ni, na wɔ se i ka, “Ya Kerefo, nie. Damba baka n bo anuma na a jɔjɔ gɔɔri i ɲu ni, wɔ wu.” ²² Na Yesu ase bu ka, “Am yo Nyeme yarada. ²³ Nahore ye m suse am n a, wɔwɔ kere bo a se ahin buka n ka, ‘Yasu kɔ to tieku n nu,’ na a yo má sika na a yo yarada ka deke n bo a seeri i ni, i yó, Nyeme yó i ma u. ²⁴ Nyini ti, m suse am wɔ lee, ka, deke kere bo am sere Nyeme ka am koro i, am yo yarada ka am anya i, Nyeme yó i ma am wɔ. ²⁵ Sangá kere bo am ba susere Nyeme, na be ado am ngasi, am fa i mi ni ngasi ce i ka, adena am Si Nyeme bo i wo angoro n gusu fá am dee ce am. [²⁶ Nzen am fa má am bengum ngasi ce má bu, am Si Nyeme bo i wo angoro n gusu fá má am dee ngasi ce má am.]”

Kabo bu bisaari Yesu deke bo i yiko n fite ni

²⁷ Bu fa ba juuri Yerusalem mie kpiri n nu bekun, na Yesu awura Nyeme Sereebiri Awuru n nu, na i sunati bara ye i. I wo do so o n na Nyeme sayoowa donnguyofɔ nkpienkpienm, ni Nyeme noanie kerefom, ni Yudafom nkpienkpienm n aba i do, ²⁸ na ba bisa i ka, “Nma dee yiko nu ye a yo nyini sam kere a? Nma ma u nyini yiko n ye a yo nyini sam n a?” ²⁹ Na Yesu abo bu nu ka, “Am ma m du mo bisa am bisaawa kun be ka, na nzen am boori m nu, na m gusu nya se am deke bo m yiko n fite. ³⁰ Nma maari Yohane atin ye i ba bieeri minem Nyeme nzue n a? Nyeme nzen adamande? Am bo m nu.” ³¹ Na ba se akuruwa bu ɲunu nu, kabo bu bo Yesu nu barasu. Bu ɲa, “Nzen ya seeri i ka Nyeme maari i atin a, i bisa ya ka, ye nzu ti ye ya da má Yohane ɲu a? ³² Ama, nzen ya se i ka adamande do?” Do gusu na ba soro jama ni. Má pui ti, dama sono kere soroori su ka Yohane yo ti Nyeme noanie kanfo o nahore su. ³³ Nyini ti, na ba bo i nu ka, “Ya si má.” Na yiri gusu ase bu ka, “Mini mmoo sé má am sono bo i dee yiko nu na m yo ahin sam n kere ni.”

12

Kabo Yesu boori mienu niiri Yudafom nkpienkpienm ni

¹ Na Yesu abo bu mienum. I ɲa, “Sono be yo woori bere a, na wɔ do i baka suuwa barasu be fie, na wɔ kanda abara aye fie ni. Na wɔ lokoti yabue bambaka be kunma, ka i sumiemie baka suuwam ni nzue go nu. Na wɔ ta kpafiri lenlenge be ka bu tana su sunie fie n kere su, na wɔ nya afa fie n awura i npadifom saa nu. Na wɔ ko atin. ² Sangá ba juuri bo i si ka baka suuwam n abi ni, na wɔ sunma i akoom kun i npadifom n do ka i ko de i dee bo ba nya i n bra.

³ Akɔɔ n kɔ juuri ni, na ba tara i abo i, na ba fɔn i akpie i nyi i saa ŋgbɛɛn. ⁴ Na fie n fɔ n asunma i akɔɔ n kun bekun, na ba tara i abo i atie i tii, na ba kpa i nyinyɛ. ⁵ Na wɔ kaaki asunma kun bekun, na ba kun yiri. Akɔɔ kere bo fie n fɔ n nya sunmaari i a, a ŋu ka bu bo i wɔ, wara bu kun i wɔ. ⁶ Sɔnɔ kun n kpein be ba kaari a, yiri la i wa koroowa ni. Yiri ye i ba kaari sin sunmaari a, na wɔ se ka, 'Bu má m wa n yiri jirima.' ⁷ Ama, na nyini npadifɔm n ase bu ŋuŋu nu ka, 'I wa n bo i dí i aja n lee suba n a. Am bra na ya kun i na aja n kere ká ya dee.' ⁸ Dɔ na ba tara i, na ba kun i, na ba cin i afite fie n nu afa i atu."

⁹ Na Yesu anya ase bu ka, "Am sunsun ka fie n fɔ ni yó se wɔ? I bá kun nyini npadifɔm n kere wɔ, na i fá fie n wura mine fɔfɔrem saa nu." ¹⁰ Na wɔ sa su ase ka, "Ambere ni am tii akan Nyeme Jɔre Kadasi n nu anu i kabo ba kere i barasu. Bu ŋa, 'Yabuɛ n bo bondo tafɔm n faari i tuuri ni, yiri ye wɔ kaaki bondo n jaa yabuɛm kere tii a.

¹¹ Micera ni yoori i sɔ a.

Ya ŋu i, na wɔ yo ya alekutura.' "

¹² Yesu seeri sɔ ni, na Yudaɔm nkpienkpienm n akpini atin kabo bu yo na bu tara i, dama bu faari nu ka miɛenu n bo i boori i ni, i niiri bere wɔ, ama, bu soroori jama n dee ti, na ba yasu akɔ ayaki i.

Kabo bu sɔɔ Yesu ŋgeɛ fa kɔ lampo tɔ busu ni

¹³ Nyini sin na nkpienkpienm n asunma Farasifɔm ni Feme Herode mine nbem na bu ba sɔ Yesu ŋgeɛ na bu ti i nɔanie. ¹⁴ Na ba ba ase i ka, "Ya Kerefɔ, ya si ka a ti nahɔre sefɔ ɔ, u cɛɛ wo má kabo mine jɔjɔ nu, dama a nie má sɔnɔ jinaabiri ti, ama, a kere minem wɔ nahɔre su kabo Nyeme atin ti barasu. Tɔ, ya dee atin n su, atin wo nu ka ya tɔ lampo ma Romafɔm Feme Kpiri Siza, nzen atin wo má nu?" ¹⁵ Ama, na Yesu asi ka bu ti burukɔɔnufɔm wɔ, na wɔ bisa bu ka, "Nzu ti ye am sukoro ka am sɔ m ŋgeɛ a? Am fa ŋwaa bra na m nie." ¹⁶ Na ba fa ŋwaa n aba ama i. Na wɔ de ŋwaa n anie, na wɔ bisa bu ka, "Ŋma dee tii ni i duma wo ŋwaa n su n a?" Na ba bɔ i nu ka, "Feme Siza dee a." ¹⁷ Na Yesu ase bu ka, "Deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme." Na ba mie ni i nɔanie ni.

Kabo bu bisaari Yesu fa kɔɔri yiwee tenge jɔre su ni

¹⁸ Na Yudaɔm asese barasu nbem bo bu fere bu ka Sadiusifɔm ni, aba Yesu dɔ. Bu dee kereewa la ka Nyeme tenge má minem bu yiwee n nu n a. Na ba ba abisa i jɔre be, bu ŋa, ¹⁹ "Ya Kerefɔ, Moyisi yo kerɛeri nɔanie be maari

ya, ka nzen sɔnɔ wu yakiiri i yi, na i ni bara n anya má baa, wɔ yo daka ka i niema n fa kunafo n na bu wu nbaam ma gɔrɔ n bo wɔ wu ni. ²⁰ Tɔ, sɔnɔ be yo laari nbaabiesɔm nso, na baakpien n aja bara, na wɔ wu ayaki bara ni, ba nya má baa. ²¹ Na bo i tɔ i su n afa kunafo n aja, na yiri gusu awu ayaki bara ni, ba nya má baa. Na bo i tɔ i su nsan su n gusu afa i aja bekun. ²² I yo sɔɔ, na bu nso n kere aja bara n abara aye, na bu kere awu ayaki i, ba nya má baa, na bara n gusu aba aka sin awu. ²³ Kabo bu mine nso n kere aja bara n na ba wu sɔ ni, cɛen n bo Nyeme bá tenge minem bu yiwee n nu ni, bara ni ká ŋma deɛ wɔ?”

²⁴ Na Yesu abɔ bu nu ka, “Am amini atin. Deke bo i ti na am amini atin n la ka, am ti má deke bo ba kere i Nyeme Jɔre Kadasi n nu n bu, na am kaaki si má kabo i yiko n ti barasu. ²⁵ Dama sanɔga bo Nyeme má minem tenge bu yiwee n nu ni, ajaa wo má bere kun. Ama, nyini cɛen ni, sɔnɔ kere káaki ka Nyeme merékem bo bu wo aŋgoro n wɔ. ²⁶ Na fa kɔ kabo Nyeme bá tenge minem bu yiwee n nu ni, am kaanri Moyisi deɛ kadasi ni, nzen am akan má i? Kabo i kerɛeri fa kɔ sanɔga bo sin n jeeri buwe baka n su n na Nyeme jɔjɔri i dɔ ni, i ŋa, ‘Mini ti Abraham, ni Izaki, ni Jakɔbu deɛ Nyeme n a.’ ” ²⁷ Na Yesu asa su ase bu ka, “Kabo Nyeme ŋa i ti nyini minem n deɛ Nyeme ni, nyini kere ka bu toko la ŋɔɔ lɛɛ, dama Nyeme ti má bo ba wu n deɛ Nyeme, ama, i ti bo bu la ŋɔɔ n deɛ Nyeme a. Nyini ti, kabo am ŋa Nyeme tɛnɔge má minem bu yiwee n nu, am amini fieo.”

Nyeme nɔanie maawa n bo i tara bu kere n jɔre

²⁸ Na Nyeme nɔanie kerefɔm kun aɔu kabo Sadusifɔm ni Yesu seeri bu beɔgu akuruwa ni, i tiiri kabo Yesu bɔɔri bu nu nyunyumi sɔ ni, na wɔ ba abisa i ka, “Nyeme nɔanie maawam ni, bɔnɔ tara bu kere a?” ²⁹ Na Yesu abɔ i nu ka, “Nɔanie n bo i tara bu kere n yaa, ba kere ka, ‘Amberɛ Yisarelifɔm, am ti fen, ya Micera Nyeme n ti kun wɔ. ³⁰ Koro Micera u Nyeme ni, ni u ahorembaa kun, ni u awiewie, ni u sunsunni, ni u fanɔga kere.’ ³¹ Bo i tɔ su nnyɔ n la ka o, ‘Koro u beɔgu kabo a koro u ŋu ni.’ Nɔanie maawa be wo má bere bo i tara ahin nnyɔm ni.” ³² Na Nyeme nɔanie kerefɔ n ase Yesu ka, “Aɔgba. Ya Kerefɔ, i nahore atin su lɛɛ ye a kan i n a. Ya Micera Nyeme n ti kun wɔ. Nyeme be wo má bere sin i ŋu. ³³ Wɔ kaaki ayo daka ka ya koro Nyeme ni ya ahorembaa kun, ni ya sunsunni, ni ya fanɔga kere, na ya kaaki koro ya beɔgu kabo ya koro ya ŋu ni, nyini nnyɔm n ti ye tara bo ya yo tiem, ni bo ya yi sarakam ma Nyeme ni.” ³⁴ Na Yesu aɔu ka sɔnɔ n abɔ i nu kpa, na wɔ se i ka,

“A waari má ni Nyeme femeya ni.” Nyini sin, be abo má su ka i bisa Yesu jore bekun.

Kristo Tiidefo n bo i ti Feme Davidi anuma n jore

³⁵ Sanga bo Yesu woori Nyeme Sereebiri Awuru n nu sukere Nyeme noanie ni, na wo bisa minem jore be fa ko Kristo Tiidefo n su. I na, “Nzu ti ye Nyeme noanie kerefom n bita joro ka Kristo n ti Feme Davidi anuma a? ³⁶ Dama Awiewie Casi n yo wuraari Feme Davidi nu ni, na yiri ni i tii ase ka,

‘Na Micera ase m Mibie n ka,

“Ba tana m saa fomboro su fen,

haari m ba ma u kpofom kere ba kutu u jaa bu.” ’

³⁷ To, Feme Davidi mmoo ni i tii fereeri Kristo n ka i Mibie wo, ye Kristo n yo se kaaki yo Feme Davidi anuma a?”

Kabo Yesu na mine si bu nu sa ni Nyeme noanie kerefom ni

Ye jama beberebe n jina tiiri Yesu noanie n ni ahorejo a. ³⁸ I woori bu kere n su ni, na wo se bu ka, “Am si am nu sa ni Nyeme noanie kerefom ni, deke bo bu koro i n la ka, bu wura sutura ngbingbirim wo, na bu nati sujengbe, na sono kere suyo bu anse goosu. ³⁹ Nyini minem n anya awura bu tientienbunoo soom n nu ni, wara ba nya afere bu tientienbunoo bambaka diire diibirim ni, bu koro ka bu tana kpirikoro tanaabirim wo. ⁴⁰ Nyini minem n so fin nkunafom nengem wo, na bu jina sere Nyeme ce, adena minem nu ka bu ti mine kpan wo. Jina ceen, bere ba nya suicin tara minem kere.”

Kabo kunafu be yiiri saraka barasu ni

⁴¹ Na Yesu ako atana adodo alaka bo minem yi bu saraka nwaa wura nu ni, na i sunie kabo minem yi saraka barasu. Nengefom dongu yiiri nwaa beberebe wuraari saraka n nu. ⁴² Na kunafu jaarifo be gusu aba ayi nwaa kaan be bo i koro to ma pui awura saraka n nu.

⁴³ Do na Yesu afere i susufom n na wo se bu ka, “Nahore ye m suse am n a, nyini kunafu n ayi nwaa atara minem n kere. ⁴⁴ Dama nengefom la nwaa beberebe n dee ti, ye ba yi be a. Ama, nyini kunafu n ni i yaari n kere, i deke kere bo i la i lee, ye wo yi i n a.”

13

Kabo Yesu seeri ka Nyeme Sereebiri Awuru ni ba bereki barasu ni

¹ Sanga bo Yesu sufite Nyeme Sereebiri Awuru n nu ni, na i susufom n nu kun be aba ase i ka, “Ya Kerefo, nie nyini

yabue ngbingbirim ni. Nie kabo bu ti a. Nie nyini awuru bambaka ni. Nie kabo ba ta i barasu a.” ² Na Yesu ase i ka, “M ña a ñu nyini ataari ngbingbirim n e? Yabue kun n kpein n mmɔɔ bá nana má i beŋgu su. Bu bá bereki i kere gɔ ɔ lɛɛ.”

Kabo Yesu kere fa kɔɔri durunya n awieeri su dɛɛ jɔɛ ni

³ Na Yesu ako afun atana Oliva Buka n su sunie Nyeme Sereebiri Awuru ni. Na sanɔa bo yiri ni Petoro ni Yakobo ni Yohane ni Andere woori bu ngumi ni, na ba bisa i ka, ⁴ “Ya Kerefɔ, se ya, sanɔa boɔ ye ahin sam n kere bá yo a? Ye nzu deke bá kere ya ka sanɔa n adodo bo nyini sam n kere bá yo a?” ⁵ Na Yesu anya ase bu ka, “Am si am ñu sa na má am ma be dadaka am. ⁶ Dama mine dɔŋgu bá fa m duma n ba, na bu sé ka, ‘Yiri la mini n a.’ Na bu dá daka mine beberebe. ⁷ Sanɔa bo am bá ti aluwa ñga fen, wara bu sukun lue dɔ, má am ma am ahore saaki. Wɔ yo daka ka nyini n kere bá yo ka, ama, má am nie ka durunya n awieeri lɛɛ. ⁸ Daanfie daanfie bá kun lue ni bu beŋgum, na nfemem kún lue ni bu beŋgu nfemem. Na asien bá kpisi awɔre awɔrem nu, na ahɔe tó. Nyini n kere bá yo kabo bara kutu ceen bumboori dɛɛ wahara n ti n wɔ.

⁹ Am si am ñu sa, dama bu bá fa am wura jɔɛdifom saa nu, na bu bó am bu tientienbunɔɔ sɔɔm n nu. Mini dɛɛ ti, na bu dí am jɔɛ gominam ni nfemem nyunu. Nyini má am atin, na am di m daani kere bu a. ¹⁰ Ama, wɔ yo daka ka daanfie kere du mɔ ti labari kpa n ka, ye durunya n awieeri bá ju a. ¹¹ Sanɔa n bo bu bá faari am kɔɔri jinaabiri, na bu kɔ di am jɔɛ ni, má am ma am ahore saaki fa kɔ kabo am kó jɔjɔ barasu. Nɔanie kere bo i tó am nɔɔ nyini sanɔa ni, am jɔjɔ i, dama i fite Awiewie Casi n dɔ ɔ, i fite má am dɔ.

¹² Gɔɔɔm ni niemam bá tɔ bu beŋgu ma bu kpɔfom na bu kún bu, na sim tó bu nbaam, na nbaam kéte bu wufom ñu, na bu má minem kun bu wufom ni. ¹³ Ama, wɔɔ kere bo a mindi deeru nyini n kere kɔ ju i awieeri, Nyeme dé u tii ji.”

Anyumbaa ciire sa n bo i bá ba n jɔɛ

¹⁴ Na Yesu akaaki ase bu ka, “Am bá ñu anyumbaa ciire sa be bo Nyeme mmɔɔ kpɔ i, ka bu má i jina Nyeme Sereebiri Awuru n nu, deke bo wɔ yo má daka ka i jina, na i sáaki i ni. Ma sɔɔ kere bo i kan ahin kadasi n ti i bu nyunyumi. Nyini sanɔa ni, wɔɔ kere bo a tiiri i ñga, na a wo Yudiya asien n su, ñmati kɔ bukam n su. ¹⁵ Wɔɔ kere bo a wo kpata nu, má a wura gisan n nu fa pui. ¹⁶ Na wɔɔ kere gusu bo a wo fiesu, má a kpie u nyi kɔ awuru kɔ fa u sutura be. ¹⁷ Nyini sanɔa ni yó kekere agaya ma nyinsefom, ni nbaram bo bu nbaam toko nu ni. ¹⁸ Am sere Nyeme ka má nyini sa

n yó buke san̄ga. ¹⁹ Nyini san̄ga ni, wahara bo mine dí i, i tára wahara kere bo ba di i asin, fite san̄ga n bo Nyeme yiiri durunya ni haari ni kisa, nyini wahara n n̄usu bá má kun. ²⁰ Ama, Micera n akp̄ie nyini san̄ga n su. Nzen má w̄o kp̄ie má i su, má s̄on̄o wo má bere bo i nyá n̄ḡo, ama, i d̄ee tien̄gu minem bo w̄o yi bu n d̄ee ti, w̄o kp̄ie san̄ga n su a. ²¹ Nyini san̄ga ni, nzen be bá se am ka, 'Am nie, Kristo Tiidefo ni wo fen n a,' wara 'Am nie, yiri wo do n a,' má am de i mi n̄oan̄ie ni. ²² Dama k̄orefo nbem bá ba na bu yó bu n̄u ka bere ti Kristo n a, na nbem gusu yó bu n̄u ka bu ti Nyeme n̄oan̄ie kanf̄om w̄o. Bu yó alekutura sam beberebe fa kere am, na nzen bu koro nyaari atin, bu dádaka Nyeme d̄ee minem bo w̄o yi bu ni. ²³ Ambere, ma se am i kere w̄o l̄ee ka, na san̄ga n nyá ba ju. Am si am n̄u sa."

Kabo Adamande Wa ni bá kaaki ba barasu ni

²⁴ Na Yesu akaaki ase bu ka, "San̄ga bo nyini wahara n kere ba siinri,

'Awosin káta wie n su,

na sara n gusu tá má bo minem n̄u i.

²⁵ Na asarambaam fite an̄goro titi toto,

na an̄goro n kere kp̄isi.'

²⁶ Na minem nyá n̄u ka mini Adamande Wa ni sufite an̄goro yinyinḡu n nu suje pīep̄ieu suba ni yiko bambaka. ²⁷ Na m nyá sunma Nyeme mer̄ekem durunya n aw̄ore n kere nu, na bu tíentien̄ Nyeme minem bo Nyeme ayi bu durunya n nu n kere n̄o."

Kabo Yesu n̄a ya fa damba baka fa se nyaari barasu ni

²⁸ Na Yesu akaaki ase ka, "Am fa damba baka n fa se nyaari. San̄ga bo am ba n̄u ka i nyawa akp̄on̄kp̄on, na i sufiēfie f̄of̄ore ni, am si ka d̄od̄ori san̄ga adodo l̄ee. ²⁹ Mini Adamande Wa n ba ni bá yo s̄o o. San̄ga bo ambere gusu bá n̄u ka nyini sam kere bá suyo ni, am si tenle su ka san̄ga n adodo l̄ee, i cé má kun. ³⁰ Nah̄ore ye m suse am n a, ka bo bu la n̄ḡo kisa n wú wie má ka, ye nyini sam kere bá yo a.

³¹ An̄goro ni asīnḡu kere bá la awieeri, ama, m d̄ee n̄oan̄ie n yiri la má awieeri c̄een be."

Kabo Yesu seeri ka ya si ya n̄u sa fa k̄o i ba n su ni

³² Na Yesu akaaki ase ka, "Be si má san̄ga ni, wara c̄een n bo m bá kp̄ie m nyi ba ni. Haari Nyeme mer̄ekem n bo bu wo i do ni, ni mini bo m ti i wa n mm̄o si má. Má ka ya Si Nyeme n̄gumi si a. ³³ Nyini ti, am si am n̄u sa. Má am fa am n̄u ji, dama am si má san̄ga n bo m bá ni. ³⁴ Mini Adamande Wa n baawa ni bá yo ka s̄on̄o be ye w̄o yasu i dika ka i k̄o atin. San̄ga bo i ba suk̄o ni, na w̄o fa i awuru

n awura i akoom saa nu, na wo ma bu kere ni bu juma bo bu yo. Na wo se danmindafɔ n ka má i fa i ɲu ji haari fa kɔ sanɲa bo i bá ba. ³⁵ Ambere mmoo si má sanɲa bo mini Awurufobie ni bá ba. Nzen ɲgarama a? Naaso o? Kɔngue jinanjin? Akonyuma bo sanɲa? Be si má. Nyini ti, má am fa am ɲu ji, ³⁶ na má am daafi na m bá fura am nu. ³⁷ Deke bo m sujɔɔ se am ni, m jɔɔ ni sɔno kere pepere wo lee, ka, má am fa am ɲu ji na am daafi.”

14

Kabo bu seseeri su na bu tara Yesu ni

¹ Nyini sanɲa ni, wo ka lennyo o, na bu di bu cɛenkpiri nbem. Bu fere kun n ka Butara cɛenkpiri, bo bu di i na bu tenɲe su kabo Nyeme yo deeri bu nam tii fiteeri Ijipitifom asien su ni. Na kun la bo bu di i ni kpono bo bu go má ayiri nu na i yasu ni. Na Nyeme sayoowa dɔnguyofɔ nkpienkpienm ni, ni Nyeme noanie kerefom ni, anienie atin kabo bu yó barasu na bu tara Yesu kun i fiɛwa nu. ² Na ba se bu ɲuɲu nu ka, “Má am ma ya yo i cɛenkpiri n sanɲa. Má nyini, minem ni kéte yo nanmie wo, na bu sutientien.”

Kabo bara be goori Yesu tii su tulaalee ni

³ Yesu woori Betani mie n nu wo, sɔno be dika, bu fere i ka Simon, i yo ti kokofɔ o. Sanɲa bo Yesu wo diire di su ni, na bara be aba ni tulaalee tuwa nvanvani bo i la go agaya. Na wo bo abu tulaalee tuwa n noo, na wo kaaki tulaalee n kere ago Yesu tii su. ⁴ Na yaa ati minem ni nbem bo bu wo do ni, na ba se bu ɲuɲu nu ka, “Nzu ti ye wo saaki tulaalee n so a? ⁵ Má ya toori i, má ya nya ɲwaa beberebe, na ya fá ma yaarifom.” Na ba kan bara ni ndie agaya. ⁶ Na Yesu ase bu ka, “Am yaki i benle. Má am kan i ndie. Sakpa lee ye wo yo ama m n a. ⁷ Am ni yaarifom ni wo bere sanɲa kere a, na nzen sanɲa be am ba koro ka am yo bu sakpa, am yo bu. Ama, mini, m wo má am do sanɲa kere. ⁸ Wo yo i dee fanɲa nyaari lee, wo kaaki tulaalee n ago m ɲu ka i dee nzee bo wo fa ayo m siriya fa kɔ m yiwee cɛen lee. ⁹ Nahore ye m suse am n a, deke kere bo bu bá kaanri Nyeme labari kpa ni durunya n kere nu, bu kán i sayoowa n na minem tenɲe i su.”

Kabo Yudasi seseeri su ka i to Yesu ni

¹⁰ Na Yudasi Isikariyoti bo i ti Yesu susufɔ buru ni nnyom ni kun be ni, ako Nyeme sayoowa dɔnguyofɔ nkpienkpienm ni do, ka i kɔ to Yesu ma bu. ¹¹ Bu tiiri labari n so ni, na bu ahore ajo, na bu gusu atan ndie ama i ka bu má i ɲwaa. Na Yudasi akpini atin kabo i yó barasu na bu nya Yesu taraabiri.

Kabo Yesu ni i susufom diiri ceenkpiri diire ni

¹² Na ceenkpiri n bo bu di i ni kpɔnɔ bo bu gɔ má ayiri nu na i yasu ni, i lekun cɛɛn, nyini cɛɛn ye bu kun nbɔmbaam bo bu di na bu tenge Butara ceenkpiri n su n a, na Yesu susufom n abisa i ka, “A koro ka ya kɔ ni kɔ sɛsɛ Butara ceenkpiri n diire n su se a?” ¹³ Na Yesu afere bu nu nnyɔ na wɔ se bu ka, “Am kɔ miɛ n kunnu. Am ni sɔnɔ be yé. I sɔ nzue dundu. Am su i su, ¹⁴ kɔ awuru n bo i kó wura nu ni, na am bisa awurufobie n ka, ‘Ya Kerefɔ n ɲa, sɔɔ bɔnɔ nu ye i ni i susufom ni dí Butara ceenkpiri n diire n a?’ ¹⁵ Na i kére am aɲgoro sɔɔ bambaka n bo ba yo i dɔɲgu ase ni, dɔ ye am sésɛ diire n su se ya.” ¹⁶ Na i susufom ni akɔ miɛ n nu, na ba kɔ aɲu deke n kére sɔ, kabo Yesu seeri bu ni, na ba sɛsɛ Butara ceenkpiri diire n su.

¹⁷ Na naaso saɲga, na Yesu ni i susufɔ buru ni nnyɔm ni kére aba dɔ. ¹⁸ Na saɲga bo bu tana wo diire n di su ni, na Yesu ase bu ka, “Nahɔre ye m suse am n a, am nu kun bá tɔ m ma m kpɔfom a. I mi ni mini susaɲga di diire n a.” ¹⁹ Na bu ahore asaaki, na bu kun kun n kére abisa i ka, “Ye m ɲa má mini yiri e?” ²⁰ Na Yesu abɔ bu nu ka, “Ambere buru ni nnyɔm nu kun yó nyini a, i mi ni mini susaɲga fa ya saa wura taale kun nu a. ²¹ Mini Adamande Wa ni wú kabo ba kére i Nyeme Jɔre Kadasi n nu ase ka m wú n wɔ, ama, sɔnɔ n bo i tó mini Adamande Wa n ni, i mi bá ɲu anyumboro. Má ba wu má i mi n mmɔɔ, má i ti ye.”

Ya Mibie kasin diire n jɔre

²² Saɲga bo Yesu ni i susufom ni wo diire n di su ni, na Yesu afa kpɔnɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, “Am de ahin kpɔnɔ n na am di, i ti m ɲuniembraa a.” ²³ Na wɔ kaaki afa awa ni nzan, na wɔ da Nyeme asi, na wɔ fa ama bu, na bu kére anu be. ²⁴ Na wɔ se bu ka, “Ahin nzan n ti m mbunja læɛ, ye m sufa ma am n a. Yiri ye Nyeme sufa sɛsɛsu na i di i di n a. Minem dɔɲgu satie dɛɛ ti, ye m mbunja ni songi gɔ a.” ²⁵ Na wɔ kaaki ase bu ka, “Nahɔre ye m suse am n a, m nú má nzan be kun, má ka cɛɛn n bo m bá nu i fɔfɔre Nyeme femeya n nu ni.”

Kabo Yesu seeri i susufom n ka bu bá ɲmati yaki i ni

²⁶ Nyini sin na ba di jue akansi Nyeme, na ba fite ako Oliva Buka n su. ²⁷ Na Yesu ase i susufom n ka, “Am kére bá ɲmati yaki m, dama ba kére i Nyeme Jɔre Kadasi n nu ka, Nyeme ɲa,
‘M bó kun bɔsasafɔ ni,
na nbɔɛm bá sandi.’

28 Ama, m bá tengeeri m yiwee n nu ni, m dú am mɔ kɔ Galili awɔre n nu.” 29 Na Petoro ase i ka, “Nzen ahinm kere ŋmati yakiiri u, mini ŋmáti yaki má u da.” 30 Na Yesu ase Petoro ka, “Nahɔre ye m suse u a, nyuma kɔŋgue n nu, kana akɔnyuma bá bo kpe nnyɔ su, a kéte kpe nsan ka a si má m.” 31 Na Petoro abo i hoe ase i ka, “Mini sé má sɔ da. Nzen haari wɔ yo daka ka mini ni wɔɔ kere sɔŋga wu mmɔɔ, ya wú ɔ.” Na i susufɔm n kere ase sɔ.

Kabo Yesu jeke tiiri na i kɔ sereeri Nyeme ni

32 Na ba yasu akɔ aju awɔre be bo bu fere i ka Gesemane ni, na Yesu ase i susufɔm ni ka, “Am tana fen ŋminda m, na m kó sere Nyeme.” 33 Na wɔ fa Petoro ni Yakobo ni Yohane na ba kɔ mɔ kaan. Bu kɔ juuri dɔ na ahoresaaki aba i dɔ agaya, na i jeke ati. 34 Na wɔ se bu ka, “Ahoresaaki aba m dɔ agaya, i yo m ka m wú ɔ mmɔɔ. Am wo fen na am ŋminda m. Má am daafi.” 35 Na wɔ kɔ dede kaan, na wɔ butu i kunnu su, na wɔ sere Nyeme ka nzen má i koro ma ahin anyumboro n sin yaki i. 36 I ŋa, “*Abba,*” i bu la ka, “M Si, wɔɔ koro yo sa kere a. Nyini ti, yi m fite ahin anyumboro n bo i suba m dɔ n nu. Ama, má a yo kabo m koro ni, se kabo a koro ni.”

37 I sere Nyeme wieeri ni, na wɔ kpie i nyi akɔ aɲu ka i susufɔ nsanm ni wo daafiri su. Na wɔ tenge bu na wɔ se Simon Petoro ka, “Simon, a daafi wɔ? A koro kpie má daafiri, haari kaan sɔ mmɔɔ?” 38 Na wɔ kaaki ase bu ka, “Am kpie daafiri, na am sere Nyeme, adena má deke be yo am na am wura satie nu. Ahorembaa n koro nyemesu, ama, aɲuniembaa n ayɔrɔki.” 39 Na wɔ kaaki akɔ asere Nyeme bekun ni nyini nɔanie jɔjɔwa kun bo i du mɔ jɔjɔri ni. 40 Na wɔ kpie i nyi aba i susufɔm n dɔ, na wɔ ba aɲu ka ba daafi bekun, dama daafiri ati bu agaya. Ba koro ase má i pui.

41 Na wɔ kɔ asere Nyeme kpe nsan su, akaaki aba aɲu ka bu toko wo daafiri su, na wɔ se bu ka, “Am toko daafi yi am ŋumi wɔ? Wɔ se su. Saɲga n aju, wɔ tɔ mini Adamande Wa ni ama satieyofɔm. 42 Am nie, sɔnɔ n bo wɔ tɔ m lɛɛ. Am yasu na ya kɔ.”

Kabo bu taraari Yesu barasu ni

43 Na saɲga bo Yesu toko wo jɔjɔri su ni, na Yudasi bo i ti Yesu susufɔ buru ni nnyɔm nu kun aju ni jama beberebe. Bu bita takobem ni kɔrɔmam. Nyeme sayoowa dɔŋguyofɔ nkpienkpienm n ni Nyeme nɔanie kerefɔm ni, ni Yudafɔm nkpienkpienm ni sunmaari bu a. 44 Na Yudasi bo i tɔɔri Yesu ni akere jama n nyaari su kabo bu sí Yesu na bu tara i. I ŋa, “Sɔnɔ n bo m kó biti i ni, yiri lɛɛ. Am tara i, na am

bita i kenken, na am fa i kɔ.” ⁴⁵ Saŋga bo i kɔ juuri ni, i kaba kɔɔri Yesu dɔ ɔ, na wɔ bo afere i ka, “Ya Kerefɔ.” Na wɔ biti i, na wɔ yo i anse. ⁴⁶ Na minem n atara Yesu na ba bita i kenken. ⁴⁷ Na Yesu susufɔm bo bu jina bere n nu kun acin ayi i takobe, na wɔ kpɛ sɔnɔ be sui, nyini sɔnɔ n ti Nyeme sayoowa dɔnguyofɔm kpɛn n akɔɔ ɔ. ⁴⁸ Na Yesu abisa bu ka, “M ti finfɔ ɔ ye am fa takobem ni kɔrɔmam na am ba tara m a? ⁴⁹ Cɛen kere cɛen m ni ambere wo Nyeme Sereebiri Awuru n nu a, ye m kere minem a, ama, am atara má m. Tɔ, i ti ye ni ka kabo ba kere i Nyeme Jɔre Kadasi n nu ka bu yó m ni yo yiiwa.” ⁵⁰ Na i susufɔm n kere aɲmati ayaki i.

⁵¹ Na gbefene be gusu su Yesu su. I kara tani ɲgumi wɔ. Na ba laandi ka bu tara i, ⁵² na wɔ foro bu saa aɲmati ayaki tani ni, i bu ɲgbɛen.

Kabo bu fa Yesu kɔɔri jɔre diibiri ni

⁵³ Na ba fa Yesu ako Nyeme sayoowa dɔnguyofɔm kpɛn n dika, na Yudaɔm teretereɔm kere aba atien bu nɔɔ. Bere la Nyeme sayoowa dɔnguyofɔ nkpienkpienm ni, ni Yudaɔm nkpienkpienm ni, ni Nyeme nɔanie kereɔm ni. ⁵⁴ Na Petoro asu Yesu su, ama, i woori dede kaan ni yiri, na wɔ kɔ awura Nyeme sayoowa dɔnguyofɔm kpɛn n dika gisan nu. Na wɔ kɔ asaŋga atana tintinijinaɔm n nu atun sin. ⁵⁵ Na Nyeme sayoowa dɔnguyofɔ nkpienkpienm ni, ni Yudaɔm teretereɔm n kere anienie minem bo bu bá di daani fa kɔ ɲgasi bo Yesu ado i ni, adena bu nya i taraabiri na bu kun i, ama, ba nya má jɔre bo bu fa kpɛ sɔ i. ⁵⁶ Na daani difɔm beberebe afite ajina akpɛ kɔre asɔ Yesu, ama, bu nɔanie n ayo má kun. ⁵⁷ Na mine nbem gusu ayasu ajina akpɛ kɔre asɔ Yesu, ⁵⁸ bu ɲa, “Ya tiiri ka i ɲa, i fúfu ahin Nyeme Sereebiri Awuru n bo minem taari i ni, na lesan afien, na i káaki ta fɔfɔre bo i ti má kabo adamande ataari ti ni.” ⁵⁹ Haari ni nyini n mmɔɔ, bu nɔanie ni ayo má kun.

⁶⁰ Na Nyeme sayoowa dɔnguyofɔm kpɛn ni ayasu ajina teretereɔm n afien, na wɔ bisa Yesu ka, “A la má bɔnu be fa kɔ ahin jɔre n bo minem ni akpɛ asɔ u n su?” ⁶¹ Ama, na Yesu amɔ i nɔɔ, wɔ bɔ má jɔre be nu.

Na Nyeme sayoowa dɔnguyofɔm kpɛn ni abisa i bekun ka, “Wɔrɔ ti Nyeme n bo ya kere kansi i n deɛ Wa, Kristo Tiideɔ n a?” ⁶² Na Yesu abɔ i nu ka, “Mini leɛ. Na ‘am bá ɲu mini Adamande Wa ni, ka m tana Nyeme Yikofɔ n saa fɔmbɔrɔ su, na am ɲú ka m fite aɲgoro yinyiɲgu n nu suba.’ ”

⁶³ Yesu bɔ nu sɔ wieeri ni, na Nyeme sayoowa dɔnguyofɔm kpɛn ni asɔn i tanleɛ. Na wɔ se ka, “Ya koro má daanifo

bekun. ⁶⁴ Amberε mmɔɔ ti kabo wɔ jɔjɔ awura Nyεmε ηgasi n nu e. Ye am ηa sε wɔ?" Na bu kεrε ase ka wɔ kan ciire jɔrε, nyini ti, wɔ yo daka ka i wu. ⁶⁵ Bu kaanri sɔ wieeri ni, na bu nbem ayi nanzue agɔ Yesu ηu, na ba fa sanvuin acin akata i nyumbaa, na ba bobo i, na ba se i ka, "Wɔrɔ Nyεmε nɔanιε kanfɔ ni, kan kere ya sɔnɔ n bo i boori u ni." Na tintinjinafɔm n gusu afinfin i nyɔɔnu.

Kabo Petoro keteeri ka i si má Yesu ni

⁶⁶ Bu wo nyini kεrε su ni, na Petoro toko wo gisan n nu, na afani be aba i bi, yiri ti Nyεmε sayoowa dɔnguyɔfɔm kpιen n dεε afani kun a. ⁶⁷ Saŋga bo i niε ηuuri Petoro ka i wo sin tuunbiri n ni, na wɔ niε Petoro nyunu dika gbirim, na wɔ se i ka, "Wɔrɔ mmɔɔ yo woori nyini Yesu Nazaretifo n dɔ ɔ." ⁶⁸ Na Petoro akete, i ηa, "Ai, m si má nyini jɔrε n bo a sujɔjɔ i ni." Na wɔ fite gisan n nu aba lεε n nu. Nyini saŋga ni na akɔnyuma abo kpekun. ⁶⁹ Na afani n aba aŋu i dɔ, na wɔ kaaki ase minem bo bu jina bεrε ni ka, "Ahin sɔnɔ n ti bu nu kun wɔ." ⁷⁰ Ama, na Petoro akete bekun.

Wɔ cε má na bo bu jina bεrε n gusu ase Petoro ka, "Nahɔrε a, a ti bu nu kun wɔ, dama wɔrɔ mmɔɔ ti Galilifo ɔ." ⁷¹ Na wɔ tan ndιε afa i saa awura sin nu, i ηa, "M si má sɔnɔ n bo am sujɔjɔ i jɔrε ni." ⁷² Kpεŋga na akɔnyuma n abo kpe nnyɔ su, na Petoro atεŋge su kabo Yesu seeri i ni, i ηa, "Kana akɔnyuma bá bo kpe nnyɔ su, a kέte kpe nsan su ka a si má m." Na i ahore asaaki, na wɔ sun.

15

Kabo bu faari Yesu kɔ jinaari Gomina Pilato nyunu ni

¹ Na alecin saŋga na Yudafɔm tereterefɔm kεrε atien bu nɔɔ. Bεrε la Nyεmε sayoowa dɔnguyɔfɔ nkpienkpienm ni, ni Yudafɔm nkpienkpienm ni, ni Nyεmε nɔanιε kerefɔm ni. Na ba tana asεsε su kabo bu yó Yesu. Na ba wura i jɔrɔkɔ, na ba fa i akɔ ama Gomina Pilato. ² Na Gomina Pilato abisa i ka, "Wɔrɔ ti Yudafɔm fεmε n a?" Na wɔ bɔ i nu ka, "Kabo a jɔjɔ ni, i ti sɔ ɔ." ³ Na Nyεmε sayoowa dɔnguyɔfɔ nkpienkpienm ni akpie jɔrε beberebe asɔ i. ⁴ Na Gomina Pilato abisa i bekun ka, "A la má nɔanιε bo a bɔ bu nu? Niε jɔrε beberebe bo ba kpie asɔ u a." ⁵ Ama, Yesu abɔ má jɔrε be nu, na Gomina Pilato abirisi kabo Yesu abɔ má nu ni.

⁶ Afɔ kεrε afɔ Butara cεenkpiri n nya ba ju ni, Gomina Pilato yi dansaraka n bo jama n sere i ka i yi i ji n wɔ. ⁷ Nyini saŋga ni sɔnɔ be woori dansaraka sɔɔ n nu dɔ, bu fere i ka Barabasi. Saŋga be minem yo keteeri gomina n ηu wɔ, na ba tu lue, na i ni i beŋgu ketemafo nbem akun minem, nyini ti, na ba tara bu anyi bu dansaraka. ⁸ Tɔ. Kabo afɔ kεrε afɔ

Gomina Pilato n yi dansaraka n kun ma bu ni, na jama n aba atien bu nɔɔ i bi na bu kere sɔnɔ n bo i yí ma bu ni. ⁹ Na Gomina Pilato abisa bu ka, “Am koro ka m yi Yudaƒɔm fɛmɛ ni ma am a?” ¹⁰ I seeri sɔ ni, dama i si tenle su ka Nyɛmɛ sayoowa dɔŋguyofɔ nkpienkpienm ni si Yesu kɔrɛ ti ye bu faari i ba wuraari i saa nu a. ¹¹ Na Nyɛmɛ sayoowa dɔŋguyofɔ nkpienkpienm n awura jama n bu sin ka bu se Gomina Pilato ka i yi Barabasi ji ma bu. ¹² Na Gomina Pilato abisa bu ka, “Ye ahin sɔnɔ n bo am fere i ka Yudaƒɔm fɛmɛ ni, am koro ka m yo i sɛ wɔ?” ¹³ Na jama n atien ase ka, “Kpama i baka jaanu n su na i wu.” ¹⁴ Na Gomina Pilato ase bu ka, “Ye nzu satie ye wɔ yo i a?” Ama, na ba kaaki atien agaya bekun ase ka, “Kpama i baka jaanu n su na i wu.” ¹⁵ Dɔ na Gomina Pilato akoro ka i jɔ jama n ahore, nyini dɛɛ ti, na wɔ yi Barabasi aji, na wɔ ma sojam afin Yesu nɔgbere, na wɔ nya afa i awura bu saa nu ka bu kɔ kpama i baka jaanu n su na i wu.

Kabo bu yoori Yesu anzasi ni

¹⁶ Na ba fa Yesu awura gomina n gisan n nu, na ba fere bu bɛngu sojam kɛrɛ ka bu tien bu nɔɔ. ¹⁷ Na ba wura Yesu tanlɛɛ kɔkɔrɛ yorom ka fɛmɛya tanlɛɛ su, na ba fa buwe aɔɔ i ka kaba dɛɛ su, na ba fa aforo i tii ka fɛmɛya kere dɛɛ su, adena bu yo i anzasi. ¹⁸ Na ba yo bu nɔ ka bu suma i jirima, bu nɔ, “Yudaƒɔm Fɛmɛ ni, ya yo u anse.” ¹⁹ Na bu sufinfin i tii baka, na bu suyi nanzue gɔ i nɔ, na bu sukutu i nyunu. ²⁰ Bu ba yoori i anzasi n wieeri ni, na ba yi tanlɛɛ kɔkɔrɛ yorom ni, na ba kaaki afa i tienɔgɔ dɛɛ sutura n awura i. Na ba nya afa i akɔ ka bu kɔ kpama i baka jaanu n su.

Kabo bu kpamaari Yesu baka jaanu n su ni

²¹ Saɔga bo bu sukɔ ni, na bu ni Sireneƒɔ biɛ be aye, bu fere i ka Simon, Alekizanda ni Rufusu si lɛɛ. I fite ahɛmɛ suba miɛ kunnu, na sojam n amie i ka i sɔ Yesu baka jaanu ni. ²² Na ba fa Yesu akɔ deke bo bu fere i ka *Gologota* ni, *Gologota* n bu la ka Tereawa Woobiri. ²³ Na mine nbem asaɔga nzan ni ayiri barasu be ama i ka i nu, na i jɔ yaari, ama, wɔ nu má i. ²⁴ Bu yoori nyini n kɛrɛ wieeri ni, na ba nya akpama i baka jaanu n su, na ba ye i su ajina, na ba tu mbaa na bu si kabo bu kpaaki i suturam nu, bu nɔnɔ nu.

²⁵ Bu kpamaari i baka jaanu n su nɔgarama kerefi nɔgɔna a. ²⁶ Na ba kɛrɛ jɔrɛ n bo bu kpie sɔori i ni, na ba fa abo akpama i baka jaanu n tii su, kɛrɛɛwa n la ka, “Yudaƒɔm Fɛmɛ n lɛɛ.” ²⁷⁻²⁸ Na ba kpama finfɔ nnyɔ nbem baka jaanu su adodo i, bu kpamaari kun i saa fɔmbɔrɔ su wɔ, na ba kpama kun n gusu i saa biɛ su. ²⁹ Na minem kɛrɛ bo bu sin

dɔ ni subobo bu tii, na bu sukpiɛ i nzuko, bu ɲa, “Ξηνθεεν, wɔɔ bo a ɲa a fufu Nyeme Sereebiri Awuru n na a káaki ta i lesan aɛn n lɛɛ, ³⁰ jura baka jaanu n su na a de u tii ji.” ³¹ Na Nyeme sayoowa donɣuyofɔ nkpienkpienm ni, ni Nyeme nɔaniɛ kerefɔm ni gusu suyo i anzasi bu ɲuɲu nu, bu ɲa, “Wɔ de minem tii aji, ama, i sukoro de má yiri ni i tii. ³² Am ma ya niɛ Yisarelifɔm Feme n bo i ɲa i ti Kristo Tiidefɔ ni, nzen i koro juraari baka jaanu n su kisa kisa, ya yó i yarada.” Na mine nnyɔm ni bo bu kpamaari bu dodoori i ni mmɔɔ akpiɛ i nzuko.

Kabo Yesu wuuri ni

³³ Wiesu kerefi buru ni nnyɔ sanɣa na awosin akata asien n kere su, haari naaso kerefi nsan. ³⁴ Na nyini sanɣa ni, na Yesu abo awie kpa ase ka, “*Eli, Eli, lama sabatani?*” I bu la ka, “M Nyeme, m Nyeme, nzu ti ye a yaki m aji a?” ³⁵ Na minem nbem jinaari bere, bu nbem n tiiri so ni, na ba se ka, “Am so am sui na am ti, i sufere Eliya.” ³⁶ Na bu kun nu anmati afa mene adɔ nzan gagaraki be nu, na wɔ fa awɔ baka su alaandi atɔ Yesu nɔɔ ka i nu, na wɔ se ka, “Am yaki i na ya niɛ, ka Eliya bá jura i baka jaanu n su.” ³⁷ Na Yesu abo awie kpa kpekun, na wɔ nya ayo Nyeme dɛɛ. ³⁸ Na tani bambaka n bo bu fa kpaakiiri soɔ casi n bo i wo Nyeme Sereebiri Awuru n nu n ati nu nnyɔ, fa i angoro kɔ jura asiɛɲɣu. ³⁹ Na soja kpien n bo i jinaari baka jaanu n nyunu ɲuuri kabo Yesu boori awie na i wuuri barasu ni, na wɔ se ka, “Ahin soɔnɔ n ti Nyeme Wa a nahɔɛ su.”

⁴⁰ Na nbara nbem ajina dede suniɛ Yesu. Bu nu nbem la Mariya bo i fite Magadala miɛ n nu ni, ni Salome, ni Mariya n bo i nbaam la Yakobo kaan n ni Yose. ⁴¹ Bere yo suuri Yesu su wɔ sanɣa bo i wo Galili awɔɛ n nu na bu subuka i. Nbaram beberebe gusu yo woori dɔ bo bu suuri i su baari Yerusalem miɛ kpiri n nu.

Kabo bu yoori Yesu sutura barasu ni

⁴² Kabo nyini cɛen n tiiri Njumiyi cɛen n kpokpo cɛen ni, i naaso wiɛ, ⁴³ na Yosefu bo i fite Aramatiya miɛ kpiri n nu ni, na wɔ fa ahoresi na wɔ kɔ anɲu Gomina Pilato, na wɔ sere i ka i fa Yesu ɲuniɛ n ma i. Yosefu yo ti soɔɔ jirimafɔ ɔ Yudafɔm tereterefɔm n nu, na i sunsunni kere yo la ka, i ɲminda sanɣa bo Nyeme bá di i femeya n wɔ. ⁴⁴ Gomina Pilato tiiri kabo wɔ se ni, na wɔ yo alekutura kabo Yesu akaba awu ni. Na wɔ sunma afere soja kpien n na i bisa i na i ti ka Yesu wuuri ni, wɔ cɛ? ⁴⁵ I tiiri soja n nɔaniɛ wieeri ni, na wɔ ma Yosefu atin ka i kɔ fa i ɲuniɛ ni. ⁴⁶ Na Yosefu ato nzee, na wɔ yi fuin n baka jaanu n su, na wɔ fa nzee

ni apɔɔndi i. Na wɔ kɔ afa i awura yabue bue bo ba lokoti i ayo i faɔkunma n nu, na wɔ fa i ase nu, na wɔ kundu yabue bambaka afa ato faɔkunma n aɔɔ ni. ⁴⁷ Na Mariya Magadalafo ni, ni Mariya n bo i wa la Yose ni ajina anie aɔu deke bo bu seeri Yesu ni.

16

Kabo Yesu tengeeri i yiwee n nu ni

¹ Na naaso saɔga bo Nɔmiyi ceen n asin ni, na Mariya Magadalafo ni, ni Salome, ni Mariya n bo i wa la Yakobo ni, aba ato tulaalee nvanvani ka bu fa kɔ go Yesu nɔnie n su. ² Na Yudafoɔm bakue n bumboori, moɔne ceen ngarama fuun, fa kɔ wie tie saɔga, na ba kɔ Yesu faɔkunma n su. ³ Saɔga bo bu sukɔ ni, na ba bisa bu beɔgu ka, "Nɔma kɔ kundu yi yabue n bo i to faɔkunma n aɔɔ n ma ya?" ⁴ Deke bo i ti na bu seeri so n la ka, yabue n ti bambaka agaya. Na ba tu bu tii anie aɔu ka yabue n to ma aɔɔ ni. ⁵ Na ba wura yabue bue faɔkunma n nu aɔu ka gbefene be tana nu saa foɔmboɔ su, i wura tanlee fofoe yorom be, na ba yo alekutura. ⁶ Na wɔ se bu ka, "Ma am yo alekutura. M si ka am nienie Yesu Nazaretifo n bo bu kpamaari i baka jaanu n su n wɔ. Wɔ tenge i yiwee n nu. I wo ma fen. Am nie, deke bo bu faari i seeri n yaa. ⁷ Am kpie am nyi na am kɔ se Petoro ni nyingam n kere ka wɔ du am mo sukɔ Galili, do ye am kɔ nɔu i a, dama kabo i yo seeri am lee." ⁸ Na ba fite faɔkunma n nu ni nmatiiri, na bu nɔnie subobo bu ni sere. Ba bo ma su ase ma be, dama sere ati bu agaya.

Kabo Yesu faari i nɔu kereeri Mariya Magadalafo ni

[⁹ Moɔne ceen ngarama fuun ye Yesu tengeeri i yiwee n nu a. I du mo yiiri i nɔu kereeri Mariya Magadalafo n wɔ. Yiri la bara n bo Yesu fon yiiri ajini nsom i nɔu ni. ¹⁰ Na wɔ kɔ atu Yesu susufom ni ka bu wo ahoresaaki ni sun su, na wɔ se bu ka wɔ nɔu Yesu. ¹¹ Saɔga bo i seeri bu ka Yesu atenge i yiwee n nu na wɔ nɔu i ni, ba de ma i noanie ni.

Kabo Yesu faari i nɔu kereeri i susufɔ nnyɔ nbem ni

¹² Nyini sin na Yesu susufɔ nnyɔ nbem afite Yerusalem mie kpiri n nu sukɔ aheme, na wɔ yi i nɔu akere bu, bo ba koro afa ma nu nde ka yiri lee. ¹³ Na ba kpie bu nyi aba ase nyingam n ka ba nɔu Yesu, ama, haari ni nyini mmoo, ba de ma.

Kabo Yesu faari i nɔu kereeri i susufɔ buru ni kunm ni

¹⁴ Nyini kere sin na saɔga bo i susufɔ buru ni kunm n wo diire di su ni, na wɔ yi i nɔu akere bu. Na wɔ jaraki bu kabo bu ahorembaa ti kekereke ni, ni kabo ba yo ma yarada ni

minem bo bu nyuri i sanja bo i tengeeri i yiwee n nu na bu ba seeri bu ni. ¹⁵ Na wo se bu ka, "Am ko durunya n kere nu na am ko kan m labari kpa n kere adamande kere. ¹⁶ Na sono kere bo i yoori m yarada, na am biɛeri i Nyeme nzue, Nyeme de i tii ji, ama, bo ba yo ma yarada ni, Nyeme di bu jore na i yo bu ngbeen. ¹⁷ Na bo bu yoori yarada, bu nya yiko bo bu koro yo ahin alekutura sam ni. Bu fa m duma fon yi ajinim fite minem n nyu, na bu jaja anie barasu barasu bo bu si ma bu, ¹⁸ na nzen bu taraari woom wara bu diiri nenge diiwa n mmoo, i yo ma bu pui. Bu fa bu saa nana tukpakifom nyu, na bu nya laifie."

Kabo Nyeme faari Yesu fun koori angoro ni

¹⁹ Sanja bo Mibie Yesu jaja bu do wieeri ni, na Nyeme afa i afun ako angoro ako atana i saa fomboro su. ²⁰ Na i susufom n ako deke n kere ko sukan i labari kpa ni, na Mibie n awo bu do abuka bu, na wo ma bu yiko, na ba yo alekutura sam bo i kere ka bu labari kpa kaanwa n kere ti nahore wo.]

Labari kpa n bo LUKA akere i ni

¹ Ya si Teyofilosi, mine dɔngu boroori bu nyi na ba kere sam bo bu yoori ya nu fen n afa ase. ² Kabo jɔre n ti na bu kereeri i ni, yiri ye minem seeri ya n a, nyini minem bo bu woori i bumboori ni, bere ɲuuri i a, bere kaanri a. ³ Tɔ, kabo mini ni m tii ayi kɔresi anie sereya n kere, fite sanɔa n bo jɔre n boori i bu ni, ma ɲu ka i ti kpa ka mini gusu kere i kere sese i su na i kɔ atin su fa ma wɔrɔ Teyofilosi bo a la anyunuyi ni, ⁴ adena a si ka bo ba kan akere u n kere ti nahɔre wɔ.

Kabo Nyeme mereke n kɔri Zakariya dɔ n jɔre

⁵ Sanɔa bo Herode yo ti Yudiya femɛ ni, Nyeme sayoowa dɔnguyofɔ be wo bere, bu fere i ka Zakariya. I fite Abiya dɛɛ Nyeme sayoowa dɔnguyofɔm asese n nu wɔ. Bu fere i yi duma ka Elizabeti, yiri mmɔɔ ti Aaron busu nufɔ ɔ. ⁶ Bere nnyɔm kere yo ti minem bo bu su Nyeme nahɔre su wɔ, na bu deeri i nɔanie maawam ni, na bu yoori dekem kere bo i se ka minem yo i ni. ⁷ Ama, ba wu má baa, dama Elizabeti ti ɲɔrɔka a, na bekun i ni i hun n kere ayo nkpienm agaya.

⁸ Cɛen n be, na Zakariya awo Yudaɔm Nyeme Sereebiri Awuru n Sɔɔ Casi n nu suyo i Nyeme sayoowa dɔnguyofɔ juma, dama nyini cɛen n ti bu dɛɛ busu nufɔm cɛen wɔ. ⁹ Nyeme sayoowa dɔnguyofɔm la bu nana sayoowa be. Bu tu mbaa a, na bu yi bu nu kun. Nyini cɛen ni, bu yiiri Zakariya a, ka i wura bu Nyeme Sereebiri Awuru n Sɔɔ Casi n nu, na i kunkun ayiri kunkuunwa nvanvani. Nyini ti, na wɔ kɔ awura nu. ¹⁰ Ayiri nvanvani n kunkun sanɔa ba juuri ni, na jama kere aka gisan nu susere Nyeme. ¹¹ Na Nyeme mereke aba ayi i ɲu akere Zakariya, i jina Mikun n yoowa yoobiri fɔmbɔrɔ su, deke bo wɔ kunkun ayiri nvanvani n ni. ¹² I ɲuuri mereke n sɔ ni, na wɔ bo biri, na sere ati i. ¹³ Ama, na mereke n ase i ka, "Zakariya, má a ma sere ti u. Nyeme ade u sere ni. U yi Elizabeti bá wu baabiesɔ, na a tɔn i duma ka Yohane. ¹⁴ Baa n bo i wú i n dɛɛ ti, u ahore jɔ agaya kɔ sin su, na mine dɔngu gusu ahore jɔ. ¹⁵ Baa ni bá yo sɔnɔ bambaka a Nyeme dɔ. Wɔ yo má daka ka i nu nzan fieo. Haari i ni kunnu, ye Nyeme Awiewie Casi ni wúra i ɲu a. ¹⁶ Na i má Yisareli busu nufɔm dɔngu kpie bu nyi ba yiri Micera Nyeme n bo i ti ye ni ka bu su i n dɔ. ¹⁷ Awiewie Casi n fanɔa wó yiri ɲu ka Nyeme nɔanie kanfɔ

Eliya a, yiri dú Micera nyunu a, adena i yó nbaasim ni bu nbaam aŋien dɔŋgu a, na i káaki mine keteewam sunsunni, na bu yó mine kpam, na i sése Nyeme minem su se i.”

¹⁸ Na Zakariya ase Nyeme merেকে n ka, “Nzu deke ye m fá si ka jɔre n bo a sujɔɔ i ni yó nahɔre a? Dama ma yo kpien, m yi gusu ayo buke.”

¹⁹ Na merেকে n ase i ka, “Bu fere m ka Gabiriyeli. Mini wo Nyeme nyunu a. Ye wɔ sunma m u dɔ ka m fa ahin labari kpa n ba ma u a. ²⁰ Ti fen. Nɔanie n bo m sujɔɔ i ni bá yo nahɔre wɔ, saŋga bo Nyeme koro ka i yo ni. Ama, a yo má m nɔanie n yarada dɛe ti, a tó amuna, na a kóro jɔɔ má haari cɛen bo a bá ŋu ka nɔanie n bo m sujɔɔ i n ayo nahɔre.”

²¹ Nyini saŋga n kere minem n toko jina gisan nu ŋminda Zakariya, na ba birisi deke bo i ti na wo ce Sɔɔ Casi n nu sɔ ni. ²² Saŋga bo i ba fiteeri ni, wo koro ajɔɔ má bu dɔ. Dɔ na ba fa nu ka wo ŋu alekutura deke be Sɔɔ Casi n nu. Dama wo koro ateke má i nɔɔ ajɔɔ má, se i fa i saa jɔɔ bu dɔ a.

²³ Saŋga bo Zakariya ba yoori i juma kere wieeri Nyeme Sereebiri Awuru n nu ni, na wo kpie i nyi akɔ i bɔsu. ²⁴ Wo ce má, na i yi Elizabeti anyinse. Wo yi má i ŋu fofoe nu haari sara nnu. ²⁵ Na wo se ka, “Kisa, ya Micera n anie aŋu m aŋunfo. Wo yi m afite nyinse bambaka nu.”

Kabo Nyeme merেকে n kɔɔri Mariya dɔ n jɔre

²⁶ Saŋga bo Elizabeti nyinse n ba juuri sara nsen ni, na Nyeme asunma merেকে Gabiriyeli mie be bo i wo Galili awɔre n nu, na bu fere i ka Nazareti ni, ²⁷ ka i kɔ fa labari ma sunɔguru be bo bu fere i ka Mariya ni. Nyini saŋga, ba fa i ace biesɔ be, bu fere i ka Yosefu, i fite Feme Davidi dɛe busu n nu wɔ. I ni Mariya nya saŋga da má, dama wo nya ja má i. ²⁸ Na merেকে n awura i ŋu, na wo se i ka, “Sunɔguru, m yo u anse ni terefie. A di Nyeme ahɔroma, na i kaaki wo u dɔ.” ²⁹ Mariya tiiri ahin nɔanie n ni, na wo yo i alekutura, na wo birisi ase ka, “Ahin anse yoowa n bu la ka se wo læe?” ³⁰ Na merেকে n ase i ka, “Mariya, má a ma sere ti u. A di Nyeme ahɔroma beberebe. ³¹ So u sui na a ti. M ŋa a bá nyinse, na a wú baabiesɔ, na a tún i duma ka Yesu. ³² I bá yo sɔnɔ bambaka, na bu fere i ka, Nyeme Feme Kpiri n Wa. Ya Micera Nyeme fá i na Davidi femeya bie ma i, ³³ na i yó Jakobu busu nufɔm femeya saŋga kere, na i dɛe femeya ni lá má awieeri.” ³⁴ Na Mariya abisa merেকে n ka, “Ye ahin yó se koro yo a? Dama m nya si má biesɔ.” ³⁵ Na merেকে n abɔ i nu ka, “Nyeme Awiewie Casi ni bá wura u ŋu, na Nyeme dɛe yiko n bá wo u dɔ. Nyini ti, baa n bo a wú i ni, i bá yo

baa casi wɔ, na bu fére i ka Nyeme Wa. ³⁶ Nie fen, Elizabeti bo i ti u lamokɔ ni, yiri bo bu ɲa i ti ɲorɔka ni, haari ni bo wɔ yo buke ni, wɔ nyinse, i sara nsen lee. ³⁷ Pui wo má bere bo Nyeme koro yo má i." ³⁸ Na Mariya ase i ka, "Tɔ, m ti Micera n afani wɔ. Ma nyini sam kere yo ma m kabo a se ni." Na mereke n ako ayaki i.

Kabo Mariya kɔ niɛeri Elizabeti busu ni

³⁹ Nyini dɛɛ sin, wɔ cɛ má, na Mariya akpa i ɲu, na wɔ yasu ndende akɔ Zakariya ni i yi Elizabeti bɔsu ka i kɔ nie bu busu. Nyini mie n wo Yudiya asien n su bukam n afien wɔ. ⁴⁰ Na wɔ kɔ awura Zakariya dika, na wɔ yo Elizabeti anse. ⁴¹ Elizabeti tiiri Mariya anse yoowa n ni, na baa n bo i wo i kunnu n akpisi i ɲu. Dɔ na Awiewie Casi n awura Elizabeti ɲu, ⁴² na wɔ bo awie kpa, i ɲa, "Nyeme ayo u kisi atara nbaram kere, wɔ kaaki ayo baa n bo a bita i nyinse n kisi. ⁴³ Nzu jirima la ahin n bo Nyeme afa ama m n a, ka m Mibie dɛɛ ni aba anie m busu a? ⁴⁴ Dama m tiiri u anse yoowa n na baa n bo i wo m kunnu ni, akaba akpisi i ɲu ni akunnujo. ⁴⁵ Terefie wo u dɔ, dama a yo yarada ka Mibie n noanie n bo wɔ kan akere u ni, i bá yo yiiwa anɲba."

Kabo Mariya diiri jue kansiri Nyeme ni

⁴⁶ Na Mariya ase ka,
 "M kansi Mibie ni m ahorembaa su.
⁴⁷ M ahore ajo Nyeme ɲu, yiri bo i ti m Tiidefo ni.
⁴⁸ Haari ni bo m ti i afani n kere ni, i wara afi má m sa.
 Fite nyuma fa kɔ, minem kere bá fere m ka terefiɛfo.
⁴⁹ Dama ka Micera yiko kere fo ni ayo sakpa beberebe
 ama m,
 i duma ti casi.
⁵⁰ Saɲga kere saɲga i si aɲunfo ɔ,
 i si minem bo bu soro i n kere aɲunfo ɔ.
⁵¹ Wɔ fa i yiko asaa ni, afɔn asandi karambanifom,
 ni bu sunsunni tie n kere.
⁵² Wɔ yi nfeme bambakam afite bu femeya biem n su,
 na wɔ ye tarakam saa su.
⁵³ Wɔ ma ahɛfom nenɲe kpakpam na bu kunnu ayi,
 na wɔ fɔn nenɲefom na ba ka bu saa ɲgbɛɛn.
⁵⁴⁻⁵⁵ Sɛsɛsu n bo i yo faari na i diiri i di ni ya nam ni,
 wɔ ma i ayo yiiwa,
 ye wɔ ba abuka Yisarelifom bo bu su i ni.
 I wara afi má Abraham sa.
 Wɔ si i ni i sinfom kere aɲunfo saɲga kere."
⁵⁶ Na Mariya aka Elizabeti bi, sara nsan, na wɔ nya aba akaaki akɔ i bɔsu.

Kabo bu wuuri Yohane Nyeme Nzue Biefo n ni

⁵⁷ Elizabeti kutu cɛɛn ni, na wɔ wu baabiɛsɔ. ⁵⁸ Na Elizabeti tanafɔm, ni i lamɔsim tiiri ka Micera n ayo i sakpa bo i la má aɲusu ni, na bu ni yiri kere kunnu ajo. ⁵⁹ Baa n lemɔcɛ cɛɛn n ba juuri ni, na ba tien bu nɔɔ na bu wura i kenkenne, na bu tun i duma. Má bu koro ka bu fa i si Zakariya duma fa tun i a. ⁶⁰ Ama, na i ni ase ka, “Ai, bu fére i ka Yohane wɔ.” ⁶¹ Na ba se i ka, “U lamɔsi nu, bu fere ɲma sɔ a?” ⁶² Na ba fa bu saa ajojo baa n si n dɔ, na bu si duma bo i koro ka bu fa tun i wa ni. ⁶³ Dɔ na Zakariya afa i saa akere ka, bu má i deke be na i kere, na wɔ de i na wɔ kere ka, “I duma la Yohane.” Na nyini jɔre n ayo bu kere alekutura. ⁶⁴ Jina n nu bere, na Nyeme ateke i nɔɔ na wɔ bo i bu ajojo bekun, na i sukansi Nyeme. ⁶⁵ Na sere ati bu tanafɔm kere. Na minem akan nyini sa n bo i yoori n jɔre abara aye Yudiya awɔre n bukam n kere su. ⁶⁶ Na minem kere bo bu tiiri i n afa jɔre n ase bu ahore su na bu susunsun, na ba bisa bu ɲu ka, “Baa n ba nyiiri, i yó nzu baa læ?” Bu seeri sɔ ni, dama bu kere aɲu ka Micera n yiko n wo i ɲu.

Kabo Zakariya kaanri Nyeme nɔaniɛ n ni

⁶⁷ Na Awiewie Casi n awura baa n si Zakariya ɲu, na wɔ kan Nyeme nɔaniɛ, i ɲa,
⁶⁸ “Am ma ya kansia ya Micera ni,
 yiri bo i ti Yisarelifɔm Nyeme ni.
 Dama ka wɔ ba anie i minem busu,
 na wɔ de bu tii aji.
⁶⁹ Wɔ ma ya tiidefɔ faɲgafo,
 i fite i amususufɔ Feme Davidi deɛ busu n nu wɔ.
⁷⁰ Nyeme yo maari i nɔaniɛ kanfɔ casim jɔjɔri dawa saɲga
⁷¹ ka i bá de ya tii fite ya kpɔfɔm,
 ni bo bu koro má ya n saa nu.
⁷² Sɔ ye i kereeri ka i si ya nam aɲunfɔ,
 na i wara fi má i sesesu casi n sa a.
⁷³⁻⁷⁴ I yo faari nyini sesesu n na wɔ di i di ni ya na Abraham
 ka i de ya tii fite ya kpɔfɔm saa nu,
 adena ya koro su i bo ya soro má sere,
⁷⁵ na ya yo casi na ya yo sa bo i kɔ atin n su i dɔ,
 haari ni ya ɲɔɔ awieeri.
⁷⁶ Wɔrɔ, m wa ni, bu bá fere u ka
 Micera Nyeme Kpiri n deɛ nɔaniɛ kanfɔ.
 Dama a dú ya Micera n mɔ
 na a kó sese i atin su ɲminda i.
⁷⁷ Na a má i minem si ka i fá bu satie ce bu n deɛ ti,
 ye i dé bu tii ji a.
⁷⁸ Dama Nyeme si ya aɲunfɔ agaya n deɛ ti,

i má angoro wein n ta ma ya.
 Nyini wein n ti kabo wie fite na i ti n wɔ,
⁷⁹ na i má wein ta ma minem bo bu wo awosin nu
 na bu soro yiwee sere ni.

Na i bá kere ya atin bo i ma ahoreda.”

⁸⁰ Na baa n anyi, na Nyeme ayo i sunsunni fanja, na wɔ
 kɔ awo boro kpantain nu dɔ i nɔmi, haari cɛen n bo i ba
 yiiri i nɔ fiteeri fofoe nu kere Yisarelifom ni.

2

Kabo bu wuuri Yesu ni

¹ Nyini sanja na Romafom femɛ kpiri n bo bu fere i ka
 Siza Agusito ni, ama nɔɔ ka bu kere i minem kere duma.
² Nyini sanja ni tiiri ciciri su deɛ minem duma kerɛɛwa n
 nɔsu a. Nyini sanja n ye sɔnɔ be bo bu fere i ka Kurenɔsi n
 ti Siriya awɔre n nu gomina n a. ³ Nyini ti, na deke bo sɔnɔ
 kere wo na ba kɔ bu na miɛ su na bu kɔ kere bu duma. ⁴ Dɔ
 na Yosefu gusu afite Nazareti miɛ n bo i wo Galili awɔre n
 nu ni, na i kɔ kere i duma. I kɔori miɛ n bo bu fere i ka
 Betilehem na i wo Yudiya awɔre n nu wɔ, dɔ ye bu wuuri
 Femɛ Davidi a. Yosefu ti Femɛ Davidi deɛ busu nufɔ n ti
 ye i kɔori awɔre n nu dɔ a. ⁵ I ni Mariya bo ba fa ace i
 ni kɔori a. Nyini sanja ni, Mariya bita nyinse. ⁶ Bu wo
 dɔ n na sanja n aju bo Mariya wu baa. ⁷ Ba nya má fofoe
 wɔfom daabiri n nu bo bu da. Nyini ti, na ba kɔ awura deke
 bo bu fa nenɔndɔrem wura, dɔ na wɔ wu i sunɔguru baa,
 baabiɛsɔ. Na wɔ fa baa n apɔɔndi sanvuin nu, na wɔ fa i
 ada nenɔndɔrem diire diibiri alaka nu.

Kabo merɛkem tiɛeri nbɔɛsasafom nɔ ni

⁸ Nbɔɛsasafom nbem wo nyini awɔre n nu dɔ suniɛ bu
 nbɔɛm dika, kɔngue, ⁹ na Micera n merɛke akaba atiɛ bu
 nɔ, na Micera n ama i wein ata abara aye bu, na sere ati bu
 agaya, ¹⁰ ama, na merɛke n ase bu ka, “Má am ma sere ti am.
 Ma ba ka m ba ma am labari kpa a. Nyini labari ni, yiri má
 minem kere ahore jɔ agaya. ¹¹ Ahin kɔngue n nu bere, ba
 wu am Tiidefɔ ni, Femɛ Davidi bɔsu n nu, yiri ti Kristo n bo
 Nyeme ase ka i súnma i n a, am Mibiɛ ni. ¹² Deke bo i kere
 am na am sí nu n la ka, am kó nɔ ka ba fa i apɔɔndi sanvuin
 nu afa i ada nenɔndɔrem diire diibiri alaka nu.” ¹³ Jinaa-
 biri n nu bere na merɛkem beberebe akaba afite angoro
 abuka nyini kun n su, na bu sukansi Nyeme, bu nɔ,
¹⁴ “Kansi wo Nyeme bo i wo angoro n dɔ.

Na ahoreda wo minem bo bu wo asiɛngu fen n dɔ
 na Nyeme ahore ajɔ bu nɔ ni.”

¹⁵ Sanja bo merékem n fiteeri bu dɔ kpíeeri bu nyi kɔɔri angoro ni, na nbɔesasafoɔm ni ase bu ŋuŋu nu ka, “Am ma ya kɔ Betilehem miɛ n nu na ya kɔ ŋu deke n bo wɔ yo na Micera n ayi akere ya ni.” ¹⁶ Nyini ti, na ba kɔ ndende, na ba kɔ anu Mariya ni Yosefu, na ba ŋu baa n gusu ka i da nengendɔrem diire diibiri alaka n nu. ¹⁷ Sanja bo bu kɔ ŋuuri baa n ni, na ba kan nɔaniɛ n kere bo meréke n fa maari bu fa kɔ baa n ŋusu jɔre n akere minem. ¹⁸ Na minem kere bo bu tiiri kabo nbɔesasafoɔm seeri bu ni, n ayo alekutura. ¹⁹ Na Mariya afa nyini sereya n kere bo i yoori ni ase i ahore su. ²⁰ Na nbɔesasafoɔm n akpie bu nyi akɔ bu nbɔem n bi, na bu sukansi Nyeme na bu subo tuntun i fa kɔ deke n kere bo ba ŋu i na ba ti i n dɛɛ ti. Deke n kere yoori kabo meréke n seeri bu n wɔ.

Kabo bu tuunri Yesu duma ni

²¹ Sanja bo lemɔcɛ cɛɛn n ba juuri ni, na ba wura baa n kenkenne, na ba tun i duma ka Yesu. Duma n bo meréke n fa maari i ka, na i ni nyinseeri i n lɛɛ.

Kabo bu faari Yesu kɔɔri Nyeme Sereebiri Awuru n nu barasu ni

²² Na cɛɛn n aju bo Yosefu ni Mariya kɔ yo bu fin ŋmisi sayoowa kabo Nyeme nɔaniɛ kpamaawa n bo i fa maari Moyisi n kereeri ka bu yo ni. Nyini ti, na ba fa baa n akɔ Yerusalem miɛ kpíri n nu na bu kɔ fa i wura Micera n saa nu. ²³ Kabo ba kere i Micera n nɔaniɛ kpamaawa n nu ni, ba kere ka, “Baabiesɔ kere bo i ti i ni sunɔguru baa, i ti ye ni ka bu fa i kɔ ma Micera ni, na i yó i dɛɛ.” ²⁴ Na ba kɔ ayo yoowa, kabo Micera n nɔaniɛ kpamaawa n akere ka bu yo i ni, bu faari bumbuku wara tiywa nnyɔ yoori yoowa n a.

²⁵ Nyini sanja ni, sɔnɔ be wo Yerusalem, bu fere i ka Simeyon. I yo ti sɔnɔ bo i yo sa bo i kɔ atin su Nyeme dɔ ɔ, na i ti sɔnɔ bo i soro Nyeme, na i ŋminda fa kɔ sanja bo Yisarelifɔm nya bu tiide n wɔ. Na Awiewie Casi n wo i ŋu. ²⁶ Na Awiewie Casi n ama wɔ si ka i wú má, má ka i nyumbaa aba anu Kristo ni, Tiidefɔ n bo Micera n ase ka i súnma i ni. ²⁷ Na Awiewie Casi n ama Simeyon akɔ Nyeme Sereebiri Awuru n nu. Nyini sanja n ye Yesu si ni i ni gusu afa i akɔ ka bu kɔ yo yoowa kabo Nyeme nɔaniɛ kpamaawa n akere ka bu yo n a. ²⁸ Simeyon ŋuuri baa n sɔ ni, na wɔ kaba ade baa ni i saa nu, na wɔ kansí Nyeme, i ŋa,

²⁹ “M Mibie, u nɔaniɛ n bo a yo seeri m ni, ayo yíiwa, ma mini u akɔɔ n atin kisa na m fite durunya n nu ni ahoreda.

³⁰ Dama kisa mini ni m tii nyumbaa anu Tiidefɔ ni,

³¹ yiri ye a sese i su,

ye a ma minem kere nyumbaa anu i a.

³² Yiri ti wein n a, na i kere minem u atin ni,
bere bo bu ti ma Yudafo ni,
na i wura Yisarelifo kpiri,
bere bo bu ti u dee minem ni.”

³³ Simeyon jorori baa n jore so ni, na i si ni i ni ayo alekutura. ³⁴ Na Simeyon asere Nyeme, na wo yo bu kisi. Na wo se baa n ni ka, “Ahin baa n ye Nyeme ayi i ka i ma Yisarelifo dongu kpaasi, na dongu gusu yasu n a. Yiri yo deke bo i ti alekutura sa, na minem dongu ba kete i. ³⁵ So ye i ba yi bu asiri nu sunsunni tem kere fite fofoe nu a. Na yiri ti, u ahore saaki agaya, kabo takobe kpie sono na i yo ya ni.”

³⁶⁻³⁸ Nyini sangha n nu no o, na bara be, i ti Nyeme noanie kanfo o, na i gusu wo do, na wo ba baa n bi. I duma la Anna, na bu fere i si ka Fanuweli, Aseri dee busu nufa. Bara n ti buke wo nahore su, i jaari i hun, bu afo nso ye i kaari kunafo a. Nyini sangha ni, i la afo aburamocue ni nna. Wo kpaaki ayaki ma Nyeme Sereebiri Awuru ni, i cici i noo so o, na i ko susere Nyeme, wiesu ni kongue. I ba juuri baa n bi ni, na wo da Nyeme asi na yiri gusu ajojo baa n jore akere minem kere bo bu nminda ka Nyeme sunma Tiidefo n na i de Yisarelifo tii ji ni.

Kabo bu faari Yesu korori awuru ni

³⁹ Sangha bo Yosefu ni Mariya yoori yoowa n kere bo Micera n noanie kpamaawa n kere ka bu yo n wieeri ni, na ba kpie bu nyi ako bu bosu Nazareti bo i wo Galili awore n nu ni. ⁴⁰ Na baa n anyi, na wo nya fanga ni Alecira, na Nyeme ahoroma awo i do agaya.

Kabo bu faari Yesu korori Yerusalem mie kpiri n nu ni

⁴¹ Afo kere afo, Yesu si ni i ni ko Yerusalem mie kpiri n nu wo, na bu ko di Butara ceenkpiri, bo bu di i na bu tenge su kabo Nyeme yo deeru bu nam tii fiteeri Ijipitifo asien su ni. ⁴² Sangha bo Yesu ba juuri afo buru ni nnyo ni, na ba ko na bu ko di ceenkpiri n kabo bu yo afo kere afo ni. ⁴³ Bu ba diiri ceenkpiri n wieeri na bu sukpie bu nyi ko awuru ni, na Yesu yiri aka Yerusalem do. I si ni i ni asi ma ka wo ka do. ⁴⁴ Bu sunsunni la ka i wo abenggu natiirifo n nu wo, nyini dee ti, bu wo ko su wo haari wie ko suto. Do na ba bo i bu sunienie i, bu lamosim ni bu danfom nu. ⁴⁵ Ama, ba nu ma i, na ba nya kpie bu nyi ako Yerusalem na bu ko nienie i. ⁴⁶ I lesan ceen na ba ko anu ka i tana Nyeme Sereebiri Awuru n nu, Nyeme noanie kerefom afien suso i sui, na i subisa bisaawam. ⁴⁷ Na minem bo bu tiiri i noanie n kere ayo alekutura, fa ko kabo i la si na i bo noanie

bisaawam nu barasu ni. ⁴⁸ Na san̄ga bo i si ni i ni ba ŋuuri i n na ba miε, na i ni abisa i ka, “M wa, nzu ti ye a yo ya so a? A ma mini ni u si ahore asaaki ako asin su, haari ya nati wo u niεniε su.” ⁴⁹ Na wo se bu ka, “Nzu ti ye am nati niεniε m busu a? Am si má ka wo yo daka ka m wo m Si awuru n nu wo?” ⁵⁰ Ama, ba ti má noaniε n bo i seeri bu nu n bu.

⁵¹ Na Yesu asu bu su, na ba kpie bu nyi ako Nazareti miε n nu, na wo de bu noaniε. Na i ni afa nyini sam kere ase i ahore su. ⁵² Na Yesu sunyi, na i alecira subuka su, na i sayoowam susun Nyeme ni adamande kere nu.

3

Kabo Yohane Nyeme Nzue Biefo n kaanri Nyeme jore ni

¹ Romafom femε kpiri bo bu fere i ka Siza Tiberiyosi n diiri i femeya ni, afo buru ni nnu, nyini san̄ga ye sono be bo bu fere i ka Pantiyo Pilato n ti Yudiya awore n nu gomina, na sono be bo bu fere i ka Herode n niε Galili awore n nu su, na i goro bo bu fere i ka Filipu n gusu niε awore nnyo nbem bo bu fere bu ka Iturayo ni Taronitido n su, na sono be bo bu fere i ka Lusaniya n gusu niε awore n bo bu fere i ka Abilene n su. ² Nyini san̄ga ni, Anasi ni Kayafasi jina Nyeme sayoowa don̄guyofom kere kpien n jinaabiri a. Na Nyeme afa i noaniε n ama Yohane Zakariya wa, boro kpantain n nu. ³ Nyini ti, na Yohane ako Yodan kunma n awore n kere n nu sukan Nyeme jore, i ŋa, “Am kaaki am wo na m bie am Nyeme nzue, na Nyeme fa am ngasi ni am satie kere ce am.” ⁴ So ye wo yo yiiwa, kabo Nyeme ma ba kere i noaniε kanfo Esaya deε kadasi n nu ka,

“Sono be subo ndoori boro kpantain n nu ka,

‘Am sese Mibie n atin su,
na am yo i atin n don̄gu.

⁵ Na bu bá bereki bukam n ni kperem kere,
na bu bá toto kunma kunma kere bo i wo buka n bu,
na atin kere bo wo biri, bu bá tenge,
na bu bá toto i kunma kunma n kere.

⁶ Na adamande kere bá ŋu kabo Nyeme dé bu tii ji barasu ni.’ ”

⁷ Na jama beberebe afite aba Yohane do ka i bie bu Nyeme nzue. Na wo se bu ka, “Ambere burukonufom bo am ti ka woom ni, ŋma seeri am ka am ŋmati fite suicin kekereke n bo Nyeme sufa ba am do n nu a? ⁸ Am yo sakpa bo i kere ka am akaaki am wo. Na má am sunsun ka, Abraham ti am na deε ti, na am koro fite nyini suicin n nu. M suse am wo leε, ka, Nyeme koro ma ahin yabuem ni kaaki nbaam ma

Abraham. ⁹ Nyeme asi i samba n nana ase baka kere bu na i kpie i ji sin nu, yiri bo i suuwa ti má kpa ni.”

¹⁰ Na jama n abisa Yohane ka, “Ye ya yo se wo lee kisa n a?” ¹¹ Na wo bo bu nu ka, “Sono kere bo i la tanlee nnyo, i mi ma sono bo i la má be n kun, na bo i la diire gusu yo so.” ¹² Na lampodefɔ nbem aba i do ka i bie bu Nyeme nzue, na ba bisa i ka, “Ya Kerefɔ, ye ya yo se wo?” ¹³ Na wo se bu ka, “Má am de nwaa ko tara kabo i ti ye ni ka am de ni.” ¹⁴ Na soja nbem gusu aba i do aba abisa i ka, “Ye yere di, ya yo se wo?” Na wo se bu ka, “Má am mie be de nwaa i do, na má am tun be nzuin. Am ma am nyunu yi am nkato.”

¹⁵ Na minem bo bu tana nie Kristo n atin nu ka i ba ni, yiri Tiidefɔ n bo Nyeme ase ka i sunma i ni, bu sunsun ka, beni, kisa Yohane ti Kristo Tiidefɔ n a. ¹⁶ Yohane siiri nyini dee ti, na wo se bu ka, “Mini sufa nzue bie am a, na am yo casi, ama, bo i tara m fieo wo m sin suba. M ti kaan ni bo m dodo i. Yiri fá Awiewie Casi n ni sin yo am casi a, kabo sono bie nzue na i yo casi ni. ¹⁷ I bita i ngani bakiti fieba suba, na i bá bakiti yi ngani mbaa n busu go i bondo nu, na i nya yára kunkun n sin n bo i je na i no má n nu.”

¹⁸ So ye Yohane kaanri labari kpa n kereeri minem a, na wo jɔjɔ jɔre dongu ase bu ka bu kaaki bu wo. ¹⁹ Ama, na Yohane akan Feme Herode ndie ka wo fa i goro yi Herodiya aja i hun ngoo su, na wo kaaki ayo sa ngbeenngbéen beberebe. ²⁰ I satie bo i ti tie tara i kere n la ka i taraari Yohane nyiiri i dansaraka a.

Kabo Yohane bieeri Yesu Nyeme nzue barasu ni

²¹ Sanga bo Yohane bieeri minem Nyeme nzue ni, na wo bie Yesu gusu. Bu bieeri i wieeri, na i susere Nyeme ni, do na angoro n ateke, ²² na Awiewie Casi n ajura aba atana i nu ka tiiwa dee su. Na wo ti akonvi be nga angoro, i na, “Woro ti m wa a, m koro u agaya, m ahore ajo u nu.”

Yesu Kristo nam duma yaa

²³ Sanga bo Yesu boori i juma n bu ni, nyini sanga i la afo aburasan. Mine yo sunsun ka i si la Yosefu bo i ti Heli wa n wo, na Heli si la ²⁴ Matati, na Matati si la Levi, na Levi si la Meleki, na Meleki si la Yanayi, na Yanayi si la Yosefu nyinga n bo ²⁵ i si la Matatiya ni, na Matatiya si la Amosi, na Amosi si la Nahumu, na Nahumu si la Esili, na Esili si la Nagayi, ²⁶ na Nagayi si la Maati, na Maati si la Matatiya nyinga n bo i si la Semeni ni, na Semeni si la Yoseki, na Yoseki si la Yoda, ²⁷ na Yoda si la Yowanani, na Yowanani si la Resa, na Resa si la Zorobabeli, na Zorobabeli si la Salatiyeli, na Salatiyeli si la Nieri, ²⁸ na Nieri si la Meleki nyinga n bo i si la Adi ni, na Adi si la Kosamu, na Kosamu si la Elimadamu,

na Elimadamu si la Eri, ²⁹ na Eri si la Yosuwa, na Yosuwa si la Eliyeza, na Eliyeza si la Yorimu, na Yorimu si la Matati nyinga bekun, na nyini Matati n si la Levi nyinga bekun, ³⁰ na nyini Levi n si la Simeyon, na Simeyon si la Yuda, na Yuda si la Yosefu nyinga n bo i si la Yonamu ni, na Yonamu si la Eliyakimu, ³¹ na Eliyakimu si la Meliya, na Meliya si la Menna, na Menna si la Matata, na Matata si la Natani, na Natani si la Feme Davidi, ³² na Feme Davidi si la Jese, na Jese si la Yobedi, na Yobedi si la Boosi, na Boosi si la Sala, na Sala si la Naasoni, ³³ na Naasoni si la Aminadabu, na Aminadabu si la Adimini, na Adimini si la Arani, na Arani si la Hesarom, na Hesarom si la Farese, na Farese si la Yuda nyinga n bo ³⁴ i si la Jakabu ni, na Jakabu si la Izaki, na Izaki si la Abraham, na Abraham si la Tara, na Tara si la Nakoro, ³⁵ na Nakoro si la Seruku, na Seruku si la Ragawu, na Ragawu si la Faleki, na Faleki si la Ebera, na Ebera si la Sala nyinga bekun, ³⁶ na nyini Sala n si la Keena, na Keena si la Arafakadi, na Arafakadi si la Semu, na Semu si la Nowa, na Nowa si la Lameki, ³⁷ na Lameki si la Matusala, na Matusala si la Henoki, na Henoki si la Yareti, na Yareti si la Maleheeli, na Maleheeli si la Keena nyinga bekun, ³⁸ na Keena n si la Enosi, na Enosi si la Seti, na Seti si la Adam, na Adam si la Nyeme.

4

Kabo Sitana yoori Yesu na i nie ni

¹ Awiewie Casi n woori Yesu nu agaya, na wo fite Yodan kunma n awore n nu, na Awiewie Casi n afa i ako boro kpantain n nu ko sukere i atin. ² I woori do een aburana, na Sitana ayo i na i nie ka, i yo yiri Sitana n dee koroowa, nzen i yo ma i. Nyini een aburana n kere ni, wo di ma pui, nyini dee sin, na ahoe aba ati i. ³ Na Sitana n ase i ka, "Nzen a ti Nyeme Wa, se ahin yabue n na i kaaki diire." ⁴ Ama, na Yesu abo i nu ka, "Ba kere i Nyeme Jore Kadasi n nu ka, ma diire ngumi ma sono ngoo a."

⁵ Na Sitana afa i afun ako angoro lenlenge, na i nyumbaa-
mbaa n nu bere, na wo kere i durunya n nu asien n kere. ⁶ Na wo se i ka, "Woro ye m ma a nie ahin asien n kere su a, na m fa bu ajekem kere ma u, dama Nyeme afa i kere awura m saa nu, na mini gusu koro fa ma sono kere bo m koro. ⁷ Nzen a kutu suuri m, m fa nyinim kere ma u." ⁸ Na Yesu ase i bekun ka, "Ba kaaki akere i Nyeme Jore Kadasi n nu ka,

'Kutu Micera u Nyeme ni,
na a su yiri ngumi.' "

⁹ Na Sitana n akaaki afa Yesu akò Yerusalem mié kpiri n nu, na wò fa i akò ajina Nyemé Sereebiri Awuru n tii su lenlenje, na wò se i ka, “Nzen a ti Nyemé Wa, fite fen ti tó asienggu na m nié. ¹⁰ Dama ba kéré i Nyemé Jòré Kadasi n nu ka,

‘Nyemé má i merékem nòò ka bu nié u dika
na bu kanda u.’

¹¹ Ba kaaki akéré i ka,

‘Bu fá bu saa so u nu,
na má u jaa bo yabue be.’ ”

¹² Ama, na Yesu akaaki ase i ka, “Ba kaaki akéré i Nyemé Jòré Kadasi n nu ka, ‘Má a yo Micera Nyemé n na a nié kabo i yiko ti barasu.’ ”

¹³ Sangá bo Sitana n yoori Yesu yoowa barasu n kéré na i nié i ni, na wò kò ayaki Yesu ka.

Kabo Yesu boori i juma bu Galili awòre n nu ni

¹⁴ Na Yesu akpie i nyi akò Galili awòre n nu, ni Awiewie Casi n dèe yiko nu. Na i labari abara aye nyini awòre n kéré pepere nu. ¹⁵ Na wò kere minem Yudafoṃ tientienbunòò soom nu, na sòò kéré akansi i.

Kabo Yesu ṣa Nyemé nòanie kanfò la má jirima i bòsu ni

¹⁶ Na Yesu akò Nazareti mié n nu, dò ye bu taari i a, na wò nyi, na Yudafoṃ Njumiyi cèen n be, na wò kò bu tientienbunòò sòò n nu, kabo i nati kò ni. Na wò yasu ajina ka i kan Nyemé Jòré Kadasi ni, ¹⁷ na ba fa Nyemé nòanie kanfò Esaya dèe kadasi n ama i. Na wò teke i, na wò nié anju awòre n bo ba kéré i nu ka,

¹⁸ “Micera n Awiewie n wo m dò,

dama wò yi m ka m kan labari kpa n kere yaarifom.

Na wò sunma m ka m kò minem bo ba tara bu domuem n dò,

na m se bu ka m bá de bu tii ji,

na m kò anyinsinm dò,

na m se bu ka m bá teke bu nyumbaa,

na m kò minem bo bu bita bu mié n dò,

na m se bu ka m bá de bu tii ji,

¹⁹ na m bo ndoori ka,

afò n nu Micera ni má i minem di i ahòròma.”

²⁰ Na Yesu akan awie, na wò kata Nyemé Jòré Kadasi n su, na wò fa ama i bitafò ni, na wò tana. Na minem kéré bo bu wo tientienbunòò sòò n nu n afa bu nyumbaa akpama i ṣu. ²¹ Na wò se bu ka, “Nyuma dèe cèen n nu, ahin Nyemé Jòré Kadasi n bo ma kan i na am ati i ni, ayo yiiwa.” ²² Na sòò kéré akan kpa ama i, na ba yo alekutura kabo i nòanie

jɔjɔwa n ti kpa barasu ni, na ba bisa bu n̄un̄u nu ka, “Má Yosefu wa n lɛɛ?”

²³ Na Yesu ase bu ka, “M si tenle ka am bó m ahin anyundere ni ka, ‘Ayirifo, tuntun u n̄u.’ Na am sé m ka, ‘Sam n bo ya tiiri ka a yoori bu Kapenam mie kpiri n nu ni, yo bu u bɔsu fɛn gusu na ya niɛ.’ ” ²⁴ Na Yesu akaaki ase bu ka, “Nahɔre ye m suse am n a, Nyeme noanie kanfo la má jirima haari kaan so mmoo i bɔsufom do. ²⁵ Am tenge su kabo Nyeme noanie kanfo Eliya dee sanja n na nzue ato má afo nsan ni kpaaki nu, na ahɔe bambaka toori ni. I ti nahɔre wo ka, nyini sanja, kunafom beberebe woori Yisareli asien n su, ²⁶ ama, Nyeme asunma má Eliya nyini kunafom be do, se i sunmaari i kunofo kun be do a, i wo mie be bo bu fere i ka Zarefati na i ti má Yudafom mie kpiri n wo, i wo Sidon dee awore n nu wo. ²⁷ Sasu bekun, Nyeme noanie kanfo Elisa dee sanja, i ti nahɔre wo ka kokobi yo taraari minem beberebe Yisareli asien n su, ama, Nyeme ama wo tuntun má bu kun n kpein mmoo, se i tuntuunri kokofa kun be wo, bu fere i ka Naama, i ti má Yudafom, i fite Siriya awore nu wo.”

²⁸ Minem bo bu wo soo n nu n tiiri so ni, na yaa ati bu agaya. ²⁹ Na ba yasu aso i nu, acin i afite mie n nu ako kperɛ n bo mie n wo su ni, ka bu fa i ji buka n bu asien̄gu. ³⁰ Ama, na wo nati asin jama n afien ako.

Kabo Yesu fon yiiri ajini sɔnɔ be n̄u ni

³¹ Do na wo ko mie kpiri n bo bu fere i ka Kapenam na i wo Galili awore n nu ni, na N̄umiyi ceen ni, na wo ko awura bu tientienbunoo soo n nu sukere minem. ³² Na ba yo alekutura fa ko i kereewa n su, dama i jɔjɔwa n la yiko. ³³ Na sɔnɔ be wo tientienbunoo soo n nu do, ajini wo i n̄u, na wo bo awie kpa ase ka, ³⁴ “Oi, Yesu Nazaretifo, a koro nzu ya nu fɛn a? A ba ka a ba yo ya n̄gbɛɛn wo, nzen se? M si u sa, wɔro ti sɔnɔ casi bo Nyeme asunma u n a.” ³⁵ Na Yesu atien ajini n n̄u ase ka, “Mo u noo bere na a fite yaki sɔnɔ ni.” Na ajini n akpisi sɔnɔ n abo asien̄gu jama n kere nyunu, na ba fite ayaki sɔnɔ ni, ba ma má i mandim be. ³⁶ Na minem kere ayo alekutura, na ba bisa bu n̄un̄u nu ka, “Nzu alekutura noanie jɔjɔwa n la ahin? Dama i la yiko nahɔre su bo i koro ma ajinim noo na bu fite yaki sɔnɔ.” ³⁷ Na i labari n abara aye nyini awore n kere nu.

Kabo Yesu tuntuunri tukpakifom beberebe Simon dika ni

³⁸ Na Yesu afite tientienbunoo soo n nu, na wo ko awura Simon dika, na ba se i ka Simon sibara la má i n̄u, yakoko abo i agaya. ³⁹ Na Yesu ako ajina i bi, na wo ma yakoko

n nɔɔ ka i fite yaki bara ni. Na wɔ fite ayaki i, na bara n akaba ayasu, na wɔ kɔ ayo diire ama bu.

⁴⁰ Na naaso dika bibiri sangha, na minem n afa tukpaki barasu barasu fom kere aba Yesu do ka i tuntun bu, na wɔ fa i saa anana bu nu, na bu kere anya laifie. ⁴¹ Na wɔ fon ayi ajinim n gusu afite minem beberebe nu, na ajinim n acindi, na ba se i ka, “Woro ti Nyeme Wa n a.” Ama, na Yesu akan ajinim n ndie, wɔ du ma su na bu jɔjɔ, dama bu si ka yiri ti Kristo n a, Tiidefo n bo Nyeme ase ka i sunma i ni.

Kabo Yesu ko kaanri Nyeme jore Yudafo m tientienbunoo soom nu ni

⁴² Ale ba ciinri, na Yesu afite mie n nu ako awo awore be nu i ngumi. Na minem n ako i nienie, na sangha bo bu ko nuuri i ni, na ba kpini atin kabo bu yo na ma i kpaaki yaki bu. ⁴³ Ama, na wɔ se bu ka, “Wɔ yo daka ka m ko mie nyingam gusu su na m ko kan labari kpa fa ko Nyeme femeya n su kere bu gusu, dama ka nyini ti ye Nyeme sunmaari m a.” ⁴⁴ Nyini ti, na wɔ bara aye sukan Nyeme jore ni, tientienbunoo soom nu bu awore n kere nu.

5

Kabo Yesu fereeri i susufɔ ciciri su deem ni

¹ Ceen be na Yesu jina Genesareti kunma kpiri n nɔɔ su, na jama beberebe abara aye i, na bu susun bu bengua ka bu ju i bi na bu ti Nyeme noanie ni. ² Do na wɔ nu lee nnyo nbem ka bu wo kunma n nɔɔ su. Jombaa tarafom n afite ayaki leem wo bu diendiem nmisi su. ³ Na Yesu awura lee n kun nu, nyini lee n ti Simon dee wɔ, na Yesu ase Simon ka i sun lee n ko kaan. Na Yesu atana lee n nu, na i sukere jama ni.

⁴ Sangha bo i kere wieeri ni, na wɔ se Simon ka, “Sun lee n na i ko ngongo n nu, na am sandi am diendiem na am tara jombaa.” ⁵ Na Simon ase Yesu ka, “M Mofɔ, ya yo jumam ni anyumboro anuma kongue kere fa ba ju haari ni kisa, ya tara ma poi. Ama, nzen a se so yiri, m fa diendiem n sandi nzue n nu.” ⁶ Na ba fa diendiem n asandi nzue n nu, na ba tara jombaa beberebe haari ma diendiem ni jinaari ka bu son o. ⁷ Nyini ti, ba fa bu saa apaati bu lamokom bo bu wo lee nyinga n nu ka bu ba buka bu. Na ba yi jombaam n ago lee nnyo n nu, na ba yi haari leem ni jinaari ka bu sa nzue wɔ. ⁸ Sangha bo Simon Peto nuuri nyini so ni, na wɔ ko akutu Yesu jaa bu ase i ka, “M Mibie, cinsi m bi bere, dama m ti satieyofɔ o.” ⁹ Deke bo i ma i seeri so n la ka, i ni nyingam kere ayo alekutura fa ko kabo ba tara nyini jombaa beberebe n barasu ni. ¹⁰ Yakobo ni Yohane gusu

woori bere, bu si la Zebedi, bu ni Simon sanga tara jombaa n a. Na bu gusu ayo alekutura. Na Yesu ase Simon ka, "Má a ma sere ti u, fite kisa fa kó, m má a sutien minem nɔɔ ma m, kabo a tara jombaa ni." ¹¹ Na ba cin ayi lee n afite nzue n aheme, na ba yaki deke n kere bere, na ba su i su.

Kabo Yesu tuntunri kokofɔ be ni

¹² Cɛɛn n be sɔɔ, na Yesu wo miɛ be su, kokofɔ be wo nyini miɛ n nu. Sanga bo i ŋuuri Yesu sɔ ni, na wɔ ŋmati aba akutu, na wɔ fa i nyunu abutu asiɛngu, na wɔ sere i jande ka, "M Mibiɛ, nzen a koro ka a ma m nya laifiɛ, a koro ma m nya i." ¹³ Na Yesu atɛnge i saa anana i ŋu na wɔ se i ka, "M koro. Nya laifiɛ." Na kokobi n akaba ayaki sɔnɔ ni. ¹⁴ Na Yesu abɔbɔ i ase i ka, "Má a se ka a se be, ama, kɔ na a kɔ fa u ŋu kere Nyeme sayoowa dɔnguyofɔ ni, na a kɔ yo yoowa n bo Moyisi yo kereeri dawafɔm ni, dama nyini kere minem ka a nya u ŋu a."

¹⁵ Ama, haari ni nyini mmɔɔ, na i labari abara aye deke n kere, na minem aba i dɔ na bu ba ti Nyeme jɔre kaanwa n na i tuntun bu tukpaki barasu barasu kere na bu nya laifiɛ. ¹⁶ Ama, yiri ba yo, i yi i ŋu kɔ deke bo minem wo má n wɔ, na i kɔ sere Nyeme.

Kabo Yesu tuntunri sɔnɔ bo i saam ni i jaam awu ni

¹⁷ Cɛɛn n be sɔɔ, Yesu wo minem kere su, na Farasifɔm nbem, ni Yudaɔm Nyeme nɔaniɛ kerefɔm tana bere. Bu fiteeri miɛ miɛm bo bu wo Galili ni Yudiya awɔrem n nu, ni Yerusalem miɛ kpiri n nu baari a. Na Nyeme ama Yesu yiko bo i tuntun tukpakifɔm na bu nya laifiɛ. ¹⁸ Dɔ na mine nbem asɔ sɔnɔ be ni i dasu aba, i saam ni i jaam awu, na bu sumiɛ bu nyi ka bu fa i wura sɔɔ n nu wɔ, na bu fa i se Yesu nyunu. ¹⁹ Ama, jama n sunnuuri sɔ n dɛɛ ti, ba koro anya má atin. Nyini ti, na ba fa i afun sɔɔ n tii su, na ba fiiti anya fofoe, na ba cɔɔndi i ni i dasu n kere ase jama n afien Yesu nyunu. ²⁰ Yesu ŋuuri kabo bu yoori i yarada n sɔ ni, na wɔ se biɛ n ka, "Ma fa u satie ace u."

²¹ Na Nyeme nɔaniɛ kerefɔm ni Farasifɔm n abisa bu ŋunɔ nu ka, "Sɔnɔ bɔnɔ la ahin bo i jojo wura Nyeme ŋgasi nu sɔ a? Be wo má bere bo i koro fa minem satie ni bu ŋgasi ce bu, sin Nyeme ŋgumi ŋu." ²² Na Yesu afa nu fa kɔ bu sunsunni bo bu bita i n su, na wɔ se bu ka, "Nzu ti ye am bita nyini sunsunni ni am ahore su a? ²³ Bɔnɔ ti kekereke a, bo m se ka, 'Ma fa u satie ace u,' nzen, 'Yasu nati' n a? ²⁴ M kére am ka mini Adamande Wa n la yiko durunya n nu bo m fa satie ni ŋgasi ce." Na wɔ se sɔnɔ n bo i saam ni i jaam awu n ka, "Wɔrɔ, yasu fa u dasu n na a kɔ awuru." ²⁵ Kpenɔa na sɔnɔ n ayasu jama n kere nyunu, na wɔ fa i

dasu n na i sukansi Nyeme sukɔ awuru. ²⁶ Na bu kere ayo alekutura agaya, na ba kansi Nyeme, na sere ati bu, bu ɲa, “Nyuma, ya ɲu alekutura sam bo ya nya ɲu má i.”

Kabo Yesu fereeri Levi ka i ba su i su ni

²⁷ Nyini sin, na Yesu afite bere, na wɔ kɔ aɲu lampodefɔ be bo bu fere i ka Levi, i tana i juma yoobiri. Na Yesu ase i ka, “Yasu bra na a ba su m su.” ²⁸ Na Levi ayaki deke n kere, ayasu asu i su.

²⁹ Na Levi afa Yesu akɔ i dika, na wɔ kɔ ayo di ni nu bambaka, na ba tien bu nɔɔ adi, bu ni lampodefɔm beberebe, ni mine nyinga nbem. ³⁰ Na Farasifo nbem ni Nyeme noanie kerefɔm nbem bo bu ni bere wo ni, aɲuɲuti i, na ba bisa Yesu susufɔm n ka, “Nzu ti ye am ni lampodefɔm, ni satieyofɔm saɲga di diire na am nu nzan a?” ³¹ Na Yesu ase bu ka, “Minem bo bu la laifie n koro má ayirifo, má ka bo bu la má laifie ni koro a. ³² Ma ba má ka m ba fere minem bo bu ɲa bu yo sa bo i kɔ atin su Nyeme do n wɔ, ama, m baari ka m ba fere satieyofɔm wɔ, na bu kaaki bu wo.”

Kabo Yesu kereeri nɔɔ cici jɔre ni

³³ Na mine nbem aba abisa Yesu ka, “Nzu ti ye Yohane deɛ susufɔm ni Farasifɔm deɛm cici bu nɔɔ na bu sere Nyeme saɲga kere saɲga ye u deɛm bere di ye bu nu a?” ³⁴ Na Yesu abɔ bu nu ka, “Am koro mie má konyayafɔm ka bu cici bu nɔɔ, saɲga bo konyafan n toko wo bu do ni. ³⁵ Ama, saɲga suba bo bu bá yi konyafan n fite bu nu, nyini saɲga n ye bu nyá cici bu nɔɔ a.”

³⁶ Na Yesu abo ahin miɛnu n akere bu, i ɲa, “Sɔno koro fa má sanvuin fɔfɔre kpa tɔ má tani dawa kunma, nzen i yoori sɔ, sanvuin fɔfɔre ni sɔn dawa n wɔ, i tó má su. ³⁷ I kaaki ti sɔ ɔ bekun ka be koro fa má nzan nyiiwa faɲgafɔ go má dundu dawa bebete nu, nzen i yoori sɔ, dundu ni tie wɔ, na i ká ɲgbɛɛn, na nzan n kere sɔngi butu. ³⁸ Ama, i ti ye ni ka bu fa nzan nyiiwa faɲgafɔ go dundu fɔfɔre biiwa nu. ³⁹ Sɔno nya nuuri nzan nyiiwa wieeri, i koro má nzan mone kun. A tí ka i ɲa, ‘Nzan nyiiwa ni ti kpa a.’ ”

6

Kabo Yesu jɔjɔ fa kɔori Numiya cɛɛn jɔre ni

¹ Numiya cɛɛn be, na Yesu ni i susufɔm ni sunati sin alembaa fie be nu, na i susufɔm n abubu be, na ba nunuka i bu saa nu akpɛɛ. ² Na Farasifo nbem abisa bu ka, “Nzu ti ye am suyo sɔ a? Nyeme noanie kpamaawa n kere ka má be yo sɔ Numiya cɛɛn.” ³ Na Yesu abisa bu ka, “Am nya kan má

Nyeme Jore Kadasi n nu, kabo Feme Davidi yo yoori sanja bo ahoe tiiri i ni i minem na ba si má kabo bu yo n wo, nzen se? ⁴ Ahoe n ti, na wo ko awura Nyeme Sereebiri Awuru n nu, na wo fa kpono n bo ba fa ama Nyeme ni, na wo di, na wo ma i minem be. Ama, am si ka ya dee atin n su, Nyeme sayoowa dongyuyofom ngumi di nyini kpono n a.” ⁵ Na Yesu ase bu ka, “Mini Adamande Wa ni ti Njumiyi ceen n Mibie a.”

Kabo Yesu tuntunri sono asaa fuin be Njumiyi ceen ni

⁶ Na Njumiyi ceen n be bekun, na Yesu ako awura tientien-bunoo soo n nu, na wo kere minem. Sono be woori do, i saa fomboro awu. ⁷ Nyeme nonie kerefom ni Farasifom nbem woori do, na ba koro ka bu nya nge bo bu so Yesu na bu nya i taraabiri. Nyini ti, ba tu bu nyumbaa anie Yesu, na bu nie ka i tuntun sono asaa fuin n Njumiyi ceen ni, nzen i tuntun ma i. ⁸ Ama, na Yesu asi bu sunsunni bo bu bita i, na wo se sono asaa fuin n ka, “Yasu bra ba jina afien fen.” Na sono n ayasu ako ajina do. ⁹ Na Yesu abisa bu ka, “Ya dee atin n su, atin wo nu ka ya yo sakpa Njumiyi ceen ni, nzen ya yo satie wo? I kaaki ti ye ni ka ya de ngoo, nzen ya kun wo?” ¹⁰ Na Yesu anie bu nyunu abara aye, na wo nya ase sono asaa fuin n ka, “Tejge u saa ni.” Na sono n ayo so, na i saa n ayo fanga bekun. ¹¹ Na yaa ati bu agaya, na ba bo i bu afa sesesu kabo bu yo Yesu barasu.

Kabo Yesu yiiri mine buru ni nnyo ka bu yo i jaramasam ni

¹² Nyini sanja n na Yesu afun ako buka be su ka i ko sere Nyeme, na wo sere Nyeme nyini kongue n kere. ¹³ Sanja bo ale ba ciinri ni, na wo fere i susufom ni, na wo yi bu nu, buru ni nnyo, na wo fa bu ayo i jaramasam. ¹⁴ Bere la Simon bo Yesu tuunri i duma ka Peto ni, ni i niema bo bu fere i ka Andere ni, ni Yakobo, ni Yohane, ni Filipu, ni Batolomeyo, ¹⁵ ni Matio, ni Tomasi, ni Yakobo bo i si la Alafeyo ni, ni Simon bo i tu ngoni fa ko i asien su ni, ¹⁶ ni Yudasi bo i si la Yakobo ni, ni Yudasi Isikariyoti bo i ba toori Yesu ni.

Kabo Yesu kaanri Nyeme jore na i ma tukpakifom nyaari laifie ni

¹⁷ Na Yesu ni i jaramasam n accondi buka n aba ajina awore be nu, i susufom nyingam beberebe woori do, ni jama beberebe. Bu fiteeri Yudiya dee awore n kere nu wo, ni Yerusalem mie kpiri n nu, ni Tiro ni Sidon awore n bo i wo tieku n noo su ni. ¹⁸ Bu baari ka bu ba ti i kereewa n wo, na i tuntun bu, na minem bo ajinim wo bu nu kere bu yaari

n gusu aba, na wɔ tuntun bu, na ba nya laifie. ¹⁹ Minem kere boro bu nyi wɔ, na bu fa bu saa kan i, dama yiko fite i dɔ ye bu kere nya laifie a.

Kabo terefie ni anyumboro ti barasu ni

²⁰ Na Yesu anie i susufɔm, na wɔ se bu ka,
 “Amberɛ bo am ti yaarifɔm ni,
 terefie wo am dɔ,
 dama Nyemɛ femɛya n ti am dɛɛ wɔ.

²¹ Amberɛ bo ahɔɛ ati am kisa ni,
 terefie wo am dɔ,
 dama Nyemɛ bá ma am akunnuyi.

Amberɛ bo am ahore asaaki kisa ni,
 terefie wo am dɔ,
 dama Nyemɛ bá ma am ahoreda.

²² Amberɛ bo minem bá kpɔ am, na bu kéte am, na bu kpíɛ am nzukɔ, na bu sáaki am duma ka am ti satieyofɔm ni, nzen i kere fite ka mini Adamande Wa n dɛɛ ti, terefie wo am dɔ. ²³ Bu bá yoori am sɔ, am ma am ahore jɔ, na am tutu am kɔm. Dama am bá nya nkato bambaka Nyemɛ dɔ. Kabo bu nam yo yoori dawa dɛɛ Nyemɛ nɔanie kanfɔm n lɛɛ.

²⁴ Ama, amberɛ bo am la ajɛke beberebe kisa ni,
 am bá ɲu anyumboro bambaka,
 dama am adu mɔ ayo am koroowa n dɛɛ ti.

²⁵ Amberɛ bo am adi na am kunnu ayi kisa ni,
 am bá ɲu anyumboro bambaka,
 dama ahɔɛ bá ti am.

Amberɛ bo am siri kisa ni,
 am bá ɲu anyumboro bambaka,
 dama am bá sun haari na am bá nya má nyunvuin.

²⁶ Amberɛ bo sɔnɔ kere kansi am ni, am bá ɲu anyumboro bambaka, dama sɔ ye bu nam yo kansiiri kɔrefɔm n bo bu yo bu ɲu ka bu ti Nyemɛ nɔanie kanfɔm n a.”

Kabo i ti ye ni ka ya koro ya kpɔfɔm barasu ni

²⁷ Na Yesu ase bu ka, “Ama, m se amberɛ bo am suso am sui na am ti n wɔ lɛɛ ka, am koro am kpɔfɔm, na am yo sakpa ma bo bu yo am satie ni. ²⁸ Minem bo bu jɔjɔ nɔanie tie gɔ am ɲu ni, am yo bu kisi, na minem bo bu kere am wuwuruwa ni, am kaaki sere Nyemɛ ma bu. ²⁹ Nzen be fin u nyɔɔnu, kaaki bue nyiŋga n gusu ma i na i fin i buka su, na nzen be de u tanlɛɛ bambaka, kaba fa u tanlɛɛ kaan n bo i wo i bu mmɔɔ n buka i su. ³⁰ Sɔnɔ kere bo i sere u deke be, má a kpíɛ i, na sɔnɔ kere bo i fa u deke be, má a bisa i busu kun. ³¹ Kabo am koro ka minem yo ma am ni, am yo i sɔ ma bu.”

³² Na wɔ kaaki ase bu ka, “Nzen am nya koroori minem bo bu koro am ni ngumi, i kansi la bono o, ye am ba nya i a? Dama haari satieyofom mmoo yo so o. ³³ Na nzen am nya yoori sakpa maari minem bo bu yo sakpa ma am ni, i kansi la bono o? Dama haari satieyofom mmoo yo so o. ³⁴ Na nzen am fa nenge fie minem bo am sunsun ka bu ba to am kaari ni, i kansi la bono o, ye am ba nya i a? Dama haari satieyofom mmoo fie bu be ngu satieyofom wɔ, na bu ba de i nusu so. ³⁵ Ama, wɔ yo daka ka am koro am kpofom, na am yo sakpa ma bu, na ma am fie be nenge be, na am sunsun ka i to kaari. Do ye am nya i nkatɔ bambaka a, na am yo Micera Nyeme Kpiri ni nbaam. Dama yiri yo sakpa ma satieyofom, ni bo bu si ma aye ni. ³⁶ Am si anunfo kabo am Si Nyeme si anunfo ni.”

Kabo Yesu na ma ya jɔɔ be jɔɔ jaraki i ni

³⁷ Na Yesu ase bu ka, “Ma am jɔɔ be jɔɔ na am jaraki i, na Nyeme gusu di ma am jɔɔ na i jaraki am. Ma am ma bu di be jɔɔ cin i sui, na Nyeme gusu di ma am jɔɔ cin ma am sui. Am fa minem satie ce bu, na Nyeme gusu fa am de ce ce am. ³⁸ Am ma minem deke bo bu koro, na Nyeme gusu ma am. Kabo Nyeme ma am n la ka, i fa gɔngɔ dongu susu ma am a, na i yi ko butu. Nyini ti, gɔngɔ bo am fa susu ma minem ni, so ye Nyeme gusu fa susu ma am a.”

³⁹ Na Yesu abo ahin anyunderɛ n akere bu, i na, “Anyinsin koro bita ma i be ngu anyinsin kpama, nzen i yoori so, bu nnyo n kere ko to kunma nu wɔ. ⁴⁰ Sonsonfo tara ma i kerefo, ama, san ga bo wɔ ba asonson juma n awie, i ni i kerefo n kere ase wɔ lee.”

⁴¹ Na wɔ bisa bu ka, “Nzu ti ye a nie nu wura mbaa n bo i wo u niwa nyumbaa nu, ye a nie nu ma yeenzin n bo i wo u de nyumbaa n nu a? ⁴² A yo se koro se u niwa ka, ‘Ma m yi wura mbaa n bo i wo u nyumbaa nu ni,’ ye a nu ma yeenzin n bo i wo u de nyumbaa n nu n a? Woro burukonufɔ ni, du mo yi yeenzin n bo i wo u nyumbaa nu n ka, na a nya nu asi nyunyumi, na a yi wura mbaa n bo i wo u niwa n de nyumbaa nu ni.”

Kabo Yesu na ya fa minem sayoowa fa si kabo bu ti ni

⁴³ Na Yesu ase ka, “Baka bo i ti kpa su ma suuwa tie, na baka bo i ti ma kpa gusu su ma suuwa kpa. ⁴⁴ Baka kere suuwa kere kabo baka n ti barasu a. Sono kere si ka a koro titi ma damba buwe baka su. A kaaki koro titi ma cacabu kpanji baka su. ⁴⁵ Sono kpa ni i deke kpa kere bo i bita i ahore su, fa sakpa ba a. Na sono tie gusu ni i deke tie bo i bita i ahore su, fa satie ba a. Dama dekem bo am sunsun bu am ahore su san ga kere n ye am jɔɔ bu a.”

Miɛnu fa kɔ ataari tafɔ nnyɔ nbem jɔrɛ

⁴⁶ Na Yesu akaaki ase ka, “Nzu ti ye am fere m ka, ‘Ya Mibiɛ, ya Mibiɛ,’ ye am yo má deke bo m se ka am yo a? ⁴⁷ Sɔnɔ kere bo i baari m dɔ, na i tiiri m nɔaniɛm n na i deeru bu na i fa yoori juma, m kére am kabo i mi ti barasu. ⁴⁸ I mi ti ka sɔnɔ bo i ɲa i tá awuru na i fundu kunma ɲgɔɲgɔ na i kɔ kpura yabue, na i se sɔɔ n jaa. Wɔmbu koro wura na nzuetinm kere koro yi sandi ba kpura awuru ni, i yó má i pui, dama ataari n ayo fanɲa n ti. ⁴⁹ Ama, sɔnɔ kere bo i tiiri m nɔaniɛm n na wɔ de má i, afa ayo má juma, i mi ti ka sɔnɔ bo i taari i awuru na wɔ se má i jaa yabue su n wɔ. Wɔmbu ba wuraari na nzuetinm kere ba yi kpura nyini awuru ni, na i kaba tɔ fanɲa su bo i busu ɲu má n wɔ.”

7

Kabo soja kpɛn be yoori Yesu yarada agaya ni

¹ Saɲga bo Yesu jɔjɔori minɛm dɔ ni nyini nɔaniɛm n kere wieeri ni, na wɔ kɔ Kapɛnam miɛ kpɛri n nu. ² Na Romafɔm soja kpɛn be wo dɔ, i la i akɔɔ bo i koro i agaya, wɔ da tukpaki sukoro ka i wu. ³ Soja kpɛn n tiiri Yesu ɲga ni, na wɔ sunma Yudaɔm nkpiɛnkpiɛnm nbem ka bu kɔ sere i ka i ba tuntun i akɔɔ n na i nya laifiɛ. ⁴ Na ba kɔ Yesu dɔ akɔ asere i jande ka, “I ti ye ni ka a ba buka ahin soja kpɛn ni. ⁵ Dama i koro ya minɛm n agaya haari wɔ ta tientienbunɔɔ sɔɔ ama ya.” ⁶ Dɔ na Yesu asu bu su akɔ. Saɲga bo bu kɔ dodoori awuru n kaan sɔ ni, na soja kpɛn n asunma i danɔm Yesu dɔ, bu kɔ juuri ni, na ba se i ka, “Ya Mibiɛ, soja kpɛn n ɲa má a fie u ɲu. I ɲa i ti kaan ni bo a ba i dika. ⁷ Nyini ti ye i ɲa wɔ bu má ka i ti pui bo i ba u nyunu n a. Ama, haari a maari nɔaniɛ n mmɔɔ, i akɔɔ ni nyá laifiɛ. ⁸ Dama yiri mmɔɔ ni i tii wo sɔnɔ saa nu wɔ, na yiri gusu nya la i dɛɛ sojam bo i niɛ bu su. Na bo i nya se i ka, ‘Kɔ fɛn,’ na i kɔ, na i se nyiɲga gusu ka, ‘Bra fɛn,’ na i ba. Na i se i akɔɔ n gusu ka, ‘Yo ahin,’ na i yo i.” ⁹ Saɲga bo Yesu tiiri sɔ ni, na wɔ yo i alekutura, na wɔ kaaki anie jama n bo bu su i su n na wɔ se ka, “M suse am wɔ lɛɛ, ka, ma nya aɲu má sɔnɔ bo i la yarada agaya ka ahin sɔnɔ n ɲusu, haari fa saɲga ni Yisareliɔm mmɔɔ.” ¹⁰ Na minɛm bo soja kpɛn n sunmaari bu n akpiɛ bu nyi akɔ i dika. Bu kɔ juuri, na ba ɲu ka i akɔɔ n anya laifiɛ.

Kabo Yesu tengeeri kunafɔ be wa i yiwee nu ni

¹¹ Nyini sin, wɔ cɛ má, na Yesu akɔ miɛ kpɛri be bo bu fere i ka Nayin n su, i ni i susufɔm, ni jama beberebe kɔori a. ¹² Saɲga bo i kɔ ɲa i wura miɛ n nu ni, kpɛɲga i ni minɛm

aye, sɔnɔ be awu miɛ n nu, bu suso i fite na bu kɔ se i. Sɔnɔ n bo wɔ wu n ti bara kunafo be wa a, i wa kere la yiri ngumi kpein wɔ. Na jama beberebe afite miɛ n nu susu kunafo n su. ¹³ Mibiɛ Yesu n njuuri kunafo n sɔ ni, na anjunfo ati i, na wɔ se i ka, "Má a sun." ¹⁴ Na Yesu ako afa i saa akan dangu n bo fuin n da su ni, na minem bo bu sɔ i n aka ajina. Na Yesu ase ka, "Gbɛfɛnɛ, m suse u wɔ lɛɛ, yasu." ¹⁵ Dɔ na gbɛfɛnɛ n ayasu atana na wɔ jɔjɔ minem dɔ, na Yesu akaaki afa i ama i ni. ¹⁶ Na sere ati sɔnɔ kere, na ba kansɩ Nyemɛ, na ba se bu njuɔ nu ka, "Nyemɛ nɔaniɛ kanfo bambaka be aba ya dɔ. Nyemɛ aba anie i minem busu." ¹⁷ Sa n bo Yesu yoori i n dɛɛ ti, na i labari n abara aye Yudiya awɔre n kere, ni awɔrem kere bo bu dodo bere ni.

Kabo Yohane Nyemɛ Nzue Biɛfo n sunmaari i susufɔm Yesu dɔ ni

¹⁸ Saɔga bo Yohane dɛɛ susufɔm ba kaanri nyini jɔrem kere kereeri i ni, na wɔ fere bu mine nnyɔ, ¹⁹ na wɔ sunma bu Mibiɛ Yesu n dɔ ka bu kɔ bisa i ka, "Wɔrɔ ye bu yo seeri ka a bá n a, nzen ya nminda sɔnɔ fɔfɔre be wɔ?" ²⁰ Bu ba juuri Yesu dɔ n na ba se i ka, "Yohane Nyemɛ Nzue Biɛfo ni sunmaari ya u dɔ a, na ya ba bisa u ka, 'Wɔrɔ ye bu yo seeri ka a bá n a, nzen ya nminda sɔnɔ fɔfɔre be wɔ?' " ²¹ Nyini saɔga n nu, na Yesu atuntun mine beberebe bo bu la tukpaki barasu barasum, na wɔ fɔn ayi ajinim afite minem nju, na wɔ ma anyinsinm beberebe anju asi. ²² Na Yesu ase minem bo Yohane sunmaari bu n ka, "Am kpie am nyi na am kɔ se Yohane fa kɔ sam bo am ati bu na am anju bu ni, ka anyinsinm anju asi, wɔbukam akoro anati, kokofɔm anya laifɛ, asaturim ati asui, minem bo ba wu n atenje, na yaarifɔm gusu akoro ati labari kpa ni. ²³ Terefie wo minem bo bu yo m yarada na bu la má sika be, ni mini n dɔ."

²⁴ Saɔga bo minem bo Yohane sunmaari bu n kɔ wieeri ni, na Yesu ajojɔ jama n dɔ, fa kɔ Yohane nusu jɔre. I na, "Saɔga bo am fite kɔori Yohane dɔ boro kpantain n nu ni, am kɔori ka am kɔ nju nzu wɔ? Am kɔori ka am kɔ nju sɔnɔ bo i ti ka barankpaati fofoe bo anuma n kankan i wɔ? ²⁵ Nzen má nyini, am fite kɔori ka am kɔ nju nzu wɔ? Am na am kɔ nju sɔnɔ bo i wura sutura kpakpa a, nzen se? Ai, am si ka minem bo bu wura nyini suturam na bu di fiefie ni, bu wo nfemem dika a. ²⁶ Nzen má nyini, am kɔori ka am kɔ nju nzu wɔ? Am kɔori ka am kɔ nju Nyemɛ nɔaniɛ kanfo o, nzen se? Eɛn, m suse am wɔ lɛɛ, ka, am anju sɔnɔ bo i tara Nyemɛ nɔaniɛ kanfo. ²⁷ Dama Yohane ye bu yo kereeri i nusu jɔre, Nyemɛ Jɔre Kadasi n nu ka, 'Nyemɛ na o,

"M dú mɔ sunma m sunmafɔ n na i dú u mɔ,
yiri kó yo atin n dɔŋgu se u a." ' ' "

²⁸ Dɔ na Yesu ase bu ka, "M suse am wɔ lɛɛ, ka, sɔnɔ wo má durunya n nu fɛn bo i tara Yohane. Ama, sɔnɔ kɛrɛ bo i ti kaan Nyɛmɛ fɛmɛya n nu n tara yiri Yohane."

²⁹ Minɛm kɛrɛ bo bu woori dɔ ni, haari fa sanɔa ni lampodefɔm ni, tiiri kabo Yesu jɔjɔri ni, na ba soro su ka Nyɛmɛ dɛɛ atin ni ti atin nahɔrɛ a, dama bu ma Yohane adu mɔ abie bu Nyɛmɛ nzue. ³⁰ Ama, na Farasifɔm ni Nyɛmɛ nɔaniɛ kerefɔm n akete kabo Nyɛmɛ kereeri ka bu yo ni, dama ba kete ka má Yohane bie bu Nyɛmɛ nzue.

³¹ Na Yesu ase bekun ka, "Ye m fá nzu fa sunsun kabo nyumafɔ ti a? Bu ti ka nzu wɔ? ³² Bu ti ka nbaatuma kan kanm bo bu tana gɔɔsu wɔ, na bu sufere bu beŋgu, bu ŋa, 'Ya kan tere ama am, ama, am abo má kereba.

Ya di sɛɛ jue ama am, ama, am asun má.'

³³ Deke bo i ti na m se sɔ n la ka, Yohane Nyɛmɛ Nzue Biefɔ n ba juuri ni, i ciciiri i nɔɔ ɔ, i di má diire, i nu má nzan yiri fieo, nyini ti, na am ase ka ajini wo i ŋu. ³⁴ Ama, mini Adamande Wa n ba juuri, na m ni mine asanɔa adi, na ya sanɔa anu, na am ase ka, 'Am nie, ahin sɔnɔ n yiri, i ti ayaakpirifɔ ɔ, na i nu nzan nahɔrɛ su. Wɔ tara lampodefɔm, ni satieyofɔm danfoya.' ³⁵ Tɔ, minɛm kɛrɛ bo bu su Nyɛmɛ dɛɛ alecira n atin n su ni, bɛrɛ kere ka i ti nahɔrɛ a."

Kabo Yesu kɔɔri Simon Farasifɔ n dika ni

³⁶ Farasifɔ be yo baandiiri Yesu a, ka i bra i dika ba di diire, na Yesu akɔ i dika, na wɔ kɔ awura ka i di diire ni.

³⁷ Bara be woori nyini mie n nu, i ti satieyofɔ ɔ. I tiiri ka Yesu wo Farasifɔ n dika n wo diire di su, na wɔ fa tulaalɛ nvanvani tuwa kun aba. ³⁸ Na wɔ ba ajina Yesu jaa dika,

na i susun, na i nyunvuin sugɔ Yesu jaa su. Na wɔ kutu aso i jaa nu, na wɔ fa i tiinmie tintiin anunuka i, na wɔ kaaki tulaalɛ n agɔ i jaa nnyɔ n kɛrɛ su. ³⁹ Na Farasifɔ n bo i baandiiri Yesu n ase i kunnu ka, "Ahin sɔnɔ n ti má Nyɛmɛ nɔaniɛ kanfɔ, nzen má i ti Nyɛmɛ nɔaniɛ kanfɔ, má i si ahin bara n bo i sufa i saa kan i n kabo i woowa ti barasu, má i si ka i ti satieyofɔ."

⁴⁰ Dɔ na Yesu ase i ka, "Simon, m koro ka m se u jɔrɛ be." Na wɔ se Yesu ka, "Ya Kerefɔ, se m."

⁴¹ Na Yesu ase i ka, "Mine nnyɔ nbem wo bɛrɛ a, na ba kɔ ŋwaafo be dɔ akɔ afie ŋwaa. Kun dɛɛ kaari n sunnu má, ama, kun n yiri dɛɛ sunnu, i kpaaki ciciri dɛɛ n ŋusu buru.

⁴² Bu mine nnyɔ n nu, bu be mmɔɔ akoro atɔ má ŋwaafo n kaari ni, nyini ti, na wɔ yaki ŋwaa n ace bu. Ye a sunsun ka bu mine nnyɔ n nu, ŋma koro ŋwaafo n agaya?" ⁴³ Na Simon abɔ Yesu nu ka, "Mini dɔ, m sunsun ka sɔnɔ n bo i

kaari sunnuuri ni, yiri koro i agaya." Na Yesu ase i ka, "A la nahore." ⁴⁴ Do na Yesu ace anie bara ni, na wo se Simon ka, "M nja a nju ahin bara ni e? M ba juuri u dika n nu ni, a ma ma m nzue ka m nmisi m jaa, ama, yiri afa i nyunvuin anmisi m jaa, ye wo fa i tiinmie n anunuka m jaa n na i wu. ⁴⁵ Bekun, a biti ma m na a yo m anse ni ba mmoo, ama, kabo m ba juuri, yiri akere kabo i koro m, wo yaki ma m jaa so nu. ⁴⁶ A fa ma nguin ka a kpakpa ma m tii, ama, yiri afa tulaalee akaaki ago m jaa su. ⁴⁷ Nyini ti, m suse u wo lee ka, i satie sunnu ye Nyeme afa i kere ace i a, nyini dee ti, wo kere m i koro agaya. Ama, sono bo i satie sunnu ma na Nyeme afa ace i a, i mi koro mmoo sunnu ma." ⁴⁸ Do na Yesu ase bara n ka, "Ma fa u satie kere ace u." ⁴⁹ Mine nyingam n bo bere gusu tana wo diire n di su n tiiri so ni, na ba bisa bu nju nu ka, "Nma la ahin sonombiri n bo i koro fa minem satie ce bu a?" ⁵⁰ Na Yesu akaaki ase bara n ka, "Yarada n bo a yo m ni, nyini ma a nya u tii a. Ko awuru ni ahoreda."

8

Kabo nbara nbem bukaari Yesu barasu ni

¹ Nyini sin na Yesu ajengbe mie kpirim, ni aheme aheme miem su, na i sukan labari kpa n fa ko Nyeme femeya n su. I ni i susufo buru ni nnyom ni koori a. ² Na nbara beberebe nbem gusu asu i su. Bu nbem ye i tuntuunri bu tukpaki barasu barasu n a. Bu kun ye i fon yiiri ajinim nso fiteeri i nju n a, bu fere i ka Mariya Magadalafo ni, ³ ni kun bo bu fere i ka Yowana, na i hun la sono be bo bu fere i ka Cusa na i nie Feme Herode dika n kere su ni, ni bara bo bu fere i ka Susanna ni. Nyini nbaram kere fa bu tiengu deke bo bu la i wo, na ba fa abuka Yesu ni i susufom ni.

Mienu fa ko kabo dodoorifo be sandiiri alembaa ni

⁴ Na jama beberebe atien bu noo Yesu do, bu fiteeri mie su mie su baari a. Na wo bo bu ahin mienu ni, i nja, ⁵ "Dodoorifo be fiteeri so o, ka i ko sandi alembaa. Sangja bo i wo sandi su ni, na nbem atoto atin n noo, na minem atientien su asin, na anumam aba atambu bu ami. ⁶ Na nbem atoto tieka su, na wo fi, wo ce ma na wo waandi, dama niniki awo ma asien n bu n dee ti. ⁷ Na alembaa ni nbem atoto loloe nu, na loloe n anyi akata i nju. ⁸ Ama, na nbem atoto asien kpa su, na wo nyi awura mbaa zoi zoi." Yesu seeri so wieeri ni, na wo nya atien kpa ase ka, "Bo i koro ka i ti ahin jore n bu, i ti ye ni ka i so i sui na i ti."

Deke bo i ti na Yesu boori bu mienu n ni

⁹ Dɔ na Yesu susufɔm n abisa i nyini miɛenu n bu, ¹⁰ na wɔ bɔ bu nu ka, “Amberɛ ye Nyemɛ ama am asi i fɛmɛya n nu asiri jɔrɛ kerɛ a, ama, bo ba ka ni, m bobo i miɛenu kere bu a. Adena i yɔ kabo ba kerɛ i Nyemɛ Jɔrɛ Kadasi n nu ni, ka,

‘Bu nɛ wɔ,
ama, bu ŋú má pui.

Bu só bu sui wɔ,
ama, bu tí má deke n bo bu so bu sui ka bu ti i n bu.’ ”

Kabo Yesu kereeri miɛenu n bu ni

¹¹ Na Yesu asa su ase bu ka, “Tɔ, miɛenu n bo m boori i n bu yaa. Alembaa n ti Nyemɛ nɔaniɛ n wɔ lɛɛ. ¹² Alembaa n bo bu tɔtɔri atin nɔɔ n la minɛm bo bu ti Nyemɛ nɔaniɛ ni, i cɛ má, na Sitana bá yi i fite bu ahore su, adena má bu yɔ yarada na bu nyá tiide. ¹³ Alembaa n bo bu tɔtɔri tieka su n la minɛm bo bu ti Nyemɛ nɔaniɛ n na bu de i ni ahorejɔ, ama, i da má bu ahore su. Bu kaaki ti ka alembaa n bo i bunlui akpama abi má n wɔ. I woori bu dɔ kaan sɔ, na saŋga bo kekereke be ba tuuri bu, a ŋu ka ba fa ati. ¹⁴ Alembaa n bo bu tɔtɔri lolɔɛ nu n la minɛm bo bu nya tiiri Nyemɛ nɔaniɛ ni na bu su i atin su, a ŋu ka bu sunsunni kerɛ wo kabo bu yɔ na bu asiri káta su, na bu nyá durunya n nu ajekɛm, na bu yɔ bu koroowa, a ŋu ka Nyemɛ nɔaniɛ n koro da má bu ahore su na i yo juma. Bu ti ka alembaa bo i bi má n wɔ. ¹⁵ Ama, alembaa n bo bu tɔtɔri asien kpa su n la minɛm bo bu ti Nyemɛ nɔaniɛ n na bu de i ni bu ahore fofoe nahɔrɛ su, na bu de i ni bu saa nnyɔ, na bu mindi bita i, na bu fa i yo juma ni.”

Kabo sɔnɔ koro so má sin su na i fa fie ni

¹⁶ Na Yesu ase ka, “Sɔnɔ be nya so má fitana su na i fa gaŋga butu su, wara i fa se gado bu, ama, i fa taka deke su aŋgoro wɔ, adena minɛm bo bu ba wura awuru n nu n koro ŋu asi. ¹⁷ Deke be wo má berɛ bo i wo fiɛwa nu na bu bá ŋu má i, deke be gusu wo má berɛ bo i wo asiri nu na bu bá si má i. ¹⁸ Nyini dɛɛ ti, am si am ŋu sa ni kabo am ti nɔaniɛ n barasu ni. Dama sɔnɔ kerɛ bo wɔ nya deke be Nyemɛ dɔ na i mi si i bita, Nyemɛ búka i su wɔ, ama, bo i si má i bita, haari ni nyini kaan n bo i sunsun ka wɔ nya i ni, Nyemɛ dé i dɔ ɔ.”

Minɛm bo bu ti Yesu ni, ni i ninbaam nahɔrɛ su n jɔrɛ

¹⁹ Na Yesu ni, ni i niɛmam aba i dɔ, ama, jama sunnuuri i dɔ n dɛɛ ti, ba koro aju má i bi. ²⁰ Na be ase i ka, “M Mibiɛ, u ni, ni u niɛmam jina dasin koro u.” ²¹ Na Yesu ase bu ka,

“M ni, ni m niemam la minem bo bu ti Nyeme noanie n na bu de i na bu fa yo juma n wo.”

Kabo Yesu kereeri ka i la yiko tara anjuma ni nzue ni

²² Ceen n be so o, na Yesu ni i susufom n awura lee nu, na wo se bu ka, “Am ma ya kpie ko kunma kpiri n buekun do.” Nyini ti, na ba yasu na bu ko. ²³ Bu wo ko su ni, na Yesu adaafi, na anjuma bambaka be ayasu na i subo nzue go lee n nu. Ma lee ni suyi ni nzue wo, na anyumboro atu bu. ²⁴ Na Yesu susufom n ako atenge i, na ba se i ka, “Ya Mofa, ya Mofa e, ya wu awie.” Na Yesu ayasu, na wo tien nzue n ni anjuma n bo i subo n nu, na ba tara, na dika n atara jum. ²⁵ Do na Yesu ase i susufom ni ka, “Nzu ti ye am yo ma m yarada a?” Na ba yo alekutura na sere akaaki ati bu agaya, na ba bisa bu nu nu ka, “Nzu sonombiri barasu la ahin bo i ma anjuma ni nzue mmoo noo na bu de i a?”

Kabo Yesu fon yiiri ajinim fiteeri sono be nu ni

²⁶ Na Yesu ni i susufom n akpie kunma kpiri n ako aju Gerasafom dee awore n nu, na kunma kpiri n wo i ni Galili dee awore n afien ni. ²⁷ Yesu fiteeri lee n nu ni, na mie n nu sono be aba akpa i atin, ajinim wo i nu, wo ce, i nati i bu ngbeen wo sangha kere, i da ma awuru, ma ka fanjunma nu. ²⁸ I nuuri Yesu ni, na wo bo awie kpa, na wo kutu haari Yesu jaa bu, na wo ciindi ase ka, “Yesu, Miera Nyeme Kpiri n Wa, a koro nzu ya nu fen a? M sere u wo ka, ma a ma m nu anyumboro.” ²⁹ Deke bo i ti na i seeri so n la ka, Yesu ama ajinim n noo ka bu fite yaki i. Sangha kere sangha ajinim n fun i nu wo, haari ni bo bu nie i dika, na bu bo i tobari, na bu wura i joroko buka su ni, i sandi i kere wo, na ajinim n fa i ko boro kpantain n nu.

³⁰ Na Yesu abisa i ka, “Bu fere u se?” Na wo bo i nu ka, “Bu fere m ka Jama Beberbefo.” Deke bo i ti na i seeri so n la ka, ajinim beberbe wo i nu wo. ³¹ Na ba sere Yesu jande ka ma i fon bu ko wura kunma n bo i ko ngongo na i la ma awieeri n nu.

³² Nyini sangha afam beberbe wo dodo bere, bu wo buka be su sudi, na ajinim n asere Yesu ka i ma bu ko fun afam n nu, na wo ma bu atin. ³³ Na ba fite ayaki sono ni, na ba ko afun afam n nu. Dika n nu bere, na bu kere anmati accondi ako ato kunma kpiri nzue n nu, na nzue n adi bu.

³⁴ Afa sasafom n nuuri nyini n so ni, na ba nmati ako abo ndoori mie kunnu, ni aheme aheme kere su. ³⁵ Na minem aba na bu ba nie sa n bo wo yo ni, na ba ba Yesu do, anu sono n bo ajinim n yo woori i nu n ka i tana Yesu bi wura tanlee, ni i nyunu koroya su. Do na sere ati bu. ³⁶ Na minem n bo bu nuuri sa n yoobiri ni, akan jore n kere akere jama

n kabo i ba yoori na sɔnɔ n bo ajinim yo woori i ɲu n anya laifɛ ni. ³⁷ Na minem kɛrɛ bo bu fite nyini awɔrɛ n nu n asere Yesu jande ka, i yasu bu awɔrɛ n nu bɛrɛ, dama sɛrɛ ati bu agaya. Na Yesu ayasu awura lee nu ka i kɔ.

³⁸ Dɔ na sɔnɔ n bo ajinim afite ayaki i n asere Yesu ka, i ma i su i su. Ama, Yesu asoro má i su, na wɔ se i ka, ³⁹ “Kpie u nyi kɔ awuru, na a kɔ kan kere minem fa kɔ sakpa n bo Nyɛmɛ ayo ama u n su.” Na sɔnɔ n akpie i nyi akɔ akan akere miɛ n nufɔm kɛrɛ fa kɔ sakpa n kɛrɛ bo Yesu ayo ama i ni.

Bara tukpakifo be, ni baabara be yiwee jɔrɛ

⁴⁰ Saɲga bo Yesu kpieeri i nyi kɔ juuri kunma kpiri n buekun dɔ ni, i kɔ ɲu ka jama n atien bu nɔɔ sunminda i wɔ, na ba yo i anɛ ni ba. ⁴¹ Dɔ na sɔnɔ be aba Yesu dɔ, yiri ti kpien bo i niɛ bu tientienbunɔɔ sɔɔ n su a, bu fere i ka Yarusi. Na wɔ ba akutu asienɲu Yesu jaa bu asere i ka, jande i bra i dika, ⁴² dama i wa baabara kun n kpein bo i la i n suwu, i la afɔ buru ni nnyɔ ɔ.

Yesu wo kɔ su n na jama n amiɛ i ɲu agaya. ⁴³ Bara be woori jama n nu, i bita abiɛeri i afɔ buru ni nnyɔ lɛɛ, bo i kpu na i kpie má, ama, be akoro atuntun má i na i nya laifɛ. ⁴⁴ Na wɔ sakati awura jama n nu Yesu sin, afa i saa akan Yesu tanlɛɛ n jaa bu ni, kpenɲa na abiɛeri n ajina. ⁴⁵ Na Yesu abisa ka, “Nɲma fa i saa kaanri m a?” Na sɔnɔ kɛrɛ ase ka ba si má, na Petoro ase i ka, “Ya Mɔfɔ, wɔrɔ mmɔɔ ɲu kabo jama n abara aye na bu miɛ u ɲu barasu.” ⁴⁶ Ama, na Yesu ase ka, “Sɔnɔ be afa i saa akan m, dama ma fa nu ka m yiko n be afite m ɲunɛ nu akɔ ayo juma.” ⁴⁷ Na bara n aɲu ka i koro fiɛ má i ɲu, na wɔ ba ajina Yesu nyunu, i ɲunɛ kɛrɛ subobo i. Na wɔ kutu haari Yesu jaa bu akan jɔrɛ n akere i, jama n kɛrɛ nyunu, kabo i ba yoori na i kaba nyaari laifɛ ni. ⁴⁸ Na Yesu ase i ka, “M wa, yarada n bo ayo m ni, yiri ma a nya laifɛ a. Kɔ awuru ni ahoreda.”

⁴⁹ Saɲga n bo Yesu toko wo jɔɔ su ni, na sɔnɔ be afite tientienbunɔɔ sɔɔ n kpien n dika aba ase i ka, “U wa n wo má bɛrɛ. Nyini ti, má a dama ya Kerefɔ n kun.” ⁵⁰ Ama, na Yesu ati jɔrɛ n na wɔ se baa n si n ka, “Má a ma sɛrɛ ti u, wɔrɔ yo m yarada, i nyá laifɛ.” ⁵¹ Bu kɔ juuri kpien n dika n nu ni, wɔ soro má su, na be wura buka i su, má ka Petoro, ni Yakobo, ni i niɛma Yohane, ni baa n si, ni i ni. ⁵² Minem kɛrɛ bo bu woori dɔ n wo awie bo su wɔ, na bu sukoko. Nyini dɛɛ ti, na Yesu ase ka, “Má am sun, wɔ wu má, wɔ daafi wɔ.” ⁵³ Na ba siri i, dama bu si ka wɔ wu wɔ. ⁵⁴ Ama, na Yesu akɔ atara i saa, na wɔ tien kpa ase i ka, “M wa, yasu jina.” ⁵⁵ Na wɔ nya ɲɔɔ bekun, na wɔ kaba ayasu

ajina, na Yesu ase ka bu ma baa n deke be na i di. ⁵⁶ Na baa n si, ni i ni ayo alekutura akò asin su, ama, na Yesu abòbò bu ni nahòrè su ka, má bu ma be si sa n bo wò yo ni.

9

Kabo Yesu sunmaari i susufò buru ni nnyòm ni

¹ Na Yesu afere i susufò buru ni nnyòm ni, na wò tien bu nòò, na wò ma bu yiko ka bu kò sufòn yi ajini barasu barasum kéré fite minem ñu, na bu ma tukpakifòm nya laifíe. ² Dò na wò sunma bu ka bu kò kan Nyemé jòrè fa kò kabo Nyemé bá nié i minem su ni, na bu tuntun tukpakifòm na bu nya laifíe, ³ na wò se bu ka, “Má am fa puitiripui kò ahin atin n bo m susunma am ni, kpama o, kuruku o, diire o, ñwaa o. Má am fa tanléè be mmòò buka bo am wura i n su. ⁴ Am kò juuri mié be su, na awuru kéré bo am kò wuraari nu, am ka nyini awuru n nu haari am bá fite mié n nu. ⁵ Sasu bekun, mié bo am kò wuraari nu, na ba de má am wòfò, am fite yaki nyini mié ni, na am kpònkpòn yi am jaa tuturi kéré. Nyini dí daani kere bu ka bu woowa ti má kpa.” ⁶ Na i jaramasam n akò ajengbe abara aye mié miém su akan labari kpa n jòrè akere minem deke n kéré bo bu kòori ni, na ba tuntun tukpakifòm na ba nya laifíe.

Kabo Feme Herode birisi fa kòori Yesu sayoowam su ni

⁷ Na Feme Herode ati sa n kéré bo Yesu ayo i ni, na wò birisi, dama miné nbem ña Yohane Nyemé Nzue Biéfò n ye wò tenge i yiwee n nu a, ⁸ ye nbem ña Nyemé nòanié kanfò Eliya ye wò yi i ñu afite fofoe nu, na nbem gusu ase ka dawa dèè Nyemé nòanié kanfò nyinga n be ye wò kaaki atenge aba a. ⁹ Na Feme Herode ase ka, “M ma ba kpié Yohane tii e, ye ñma la ahin sòò n bo m ti i sayoowam ñga sò n a?” Na wò boro i nyi ka i ñu Yesu.

Kabo Yesu maari nbiesòm akpii nnu ni bu minem diire ni

¹⁰ Sanga bo Yesu jaramasam n kpieeri bu nyi baari i dò ni, na ba kan sam kéré bo ba yo i n akere i. Na wò fa bu na ba kò awo mié be su awòrè be nu bèrè ñgumi. Bu fere mié n ka Besayida. ¹¹ Jama n tiiri Yesu ñga sò ni, na ba sa i su akò dò. Na wò de bu, na wò kan Nyemé jòrè fa kò kabo Nyemé bá nié i minem su barasu. Na wò tuntun tukpakifòm, na ba nya laifíe.

¹² Sanga bo wié ba sukò tó ni, na i jaramasam n aba i dò aba ase i ka, “Ma minem n atin na bu kò mié kunnu ni ahémé ahémé miém su na bu kò nieníe diire di na bu nya daabiri da, dama deke bo ya wo ni, ya wo boro wò léè.”

¹³ Ama, na Yesu ase bu ka, “Amberé mmòò ni am tii nya

deke be ma bu na bu di.” Na ba se i ka, “Deke bo ya la i kere la kpono nnu wo, ni jombaa nnyo, i ju ma. A koro ka ya ko to diire ba ma ahin jama n kere wo, nzen se a?” ¹⁴ Deke bo i ti na bu seeri so n la ka, nbiesom ko yasuuri mine akpii nnu wo. Na Yesu ase i susufom n ka, “Am ma bu tana asese asese aburunu nnu na bu di.” ¹⁵ I susufom ni maari bu kere tanaari so wieeri ni, ¹⁶ na Yesu afa kpono nnu ni, ni jombaa nnyo ni, na wo ye i tii su angoro, na wo da Nyeme asi, na wo kpiekpie i kere n nu, na wo fa ama i susufom ni ka bu fa ma minem ni. ¹⁷ Na bu kere adi, na bu kunnu ayi. Na ba tambu kpono, ni jombaa sinsin bo bu diiri na i kaari ni, na ba nya kandie buru ni nnyo.

Kabo Petoro kereeri ka Yesu ti barasu ni

¹⁸ Ceen n be so o, Yesu wo nyemesere su i ngumi, i susufom ni wo i bi. I sereeri Nyeme wieeri n na wo bisa bu ka, “Minem fa m bu nma a?” ¹⁹ Na ba bo i nu ka, “Bu na wo ti Yohane Nyeme Nzue Biefo n a, nbem na wo ti Nyeme noanie kanfo Eliya, ye nbem gusu na wo ti dawa dee Nyeme noanie kanfo nyinga n be ye wo tenge aba a.” ²⁰ Na wo nya abisa bu bekun ka, “Ye ambere fa m bu nma a?” Na Petoro abo i nu ka, “Wo ti Kristo n a, Tiidefo n bo Nyeme ase ka i sunma i ni.”

Kabo Yesu jajo fa koori i yiwee n su ni

²¹ Na Yesu abobo bu ka, ma bu se ka bu se be jore n bo Petoro ajajo i ni, ²² i na, “Wo yo daka ka mini Adamande Wa n di wahara dongu, na Yudafom nkpienkpienm, ni Nyeme sayoowa donguyofa nkpienkpienm, ni Nyeme noanie kerefom kere ba kete m nu, na bu kun m. Ama, na i lesan ceen, na Nyeme ma m tenge m yiwee n nu.”

Kabo Yesu jajo fa koori kabo minem su i su ni

²³ Na wo se bere kere pepere ka, “Sono kere bo i koro ka i su m su, wo yo daka ka i mi wara fi i tienju sa koroowa sa, na i fa i yiwee baka jaanu n so, na i su m su ceen kere ceen. ²⁴ Dama sono kere bo i koro ka i fa i ngoo fie, i mi ba fun i. Ama, sono kere bo i toori i ngoo mini dee ti, i mi nya ngoo. ²⁵ Nzen sono nyaari durunya n nu deke n kere na i fuunri i ngoo na i kaari ngbeen, i kpere la bono? ²⁶ Sono kere bo nyinse ti i fa ko mini ni m noanie n su, so ye nyinse ti mini Adamande Wa n gusu fa ko bu su a, sangba bo m ba ni m jirima woowa n nu, ni m Si Nyeme dee jirima woowa ni, ni i mereke casim ni. ²⁷ Nahore ye m suse am n a, am nbem wo nu fen bo am wu ma, ma ka am aba anu ka Nyeme femeya n aba.”

Kabo Yesu nuni kaakiiri wo barasu ni

28 Yesu jɔjɔri nyinim kere wieeri sɔ ni, fa kɔ i lemɔcue cɛɛn, na wɔ fa Petoro ni Yohane ni Yakobo na ba fun ako buka be su ka bu kɔ sere Nyɛmɛ. 29 I wo nyɛmɛsere n su ni, na i nyunuawa akaaki wo, na i tanlɛɛ n akaaki fofoe papasi. 30 Dɔ na minɛm nnyɔ nbem atɛ bu ɲu, bu ni Yesu subo anzama. Bɛrɛ la Moyisi ni Eliya, dawa dɛɛ Nyɛmɛ nɔɔniɛ kanfɔm ni. 31 Na bɛrɛ gusu ata fofoe papasi, na bu sujɔjɔ i dɔ fa kɔ kabo i saɲga bá ju bo i kó Yerusalem miɛ kpiri n nu ni, na i yoori sɔ na Nyɛmɛ koroowa n yó yiiwa. 32 Nyini saɲga, Petoro ni i bɛɲgum wo daafiri su, bu ba tengeeri n na ba ɲu kabo Yesu woowa n akaaki barasu, i ni mine nnyɔm ni jina. 33 Saɲga bo minɛm n ba sukɔ yaki Yesu ni, na Petoro ase i ka, “Ya Mɔfɔ, i ti kpa ka ya wo fɛn. Ma ya bo nambue nsan, u dɛɛ kun, Moyisi dɛɛ kun, na Eliya gusu dɛɛ kun.” I jɔjɔ ɔ, wɔ si má kabo i seeri ni. 34 I toko wo jɔjɔri su n na yinyiɲgu akata bu ɲu liim, na sere ati i susufɔm ni, saɲga bo yinyiɲgu n sukata bu ɲu ni. 35 Na ba ti akonvi be ɲga yinyiɲgu n nu, i ɲa, “M wa lɛɛ, yiri ye ma yi i a. Am de i nɔɔniɛ.” 36 Bu tiiri jɔjɔowa n sɔ ni, bu ɲu ka Yesu ɲgumi jina a. Nyini saɲga ni, i susufɔm n abo má su akan akere má be fa kɔ sam n bo bu ɲuuri i n su.

Kabo Yesu fɔn yiiri ajini fiteeri baa be ɲu ni

37 Na i alecin, na Yesu ni i susufɔ nsanm ni sujura buka n su ni, na jama beberebe akpa i atin. 38 Dɔ na sɔnɔ be awo jama n nu atien ase ka, “Ya Kerefɔ, m sere u wɔ, si m wa baabiesɔ n aɲunfɔ, m wa kere lɛɛ. 39 Niɛ, ajini wo i ɲu, saɲga kere bo i ba ɲa i yasu i ɲu, i kaba bo awie kungerekun wɔ, na i fa i bo asiɲgu, na i nanzue sufite fufuku, i bita i kere i wahara sɔ ɔ saɲga kere, i koro má ka i fite yaki i. 40 Ma sere u susufɔm ni lɛɛ ka bu fɔn yi ajini ni, ama, ba kura má nu.” 41 Na Yesu ase ka, “Amaa. Amberɛ nyumafo satieyofɔm, am la má yarada fieo. Nyuma sa ye m wo am dɔ fɛn a? Ye m yó sawɔrɛ ni amberɛ kɔ ju sɛ wɔ?” Dɔ na wɔ se baa n si ka, “Fa baa n bra fɛn.” 42 Saɲga bo baa ni suba Yesu dɔ ni, na ajini n abo i aji asiɲgu, na wɔ da sukpisi. Na Yesu atien ajini n ɲu na baa n anya laifɛ, na wɔ kaaki afa i ama i si. 43 Na minɛm kere amiɛ fa kɔ yiko bambaka bo Nyɛmɛ la i ni.

Kabo Yesu jɔjɔ fa kɔɔri i yiwee n su bekun ni

Sam n kere bo Yesu woori bu yo su n dɛɛ ti, nyini ma mine kere yoori alekutura n a. Dɔ na wɔ se i susufɔm ka, 44 “Amberɛ, am so am sui na am ti deke bo m koro ka m se am ni. Bu bá tɔ mini Adamande Wa n ma mine nbem.” 45 Ama, i jɔjɔri sɔ ni, i susufɔm n ati má i bu. Nyɛmɛ ayi

má i nyi akere má bu, nyini ti ye ba koro ati má i bu. Ama, sere dɛɛ ti, ba koro abisa má i fa kɔ nyini jɔrɛ n su.

Kabo Yesu kereeri sɔnɔ bo i tara bu kere ni

⁴⁶ Na i susufɔm n ase akuruwa bu nɔnɔ nu fa kɔ sɔnɔ bo i tara bu kere ni. ⁴⁷ Yesu siiri bu sunsunni bo bu bita i n dɛɛ ti, na wɔ fa baa kaan be ajina bu afien i bi, ⁴⁸ na wɔ se bu ka, “Wɔrɔ kere bo a deeri ahin baakan n nɔsu m dɛɛ ti, a deeri mini wɔ lɛɛ. Bekun, wɔrɔ kere gusu bo a nya deeri mini, a deeri m si bo wɔ sunma m wɔ lɛɛ. Dama bo am sunsun ka i ti kaan am kere nu ni, yiri ti kpiri tara am kere a.”

⁴⁹ Dɔ na Yohane ase i ka, “Ya Mɔfɔ, ya nɔuri ka sɔnɔ be afa u duma sufa fɔn yi ajinim fite minem nɔ, ye ya nɔ ya yáki má i, dama i wo má ya nu n dɛɛ ti.” ⁵⁰ Na Yesu ase ka, “Má am se ka am kanda i, dama sɔnɔ kere bo i fite má am sin, i mi jina am sin wɔ lɛɛ.”

Kabo Samariyafɔm keteeri ka bu de má Yesu ni

⁵¹ Saɔga n ba dodoori bo Nyeme má Yesu fun kɔ aɔgoro ni, na wɔ bu i tii nu ka i ti ye ni ka i kɔ Yerusalem mie kpiri n nu. ⁵² Na wɔ sunma sunmafɔm Samariya aheme mie be su ka bu kɔ suyo deke kere siriya nɔminda i. ⁵³ Ama, na Samariyafɔm n akete ka bu de má i, dama ka i susin kɔ Yerusalem n dɛɛ ti. ⁵⁴ Yakobo ni Yohane nɔuri nyini n sɔ ni, na ba se ka, “Ya Mibiɛ, a koro ka ya ma sin fite aɔgoro ba di bu, nzen se a?” ⁵⁵ Na Yesu ace anie, na wɔ jaraki bu. ⁵⁶ Dɔ na Yesu ni i susufɔm n asin akɔ mie nyinga be su.

Minem bo bu koro ka bu su Yesu su n jɔrɛ

⁵⁷ Saɔga bo Yesu ni i susufɔm n wɔ kɔ su ni, na sɔnɔ be aba ase Yesu ka, “Deke kere bo a kɔ, m sú u su wɔ.” ⁵⁸ Na Yesu ase i ka, “Naakum la kunmam, na anumam gusu la tieɛrim, ama, mini Adamande Wa n yiri, m la má m tii daabiri.”

⁵⁹ Na wɔ se sɔnɔ nyinga be ka, “Su m su.” Ama, na sɔnɔ n ase i ka, “M Mibiɛ, ma m du mɔ kɔ yo m si sutura ka, na m nyá ba su u su.” ⁶⁰ Na Yesu ase i ka, “Yaki bo ba wu ni, na bu se bu benɔ, wɔrɔ kɔ na a kɔ kan Nyeme jɔrɛ fa kɔ kabo Nyeme Feme bá nie i minem su ni.”

⁶¹ Na sɔnɔ nyinga be bekun ase Yesu ka, “M Mibiɛ, m bá su u su, ama, ma m kɔ kaari m dikafɔm ka, na m bá.” ⁶² Na Yesu ase i ka, “Sɔnɔ kere bo i ti ka toora dɔdɔɔrifɔ na i wo dɔ su, na i kaaki nie i sin, i ti má ye ni ka Nyeme yo i mi feme.”

10

Kabo Yesu sunmaari i susufɔ aburaso ni nnyɔm ni

¹ Nyini sin na Mibiε Yesu n ayi i susufɔ aburaso ni nnyɔ nyinga nbem, na wɔ sunma bu nnyɔ nnyɔ ka bu du mɔ kɔ miε miεm kere bo yiri ni i tii ase ka i bá kɔ su ni. ² Na wɔ se bu ka, “Fiesu diire n sunnu, ama, bo bu kɔ i tambu n sunnu má. Nyini ti, am sere Mibiε n bo i dεε la fie n ka i sunma jumayofɔm na bu kɔ i tambu. ³ Ama, am ti fεn. Am kɔ. M susunma am wɔ lεε, kabo nbɔmbaam kɔ sanɔa bedim nu barasu ni. ⁴ Má am se ka am fa ŋwaa, wara kuruku, wara gbagbaa, má am se ka am jina atin nu yo be mmɔɔ anse. ⁵ Awuru kere bo am kɔ wuraari nu, am du mɔ se ka, ‘Nyeme ma am tanalaifie.’ ⁶ Nzen tanalaifiefɔ wo nyini awuru n nu, am ma am tanalaifie n ka i mi n dɔ, ama, nzen wɔ ti má sɔ, Nyeme dé tanalaifie ni i mi n dɔ. ⁷ Awuru bo am kɔ wuraari nu na bu deeri am wɔfɔ, am ka nyini awuru n nu, na am di na am nu deke kere bo bu fa ma am, dama i ti ye ni ka jumayofɔ nya i juma ni ŋkatɔ. Má am nati awuru kere nu. ⁸ Am kɔ juuri miε be su na bu deeri am wɔfɔ, am di deke kere bo bu fa ma am. ⁹ Am tuntun tukpakifɔm bo bu wo dɔ n na bu nya laifie, na am se bu ka, ‘Sanɔa bo Nyeme Feme bá niε i minem su n adodo am lεε.’ ¹⁰ Ama, nzen am kɔ juuri miε be su na ba de má am wɔfɔ, am fite kɔ atingbere n su, na am se bu ka, ¹¹ ‘Haari am miε n tuturi mmɔɔ mata má ya jaa, ya kpɔnkpɔn yi i wɔ, nyini di daani kere ka am woowa ti má kpa. Ama, i ti ye ni ka am si ka sanɔa bo Nyeme Feme bá niε i minem su n adodo lεε.’ ¹² Nyini ti, m suse am wɔ lεε, ka, jina cεen, nyini miε n nufɔm, Nyeme cín bu sui tara Sodom miε kpiri n nu satieyofɔm.”

¹³ Na Yesu akaaki ase ka, “Tɔ, amberε Korazinfɔm, am bá ŋu anyumboro. Amberε Besayidafɔm gusu, am bá ŋu anyumboro. Alekutura sam bo m yo maari am ni, má nzen m yoori bu Tiro, ni Sidon miε kpirim n nu, má minem n akaaki bu wo dada kere na bu fa pirim bɔtɔ, ni nzuin yo bu yoowa n bo i kere ka bu ahore asaaki, bu satie yoowa n dεε ti ni. ¹⁴ Ama, amberε, Nyeme bá cin am sui tara Tiro ni Sidon dεε satieyofɔm. ¹⁵ Amberε Kapenamfɔm gusu, am sunsun ka Nyeme bá ye am su kɔ angoro wɔ, nzen se? Ai. I bá yo am kaan wɔ, na i fá am cɔondi kɔ Yiweefɔm Woobiri.”

¹⁶ Na Yesu ase i susufɔm ka, “Sɔnɔ kere bo i de am nɔanie, i mi de m dεε nɔanie wɔ lεε, na sɔnɔ kere bo i kete am nɔanie, i mi kete m dεε nɔanie wɔ lεε, na sɔnɔ kere bo i kete m dεε nɔanie, i mi kete yiri n bo i sunmaari m wɔ lεε.” I jɔjɔ wieeri, na ba kɔ.

¹⁷ Sanɔa bo i susufɔ aburaso ni nnyɔm ni kpieeri bu nyi baari Yesu dɔ ni, na bu ahore ajo agaya, na ba se i ka, “Ya Mibiε, haari ajinim mmɔɔ de ya nɔanie wɔ, nzen ya nya

atien bu ɲu u dɛɛ duma n nu.” ¹⁸ Na Yesu ase bu ka, “M ɲuuri Sitana ka wɔ fite aɲgoro ato, kabo nzue kpɛɛ na i ti barasu n wɔ.” ¹⁹ Na Yesu ase ka, “Am ti fen. Ma ma am yiko adena am tientien woom ni bundaanim ɲu, na am kunma yiri kpɔfɔ n faɲga kɛɛ na pui yɔ má am. ²⁰ Haari ni nyini kɛɛ ni, má am ma am ahore jɔ ka ajinim de am nɔanie ɲgumi n dɛɛ ti, ama, am ma am ahore jɔ ka ba kɛɛ am duma ase Nyɛmɛ dika.”

²¹ Nyini saɲga n na Awiewie Casi n ama Yesu ahorejɔ ako sin su, na wɔ sere Nyɛmɛ ase ka, “M Si Nyɛmɛ, wɔwɔ ti aɲgoro ni asiɲgu kɛɛ Mibiɛ a. M da u asi ka a fa nyini dekem bo alecirafɔm ni sifɔm si má i ni, ayi akere bo bu ti ka nbaatam ni. M Si, i ti nahore wɔ, kabo a koroori ka i yo lɛɛ.” ²² Yesu sereeri Nyɛmɛ n wieeri ni, na wɔ se ka, “M Si afa deke kɛɛ awura m saa nu. Be si má Nyɛmɛ Wa ni, má ka i Si Nyɛmɛ ni si i a, na be gusu si má i Si ni, má ka Baa ni si i a, ni minem bo Baa n koro ka i yi i kere bu ni, bere si i a.”

²³ Dɔ na Yesu ace anie i susufɔm ni, na wɔ jɔjɔ bere ɲgumi dɔ, i ɲa, “Ambere la terefie ka am aɲu dekem bo am ɲu bu ni. ²⁴ M suse am wɔ lɛɛ, ka, Nyɛmɛ nɔanie kanfɔm ni nfemem beberebe koroori ka bu ɲu deke n bo am ɲu i ni, ama, ba ɲu má i, na ba koro ka bu ti deke n bo am ti i ni, ama, ba ti má i.”

Miɛenu fa kɔ Samariya sɔnɔ aɲunfɔ sifɔ be

²⁵ Na Nyɛmɛ nɔanie kerefɔ be aba Yesu dɔ ka i ba sɔ i ɲɛɛɛ. Na wɔ bisa Yesu ka, “Ya Kerefɔ, ye m yo sɛ wɔ, ye m nyá ɲɔɔ n bo i la má awieeri n a?” ²⁶ Na Yesu abɔ i nu ka, “Ba kɛɛ i sɛ wɔ, Nyɛmɛ Jɔɛ Kadasi n nu a? A ti i bu sɛ wɔ?” ²⁷ Na sɔnɔ n abɔ Yesu nu ka, “Ba kɛɛ ka, ‘Koro Miceɛa u Nyɛmɛ ni, ni u ahorembaa kun, ni u awiewie, ni u faɲga, ni u sunsunni kɛɛ, na a koro u beɲgu kabo a koro u ɲu ni.’ ” ²⁸ Na Yesu ase i ka, “A kan nahore wɔ, yo sɔ na a nyá ɲɔɔ.”

²⁹ Ama, na Nyɛmɛ nɔanie kerefɔ n akoro ka i yo i ɲu ka i ti sɔnɔ bo i yo sa bo i kɔ atin su Nyɛmɛ dɔ ɔ, nyini ti, na wɔ bisa Yesu ka, “M beɲgu la ɲma a?” ³⁰ Na Yesu abɔ i nu ka, “Sɔnɔ be yo woori bere a, na wɔ yasu Yerusalem ka i kɔ mie kpiri be su, bu fere dɔ ka Yeriko, na atin bujaanufɔm ako atara i ade i neɲge kɛɛ, na ba bo i ako ayaki i ɲɔɔ n kaan sɔ ɔ. ³¹ I ba yoori ka Nyɛmɛ sayoowa dɔɲguyofɔ kpien be su nyini atin n su, ama, saɲga bo i kɔ ɲuuri sɔnɔ n bo atin bujaanufɔm abo i ni, na wɔ san asin ayaki i. ³² I tiiri sɔ bekun, na Levi busu nufɔ be susin bere, na wɔ ɲu i, na i gusu asan asin. ³³ Ama, na Samariyafo be gusu ba bita nyini

atin ni, na wɔ ba aɲu sɔnɔ ni, i ɲuuri i sɔ ni, na aɲunfɔ ati i. ³⁴ Na wɔ kɔ sɔnɔ n bi, na wɔ fa ɲguin ni nzan afa aɲmisi kambuem ni, na wɔ cici i, na wɔ fa sɔnɔ n na wɔ ma wɔ tana i kaako su, na wɔ fa i akɔ wɔfɔm deebiri, na wɔ kɔ anie i dika. ³⁵ Alecin na wɔ yi ɲwaa be ama sɔnɔ bo i nie awuru n su ni. Na wɔ se i ka, 'De na a nie i dika ma m, na m ba kpieeri m nyi baari, m tɔ deke kere bo a saaki i afa anie i dika ni.' ³⁶ Tɔ, u sunsunni nu, nyini mine nsanm n nu, bɔnɔ kere ka i ti sɔnɔ n beɲgu a?" ³⁷ Na Nyeme nɔanie kerefo n abɔ i nu ka, "Sɔnɔ n bo i siiri i aɲunfɔ ni." Na Yesu ase i ka, "Kɔ na a kɔ yo sɔ."

Yesu ni Marata ni Mariya jɔre

³⁸ Saɲga bo Yesu ni i susufɔm n wo kɔ su ni, na ba kɔ aju mie be su, bara be woori dɔ, bu fere i ka Marata, na wɔ de Yesu wɔfɔ i dika. ³⁹ Marata la i niema be, bu fere i ka Mariya, na wɔ tana Yesu bi, na i suti kabo Yesu kere barasu ni. ⁴⁰ Ama, na wɔ yo Marata ahoresaaki kabo yiri ɲgumi wo juma yo su ni, nyini ti, na wɔ ba ase Yesu ka, "M Mibie, u cece wo má nu ka m niema n ayaki juma n kere aji mini ɲgumi saa su, nzen se? Se i ka i ba buka m." ⁴¹ Na Mibie n abɔ i nu ka, "M danfo Marata, a fa juma beberebe ata u ɲu nyi, ye a suwaraki a, ⁴² ama, deke kun n kpein be akpie u su a. Mariya yiri, deke bo i ti kpa tara i kere ye wɔ yi i n a, na be wo má bere bo i koro de i dɔ."

11

Kabo Yesu kereeri ya nyemesere atin barasu ni

¹ Cɛen n be sɔ ɔ, na Yesu wo nyemesere su awɔre be nu. I ba sere wieeri ni, na i susufɔm ni kun ase i ka, "Ya Mibie, kere ya nyemesere atin, kabo Yohane kereeri i dɛɛ susufɔm ni." ² Na Yesu ase bu ka, "Saɲga bo am ba susere Nyeme, am se ka o,
'Ya Si Nyeme,

ma minem bu u duma casi ni.
Ma u femeya n bra.

³ Ma ya nɔɔ nu diire cɛen n kere cɛen.

⁴ Fa ya satie ce ya,
dama yere gusu fa ce bo bu do ya ɲgasi n wɔ.
Má a ma deke be yo ya na ya wura satie nu.' "

⁵ Na Yesu ase ka, "Ma m fa i ka, nzen am nu kun kɔori i danfo dika kɔɲgue jinanjin, na i kɔ se i ka, 'M danfo, fie m kɔnɔ nsan. ⁶ M danfo atin natiirifo be aba m dika jina n nu bere leɛ, m gusu la má diire bo m fá ma i.' ⁷ Na yiri n bo i wo sɔɔ n ase ka, 'Má a mie m. Ma tu aɔ awie, na m nbaam da a. M koro yasu má na m má u pui.' ⁸ Tɔ, m suse

am wɔ ɔɛɛ, ka, má ka am ti danfoya n dɛɛ ti ye i yásu na i ma u kɔnɔ n a, ama, i bá yasu na i ma u deke kɛɛ bo a koro, dama ka a fie ni sere n dɛɛ ti.

⁹ Nyini ti, m suse am wɔ ɔɛɛ, ka, am sere deke bo am koro i Nyɛmɛ dɔ, na i má am. Am niɛniɛ deke bo am koro i dɔ, na am nǔ i. Am bobo anɔ ni, na i téke i ma am. ¹⁰ Dama sɔnɔ kɛɛ bo i sere deke be Nyɛmɛ dɔ, i má i, na sɔnɔ kɛɛ bo i niɛniɛ deke be, i nǔ i wɔ, na sɔnɔ kɛɛ bo i bobo anɔ ni, i téke i ma i. ¹¹ Amɛɛɛ bo am ti nbaasim ni, nma ye i wa sere i jombaa ye i mi kéte na i fá woo ma i wa n a? Ai, be yo má sɔ. ¹² Wara, amɛɛɛ nu nma ye i wa sere i karafɔ ye i kéte na i fá bundaani ma i wa n a? Ai, be yo má sɔ. ¹³ Tɔ, amɛɛɛ, haari ni bo am ti satieyofɔm ni, am si aceeri kɔm bo am fa ce am nbaam, nzu ti ye nzen am sereeri am Si Nyɛmɛ bo i wo angoro ni, i koro ma má am Awiewie Casi n a?"

Kabo minem na Yesu ni Sitana dɛɛ ti kun ni

¹⁴ Sangá be na Yesu afɔn ayi ajini afite sɔnɔ be nɔ, wɔ yo i bobo. Ajini n fite yakiiri sɔnɔ n sɔ ni, na wɔ koro ajojo. Na jama n ayo alekutura. ¹⁵ Ama, na mine nbem ase ka, "Belazebuli bo i ti ajinim kɛɛ dɛɛ femɛ n na bu kaaki fere i ka Sitana ni, yiri ma ahin sɔnɔ n yiko ye i koro fɔn yi ajinim a." ¹⁶ Na nbem gusu akoro ka bu sɔ i nɔɔɔ. Nyini ti, na ba se i ka i yo alekutura sa be bo i kere ka i yiko n fite Nyɛmɛ dɔ. ¹⁷ Ama, Yesu siiri bu sunsunni n sɔ ni, na wɔ se bu ka, "Femɛya kɛɛ bo i nya kpakpaakiiri nu wieeri, nyini femɛya ni ká nɔɔɔ wɔ. Awuru gusu kɛɛ bo i kpakpaakiiri nu wieeri, nyini awuru ni sánde wɔ. ¹⁸ Na nzen Sitana dɛɛ femɛya n nya kpaakiiri nu wieeri, i kóro jina a? Ai, i kóro jina má. Deke bo i ti na m se sɔ n la ka, am na Belazebuli ma m yiko ye m koro fa fɔn yi ajinim a. ¹⁹ Tɔ, ye nzen am na Belazebuli maari m yiko, ye m fa fɔn yi ajinim a, ye nma maari am dɛɛ minem ni yiko ye bu bita fɔn yi bu n a? Nyini ti, kabo am minem yoori ni, nyini kere ka am la má nahɔɔɔ. ²⁰ Ama, Nyɛmɛ dɛɛ yiko nu ye mini fɔn yi ajinim a. Nyini n kere ka, Nyɛmɛ wo am nu sunie i minem su ɔɛɛ.

²¹ Nzen sɔnɔ fanɔfɔ nya faari i biɛsɔya nɛnɛ kɛɛ jina nɔmindaari i dika, pui koro yo má i awuru n nu nɛnɛ be. ²² Ama, nzen sɔnɔ nyinɔɔ nya taraari i fanɔɔ, i koro tu nɔɔni ni yiri na i kunma i fanɔɔ, na i de i biɛsɔya nɛnɛ n bo i daafi i nɔ ni, na i fin i nɛnɛ kɛɛ kɔ na i ni i benɔm kɔ kpaaki nu.

²³ Sɔnɔ kɛɛ bo i jina má m sin, i mi ti m kɔfɔ. Na sɔnɔ kɛɛ gusu bo i buka má m na ya tien minem nɔɔ, i mi sandi minem wɔ.

²⁴ Nzen ajini nya fite yakiiri sɔnɔ, i kɔ jengbe bara ye boro kpantain nu wɔ, deke bo nzue wo má, na i kɔ nienie woobiri bo i tana yi i ɲumi. Nzen wɔ nya má woobiri, nyini saŋga, a ti ka i ɲa, ‘Ma m kpie m nyi kɔ m woobiri dawa ni.’ ²⁵ Na i kaaki kɔ, i kɔ ɲu ka ba kpara dika n nyunyumi, asese deke kere su. ²⁶ Na i nyá kɔ fa ajinim nso, bo bu ti tie tara yiri ni i tii, na bu kere bá wura woobiri dawa n nu. Nyini saŋga, a ɲu ka sɔnɔ n woowa ayo tie atara kabo i yo ti dawa ni.”

²⁷ Saŋga bo Yesu seeri sɔ wieeri ni, bara be wo jama n nu, na wɔ se Yesu ka, “Terefie wo bara n bo i wuuri u na i maari u nyufini n dɔ.” ²⁸ Ama, na Yesu ase i ka, “Terefie wo minem bo bu ti Nyeme nɔanie n na bu de i ni dɔ a.”

Kabo Yesu keteeri ka i yo má alekutura sa bo bu koro i ni

²⁹ Saŋga bo minem sutien bu nɔɔ bara ye Yesu sɔ ni, na wɔ se bu ka, “Amberɛ nyumafɔm ti satieyofɔm wɔ. Am koro ka m yo alekutura sa na am ɲu i wɔ, ama, m yó má i, má ka alekutura sa n bo Nyeme yo yoori i maari i nɔanie kanfɔ Jona ni ɲgumi. ³⁰ I ti sɔ lee, kabo sa n bo i yo tuuri Jona n kereeri Ninevafɔm ka Nyeme sunmaari i ni, sɔ ye sa n bo i bá tu mini Adamande Wa n gusu kere amberɛ nyumafɔm ka Nyeme asunma m a. ³¹ Feme bara be yo fiteeri haari i bɔsu Seba wɔ, na i ba ti Feme Solomon deɛ ɲɔnle jojɔwa nɔanie ni. Jina cɛen, yiri bá yasu jina na i járaiki amberɛ nyumafɔm nahɔre su, dama kisa, m suse am wɔ ka, mini tara Feme Solomon, ama, am ade má m nɔanie ni. ³² Jona yo kaanri Nyeme jɔre kereeri Ninevafɔm na ba kaaki bu wo. Jina cɛen, bere bá yasu jina na bu járaiki amberɛ nyumafɔm, dama kisa, m suse am wɔ ka, mini tara Jona, ama, am akete ka am kaaki má am wo.”

Kabo Yesu kereeri anyumbaa kpa jɔre ni

³³ Na Yesu akaaki ase ka, “Sɔnɔ koro so má fitana su na i fa se fieewa nu, wara i fa gaŋga butu su. Ama, i fa taka deke su aŋgoro wɔ, adena minem bo bu ba wura awuru n nu n koro ɲu asi. ³⁴ Ya nyumbaa ni ti ka fitana ma ya ɲuniembaa n a. Nzen u nyumbaa nya ti kpa, u ɲuniembaa n kere ta wein n wɔ lee. Ama, nzen i nya ti má kpa, u ɲuniembaa n kere wo awosin nu wɔ lee. ³⁵ Nyini ti, si u ɲu sa na má a se ka wein wo u dɔ, ama, i ti awosin wɔ. ³⁶ Nzen u ɲuniembaa n kere woori wein nu, na awosin be awo má nu, i tá a papasi, kabo fitana sin ta wura u ni.”

Kabo Yesu ɲa Yudafɔm tereterefɔm nbem bá ɲu anyum-boro ni

³⁷ Saŋga bo Yesu jojo wieeri sɔ ni, na Farasifo be asere i ka i bra na bu di diire i dika, na Yesu akɔ awura ka i di diire

ni. ³⁸ Na Farasifo n abirisi kabo Yesu anmisi má i ñu ka, ye i sudi diire ni. ³⁹ Na Mibiε n ase i ka, “Amberε Farasifom, am ñmisi am kōpu ni am taale sin wō, ama, am kunnu ayi ni anyii sayoowam, ni sunsunni tiem wō. ⁴⁰ Amberε sinnzinm ni, sonō kere si ka Nyeme yoori deke kere kunnu ni i sin a. ⁴¹ Má nzen am fa deke bo i wo am kōpu ni am taale kunnu ma yaarifom, má deke kere bo am yo i, má i yo casi ma am wō Nyeme dō.

⁴² Amberε Farasifom ni, am bá ñu anyumboro, dama am yi am jakam ma Nyeme wō, haari ni am maakunm, ni ñgetem, ni nvannvanm kere, ama, am yo má nahōre sam, na am kaaki koro má Nyeme. Wō yo daka ka am yo nyini sam sanja kere, na am fa jaka yiiwam buka su.

⁴³ Amberε Farasifom ni, am bá ñu anyumboro. Am koro ka am tana kpirikoro tanaabirim wō, am tientienbunō sōom n nu, na am koro ka minem yo am anse gōosu wō, na bu ma am jirima. ⁴⁴ Am bá ñu anyumboro. Am ti ka fañkunmam bo bu la má nyaari seewa be n wō, na minem nati su na bu si má ka fañkunma læ.”

⁴⁵ Na Nyeme ñoaniε kerefom n kun ase Yesu ka, “Ya Kerefō, nzen a seeri sō, a kpie nzuko asanja ya kere mmō læ.” ⁴⁶ Na Yesu ase i ka, “Amberε Nyeme ñoaniε kerefom ni, amberε mmō bá ñu anyumboro. Am cici sōori nōnōori sō minem wō, ama, amberε ni am tii soro má su ka am fa am saa kan i.

⁴⁷ Amberε bá ñu anyumboro. Am yo fañkunmam dōngu fa ma Nyeme ñoaniε kanfom wō, bere bo am nam yo kuunri bu ni. ⁴⁸ Nyini kere ka amberε ni am tii saa woori sa n bo am nam yo yoori i n nu læ. Bere kuunri Nyeme ñoaniε kanfom n a, na amberε ata bu fañkunmam. ⁴⁹ Nyini ti, ye Nyeme Alecirafo n seeri ka, ‘M súnma m ñoaniε kanfom, ni m jaramasam bu dō, na bu kún nbem, na bu kére nbem wuwuruwa.’ ⁵⁰ Nyini ti, Nyeme cín amberε nyumafom sui fa kō kabo am nam yo kuunri Nyeme ñoaniε kanfom, fiteeri durunya n bumboori fa ba ju haari ni kisa ni. ⁵¹ Bu yo yoori sō o, fite sanja n bo bu kuunri sonō be bo bu fere i ka Abeli n fa ba juuri sanja n bo bu kuunri sonō be bo bu fere i ka Zakariya ni. Yiri ye bu kuunri i Nyeme Sereebiri Awuru n nu, Casi Kere Casi Sōo n ni Mikun yoowa yoobiri n afien n a. Nahōre ye m suse am n a, nyini sam kere dæ ti ye Nyeme bá cin amberε nyumafom sui n a.

⁵² Amberε Nyeme ñoaniε kerefom ni, am bá ñu anyumboro. Am akere má minem Nyeme atin, kabo i ti ye ni ka am kere bu ni, na amberε ni am tii akete ka am su má i atin n su, ye am akanda bo bu koro ka bu su i su ni.”

⁵³ Saŋga bo Yesu yasuuri nyini dika n nu ni, na Nyeme noanie kerefom, ni Farasifom n afa i kpo agaya, na ba bisa i bisaawam beberebe, ⁵⁴ na ba boro bu nyi na bu so i ngee, adena i jajo wura Nyeme ngasi nu.

12

Kabo wo yo daka ka ya soro Nyeme ngumi ni

¹ Saŋga n bo nyini n kere suko su ni, na jama beberebe aba atien bu noo haari bu ko sutenant bu beŋgu nu. Na Yesu abo i bu ka i jajo, na wo du mo ase i susufom n ka, "Am si am nu sa ni Farasifom dee kpono ayiri n bo bu fa go kpono nu na i yasu ni. M suni bu dee burukoonu sayoowam wo. ² Deke be wo ma fiewa nu bo bu ba nu ma i, deke be gusu wo ma asiri nu bo bu ba si ma i. ³ Nyini ti, deke kere bo am jajori i kongue, bu ba jajo i wiesu wo. Na deke kere bo am tuuri i asuturi soro, bu ba bo i ndoori wo, na sono kere ti i."

⁴ Na Yesu akaaki ase ka, "M danfom, m suse am wo lee, ka, ma am soro minem bo bu koro kun anuniembaa ni, na nyini sin, bu koro yo ma pui kun ni. ⁵ Ama, m kere am sono bo i ti ye ni ka am soro i. Am soro Nyeme, yiri koro kun anuniembaa n a, na i kaaki la yiko bo i koro fa i ji ceema sin nu. M suse am wo lee, ka, yiri ti sono bo am soro i a. ⁶ Am si ka njorem nnu nwaa ti kaan so o, ma so? Ama, bu kun n kpein mmoo wo ma bere bo Nyeme nie ma i dika. ⁷ Haari am tihmie mmoo bo i wo am tii su ni, Nyeme si i kere no. Nyini ti, ma am soro sere. Am la anyunuyi Nyeme do tara njorem beberebe."

⁸ Na Yesu akaaki ase bu ka, "M suse am wo lee, ka, sono kere bo i kan kereeri minem ka i ti m susufo, mini Adamande Wa n gusu ba kan kere Nyeme merkem n ka i mi ti m dee wo. ⁹ Ama, sono kere gusu bo i keteeri minem nyunu ka i ti ma m susufo, mini Adamande Wa n gusu ba kete Nyeme merkem nyunu ka i mi ti ma m dee. ¹⁰ Sono kere bo i jajo wuraari mini Adamande Wa ni ngasi nu, Nyeme fa i mi ngasi ce i, ama, sono kere bo i jajo wuraari Awiewie Casi ni ngasi nu, Nyeme fa ma i mi ngasi ce ma i. ¹¹ Saŋga bo bu ba faari am baari bu tientienbunoo soom nu, wara nfemem ni nfanfafom nyunu ka bu di am jore, ma am ma am ahore saaki fa ko kabo am jajo barasu. ¹² Dama nyini saŋga n ba juuri, Awiewie Casi ni kere am noanie kere bo wo yo daka ka am jajo i a."

Mienu fa ko sono nengefɔ sinnzin be su

¹³ Sono be woori jama n nu, na wo se Yesu ka, "M Kerefo, se m goro ka i kpaaki aja bo ya si ayaki i ama ya n nu, na i fa m dee ma m." ¹⁴ Na Yesu ase i ka, "Woro, nma ayi m, ka

m di am jore na m kpaaki am aja nu ma am a?" ¹⁵ Na Yesu ase jama n kere ka, "Am nie am tii su dongu na am si am nusa fa ko anyii barasu kere sa, dama sonombiri nenjege ti ma i ngoo, haari i mi n koro i la i ka se." ¹⁶ Do na Yesu abo bu ahin mienu ni, i na, "Sono nenjefo be yo woori bere a, na wo do i fie, na wo nya diire beberebe. ¹⁷ Na wo sunsun i tii nu na wo se ka, 'M la ma deke bo m fa ahin diire n kere se. Ye m yo se wo?' ¹⁸ Na wo se ka, 'Kabo m yo yaa, m sun m bondom kere ji wo, na m ta ngbingbirim, na m fa m diire n ni nenjege kere bo m la bu n wura nu. ¹⁹ Na m nya se ka ma di terefie, puitiripui kpie ma m su kun, m tana a, ahin afo nye nye n kere, na m di na m nu na m ahore jo.' ²⁰ Ama, na Nyeme ase i ka, 'Woro sinnzin ngbeen ni. Ahin kongue n nu bere, m yi u ngoo n fite u do. Na m nie ka nyini nenjege n kere bo a tien i noo ni ka nma dee wo?' " ²¹ Na Yesu akaaki ase bekun ka, "I ti so o lee, fa ko minem bo bu kpini nenjege beberebe fa se durunya n nu fen ni, ama, Nyeme do, bu la ma pui."

Kabo Yesu na ma ya tana koko ni

²² Na Yesu ase i susufom n ka, "Nyini ti, m suse am wo lee, ka, ma am tana sukoko fa ko am ngoo su, kabo am di, na ma am kaaki sukoko fa ko am nunie su, kabo am nya suturam bo am fa wura na am kara. ²³ Dama ngoo tara diire, na anuniembaa n gusu tara suturam. ²⁴ Am nie anumam, haari ni bo bu do ma ni, na bu kaaki kpie ma ni, bu la ma bondo gusu, bo bu fa diire wura nu, se Nyeme ma bu diire ye bu di a. Amere la anyunuyi tara anumam e. ²⁵ Am nu, nma tana koko fa ko i koroowam su ye i mi koro buka i ngoo tintiin su haari kaan so a? Ai, be wo ma bere. ²⁶ Nzen am koro yo ma nyini deke n kaan n be so, nzu ti ye dekem bo bu kaari n kere mie am a? ²⁷ Am nie kabo wuram bo pum barasu barasu a. Bu yo ma juma be, bu kaaki tu ma gise. Ama, m suse am wo lee, ka, haari Feme Solomon ni i nenjege n kere bo i yo la i ni, wo la ma sutura bo i yo nyumi juuri nyini wura pum ni be. ²⁸ Nzen wuram bo bu wo bere nyuma, na ahunma a nu ka ba kpie bu na bu yara bu, ye Nyeme nie bu dika, nzu ti ye i nie ma amere bo am tara wuram co n a? Amere, am la ma yarada fieo. ²⁹ Nyini ti, sanja kere, ma am ma am sunsunni wo deke bo am di, ni deke bo am nu su. Ma am tana koko fieo. ³⁰ Dama durunya n nufom bo bu su ma Nyeme ni, bere sunsun so o sanja kere. Am Si Nyeme si ka am koro nyini dekem ni. ³¹ Ma am yo so, ama, am kpini Nyeme femeya n busu ka, na i nya ba fa nyini dekem n buka am su."

³² Na Yesu akaaki ase ka, “Má am soro sere, haari ni bo am ti ka nɔɛm bo bu sunnu má ni, dama am Si Nyeme ayi am ka am ni yiri san̄ga di i femeya n a. ³³ Am tɔ am deke bo am la i, na am fa ηwaa n ma yaarifom. Am kpini ajeke seebiri bo i saaki má n busu. Am fa ajeke bo i kpie má su n fa se Nyeme dika n nu, dɔ ye awiefɔ koro wura wɔ má i a, na watarawam gusu koro muka má i. ³⁴ Dama deke bo am ajeke wo ni, am ahorembaa kere gusu wó dɔ ɔ.”

Kabo Yesu ηa i susufom ni kpa bu ηu ηminda i san̄ga kere ni

³⁵ Na Yesu ase ka, “Am kpa am ηu wɔ, na am so am fitana sun̄minda. ³⁶ Am yo sɔ ɔ, ka minem bo bu tana ηminda bu mibie bo wɔ kɔ konyaya, na i bá n wɔ, na san̄ga bo i ba boboori anɔ n kpen̄ga ni, bu kába teke i wɔ na i wúra. ³⁷ Terefie wo nyini akɔom n dɔ, nzen bu mibie n ba ηu ka bu toko tana ηminda i. Nahore ye m suse am n a, i má bere tana a, na yiri ni i tii fá diire ba ma bu na bu di. ³⁸ Nzen haari i kpieeri i nyi ba juuri kɔngue jinan̄jin, wara akonyuma bo san̄ga, na i ba ηu ka bu toko tana ηminda i, terefie wo bu dɔ. ³⁹ Am si tenle ka nzen má awurufobie n si san̄ga bo awiefɔ ni bá i dika na i ba wɔ i, má i tana ηminda a, na awiefɔ n koro ba wura má. ⁴⁰ Ambere gusu kpa am ηu san̄ga kere, dama mini Adamande Wa ni bá san̄ga bo am sunsun má ka m bá n wɔ.”

⁴¹ I jɔjɔri sɔ n na Petoro abisa i ka, “Ya Mibie, a bo ahin mieenu n ni yere wɔ, nzen a ni sɔnɔ kere wɔ?” ⁴² Na Yesu abisa i ka, “Amusuisufɔ kpien n bo i la dabun̄ju na i kaaki la alecira n la ηma a? Yiri la bo i mibie n afa amusuisufɔ nyingam awura i saa nu ka i kpaaki diire nu ma bu, san̄ga bo i ti ye ni ka i ma bu ni. ⁴³ Nzen i mibie n ba ηuuri ka i suyo juma n kabo i seeri i ka i yo i ni, terefie wo nyini amusuisufɔ n dɔ. ⁴⁴ Nahore ye m suse am n a, nyini amusuisufɔ n mibie ni fá i aja kere wura i saa nu wɔ, na i nie i dika. ⁴⁵ Ama, nzen i ti amusuisufɔ tiefɔ, i súnsun ka i mibie ni kpie má i nyi ba má nde. A ηu ka i subo amusuisufɔ nyingam ni, bu nbiesom ni nbaram kere, na i sudi na i sunu nzan bo, ⁴⁶ dɔ na i mibie n bá kpie i nyi ba cɛen bo i sunsun má ka i bá, na i kaaki si má ba n san̄ga ni. Nyini san̄ga n na i mibie n cin i sui agaya, na i fá i bo minem bo bu yo má i yarada n su.

⁴⁷ Na nzen amusuisufɔ n si deke bo i mibie n koro ka i yo i, na wɔ yo má siriya na i yo deke bo i mibie n koro ka i yo ni, i bó i wɔ nyunyumi. ⁴⁸ Ama, nzen amusuisufɔ bo i si má deke bo i mibie n koro ka i yo i, na i yoori deke be bo i ti ye ni ka i cin i sui, i deɛ suicin n ti kaan sɔ ɔ. Sɔnɔ kere bo bu ce i aceri beberebe, i ti ye ni ka i mi fa yo deke

bo wɔ yo daka ka i yo i, na sɔnɔ kɛrɛ bo Nyɛmɛ ce i aceeri beberebe agaya, i ti ye ni ka i mi su i kɔ tara sɔ.”

Kabo Yesu ɲa wɔ fa kpakpaakinu aba ni

⁴⁹ Na Yesu akaaki ase bu ka, “Ma fa Nyɛmɛ jɔrɛ n aba ka i yara durunya n nufɔm ka sin dɛɛ su wɔ. Má nyini sin n jeeri kisa, má m koro. ⁵⁰ Ama, m la wahara be bo i ti ye ni ka m di i, má ka ma di i awie, m ahore dá má. ⁵¹ Am sunsun ka ma fa tanalaifɛ aba durunya n nu a? Ai, m suse am wɔ lɛɛ, ka, ma fa má tanalaifɛ baari a, ama, ma fa kpakpaakinu aba a. ⁵² Fite kisa fa kɔ, awuru kun nufɔm mine nnu kpákpaaki nu. Mine nsan tí bu busu bu ɲgumi wɔ, na mine nnyɔ tí bu busu bu ɲgumi. ⁵³ Baabiesɔ ni i si koro má bu beɲgu jɔrɛ, na baabara ni i ni koro má bu beɲgu jɔrɛ, na baa n ni, ni i wa yi koro má bu beɲgu jɔrɛ.”

Kabo Yesu jarakiiri minɛm ka bu si má sam bo bu suyo n bu ni

⁵⁴ Na Yesu ase jama n ka, “Sanɲa bo am ɲu ka nzue yinyingɲu atien i nɔɔ wie afiiri, a ti ka am ɲa, nzue bá nyuma, a ɲu ka i bá a gusu. ⁵⁵ Na sanɲa bo am ɲu ka aɲuma sukpiɛ fite nyunu ndiema biɛ su, a ti ka am ɲa, nyuma wie fite agaya, a ɲu ka i fite wɔ. ⁵⁶ Ambere burukɔɔnufɔm ni, nzu dɛɛ ti ye am koro niɛ aɲgoro ni asiɲgu na am si sam bo bu bá yo n a, ye am niɛ ye am koro si má sam bo bu suyo ahin sanɲa n bu a?”

⁵⁷ Na Yesu akaaki ase bu ka, “Nzu ti ye ambere ni am tii sunsun má na am si sa bo i kɔ atin su a? ⁵⁸ Nzen u ni be la jɔrɛ, na nzen i koro ka i fa u kɔ jɔrɛdifɔ dɔ, jɔkɔti tara i mi n jaa, na má jɔrɛ n ju jɔrɛdifɔ n dɔ, má nyini, i mi ni cín u kɔ jɔrɛdifɔ n dɔ, na yiri gusu fá u ma dansaraka niefɔ ni, na yiri gusu nyá nyi u. ⁵⁹ M suse am wɔ lɛɛ, ka, nzen a woori dɔ, na a tɔ má kaari n kɛrɛ awie má, a nyá má atin fite má dansaraka n nu.”

13

Kabo i ti ye ni ka ya kaaki ya wo barasu ni

¹ Nyini sanɲa n na mine nbem wo dɔ, na ba se Yesu kabo Galilifɔ nbem yo kɔɔri ka bu kɔ yo yoowa ma Nyɛmɛ, na bu wo yo su ni, na Gomina Pilato gusu ama minɛm aba akun bu. ² Na wɔ se bu ka, “Ye kabo bu kuunri nyini Galilifɔm ni, am sunsun ka nyini kere ka bu dɛɛ satie yoowa tara Galilifɔm kɛrɛ dɛɛ wɔ, nzen sɛ? ³ Ai, i ti má sɔ fieo. M suse am wɔ lɛɛ, ka, nzen am akaaki má am wo, ambere mmɔɔ bá ka ɲgbeen sɔ ɔ lɛɛ. ⁴ Ye mine buru ni mɔcuem bo Silowam dɛɛ awɔrɛ n nu kobe bambaka n tɔ gɔɔri bu ɲu n di? Am sunsun ka i kere ka bu dɛɛ satie yoowa tara Yerusalemfɔm

kere dɛɛ wɔ, nzen sɛ? ⁵ Ai, i ti má sɔ fieo. M suse am wɔ lɛɛ, ka, nzen am akaaki má am wo, amberɛ mmɔɔ bá ka nɔgbɛn sɔ ɔ lɛɛ.”

Miɛnu fa kɔ damba baka n bo wɔ su má n su

⁶ Dɔ na Yesu abo bu ahin miɛnu ni, i nɔ, “Sɔnɔ be yo woori berɛ a, ye damba baka jina i baka suuwa barasu barasum fie nu. Na wɔ kɔ anienie ka i nie, beni i nɔ suuwa su, ama, wɔ nɔ má puitiripui su. ⁷ Nyini ti, na wɔ kɔ ase fie n niefɔ n ka, ‘Nie, afɔ kun kun sɔ nsan lɛɛ, bo m ba nie ahin damba baka n su ka, beni m nɔ suuwa a, ama, m nɔ má pui su. Nyini ti, kpie i ji. Nzu ti ye i jina berɛ susaaki asien n a?’ ⁸ Ama, na fie n niefɔ n abɔ i nu ka, ‘M mibie, yaki i benle, na ya nie i kɔ ju afɔ kun bekun na ya nie. M fúndu kunma bara ye i bu wɔ, na m gó i nanyeti. ⁹ Dɔ na nzen baka n suuri suuwa, i ti kpa, nzen wɔ su má, na a koro ma m kpie i ji.’ ”

Kabo Yesu tuntunri bara be Nɔmiiyi cɛɛn n ni

¹⁰ Nɔmiiyi cɛɛn n be sɔ ɔ, na Yesu wo minem kere su, tientienbunɔ sɔm kun nu. ¹¹ Bara be woori dɔ, ajini wo i nɔ, wɔ bu i wi, i afɔ buru ni mɔcɛ lɛɛ, i koro yasu jina má. ¹² Saɔga bo Yesu nɔuri i n na wɔ bo afere i, na wɔ se i ka, “Bara, a nya u tii afite u tukpaki n nu.” ¹³ Saɔga bo Yesu suse sɔ n na wɔ fa i saa anana i nɔ, kpenɔga na wɔ tenɔge i nɔ ajina, na wɔ kansii Nyeme.

¹⁴ Ama, na yaa ati tientienbunɔ sɔ n kpian ni, ka Yesu atuntun sɔnɔ Nɔmiiyi cɛɛn ni. Na wɔ se minem ni ka, “Ya la lesen bo wɔ yo daka ka ya fa yo juma, nyini ti, am bra nyini cɛɛnm ni, na bu bá tuntun am, ama, má Nɔmiiyi cɛɛn n yiri.” ¹⁵ Na Yesu ase i ka, “Amberɛ burukɔnufɔm ni. Nɔmiiyi cɛɛn ni, am nɔma nu ye i nyanɔgi má i naani, wara i kaako, na i kɔ ma i nzue a? ¹⁶ Ye ahin bara ni mmɔɔ ti Abraham busu nufɔɔ, ye Sitana afa i ayo i dɛɛ, afɔ buru ni mɔcɛ lɛɛ, wɔ yo má daka ka m tuntun i Nɔmiiyi cɛɛn n na i nya laifie, nzen sɛ?” ¹⁷ I seeri sɔ n na wɔ wura i kpɔfɔm ni nyinse, ama, na minem n berɛ ahore ajo fa kɔ alekutura sam bo wɔ yo bu n su.

Miɛnu fa kɔ alembaa kaan be jɔre su

¹⁸ Na Yesu akaaki ase bu ka, “Nyeme femeya n ti ka nzu wɔ? Ye m fá nzu deke fa sunsun kabo i ti a? ¹⁹ I ti ka alembaa kaan kabo nyem mbaa ti n wɔ, bo sɔnɔ be dɔori i fiesu ni, na wɔ fi, na wɔ nyi atetereki asambaa asambaa, na anumam akoro ayo bu tieirim su.”

Miɛnu fa kɔ kpɔnɔ ayiri n su

²⁰ Na Yesu akaaki ase bu bekun ka, “Ye m fá nzu deke fa sunsun kabo Nyeme femeya n ti a? ²¹ I ti ka ayiri bo bu fa go kpono samene nu na i yasu ni, na bara be fa goori samene beberebe nu, na i kere yasuuri n wo.”

Kabo Yesu jɔɔ fa kɔɔri anɔ n bo i ti fii n su ni

²² Yesu sukɔ Yerusalem mie kpiri n su ni, na wo nati asin mie ngbingbirim ni kan kanm su, sukere minem. ²³ Na sonɔ be abisa i ka, “Ya Mibie, minem bo Nyeme dé bu tii ji ni, bu sunnu, nzen bu sunnu má?” Na Yesu ase bu ka, ²⁴ “Am boro am nyi na am fa anɔ n bo i ti fii n na am wura, dama m suse am wo lee, ka, mine beberebe bá koro ka bu wura, ama, bu bá koro wura má. ²⁵ Saɔga n ba juuri, awurufobie ni yasu nyi anɔ n wo, nyini saɔga n na am jina anɔ n su, subobo, na am sére i jande ka, ‘Ya Mibie, teke anɔ n ma ya.’ Na i gusu nyá se am ka, ‘Ai, m si má am sa.’ ²⁶ Do na am sé i ka, ‘Ya ni woro yo diiri a, na ya nu, na a kere minem ni yere kere, ya bosu do.’ ²⁷ Ama, na i káaki se am bekun ka, ‘Amberé satieyofom ni, m si má am sa fieo, am cinsi m bi bere.’ ²⁸ Na am nú ka Abraham, ni Izaki, ni Jakabu, ni Nyeme noanie kanfom ni, ka bu wo Nyeme femeya n nu, na kabo ba fa amberé atu dasin ni, do na am sun, na am kán am saa. ²⁹ Na minem fite durunya n awore nna n kere nu, na bu bá tana Nyeme femeya n nu, na bu dí na bu nú. ³⁰ Am ti fen. Minem bo bu wo mo kisa ni, bá ka sin, na bo bu ka sin kisa n bá du mo.”

Kabo Yesu ahore saaki maari Yerusalemfom barasu ni

³¹ Nyini saɔga n na Farasifo nbem aba Yesu do aba ase i ka, “I ti ye ni ka a nmati fite fen, na a ko deke be, dama Feme Herode koro ka i kun u wo.” ³² Na Yesu ase bu ka, “Am ko na am ko se nyini njaaku sonombiri ka o, ‘Ti fen. M sufon ajinim fite minem nu wo, na m ma tukpakifom nya laifie, nyuma ni ahunma ngumi wo, na ahieni na m wie m juma.’ ³³ Haari ni nyini mmoo, wo yo daka ka m sukɔ o, nyuma, ni ahunma, ni ahieni, dama Nyeme noanie kanfo kere ti ye ni ka bu kun i Yerusalem mie kpiri n nu wo.”

³⁴ Na Yesu abo awie ase ka, “Oii, amberé Yerusalemfom. Amberé kuunri Nyeme noanie kanfom n a, na minem bo Nyeme sunmaari bu am do ni, am atu bu yabue. Saɔga kere m koro ka m tien am noo, na m fa m saa bara ye am, kabo ako tien i nbaam noo, i lanjpete nu ni, ama, am soro má m su. ³⁵ Am nie fen, Nyeme yáki am nu ji. M suse am wo lee, ka, fite kisa fa ko, am nú má m kun, má ka saɔga bo am bá se ka, ‘Terefie wo yiri n bo i suba Micera n dee duma n nu n do.’ ”

14

Kabo Yesu tuntunri sɔɔ be Njumiyi cɛɛn ni

¹ Njumiyi cɛɛn n be sɔɔ, na Farasifom kpien be afere Yesu ka i bra i dika na bu di diire, na Yesu akɔ. Saŋga bo i wo diire n di su ni, na mine aba atana suyi i kɔresi. ² Kpenŋa na sɔɔ be ayasu ajina Yesu nyunu, i saam ni i jaam kere awura, ³ Yesu ŋuuri sɔɔ n sɔ ni, na wɔ bisa Nyeme noanie kerefom ni, ni Farasifom n ka, “Ya dɛɛ atin n su, atin wo nu ka ya tuntun tukpakifo Njumiyi cɛɛn ni, nzen atin wo má nu?” ⁴ Ama, ba bɔ má i nu, na Yesu ama sɔɔ n anya laifie, na wɔ ma i atin na wɔ kɔ. ⁵ Dɔ na wɔ nya abisa bu ka, “Am nu ŋma ye nzen i wa baabiesɔ, wara i naani, toori bura nu, Njumiyi cɛɛn ni, ye i mi kába yi má i fite má?” ⁶ Ama, ba koro abɔ má i ahin bisaawa n nu.

Kabo Yesu tuuri bu fɔ fa kɔ kpirikoro sam su ni

⁷ Na Yesu aŋu kabo wɔfom nbem sunienie kpirikoro tanaabiri na bu tana ni, dɔ na wɔ bo ahin miɛenu ni, akere bu kere. ⁸ I ŋa, “Saŋga kere bo sɔɔ be ba fere u ka a bra ba di konyaya diire i dika, a kɔ, má a tana jirima tanaabiri ni, a yoori sɔ, a kɔ ŋu ka wɔ fere sɔɔ be bo i tara u, ⁹ nyini saŋga n na sɔɔ n bo wɔ fere am kere ni, yiri nyá ba u dɔ na i bá se u ka, ‘M dɔn, yasu ma ahin sɔɔ n tanaabiri.’ Nyini saŋga, a ŋu ka wɔ wura u nyinse lee, na a kó kaan kɔɔbiri. ¹⁰ Ama, sɔɔ fereeri u ka a bra i dika ba di diire, a kɔ juuri, du mɔ kɔ tana kaan tanaabiri ka. Dɔ na sɔɔ n bo wɔ fere u ni, yiri nyá ba u dɔ na i bá se u ka, ‘M dɔn, yasu bra na a ba tana ahin tanaabiri nyunyumi ni.’ Nyini n sɔ koro wura u kpiri, u beŋgu wɔfom kere n nyunu a. ¹¹ Dama sɔɔ kere bo i wura i ŋu kpiri, Nyeme yó i mi kaan wɔ, na sɔɔ bo i yo i ŋu kaan, Nyeme wúra i mi kpiri.”

¹² Dɔ na Yesu anya ase sɔɔ n bo i baandiiri i n ka, “Saŋga bo a ŋa a fere minem na bu ba di diire u dika, má a fere u danfom, wara u ninbaam, wara u lamoyam, wara u beŋgum bo bu la ajekɛ, nzen a yoori sɔ, bere gusu bá fere u cɛɛn n be sɔɔ, nyini saŋga ni, ba tɔ u kaari awie lee. ¹³ Ama, saŋga kere bo a ŋa a baandi mine na bu ba di diire u dika, baandi yaarifom, ni wɔbukam, ni bo bu saam ni bu jaam awu ni, ni anyinsinm. ¹⁴ A nya yoori sɔ, terefie wo u dɔ. Bere koro tɔ má u kaari, ama, Nyeme bá tɔ u kaari a, cɛɛn bo minem bo bu yo sa bo i kɔ atin su Nyeme dɔ n bá tenje bu yiwee n nu ni.”

Miɛenu fa kɔ di ni nu bambaka n su

¹⁵ Yesu seeri sɔ n na wɔfom nu kun ase i ka, “Nka terefie wo minem bo bu bá tana Nyeme femeya n nu di diire n dɔ.”

¹⁶ Na Yesu ase i ka, “Sɔnɔ be yo woori bere a, na wɔ yo diire beberebe, na wɔ baandi jama beberebe ka bu ba di diire ni. ¹⁷ Na sanɔa n bo diire n ba yoori siriya ni, na wɔ sunma i akɔɔ ka i kɔ se minem n bo wɔ du mɔ abaandi bu n ka, ‘Am bra, deke kere ayo siriya.’ ¹⁸ Na bu kun kun kere asere atin ka bu koro ba má diire n di. Na ciciri su dɛɛ sɔnɔ n ase akɔɔ n ka, ‘Jande, m sere u wɔ, ma to asien, i ti ye ni ka m kɔ nie kabo i ti wɔ, m koro ba má.’ ¹⁹ Na nyinga n ase ka, ‘Ma to m tooram asese busu nnu, m koro ka m kɔ fa bu yo juma kisa kisa na m nie, m sere u wɔ jande, m koro ba má.’ ²⁰ Na nyinga n gusu ase ka, ‘Ma ja bara kisa lee, nyini dɛɛ ti, m koro ba má.’ ²¹ Na akɔɔ n akpie i nyi akɔ ase i mibie n kabo minem kere ase i ni. Dɔ na yaa ati awurufobie n agaya, na wɔ se yiri akɔɔ n ka, ‘Yo ndende na a kɔ mie kunnu atingberem kere su, na a kɔ fere yaarifom, ni wobukam, ni anyinsinm, ni minem bo bu saam ni bu jaam awu ni, na a fa bu bra.’ ²² Wɔ ce má na akɔɔ n akɔ aba, na wɔ se ka, ‘M mibie, ma yo kabo a seeri ka m yo ni, ama, fofoe toko ka.’ ²³ Na awurufobie n ase i ka, ‘Fite kɔ mie n aheme aheme, ni i korokam kere nu, na a kɔ fere minem ka bu bra, adena m awuru n yi ni jama. ²⁴ M suse am wɔ lee, ka, nyini minem kere bo m baandiiri bu na ba ba má ni, bere kun n kpein mmɔɔ nɔɔ kán má m diire n kun.’ ”

Kabo ya yaki deke kere na ya su Yesu su ni

²⁵ Sanɔa bo Yesu wo kɔ su ni, na jama beberebe asu i su, na wɔ ce anie bu, na wɔ se bu ka, ²⁶ “Sɔnɔ kere bo i koro ka i ba m dɔ, i koro yo má m susufɔ, má ka i mi akoro m atara i si, ni i ni, ni i yi, ni i nbaam, ni i ninbaam, ni i sinbaam, ni haari yiri mmɔɔ ni i tii. ²⁷ Sɔnɔ kere bo i koro sɔ má i yiwee baka jaanu n na i su m su, i mi koro yo má m susufɔ. ²⁸ Ma m fa i ka sɔnɔ ŋa i ta awuru, i du mɔ tana wɔ, na i bu akunta ka, na i nie ka i la ŋwaa bo i koro ju awuru n ta. ²⁹ Nzen i ŋwaa ju má bo i ta awuru n wie, na i boori i bu na wɔ wie má i, sɔnɔ kere bo i sin ŋuuri sa n bo wɔ yo i ni, i mi síri wɔ, ³⁰ na bu sé ka, ‘Ahin sɔnɔ n boori i awuru n bu wɔ, ama, wɔ koro awie má i.’ ³¹ Ma m kaaki fa i ka nzen feme bo i la i sojam akpii buru ye i koro ka i kɔ lue ni i benɔgu feme be bo yiri la sojam akpii aburanyɔ, i tána sunsun wɔ ka, na i nie ka i koro kun lue ni i benɔgu ni. ³² Nzen i ŋuuri ka i koro korɔ má nu, i dú mɔ sunma sɔnɔ ɔ, na i kpá i benɔgu feme n atin na i kó sere i ka, i má bu yo jɔre n donɔgu.” ³³ Na Yesu ase ka, “I ti sɔ ɔ lee, ni ambere gusu dɔ, sɔnɔ kere bo i wara afi má i tienɔgu deke, i mi koro yo má m susufɔ.”

Njin bo i la má kperɛ n dɛɛ jɔre

³⁴ Na Yesu akaaki ase ka, “Njin yo fie, ama, nzen i fiefie nya ba saari wieeri, i koro yo má fiefie kun. ³⁵ I koro buka má asien ni mmoo na i kaaki koro buka má nanyeti na i yo diire, nka bu fa butu wo. Bo i koro ka i ti ahin jore n bu, i ti ye ni ka i mi so i sui na i ti.”

15

Mienu fa ko boe n bo i miniiri n jore

¹ Ceen n be so o, na lampodefom ni satiefom beberebe aba Yesu do na bu ba ti i kereewam ni. ² Na Farasifom ni Yudaefom Nyeme noanie kerefom n anuuti, bu na, “Ahin sono n de satiefom wo, haari na i ni bere sangha di diire wo mmoo.” ³ Do na wo bo bu ahin mienu ni, i na, ⁴ “Nzen amere be nu la i nbom yaa, na kun miniiri, i mi yo se wo? I yaki nbom aburanga na ngonam ni boro n nu wo, na i koi nenie kun n bo wo mini ni haari i ba nu i. ⁵ Sangha bo i ba nuuri wieeri ni, na i ahore jo na i fa i fa bo i bete, ⁶ na i fa i fa ba awuru. Do na i fere i danfom ni i tanafom kere na bu tien bu noo, na i se bu ka, ‘M ahore ajo ka ma nu m boe n bo i miniiri ni. Nyini ti, am ma m ni amere kere kunnu jo.’ ⁷ M suse am wo lee, ka, i ti so o lee, nzen sono kun kaakiiri i wo, ahorejo wo Nyeme dika n nu tara mine aburanga na ngona bo bu na bu yo sa bo i ko atin su Nyeme do na wo yo ma daka ka bu kaaki bu wo ni.”

Mienu fa ko nwaa n bo i miniiri n jore

⁸ Na Yesu abo bu mienu bekun, i na, “Nzen bara be la i jete nwaa buru, na kun miniiri, i mi yo se? I so sin su wo, na i kpaa bara ye awuru n nu, na i nenie deke n kere, haari i ba nu i. ⁹ Na sangha bo i ba nuuri ni, i fere i danfom ni i tanafom kere, na bu tien bu noo, na i se bu ka, ‘M ahore ajo ka ma nu m nwaa n bo i miniiri ni. Nyini ti, am ma m ni amere kere kunnu jo.’ ¹⁰ M suse am wo lee, ka, i ti so o lee, nzen satiefom kun kaakiiri i wo, ahorejo wo Nyeme merkem n do.”

Mienu fa ko bie be bo i wa miniiri n jore

¹¹ Na Yesu akaaki abo bu mienu be bekun, i na, “Sono be yo woori bere a, i la nbaabiesom nnyo. ¹² Ceen n be so o, na kaan n ase i si n ka, ‘M si, kpaaki u aja kere nu na a fa m dee ma m kisa.’ Na i si n akpaaki aja n nu, na wo fa bu nnyo n kere dee ama bu. ¹³ Wo ce ma, na kaan n ato i dee nenge n kere bo i si n fa maari i ni. I nyaari nwaa n wieeri so ni, na wo yasu ako asien dede be su. Do na wo ko adi nwaa ni ngbeenngbeen haari na i kere aba awie. ¹⁴ Sangha bo i ba diiri nwaa n kere wieeri n na aho bambaka be ato

nyini asien n su. Dɔ, wɔ la má pui bo i di kun. ¹⁵ Nyini ti, na wɔ fa i ɲu akɔ awura nyini asien n su miɛbaa be saa nu, ka i yo juma ma i mi ni, adena i nya diire di. Dɔ na miɛbaa n afa i akɔ i fiesu ka i kɔ suniɛ i afam dika. ¹⁶ Na ahɔɛ aba ati i agaya, haari i ba koro ka i di afam dɛɛ diire n be mmɔɔ ɔ, ama, be ama má i deke be na i di. ¹⁷ Kasin, na wɔ ba aɲu i ɲu ɲgbɛɛn fa kɔ sa n bo wɔ yo i n su, na wɔ bu i tii nu, na wɔ se i ɲu ka, 'M si npadifɔm kere di diire wɔ na i ka, ama, mini ba wo fɛn suwu ni ahɔɛ n a. ¹⁸ M kpíe m nyi kɔ m si dɔ ɔ, na m kó se i ka, "M si, ma do Nyemɛ ni wɔrɔ kere ɲgasi. ¹⁹ I ti má ye ni ka a fere m ka u wa kun, fa m yo u npadifɔm ni kun." ' ²⁰ Dɔ na wɔ yasu na i kpíe i nyi kɔ i si dɔ.

Saɲga bo i toko wo dede suba ni, na i si n aɲu i, na wɔ si i aɲunfɔ agaya. Na wɔ ɲmati akpa i atin, na wɔ fa i saa abara aye i, na wɔ biti i. ²¹ Na baa n ase i si n ka, 'M si, ma do Nyemɛ ni wɔrɔ kere ɲgasi. I ti má ye ni ka a fere m ka u wa kun.' ²² Ama, na i si n afere i akɔɔm, na wɔ se bu ka, 'Am kɔ ndende na am kɔ niɛ suturam kere nu bo i ti kpa, na am fa ba wura i, na am fa ɲгаа ba wura i saa maraka, na am fa gbagbaa ba wura i jaa. ²³ Na am nya kɔ niɛ naanim n nu, na am tara bo i la anyunuyi bra, na am ba kpíe i kɔm yo i dɔɲgu, na am ma ya di na ya nu. ²⁴ Dama m ahin wa ni, i wuuri wɔ, ye wɔ tenge a, i miniiri wɔ, ye ma ɲu i a.' Dɔ na ba bo i bu ni di ni nu.

²⁵ Nyini saɲga n kere baakpien n toko wo fiesu. I ba suba awuru, na saɲga bo i ba dodoori awuru n na wɔ ti ka bu wo agɔɛ gɔ su ni jue. ²⁶ Dɔ na wɔ fere i si akɔɔm kun, na wɔ bisa i ka, 'Nzu sa yoori awuru a?' ²⁷ Na akɔɔ n abɔ i nu ka, 'U niema ye wɔ ba awuru a, ye u si ama nɔɔ ye ya kpíe naani bo i la anyunuyi n kɔm, dama u niema n aba awuru ni laifiɛ n ti.' ²⁸ Na yaa ati baakpien ni agaya, haari na wɔ kete ka i wura má awuru n nu. Nyini ti, na i si n afite aba asere i jande ka i wura. ²⁹ Ama, na wɔ se i si n ka, 'Ti fɛn, afɔ nye nye lɛɛ bo m wo u dɔ yo juma ma u, ka m ti akɔɔ ɔ, ma kete má u nɔaniɛ be. A koro ama má m puitiripui, haari sirimbaa mmɔɔ ka m gusu fa na m ni m danfom fa di na ya nu. ³⁰ Ama, u ahin wa n yiri, wɔ fa u aja bo a fa ama i n akɔ boro, na wɔ kɔ ayo i koroowa ni nbarasakaram. Haari ni nyini n kere ni, i kpíeeri i nyi ba juuri awuru ni, a ma nɔɔ ka bu kpíe naani bo i la anyunuyi n kɔm ma i.' ³¹ Na i si n ase i ka, 'M wa, saɲga kere mini ni wɔrɔ wo bere a, deke kere bo i ti m dɛɛ ti u dɛɛ wɔ. ³² Ama, wɔ yo daka ka ya di na ya nu na ya gɔ agɔɛ, dama u niema ni, i wuuri wɔ, ye wɔ tenge a, i miniiri wɔ, ye ma ɲu i a.' "

16

Miɛnu fa kɔ amusuisufɔ kpɛn n bo wɔ la má dabuɲu ni

¹ Na Yesu ase i susufɔm n ka, “Biɛ nenɛfɔ be woori bɛrɛ a, i la i amusuisufɔ kpɛn bo yiri niɛ i nenɛge n kɛrɛ su a. Na minɛm aba nenɛfɔ n dɔ aba se i ka i amusuisufɔ kpɛn ni susaaki i nenɛgem ni. ² Nyini ti, na wɔ fere i, na wɔ se i ka, ‘M suti jɔrɛ nbem fa kɔ u dɔ. Nyini ti, ba bu akunta kere m na m si kabo a bita m nenɛgem barasu, dama a koro niɛ má bu dika kun.’ ³ Na amusuisufɔ kpɛn n ase i tii nu ka, ‘Ye kisa na m mibiɛ ni sufɔn m fite m juma n nu ni, m yó sɛ wɔ? M la má fanɛa bo m koro dɔ, m gusu nyunu asin ni bo m nati susere. ⁴ Ἐνηθεν, kisa m si kabo m yo, na haari nzen m ba fuunri m juma ni, m fún má m danfom bo m kó wo bu dɔ.’ ⁵ Nyini ti, na wɔ fere minɛm kɛrɛ bo bu bita i mibiɛ n kaari n kun kun. Na wɔ bisa ciciri su dɛɛ sɔnɔ n ka, ‘A bita m mibiɛ n kaari nye wɔ?’ ⁶ Na wɔ bɔ i nu ka, ‘M bita i ŋguin nzue sɔ ganɛa yaa kun wɔ.’ Na amusuisufɔ kpɛn n ase i ka, ‘De u kaari kadasi ni, na a tana, na a kɛrɛ ka a bita ganɛa aburunu wɔ.’ ⁷ Na wɔ nya abisa nyinga gusu ka, ‘Ye wɔrɔ di, a bita kaari nye wɔ?’ Na wɔ bɔ i nu ka, ‘M bita i alembaa pirim bɔtɔ yaa kun wɔ.’ Na amusuisufɔ kpɛn n ase i gusu ka, ‘De u kaari kadasi na a kɛrɛ ka a bita pirim bɔtɔ aburamɔcɛ wɔ.’ ⁸ I mibiɛ ŋuuri sɔ ni, na wɔ kansɪ i fa kɔ nyini ŋɔnɛ bo i la i n su, haari ni bo i la má dabuɲu ni. Kabo i ti lɛɛ, durunya n nufɔm la ŋɔnɛ fa kɔ durunya n nu dɛɛ sayoowam n su tara minɛm bo Nyɛmɛ ma bu wo wein n nu ni.”

⁹ Na Yesu ase bu bekun ka, “M suse am wɔ lɛɛ, ka, am fa durunya n nu dɛɛ fin ajɛkɛ bo am la i n fa tara danfoya, adena ajɛkɛ n ba ŋmati yakiiri am, na minɛm bá de am wura woobiri kpa bo i la má awieeri n nu.

¹⁰ Sɔnɔ kɛrɛ bo minɛm koro daafi i ŋu ka i bita deke kaan ni nahɔrɛ atin, yiri ye bu koro daafi i ŋu ka i bita deke bambaka mmɔɔ ni nahɔrɛ atin a. Ama, sɔnɔ kɛrɛ bo bu koro daafi má i ŋu ka i bita deke kaan ni nahɔrɛ atin, bu koro daafi má i mi ŋu ka i bita deke bambaka mmɔɔ. ¹¹ Tɔ, nzen ambɛrɛ la má dabuɲu bo am koro bita durunya n nu dɛɛ fin ajɛkɛm ni nahɔrɛ atin, ŋma fá Nyɛmɛ dɛɛ ajɛkɛm wura am saa nu? ¹² Na nzen am la má dabuɲu bo am koro bita be dɛɛ ajɛkɛm ni nahɔrɛ atin, ŋma fá deke bo i bá yo am tienɛgu dɛɛ ma am a?

¹³ Sɔnɔ kun koro sanɛa su má mibiɛm nnyɔ. Nzen i ŋa i yó sɔ, i kpó kun n wɔ, na i kóro nyinga ni, wara, i bóro i nyi su kun wɔ, na i bú nyinga ni ŋgbɛɛn. Am koro sanɛa su má Nyɛmɛ ni ajɛkɛ.”

Kabo Yesu tuuri Farasifom fɔ barasu ni

¹⁴ Sanɗa bo Farasifom n tiiri ahin n kere n so ni, na ba siri i, dama bu ti nwa korofom wo. ¹⁵ Na Yesu ase bu ka, “Amberɛ nja am ti minem bo bu yo sa bo i ko atin su Nyeme do na minem nu am n a, ama, Nyeme yiri si am ahore su kere. Dama deke bo adamande sunsun ka i nusu nya ma ni, nyini ye Nyeme kpo i a.

¹⁶ Nyeme Jore Kadasi n bo Moyisi ni Nyeme noanie kanfom kereeri i n wo bere ka, ye Yohane nya baari a, nyini n sin, na ba kan labari kpa n akere minem fa ko Nyeme femeya n su, na sono kere suboro i nyi ka i kpini atin na i wura nu. ¹⁷ I ti ma kekereke na angoro ni asienɗu kere ba mini, ama, Nyeme dee noanie kpamaawa n kampiti so mmoo ka ma nɗbeen.

¹⁸ Sono kere bo i faari i yi jiiri na i jaari bara fofore, i mi n asaaki ajaa ciire lee. Na sono kere bo i jaari bara bo wo fite i hun ajaa bu, i mi n asaaki ajaa ciire lee.”

Miɛnu fa ko nenɗefo be ni Lazarosi jore

¹⁹ Na Yesu ase bu ka, “Nenɗefo be yo woori bere a, sanɗa kere sanɗa, i wura sutura kpa kpa bo i la go o, na i sudi i koroowa ceen n kere ceen. ²⁰ Na yaariffo be gusu wo bere, bu fere i ka Lazarosi, kambue abara aye i deke kere. Na bu sufa i ba tana nenɗefo n ano nu, ²¹ adena nenɗefo n ba sudi diire, na nzen be toto asienɗu, na i gusu fa di. Haari na caam ba sutafi i kambue n nu. ²² Na sono yaariffo n aba awu, na Nyeme merkem aba afa i ako angoro Abraham bi. Na nenɗefo n gusu aba awu na ba se i, ²³ na yiri ako Yiweefom Woobiri. I wo wahara di su do so ni, na wo ye i tii su anu Abraham dede do, Lazarosi wo i bi. ²⁴ Do na wo bo afere Abraham ase i ka, ‘Ya si Abraham, si m anunfo. Na a sunma Lazarosi na i fa i saa maraka do nzue nu na i fa ba do m taferema, dama m wo wahara bambaka nu wo, sin nu fen.’

²⁵ Ama, na Abraham ase i ka, ‘Tenɗe su ka sanɗa bo a la nɗoo wo durunya n nu ni, a yoori u koroowa a, na Lazarosi yiri adi durunya n nu wahara n kere. Ama, kisa yiri wo fie di su, ye woro wo wahara di su n a. ²⁶ Bekun, kunma nɗonɗo wo u ni yere afien, bo be koro fite ma fen na i ko u bi. Be gusu koro fite ma u bi do na i ba ya do fen.’ ²⁷ Na nenɗefo n ase ka, ‘Ya si Abraham, m sere u wo, ka a sunma Lazarosi na i ko m si awuru n nu, ²⁸ m ninbaam nnu wo do, na i ko bobo bu ka bu si bu nu sa na ma bu ba wo ahin wahara bambaka woobiri n bo m wo ni.’ ²⁹ Na Abraham ase i ka, ‘Nyeme Jore Kadasi n bo Moyisi ni Nyeme noanie kanfom kere maari bu ni, i wo bu do. Wo yo daka ka bu

so bu sui na bu ti i bu, na bu si bu ŋu sa.' ³⁰ Na nenɛfo n ase i ka, 'Ya si Abraham, bu dé má i. Ama, nzen sɔnɔ fiteeri minem bo ba wu n dɔ kɔɔri bu dɔ, bu káaki bu wo.' ³¹ Ama, na Abraham ase i ka, 'Nzen ba so má bu sui na bu ti Nyeme Jɔre Kadasi n bo Moyisi ni Nyeme nɔanie kanfɔm kere maari bu ni, haari nzen sɔnɔ tengeeri i yiwee n nu mmɔɔ baari, bu dé má i.' "

17

Kabo Yesu kereeri minem fa kɔ nyemesu barasu ni

¹ Na Yesu ase i susufɔm n ka, "Sam nbem bo bu yo na bu fa mine wura satie nu ni, nyini sam ni bá yo sanɔga kere, ama, anyumboro wo sɔnɔ kere bo i ma nyini sam yoori n dɔ. ² Nzen má bu faari ŋgani san yabue ciciiri i mi kɔm na bu fa i kɔ tuuri tieku nu mmɔɔ, má i ti ye tara bo i mi ma ahin yaradayofɔm n be wura satie nu.

³ Nyini ti, am si am ŋu sa. Nzen wɔɔ kere bo u niwa yoori u satie be, jaraki i, na nzen i kaakiiri i wo, na a fa i satie n ce i. ⁴ Nzen i yoori u satie kɔ jinaari haari kpe nso mmɔɔ wiɛ kun nu, na i baari u dɔ ba seeri u ka, 'Ma yo u satie,' fa i satie n ce i."

⁵ Na Yesu jaramasam n ase i ka, "Buka ya na ya yarada yo biiwa." ⁶ Na Mibie n ase bu ka, "Nzen má am la yarada bo i kɔ ju kabo nyem mbaa ti ni mmɔɔ, má am koro se ahin koto baka n ka, 'Kpekiti ni u bunlui n kere na a kɔ jina tieku n nu,' má i de am nɔanie n wɔ.

⁷ Ma m fa i ka, am nu, nzen be la akɔɔ na i wo fiesu wara i sasa nbɔem wɔ, na i ba baari awuru, am nu ŋma ye i kaba se akɔɔ n ka, 'Ba tana na a di diire' a? ⁸ Am be se má i sɔ da. Ama, kabo a se i n la ka, 'Yo m diire siriya, na a jina ŋminda na m di na m nu ka, na a nya kɔ yo u dɛɛ di.' ⁹ Nzen u akɔɔ n deeri u nɔanie na i yoori juma bo a se i ka i yo i ni, a se má i ka, 'M da u asi.' ¹⁰ I ti sɔɔ lɛɛ, amberɛ gusu dɔ, sanɔga bo am ayo juma n kere bo am mibie n ase ka am yo i ni, am se ka, 'Yere ti akɔɔm wɔ, ya ti má ye ni ka bu kansiya, dama ya juma lɛɛ, ye ya yo i n a.' "

Kabo Yesu tuntuunri kokofɔ buru nbem na bu nyaari laifie ni

¹¹ Sanɔga bo Yesu sukɔ Yerusalem mie kpiri n nu ni, na wɔ sin Samariya ni Galili awɔrem n afien. ¹² I kɔ ŋa i wura mie kaan be nu, na i ni kokofɔ buru nbem aye. Na ba jina dede ¹³ atien kpa ka, "Ya Mɔfɔ Yesu, si ya aɔunfɔ." ¹⁴ I ŋuuri bu sɔ n na wɔ se bu ka, "Am kɔ na am kɔ fa am ŋu kere Nyeme sayoowa dɔnguyofɔm ni, na bu fiiti am na bu nie." Na ba de atin sukɔ, bu wo kɔ su n na bu kere aɔu ka ba nya laifie.

15 Dɔ na bu nu kun ɲuuri ka wɔ nya laifɛ sɔ ni, na wɔ kpɛ i nyi aba Yesu dɔ sutien kpa sukansi Nyemɛ. 16 Na wɔ ba akutu haari Yesu jaa bu asiɛŋgu, na wɔ da i asi. Nyini sɔnɔ n ti SamariyaƆ ɔ. 17 Dɔ na Yesu abisa ka, “Má mine buru nyaari laifɛ a, ye ɲɔna nyingam n wo ni? 18 Nzu ti ye ahin sɔnɔ n bo i ti má YudaƆ ni ɲgumi aba ka i ba da Nyemɛ asi a?” 19 Dɔ na wɔ se sɔnɔ n ka, “Yarada n bo a yo m ni, yiri ma a nya laifɛ a. Yasu na a kɔ awuru.”

Kabo Nyemɛ Fɛmɛ bá niɛ i minɛm su barasu ni

20 Na Farasifo nbem abisa Yesu ka, “Ye sanɔa bonɔ ye Nyemɛ Fɛmɛ bá niɛ i minɛm su a?” Na wɔ bɔ bu nu ka, “Sa be wo má bere bo i koro kere am sanɔa bo Nyemɛ Fɛmɛ bá niɛ i minɛm su. 21 Be se má ka, ‘Am niɛ, yiri yaa fɛn,’ wara, ‘Yiri lɛɛ dɔ.’ Dama m se am nahɔre wɔ lɛɛ ka, Nyemɛ wo am nu fɛn jina n nu, suniɛ i minɛm su.”

22 Na wɔ se i susufɔm ni ka, “Sanɔa suba bo am bá koro ka am ɲu mini Adamande Wa n ba sanɔa ni, haari cɛɛn kun mmɔɔ, ama, am ɲú má i. 23 Nbem bá ba na bu sé am ka, ‘Am niɛ, yiri lɛɛ dɔ,’ wara, ‘Yiri yaa fɛn.’ Ama, má am fite kɔ su bu su. 24 Dama mini Adamande Wa n ba cɛɛn ni, i tí kabo nzue kpɛse na i ta papasi bara ye deke kere n wɔ. 25 Ama, kana ahin kere bá yo, wɔ yo daka ka m du mɔ di wahara beberebe, na amɛre nyumafɔm bá kete m.

26 Mini Adamande Wa n ba sanɔa ni yó kabo ya na Nowa sanɔa na i yoori n wɔ. 27 Nyini sanɔa ni, sɔnɔ kere woori di ni nu su wɔ, na nbaram ni nbiesɔm suja bu benɔm, fa kɔ juuri haari cɛɛn n bo Nowa wuraari lee bambaka n nu, na wɔmbu n ba diiri deke kere n wɔ. 28 I yo sɔ ɔ lɛɛ bekun, ka Loti dɛɛ sanɔa ni. Nyini sanɔa ni, sɔnɔ kere woori di ni nu su wɔ, na nbem suto, na nbem suto, na nbem sudo dɔdɔori, na nbem suta fa. 29 Cɛɛn n bo Loti fa yasuuri Sodom miɛ kpɛri n nu ni, nyini cɛɛn n ye sin ni ferewita sin fiteeri aɲgoro a, na wɔ ba atɔ miɛ n nu adi deke n kere. 30 Kabo cɛɛn n bo mini Adamande Wa ni bá yi m ɲu kere lɛɛ.”

31 Na Yesu akaaki ase ka, “Nyini cɛɛn ni, wɔrɔ kere bo a wo kpata nu, na u neɲge wo awuru n nu, má a wura gisan nu fa pui. I ti sɔ ɔ lɛɛ, wɔrɔ kere gusu bo a wo fiesu, má a kpɛ u nyi kɔ awuru. 32 Am teɲge su fa kɔ sa bo i yoori Loti yi ni. 33 Dama sɔnɔ kere bo i ɲa i kpíni i ɲɔɔ busu, i mi bá fun i, ama, na sɔnɔ kere bo i tɔori i ɲɔɔ maari m, i mi nyá ɲɔɔ. 34 M suse am wɔ lɛɛ, ka, nyini cɛɛn n kɔɲɔɲɔ, mine nnyɔ ɔ dá dasu kun su wo daafiri su a, na Nyemɛ má bu bá fa kun n kɔ yaki kun ni. 35 Na nbaram nnyɔ kási wo ɲgani san su, na Nyemɛ má bu bá fa kun n kɔ yaki kun ni. [36 Na

biesom nnyo bá wo juma yo su fiesu, na Nyeme má bu bá fa kun yaki kun ni.]” ³⁷ I susufom tiiri so ni, na ba bisa i ka, “Ya Mibiε, nifansu ye ahin sam kere bá yo a?” Na wo bo bu nu ka, “Deke kere bo deke fuin nya wo, petem bara ye do o.”

18

Mienu fa ko bara kunafo n ni joredifo be jore

¹ Do na Yesu abo mienu akere i susufom n ka wo yo daka ka bu sere Nyeme sanja kere, na má bu yaki i sere. ² I na, “Joredifo be woori mie be su a, i soro má Nyeme, na i kaaki bu má be. ³ Na bara kunafo be awo nyini mie n su, sanja kere i ba joredifo n do o, na i ba sere i ka, ‘Jore bo mini ni m kporo n bita i ni, buka m na m nya nahore.’ ⁴ Na wo ce bo joredifo n bo má i n nu. Ama, na kasin, na wo ba asunsun i tii nu, na wo se ka, ‘Haari ni bo m soro má Nyeme na m bu má be ni, ⁵ ama, kabo sanja kere na ahin kunafo n bita kpie m daafiri n dee ti, m má i nya nahore wo. Nzen ma yo má so, i suba m do so o, haari i bá ma m wara yi m nu.’ ”

⁶ Na Yesu akaaki ase bu ka, “Ye m na am ati kabo nyini joredifo findifo n seeri ni. ⁷ Ye nzu ti ye Nyeme búka má i dee minem bo bu sun fere i kongue ni wiesu kere a, na bu nya nahore a? I cé má ni bu buka. ⁸ M suse am wo lee, ka, i búka bu wo na bu nya nahore ndende. Ama, haari ni nyini mmoo, sanja bo mini Adamande Wa n ba baari, m bá nu minem bo bu toko yo m yarada, nzen se a? Ai, m nu má be.”

Mienu fa ko Farasifo n ni lampodefō n jore

⁹ Na Yesu akaaki abo ahin mienu n akere minem bo bu sunsun ka bere yo sa bo i ko atin su Nyeme do na bu bu má be ni. ¹⁰ I na, “Ceen n be so o, na mine nnyo nbem ako ka bu ko sere Nyeme, Nyeme Serebiri Awuru n nu. Kun n ti Farasifo o, na nyinga n ti lampodefō. ¹¹ Na Farasifo n ajina i ngumi abo i hoe asere Nyeme ka, ‘Micera Nyeme, m da u asi ka m ti má kabo mine nyingam ti barasu ni. M ti má anyiifo, m ti má findifo, m saaki má ajaa ciire, haari m ti má ka nyini lampodefō n bo i jina do ni. ¹² Leso kun kun kere nu, m cici m noo kpe nnyo nnyo o, na deke buru kere bo m la i, m yi i kun kun ma u wo.’ ¹³ Ama, na lampodefō n ajina dede, haari wo koro má ka i ye i tii su nie angoro mmoo, na wo fa i saa ataka i benggu nu, na wo se ka, ‘Micera Nyeme, m ti satieyofō o, si m anjuno.’ ” ¹⁴ Na Yesu ase ka, “M suse am wo lee, ka, nyini mine nnyom ni sereeri Nyeme wieeri, na bu ko juuri awuru ni, Nyeme deer lampodefō ni ka i ti sono bo i yo sa bo i ko atin su i do a, má Farasifo ni. Dama

sono kere bo i wura i nu kpiri, Nyeme yó i kaan wo, ama, na sono bo i yo i nu kaan, Nyeme wúra i mi kpiri wo.”

Kabo Yesu yoori nbaatumam kisi ni

¹⁵ Ceen be na mine nbem sufa bu nbaam ba Yesu do ka i fa i saa nana bu nu na i yo bu kisi. I susufom n nuuri i so ni, na ba tien minem n nu. ¹⁶ Ama, na Yesu afere nbaatumam ni, na wo se ka, “Am ma nbaatumam n bra m do, ma am fon bu. Dama bere nusu so ye Nyeme femeya n ti bu dee a. ¹⁷ Nahore ye m suse am n a, woro kere bo a de ma Nyeme femeya n nu jore kabo baatuma de deke i saa nnyo ni, a wura ma Nyeme femeya n nu fieo.”

Nengefo n ni nyemesu jore

¹⁸ Na Yudafo nkpienkpienm be abisa Yesu ka, “Ya Kerefo sono kpa, m yo se ye m ba nya ngoo n bo i la ma awieeri n a?” ¹⁹ Na wo bo i nu ka, “Nzu ti ye a fere m ka sono kpa a? Be ti ma kpa sin Nyeme nu. ²⁰ Ye m na a si Nyeme noanie maawam ni e, bu na, ‘Ma a saaki ajaa ciire. Ma a kun sono. Ma a wo. Ma a di kore daani. Bu u si ni u ni.’ ” ²¹ Na sono n ase i ka, “Ma su nyini noanie maawam n kere su haari m kaan nu.” ²² Yesu tiiri so n na wo se i ka, “Deke kun be ye wo kpie u su a. Ko na a ko to u aja n kere, na a fa nwaa n ma yaarifom, na a ba nya ajeko Nyeme do, na a bra ba su m su.” ²³ Ama, sono n tiiri so n na i ahore asaaki, dama i la nenge agaya n dee ti. ²⁴ Na Yesu anie sono n nyunu, na wo se i ka, “I ti kekereke bo nengefo wura Nyeme femeya n nu. ²⁵ Kobo nyoma sin misini bue nu ni, i ti ma kekereke tara ma kabo nengefo yo na i wura Nyeme femeya n nu.” ²⁶ Minem ni tiiri so ni, na ba bisa ka, “Ye nzen i ti so e, nma koro fite nu a?” ²⁷ Na wo bo nu ka, “Deke bo adamande koro yo ma i, Nyeme koro yo i.”

²⁸ Na Petoro ase i ka, “To, ye yere ayaki ya dekem kere susu u su e.” ²⁹ Na wo se bu ka, “Nahore ye m suse am n a, sono kere bo i yakiiri i awuru, wara i yi, wara i ninbaam, wara i wufom, wara i nbaam, Nyeme femeya n dee ti, ³⁰ i mi nya nyinim nusu so yaa i ngoo su, na fa ko fa ba, i nya ngoo n bo i la ma awieeri ni.”

Kabo Yesu jajo fa koori i yiwee n su kpe nsan su ni

³¹ Na Yesu afere i susufo buru ni nnyom n ako aheme, na wo se bu ka, “Am ti fen. Ya suko Yerusalem lee, do ye bu ko yo mini Adamande Wa n kabo Nyeme noanie kanfom akere ka bu yo m n a. ³² Na bu fa m wura minem bo bu ti ma Yudafo saa nu, na bu yo m anzasi, na bu kpie m nzuko, na bu yi nanzue go m nu, ³³ na bu fin m ngbere, na bu nya kun m, na i lesan ceen, na m tenge m yiwee n nu.” ³⁴ Ama,

i susufom n ati má i jójówa n be bu. Nyeme ayi má i nyi akere má bu, nyini ti, ba koro ati má i bu.

Kabo Yesu tuntunri anyinsin be na i nyuuri asi ni

³⁵ Sanga bo Yesu ko sudodo mie kpiri be bo bu fere i ka Yeriko ni, na anyinsin be tana atin n noco su wo sere su. ³⁶ I tiiri ka jama n wo sin su ni, na wo bisa ka, "Nzu suyo a?" ³⁷ Na ba se i ka, "Yesu Nazaretifo ni susin a." ³⁸ Do na wo tien afere i, i na, "Yesu, Feme Davidi anuma, si m anunfo." ³⁹ Na minem n atien i nyu ka i yaki nanmie. Ama, haari ni nyini mmoo, na wo kaaki atien kpa abuka su ka, "Feme Davidi anuma, si m anunfo." ⁴⁰ Yesu tiiri so n na wo ka ajina, na wo se ka bu fa i bra i do. Na ba fere i ama i. I ba dodoori ni, na Yesu abisa i ka, ⁴¹ "A koro ka m yo nzu ma u a?" Na wo bo i nu ka, "M Mibie, m koro ka a ma m nyu asi wo." ⁴² Na Yesu ase i ka, "Nyu asi bekun. Yarada n bo a yo m ni, nyini ma a nya laifie a." ⁴³ Kpenga na wo kaba anu asi, na wo su i su, sukansi Nyeme. Jama n nyuuri i so n na bu kere gusu akansi Nyeme.

19

Yesu ni Zakayosi dee jore

¹ Yesu ko wuraari Yeriko mie kpiri n nu na wo koro ka i sin. ² Bie be woori do, bu fere i ka Zakayosi, i ti lampodefom kere kpien wo, na i la ajekere agaya. ³ Na wo boro i nyi ka i nyu Yesu na i si i. Ama, jama asunnu agaya n dee ti, wo koro anu ma i, dama i ti sonco tika a. ⁴ Nyini ti, na wo nmati adu jama n mo ako afun baka na i nyu i, dama wo nyu ka Yesu fa nyini baka n bu sin a. ⁵ Sanga bo Yesu ba juuri nyini awore n nu n na wo nie angoro, na wo se i ka, "Zakayosi, jura bra ndende, dama wo yo daka ka m yo u wofoco nyuma." ⁶ Na wo jura ndende, na wo ko ade i wofoco ni ahorejo bambaka. ⁷ Na bo bu nyuuri i n kere anunuti. Bu na, "Ahin sonco n ako na i ko da satieyofoco dika." ⁸ Na Zakayosi ayasu ajina, na wo se Mibie n ka, "M Mibie, ti fen. M kpaaki m ajekere kere nu busu nnyo, na m fa buekun n ma jaarifom. Na nzen ma sisi be, m to i so nyusu nna, na m fa ma i mi." ⁹ Na Yesu ase i ka, "Nyuma dee ceen n nu, Nyeme ade ahin awuru n nufom tii aji, dama ahin sonco ni mmoo ti Abraham busu nufoco. ¹⁰ Nahore, mini Adamande Wa n baari ka m ba nienie minem bo ba mini n wo na m de bu tii ji."

Mienu fa ko akoo buru nbem dabunyu n jore

¹¹ Sanga bo minem ni toko so bu sui ti ahin jorem bo Yesu sujoko bu ni, na Yesu akaaki abo bu mienu be, dama nyini sanga ni wo ka kaan so na i wura Yerusalem mie kpiri n nu,

na minem asunsun ka sanɗa n akaba aju bo Nyeme bá nie i minem su læ. ¹² Nyini ti, na wɔ se bu ka, “Feme baa be yo woori bere a, cɛɛn be sɔ ɔ, na wɔ yasu ka i kɔ asien dede be su ka i kɔ di femeya na i kpie i nyi ba. ¹³ Kana i ba kɔ ni, na wɔ fere i akɔɔm buru, na wɔ fa ηwaa akpaaki bu kere nu, na wɔ se bu ka, ‘M kɔ wieeri, ambere si kabo am yo ahin ηwaa n a, haari m bá kpie m nyi ba.’ ¹⁴ Nyini sɔnɔ n gusu, i minem akoro má ka i yo bu feme, bu kpɔ i wɔ, nyini ti, na ba sunma minem ka bu kɔ se ka, ‘Ya koro má ka ahin sɔnɔ n bá yo ya feme.’

¹⁵ Na sɔnɔ n akɔ adi femeya ni, na wɔ kpie i nyi aba. I ba juuri kpenɗa i kaba tieɛnri i akɔɔm ni nɔɔ ɔ, adena i si kperɛ bo ba nya i fite i ηwaa bo i fa maari bu n nu. ¹⁶ Na akɔɔ n bo i du mɔ baari n ase i ka, ‘M mibie, u ηwaa n bo a fa maari m ni, ma nya i ηusu buru abuka su.’ ¹⁷ Na i mibie n ase i ka, ‘Nfan. Wɔɔ akɔɔ kpa, kabo a kere ka a la dabuɗu nie deke kaan su ni, m má a nie miem buru su.’ ¹⁸ Na akɔɔ n bo i tɔ su nnyɔ su n aba, na wɔ se ka, ‘M mibie, u ηwaa n bo a fa maari m ni, ma nya i ηusu nnu abuka su.’ ¹⁹ Na wɔ se nyini n gusu ka, ‘M má a nie miem nnu su.’ ²⁰ Na akɔɔm n kun be aba ase ka, ‘M mibie, u ηwaa n bo a fa maari m yaa, m fa pɔɔndiiri sanvuin nu fa seeri wɔ. ²¹ M soroori sere wɔ, dama a ti u sɔnɔ fangafɔ ɔ. A de deke bo i ti má u dɛɛ, na a kaaki kpie deke bo a dɔ má i.’ ²² Na wɔ se akɔɔ n ka, ‘Wɔɔ akɔɔ tiefɔ ni, u nɔanie n bo a jojo i n ye m fá yo u ηgbɛɛn a. A ηa a si tenle ka m ti m sɔnɔ fangafɔ ɔ, na m de deke bo i ti má m dɛɛ, na m kaaki kpie deke bo ma dɔ má i, má sɔ? ²³ Tɔ, ye nzu ti ye a fa má m ηwaa n akɔ ase má banɗifom dɔ a? Na má m ba kpieeri m nyi baari, má m nya kperɛ buka su.’ ²⁴ Dɔ na wɔ se bo bu jina dɔ n kere ka, ‘Am de ηwaa n fite i dɔ, na am fa ma akɔɔ n bo wɔ nya m ηwaa n ηusu buru abuka su ni.’ ²⁵ Ama, na ba se i ka, ‘Ya mibie, ye yiri du mɔ la u ηwaa n ηusu buru e.’ ²⁶ Na wɔ se bu ka, ‘M suse am wɔ læ, ka, sɔnɔ kere bo i la deke be, bu má i be buka su wɔ. Ama, sɔnɔ kere bo i la má pui, haari ni nyini kaan n bo i la i ni, bu cín de i dɔ ɔ. ²⁷ Ama, m ahin kpɔfom bere yiri, má ba koro má ka m yo bu feme, am fa bu ba jina m nyunu fen na am kun bu kere.’ ”

Kabo Yesu wuraari Yerusalem ka feme dɛɛ su ni

²⁸ Yesu seeri sɔ wieeri ni, na wɔ du bu nyunu na bu kɔ Yerusalem mie kpiri n nu. ²⁹ I ba dodoori miem bo bu fere bu ka Befage ni Betani, nyini miem ni dodo buka n bo bu fere i ka Oliva Buka n wɔ, dama oliva bakam gɔ su wɔ. Dɔ na wɔ sunma i susufom n nu nnyɔ, ³⁰ na wɔ se bu ka, “Am kɔ mie kaan n bo i wo am nyunu dɔ ni, am kɔ ηa am wura

miɛ n nu, am n̄ú ka kaakobaa be minda, be nya fun má i. Am nyan̄gi i bra fɛn. ³¹ Nzen be bisaari am ka nzu ti ye am sunyan̄gi i a, am se i ka Mibiɛ ni koro i a.” ³² Na bɛrɛ n bo i sunmaari bu n akɔ, akɔ an̄u kaakobaa n ka i minda kabo i seeri bu ni. ³³ Saŋga bo bu sunyan̄gi i ni, na i fɔm n abisa bu ka, “Nzu ti ye am sunyan̄gi kaakobaa n a?” ³⁴ Na ba bɔ bu nu ka, “Mibiɛ ni koro i a.” ³⁵ Na ba fa i aba Yesu dɔ, na minɛm n atɛrɛki bu suturam anana kaakobaa n ŋu, na ba buka Yesu na wɔ fun. ³⁶ I fun tanaari su wieeri n na i wo kɔ su ni, na minɛm n afa bu suturam atɛrɛki ase atin n nu. ³⁷ Saŋga bo i ba dodoori Yerusalem miɛ kp̄iri n nu, fa kɔ awɔrɛ n bo i atin kaba cɔɔndi Oliva Buka n su ni, na i susufɔm beberebe sukansi Nyɛmɛ ni ahorejɔ, na bu subo kuyigindi, dama ba ŋu alekutura sakpakpam bo wɔ yo i n dɛɛ ti. ³⁸ Bu ŋa,

“Tɛrɛfiɛ wo fɛmɛ n dɔ,

Yiri n bo i suba Micɛra n dɛɛ duma n nu ni.

Ahoreda wo an̄goro,

na kans̄i wo Nyɛmɛ bo i wo an̄goro n dɔ.”

³⁹ Dɔ na Farasifɔm nbem bo bu wo jama n nu n ase Yesu ka, “Ya Kɛrɛfɔ, tien u susufɔm n ŋu ka bu yaki nan̄miɛ.” ⁴⁰ Na wɔ se bu ka, “M suse am wɔ lɛɛ, ka, nzen má bɛrɛ yakiiri nan̄miɛ, má am ŋu ka yabuɛm bo bu da bɛrɛ n ayasu suyo nan̄miɛ.”

Kabo Yesu suunri Yerusalemfɔm n dɛɛ ti ni

⁴¹ Saŋga bo Yesu ba dodoori Yerusalem miɛ kp̄iri n na i ŋuuri i sɔ ni, na wɔ sun miɛ n dɛɛ ti, ⁴² na wɔ se ka, “Nzen má nyuma dɛɛ cɛɛn n nu am si sam bo bu fa ahoreda ba ni, má i ti má sɔ. Ama, kabo i ti ni, am koro ŋu má nyini sam ni. ⁴³ Saŋga ni suba bo am kpɔfɔm bá ta kanda bara ye am deke kɛrɛ na am kóro fite má nu. ⁴⁴ Bu kún am ni am nbaam, na bu fúfu am ahin miɛ n kɛrɛ pepere, haari yabue kun n kpein mmɔɔ bá nana má i ben̄gu su. Ahin n kɛrɛ bá yo sɔ, dama am asi má saŋga n bo Nyɛmɛ baari ka i ba de am tii ji ni.”

Kabo Yesu fɔɔnri watafɔm fiteeri Nyɛmɛ Sereebiri Awuru n nu ni

⁴⁵ Dɔ na Yesu akɔ awura Nyɛmɛ Sereebiri Awuru n nu, na wɔ bo i bu sufɔn yi watafɔm, ⁴⁶ na wɔ se bu ka, “Ba kɛrɛ i Nyɛmɛ Jɔrɛ Kadasi n nu ka, Nyɛmɛ ŋa o, ‘M awuru ni, bu bá fere i ka awuru bo bu bá sere Nyɛmɛ nu.’ Ama, ambɛrɛ afa i ayo awiefɔm fiɛɛbiri.”

⁴⁷ Cɛɛn n kɛrɛ cɛɛn, Yesu kɛrɛ minɛm wɔ Nyɛmɛ Sereebiri Awuru n nu. Na Nyɛmɛ sayoowa dɔnguyofɔ nkpiɛnkpiɛnm, ni Nyɛmɛ nɔaniɛ kɛrɛfɔm, ni Yudaɔm teretɛrɛfɔm n akoro

ka bu kun i, ⁴⁸ ama, ba koro anya má atin, dama minem n kere koroori ka bu so bu sui wɔ, na bu ti i kereewam ni.

20

Kabo bu bisaari Yesu deke bo i yiko n fite ni

¹ Cɛɛn be sɔ ɔ, Yesu wo Nyɛmɛ Sereebiri Awuru n nu sukere minem, na i sukan labari kpa n kere bu. I wo kere su n na Nyɛmɛ sayoowa dɔɲguyofɔ nkpienkpienm, ni Nyɛmɛ nɔɔniɛ kerefɔm, ni Yudafɔm nkpienkpienm aba i dɔ ² aba ase i ka, “Nma dɛɛ yiko nu ye a yo nyini sam kere a? Kan na ya ti. Nma ma u nyini yiko ni, ye a yo nyini sam n a?” ³ Na wɔ bɔ bu nu ka, “Am ma m du mɔ bisa am bisaawa kun be ka. Kisa, ambere kan na m ti, ⁴ nma maari Yohane atin ye i ba biɛeri minem Nyɛmɛ nzue n a? Nyɛmɛ nzen adamande?” ⁵ Na ba bisa bu nɲu nu kabo bu bɔ i nu barasu, bu nja, “Nzen ya seeri i ka Nyɛmɛ maari i atin a, i bɩsa ya ka, ye nzu ti ye ya da má Yohane nju a? ⁶ Ama, nzen ya seeri i ka adamande dɔ, minem kere tú ya yabue wɔ, dama bu kere soroori su ka Yohane yo tiiri Nyɛmɛ nɔɔniɛ kanfɔ ɔ nahɔre su.” ⁷ Nyini ti, na ba bɔ i nu ka, “Ya si má sɔnɔ bo i maari i atin.” ⁸ Na yiri gusu ase bu ka, “Mini mmɔɔ sé má am sɔnɔ bo i dɛɛ yiko nu na m yo ahin sam n kere ni.”

Kabo Yesu boori miɛɛnu niiri Yudafɔm nkpienkpienm ni

⁹ Dɔ na Yesu abo minem ahin miɛɛnu ni, i nja, “Sɔnɔ be yo woori bere a, na wɔ dɔ i baka suuwa barasu be fie. Na wɔ nya afa awura i npadifɔm saa nu, na wɔ kɔ atin akɔ ace. ¹⁰ Saɲga ba juuri bo i si ka baka suuwam n abi ni, na wɔ sunma i akɔɔm kun i npadifɔm n dɔ, ka i kɔ de i dɛɛ bo ba nya i n bra. Akɔɔ n kɔ juuri ni, na ba tara i abo i, na ba fɔn i akpie i nyi i saa nɲbɛɛn. ¹¹ Na fie n fɔ n asunma i akɔɔ n kun bekun, na ba tara i abo i, na ba kpa i nyinyɛ, na ba ma wɔ kpie i nyi i saa nɲbɛɛn. ¹² Kpe nsan su ni, na wɔ sunma akɔɔ nyinga, na ba tara i abo i, na ba ma i mandim, na ba fa i atu baka suuwam fie n ahɛmɛ. ¹³ Dɔ na fie n fɔ n ase ka, ‘Ye m yó sɛ wɔ lɛɛ kisa? M súnma m tienɲu wa koroowa n wɔ, beni, bu má yiri jirima.’ ¹⁴ Ama, saɲga bo npadifɔm n njuuri ka baa ni suba ni, na ba se bu nɲu nu ka, ‘Í wa n bo i dí i aja n lɛɛ suba n a. Am bra na ya kun i, adena aja n kere ká ya dɛɛ.’ ¹⁵ Dɔ na ba cin i atu baka suuwam fie n ahɛmɛ, na ba kun i.” Na Yesu anya abisa bu ka, “Am sunsun ka fie n fɔ ni yó bu sɛ wɔ? ¹⁶ I bá kun nyini npadifɔm n kere wɔ, na i fá fie n wura mine fɔfɔrem saa nu.”

Saɲga bo minem ni tiiri sɔ n na ba se ka, “Nyɛmɛ yo ya kisi ni nyini.” ¹⁷ Na Yesu ace anie bu dɔ na wɔ se bu ka,

“Kabo ba kere i Nyeme Jore Kadasi n nu ni, am tiiri i bu se wo? Bu na,

‘Yabue n bo bondo tafom n faari i tuuri ni,
yiri ye wo kaaki bondo n jaa yabuem kere tii a.’

¹⁸ Sona kere bo i kpaasiiri nyini yabue n su, i mi bubu nu wo mumuku, na sona kere gusu bo nyini yabue n tōori i nu, i san i mi samene wo.”

¹⁹ I seeri so ni, na Nyeme nonie kerefom ni, ni Nyeme sayoowa dōnguyofō nkpienkpienm n akaba akpini atin kabo bu yo na bu tara i, dama bu faari nu ka mienu n bo i boori i ni, i bo niiri bere wo, ama, bu soroori minem dee ti, na ba yaki i.

Kabo bu sōori Yesu nge lampo to busu ni

²⁰ Nyini ti, na Nyeme nonie kerefom ni, ni Nyeme sayoowa dōnguyofō nkpienkpienm n akpini atin kabo bu yo na bu nya Yesu taraabiri. Na ba bo mine nbem ajaakpien ka bu yo bu nu ka bu ti mine kpam wo, na bu ba so i nge na bu bisa i nonie nbem, adena bu koro fa i wura gomina yikofō n saa nu. ²¹ Na nyini minem n ase Yesu ka, “Ya Kerefo, ya si ka u nonie jōjōwa ni u kereewa kere ti nahore wo, na a tantambu má nu, ama, a kere minem wo nahore su kabo Nyeme atin ti barasu. ²² To, ya dee atin n su, atin wo nu ka ya to lampo ma Romafom Feme Kpiri Siza, nzen atin wo má nu?” ²³ Ama, na wo fa nu ka bu koro ka bu kpie i mbenle wo, na wo se bu ka, ²⁴ “Am fa nwaa bra na m nie.” Bu fa baari ni, na wo bisa bu ka, “Am nie ahin nwaa ni. Nma dee tii ni i duma wo su a?” Na ba bo i nu ka, “Feme Siza dee a.” ²⁵ Na wo se bu ka, “To, deke bo i ti Feme Siza dee, am fa ma Feme Siza, na deke bo i ti Nyeme dee, am fa ma Nyeme.”

²⁶ Do na ba nu ka bu koro nya má i taraabiri minem nyunu bere, ama, kabo i boori bu nu n dee ti, na ba mie, na ba to amuna.

Kabo bu bisaari Yesu fa kōori yiwee tenge jore su ni

²⁷ Na Yudafo asese barasu nbem bo bu fere bu ka Sodusifom ni, aba Yesu do. Bu dee kereewa la ka Nyeme tēnge má minem bu yiwee nu n a. Na ba ba abisa i jore be, bu na, ²⁸ “Ya Kerefo, Moyisi yo kereeri nonie be maari ya, ka nzen sona wu yakiiri i yi na i ni bara n anya má baa, wo yo daka ka i niema n fa kunafo n na bu wu nbaam ma goro n bo wo wu ni. ²⁹ To, sona be yo laari nbaabiesom nso a, na baakpien n aja bara, na wo wu ayaki bara ni, ba nya má baa. ³⁰ So ye bo i to i su nnyo su, ³¹ ni nsan su n yoori a, haari fa ko kpuraari nso su ni, bu be mmoo anya má baa ye bu wuuri a. ³² Kasin na bara n gusu aba awu. ³³ To, kabo bu mine nso n kere aja bara n na ba wu so ni, ceen n bo

Nyeme bá tenge minem bu yiwee n nu ni, bara ni ká nma dɛɛ wɔ?" ³⁴ Na Yesu abɔ bu nu ka, "Nbaram ni nbiesɔm bo bu wo bere kisa ni ja ajaa, ³⁵ ama, nbaram ni nbiesɔm bo Nyeme anu ka bere ti ye ni ka bu bá tenge bu yiwee n nu fa kɔ fa ba ni, bere ja má ajaa kun, ³⁶ dama bu wu má kun. Bu wo bere ka Nyeme merɛkem wɔ. Bu ti Nyeme nbaam wɔ, dama ka ba tenge bu yiwee n nu. ³⁷ Na fa kɔ kabo Nyeme bá tenge minem bu yiwee n nu ni, Moyisi mmɔɔ yo kereeri ka i ti sɔ ɔ. Wɔ kere i Nyeme Jɔre Kadasi n nu, fa kɔ sangɔ bo sin n jeeri buwe baka n su ni, ka, Micera ni ti Abraham, ni Izaki, ni Jakɔbu dɛɛ Nyeme a." ³⁸ Na Yesu asa su ase bu ka, "Tɔ, kabo Micera n ti nyini minem dɛɛ Nyeme ni, nyini kere ka bu toko la ngɔɔ lɛɛ. Nyeme ti má bo ba wu n dɛɛ Nyeme, i ti bo bu la ngɔɔ ni dɛɛ Nyeme a, dama sɔnɔ kere ngɔɔ fite yiri dɔ a."

³⁹ Dɔ na Nyeme nɔaniɛ kerefɔ nbem ayasu ase i ka, "Nfan. Ya Kerefɔ, u bɔ nu n ti kpa." ⁴⁰ Nyini sin, be abo má su ka i bisa i jɔre bekun.

Kristo Tiidefɔ n bo i ti Feme Davidi anuma n jɔre

⁴¹ Na Yesu ajɔɔ minem dɔ fa kɔ Kristo Tiidefɔ n su, na wɔ bisa bu ka, "Ye nzu ti ye bu bita jɔɔ ka Kristo n ti Feme Davidi anuma a? ⁴² Dama kabo ba kere i Kansi Jue kerɛɛ-wam n nu ni, Feme Davidi ni i tii ase ka, 'Na Micera n ase m Mibiɛ n ka, 'Ba tana m saa fɔmbɔrɔ su fɛn,

⁴³ haari m bá ma u kpɔfɔm kere ba kutu u jaa bu." '

⁴⁴ Tɔ, Feme Davidi mmɔɔ fereeri Kristo n ka i Mibiɛ wɔ, ye Kristo n yo sɛ kaaki yo Feme Davidi anuma a?"

Kabo Yesu na mine si bu nju sa ni Nyeme nɔaniɛ kerefɔm ni

⁴⁵ Sangɔ bo minem n kere jina wo i nɔaniɛ n ti su sɔ ni, na Yesu ase i susufɔm n ka, ⁴⁶ "Am si am nju sa ni Nyeme nɔaniɛ kerefɔm ni, deke bo bu koro i n la ka, bu wura sutura ngbingbirim wɔ, na bu nati sujɛngbe, na sɔnɔ kere suyo bu anse gɔɔsu. Nyini minem n anya awura bu tientienbunɔɔ sɔɔm n nu ni, wara ba nya afere bu tientienbunɔɔ bambaka diire diibirim ni, bu koro ka bu tana kpirikoro tanaabirim wɔ. ⁴⁷ Nyini minem n sɔ fin nkunafɔm nenngem wɔ, na bu jina sere Nyeme cɛ, adena minem nju ka bu ti mine kpam wɔ. Jina cɛɛn, bere bá nya suicin tara minem kere."

21

Kabo kunafɔ be yiiri saraka ni

¹ Tɔ, na Yesu anie aɲu kabo nenɲefɔm suyi bu ɲwaa wura alaka bo minem yi saraka wura nu ni. ² Kunafo yaarifɔ be gusu woori dɔ, na wɔ ba ayi ɲwaa kaan be bo i koro to má pui awura saraka n nu, na Yesu aɲu i. ³ Dɔ na wɔ se ka, "Nahore ye m suse am n a, nyini kunafo n ayi ɲwaa atara minem kere. ⁴ Dama nenɲefɔm la ɲwaa beberebe n deɛ ti, ye ba yi be a. Ama, nyini kunafo n ni i yaari n kere, i deke kere bo i la i lee ye wɔ yi i n a."

Kabo Yesu seeri ka Nyeme Sereebiri Awuru ni bá bereki ni

⁵ Na Yesu susufɔ nbem ajojo fa ko Nyeme Sereebiri Awuru n su, kabo ba ta i ni yabue ɲgbingbirim ni aceerim bo bu fa ba ce Nyeme na i yo nyumi barasu ni. Bu wo jojo n su so ni, na Yesu ase ka, ⁶ "Nyini dekem bo am ɲu bu ni, sanɲa suba bo yabue kun n kpein n mmɔɔ bá nana má i benɲu su. Bu bá bereki i kere go o lee."

Kabo Yesu kereeri fa ko durunya n awieeri su deɛ jore ni

⁷ Na Yesu susufɔm n abisa i ka, "Ya Kerefo, sanɲa bono ye ahin sam kere bá yo a? Ye nzu deke bá kere ya ka sanɲa n adodo bo ahin sam n kere bá yo a?" ⁸ Na wɔ se bu ka, "Am si am ɲu sa, na má am ma be dadaka am. Dama mine dɔɲgu bá fa m duma ba, na bu sé ka, 'Yiri la mini a.' Na bu káaki se am ka, 'Sanɲa n aju lee.' Ama, má am su bu su. ⁹ Sanɲa bo am bá ti aluwa ɲga fen, wara bu sukun lue dɔ, má am ma sere ti am. Dama wɔ yo daka ka nyini sam n kere bá yo sin ka, ama, i kere má ka durunya n awieeri lee."

¹⁰ Na wɔ kaaki ase bu ka, "Daanfie daanfie bá kun lue ni bu benɲum, na nfemem kún lue ni bu benɲu nfemem. ¹¹ Na asien bá kpisi agaya, na ahɔe tó, na alɔɔba tó awɔre awɔrem nu, na ya bá ɲu anyumbaa ciire sa nbem ka bu sutie fite aɲgoro n nu.

¹² Ama, kana ahin sam kere bá yo ni, bu tára am, na bu kére am wuwuruwa, na bu fá am wura yikofɔm saa nu, na bu dí am jore bu tientienbunɔɔ soom nu, na bu nyí am dansaraka, na bu fá am wura nfemem ni gominam saa nu, na bu fá am jina bu nyunu, mini deɛ ti. ¹³ Ahin má am atin a, na am kóro kan labari kpa n kere bu. ¹⁴ Ama, am du mɔ yo am sunsunni nu na má am ma i mie am, kabo bu ko bisa am na am jojo barasu. ¹⁵ Dama mini má am alecira noanie bo am jójo a, na am kpɔfɔm be mmɔɔ kóro la má noanie be bo bu kóro jojo bo am asi, wara bu fá ta am nyi. ¹⁶ Haari am wufɔm, ni am ninbaam, ni am lamɔsim, ni am danfom mmɔɔ bá tɔ am ma nfangafɔm, na bu kún am nbem. ¹⁷ Mini deɛ ti, sɔnɔ kere kpó am. ¹⁸ Ama, am tiɲmie

kun n kpein mmoo ká má ñgbreen. ¹⁹ Nzen am mindi deeri nyini n kere, am nyá ñgoo.”

Kabo Yesu jǎjǎori ka Yerusalem mie ni bá saaki barasu ni

²⁰ Na Yesu akaaki ase i susufom n ka, “Sanja bo am bá ñu ka sojam abara aye Yerusalem mie kpiri n ni, am si tenle su ka i cé má, bu sáaki mie n kere lee. ²¹ Nyini sanja ni, woro kere bo a tiiri i ñga na a wo Yudiya asien n su, ñmati ko bukam n su. Woro kere bo a wo mie n nu, ñmati fite nu. Na woro kere gusu bo a wo mie n aheme, má a kpie u nyi ko mie n nu kun. ²² Dama ahin suicin kekereke sanja ni yó yiiwa, kabo ba kere i Nyeme Jore Kadasi n nu n kere. ²³ Nyini sanja ni yó kekereke agaya ma nyinsefom, ni nbaram bo bu nbaam toko nu ni. Dama minem n bo bu wo ahin asien n su ni dí yaari agaya, na Nyeme cin bu sui. ²⁴ Na bu kún nbem lue nu, na bu tára nyinjam domue, na bu fá bu ko asien asienm n kere su, na minem bo bu ti má Yudafom ni sáaki mie n kere haari fa ko ju sanja bo bu yiko bá wie.”

Kabo Adamande Wa ni bá kaaki ba barasu ni

²⁵ Na Yesu ase bu ka, “Na alekutura sam nyá ba tie fite wie n ni sara n, ni asarambaam kere nu. Na durunya n nu fen, asien asienm n sufom kere ahore tánda, na sere tí bu, fa ko kabo tieku nzue n bo barasu, na i yo nanmie agaya ni. ²⁶ Sam bo bu bá yo durunya n nu n dee ti, nyini má sere ti minem na bu tó cin, dama angoro n kere kpisi wo. ²⁷ Na minem nyá ñu ka mini Adamande Wa ni sufite angoro yinyinggu n nu suje piepieu suba ni yiko bambaka. ²⁸ Sanja bo nyini sam n kere bá suyo ni, am yasu na am ye am tii su ni ahoresi, dama sanja n adodo bo Nyeme bá de am tii lee.”

Kabo Yesu ña ya fa damba baka fa se nyaari barasu ni

²⁹ Do na Yesu abo ahin mienu n akere bu. I ña, “Am nie damba baka ni baka nyinjam kere. ³⁰ Sanja bo am nya ba ñu ka bu sufefie nyawa fofore ni, ambere ni am tii si ka dooori sanja adodo lee. ³¹ Kabo Nyeme Feme bá nie i minem su ni, i yó so o. Sanja bo ambere gusu bá ñu ka nyini sam kere suyo ni, am si tenle ka i cé má, Nyeme Feme bá nie i minem su lee.

³² Nahore ye m suse am n a, bo bu la ñgoo kisa ni wú wie má ka, ye ahin sam kere bá yo a. ³³ Angoro n ni asienngu n kere bá la awieeri, ama, m dee noanie n yiri, i la má awieeri een be.”

Kabo Yesu seeri ka ya si ya ñu sa fa ko i ba n su ni

³⁴ Na Yesu ase i susufom n ka, “Am si am ñu sa, na má am susaaki am sanja sutien am noo sunu nzan subo, na má

am ma durunya n nu sa koroowa mie am, na má m ba ni fúra am nu ³⁵ kabo toroku tara deke ni. Dama nyini cɛɛn bá fura minem bo bu wo durunya n nu wɔ. ³⁶ Má am fa am ŋu ji, am sere Nyeme sanja kere ka i ma am fanja na am kóro fite nyini kekereke n kere bo bu suba n nu, na am bá koro jina mini Adamande Wa n nyunu.”

³⁷ Ale kere bo i cin, Yesu kɔ Nyeme Sereebiri Awuru n nu wɔ, na i kɔ sukere minem, ale nya ba san, na i kɔ Oliva Buka n su. ³⁸ Ale kere bo i cin ngarama fuun, minem ni ba i dɔ Nyeme Sereebiri Awuru n nu wɔ, na bu ti i kereewam ni.

22

Kabo bu seseeri su ka bu kun Yesu ni

¹ Sanja n ba dodoori bo bu di bu cɛɛnkpiri n bo bu di i ni kpɔɔ bo bu gɔ má ayiri nu na i yasu ni. Yiri ye bu kaaki fere i ka Butara cɛɛnkpiri n a. ² Na Nyeme sayoowa dɔɔɔguyofɔ nkpienkpienm ni, ni Nyeme nɔaniɛ kerefɔm ni, anienie atin kabo bu yo barasu na bu kun Yesu, dama bu soroori minem ni ahore wɔ.

³ Na Sitana awura Yudasi Isikariyoti ni, yiri ti Yesu susufɔ buru ni nnyɔm ni kun be a. ⁴ Nyini ti, na wɔ kɔ asese su ni Nyeme sayoowa dɔɔɔguyofɔ nkpienkpienm ni, ni Nyeme Sereebiri Awuru n tintinijinafɔ nkpienm ni, kabo i tɔ Yesu ma bu ni. ⁵ Bu tiiri nyini n sɔ ni, na bu ahore ajɔ, na ba se ka bu má i ŋwaa. ⁶ Na Yudasi asoro su, na wɔ kpini atin na i tɔ Yesu ma bu, sanja bo jama wo má i dɔ ni.

Kabo Yesu ni i susufɔm seseeri su ka bu di cɛɛnkpiri diire ni

⁷ Na cɛɛnkpiri cɛɛn n aju, cɛɛn n bo bu di kpɔɔ bo bu gɔ má ayiri nu na i yasu ni. Nyini cɛɛn n ye wɔ yo daka ka bu kpie nbombaam kɔm n a, na bu fa tenje Butara cɛɛnkpiri n su. ⁸ Na Yesu asunma Petoro ni Yohane, i ŋa, “Am kɔ sese Butara cɛɛnkpiri n diire n su na ya ba di.” ⁹ Na ba bisa i ka, “A koro ka ya kɔ ni kɔ sese diire n su a?” ¹⁰ Na wɔ bɔ bu nu ka, “Am ti fen, am kɔ ŋa am wura mie n nu, am ni sɔɔ be kába ye, i sɔ dundu ni nzue. Am su i su kɔ wura awuru n bo i kɔ wura nu ni. ¹¹ Na am bisa awurufɔbie n ka, ‘Ya Kerefɔ n ŋa, sɔɔ bɔɔɔ nu ye i ni i susufɔm ni dí Butara cɛɛnkpiri diire n a?’ ¹² Na i kére am angoro sɔɔ bambaka n bo ba yo i kere dɔɔɔgu ni, dɔ ye am sese diire n su se ya.” ¹³ I jɔjɔ wieeri ni, na ba kɔ anju deke n kere sɔ kabo Yesu seeri bu ni, na ba sese Butara cɛɛnkpiri diire n su.

Kabo Yesu ni i susufɔm ni diiri Butara cɛɛnkpiri diire ni

¹⁴ Saɗga n ba juuri, na Yesu ni i jaramasam n aba atana ka bu di diire ni. ¹⁵ Na wɔ se bu ka, “Kabo m koroori lɛɛ, m boroori m nyi wɔ ka m ni ambere saɗga di ahin Butara cɛɛnkpiri diire n ka, na m nyá di m wahara ni. ¹⁶ Dama m suse am wɔ lɛɛ, ka, m dí má ahin diire n kun, má ka i bá yo yiiwa Nyeme femeya n nu.”

¹⁷ Dɔ na wɔ fa awa ni nzan, na wɔ da Nyeme asi, na wɔ se bu ka, “Am de na am nu, na am fa ma am beɗgu. ¹⁸ M suse am wɔ lɛɛ, ka, m nú má ahin nzan n kun, má ka cɛɛn n bo Nyeme Feme bá nie i minem su.”

¹⁹ Na Yesu akaaki afa kɔɔɔ, na wɔ da Nyeme asi, na wɔ bubu i nu, na wɔ fa ama bu, na wɔ se bu ka, “Ahin kɔɔɔ n ti m nuniembaa lɛɛ, ye m sufa ma am n a. Am yo ahin so adena am fa tenge m su.” ²⁰ Bu diiri diire n wieeri ni, na wɔ kaaki afa awa ni nzan ni, na wɔ yo sɔ, na wɔ se bu ka, “Ahin nzan n ti sesesu fɔfɔre n bo Nyeme sufa m mbunja n sudi i di n a. Ambere dɛɛ ti ye m mbunja ni songi gɔ a.

²¹ Ama, am nie. Sɔɔ n bo i tó m ni wo diire n diibiri fen, m ni yiri saɗga di diire n a. ²² Mini Adamande Wa ni wú kabo Nyeme adu mɔ acici ka m wú n wɔ, ama, sɔɔ n bo i tɔ m ni, i mi bá n̄ anyumboro.” ²³ Dɔ na ba bisa bu n̄nu nu ka, “Ye ya nu n̄ma koro yo ahin sa n a?”

Kabo Yesu kereeri ka mɔfɔ yo i n̄u kaan ni

²⁴ Na Yesu jaramasam n ase akuruwa bu n̄nu nu fa kɔ sɔɔ bo i tara bu kere bu nu. ²⁵ Na Yesu ase bu ka, “Minem bo bu su má Nyeme n dɛɛ nfemem, bere mie bu minem a, na bere bo bu la yiko minem n̄u ni, bu fere bu ka bukafɔm. ²⁶ Ama, má ambere yo sɔ. Sɔɔ bo i tara am kere am nu ni, i ti ye ni ka i mi yo i n̄u kaan, na bo i ti am mɔfɔ n gusu, i ti ye ni ka i mi yo i n̄u kaan na i su am. ²⁷ Sɔɔ bo i tana di diire ni, ni bo i su amusui ni, n̄ma tara i beɗgu a? Yiri la bo i tana di ni, má sɔ ɔ? Ama, mini wo am nu ka sɔɔ bo i su amusui wɔ.

²⁸ Saɗga kere bo m woori kekereke nu, ambere jinaari m sin a. ²⁹ Kabo m Si Nyeme ama m atin ka m di femeya ni, sɔ ye mini gusu fá ma am a, ³⁰ na am dí na am nú m femeya n nu, na am tána femeya biem su, na am nie Yisarelifɔm anɔ buru ni nnyɔm n su.”

Kabo Yesu seeri ka Simon Petoro bá kete i ni

³¹ Na Yesu ase Simon ka, “Simon, ti fen. Sitana asere atin ka i kpaja am kabo bu kpaja n̄gani n wɔ. ³² Ama, ma sere Nyeme ama u na má a yaki m yaradayo. Na saɗga bo a ba kaaki ba suuri m su bekun ni, buka u ninbaam ni, na bu nya ahoresi.” ³³ Na wɔ se i ka, “M Mibie, m n̄máti yaki má u da, n̄ka bu saɗga nyi wɔɔ ni mini kere wɔ, na ya saɗga wu.”

³⁴ Na Yesu ase i ka, “Petoro, m suse u wɔ lɛɛ ka, nyuma, kana akɔnyuma bá bo, a kéte kpe nsan su ka a si má m.”

Kabo Yesu seeri i susufɔm fa kɔ sa kekerekem bo bu bá yo ni

³⁵ Na Yesu abisa i susufɔm n ka, “Sanɔa bo m sunmaari am na am abita má nɔwaa kuruku, wara kuruku, wara gbagbaa ni, nzu kpɛeri am su a?” Na ba bɔ i nu ka, “Pui akpɛ má ya su.” ³⁶ Na wɔ se bu ka, “Ama, kisa, wɔwɔ kɛrɛ bo a la nɔwaa kuruku, wara kuruku, fa i, na wɔwɔ kɛrɛ bo a la má takobe, tɔ u tanlɛɛ na a fa nɔwaa n to be. ³⁷ Dama ba kɛrɛ i Nyɛmɛ Jɔrɛ Kadasi n nu ka, ‘Bu faari m buuri satieyofɔm kun wɔ.’ M suse am wɔ lɛɛ, ka, wɔ yo daka ka, mini dɛɛ ti, na i yo yiiwa. Nahɔrɛ, deke n bo bu kɛrɛ niiri mini ni, i suyo yiiwa.” ³⁸ Na ba se i ka, “Ya Mibiɛ, niɛ. Takobe nnyɔ yaa fɛn.” Na wɔ se bu ka, “Wɔ se su.”

Kabo Yesu jeke tiiri n na i kɔ sereeri Nyɛmɛ ni

³⁹ Na Yesu afite miɛ n nu, na wɔ kɔ Oliva Buka n su, kabo i nati yo ni, na i susufɔm n asu i su. ⁴⁰ Sanɔa bo i kɔ juuri dɔ ni, na wɔ se i susufɔm n ka, “Am sere Nyɛmɛ, adena má deke be yo am na am wura satie nu.” ⁴¹ Dɔ na wɔ yaki bu, na wɔ kɔ mɔ kaan, na wɔ kutu asere Nyɛmɛ. ⁴² I nɔa, “M Si Nyɛmɛ, nzen i ti u koroyanu, yi m fite ahin anyumboro n bo i suba m dɔ n nu. Haari ni nyini mmɔɔ, má a yo kabo m koro ni, ama, se kabo a koro ni.” ⁴³ Na Nyɛmɛ mɛrɛkɛ be atie afite angoro aba asi i ahore. ⁴⁴ Ahoretanda n bo i tuuri i n dɛɛ ti, na wɔ sere Nyɛmɛ ni anyumboro abuka su, na i anɔye sukpinkpin asienɔgu ka mbunja dɛɛ su.

⁴⁵ I sereeri Nyɛmɛ n wieeri ni, na wɔ yasu akpɛ i nyi akɔ i susufɔm n dɔ, i kɔ nɔuri ka bu wo daafiri su, dama bu ahore asaaki agaya n dɛɛ ti. ⁴⁶ Na wɔ se bu ka, “Nzu ti ye am da daafi a? Am yasu jina na am sere Nyɛmɛ, adena má deke be yo am na am wura satie nu.”

Kabo bu taraari Yesu ni

⁴⁷ Na sanɔa bo i toko wo jɔjɔri n su ni, na jama be aba aju. Yudasi bo i ti i susufɔ buru ni nnyɔm nu kun ni, duuri bu mɔ a, na wɔ kɔ Yesu dɔ ka i kɔ biti i, ⁴⁸ ama, na Yesu abisa i ka, “Yudasi, a biti m ye a ma bu nya mini Adamande Wa n taraabiri a?”

⁴⁹ Sanɔa bo i susufɔm bo bu wo i dɔ n nɔuri sa n bo i suba ni, na ba bisa i ka, “Ya Mibiɛ, ya kpɛ bu takobe, nzen sɛ?” ⁵⁰ Na bu nu kun akpɛ ayi sɔnɔ be sui, i saa fɔmbɔrɔ dɛɛ ni, nyini sɔnɔ n ti Nyɛmɛ sayoowa dɔnguyofɔ n kɛrɛ kpɛn n akɔɔ. ⁵¹ Ama, na Yesu atien i susufɔm n nɔ ka, “Má am yo sɔ kun.” Na wɔ fa i saa akan sɔnɔ n sui ni, na

wɔ nya laifiɛ. ⁵² Dɔ na Yesu ase Nyɛmɛ sayoowa dɔnguyofɔ nkpienkpienm ni, ni tintinijinafɔ nkpienkpienm ni, ni Yudaɔm nkpienkpienm kere bo bu baari ka bu ba tara i n ka, “M ti awiefɔ ɔ, ye am fa takobem ni korɔmam na am ba tara m a? ⁵³ Cɛɛn n kere cɛɛn m ni ambere wo Nyɛmɛ Sereebiri Awuru n nu a, am atara má m. Ama, kisa ti sanɔa bo Nyɛmɛ ama atin, na am ni Sitana bo i wo awosin nu n kere am yiko a.”

Kabo Petoro keteeri ka i si má Yesu ni

⁵⁴ Na ba tara Yesu afa i akɔ awura Nyɛmɛ sayoowa dɔnguyofɔm n kere kpɛn n dika, na Petoro asu bu su, ama, i woori dede kaan ni bere wɔ. ⁵⁵ Mine nbem atɔrɔ sin gisan n aɛn, atana abara aye i, na Petoro akɔ abuka bu su. ⁵⁶ I tanaari na sin wein n gɔɔri i ɔu ni, na afani be aɔu i. Na wɔ nie i nyunu dika gbirim, na wɔ se bu ka, “Ahin sɔnɔ ni mmɔɔ ti i susufɔ ɔ.” ⁵⁷ Ama, na wɔ kete, i ɔa, “Bara, m si má i.” ⁵⁸ Nyini sin, wɔ ce má, na sɔnɔ be gusu aba aɔu i, na wɔ se i ka, “Wɔrɔ mmɔɔ ti bu kun wɔ.” Ama, na wɔ se i ka, “Wɔrɔ, m ti má bu kun.” ⁵⁹ Na fa kɔ sanɔa su bekun, na sɔnɔ kun be ajina su kekereke ase ka, “Nahɔre, ahin sɔnɔ n ti bu kun wɔ, dama yiri gusu ti Galilifo ɔ.” ⁶⁰ Ama, na wɔ se i ka, “Wɔrɔ, m si má ahin jɔre n bo a sujɔɔ i ni mmɔɔ.” Sanɔa bo i toko wo jɔɔɔri n su ni, na akɔnyuma akaba abo. ⁶¹ Na Mibiɛ Yesu n ace anie Petoro nyunu, na wɔ tenge su kabo Mibiɛ n seeri i ni, i ɔa, “Nyuma, kana akɔnyuma bá bo, a kéte kpe nsan su ka a si má m.” ⁶² Na wɔ fite akɔ asun agaya.

Kabo bu yoori Yesu anzasi na bu boori i barasu ni

⁶³ Na minɛm bo bu bita Yesu ni, ayo i anzasi, na ba bo i. ⁶⁴ Na ba fa sanvuin acin akata i nyumbaa, na ba bisa i ka, “Wɔrɔ Nyɛmɛ nɔanie kanfɔ ni, ɔma bo u a? Kan kere ya.” ⁶⁵ Na ba kpɛ i nzukɔ barasu barasu n kere.

Kabo Yudaɔ teretereɔm diiri Yesu jɔre barasu ni

⁶⁶ Na ale acin, na Yudaɔm teretereɔm atien bu nɔɔ, Nyɛmɛ sayoowa dɔnguyofɔ nkpienkpienm ni, ni Nyɛmɛ nɔanie kereɔm n gusu buka su, na ba fa Yesu aba bu tientienbunɔɔ n nu. ⁶⁷ Na ba se i ka, “Nzen a ti Kristo Tiideɔ n a, se ya.” Na wɔ se bu ka, “Nzen m seeri am ka yiri la mini, am dé má, ⁶⁸ na nzen m bisaari am bisaawa, am bó má m nu. ⁶⁹ Ama, fite kisa fa kɔ, mini Adamande Wa ni bá tana Nyɛmɛ Yikofɔ n saa fɔmbɔrɔ su wɔ.” ⁷⁰ Dɔ na bu kere abisa i ka, “Nka wɔrɔ ti Nyɛmɛ Wa n a?” Na wɔ bɔ bu nu ka, “Kabo am jɔɔɔri ni, i ti sɔ ɔ.” ⁷¹ Na ba se ka, “Ya koro má daanifo be kun. Yere mmɔɔ ni ya tii ati kabo wɔ se ni.”

23

Kabo bu faari Yesu ko jinaari Gomina Pilato nyunu ni

¹ Na bu tereterefom n kere bo ba tien bu nɔɔ n ayasu, na ba fa Yesu ako ama Gomina Pilato. ² Na ba bo i bu sujaraki i, bu ɲa, “Ya ko aɲu ka ahin sɔɔ ni sudaka ya minem ka bu kete gomina ni, na má bu tɔ lampo kaari ma Feme Kpiri Siza, i ɲa ka yiri ni i tii ti Kristo Tiidefo n a, nyini la ka i ti feme wo læ.” ³ Na Gomina Pilato abisa i ka, “Wɔɔ ti Yudafofom feme n a?” Na wo bo i nu ka, “Kabo a jɔɔ ni, i ti sɔɔ.” ⁴ Do na Gomina Pilato ase Nyeme sayoowa dɔɲguyofɔ nkpienkpienm ni, ni jama n kere ka, “Ma ɲu má ɲgasi bo ahin sɔɔ n ado i.” ⁵ Ama, na ba jina kun su, na ba jaraki i, bu ɲa, “I kereewa n ama Yudiya awɔre n nu minem kere ahore ayasu. I boori i bu Galili awɔre n nu wo, ye kisa wo fa aba fen n a.”

Kabo bu faari Yesu ko jinaari Feme Herode nyunu ni

⁶ Gomina Pilato tiiri sɔ ni, na wo bisa ka, “Sɔɔ n ti Galilifo ɔ?” ⁷ I tiiri ka i fite do ni, na wo ma ba fa i ako Feme Herode do, dama yiri yo nie nyini awɔre n su a. Nyini sanga ni, Feme Herode gusu woori Yerusalem mie kpiri n nu. ⁸ Feme Herode ɲuuri Yesu ni, na wo yo i fie ako asin su, dama wo ti i ɲga ace, na wo koro ka i ɲu i na i yo alekutura sa nbem na i nie. ⁹ Nyini ti, na wo bisa Yesu bisaawam beberebe, ama, wo bo má i nu. ¹⁰ Na Nyeme sayoowa dɔɲguyofɔ nkpienkpienm ni, ni Nyeme noanie kerefom n afite ajina sujaraki i ni anyumboro su. ¹¹ Na Feme Herode ni i sojam n ayo Yesu anzasi, na ba bu i ɲgbeen, na ba fa tanlæ nyunyumi awura i, na ba fa i akpie i nyi ako Gomina Pilato do. ¹² Nyini sanga ni, Feme Herode ni Gomina Pilato yo kɔ bu beɲu wo, ama, nyini cɛen n gbingbin na ba kaaki danfom.

Kabo Gomina Pilato maari nɔɔ ka bu kun Yesu ni

¹³ Na Gomina Pilato afere Nyeme sayoowa dɔɲguyofɔ nkpienkpienm ni, ni Yudafofom tereterefom ni, ni minem ni, ¹⁴ na wo se bu ka, “Am faari ahin sɔɔ n baari m do, na am ase ka i sukere minem na bu kete gomina n wo. Mini ni m tii anie jɔre n nu am nyunu fen, ama, ma ɲu má ɲgasi bo wo do i. ¹⁵ Feme Herode mmɔɔ ni i tii aɲu má i ɲgasi be, nyini dee ti ye wo kaaki i aba ama ya n a. Nahore, ahin sɔɔ n ado má ɲgasi be bo bu kun i. ¹⁶ Nyini ti, m má bu fin i ɲgbere na m yáki i na i ko.” [¹⁷ Afo kere afo, Butara cɛenkpiri n nya ba juuri ni, wo yo daka ka Gomina Pilato yi dansaraka n kun ji.] ¹⁸ Ama, na jama n kere atien kungerekun ase ka, “Yi ahin sɔɔ ni ɲɔɔ, na a yi Barabasi ma ya.” ¹⁹ Yiri Barabasi

ni i beɗgu ketemafo nbem yo kpieri jore, Yerusalem mie kpiri n nu, na ba di aluwa na ba kun mine. Nyini ti ye bu taraari i dansaraka n a.

²⁰ Gomina Pilato koroori ka i yaki Yesu nu ji n dee ti, na wo kaaki ajojo jama n do bekun. ²¹ Ama, na bu sutientien suse ka, "Kpama i baka jaanu n su na i wu. Kpama i." ²² Na wo kaaki ase bu kpe nsan su ka, "Ye nzu satie ye wo yo i a? Mini anu ma satie be bo wo yo i na bu kun i. M ma bu fin i ngbere wo, na m yaiki i na i ko." ²³ Ama, na ba kaaki atien kpa amie i ka i kpama Yesu baka jaanu n su. Na bu nanmie yoowa agaya n akunma Gomina Pilato. ²⁴ Na wo ma noo ka bu yo Yesu kabo minem koro ni. ²⁵ Na wo yi sono n bo minem n koroori i n aji, yiri bo i kpiniiri jore na i kuunri minem na bu nyiiri i dansaraka ni. Ama, Yesu yiri, na wo ma bu noo ka bu kun i, kabo Yudafom koro ni.

Kabo bu kpamaari Yesu baka jaanu n su ni

²⁶ Na sojam n afa Yesu afite, na sanja bo bu wo ko su ni, na bu ni bie be aye, bu fere i ka Simon, i ti Sirenefo o. I fite aheme suba mie kunnu, na sojam n amie i ka i so baka jaanu n su Yesu su. ²⁷ Na jama beberebe asu i su, bu nbem ti nbaram wo, na bu susun, na bu sukoko, i dee ti. ²⁸ Na Yesu ace anie bu, na wo se bu ka, "Yerusalem nbaram, ma am sun mini dee ti, ama, am sun ambere ni am nbaam dee ti. ²⁹ Am ti fen, sanja ni suba bo minem ba se ka, "Terefie wo norokam n do, ni bo bu nya wu ma nbaam ni, ni bo nbaam nya nu ma bu nyufini ni." ³⁰ Nyini sanja n ye minem se ka, 'Nzen ma bukam bereki go ya nu, na kperem kata ya nu, ma i ti ye.'

³¹ Nzen bu faari baka mone wuraari sin nu na i jeeri, ye baka wuruwa yiri yo se wo lee?"

³² Na ba fa satieyofa nnyo nbem gusu ako ka bu ko kun bu ni Yesu kere. ³³ Sanja bo bu ko juuri dika be bo bu fere i ka Tereawa woobiri ni, na ba kpama Yesu baka jaanu n su, na ba ye i su ajina. Na ba kpama satieyofa nnyo nbem baka jaanu n su adodo i, bu kpamaari kun i saa fomboro su wo, na ba kpama kun n gusu i saa bie su. ³⁴ Na Yesu ase ka, "M Si Nyeme, fa bu satie ce bu, dama bu si ma sa n bo bu suyo i ni." Na ba tu mbaa na bu si kabo bu kpaaki i suturam nu. ³⁵ Na minem n ajina do sunie i, na Yudafom tereterefom mmoo ayo i anzasi. Bu na, "I na i koro de minem tii ji. Nzen yiri ti Kristo Tiidefo n bo Nyeme ayi i ni, ma i de i nu tii ji." ³⁶ Na sojam n gusu ayo i anzasi, na ba fa nzan gagaraki be ama i ka i nu, ³⁷ na ba se ka, "Nzen woro ti Yudafom Feme

n a, de u tii ji.” ³⁸ Na ba kere kerewa be abo akpama i baka jaanu n tii su, kerewa n la ka, “Yudafom Feme n lee.”

³⁹ Na satiyofɔ nnyom bo bu sanɔa kpamaari bu ni Yesu ni, bu nu kun ato i ɔu ni nzuko, i ɔa, “Ma woro ti Kristo Tiidefo n a? De u tii ji na a de yere gusu ji.” ⁴⁰ Ama, na nyinga n ajaraki i, i ɔa, “A soro ma Nyeme wo? M ɔa ya dee suicin ni i dee n kere ti kun wo. ⁴¹ Ya dee suicin n yiri, i ti deke bo ya de i wo, dama kabo i ti ye ni ka bu yo ya lee, ama, yiri ado ma ɔgasi be.” ⁴² Na wo kaaki ase ka, “Yesu, a ba baari ni u femeya ni, tenge m su.” ⁴³ Na Yesu ase i ka, “Nahore ye m suse u n a, nyuma dee ceen n nu, a ba wo m do alezanda nu.”

Kabo Yesu wuuri ni

⁴⁴⁻⁴⁵ Na fa ko wiesu kerefi buru ni nnyo sanɔa, wie n afite ma na awosin akata asien n kere su haari naaso kerefi nshan, na tani bambaka n bo bu fa kanda kpaakiiri Soɔ Casi n bo i wo Nyeme Sereebiri Awuru n nu n ati nu nnyo, i afien. ⁴⁶ Na Yesu abo awie kpa, i ɔa, “M Si Nyeme, ma fa m ɔu awura u saa nu.” I seeri so wieeri n na wo yo Nyeme dee. ⁴⁷ Sanɔa bo soja kpian ɔuuri sa n bo wo yo so ni, na wo kansu Nyeme, na wo se ka, “Nahore su, ahin sono n tiiri sono fofoe wo.” ⁴⁸ Na minem kere bo ba tien bu noɔ jina wo i nie su ni, sanɔa bo bu ɔuuri sa n bo wo yo n so ni, na bu kere afa bu saa ataka i beɔgu nu, na ba kpie bu nyi ako awuru. ⁴⁹ Na Yesu danfom n kere, ni nbaram bo bu suuri i su fiteeri Galili awore n nu ni, ajina dede kaan sunie sam n kere bo bu yoori ni.

Kabo bu yoori Yesu sutura barasu ni

⁵⁰ Sono be woori bere, bu fere i ka Yosefu, i ti Yudafom tereterefom nu kun wo, na i ti sono kpa, na i yo sa bo i ko atin su Nyeme do. ⁵¹ Wo soro ma su ni sunsunni n bo i beɔgum faari i na bu yoori Yesu barasu ni. I fite mie kpiri n bo bu fere i ka Aramatiya na i wo Yudiya awore nu n wo, na i dee la ka, i ɔminda wo, fa ko sanɔa bo Nyeme Feme ba nie i minem su. ⁵² Na wo ko Gomina Pilato do, na wo ko asere i ka i fa Yesu ɔunie n ma i. ⁵³ Na wo ko ayi fuin ni baka jaanu n su, na wo fa nzee n apɔondi i. Na wo ko afa i awura yabue bue bo ba lokoti i ayo i fanɔunma n nu na ba nya ase ma sono be nu ni, na wo fa i ase nu. ⁵⁴ Nyini ceen n tiiri Numiyi ceen n kpokpo ceen wo, i naaso, wo ka kaan na bu di Numiyi ceen ni.

⁵⁵ Nbaram bo bu suuri Yesu su fiteeri Galili awore n nu ni, bere suuri Yosefu su, na ba ko anu yabue bue fanɔunma ni, ni kabo bu seeri fuin n barasu.

⁵⁶ Na ba kpie bu nyi ako awuru ka bu ko kpa bu ɔu ni ɔguin nvanvanim ni tulaaleem. Na alecin Numiyi ceen ni,

na ba yi bu n̄umi kabo Nyeme maari Moyisi n̄o ka bu yo ni.

24

Kabo Yesu tengeeri i yiwee n nu ni

¹ Na alecin, Yudafoɔm bakue n bumboori, mone ceeɛn ngarama fuun, na nbaram n afa tulaalee nvanvani bo ba kpini ase ni, na ba fa ako yabue bue fan̄kunma n su. ² Bu ko juuri do n na ba nu ka yabue bambaka n akundu ayaki fan̄kunma n ano ni. ³ Ama, bu wuraari fan̄kunma n nu ni, ba nu ma Mibie Yesu nunie ni, ⁴ na ba mie aka ajina gbirim, kpen̄ga na ba nu ka nbiesom nnyo jina, bu wura sutura fofoe papasi. ⁵ Na sere ati nbaram n agaya, na ba biri bu tii haari asien̄gu, na minem n abisa bu ka, "Nzu ti ye am sunienie fuinm nu na am nu sono bo i la ngoo a?" ⁶ I wo ma fen. Wo tenge i yiwee n nu. Am tenge su kabo i yo seeri am ni, san̄ga bo i yo wo Galili awore n nu ni, ⁷ i na, 'Wo yo daka ka bu ba fa mini Adamande Wa n wura satieyofom saa nu, na bu kpama m baka jaanu n su, ama, na lesan ceeɛn na m tenge m yiwee n nu.' " ⁸ Do na ba tenge Yesu nonie bo i yo seeri bu n su, ⁹ na ba fite fan̄kunma n nu, na ba kpie bu nyi ako akan sam n kere bo ba nu i ni, akere i susufo buru ni kunm ni, ni nyingam kere. ¹⁰ Nbaram ni la Mariya bo i fite Magadala mie n nu ni, ni Yowana, ni Yakobo dee ni Mariya, ni bu benggu nbara nbem, bere kaanri nyini sam n kere kereeri i jaramasam n a. ¹¹ Ama, bu tiiri jore n bo nbaram kan kereeri bu ni, bu sunsuunri ka i ti jore ngbeen wo, ba yo ma yarada. ¹² Ama, na Peto ayasu an̄mati ako fan̄kunma n nu, i ko juuri n na wo kasi anie fan̄kunma n nu, wo nu ma pui, ma ka nzee n ngumi da. Na wo kpie i nyi aba awuru, na wo birisi fa ko sa n bo wo yo n su.

Kabo Yesu faari i nu kereeri i susufo nnyom barasu ni

¹³ Nyini ceeɛn ni, na Yesu susufo nnyo nbem suko mie kaan be bo bu fere i ka Emosi n su, i ni Yerusalem mie kpiri n waari ma agaya. ¹⁴ Bu wo ko su ni, na bu subo anzama fa ko sa n kere bo wo yo n su. ¹⁵ Bu nati wo nyini anzama n bo su ni akuruwa ni, na Yesu ni i tii aba atu bu atin nu, ¹⁶ na ba nu i, ama, ba koro asi ma ka yiri lee. ¹⁷ Na wo bisa bu ka, "Am wo natiiri n su atin n nu ni, am boori nzu anzama n a?" Na ba ka ajina gbirim ni ahoresaaki. ¹⁸ Na bu nu kun be bo bu fere i ka Kelopasi n abo i nu ka, "I yo se ye wofom kere bo bu wo Yerusalem mie kpiri n nu n si sam bo ba yo nyini lennyo n nu bere, ye woro ngumi si ma?" ¹⁹ Na wo bisa bu ka, "Nzu sam?" Na ba bo i nu

ka, “Yesu Nazaretifo n jɔrɛ. I yo tiiri Nyɛmɛ nɔɔniɛ kanfo bo i la yiko wɔ, fa kɔ i alekutura sam ni i kereewam su, na i sayoowam sun Nyɛmɛ ni minem n kɛrɛ nu. ²⁰ Na Nyɛmɛ sayoowa dɔnguyofɔ nkpienkpienm ni tereterefɔm n ama ba di i jɔrɛ ka bu kun i, na ba kpama i baka jaanu n su. ²¹ Ama, yɛrɛ yo laari tama ka yiri ye wɔ ba ka i bá de Yisarelifɔm tii ji a. Deke bo i buka nyinim kɛrɛ su n la ka, nyini sam kɛrɛ yoori, i nyuma lesan lɛɛ. ²² Haari ni nyini n mmɔɔ, ya nbaram nbem ba kaanri alekutura jɔrɛ be kereeri ya. Bu kɔɔri yabue bue fanjunma n nu wɔ ngarama fuun, ²³ ama, ba ɲu má fuin n dɔ. Bu kpieeri bu nyi ba juuri ni, na ba se ya ka, bu kɔ ɲuuri Nyɛmɛ merɛkɛm ka alele nu wɔ, fanjunma n nu, na ba se bu ka i la ngɔɔ. ²⁴ Na ya nu nbem gusu akɔ fanjunma n nu, bu kɔ ɲuuri deke n kɛrɛ sɔ ɔ, kabo nbaram seeri ni, ama, ba ɲu má yiri.”

²⁵ Na Yesu ase bu ka, “Amberɛ, ngɔnlɛ akpie am su wɔ, nzen sɛ, ye dada kɛrɛ am nya yo má yarada, fa kɔ jɔrɛ n kɛrɛ bo Nyɛmɛ nɔɔniɛ kanfɔm jɔjɔri n su? ²⁶ Am si má ka wɔ yo daka ka Kristo Tiidefo n di nyini wahara n kɛrɛ ka, na Nyɛmɛ wura i kpiri?” ²⁷ I seeri sɔ n na wɔ kan i ɲusu jɔrɛ akere bu, kabo ba kɛrɛ i Nyɛmɛ Jɔrɛ Kadasi n kɛrɛ nu ni, i boori i bu ni Moyisi dɛɛ kɛrɛewam wɔ, na wɔ nya akan kabo Nyɛmɛ nɔɔniɛ kanfɔm kɛrɛ kɛrɛeri ni.

²⁸ Bu ba kɔ suju miɛ n bo bu sukɔ su ni, na Yesu ayo ka yiri susin kɔ mɔ, ²⁹ ama, na ba sere i ni anyumbo, na ba se i ka, “Ba yo ya wɔfo. Wie atɔ, ale susan lɛɛ.” Nyini ti, na wɔ wura awuru n nu ka i da bu dɔ. ³⁰ Saɲga bo i tanaari na bu kɛrɛ di diire n ni, na wɔ fa kpɔnɔ, na wɔ da Nyɛmɛ asi, na wɔ bubu i nu afa ama bu. ³¹ Dɔ na bu nyunu ateke i ɲu, na ba si i, kpenɲa na wɔ mini ayaki bu. ³² Na ba se bu beɲgu ka, “Saɲga bo i jɔjɔri ya dɔ atin n nu na i kaanri Nyɛmɛ Jɔrɛ Kadasi n bu kereeri ya ni, i maari ya ahorejo kɔ sin su wɔ, má sɔ?”

³³ Na ba kaba ayasu bere akpie bu nyi akɔ Yerusalem miɛ kpiri n nu, na ba kɔ aɲu ka i susufɔ buru ni kunm ni, ni nyingam n atien bu nɔɔ, ³⁴ bu suse ka, “Ya Mibiɛ n atenje nahɔrɛ su. Wɔ yi i ɲu akere Simon.” ³⁵ Na susufɔ nnyɔm n akan sa n bo i yoori atin n nu dɔ ni, ni kabo bu siiri ka yiri ni, saɲga bo i bubuuri kpɔnɔ n nu maari bu ni.

Kabo Yesu yiiri i ɲu kereeri i susufɔm ni

³⁶ Saɲga bo susufɔ nnyɔm n wo jɔrɛ n kan su sɔ ni, na Yesu ni i tii akaba aba ajina bu afien, na wɔ se bu ka, “Nyɛmɛ ma am ahoreda.” ³⁷ Na sere ati bu agaya, dama bu sunsun ka ɲumi ye ba ɲu i a. ³⁸ Na wɔ bisa bu ka, “Nzu deke miɛ

am a? Nzu ti ye am yo sika? ³⁹ Am niε m saam ni m jaam, mini ni m tii λεε. Am fa am saa kan m na am niε, ηumi la má aηuniεmbaa ni buwem kabo am ηu ka m la i ni.” ⁴⁰ I seeri sɔ wieeri n na wɔ fa i saam ni i jaam deke bo bu boori i bulaari n afa akere bu. ⁴¹ I yoori bu alekutura na bu ahore jɔ kɔ siinri su ni, haari ni nyini n kere, ba koro ayo má yarada. Dɔ na wɔ bisa bu ka, “Am la diire be fen bo am di?” ⁴² Na ba fa jombaa n bo ba tun i n be ama i, ⁴³ na wɔ de akpεse bu nyumbaa nu bere.

⁴⁴ Na wɔ se bu ka, “Ahin nɔaniεm bo m yo jɔjɔori bu sanɔa bo m toko wo am dɔ n λεε, ka, wɔ yo daka ka m ηusu jɔre kere yo yiiwa, kabo ba kere i Nyεmε nɔanie kpamaawa n bo i fa maari Moyisi dεε kadasi n nu, ni Nyεmε nɔanie kanfɔm dεε n nu, ni kansi jue kerεεwam n nu ni.” ⁴⁵ Na wɔ teke bu nyi na bu si Nyεmε Jɔre Kadasi n bu, ⁴⁶ na wɔ se bu ka, “Kabo ba kere i Nyεmε Jɔre Kadasi n nu n λεε, ka, Kristo Tiidefɔ ni bá di wahara, na bu kún i, na lesan cεen na i tɛnɔge i yiwee n nu. ⁴⁷ Bu bó i bu Yerusalem miε kpiri n nu wɔ, na bu kán labari kpa n jɔre i duma nu kere daanfie kere, ka, bu kaaki bu wo na Nyεmε fá bu satie ce bu. ⁴⁸ Amberε dí nyini sam daani a. ⁴⁹ Am ti fen, mini bá sunma aceeri n bo m Si Nyεmε seeri ka i fá ma am, na i bá wura am ηu n a. Ama, amberε ηmínda miε n kunnu fen, haari sanɔa bo yiko ni bá fite angoro ba wura am ηu.”

Kabo Nyεmε ma Yesu fun kɔɔri angoro barasu ni

⁵⁰ Na wɔ fa bu afite miε n kunnu ako aju Betani miε n aheme, dɔ na wɔ ye i saa su na wɔ yo kisi ago bu ηu. ⁵¹ I wo bu kisi n yo su sɔ ni, na wɔ yaki bu, na Nyεmε ama wɔ fun ako angoro. ⁵² Na ba kutu asu i, na ba kpie bu nyi ako Yerusalem miε kpiri n nu ni ahorejɔ bambaka. ⁵³ Na ba kɔ awo Nyεmε Sereebiri Awuru n nu sukansi Nyεmε sanɔa kere.

Labari kpa n bo YOHANE akere i ni

Yesu ti Nɔaniɛ n bo i ma ηγγω n a

¹ Kana Nyeme ba yi durunya ni, be woori bere bo bu fere i ka Nɔaniɛ. I ni Nyeme woori bere a. Yiri Nɔaniɛ ni ti Nyeme a. ² Fite i bumboori n kere, yiri ni Nyeme wo bere a. ³ Na Nyeme ama Nɔaniɛ n ayi deke n kere. Deke be wo má bere bo wɔ yi má i. ⁴ ηγγω fite yiri Nɔaniɛ ni dɔ a. Nyini ηγγω ni fa wein ba tekeeri adamande nyi a. ⁵ Na wein n aje awosin nu, na awosin n akoro akunma má wein ni.

⁶ Nyeme yo sunmaari sɔnɔ be, bu fere i ka Yohane. ⁷ I baari ka i ba di nyini wein n daani wɔ, na i kan i jɔre kere minem, adena sɔnɔ kere bo i tiiri kabo i kan ni, na bu daari nyini wein n ηu. ⁸ Yohane n mmɔɔ ni i tii yo ti má wein ni, ama, i baari ka i ba di wein n daani wɔ. ⁹ Nyini wein ni ti wein nahɔre su n a, bo wɔ ba durunya n nu, na i teke adamande kere nyi.

¹⁰ Yiri n bo bu fere i ka Nɔaniɛ n yo woori durunya n nu wɔ, Nyeme faari yiri yiiri durunya n a, haari ni nyini n kere mmɔɔ, durunya n nufɔm asi má i. ¹¹ Na wɔ ba i tienngu dɛɛ asien n su minem dɔ, na ba kete ka bu de má i. ¹² Ama, na minem kere bo bu deeri i, na bu daari i ηu ni, na wɔ ma bu atin ka bu kaaki Nyeme nbaam. ¹³ Bu Nyeme nbaa kaakiwam n ti má ka bu wu bu ni adamande mbunja a, nzen má nyini, i ti má ka biesɔ ni bara sangá a ye bu wu bu a, ama, Nyeme ni i tii, ti bu Si a.

¹⁴ Na yiri Nɔaniɛ n akaaki adamande aba awo ya dɔ. Ahɔrɔma ni nahɔre wo i dɔ beberebe. Ya ηu i jirima woowa ni, nyini jirima woowa n ye Nyeme afa ama i Wa kun n kpein n a.

¹⁵ Yohane diiri i daani kereeri minem, na wɔ tien ase ka, "Nyini sɔnɔ n bo m yo seeri am ka i wo m sin suba na i tara m fieo n lɛɛ, dama kana bu ba wuuri m ni, yiri wo bere wɔ."

¹⁶ I ahɔrɔma beberebe n dɛɛ ti, ye ya di i ahɔrɔma, na ya toko di i buka su. ¹⁷ Nyeme yo faari i nɔaniɛ kpamaawa ni maari Moyisi ka i fa kere Yisarelifɔm, ama, Yesu Kristo aba ka i ba kere ya kabo Nyeme ahɔrɔma n ni i nahɔre n ti barasu wɔ. ¹⁸ Be nya ηu má Nyeme, má ka i Wa kun n kpein n bo i ni i Si Nyeme n ti kun ni, na i wo Nyeme dɔ ni, yiri ye wɔ kere ya kabo Nyeme ti a.

Yohane Nyeme Nzue Biefo n daani diiwa ni

¹⁹ Ahin ti daani diiwa n bo Yohane yo diiri i, sangga bo Yudafoṃ nkpienkpienm n bo bu wo Yerusalem mie kpiri n nu n sunmaari Nyeme sayoowa donḡuyofom ni bu bukafom ka bu ko bisa Yohane ka, “Woro la nma a?” ²⁰ Yohane afie ma bu jore be su, na wo kan i kere kpain akere bu. I na, “Ma mini ti Kristo ni, Tiidefo n bo Nyeme na i sunma i n a.” ²¹ Na ba bisa i bekun ka, “Ye woro la nma a? Woro ti Nyeme noanie kanfo Eliya n a?” Na wo se bu ka, “Ma yiri la mini.” Na ba kaaki abisa i ka, “Woro ti Nyeme noanie kanfo n a?” I na, “Ai.” ²² Na ba sa su abisa i ka, “Ye woro la nma a? Ma ya noanie na ya ko se bo bu sunmaari ya ni. Woro na, woro la nma tenle su a?” ²³ Na wo se bu ka, “Sono n bo Nyeme noanie kanfo Esaya yo kereeri i jore ka i ba subo ndoori boro kpantain nu n ka,

‘Am yo Mibie n atin n donḡu.’

Yiri la mini.”

²⁴ Minem bo bu bisaari Yohane bisaawa ni, Farasifom bo bu ti Yudafoṃ ase se be ni sunmaari bu a. ²⁵ Na ba kaaki abisa i ka, “A na a ti ma Kristo Tiidefo ni, a kaaki ti ma Eliya, na a kaaki ti ma Nyeme noanie kanfo n ni, ye nzu ti ye a bie minem Nyeme nzue a?” ²⁶ Na wo bo bu nu ka, “Mini bie minem Nyeme nzue wo. Ama, sono be wo am nu fen bo ambere si ma i. ²⁷ I wo m sin suba, m ti kaan ni bo m dodo i mmoo.” ²⁸ Ahin sa n kere yo yoori mie n bo bu fere i ka Betani n nu wo, i wo Yodan kunma n wie afiiri, deke bo Yohane yo bieeri minem Nyeme nzue n wo.

Kabo Yohane na Yesu ti Nyeme bombaa ni

²⁹ Alecin fofore na Yohane anu ka Yesu suba i do, na wo se ka, “Am nie, Nyeme bombaa n bo wo ba ka i ba yi durunya n nufom satie n lee. ³⁰ Yiri, ye m yo seeri am ka sono n bo i wo m sin suba na i tara m fleo n lee, dama i yo woori bere wo ka, ye bu wuuri m a, yiri lee. ³¹ Mini mmoo ni m tii yo si ma i, m dee la ka m bie minem Nyeme nzue wo, adena ambere Yisarelifom si i.” ³² Na Yohane adi daani ase minem ka, “Ma nu ka Nyeme Awiewie Casi n afite angoro ajura ka tiwa dee su aba atana i nu, na wo wo i do. ³³ Mini mmoo ni m tii yo si ma i, ama, Nyeme bo i sunmaari m ka m ba bie mine Nyeme nzue ni, yiri seeri m ka, ‘A ba nu ka m Awiewie ni jura ba tana sono be nu, na i wo i do, yiri ma m Awiewie Casi n ba wura minem nu a.’ ³⁴ Ma nu i so ye m sudi daani kere mine a, ka yiri ti Nyeme Wa n nahore su a.”

Min n bo bu du mo yoori Yesu susufom ni

³⁵ Na alecin fofore bekun na Yohane ni i susufom ni nnyo jina. ³⁶ Na wo nie anu ka Yesu wo natiiri su susin, na wo se

ka, "Am niε, Nyεmε Bɔmbaa n lεε." ³⁷ I susufɔ nnyɔm n tiiri sɔ n na ba kɔ asu Yesu su. ³⁸ Na Yesu akaaki anie anu ka bu susu i su, na wɔ bisa bu ka, "Am koro nzu wɔ?" Na ba bisa i ka, "Rabi, a da ni wɔ?" Rabi bu la ka, ya Kerefɔ. ³⁹ Na wɔ se bu ka, "Am bra na am ba niε." Nyini sanɔa ni, naaso kerefi nna abo, na ba su i su, na ba kɔ anu deke bo i wo ni. Na ba ka i dɔ nyini cɛen ni. ⁴⁰ Nyini minε n nnyɔm n bo bu yo tiiri kabo Yohane seeri n na bu suuri Yesu su ni, bu nu kun ye bu fere i ka Andere n a, bo i gɔrɔ la Simon Petoro ni. ⁴¹ Nyini sin na Andere akɔ anu i gɔrɔ Simon, na wɔ se i ka, "Ya ηu Mesaya ni." Mesaya bu la ka Kristo, Tiidefɔ n bo Nyεmε ase ka i sɔnma i ni. ⁴² Na wɔ fa i aba Yesu dɔ. Na Yesu anie i nyunu, na wɔ se i ka, "Bu fere u ka Simon wɔ, wɔrɔ ti Yohane wa n a, ama, bu bá fere u ka Kefasi." I bu la ka yabue, i ni Petoro kere ti duma kun wɔ.

Kabo Yesu fereeri Filipu ni Natanieli ka bu su i su ni

⁴³ Alecin fɔfɔre na Yesu ayasu ka i kɔ Galili dεε awɔre n nu. Na wɔ kɔ anu sɔnɔ be bo bu fere i ka Filipu ni, na wɔ se i ka, "Ba su m su." ⁴⁴ Filipu bɔsu la mie be bo bu fere i ka Besayida n wɔ. I ni Andere ni Petoro kere fite mie kun su wɔ. ⁴⁵ Na Filipu gusu akɔ anu sɔnɔ be bo bu fere i ka Natanieli, na wɔ se i ka, "Ya ηu sɔnɔ n bo Moyisi yo kereeri i jɔre Nyεmε nɔanie kpamaawa kadasi n nu ni, na Nyεmε nɔanie kanfom gusu yo kereeri i jɔre bu dεε kadasi n nu ni. Yiri la Yesu n bo i fite Nazareti ni, na i si la sɔnɔ be bo bu fere i ka Yosefu ni." ⁴⁶ Na Natanieli abisa i ka, "Deke kpa koro fite Nazareti dεε mie n gusu nu?" Na Filipu ase i ka, "Bra na a ba niε." ⁴⁷ Nyini sanɔa na Yesu anu ka Natanieli suba i dɔ, na wɔ se ka, "Ahin sɔnɔ n ti Yisarelifɔ baa a nahɔre su, bo sa be wo má i ηu." ⁴⁸ Na Natanieli abisa i ka, "A yo se siiri m a?" Na Yesu abɔ i nu ka, "M ηuuri u sanɔa bo a toko tana damba baka n bu n wɔ, nyini sin ye Filipu fereeri u n a." ⁴⁹ Na Natanieli ase i ka, "Ya Kerefɔ, wɔrɔ ti Nyεmε Wa n a, nahɔre su. Wɔrɔ ti Yisarelifom Fεmε n a." ⁵⁰ Na Yesu ase i ka, "Bo ma se u ka m ηuuri u damba baka n bu n ti ye a yo m yarada, nzen se? A bá ηu alekutura sam bo bu tara sɔ. ⁵¹ Nahɔre ye m suse am a. Am bá ηu kabo anɔgoro bá teke na Nyεmε merεkem bá sufun kɔ anɔgoro, na bu bá sujura ba mini Adamande Wa n dɔ."

2

Kabo Yesu kɔori konyaya be Kana mie kpiri n nu ni

¹ Nyini sin, i lesan cɛen na konyaya be awo Kana, mie kpiri n bo i wo Galili awɔre n nu ni. Na Yesu ni gusu akɔ konyaya n nu. ² Na ba fere Yesu ni i susufom n ka bu gusu ba

di konyaya n be. ³ Saŋga bo konyayafom nzan n ba kpiɛɛri bu su ni, na Yesu ni aba ase i ka, “Bu nzan n awie.” ⁴ Na Yesu abo i nu ka, “M ni, ye a ŋa m yo se wo? M saŋga nya ju má.” ⁵ Na i ni ase awurunbaam n ka, “Am yo deke kere bo i se am.”

⁶ Nyini dika n nu, yabue cuŋgu nsen jina bere, bo i kun kun kere koro de nzue gaŋga nnu wara nsen. Yudafom la bu yoowa be, bu fa nyini cuŋgum n nu nzue ni, ye bu bita ŋmisi bu fin a. ⁷ Na Yesu ase awurunbaam n ka, “Am sa nzue go cuŋgum n nu na bu yi.” Na ba go i kere nzue na ba yi. ⁸ Na Yesu akaaki ase bu ka, “Kisa am sa be ko ma konyafan danfo ni.” Na ba sa be ako ama i. ⁹ Bu sa ko maari i ni, na nzue n akaaki nzan. Na wo fa akan i noo. Wo si má deke bo nyini nzan n fite. Ama, awurunbaam bo bu saari nzue ni, bere si deke bo i fite. Na wo fere konyafan ni, ¹⁰ ase i ka, “Soŋo kere nya ŋa bu ma nzan, bu du mo fa nzan fiɛfiɛ n ma jama n a ka, na ba nya aba anu abo ni, na bu nya fa bo i yo má fiɛ n ma bu, ama, woro, a fa bo i yo fiɛ n aka sin a.” ¹¹ Kabo Yesu maari nzue kaaki nzan ni, nyini tiiri i ciciri su dee alekutura sa. I yoori nyini sa n Kana, bo i wo Galili awore n nu n wo, na i kere kabo i la yiko n bo i fite Nyeme do, na i susufom n ayo i yarada.

¹² Nyini sin, na i ni i ni, ni i niemam, ni i susufom n ako mie kpiri n bo bu fere i ka Kapenam, na ba ko ayo lennyo do.

Kabo Yesu foonri watafom fiteeri Nyeme Sereebiri Awuru n nu ni

¹³ Wo ka kaan na Yudafom di bu ceenkpiri n bo bu fere i ka Butara ceenkpiri ni. Na Yesu ako Yerusalem mie kpiri n nu. ¹⁴ Na wo ko awura Nyeme Sereebiri Awuru n nu anu ka mine wo do suto naanim, ni nbœm, ni bumbuku tiiwam, na ŋwaa kaakifom gusu tana do. ¹⁵ Na wo fa nyama anjo i ka ngbere dee su, na wo fa afon ayi nbœm n ni naanim n kere afite Nyeme Sereebiri Awuru n nu. Na wo sandi ŋwaa kaakifom ŋwaa n kere abutu, na wo nya akaaki bu teebirim kere alanlanga. ¹⁶ Na wo se minem bo bu to bumbuku tiiwam n ka, “Am fa am bumbukum n fite fen. Má am se ka am fa m Si Nyeme Sereebiri Awuru n yo go kun.”

¹⁷ Na i susufom n aba atenge su ka ba kere i Nyeme Jore Kadasi n nu ka, “M Nyeme Feme, m nyunu aboro u awuru n jore su, nyini kún m a.” ¹⁸ Na Yudafom nkpienm abisa i ka, “A yo nzu alekutura sa bo i kere ya ka a la atin bo a yo so a?” ¹⁹ Na Yesu ase bu ka, “Am bo fufu ahin Nyeme Sereebiri Awuru ni, na lesan afien m kaaki ta i bekun.” ²⁰ Na ba se i ka, “Afo aburana ni nsen ye bu fa taari ahin Nyeme

Sereebiri Awuru n a. I yo se ye wɔɔ ba se ka a káaki ta i lesan afiɛn a?" ²¹ I yo kaanri sɔ ni, i faari i ɲuniɛmbaa ni fa sunsun Nyɛmɛ Sereebiri Awuru n a. ²² Na sanɓa bo i ba wu tengeeri i yiwee n nu ni, na i susufɔm n atenɓe su ka i yo seeri sɔ, na ba de nɔaniɛ n bo ba kere i Nyɛmɛ Jɔre Kadasi n nu ni, na ba yo Yesu jɔjɔwa n yarada.

Yesu si kabo adamande woowa ti barasu

²³ Sanɓa bo i wo Yerusalem na bu sudi Butara cɛɛnkpiri ni, i yoori alekutura sam, na mine dɔɲgu aɲu i, na ba yo i yarada. ²⁴ Ama, yiri afa má i ɲu ago má bu ɲu, dama i si kabo adamande woowa ti. ²⁵ Má pui ti, yiri mmɔɔ ni i tii si kabo adamande ahore su ti barasu, má be se i a.

3

Kabo Yesu kaanri Nyɛmɛ jɔre kereeri Nikodemo ni

¹⁻² Cɛɛn be kɔɲɓe sɔ ɔ, na Yudafɔm kpiɛn be aba Yesu dɔ, bu fere i ka Nikodemo. I ti Farasifɔm ni kun be wɔ. Na wɔ se Yesu ka, "Ya Kerefɔ, ya si ka a ti kerefɔ n bo a fite Nyɛmɛ dɔ ɔ, dama be koro yo má alekutura sa bo a yo bu ni, má ka Nyɛmɛ wo i mi dɔ." ³ Na Yesu ase i ka, "Nahɔre ye m suse u a. Sɔnɔ koro fa má Nyɛmɛ yo má i femɛ, má ka ba wu i fɔfɔre." ⁴ Na Nikodemo abisa i ka, "Sɔnɔ nyunu ati, bu yo se koro kaaki wu i fɔfɔre a? I koro kaaki wura i ni kunnu na bu wu i bekun?" ⁵ Na Yesu ase i ka, "Nahɔre ye m suse u a, sɔnɔ koro wura má Nyɛmɛ femɛya n nu, má ka ba wu i fɔfɔre fa kɔ nzue biɛɛwa ni Awiewie Casi n dɛɛ atin n su. ⁶ Deke bo adamande awu i, i ti adamande wɔ, na deke bo Awiewie Casi n awu i, i ti awiewie wɔ. ⁷ Má a ma i yo u alekutura fa kɔ kabo ma se u ka wɔ yo daka ka bu wu am fɔfɔre ni. ⁸ Sanɓa kere a ti ka aɲuma kpie kɔ ɔ, ye a ti i naɲmie ɲga a, ama, a si má deke bo i fite, na a kaaki si má deke bo i sukɔ, nyini ti, sɔnɔ kere bo Awiewie Casi n awu i ti sɔ ɔ."

⁹ Na Nikodemo abisa Yesu ka, "I yo se ye ahin koro yo a?" ¹⁰ Na Yesu akaaki abisa i ka, "Wɔɔ bo a kere Yisarelifɔm Nyɛmɛ nɔaniɛ n na bu nyunu yi u ni, i yo se ye a si má ahin n a? ¹¹ Nahɔre ye m suse u a, sa bo ya si i, ye ya jɔjɔ i jɔre a, na sa bo ya nyumbaa aɲu i, ye ya di i daani kere minem a, ama, am akete ya daani diiwa ni. ¹² M suse am sam bo bu wo durunya n nu fen wɔ lɛɛ, ama, am sude má i, ye m ba seeri am sam bo bu wo Nyɛmɛ femɛya n nu, am yó se de i a? ¹³ Be nya fun má Nyɛmɛ dɔ, má ka mini Adamande Wa n bo m woori i dɔ na ma jura aba ni. ¹⁴ Kabo Moyisi yo faari jawii yoori i ka woo dɛɛ su n na i fa i bara yeeri baka n na i yeeri i su kpamaari boro kpantain n nu ni, wɔ yo daka ka

sɔ ye minem bá ye mini Adamande Wa n su a. ¹⁵ Na sɔnɔ kere bo i yoori m yarada, i nyá ngɔɔ bo i la má awieeri ni.”

¹⁶ Nyeme akoro durunya n nufɔm agaya n dɛɛ ti, na wɔ fa i kunnu Wa kun n kpein n afa ama bu, adena sɔnɔ kere bo i yo i yarada, i mi ká má ngbɛɛn, ama, i nya ngɔɔ bo i la má awieeri ni. ¹⁷ Nyeme asunma má i Wa n durunya n nu ka i ba di bu jɔɛ cin bu sui wɔ, ama, wɔ sunma i ka i ba de bu tii ji wɔ. ¹⁸ Sɔnɔ kere bo i daafiiri Nyeme Wa n ɲu, Nyeme dí má i mi n jɔɛ, ama, sɔnɔ kere bo wɔ da má i ɲu, Nyeme adu mɔ adi i jɔɛ ka, dama ka wɔ da má Nyeme Wa kun n kpein n ɲu n dɛɛ ti. ¹⁹ Kabo Nyeme di bu jɔɛ n la ka, wein n aba durunya n nufɔm dɔ, ama, bu satie yoowa n dɛɛ ti, ba koro awosin n atara wein ni. ²⁰ Sɔnɔ kere bo i yo satie kpɔ wein n wɔ, i koro má ka i kɔ wein n nu, na i satiem fite fofoe nu. ²¹ Ama, sɔnɔ kere bo i su nahɔɛ atin su, i fite fofoe nu wɔ, na mine kere ɲu ka i sayoowa n su Nyeme atin n su wɔ.

Kabo Yohane diiri Yesu ɲu daani barasu ni

²² Nyini sin na Yesu ni i susufɔm n akɔ Yudiya dɛɛ awɔɛ n nu. Na ba kɔ adi lennyɔ dɔ, na i subie minem Nyeme nzue. ²³ Nyini sanɓa n na Yohane gusu subie minem Nyeme nzue. I wo Ayinon mie n nu fa dodo Salim awɔɛ n nu, dama nzue sunnu dɔ n dɛɛ ti. Na minem suba i dɔ na i subie bu Nyeme nzue. ²⁴ Nyini sanɓa ni, ba nya anyi má Yohane dansaraka.

²⁵ Na Yohane susufɔm ni Yudafɔ be awura akuruwa fa kɔ bu fin kpara n dɛɛ yoowa atin su. ²⁶ Na ba kɔ Yohane dɔ ako ase i ka, “Ya Kerefɔ, niɛ. Sɔnɔ n bo i yo baari u dɔ Yodan kunma n wie afiiri n na a yo diiri i ɲu daani kereeri mine ni, yiri wo dɔ subie minem Nyeme nzue n a, bu kere sukɔ i dɔ ɔ.” ²⁷ Na Yohane ase bu ka, “Sɔnɔ koro nya má deke be, má ka Nyeme afa nyini deke n ama i. ²⁸ Ambere ni am tii woori m daani ka m ɲa má mini ti Kristo Tiidefɔ n a, ama, Nyeme sunmaari m ka m du i mɔ ɔ. ²⁹ Bu nya jaari konya, i ti konyafan n dɛɛ wɔ, ama, na konyafan n danfo jina suso i sui ti deke bo konyafan ni jɔjɔ se i, nyini sanɓa na i danfo n ahore jɔ. Nyini ahorejɔ kun ni, wo mini gusu dɔ a. ³⁰ Wɔ yo daka ka i dɛɛ duma n fun, na m dɛɛ n kpie su.”

Yiri bo i fite angoro n dɛɛ jɔɛ

³¹ Yiri bo i fite angoro n tara sɔnɔ kere. Na bo i fite durunya n nu fen ti durunya n nu fen fɔ ɔ, na i jɔjɔowa kere ti durunya n nu fen jɔɛ wɔ. Ama, yiri n bo i fite angoro n tara sɔnɔ kere. ³² Deke bo wɔ ɲu i, ni bo wɔ ti i, ye i di i daani kere mine a, ama, be de má i daani diiwa ni. ³³ Ama, sɔnɔ kere bo i deeri i daani diiwa n asoro su akere ka Nyeme

ti nahorefo lee. ³⁴ Dama yiri n bo Nyeme asunma i ni, Nyeme noanie n ye i kan i a, dama Nyeme afa i Awiewie Casi n ama i bo i la má aɲusu. ³⁵ Nyeme koro i Wa ni, na wo fa deke n kere awura i saa nu. ³⁶ Na sɔno kere bo i daari Nyeme Wa n ɲu, i la ɲɔɔ bo i la má awieeri ni. Na sɔno kere bo i kete i noanie ni, i nyá má ɲɔɔ n bo i la má awieeri ni, ama, Nyeme fá yaa cin i sui.

4

Kabo Yesu seeri Samariyafɔ bara be i tii su jɔre ni

¹⁻² Tɔ. Na Farasifom n ati ka Yesu sunya minem donɲu bo bu susu i su na i bie bu Nyeme nzue tara Yohane. Ama, má Yesu ni i tii bie bu Nyeme nzue n a, i susufom ni bie bu a. Saɲga bo Yesu faari nu so ni, ³ na wo yasu Yudiya awore n nu akaaki ka i ko Galili dee awore n nu bekun. ⁴ I sukɔ ni, wo yo daka ka i fa Samariya dee awore n nu sin a. ⁵ Na wo ko aju Samariya mie kpiri be bo bu fere i ka Suka n su, na i wo dodo asien n bo Jakɔbu yo fa maari i wa Yosefu dawa saɲga ni. ⁶ Jakɔbu bura n wo nyini dika n nu wo. Natiiri fie n dee ti, na Yesu akɔ atana bura n su. Nyini saɲga wie abi kenken.

⁷ Na Samariya bara be aba ka i ba sa nzue, na Yesu ase i ka, “Ma m nzue n be na m nu.” ⁸ Nyini saɲga ni, i susufom n akɔ mie kunnu ka bu ko to diire. ⁹ Na bara n ase i ka, “Ee, wɔro, a ti Yudafɔ e, ye m gusu ti m Samariyafɔ bara. Nzu ti ye a se m ka m ma u nzue a?” Dama Yudafom ni Samariyafom to má pui. ¹⁰ Na Yesu ase i ka, “Nzen má a si Nyeme aceeri ni, na má a si sɔno n bo i susere u nzue ni, má wɔro sere i a, na i má u nzue bo i ma ɲɔɔ ni.” ¹¹ Na bara n ase i ka, “Ya si, bura n wo ɲgo, u gusu la má goroka, ye a nya nyini nzue n bo i ma ɲɔɔ n ni wo? ¹² Wɔro, ɲka a ɲa a tara ya na Jakɔbu n wo, nzen se? Yiri maari ya nyini bura n a. I ni i nbaam fa saɲga ni i nengendorem kere yo nuuri nyini bura n nu wo.” ¹³ Na Yesu ase i ka, “Sɔno kere bo i nu ahin nzue ni, nzuehoe tí i mi bekun, ¹⁴ ama, sɔno kere bo i nu nzue n bo m má i ni, nzuehoe tí má i mi kun fieo, dama nzue n bo m má i ni, i wó i kunnu tie kabo bura nzue tie n wo, na i má i ɲɔɔ bo i la má awieeri ni.” ¹⁵ Na bara n ase i ka, “Ya si, ma m nyini nzue n be na m nu, adena má nzuehoe ti m kun, na má m kaaki ba sa nzue fen kun.”

¹⁶ Na Yesu ase i ka, “Ko fere u hun na am bra.” ¹⁷ Na bara n ase Yesu ka, “M la má hun.” Na Yesu ase i ka, “Kabo a ɲa a la má hun ni, i ti nahore wo. ¹⁸ Dama nbiesom nnu ye a fite bu ajaa bu n a, na haari bo u ni yiri wo bere kisa mmɔɔ ni, i ti má u hun. A se nahore wo.” ¹⁹ Na bara n ase i ka, “Ya si,

ma ɲu ka a ti Nyeme nɔɔnie kanfɔ ɔ. ²⁰ Ya na Samariyafɔm yo suuri Nyeme ahin buka n su wɔ. Ama, amberɛ Yudaɔfɔm ɲa wɔ yo daka ka sɔnɔ kere su Nyeme Yerusalem mie kpiri n nu wɔ.” ²¹ Na Yesu ase i ka, “Bara, de bo m suse u ni, sanɲa suba bo am sɔ má ya Si Nyeme ahin buka n su, wara Yerusalem mie n nu. ²² Amberɛ Samariyafɔm ɲa am su Nyeme wɔ, ama, am si má i. Ama, yere Yudaɔfɔm si i, ye ya su i a. Dama tiide n fite Yudaɔfɔm dɔ ɔ. ²³ Sanɲa suba bo wɔ ju awie, na bo bu su ya Si Nyeme ni, i Awiewie Casi ni búka bu ye bu sɔ i ni nahɔre su a. Dama nyini minem ɲusu ye ya Si Nyeme koro ka bu su i a. ²⁴ Nyeme ti awiewie wɔ, nyini dɛɛ ti, bo bu su i ni, wɔ yo daka ka i Awiewie Casi n búka bu na bu sɔ i ni nahɔre su.” ²⁵ Na bara n ase i ka, “Tɔ, m si ka Kristo Tiideɔ ni bá. I ba juuri, i kán ya deke kere kere ya.” ²⁶ Na Yesu ase i ka, “Mini bo m sujɔɔ u dɔ ni, mini lɛɛ.”

²⁷ Nyini sanɲa n nu na Yesu susufɔm n afite mie n kunnu aju, na jɔre n amie bu kabo Yesu ni bara n wo jɔɔ su ni. Ama, bu be abisa má bara n ka, “A koro nzu i dɔ a?” Be gusu abisa má Yesu ka, “Nzu ti ye a sujɔɔ bara n dɔ a?”

²⁸ Na bara n ayaki i dundu n bere, na wɔ kpie i nyi akɔ mie n kunnu akɔ ase minem ka, ²⁹ “Am ba nie sɔnɔ be bo wɔ se m m tii su sa kere bo ma yo i. Beni, kisa, Kristo Tiideɔ n lɛɛ fan?” ³⁰ Na minem n afite mie n nu, na bu kɔ Yesu dɔ.

³¹ Bara n kɔori n dɛɛ sin, na Yesu susufɔm n asere i ka, “Jande, ya Kereɔ, di diire.” ³² Na wɔ se bu ka, “M la diire bo m di bo am si má i.” ³³ Na i susufɔm n abisa bu ɲuɲu nu ka, “Be afa diire aba ama i wɔ di wɔ, nzen se?” ³⁴ Na wɔ se bu ka, “M diire n la ka, m yo yiri bo wɔ sunma m dɛɛ koroowa na m yó i juma n wie.” ³⁵ Na wɔ bo bu anyundere ase ka, “Am ɲa wɔ ka sara nna na am tambu fiesu nengem. Ama, mini suse am wɔ lɛɛ, am tu am tii na am nie, fiesu diire n abi ni kpie. ³⁶ Sɔnɔ bo i kpie diire ni, i nya i ɲkatɔ, i ti ka sɔnɔ bo i tien mine nɔɔ, na bu nya ɲɔɔ bo i la má awieeri ni, dɔfɔ ni kpiefɔ n kere nya ahorejo. ³⁷ Be bu ɲa ‘Be dɔ, na be kpie ni,’ i ti nahɔre wɔ. ³⁸ Amberɛ yiri, mini asunma am a, ka am kɔ kpie diire n bo am adɔ má i ni. I ti ka nbem adu mɔ akan Nyeme nɔɔnie n akere minem, ye am dɛɛ la ka am ma bu yo m yarada. Nbem dɛɛ jumayoowa ye am sudi i kperɛ n a.”

³⁹ Bara n seeri minem bo bu fite mie n nu n kabo Yesu ase i tii su sa kere n dɛɛ ti, na Samariyafɔm dɔɲgu bo bu fite mie n nu n ada Yesu ɲu. ⁴⁰ Nyini ti, bu ba juuri Yesu dɔ ni, na ba sere i ka i ka bu dɔ, na wɔ kɔ awo bu dɔ cɛɛn nnyɔ. ⁴¹ Na mine dɔɲgu ada i ɲu abuka su fa kɔ i nɔɔnie jɔɔɔwa n ti. ⁴² Na ba se bara n ka, “Kisa, má u dɛɛ jɔɔɔwa

n ngumi ti ye ya da i ɲu a, ama, yere mmɔɔ ni ya tii ati i noɔnie jɔjɔwa, na ya si nu ka ahin sɔnɔ n ti bo i baari ka i ba de durunya n nufɔm tii wɔ, nahɔre su.”

Kabo Yesu maari femɛ n kpɛn be wa nyaari laifɛ ni

⁴³ Yesu woori bu dɔ cɛɛn nnyɔ n sin, na wɔ yasu bere ako Galili dɛɛ awɔre n nu. ⁴⁴ Dama yiri mmɔɔ ni i tii adu mɔ akan ka Nyemɛ noɔnie kanfɔ la má jirima i tienɲu bɔsu. ⁴⁵ Saɲga bo i kɔ juuri Galili ni, na ba de i ni bu sa nnyɔ, dama bu yo ɲuuri kabo i yoori alekutura sam cɛɛnkpɛri n saɲga, Yerusalem miɛ kpɛri n nu ni, dama bere mmɔɔ yo kɔɔri nyini cɛɛnkpɛri n di ti.

⁴⁶ Na Yesu akaaki ako Kana, miɛ kpɛri n bo i wo Galili awɔre n nu ni, deke bo i yo maari nzue kaakiiri nzan ni. Femɛ n kpɛn be woori dɔ. I wa be la má laifɛ, i wo Kapɛnam miɛ kpɛri n nu. ⁴⁷ Na saɲga bo kpɛn n tiiri ka Yesu afite Yudiya dɛɛ awɔre n nu ako aju Galili ni, na wɔ kɔ Yesu dɔ ako asere i ka i wa suwu, i ma bu kɔ na i kɔ tuntun i, na i nya laifɛ. ⁴⁸ Na Yesu ase i ka, “Ma ɲu ka nzen am aɲu má alekutura sam, am yo má m yarada.” ⁴⁹ Na kpɛn n ase i ka, “M Mibiɛ, bra ndende, má nyini, a cɛɛri, a bá ɲu ka m wa n awu.” ⁵⁰ Na Yesu ase i ka, “Kɔ. U wa n anya laifɛ.” Na wɔ de Yesu noɔnie ni, na wɔ kaaki ako. ⁵¹ Na saɲga bo i sukɔ awuru ni, na i akɔɔm akpa i atin aba ase i ka, “U wa n anya laifɛ.” ⁵² Na wɔ bisa bu ka, “Saɲga bɔnɔ ye i ɲunie n jɔɔri a?” Na ba se i ka, “Anuma wiesu kerefi kun saɲga ye i ɲunie n jɔɔri a.” ⁵³ Dɔ na baa n si n atenɲe su ka, nyini saɲga n nu lɛɛ, ye Yesu seeri i ka i wa n anya laifɛ n a. Na i ni i dikafɔm kere ada Yesu ɲu. ⁵⁴ Kabo Yesu ma baa n nyaari laifɛ ni, nyini tiiri i alekutura sa nnyɔ su bo i yoori saɲga bo i fite Yudiya dɛɛ awɔre n nu kɔɔri Galili n a, na i kere kabo i la yiko n bo i fite Nyemɛ dɔ.

5

Kabo Yesu tuntunri sɔnɔ be kunma n nɔɔ su ni

¹ Nyini sin na Yesu ako Yerusalem miɛ kpɛri n nu na i kɔ di Yudaɔm cɛɛnkpɛri be. ² Kunma be da dodoori anɔ n bo bu fa nbɔɛm fa sin wura miɛ n nu ni. Hiburu anie nu bu fere nyini kunma n ka Besata, i la kpatam nnu wɔ. ³ Landurifɔm beberebe dada kpatam n nu, bu nu nbem ti anyinsinm, nbem ti kujandafɔm, na bu nbem gusu ɲunie buekun awu bo bu koro yasu má. [⁴ Bu da ɲminda dɔ, dama saɲga saɲga Nyemɛ mereke jura ba kunma n nu wɔ, na i ba kankan nzue n nu. Nzue kankaanwa n dɛɛ sin, na landurifɔ n bo i du mɔ juraari nzue n nu, i tukpaki n koro i ti ka se, i yaki wɔ, na i nya laifɛ.] ⁵ Sɔnɔ be woori bu nu bo

wɔ da tukpaki i afo aburasan ni mocue lee. ⁶ Yesu nyuri i so ni, na wɔ fa nu ka sɔnɔ n tukpaki n ace i nyu, na wɔ bisa i ka, “A koro ka a nya laifie wɔ?” ⁷ Na tukpakifo n ase Yesu ka, “M Mibie, m la má bukafɔ be bo nzue n nya ba kankan, na i kuku m wura nu. Sangka kere bo nzue n nya ba kankan, na m ba nya m wura nu, a nyu ka be adu m mo.” ⁸ Na Yesu ase i ka, “Yasu, fa u dasu n na a nati.” ⁹ Jinaabiri n nu bere na sɔnɔ n anya laifie, na wɔ yasu afa i dasu n sunati.

Nyini cɛen n bo Yesu tuntuunri sɔnɔ n ti Nyumiya cɛen wɔ. ¹⁰ Nyini ti na Yudafo m nkpienkpienm n ase sɔnɔ n bo wɔ nya laifie n ka, “Nyuma ti Nyumiya cɛen wɔ. Ya dee atin n su, atin wo má nu bo a so u dasu ni.” ¹¹ Na wɔ se bu ka, “Sɔnɔ n bo i tuntuunri m ni, yiri seeri m ka m fa m dasu na m nati a.” ¹² Na ba bisa i ka, “Nyini sɔnɔ n la nyama a, ye i seeri u ka a fa u dasu nati a?” ¹³ Ama, na sɔnɔ n bo wɔ nya laifie n akoro asi má i mi n bo i tuntuunri i ni, dama Yesu awura jama n nu ako. ¹⁴ Nyini sin na Yesu aba anyi, Nyeme Sereebiri Awuru n nu, na wɔ se i ka, “Ti fen. Kisa a nya laifie, má a yo satie kun. Má nyini, a dí wahara bo i tara nyini n nyusu.” ¹⁵ Na sɔnɔ n ako ase Yudafo nkpienkpienm ni ka Yesu tuntuunri i a. ¹⁶ Nyini ti, na ba kere Yesu wuwuruwa, dama wɔ tuntun sɔnɔ Nyumiya cɛen n dee ti. ¹⁷ Na wɔ se bu ka, “M Si toko yo juma haari ba ju ni nyuma, nyini ti ye m gusu yo a.” ¹⁸ Yesu jɔjɔri so n dee ti, na Yudafo m nkpienkpienm n aboro bu nyi abuka su ka bu kun i. Má ka bo wɔ saaki Nyumiya cɛen n ciire n nygumi dee ti, ye bu kpi ka bu kun i a, ama, bo wɔ kaaki ase ka Nyeme ti i Si n dee ti. Nyini kere ka wɔ fa i nyu abu Nyeme wɔ lee.

Kabo Yesu yiko ti barasu ni

¹⁹ Na Yesu ase bu ka, “Nahore ye m suse am a, mini Nyeme Wa n ni m tii, m koro bo má m tieenu yo má pui, má ka deke bo m nyu ka m Si yo i ni, ye mini gusu yo i a. ²⁰ Dama m Si Nyeme koro mini i Wa ni, na i sukere m deke kere bo i yo i ni, na i bá kere m sakpakpam bo m yó bu tara so, na i yó am alekutura. ²¹ Kabo m Si Nyeme ye minem bo ba wu n su n na i ma bu nyoo ni, so ye mini gusu ma minem bo ma yi bu ni nyoo a. ²² Dama m Si Nyeme ni i tii di má be jore, ama, wɔ fa joredi atin kere ama mini i Wa n wɔ, ²³ adena sɔnɔ kere bu m kabo bu bu m Si ni. Sɔnɔ kere bo i bu má m, i mi abu má m Si bo wɔ sunma m n lee.

²⁴ Nahore ye m suse am a, sɔnɔ kere bo i ti m noanie n na i de i, na i da Nyeme bo wɔ sunma m n nyu, i mi la nyoo bo i la má awieeri, na m dí má i mi jore. I mi afite yiwee nu anya nyoo lee. ²⁵ Nahore ye m kaaki suse am a, ka sangka suba bo wɔ ju awie, na mine bo ba wu ni tí mini Nyeme Wa n noanie

ni, na bo bu tiiri i na bu deer i, bu nyá ngɔɔ. ²⁶ Dama kabo ngɔɔ fite yiri m Si Nyeme dɔ ni, sɔ ye wɔ ma mini i Wa n gusu yiko ka m ma minem ngɔɔ a, ²⁷ na wɔ kaaki ama m atin ka m di mine jɔɔɛ, dama m ti Adamande Wa a. ²⁸ Má am ma ahin jɔɔɔwam n yo am alekutura. Sangga suba bo mine bo ba wu n kere tí m nɔaniɛ ni, ²⁹ na bu tɛnge bu yiwee n nu. Minem bo bu yo yoori sakpa ni, bu tɛnge na bu nya ngɔɔ bo i la má awieeri, na minem bo bu gusu yo yoori satie ni, bu tɛnge na bu nya suicin.”

Sam bo bu di Yesu ŋu daani ni

³⁰ Na Yesu asa su ase ka, “M koro bo má m tieɛnu yo má pui. Kabo Nyeme se m ni, sɔ ye m di minem jɔɔɛ a. Nyini ti, m jɔɔɛ diiwa n ti nahɔɔɛ wɔ, dama m yo má m dɛɛ koroowa, ama, m yo yiri n bo wɔ sunma m n dɛɛ koroowa a.

³¹ Nzen m di m ŋu daani kere am, am de má ka i ti nahɔɔɛ, ³² ama, be wo bere bo i di m ŋu daani. Yiri la m Si Nyeme. Na m si ka i daani diiwa n ti nahɔɔɛ wɔ. ³³ Am yo sunmaari minem Yohane dɔ, na wɔ se am nahɔɔɛ, kabo m ti barasu. ³⁴ M de má adamande daani diiwa, ama, m kan kabo Yohane seeri am ni, adena am nya am tii. ³⁵ Yohane yo ti ka fitana bo i je na i ta a, na amberɛ ayo asoro su ka am wo i wein nu ni ahorejɔ fa kɔ sangga su. ³⁶ Ama, m la deke bo i di m ŋu daani bo i tara Yohane dɛɛ ni, yiri la sam bo m Si Nyeme akere m ka m yo bu wie ni. Nyini sam ni di m ŋu daani ka m Si asunma m a. ³⁷ Na m Si bo wɔ sunma m ni, yiri gusu adi m ŋu daani a. Am nya ti má i konvi, am kaaki nya ŋu má i kabo i ti barasu, ³⁸ na i nɔaniɛ wo má am ahore su, dama wɔ sunma m am dɔ, na am ada má m ŋu. ³⁹ Am kan Nyeme Jɔɔɛ Kadasi n wɔ, na am fiiti i nu, dama am sunsun ka nyini kere am atin bo am fa na am nya ngɔɔ bo i la má awieeri a, ama, nyini kerɛɛwam nu di m ŋu daani a. ⁴⁰ Haari ni nyini n mmɔɔ am akete ka am ba má m dɔ na am ba nya ngɔɔ.

⁴¹ M koro má kans i adamande dɔ. ⁴² M si am sa, na m si ka, Nyeme dɛɛ koro n wo má am ahore su. ⁴³ Mini ade m Si jinaabiri aba, ye am ade má m, ama, nzen be baari ni i tienngu ba, am dé yiri wɔ. ⁴⁴ Amberɛ, am koro am ŋuɔɔ nu kans i wɔ, na bu susu am, ama, am koro má kans i yiri n ŋgumi bo i ti Nyeme n dɔ, nyini ti, i yo sɛ ye am koro da m ŋu a? ⁴⁵ Má am sunsun ka mini kó jaraki am m Si Nyeme dɔ a. Am jarakifo la Moyisi, bo am la tama ka yiri búka am ni. ⁴⁶ Moyisi yo kerɛɛri m ŋusu jɔɔɛ wɔ. Nyini ti, nzen má am de i nɔaniɛ ni, má am de m gusu dɛɛ ni. ⁴⁷ Ama, am ade má kabo i yo kerɛɛri i ni, i yó sɛ ye am koro de bo m suse am n a?”

6

Kabo Yesu maari nbiɛsɔm akpii nnu ni bu minem diire ni

¹ Nyini sin, na Yesu akpie akɔ Galili kunma kpiri n bo bu kaaki fere i ka Tiberiya n buɛkun dɔ. ²⁻⁴ Nyini sangɔ, wɔ ka kaan, na Yudaɔm di bu Butara cɛɛnkpiri ni. Na jama beberebe asu i su, dama ba ŋu kabo wɔ yo alekutura sam atuntun tukpakifɔm na ba nya laifie ni. Na Yesu ni i susufɔm n afun akɔ atana buka be su. ⁵ Na Yesu atu i tii anie aɲu ka jama beberebe suba i dɔ, na wɔ bisa Filipu ka, “Ya nya diire nifansu wɔ, na ya to ma ahin minem kere a?” ⁶ Yiri mmɔɔ ni i tii si kabo i yɔ barasu, ama, i subo Filipu kunnu na i nie wɔ. ⁷ Na Filipu ase i ka, “Haari nzen ya faari ŋwaa beberebe toori diire maari bu, i ju má bo bu kere koro nya kan kan di.” ⁸ Na i susufɔm kun bo bu fere i ka Andere, na i gɔrɔ la Simon Petoɔ n ase Yesu ka, ⁹ “Gbɛfene kaan be wo ya nu fen, i bita kpɔnɔ nnu ni jombaa nnyɔ, ama, i koro ju má ahin minem kere.” ¹⁰ Wura mɔne sunnu bere, na Yesu ase i susufɔm ka, “Am ma minem kere tantana wura n su.” Na ba ma minem kere atantana. Nbiɛsɔm ŋgumi kɔ yasuuri mine akpii nnu wɔ. ¹¹ Na Yesu afa kpɔnɔ n na wɔ da Nyeme asi, na wɔ kpakpaaki i nu ama minem bo bu tantana ni, na wɔ kaaki afa jombaa n ayo i sɔ, na bu kere anya kabo bu koro. ¹² Bu kere diiri na bu kunnu yiiri ni, na wɔ se i susufɔm n ka, “Am tientien sinsin n bo ba di i na wɔ ka n nɔɔ. Má am ma be ka ŋgbɛɛn.” ¹³ Na ba tientien kpɔnɔ sinsin n bo ba di i na wɔ ka n nɔɔ, na wɔ yi kandie buru ni nnyɔ. ¹⁴ Minem n ŋuuri nyini alekutura sa n bo Yesu yoori ni, na ba se ka, “Nahɔre, ahin sɔnɔ n ti Nyeme nɔanie kanfɔ n bo bu seeri ka i bá durunya n nu n a.” ¹⁵ Yesu faari nu ka bu koro ka bu tara i faɲga, na bu fa i yo bu feme n deɛ ti, na wɔ yasu afite bu nu yiri ŋgumi, akɔ buka n su.

Kabo Yesu natiiri nzue su ni

¹⁶ I naaso sangɔ, na Yesu susufɔm n ajura akɔ kunma kpiri n nu, ¹⁷ na ba kɔ awura lee nu ka bu kaaki kpie kɔ Kapenam mie kpiri n nu. Ale aba asan kere, na Yesu nya ba má bu dɔ, ¹⁸ na aɲuma sukpie faɲga su, na nzue nyama gusu suyasu. ¹⁹ Nyini sangɔ ni, i susufɔm n wo nzue n su akɔ aju kunma kpiri n afien, na ba ŋu Yesu ka i nati nzue n su suba dodo lee ni, na sere ati bu. ²⁰ Na Yesu ase bu ka, “Mini a, má am ma sere ti am.” ²¹ Na ba ma wɔ wura lee n nu. Jinaabiri n nu bere, na ba ju deke bo bu sukɔ ni.

Kabo jama n sunienie Yesu busu ni

²² Alecin na jama n bo bu kaari kunma kpiri n buɛkun dɔ n afa nu ka lee kun n kpein woori kunma n su anuma

n a. Na ba si nu ka Yesu susufom n ngumi wuraari lee n nu koori a, ama, yiri mmoo ni i tii awura ma nu. ²³ Na lee nbem afite mie n bo bu fere i ka Tiberiya n aba aju kunma n nso su, fa dodo deke bo Yesu sereeri Nyeme goori kpono n su maari minem na bu diiri ni. ²⁴ Na jama n anie, ba nu ma Yesu ni i susufom n bere, nyini ti, na ba wura leem n nu ako Kapenam ko sunienie Yesu busu.

Kabo Yesu na yiri ti diire n bo i ma ngoo n a

²⁵ Minem n ko nuuri Yesu kunma kpiri n buekun do ni, na ba bisa i ka, "Ya Kerefo, sanja bono ye a baari fen a?" ²⁶ Na wo se bu ka, "Nahore ye m suse am n a, ma alekutura sam bo m yoori bu n ti ye am sunienie m busu a, ama, kabo m maari am diire na am kunnu ayi n dee ti a. ²⁷ Ma am ma am nyunu boro diire bo i saaki n busu, ama, am ma am nyunu boro diire bo i wie ma, na i ma ngoo bo i la ma awieeri n busu. Mini Adamande Wa ni ma am nyini diire n a, dama mini ngumi, ye m Si Nyeme ase m nyaari akere ka m ti i dee a." ²⁸ Na ba bisa i ka, "Ya yo se koro yo juma n bo Nyeme koro ka ya yo i n a?" ²⁹ Na Yesu abo bu nu ka, "Juma n bo Nyeme koro ka am yo i n la ka, am yo mini bo wo sunma m yarada." ³⁰ Na ba bisa i ka, "Ye a yo nzu alekutura sa kere ya, na ya nu i na ya yo u yarada? A yo sa bono o?" ³¹ Dama sanja bo ya nam yo woori boro kpantain nu ni, bu diiri diire be bo bu fere i ka *mana* n wo. Kabo ba kere i Nyeme Jore Kadasi n nu lee, ka yiri maari bu diire n bo i fite angoro ye bu diiri a." ³² Na Yesu ase bu ka, "Nahore ye m suse am n a, ma Moyisi yo maari nyini diire n bo i fite angoro n a, ama, m Si Nyeme maari am diire n bo i fite angoro nahore su a. ³³ Dama diire n bo Nyeme ma n la bo i fite angoro, na i ba ma durunya n nufom ngoo ni." ³⁴ Na ba se i ka, "Ya Mibie, nka a ma ya nyini diire n sanja kere."

³⁵ Na Yesu ase bu ka, "Mini ti diire n bo i ma ngoo n a. Sono kere bo i ba m do, ahoe ti ma i mi, na sono kere bo i yo m yarada, nzuehoe ti ma i mi kun. ³⁶ Ama, ma se am, haari ni bo am anu m n kere, am suyo ma m yarada. ³⁷ Sono kere bo m Si fa i maari m, i ba m do, na woro kere bo a ba m do, m ke te ma u fieo. ³⁸ Dama ma fite ma angoro aba ma ka m ba yo m dee koroowa, ama, m baari ka m ba yo Nyeme bo wo sunma m dee koroowa a. ³⁹ Yiri n bo wo sunma m dee koroowa la ka, minem kere bo wo fa ama m ni, ma m ma bu be mmoo mini, ama, i koro ka m tenge bu kere jina ceen na bu nya ngoo. ⁴⁰ Dama m Si koroowa la ka, sono kere bo i nu mini i Wa n na i yo m yarada, i mi nya ngoo bo i la ma awieeri, na m tenge i jina ceen."

⁴¹ I seeri ka yiri ti diire n bo wɔ fite angoro aba n dɛɛ ti, na minem ni sunɔɔnti i. ⁴² Na ba se ka, “Má Yosefu wa Yesu n lɛɛ? Ya si i si ni i ni kɛɛ e. Ye i baari sɛ, ye i ɲa i fiteeri angoro baari a?” ⁴³ Na Yesu ase bu ka, “Má am ɲunɔɔti am ɲunɔɔ nu. ⁴⁴ Be koro ba má m dɔ, má ka m Si Nyɛmɛ bo wɔ sunma m ni, acin i mi adodo m, na m tɛɲge i mi jina cɛɛn. ⁴⁵ Kabo Nyɛmɛ nɔanɛ kanfɔm yo kɛɛɛri lɛɛ, ka, ‘Nyɛmɛ kɛɛ sɔnɔ kɛɛ nyaari a.’ Na sɔnɔ kɛɛ bo i ti Nyɛmɛ kereewa n na i siiri nu, i mi bá m dɔ. ⁴⁶ Nyini kere má ka be adu mɔ anɲ Nyɛmɛ wɔ lɛɛ, má ka mini ɲgumi bo m fite m Si Nyɛmɛ dɔ n anɲ i a. ⁴⁷ Nahɔɛ ye m suse am n a, ka sɔnɔ kɛɛ bo i yo m yarada, i la ɲɔɔ bo i la má awieeri. ⁴⁸ Mini ti diire n bo i ma ɲɔɔ n a. ⁴⁹ Am nam yo diiri diire n bo bu fere i ka *mana* n boro kpantain nu, ama, na ba wu. ⁵⁰ Ama, ahin diire n ti diire barasu be bo i fite angoro wɔ, na sɔnɔ kɛɛ bo i diiri i, i wú má. ⁵¹ Mini ti diire n bo wɔ fite angoro aba, na i ma ɲɔɔ n a. Sɔnɔ kɛɛ bo i di ahin diire ni, i nyá ɲɔɔ bo i la má awieeri. Diire n bo m má n la m ɲuniɛmbaa ni, bo m fá ma durunya n nufɔm, na bu nyá ɲɔɔ ni.”

⁵² Yesu seeri sɔ ni, na yaa ati bu, na bu suse akuruwa bu ɲunɔɔ nu ka, “Ahin sɔnɔ ni yo sɛ koro fa i ɲuniɛ ma ya na ya di a?” ⁵³ Na Yesu ase bu ka, “Nahɔɛ ye m suse am n a, má ka am di mini Adamande Wa n ɲuniɛmbaa ni, na am nu m dɛɛ mbunja ni, ambɛɛ ni am tii la má ɲɔɔ n bo i la má awieeri ni. ⁵⁴ Sɔnɔ kɛɛ bo i di m dɛɛ ɲuniɛmbaa ni, na i nu m mbunja ni, i mi la ɲɔɔ n bo i la má awieeri ni, na m tɛɲge i mi jina cɛɛn. ⁵⁵ Dama m dɛɛ ɲuniɛmbaa ni, ti deke bo i ti diire nahɔɛ su a, na m mbunja n ti deke bo i ti nuuwa nahɔɛ su a. ⁵⁶ Sɔnɔ kɛɛ bo i di m dɛɛ ɲuniɛmbaa ni, na i nu m mbunja ni, i mi wo ni mini, na mini gusu wo ni yiri lɛɛ. ⁵⁷ Yiri m Si bo i ma ɲɔɔ ni sunmaari m a, i dɛɛ ti, ye m la ɲɔɔ a, sɔ ye sɔnɔ kɛɛ bo i di m ɲuniɛmbaa ni, mini dɛɛ ti, ye i nyá ɲɔɔ a. ⁵⁸ Ahin ni ti diire n bo wɔ fite angoro aba n a, i ti má ka diire n bo am nam yo diiri na i sin na bu wuuri ni. Sɔnɔ kɛɛ bo i di ahin diire ni, i nyá ɲɔɔ n bo i la má awieeri.”

⁵⁹ Yesu kereeri nyini kereewa n kɛɛ sanɲa bo i wo Kapenam bu tientienbunɔɔ sɔɔ nu n wɔ.

Kabo Petoro seeri ka Yesu ti sɔnɔ bo i ma ɲɔɔ n bo i la má awieeri n a

⁶⁰ Yesu susufɔm dɔɲgu tiiri i jɔɔɔwa n sɔ ni, na ba se ka, “Ahin kereewa n ti kekereke. Nɲma koro de i a?” ⁶¹ Na Yesu afa nu ka bu sunɔɔnti fa kɔ i kereewa n su, na wɔ se bu ka, “Ahin jɔɔɔwa n dɛɛ ti ye am koro ka am kaaki am sin

n a? ⁶² Ye nzen má am ñu ka mini Adamande Wa n sukaaki sufun kɔ angoro, deke bo m fite baari ni, má am se se wo lɛɛ? ⁶³ Awiewie Casi ni ma mine ñgɔɔ a. Adamande yiko be koro ma má ñgɔɔ. Nɔanie n bo ma jojo akere am ni, yiri ma am nya Awiewie Casi n bo i ma ñgɔɔ n a. ⁶⁴ Ama, am be n mmɔɔ ada má m ñu.” Má pui ti, fite sanja bo Yesu boori i juma n bu ni, ye i si bo bu yo má i yarada n a, ni sɔnɔ n bo i bá tɔ i ni. ⁶⁵ Na wo se bu ka, “Nyini dɛɛ ti ye ma se am ka be wo má bere bo i koro ba m dɔ, má ka m Si ama atin ka i mi yo m susufɔ.”

⁶⁶ I seeri sɔ n sin, na i susufɔm dɔngɔ akaaki ayaki i ka bu su má i su kun. ⁶⁷ Na wo bisa i susufɔ buru ni nnyɔm ni ka, “Amberɛ gusu koro ka am kaaki yaki m wo fan?” ⁶⁸ Na Simon Petoro abɔ i nu ka, “M Mibiɛ, ya kó ñma dɔ a? Wɔɔ ti sɔnɔ n bo i la nɔanie n bo i ma ñgɔɔ n bo i la má awieeri n a. ⁶⁹ Ye ya yo u yarada, na ya si ka wɔɔ ti sɔnɔ casi n bo a fite Nyeme dɔ n a.” ⁷⁰ Na Yesu abɔ nu ka, “M ña am buru ni nnyɔ ye m yiiri am e, má sɔ? Ama, am nu kun ti Sitana sɔnɔ ɔ.” ⁷¹ I jojo niiri Yudasi wɔ, Simon Isikariyoti wa ni. Yiri Yudasi tiiri buru ni nnyɔm ni kun wɔ, ama, yiri bá tɔ Yesu n a.

7

Kabo Yesu ni i niemam boori anzama barasu ni

¹ Nyini sin na Yesu afa Galili awɔɔɛ n nu subara ye, wo koro má ka i kɔ Yudiya dɛɛ awɔɔɛ n nu, dama Yudafɔm nkpienkpienm koro ka bu kun i wo. ² Nyini sanja, wo ka kaan na Yudafɔm di bu cɛenkpiri be bo bu fere i ka Nambue Bo cɛenkpiri ni. ³ Na Yesu niemam ase i ka, “Fite ahin awɔɔɛ n nu na a kɔ Yudiya, adena u susufɔm gusu kó ñu sam bo a yo bu ni. ⁴ Dama sɔnɔ kere bo i koro ka mine si kabo i ti barasu, i fa má i sayoowa fie má minem sin, nzen a yo alekutura sam wɔ, ma durunya n nufɔm kere si u sa.” ⁵ I niemam n mmɔɔ ayo má i yarada, nyini ti ye bu seeri sɔ n a. ⁶ Na Yesu ase bu ka, “M sanja nya ju má, ama, amberɛ yiri, sanja kere bo am koro, am kɔ ɔ. ⁷ Amberɛ ye durunya n nufɔm koro kpɔ má am a, ama, bu kpɔ mini wɔ, dama m se bu wɔ, ka bu sayoowam ti má kpa. ⁸ Am kɔ cɛenkpiri n di, m kó má, dama m sanja nya ju má.” ⁹ I seeri bu sɔ ni, na wo ka Galili dɔ lee nnyɔ.

Kabo Yesu kɔ diiri Nambue Bo cɛenkpiri ni

¹⁰ I niemam kɔɔri ka bu kɔ di cɛenkpiri ni, na Yesu gusu aba asa bu su, ama, wo yi má i ñu fofoe nu, i fie kɔɔri a. ¹¹ Na Yudafɔm nkpienkpienm ni sunienie i, na ba bisa ka, “Ye i wo ni wɔ?” ¹² Na jama n sutu asuturi bu benju dɔ i

busu. Nbem ɲa, “I ti sɔnɔ kpa a.” Ye nbem gusu ɲa, “Ai, i dadaka minem wɔ.” ¹³ Ama, be akoro akan má i jɔrɛ fofoe nu, dama bu kɛrɛ soro Yudafɔm nkpienkpienm n wɔ.

¹⁴ Saɲga bo ba di cɛenkpiri n akɔ aju afien ni, na Yesu akɔ awura Nyeme Sereebiri Awuru n nu, sukere minem. ¹⁵ Na Yudafɔm nkpienkpienm n ayo alekutura, na ba bisa ka, “I yo sɛ ye ahin sɔnɔ n la nyini si n ɲusu sɔ a, bo be akere má i a?” ¹⁶ Na Yesu ase bu ka, “Deke bo m fa kere am ni, i ti má m tienɲu kereewa, ama, m Si Nyeme bo wɔ sunma m ni, yiri kere m kabo m kere a. ¹⁷ Sɔnɔ kɛrɛ bo i ɲa i yó Nyeme koroowa ni, ye i sí kabo m kereewa n ti a, nzen m kereewa n fite Nyeme dɔ, wara m tienɲu kereewa. ¹⁸ Sɔnɔ kɛrɛ bo i jɔjɔ i koroyanu, i mi koro ka bu kansi i wɔ, ama, bo i koro ka bu kansi sɔnɔ bo i sunma i ni, nyini sɔnɔ ni jɔjɔ nahɔrɛ a, na kɔrɛ be wo má i ɲu. ¹⁹ M ɲa Moyisi yo maari am Nyeme noaniɛ kpamaawa n a, má sɔ? Ama, am be n mmɔɔ su má i atin su. Ye nzu ti ye am koro ka am kun m a?” ²⁰ Na jama n ase i ka, “Ajini wo u ɲu. Nma koro ka i kun u a?” ²¹ Na Yesu ase bu ka, “Sa kun be lɛɛ, ye ma yo i n a, ye wɔ yo am kɛrɛ alekutura n a. ²² Moyisi yo maari am nɔɔ ka am wura am nbaabiesɔm kenkenne lemɔcɛe cɛen, nzen haari i tɔ Njumiyi cɛen n mmɔɔ, am yo i, ama, má Moyisi yo boori i bu ka bu wura kenkenne n a, am nam yo boori i bu a. ²³ Am wura nbaabiesɔm kenkenne Njumiyi cɛen wɔ, adena má am bu noaniɛ kpamaawa n bo Nyeme fa maari Moyisi ni ɲgbeɛn, ye nzen ma tuntun sɔnɔ mɔmɔ kun Njumiyi cɛen n na wɔ nya laifɛ, nzu ti ye am afa yaa m ɲu a? ²⁴ Má am niɛ sɔnɔ nyunu dika na am di i jɔrɛ, ama, am si i wo nahɔrɛ su, na am nya di i jɔrɛ.”

Kabo minem bisaari ka Yesu ti Kristo Tiidefɔ n a

²⁵ Yesu seeri sɔ ni, na Yerusalemfɔm nbem abisa bu ɲuɲu nu ka, “Má ahin sɔnɔ n ye Yudafɔm nkpienkpienm koro ka bu kun i n a? ²⁶ Am niɛ e. Wɔ yi i ɲu fofoe nu ye i jɔjɔ a. Be suse má i pui mmɔɔ. Beni, Yudafɔm nkpienkpienm asi ka yiri ti Kristo Tiidefɔ n nahɔrɛ su n a. ²⁷ Ama, saɲga bo Kristo Tiidefɔ n ba baari, be sí má deke bo i fite. Ahin sɔnɔ n yiri, ya si deke bo i fite.” ²⁸ Na saɲga bo Yesu sukere Nyeme Sereebiri Awuru n nu ni, na wɔ tien faɲga su ase ka, “Am sunsun ka am si m nahɔrɛ su, nzen sɛ? Ye am si deke bo m fite? Ma ba má ni m dɛɛ yiko nu wɔ. Yiri n bo wɔ sunma m ni ti nahɔrɛfɔ a, ama, am si má i. ²⁹ Mini si i a, dama m fite i dɔ ɔ, yiri sunmaari m a.” ³⁰ Nyini ti, na ba kpi ka bu tara i, ama, be afa má i saa akan má i, dama i saɲga nya ju má. ³¹ Na jama n donɲu ayo i yarada, na ba se ka, “Saɲga

bo Kristo Tiidefɔ n ba baari, i yó alekutura sam tara ahin sɔnɔ n wɔ, nzen sɛ?”

Kabo bu sunmaari tintinijinafɔm ka bu kɔ tara Yesu ni

³² Na Farasifɔm n ati kabo jama n sutu asuturi sukan Yesu jɔrɛ, na bu ni Nyemɛ sayoowa dɔnguyofɔ nkpienkpienm n asunma tintinijinafɔm ka bu kɔ tara i. ³³ Na wɔ se ka, “M wó am dɔ sangá kaan, na m nya bá kɔ yiri n bo i sunmaari m n dɔ. ³⁴ Am bá nienie m busu, na am n̄ú má m. Deke bo m bá wo ni, am koro kɔ má dɔ.” ³⁵ Na Yudaɔfɔm nkpienkpienm n abisa bu n̄u n̄u nu ka, “Yiri koro ka i kɔ ni wɔ, ye yere koro n̄u má i a? I kó ya minem dɔ ɔ, bo ba sandi awura Girikifɔm asien su ni, na i kó kere Girikifɔm ni Nyemɛ jɔrɛ ni, nzen sɛ a? ³⁶ I n̄a sɛ wɔ lɛɛ? Bo i n̄a ya bá nienie i busu na ya n̄ú má i ni, na bekun, deke bo i sukɔ ni, ya koro kɔ má dɔ.”

Kabo sɔnɔ bo i yo Yesu yarada nya nzue n bo i ma n̄gɔɔ ni

³⁷ Cɛɛnkpiri n awieeri cɛɛn n ti cɛɛnkpiri n tii a. Nyini cɛɛn n na Yesu ayasu ajina, na wɔ tien fanga su ase ka, “Sɔnɔ kere bo nzuehɔɛ ati i, i mi bra m dɔ na i ba nu. ³⁸ Dama ba kere i Nyemɛ Jɔrɛ Kadasi n nu ka, sɔnɔ kere bo i yo m yarada, ‘Nzuetin bo i ma n̄gɔɔ ni, i sɔngi fite i mi ahorembaa su a.’ ” ³⁹ Yesu jɔjɔ niiri Awiewie Casi n wɔ, ka sɔnɔ kere bo i yo yiri Yesu yarada nyá Awiewie Casi ni. Nyini sangá ni, Nyemɛ nya fa má i Awiewie Casi n ma má, dama wɔ nya wura má Yesu kpiri.

Kabo Yesu dɛɛ ti, na jama n nɔɔ woori bu n̄gun̄gumi ni

⁴⁰ Na jama n nu mine nbem tiiri kabo i seeri sɔ ni, na ba se ka, “Ahin sɔnɔ n ti Nyemɛ nɔɔnie kanfɔ n wɔ nahɔrɛ su.” ⁴¹ Na nbem ase ka, “Yiri ti Kristo Tiidefɔ n a.” Ama, na nbem gusu ase ka, “Kristo Tiidefɔ ni fite má Galili da. ⁴² Ba kere i Nyemɛ Jɔrɛ Kadasi n nu ka Kristo Tiidefɔ ni yó Fɛmɛ Davidi anuma a, na bu wú i Betilehem, Fɛmɛ Davidi bɔsu wɔ.” ⁴³ Yesu dɛɛ ti, na jama n nɔɔ awo bu n̄gun̄gumi, ⁴⁴ na nbem akoro ka bu tara i, ama, be afa má i saa akan má i.

Kabo Yudaɔfɔm nkpienkpienm ayo má Yesu yarada ni

⁴⁵ Na tintinijinafɔm n akpie bu nyi akɔ Nyemɛ sayoowa dɔnguyofɔm ni, ni Farasifɔm n dɔ, na ba bisa bu ka, “Nzu ti ye am afa má i aba má?” ⁴⁶ Na tintinijinafɔm n abɔ bu nu ka, “Be nya koro jɔjɔ má kabo nyini sɔnɔ n jɔjɔ ni.” ⁴⁷ Na Farasifɔm n abisa bu ka, “Wɔ daka amɛrɛ gusu wɔ fan? ⁴⁸ Am nya ti ka Yudaɔfɔm nkpienkpienm wara Farasifɔm n be ayo i yarada a? ⁴⁹ Ama, ahin jama n si má Nyemɛ nɔɔnie kpamaawa ni, nyini ti, Nyemɛ ayo bu n̄gbɛɛn.” ⁵⁰ Na Nikodemo bo i

ti Farasifom kun n na i yo ko nyuri Yesu ni, ase bu ka, ⁵¹ “Ya dee atin n su, kana ya ba di sono jore jaraki i, ma ka ya bisa i na ya ti sa bo wo yo i n ka.” ⁵² Na ba bisa i ka, “Woro n mmoo fite Galili wo? Kan Nyeme Jore Kadasi n na a nie. A nu ma ka Nyeme noanie kanfo n be mmoo fite Galili.”

[⁵³ Bu se so wieeri ni, na bu kere asandi ako awuru.

8

¹ Na Yesu ako buka n bo bu fere i ka Oliva Buka n su, dama oliva bakam go su wo.

Bara ajaafɔ n bo i saakiiri ajaa ciire n jore

² Alecin ngarama fuun na Yesu akaaki ako Nyeme Sereebiri Awuru n nu. Na jama n kere aba atien bu noo i do. Na wo tana sukere bu Nyeme noanie. ³ Na Nyeme noanie kerefom, ni Farasifom nbem afa bara ajaafɔ be bo bu ko taraari i ka i ni bieso da, na ba fa i ajina bu afien. ⁴ Na ba se Yesu ka, “Ya Kerefɔ, ya ko atara ahin bara n ka i susaaki ajaa ciire wo. ⁵ Noanie kpamaawa n bo Nyeme fa maari Moyisi n kere ka, nyini nbaram nusu so, ya tu bu yabue bo kun bu. Nyini ti, ye woro na se?” ⁶ Bu seeri so n na bu so i ngeɛ, na bu jaraki i wo. Na Yesu abiri i tii asienngu sufa i saa maraka sukere asienngu. ⁷ Bu wo i bisa n su ni, na wo ye i tii su ase bu ka, “Bo i na wo nya yo ma satie am nu, ma i mi du mo tu i yabue.” ⁸ Na wo kaaki abiri i tii sukere asienngu. ⁹ Bu tiiri so ni, na bu kere aloroki kun kun ako. Nkpienm ni du mo a. Na wo ka Yesu ni bara ni ngumi. ¹⁰ Na Yesu aye i tii su, na wo bisa bara n ka, “Bara, bu wo ni? Be ase ma ka i ti ye ni ka bu kun u, nzen se?” ¹¹ Na bara n abo i nu ka, “Ai, m Mibie, be ase ma ka i kun m.” Na Yesu ase i ka, “Mini mmoo se ma ka be kun u. Ko, ama, ma a yo satie kun.”]

Kabo Yesu na yiri ti durunya n nufom wein n ni

¹² Na Yesu akaaki ase jama n ka, “Mini ti durunya n nufom wein a. Bo i su m su kere wo ma awosin nu kun, ama, i nya wein bo i ma ngoo ni.” ¹³ Na Farasifom n ase i ka, “Woro, a sudi u nu daani wo, be de ma u daani n ka i ti nahore.” ¹⁴ Na Yesu ase bu ka, “Haari nzen m di m nu daani n mmoo, m daani diiwa n ti nahore wo, dama m si deke n bo m fite baari, na m kaaki si deke bo m suko ni. Ama, ambere, am si ma deke bo m fite, na am kaaki si ma deke bo m suko n gusu. ¹⁵ Ambere, am di jore kabo durunya n nufom di bu bengum jore n wo, ama, mini ni m tii, m di ma be jore. ¹⁶ Ama, haari nzen m di mine jore n mmoo, m jore diiwa n ti nahore wo, dama ma mini ngumi di minem jore a, ama, mini ni m Si bo i sunmaari m ni di a. ¹⁷ Ba kere am Nyeme noanie kpamaawa n nu ka, nzen mine nnyo daani diiwa yo

kun, nyini la ka i ti nahore wo lee. ¹⁸ Mini ni m tii di m nudaani a, na m Si bo wo sunma m gusu di m daani.” ¹⁹ Na ba bisa i ka, “U si wo ni?” Na wo bo bu nu ka, “Am si ma m ni m Si n be n mmoo. Nzen ma am si mini, ma am si m Si n mmoo.”

²⁰ Sanja bo Yesu seeri so ni, i wo minem kere su Nyeme Sereebiri Awuru n nu, fa dodo deke bo bu yi bu saraka njwaa fa ma Nyeme n wo. Ama, be akoro atara ma i, dama i sanja nya ju ma.

Kabo Yesu seeri ka i fite ma durunya n nu fen ni

²¹ Na Yesu akaaki ase bu ka, “M ba ko yaki am, na am ba nienie m busu, ama, am nu ma m, na am ba wu ni am satie ni. Deke bo m sukoni, am koro ko ma do.” ²² Na Yudafo m n abisa ka, “I na deke bo i sukoni, ya koro ko ma do. Nyini la ka, i kun i nu wo lee, nzen se a?” ²³ Na wo se bu ka, “Amber e fite durunya n nu fen wo, ama, mini fite angoro wo. Amber e ti durunya n nu fen fom wo, ama, mini fite ma durunya n nu fen. ²⁴ Nyini ti ye ma se am ka, am wu ni am satie n a, dama nzen am yo ma m yarada ka mini la sonohore n bo m se am ka m ti ni, am wu ni am satie n wo.” ²⁵ Na ba bisa i ka, “Ye woro la nma a?” Na Yesu ase bu ka, “Kabo m se am sanja kere ni, m ti so o. ²⁶ M la sa dongu bo m joko fa ko am do, na m la sa dongu bo m fa di am jore jarki am, ama, yiri bo i sunmaari m ti nahorefo o, na deke bo i se m ni, nyini ye m kan kere durunya n nufom a.” ²⁷ Yesu seeri so ni, ba si ma ka i joko niiri i Si Nyeme wo. ²⁸ Na wo se bu ka, “Am ba yeri mini Adamande Wa n su baka jaanu n su, ye am si ka mini la sonohore n bo m se am kabo m ti n a, na m yo ma deke be m dee yiko nu, ama, m se kabo m Si akere m wo. ²⁹ Yiri bo i sunmaari m n wo m do, wo nya yaki ma m cen be, dama sanja kere m yo deke bo i sun i nu wo.” ³⁰ I jokori so ni, na jama n dongu ayo i yarada.

Kabo Yesu seeri Yudafo m ka bu satie dee ti ma ba yo akoom n a

³¹ Na Yesu ase Yudafo m bo bu yo i yarada n ka, “Nzen am de m nonie ni, am ti m susufom wo nahore su. ³² Na am si deke bo i ti nahore ni, na nahore ni ma am nya am tii a.” ³³ Na ba se i ka, “Ya ti Abraham anumam wo, be nya fa ma ya yo ma i akoom. Ye nzu ti ye a na ya nya ya tii a?”

³⁴ Na Yesu ase bu ka, “Nahore ye m suse am a, ka, sono kere bo i yo satie, i mi ti satie akoo. ³⁵ Akoo ba koro ka ma awuru n nu sanja kere, ama, awurubaa yiri wo awuru n nu wo sanja kere. ³⁶ Nyini ti, nzen mini awurubaa n nya deer i am tii jiiri, am nya am tii nahore su. ³⁷ M si ka am

ti Abraham anumam wɔ, ama, am koro ka am kun m wɔ, dama am ade má m nɔaniɛ ni. ³⁸ Deke bo mini aɲu i m Si dɔ n ye m suse am a, ama, amberɛ, deke bo am ti i am si dɔ, ye am yo a.” ³⁹ Na ba se i ka, “Ya si la Abraham.” Na wɔ se bu ka, “Nzen má am ti Abraham nbaam, má am yo i sayoowa a. ⁴⁰ Kabo i ti ni, ma se am nahɔre sam bo m tiiri i Nyeme dɔ n wɔ, ama, am koro ka am kun m wɔ. Abraham ayo má nyini be sɔ. ⁴¹ Amberɛ, am yo am si sayoowa a.” Na ba se i ka, “Yere, ya ti má soma nbaam. Ya si la Nyeme ngumi wɔ.” ⁴² Na Yesu ase bu ka, “Nzen má Nyeme ti am Si, má am koro m, dama m fiteeri Nyeme dɔ ɔ, ye m baari fen n a. Ma ba má ni m dɛɛ yiko nu, ama, yiri sunmaari m a. ⁴³ Nzu ti ye am ti má m jɔjɔowa n bu a? Dama am koro de má m nɔaniɛ n dɛɛ ti. ⁴⁴ Sitana ti am si wɔ, na am koro ka am yo kabo am si koro n wɔ, i fite ka i bumboori kere, i ti sɔnɔ kunfɔ ɔ, na i su má nahɔre su, dama nahɔre haari kun mmɔɔ wo má i dɔ, i dɛɛ la ka i bu kɔre wɔ, dama yiri ti kɔrefɔ a, na yiri kaaki ti kɔrefɔm kere si a. ⁴⁵ Ama, mini se nahɔre n ti, am de má m nɔaniɛ ni. ⁴⁶ Am nma koro kere m satie bo ma yo i a? Nzu ti ye m se am nahɔre, ye am de má m nɔaniɛ n a? ⁴⁷ Sɔnɔ kere bo i ti Nyeme dɛɛ, i mi ti Nyeme nɔaniɛ wɔ. Deke bo i ti na am ti má Nyeme nɔaniɛ n la ka, am ti má i dɛɛm wɔ.”

Kabo Yesu ti kpiri tara Abraham ni Nyeme nɔaniɛ kanfɔm ni

⁴⁸ Na Yudaɔm n ase i ka, “Bo ya nja a ti Samariyaɔ ɔ, na ajini wo u nju ni, i ti má nahɔre wɔ, nzen se a?” ⁴⁹ Na Yesu ase bu ka, “Ajini wo má m nju, ama, m bu m Si n wɔ, ye amberɛ bu má m. ⁵⁰ M sukoro má ka mine wura m nju kpiri wɔ, be wo bere bo i koro ka i wura m kpiri, yiri ti jɔredifɔ a. ⁵¹ Nahɔre ye m suse am a, ka, sɔnɔ kere bo i bita m nɔaniɛ ni, i mi wú má fieo.”

⁵² Na ba se i ka, “Kisa, ye ya si ka ajini wo u nju a. Abraham ni Nyeme nɔaniɛ kanfɔm ni kere awu, ama, wɔɔ nja sɔnɔ kere bo i bita u nɔaniɛ ni, i mi wú má fieo. ⁵³ A tara ya si Abraham bo wɔ wu n wɔ? I ni Nyeme nɔaniɛ kanfɔm kere awu. A bu u nju se wɔ?”

⁵⁴ Na Yesu ase bu ka, “Nzen m wura m nju kpiri, i ti ngbɛɛn wɔ. M Si wura m kpiri a, yiri bo am nja i ti am Nyeme ni, ⁵⁵ ama, am si má i. Mini si i a. Haari nzen m nja m si má i, m yó kɔrefɔ ka amberɛ wɔ. Ama, m si i, na m bita i nɔaniɛ ni. ⁵⁶ I yoori am si Abraham fie ka i nju m ba n nu, i njuuri i, na i ahore aɲɔ.” ⁵⁷ Na ba se i ka, “A nya ju má aɔ aburunu, ye i yo se ye a nja a njuuri Abraham a?” ⁵⁸ Na Yesu ase bu ka, “Nahɔre ye m suse am a, kana bu ba

wuuri Abraham ni, mini wo bere wo.” ⁵⁹ I seeri so ni, na ba fa yabue ka bu bo kun i, ama, na wo loroki afite Nyeme Sereebiri Awuru n nu.

9

Kabo Yesu tekeeri anyinsin be nyumbaa ni

¹ Na sangha bo Yesu wo natiiri su ni, na wo nu sono be, bu wuuri i ni, i ti anyinsin wo. ² Na i susufom n abisa i ka, “Ya Kerefo, nzu ti ye bu wuuri ahin sono ni anyinsin a? I wufom yoori satie, nzen i dee satie a?” ³ Na Yesu ase bu ka, “I ti ma i ni i wufom be mmoo satie dee ti, ama, Nyeme koro ka minem nu kabo i yo alekutura sa fa ma i a. ⁴ Kabo wie toko wo bere ni, am ma ya yo yiri n bo wo sunma m juma ni. Ale ba san bo be koro yo ma juma be. ⁵ Kabo m toko wo durunya n nu ni, mini ti durunya n nufom wein a.”

⁶ Yesu seeri so ni, na wo yi nanzue ago asiengu, na wo fa akpita naatie afa aboroki anyinsin nyumbaa nnyo n kere. ⁷ Na wo se i ka, “Ko na a ko nmisi u nyunu Silowam bura n nu.” Silowam n bu la ka, ba sunma i wo. Na wo ko anmisi i nyunu n na wo nu asi, na wo kaaki aba awuru.

⁸ Na i lamokom ni minem bo bu yo nuuri i sangha kere ka i sere ni, abisa ka, “Ma ahin sono ni yo tana fen sere n a?” ⁹ Nbem na, “Yiri a.” Nbem gusu na, “Ma yiri a. I feremafu a.” Na yiri n mmoo ni i tii suse bu ka, “Mini a.” ¹⁰ Na ba bisa i ka, “Ye i yoori se ye u nyumbaa n ateke a?” ¹¹ Na wo se bu ka, “Sono n bo bu fere i ka Yesu ni, yiri kpitaari naatie borokiiri m nyumbaa n a. Na wo se m ka m ko Silowam bura n nu, na m ko nmisi m nyunu. Na ma ko anmisi, kpennga na ma nu asi.” ¹² Na ba bisa i ka, “Ye yiri n wo ni?” Na wo se bu ka, “M si ma.”

Kabo Farasifom bisaari sono n fa ko i nyumbaa tekeewa n su ni

¹³ Na ba fa sono n bo i yo tiiri anyinsin n ako Farasifom do. ¹⁴ Nyini ceen n bo Yesu kpitaari naatie na i fa tekeeri anyinsin nyumbaa n tiiri Numiyi ceen wo. ¹⁵ Nyini ti, na Farasifom gusu akaaki abisa i ka, “I yoori se ye a nuuri asi a?” Na wo se bu ka, “I faari naatie borokiiri m nyumbaa n a, na ma nmisi i, na ma nu asi.” ¹⁶ Na Farasifom nbem ase ka, “Ahin sono n fite ma Nyeme do, dama i bita ma Numiyi ceen ciire ni.” Ama, na nbem gusu ase ka, “I yo se ye satieyofu koro yo alekutura sam ka ahin nusu so a?” Na bu kere noo awo i ngungumi. ¹⁷ Na ba kaaki abisa sono n bo i yo tiiri anyinsin bekun ka, “Ye woro bo wo teke u nyumbaa ni, a bu i se wo?” Na wo se ka, “I ti Nyeme noanie kanfo o.”

18 Yudafɔ nkpienkpienm n ade má ka i yo tiiri anyinsin wɔ, ye i ɲu asi kisa, má ka bu ba fereeri i si, ni i ni, 19 na ba bisa bu ka, “Am wa n bo am ɲa am wuuri i na i ti anyinsin ni, yiri la ahin? Ye i yoori sɛ ye i ɲu asi kisa a?” 20 Na i si, ni i ni abɔ bu nu ka, “Ya si i ka i ti ya wa a, ya wuuri i anyinsin wɔ. 21 Ama, ya si má kabo i yoori barasu na i koro ɲu asi kisa ni, yere gusu kaaki si má sɔnɔ bo i tekeeri i nyumbaa ni. Wɔ ju i tienɲu sɔnɔ, am bisa i, yiri mmɔɔ ni i tii sé am.” 22 Deke bo i ti na i si, ni i ni seeri sɔ ni, bu soroori Yudafɔ nkpienkpienm n ahore wɔ, dama Yudafɔ nkpienkpienm n adu mɔ ase ka sɔnɔ kere bo i seeri ka Yesu ti Kristo Tiidefɔ ni, bu fɔn i mi fite bu tientienbunɔɔ sɔɔ n nu wɔ. 23 Nyini dɛɛ ti ye i si, ni i ni seeri ka, “Wɔ ju i tienɲu sɔnɔ, am bisa yiri mmɔɔ ni i tii n a.”

24 Na ba kaaki afere sɔnɔ n bo i yo tiiri anyinsin n bekun, na ba se i ka, “Nie Nyeme ti, na a jɔjɔ nahɔre. Yere si ka ahin sɔnɔ n ti satieyofɔ ɔ.” 25 Na wɔ se bu ka, “Nzen i ti satieyofɔ ɔ, i ti má satieyofɔ ɔ, mini si má. Deke bo m si i n la ka, m yo tiiri anyinsin wɔ, ama, kisa m ɲu asi.” 26 Na ba bisa i ka, “I yoori u sɛ wɔ, ye i tekeeri u nyumbaa n sɛ wɔ?” 27 Na wɔ bɔ bu nu ka, “Ma du mɔ ase am kabo i tekeeri m nyumbaa ni, ye am ade má. Ye nzu ti ye am koro ka m kan kere am bekun a? Amberɛ gusu, am koro ka am yo i susufɔm wɔ, nzen sɛ?” 28 Na ba tɔ i ɲu ni nzukɔ kpɛ ase i ka, “Wɔrɔ ti nyini sɔnɔ n susufɔ a, yere yiri, ya ti Moyisi dɛɛ susufɔm wɔ. 29 Ya si ka Nyeme yo jɔjɔri Moyisi dɔ a, ama, nyini sɔnɔ n yiri, ya si má i fiteebiri n mmɔɔ.”

30 Na wɔ se bu ka, “Ahin ti alekutura wanla, am si má i fiteebiri, ama, wɔ teke m nyumbaa. 31 Ya si ka Nyeme de má satieyofɔ nyemesere, ama, sɔnɔ kere bo i su Nyeme atin su, na i yo i sa koroowa, Nyeme de i sere wɔ. 32 Fite durunya n bumboori, sɔnɔ be nya ti má ka be ateke sɔnɔ bo bu wuuri i na i ti anyinsin nyumbaa. 33 Nzen má ahin sɔnɔ n afite má Nyeme dɔ, má i koro yo má pui.” 34 Na ba se i ka, “Wɔrɔ yiri, bu wuuri u satieyofɔ ɔ, ye wɔrɔ koro ka a kere yere a?” Na ba fɔn i afite.

Kabo Yesu ɲa bo bu de má Adamande Wa n ti anyinsinm ni

35 Yesu tiiri ka ba fɔn ayi sɔnɔ n ni, na wɔ kɔ aɲu i, na wɔ bisa i ka, “A yo Adamande Wa n yarada a?” 36 Na sɔnɔ n abisa i ka, “M Mibiɛ, yiri la ɲma a? Se m na m yo i yarada.” 37 Na Yesu ase i ka, “A ɲu i e, yiri la mini n bo m sujɔjɔ u dɔ ni.” 38 Na sɔnɔ n ase i ka, “M Mibiɛ, ma yo u yarada.” Na wɔ kutu Yesu nyunu akansi i.

³⁹ Na Yesu ase ka, “M baari durunya n nu ka m ba di minem jɔɛ wɔ, na bo bu ɲu má asi n ɲú asi, na bo bu ɲu asi n yó anyinsinm.” ⁴⁰ Farasifom nbem bo bu woori i bi do n tiiri so ni, na ba se i ka, “Nka a ɲa a se ka yeɛ gusu ti anyinsinm wɔ lɛɛ fan?” ⁴¹ Na Yesu ase bu ka, “Nzen má am ti anyinsinm, má am la má ɲgasi, ama, kabo am nya ɲa am ɲu asi ni, am toko la ɲgasi lɛɛ.”

10

Kabo Yesu boori miɛenu niiri bɔɛsasafɔ ni

¹ Na Yesu ase ka, “Nahɔɛ ye m suse am a, sɔnɔ bo i lɔɔki wura nbɔɛm sɔɔ n nu, na wɔ fa má anɔ n nu awura má, i mi ti awiefɔ ɔ, na i kaaki ti sɔnɔ bo i nati fin minem di wɔ. ² Sɔnɔ bo i fa anɔ n wura nbɔɛm sɔɔ n nu, yiri ti nbɔɛm sasafɔ n a. ³ Anɔ niefɔ ni teke anɔ n ma i a, na i fere i dɛɛ nbɔɛm n duma, na i nbɔɛm ni ti i konvi, na i fa bu fite. ⁴ Nzen i nya faari i nbɔɛm kere fiteeri, i du bu mɔ ɔ, na i dɛɛ nbɔɛm n su i su, dama bu si i konvi. ⁵ Sɔnɔ bo bu si má i, bu sú má i su fieo, bu ɲmáti yaki i wɔ, dama bu si má i konvi.”

⁶ Na Yesu abo ahin miɛenu n akere bu, ama, ba ti má i bu.

Kabo Yesu ɲa yiri ti bɔɛsasafɔ kpa n ni

⁷ Ba ti má miɛenu n bu n ti, na Yesu akaaki ase bu bekun ka, “Nahɔɛ ye m suse am a, mini ti nbɔɛm anɔ n bo bu fa wura sɔɔ n nu n a. ⁸ Bere kere bo bu duuri m mɔ baari, na bu yo bu ɲu ka bu nie nbɔɛm su ni, bu ti awiefom wɔ, ni minem bo bu nati fin minem di wɔ, ama, nbɔɛm n ade má bu jɔjɔwa ni. ⁹ Mini ti anɔ n a, na sɔnɔ kere bo i fa m dɛɛ anɔ n wuraari, i nyá tiide, na i wúra na i fite, na i nyá i diire di. ¹⁰ Awiefɔ dɛɛ la ka i ba wɔ ɔ, na i kun, na i saaki. Mini aba ka bu nyá ɲɔɔ bo i la má aɲusu.

¹¹ Mini ti bɔɛsasafɔ kpa n a. Bɔɛsasafɔ kpa n tɔ i ɲɔɔ ɔ, na i wu ma i nbɔɛm ni. ¹² Padifɔ n bo ba fa i ka i sasa nbɔɛm n ti má bɔɛsasafɔ nahɔɛ su, na nbɔɛm n ti má i dɛɛm. Nyini ti, nzen i ba ɲuuri ka bedi suba, i ɲmati yaki nbɔɛm wɔ. Na bedi n wura bu nu tara nbem, na bo ba ka n sandi. ¹³ I ti padifɔ n dɛɛ ti, na i cɛɛ wo má nbɔɛm n nu, nyini ti ye i ɲmati yaki bu n a. ¹⁴⁻¹⁵ Mini ti bɔɛsasafɔ kpa n a. Kabo m Si Nyeme si m na m si i ni, so ye mini gusu si m dɛɛ nbɔɛm a, na bu gusu si m. Na m tɔ m dɛɛ ɲɔɔ na m wu ma bu. ¹⁶ M la nbɔɛ nyinga nbem bo bu ti m dɛɛm, bo bu wo má ahin nbɔɛm n nu. Wɔ yo daka ka m fa bu gusu ba wura ahinm n nu. Bere gusu tí m konvi na bu dé i, na bu yó kun na bu sasafɔ yó kun. ¹⁷ M tɔ m dɛɛ ɲɔɔ fa ma m minem, na m káaki de i bekun, nyini dɛɛ ti ye m Si koro

m n a. ¹⁸ Be sude má m dɛɛ ɲɔɔ ni m dɔ, ama, mini ni m tii sutɔ i m koroyanu a. M la atin bo m tɔ m dɛɛ ɲɔɔ ni, na m kaaki la atin bo m de i bekun. M Si maari m nɔɔ ka m yo sɔ a.”

¹⁹ Yesu seeri sɔ n dɛɛ ti, na Yudafo nkpienkpienm n nɔɔ awo i ɲɔɲɔgumi bekun. ²⁰ Na bu dɔɲɔgu n ase ka, “Ajini wo i ɲu, nyini dɛɛ ti, wɔ bo fie a. Nzu ti ye am so am sui i dɔ a?” ²¹ Ama, nbem ɲa, “Má sɔɔ bo ajini wo i ɲu jɔjɔwa la ahin. Ajini yo sɛ koro teke anyinsin nyumbaa?”

Kabo Yudafo m keteeri Yesu ni

²² Fufuku sanɲa na Yudafo m ba sudi bu cɛɛnkpiri n Yerusalem mie kpiri n nu, na bu tenɲe su kabo bu yo tekeeri Nyeme Sereebiri Awuru n ni, na bu yoori i dɔɲɔgu ni. ²³ Na Yesu sunati bara ye Solomon Lɛɛ n bo i wo Nyeme Sereebiri Awuru n nu ni. ²⁴ Na Yudafo m nbem atien bu nɔɔ abara aye i, na ba bisa i ka, “Sanɲa bɔɔ ye a bá kan teke ya nyi a? Nzen wɔɔ ti Kristo Tiidefo n a, se ya nahɔɛ kpain.” ²⁵ Na Yesu ase bu ka, “Ma se am, ye am ade má a. Alekutura sam bo m yo bu m Si duma n nu ni, di m ɲu daani a. ²⁶ Ama, am yo má m yarada, dama am ti má m dɛɛ nbɔɛm. ²⁷ M dɛɛ nbɔɛm ti m konvi. M si bu, na bu su m su. ²⁸ M ma bu ɲɔɔ bo i la má awieeri, na bu ká má ɲɔɔɛɛn cɛɛn be fieo. Be gusu koro fin má bu fite má m saa nu. ²⁹ M Si bo i faari bu maari m ni, tara deke kere fanɲa, na be wo má bere bo i koro fin bu fite m Si saa nu. ³⁰ Mini ni m Si ti deke kun wɔ.”

³¹ Na Yudafo m afa yabue bekun ka bu bo kun i. ³² Na Yesu ase bu ka, “Ma yo alekutura sakpam dɔɲɔgu, bo m Si kereeri m na am aɲu i, ye sa bɔɔ ti ye am ɲa am kun m n a?” ³³ Na Yudafo m n ase i ka, “Má sakpam bo a yo bu n be dɛɛ ti ye ya ɲa ya kún u a, ama, bo a jɔjɔ wura Nyeme ɲɲasi nu n ti, dama a ti adamande wɔ, ama, na a se ka a ti Nyeme wɔ.” ³⁴ Na wɔ se bu ka, “Ba kere i am Nyeme Jɔɛ Kadasi n nu ka, Nyeme ɲa, ‘Am ti ka Nyeme wɔ.’ ³⁵ Be koro bu má Nyeme Jɔɛ Kadasi ni ɲɔɔɛɛn. Nyeme yo seeri bu ka bu ti ka Nyeme wɔ, bere bo bu deeru Nyeme nɔɔɔni ni, ³⁶ ama, mini yiri, m Si Nyeme ayi m, ye wɔ sunma m durunya n nu a. Ye nzu ti ye amberɛ ɲa ma kan ciire jɔɛ, dama m ɲa mini ti Nyeme Wa a? ³⁷ Nzen m yo má m Si juma ni, má am yo m yarada. ³⁸ Ama, nzen m yo bu na haari am yo má m yarada mmɔɔ a, am yo m juma n yarada, adena am si nahɔɛ su ka mini ni m Si n ti deke kun wɔ.” ³⁹ I seeri sɔ ni, na ba kpi ka bu tara i bekun, na wɔ lɔɔki afite bu nu.

⁴⁰ Na Yesu akaaki akpie akɔ Yodan kunma n buekun dɔ akɔ aju deke bo Yohane yo biɛeri minem Nyeme nzue ni, na wɔ wo dɔ. ⁴¹ Na jama beberebe aba i dɔ, na ba se ka,

“Yohane ayo má alekutura sa be, ama, jójówa kere bo i yo jójó fa kóori ahin sɔnɔ n n̄usu n ti nahore wɔ.” ⁴² Na mine dɔngɔ ayo i yarada dɔ.

11

Kabo Lazarosi wuuri ni

¹ Na sɔnɔ be bo bu fere i ka Lazarosi n ada tukpaki. I ninbaam la Mariya ni Marata. Bu bɔsu la Betani. ² Nyini Mariya n bo i niwa Lazarosi daari tukpaki ni, yiri ba faari tulaalee nvanvanifo gɔori Yesu jaa su ye i faari i tiɲmie tintiin nunukaari i n a. ³ Na i ninbaa nbaabaram n asunma ka bu kɔ se Yesu ka, “Ya Mibiɛ, u danfo n bo a koro i agaya n ada tukpaki.” ⁴ Yesu tiiri sɔ ni, na wɔ se ka, “Ahin tukpaki n ti má yiwee tukpaki, ama, i yo sɔ, na minem ɲu Nyeme jirima woowa kabo i ti, na Nyeme ma minem ɲu mini bo m ti i Wa n gusu jirima woowa.” ⁵ Tɔ, Yesu koroori Marata ni Mariya ni bu niwa Lazarosi. ⁶ Ama, i tiiri ka Lazarosi ada tukpaki ni, na wɔ ka deke bo i woori n cɛɛn nnyɔ abuka su.

⁷ Nyini sin na Yesu ase i susufɔm ka, “Am ma ya kaaki kɔ Yudiya dɛɛ awɔre n nu.” ⁸ Na i susufɔm n ase i ka, “Ya Kerefɔ, má anzɔni fɛn ye Yudafɔm ɲa bu tu yabue bo kun u n a? Ye a sukoro ka ya kpie ya nyi kɔ dɔ bekun n a?” ⁹ Na Yesu ase bu ka, “Fa ɲgarama kɔ ju naasɔ, m ɲa i ti wiɛ kun wɔ e. Sɔnɔ bo i nati wiɛsu bo má i jaa, dama durunya n nu wein ni ma i ɲu asi a. ¹⁰ Ama, sɔnɔ bo i nati kɔngue bo i jaa, dama wein wo má i dɔ.” ¹¹ Yesu jójóori sɔ n sin, na wɔ kaaki ase bu ka, “Ya danfo Lazarosi adaafi, ama, m sukɔ na m kɔ tenge i lɛɛ.” ¹² Na i susufɔm n ase i ka, “Ya Mibiɛ, nzen wɔ daafi wɔ, i nyá laifiɛ.” ¹³ Kabo Yesu seeri n la ka, Lazarosi awu wɔ, ama, i susufɔm bere sunsun ka i ɲa wɔ daafi nahore su wɔ. ¹⁴ Nyini ti, na Yesu ase bu kpain ka, “Lazarosi awu. ¹⁵ Ama, ambere dɛɛ ti, wɔ yo m fiɛ ka ma wo má dɔ, adena am yo yarada. Am ma ya kɔ i dɔ.” ¹⁶ Na Tomasi bo bu fere i ka Ndaa n ase i lamɔkɔ susufɔm n ka, “Am ma yere gusu kɔ, nzen bu kɔ kuunri i a, na ya ni yiri kere awu.”

Kabo Yesu ɲa yiri tenge minem yiwee nu ni

¹⁷ Saɲga bo Yesu kɔ juuri ni, i ɲuuri ka ba se Lazarosi i lenna lɛɛ. ¹⁸ Betani ni Yerusalem miem waari má ni i benɲu. ¹⁹ Na Yudafɔm dɔngɔ aba Marata, ni Mariya dɔ ka bu ba dada bu ahore, bu niwa n bo wɔ wu n dɛɛ ti. ²⁰ Marata tiiri ka Yesu suba ni, na wɔ kpa i atin, ama, na Mariya aka awuru. ²¹ Na Marata ase Yesu ka, “M Mibiɛ, nzen má a woori fɛn, má m niwa n awu má. ²² Ama, haari ni nyini mmɔɔ, m si ka deke kere bo a sere Nyeme, i yó i ma u.” ²³ Na Yesu ase

i ka, “U niwa ni ténge i yiwee n nu bekun.” ²⁴ Na Marata ase i ka, “M si ka i bá tenge i yiwee nu jina cεεn, sanɔa bo Nyεmε bá tenge minεm bu yiwee nu ni.” ²⁵ Na Yesu ase i ka, “Mini ti sɔnɔ bo i tenge minεm bu yiwee nu, na i má bu nɔɔɔ n a. Sɔnɔ kεrε bo i yo m yarada, haari nzen i wuuri, i nyá nɔɔɔ. ²⁶ Na sɔnɔ kεrε bo i la nɔɔɔ na i yo m yarada, i mi wu má fieo. A yo ahin jɔjɔɔwa n yarada a?” ²⁷ Na Marata ase i ka, “M Mibiε, ma yo yarada ka wɔɔ ti Nyεmε Wa, Kristo Tiidefɔ n a, bo i nɔa i súnma i durunya n nu ni.”

Kabo Yesu suunri ni

²⁸ Marata seeri sɔ n sin, na wɔ kaaki akɔ afere i niwa Mariya benlε, na wɔ se i ka, “Ya Mibiε n aba, i nɔa a bra.” ²⁹ Mariya tiiri sɔ ni, i kaba bereki yasuuri wɔ, na wɔ kɔ i dɔ. ³⁰ Nyini sanɔa, na Yesu nya ju má miε n nu, i toko wo deke bo Marata kɔ tuuri i n wɔ. ³¹ Na Yudaɔm bo bu woori awuru n nu Mariya bi, na bu sudada i ahore ni, bu nɔuri kabo i bereki yasu fiteeri ni, na ba su i su. Bu sunsuunri ka i sukɔ deke bo bu seeri Lazarosi n wɔ, na i kɔ sun. ³² Sanɔa bo Mariya kɔ juuri deke bo Yesu wo n na i nɔuri i ni, na wɔ kutu i nyunu, na wɔ se i ka, “M Mibiε, nzen má a woori fen, má m niwa n awu má.” ³³ Yesu nɔuri ka i susun ni, ni kabo Yudaɔm n bo bu suuri i su baari n gusu wo sun su ni, na i ahore asaaki, na wɔ mi i nɔumi. ³⁴ Na wɔ bisa bu ka, “Am seeri i ni wɔ?” Na ba se i ka, “Ya Mibiε, bra na a ba niε.” ³⁵ Na Yesu asun. ³⁶ Nyini ti na Yudaɔm n ase ka, “Am niε kabo i koro i agaya barasu a.” ³⁷ Ama, na bu nbem ase ka, “Yiri n bo i teke anyinsin n nyumbaa ni, má i koro tuntun má sɔnɔ ni, na i wu má, nzen sε?”

Kabo Yesu tengeeri Lazarosi i yiwee nu ni

³⁸ Na Yesu ahore asaaki bekun, na wɔ kɔ deke bo bu seeri Lazarosi ni. I ti yabue bue fanɔunma wɔ, ye bu faari i seeri nu a, na ba fa yabue nyinga atɔ anɔ ni. ³⁹ Na Yesu ase bu ka, “Am ba yi yabue ni.” Na sɔnɔ n bo wɔ wu n niwa Marata ase i ka, “M Mibiε, kisa wɔ bun, dama bu seeri i nyuma lenna lεε.” ⁴⁰ Na Yesu ase i ka, “Ma se má u ka, nzen a yoori m yarada, a nɔ Nyεmε jirima woowa kabo i ti barasu?” ⁴¹ I seeri sɔ ni, na ba lakati yabue ni. Na wɔ ye i tii su anɔoro, na wɔ se ka, “M Si, m da u asi ka a de m sere. ⁴² M si ka sanɔa kεrε a de m sere wɔ, ama, ahin minεm bo bu jina fen n dεε ti, ye m seeri sɔ a, adena bu yo m yarada ka wɔɔ sunmaari m a.” ⁴³ I sereeri Nyεmε n wieeri ni, na wɔ tien ase ka, “Lazarosi, fite.” ⁴⁴ Na sɔnɔ n bo wɔ wu n afite fanɔunma n nu. Tani pɔɔndiiri i saa, ni i jaa, na tani kun pɔɔndiiri i tii. Na Yesu ase bu ka, “Am nyanɔi yi tani n na am ma i kɔ.”

Kabo bu seseeri su ka bu kun Yesu ni

⁴⁵ YudafoƆm doƆngu bo bu baari Mariya doƆ Ɔuuri sa n bo Yesu yoori i ni, na ba yo i yarada. ⁴⁶ Na bu nbem ako FarasifoƆm n doƆ ako ase bu kabo Yesu ayo ni. ⁴⁷ Na FarasifoƆm ni Nyeme sayoowa doƆnguyofoƆ nkpienkpienm n afere YudafoƆm tereterefoƆm ni, na ba tien bu noo. Na ba se ka, "Ye ya yo se wo? Am nie e, ahin soƆo ni suyo alekutura sayoowam doƆngu. ⁴⁸ Nzen ya yaki i na i suyo so, minem kere yo i yarada a, na Roma yikofom ba saaki ya Nyeme Sereebiri Awuru ni, na bu kun ya minem ni." ⁴⁹ Na bu nu soƆo be bo bu fere i ka Kayafasi ni, bo i ti Nyeme sayoowa doƆnguyofom kere kpien nyini afoƆ n ase ka, "Amberɛ, am si ma pui. ⁵⁰ Am si ma kabo i ti n wo, nzen se? Ka nzen am ma soƆo kun wu maari minem kere, i ti ye ni bo ya minem kere ba wu ni." ⁵¹ Ma i koroyanu ye i seeri so a, ama, yiri ti Nyeme sayoowa doƆnguyofom kere kpien nyini afoƆ n ti, ye Nyeme ma i seeri ka Yesu wu ma YudafoƆm n a. ⁵² Na ma bere ngumi dee ti ye i wu a, ama, adena i tien Nyeme nbaam noo, na bu yo kun, bere bo ba sandi ako asien nbem n su. ⁵³ Nyini dee ti, fite nyini ceen n fa ko, na ba sese su ka bu kun Yesu.

⁵⁴ Nyini dee ti, wo yi ma i Ɔu fofoe nu anati ma YudafoƆm nu kun. Ama, i fiteeri bere ni, na wo ko awore be bo i wo dodo boro kpantain dee bue ni, na i ni i susufom n ako awo mie n bo bu fere i ka Efirayim n su.

⁵⁵ Nyini sanƆa, wo ka kaan, na YudafoƆm di bu Butara ceenkpiri ni, na mine doƆngu afite ahemem aba Yerusalem mie kpiri n nu, na bu ba kpakpara bu Ɔu fin ka, na ceenkpiri n nya ju. ⁵⁶ Na ba nienie Yesu busu, na sanƆa bo bu wo Nyeme Sereebiri Awuru n nu ni, na ba bisa bu ƆuƆu nu ka, "Am sunsun se wo? I ba ceenkpiri ni? Ya de ma ka i ba." ⁵⁷ Ama, Nyeme sayoowa doƆnguyofoƆ nkpienkpienm ni, ni FarasifoƆm n ama noo ka soƆo kere bo i si deke bo Yesu wo, i se bu na bu ko tara i.

12*Kabo Mariya faari tulaalee nvanvanifo gɔɔri Yesu jaam su ni*

¹ Na sanƆa bo i ba kaari lesen, na bu di Butara ceenkpiri ni, na Yesu ako Betani, Lazarosi bosu, yiri bo Yesu tengeeri i yiwee n nu ni. ² Na ba su Yesu wofo do. Marata faari diire n ba maari bu a, Lazarosi gusu woori minem bo bu ni Yesu diiri diire n nu. ³ Na Mariya afa tulaalee nvanvani bo i la go agaya tuwa bambaka kun, na wo fa ago Yesu jaa su, na wo fa i tiɛmie tintiin anunuka i jaam kere su, na tulaalee ni nvani ade awuru n kere. ⁴ Na Yesu susufom kun bo bu fere i ka Yudasɛ Isikariyoti bo i ba to Yesu n abisa ka, ⁵ "Nzu

ti ye bara n atɔ má tulaalɛɛ n na i nya n̄waa beberebe, na ya fa ma yaarifɔm a?" ⁶ I ti awiefɔ n dɛɛ ti ye i seeri sɔ a, má ka i cɛɛ wo yaarifɔm nu wɔ. Yiri ti bu n̄waa bitafɔ a, na i suwɔ n̄waa n be san̄ga san̄ga. ⁷ Na Yesu ase ka, "Yaki Mariya benlɛ, i dɛɛ nzee bo i sufa yo m fa kɔ m yiwee cɛɛn lɛɛ. ⁸ Dama am ni yaarifɔm ni wo berɛ san̄ga kɛrɛ a, ama, am ni mini koro wo má berɛ san̄ga kɛrɛ."

⁹ Yudaɔm beberebe tiiri ka Yesu woori dɔ ni, na ba ba i dɔ, má ka Yesu n̄gumi ti ye bu baari a, ama, bu baari ka bu ba n̄u Lazarosi n bo Yesu tengeeri i yiwee n nu n wɔ. ¹⁰ Nyini dɛɛ ti, na Nyemɛ sayoowa dɔn̄guyofɔ nkpienkpienm n asɛsɛ su ka bu kun Lazarosi gusu. ¹¹ Dama i dɛɛ ti ye Yudaɔm dɔn̄gu akaaki bu sin abo bu a, ye ba yo Yesu yarada n a.

Kabo Yesu wuraari Yerusalem ka femɛ dɛɛ su ni

¹² Na alecin na jama n bo bu baari ka bu ba di Butara cɛɛnkpiri n ati ka Yesu suba Yerusalem miɛ kp̄iri n nu. ¹³ Na ba kpiɛkpiɛ kpakpa nyawa akɔ akpa i atin, na bu subo kuyigindi, bu n̄a,

"Hosana. Ya kansɛ Nyemɛ.

Terefiɛ wo yiri n bo i suba Micera n dɛɛ duma n nu n dɔ.

Terefiɛ wo Yisarelifɔm femɛ n dɔ."

¹⁴ Na Yesu an̄u kaakobaa be, na wɔ fun atana su, kabo ba kɛrɛ i Nyemɛ Jɔrɛ Kadasi n nu ni,

¹⁵ "Amberɛ Siyonfɔm, má am soro sere.

Am niɛ, am femɛ ni suba n a,

i fun kaakobaa wɔ."

¹⁶ Nyini san̄ga, i susufɔm nya si má nyini sam n bo ba yo n kɛrɛ bu. Má ka san̄ga bo Yesu ba tengeeri i yiwee n nu, na bu n̄uuri i jirima woowa n sin, na ba nya atɛn̄ge su, ka ba kɛrɛ i Nyemɛ Jɔrɛ Kadasi n nu ka bu yó i sɔ ɔ, na ba kaaki atɛn̄ge su, ka ba yo i sɔ nahɔrɛ su. ¹⁷ Na jama n bo bu yo woori Yesu dɔ, san̄ga n bo i fereeri Lazarosi fiteeri fan̄kunma n nu, na i tengeeri i yiwee n nu ni, na bu sukan labari ni. ¹⁸ Nyini alekutura sa n bo i yoori i na minem tiiri n dɛɛ ti, na ba kpa i atin. ¹⁹ Na Farasifɔm n ase bu n̄un̄u nu ka, "Am an̄u má i? Ya koro yo má pui kun. Yiri ye durunya n nufɔm kɛrɛ susu i su n a."

Kabo Girikifɔ nbem ba bisaari Yesu busu ni

²⁰ Minem bo bu baari Yerusalem miɛ kp̄iri n nu Butara cɛɛnkpiri n san̄ga n ka bu ba su Nyemɛ ni, bu nbem ti Girikifɔm wɔ. ²¹ Na ba ba Filipu dɔ, i fite miɛ n bo bu fere i ka Besayida na i wo Galili awɔrɛ n nu n wɔ. Na ba se i ka, "Njabiɛ, ya koro ka ya n̄u Yesu wɔ." ²² Na Filipu akɔ ase Andere, na bu nnyɔ n kɛrɛ akɔ ase Yesu. ²³ Na Yesu ase ka,

“Sanja n aju bo Nyeme wura mini Adamande Wa n kpiri. ²⁴ Nahore ye m suse am n a, ma ka alembaa awura fa nu, na wo kpore, i ti i tii wo. Ama, nzen i wurari fa nu na i kporeori, ye i wura mbaa beberebe a. ²⁵ Sono kere bo i koro i ngoo, i mi ba fun i, ama, sono kere bo i koro ma i ngoo durunya n nu fen, i mi ba nya ngoo bo i la ma awieeri. ²⁶ Sono kere bo i su m, wo yo daka ka i mi su m su, na deke bo m wo ni, m amususufo gusu wo do o. Na sono kere bo i suuri m, m Si Nyeme wura i mi kpiri.”

Kabo Yesu jjo fa koori i yiwee n jore su ni

²⁷ Na Yesu ase ka, “Kisa, m ahore asaaki, ye m se se wo? M koro se ka, m Si Nyeme, yi m fite ahin anyumboro bo i suba m do n nu, nzen se? Ai, m koro se ma so, dama nyini dee ti ye m baari a. ²⁸ M dee bo m se la ka, m Si, kere kabo u jirima woowa ti.” Na akonvi be atien afite angoro ase ka, “Ma du mo akere kabo m jirima woowa ti, na m kaaki kere i bekun.” ²⁹ Jama n bo bu jina Yesu bi n tiiri akonvi ni nga ni, na bu nbem ase ka, “Nzue akpura.” Na nbem gusu ase ka, “Nyeme mereke ajjo i do a.” ³⁰ Na Yesu ase bu ka, “Amberede dee ti ye akonvi n jjoori a, ma mini dee ti a. ³¹ Sanja n aju bo Nyeme di durunya n nufom jore, na i fon yi Sitana bo i ti bu feme ni. ³² Ama, mini, bu ba yeeri m su jinaari angoro baka jaanu n su, m cin sono kere ba m do.” ³³ Kabo i yo seeri so n kere yiwee n bo i ba wu i n wo.

³⁴ Na jama n ase i ka, “Ya ti i Nyeme Jore Kadasi n nu ka, Kristo Tiidefo ni wo bere sanja kere. I wu ma. Ye i yoori se ye woro na, wo yo daka ka bu ba yeeri Adamande Wa n su jinaari angoro baka jaanu n su a? Ye Adamande Wa n la nma a?” ³⁵ Na Yesu ase bu ka, “Mini bo m ti wein ni, m wo am nu kisa, ama, m ce ma. Nyini dee ti, am nya wo ni wein ni, am sunati wein nu wo, na ma awosin tu am. Sono kere bo i wo awosin nu, i mi si ma deke bo i sukoni. ³⁶ Am nya wo ni wein ni, am yo i yarada, na m ma am yo wein dee nbaam.” Yesu seeri so ni, na wo fite bu nu ako afie deke be, na ma be nu i.

Kabo Yudafo ayo ma Yesu yarada ni

³⁷ Yesu yo yoori alekutura sam dogu na ba nu i, haari ni nyini mmoo, ba yo ma i yarada. ³⁸ Nyini ma Nyeme noanis kanfo Esaya jore n bo i yo kereeri n yo yiiwa. I na, “M Nyeme Feme, nma ade jore n bo ya kan i n a?”

Ye nma ye a yi u yiko akere i a?”

³⁹ Nyini dee ti, ye ba koro ayo ma Yesu yarada n a. Kabo Esaya akaaki ase ka,

⁴⁰ “Nyeme ama ba yo anyinsinm

na má bu ɲu asi,
na wɔ ma bu ahore ayo kekereke
na má bu ti i nɔanie n bu,
adena má bu kaaki ba i dɔ
na bu nya laifie.”

⁴¹ Esaya yo ɲuuri Yesu jirima woowa n dɛɛ ti, ye i kaanri i ɲu jɔrɛ n a. ⁴² Yudafo nkpienkpienm dɔɲgu mmɔɔ yoori Yesu yarada, ama, bu soroori Farasifom n ahore n dɛɛ ti, ba koro ayi má bu ɲu fofoe nu. Nzen bu yiiri bu ɲu ka ba yo i yarada, Farasifom ni fɔn bu fite bu tientienbunɔɔ sɔɔ n nu wɔ. ⁴³ Dama Yudafo nkpienkpienm n yo koroori adamande kansi taraari Nyeme dɛɛ.

Kabo Yesu seeri ka i nɔanie ni dí minem jɔrɛ ni

⁴⁴ Na Yesu atien ase ka, “Sɔnɔ kere bo i yo m yarada, má mini ɲgumi ye i yo m yarada, ama, i yo bo wɔ sunma m n gusu yarada a. ⁴⁵ Na sɔnɔ kere bo i nie na i ɲuuri m, ti ka wɔ ɲu m Si Nyeme bo i sunmaari m n lee. ⁴⁶ Mini bo m ti wein n aba durunya n nu, adena sɔnɔ kere bo i yo m yarada, i wó má awosin nu. ⁴⁷ Sɔnɔ kere bo i ti m nɔanie n na i de má i, m di má i mi jɔrɛ, dama ma ba má ka m ba di durunya n nufom jɔrɛ wɔ, ama, m baari ka m ba de bu tii ji wɔ. ⁴⁸ Sɔnɔ kere bo i kete m, na i de má m nɔanie ni, i joredifo wo bere wɔ. Nɔanie n bo ma jɔjɔ i ni, yiri dí i mi jɔrɛ jina cɛɛn n a. ⁴⁹ Dama má m koroyanu ye m kan sɔ a, ama, m Si n bo wɔ sunma m ni, yiri maari m nɔɔ, kereeri m nɔanie kun kun kere bo m jɔjɔ i n a. ⁵⁰ M si ka i nɔanie maawa n ti deke bo i ma ɲgɔɔ bo i la má awieeri n wɔ. Nyini dɛɛ ti, kabo m Si seeri m ni, so ye m jɔjɔ a.”

13

Kabo Yesu ɲmisiiri i susufom n jaa ni

¹ Alecin bo má bu di Butara cɛɛnkpiri n ni, na Yesu asi nu ka sangga n aju bo i fite durunya n nu kaaki kɔ i Si Nyeme dɔ. Na i dɛɛ tienɲu minem bo bu wo durunya n nu na i koro bu ni, i koro bu sɔ ɔ haari i kɔ ju i fanɲa nyaari. ² Na kɔɲgue sangga bo bu wo diire n di su ni, na Sitana awura Yudasi, Simon Isikariyoti wa n tii nu ka i tɔ Yesu ma i kpɔfom. ³ Na Yesu asi nu ka i Si Nyeme afa deke n kere awura i saa nu, na i kaaki si ka i fiteeri Nyeme dɔ baari a, na i káaki kɔ i dɔ ɔ. ⁴ Na wɔ nya yasu ajina, na wɔ yi i tanlee n ase, na wɔ fa papawo abo i wi nu. ⁵ Na wɔ sa nzue agɔ nyaɲa nu, na wɔ bo i bu sunmisi i susufom n jaa, na wɔ fa papawo n bo i bo i wi nu ni sunuka bu jaam. ⁶ I ba kpuraari Simon Petoro, na wɔ bisa Yesu ka, “M Mibie, na wɔrɔ ba ɲmisi m dɛɛ jaa?”

⁷ Na Yesu ase i ka, “Sa bo m suyo i ni, a koro ti má i bu kisa, ama, fa kɔ fa ba, a bá ti i bu.” ⁸ Na Petoro ase i ka, “Ai, a ηmisi má m jaa haari durunya n ba yasu.” Na Yesu ase i ka, “Nzen ma ηmisi má u jaa, m ni wɔɔ akpaaki lɛɛ.” ⁹ Dɔ na Simon Petoro anya ase i ka, “M Mibiɛ, nzen i ti sɔ a, má a ηmisi m jaa ηgumi, ama, ηmisi m saam ni m tii kɛɛ.” ¹⁰ Na Yesu ase i ka, “Sɔnɔ anya abie nzue, ηka i ηmisi i jaa a, i bie má nzue kun, dama i ηunie kɛɛ ti casi wɔ. Amberɛ, am ti casi wɔ, ama, má am kɛɛ.” ¹¹ Yesu siiri bo i bá tɔ i ma i kpɔfɔm ni, nyini ti ye i ηa má bu kɛɛ ti casi n a.

¹² I ηmisi bu jaam wieeri ni, na wɔ fa i tanlɛɛ n awura, na wɔ kɔ atana i tanaabiri ni. Na wɔ bisa bu ka, “Kabo ma yo am ni, am ati i bu? ¹³ Am fere m ka am Kerefɔ ɔ, na am kaaki fere m ka am Mibiɛ. Am jɔjɔ nahɔɛ wɔ, dama m ti sɔ ɔ. ¹⁴ Tɔ. Kisa na mini bo m ti am Mibiɛ, ni am Kerefɔ, na ma ηmisi am jaam ni, wɔ yo daka ka amberɛ gusu ηmisi am bengum jaam sɔ. ¹⁵ Dama ma yo akere am lɛɛ, na am gusu yo am bengum kabo ma yo am ni.” ¹⁶ Na wɔ se bu ka, “Nahɔɛ ye m suse am a, akɔɔ koro tara má i mibiɛ, na bekun sunmafɔ gusu koro tara má bo i sunmaari i ni. ¹⁷ Nzen am sin ahin n kɛɛ, na am yoori sɔ, terefie wo am dɔ.

¹⁸ M sujɔjɔ ni má am kɛɛ wɔ, dama m si bo ma du mɔ ayi bu ni. Ama, kabo ba kɛɛ i Nyemɛ Jɔɛ Kadasi n nu ni, i ti ye ni ka i yo yiiwa, ka, ‘Sɔnɔ n bo m ni yiri sanɔga di diire taale kun nu, yiri akaaki m jaa tufɔ n a.’ ¹⁹ M suse am sa bo i bá yo wɔ lɛɛ, na i ba yoori, na am yo m yarada ka mini la sɔnɔhɔɛ n bo ma se am kabo m ti n a. ²⁰ Nahɔɛ ye m suse am a, sɔnɔ kɛɛ bo i de sɔnɔ bo m sunma i ni, i mi ade mini wɔ lɛɛ, na sɔnɔ kɛɛ bo i de mini, i mi ade yiri bo i sunmaari m wɔ lɛɛ.”

Kabo Yesu seeri ka Yudasi tɔ i ma i kpɔfɔm ni

²¹ Yesu seeri bu sɔ wieeri ni, na i ahore asaaki akɔ asin su, na wɔ se bu kpain ka, “Nahɔɛ ye m suse am a, am nu kun bá tɔ m ma m kpɔfɔm a.” ²² Na i susufɔm n abirisi, sunie bu ηju ηu nu, ama, ba si má bo i yó nyini sa n ni. ²³ Bu nu kun be bo Yesu koro i agaya n tana mata Yesu. ²⁴ Na Simon Petoro abo i nyumbaa i dɔ ka i bisa Yesu ka, i ni ηma a? ²⁵ Na yiri n acin adodo Yesu, na wɔ bisa i ka, “Ya Mibiɛ, a ni ηma a?” ²⁶ Na Yesu ase i ka, “Sɔnɔ n bo m kpíɛ too n bo toro n nu na m fá ma i ni, yiri lɛɛ.” Na wɔ fa too n abo toro n nu, na wɔ fa ama Yudasi, Simon Isikariyoti wa ni. ²⁷ Yesu faari too n maari Yudasi wieeri ni, na Sitana awura i tii nu, na Yesu ase i ka, “Sa n bo a ηa a yó i ni, kɔ yo i ndende.” ²⁸ Ama, bu kɛɛ bo bu woori diire n di su ni, bu be mmɔɔ

asi má deke n bo i ti na Yesu seeri i sɔ ni. ²⁹ Yudasi tiiri bu ɲwaa bitafɔ n dɛɛ ti, bu nbem sunsun ka Yesu ɲa i kɔ to deke be na bu fa di cɛɛnkpiri n wɔ, wara i kɔ yi ɲwaa n be fa ma yaarifɔm wɔ. ³⁰ Yudasi diiri too n wieeri ni, na wɔ yasu afite akɔ. Nyini saɲga ni, i ti kɔɲgɛ wɔ.

Kabo Yesu maari bu nɔɔniɛ maawa fɔfɔre ni

³¹ Yudasi fite kɔ wieeri ni, na Yesu ase ka, “Kisa ye Nyeme wúra mini Adamande Wa n kpiri a, na m dɛɛ ti ye mine wúra m Si Nyeme kpiri a. ³² Na nzen bu wurari Nyeme kpiri m dɛɛ ti, Nyeme gusu wúra m kpiri, na Nyeme má i yo kisa berɛ.” ³³ Na wɔ se bu ka, “M nbaam, m cé má am nu fɛn. Am bá nienie m busu fie wɔ, na kabo m yo seeri Yudafɔm ni, sɔ ye m suse am kisa, ka am koro kɔ má deke bo m sukɔ ni. ³⁴ Nɔɔniɛ maawa fɔfɔre ye m sufa ma am n a, yiri la ka, am koro am beɲgum. Kabo ma koro am ni, am koro am beɲgu sɔ. ³⁵ Nzen am koro am beɲgu, nyini ye sɔɔ kere si ka am ti m susufɔm a.”

Kabo Yesu seeri ka Petoro kéte kpe nsan ka i si má i ni

³⁶ Na Simon Petoro abisa i ka, “Ya Mibie, a kó ni wɔ?” Na Yesu abɔ i nu ka, “Deke bo m sukɔ ni, a koro su má m su kisa, ama, saɲga suba bo a bá su m su.” ³⁷ Na Petoro akaaki abisa i ka, “Ya Mibie, nzu ti ye m koro su má u su kisa? Nzen i yo yiwee mmɔɔ a, m wú u dɛɛ ti.” ³⁸ Na Yesu abisa i ka, “A koro wu m dɛɛ ti? Nahɔre ye m suse u a, kana akonyuma bá bo, a kéte kpe nsan su ka a si má m.”

14

Kabo Yesu ɲa yiri ti atin n bo sɔɔ koro fa i sukɔ Nyeme dɔ ni

¹ Na Yesu ase i susufɔm n ka, “Má am ma am ahore saaki. Am yo Nyeme yarada, na am yo m gusu yarada. ² M Si Nyeme dika n nu, sɔɔm sunnu dɔ, nzen má i ti má sɔ, má m se má am. M kó na m kɔ sese woobiri su se am. ³ Na nzen m kɔ sese woobiri n su seeri am, m káaki ba fa am kɔ deke bo m kó wo ni, na deke bo m wó ni, am gusu wó dɔ ɔ. ⁴ Na deke bo m sukɔ ni, am si atin ni.” ⁵ Na Tomasi ase i ka, “Ya Mibie, ya si má deke bo a sukɔ ni, ye ya yo se si atin n a?” ⁶ Na Yesu ase i ka, “Mini ti atin n a, ni nahɔre, ni ɲgɔɔ n a. Mini ɲgumi ti atin n bo sɔɔ koro fa i na i kɔ m Si Nyeme dɔ a. ⁷ Nzen má am siiri m, má am si m Si mmɔɔ, ama, fa nyuma fa kɔ, am asi i, na am aɲu i.”

⁸ Na Filipu ase i ka, “Ya Mibie, kere ya u Si ni, deke bo ya koro i kere lɛɛ.” ⁹ Na Yesu abisa i ka, “Filipu, bo m ni amberɛ awo berɛ ace sɔ n na a si má m? Sɔɔ kere bo wɔ ɲu mini aɲu m Si lɛɛ, ye nzu ti ye am ɲa m kere am m Si

n a? ¹⁰ A yo má yarada ka m ni m Si n ti deke kun wɔ, nzen se? Jɔɔɛ n bo ma jɔjɔ ama am ni, má m tienɔgu jɔjɔɔwa, ama, m Si bo m ni yiri ti kun ni, yo i juma. ¹¹ Bo m ɔa, m ni m Si n ti deke kun ni, am yo m yarada. Nzen má nyini, am yo m yarada sam bo m yo bu n dɛɛ ti. ¹² Nahɔɔɛ ye m suse am n a. Sɔnɔ kɛɛ bo i yo m yarada, yiri mmɔɔ yó ahin sam bo m yo bu ni, na i yó bo bu tara ahin mmɔɔ, dama m sukɔ m Si dɔ ɔ. ¹³ Na deke kɛɛ bo am fa m duma fa sereeri i, m yó i ma am, adena mini Baa ni má minɛm wura m Si kpiri. ¹⁴ Na nzen am ba faari m duma fa sereeri m deke be, m yó i ma am.”

Kabo Yesu jɔjɔ fa kɔɔri Awiewie Casi n su ni

¹⁵ Na Yesu ase bu ka, “Nzen am koro m, am dé m nɔanie maawam ni. ¹⁶ M sére m Si Nyɛmɛ, na i má am Bukafɔ fɔfɔɛ bo i bá wo am dɔ sanɔga kɛɛ. ¹⁷ Yiri la Awiewie Casi n bo i se nahɔɔɛ ni. Durunya n nufɔm koro de má i, dama bu ɔu má i, na bekun bu kaaki si má i, ama, amberɛ si i, dama i wo am dɔ, na i bá wo am nu. ¹⁸ M kɔɔri, m yaki má am na am ka ayikam, m káaki ba am dɔ. ¹⁹ Wɔ ka kaan na durunya n nufɔm ɔu má m kun, ama, amberɛ ɔú m. M la ɔɔɔ n dɛɛ ti, am gusu nyá ɔɔɔ. ²⁰ Nyini cɛɛn n ye am sí ka mini ni m Si n ti deke kun a, na mini ni amberɛ gusu ti deke kun wɔ. ²¹ Sɔnɔ kɛɛ bo i de m nɔanie maawam, na i su i su, i mi ti bo i koro m a, na bo i koro m ni, m Si gusu koro yiri wɔ, na mini mmɔɔ kóro i mi, na m yí m ɔu kere i.”

²² Na Yudasi, má Yudasi Isikariyoti ni, ase ka, “Ya Mibie, nzu ti ye a yí u ɔu kere yere a, ye a yí má u ɔu kere má durunya n nufɔm a?” ²³ Na Yesu ase i ka, “Sɔnɔ kɛɛ bo i koro m, i dé m nɔanie ni, na m Si mmɔɔ kóro i mi, na ya bá, na ya bá wo i dɔ. ²⁴ Sɔnɔ kɛɛ bo i koro má m, i dé má m nɔanie ni. Nɔanie n bo ma jɔjɔ i ni, i ti má m dɛɛ nɔanie, i ti m Si n bo i sunmaari m dɛɛ wɔ.

²⁵ M toko wo am dɔ, ye m suse am ahin kɛɛ a, ²⁶ ama, m Si Nyɛmɛ súnma Bukafɔ ni, m duma n nu, yiri la Awiewie Casi ni, yiri kére am deke kɛɛ a, na i káaki tenɔge am su fa kɔ deke kɛɛ bo ma kere am ni.”

²⁷ Na wɔ se bu ka, “Ahoreda n ye m sufa ma am n a. M dɛɛ ahoreda n ye m sufa ma am a. Má kabo durunya n nufɔm ma am ahoreda ye m suma am n a. Má am ma am ahore saaki, má am soro sere. ²⁸ Am ati ka ma se ka, ‘M kó na m káaki ba am dɔ bekun.’ Nzen má am koro m, má am ahore jɔ ka m sukɔ m Si n dɔ, dama m Si tara m. ²⁹ Sa bo wɔ nya yo má lɛɛ, ye ma se am n a, adena i bá yoori, na am yo m yarada. ³⁰ M jɔjɔ má am dɔ jɔɔɛ beberebe kun, dama Sitana bo i ti durunya n nufɔm tii ni suba. Ama, i koro yo

má m pui. ³¹ M koro ka durunya n nufóm si ka, m koro m Si ni, nyini dɛɛ ti ye m yo deke kɛɛ bo i se m ka m yo i n a.”

Na wɔ se bu ka, “Am yasu na ya kɔ.”

15

Kabo Yesu ɲa yiri ti baka n ni i tii nahɔɛ su n a

¹ Na Yesu ase bu ka, “Mini ti baka n bo i su suuwa nahɔɛ su a, ye m Si Nyɛmɛ ti nyini baka n fie niɛfɔ. ² Asambaa kɛɛ bo i wo m su na i su má, m Si kpɛ i ji wɔ, na asambaa kɛɛ bo i wo m su na i su, i kpɛkpɛ i nyawa n yo i dɔŋgu wɔ, na i su nyunyumi. ³ Jɔɛ n bo m jɔjɔ maari am ni, yiri adu mɔ ayo am casi a. ⁴ Am wo ni mini na m gusu wo ni ambɛɛ. Kabo baka asambaa be wo má bɛɛ bo i koro su i ɲgumi, má ka i wo baka n su. Sɔ ye am gusu koro su má, má ka am wo m dɔ.

⁵ Mini ti baka n a, ye ambɛɛ ti asambaam ni, sɔnɔ kɛɛ bo i wo m dɔ, na mini mmɔɔ wo i dɔ, i mi su suuwa nyunyumi wɔ, dama am koro yo má pui, má ka am awo m dɔ. ⁶ Sɔnɔ kɛɛ bo i wo má m dɔ, bu kpɛ i ji wɔ, kabo bu kpɛ baka asambaa na i wu n wɔ, na bu tien bu nɔɔ wura sin nu na bu je ni. ⁷ Nzen am wo m dɔ, na m nɔaniɛ n wo am ahore su, deke kɛɛ bo am koroori i, na am sereeri Nyɛmɛ, am nyá i. ⁸ Nzen am su suuwa nyunyumi, nyini kere ka am ti m susufóm a, na i wura m Si kpɛri. ⁹ Kabo m Si koro m ni, sɔ ye mini mmɔɔ koro am a, am wo ni m koro ni. ¹⁰ Ma de m Si nɔaniɛ maawam n dɛɛ ti ye i koro m a. Nzen am gusu de m nɔaniɛ maawam ni, m gusu kóro am sɔ ɔ. ¹¹ Ma se am ahin sam na am ahore jɔ kabo m ahore ajɔ n wɔ, na am ahore jɔ n kɔ sin su. ¹² M nɔaniɛ maawa n la ka o, am koro am benɲu kabo m koro am ni. ¹³ Koro be wo má ahin koro n sin, ka sɔnɔ wu i danfom ti. ¹⁴ Nzen am su m nɔaniɛ maawa n su, am ti m danfom wɔ lɛɛ. ¹⁵ M fere am m danfom wɔ, m fere má am ka m akɔɔm kun, dama sɔnɔ akɔɔ si má i mibɛ sayoowa kɛɛ, ama, deke kɛɛ bo ma ti i m Si dɔ ni, ma fa akere am. ¹⁶ Má ambɛɛ yiiri m a, ama, mini ayi am ase ka am kɔ su suuwa bo i wó bɛɛ sanɲa kɛɛ, na deke kɛɛ bo am bá fa m duma n sereeri m Si, i yó i ma am. ¹⁷ Nɔaniɛ maawam n bo m sufa ma am la ka, am koro am benɲum.”

Kabo Yesu ɲa durunya n nufóm kpɔ i susufóm ni

¹⁸ Na Yesu asa su ase bu ka, “Nzen durunya n nufóm kpɔ am, am si nu ka o, ba du mɔ akpɔ mini wɔ, ye bu nya ba sukpɔ am n a. ¹⁹ Nzen má am ti durunya n nufóm dɛɛ minem, má bu koro am kabo bu koro bu benɲu n wɔ. Ama, bo ma yi am afite durunya n nufóm nu, na am ti má durunya n nufóm dɛɛ minem n ti, ye bu kpɔ am n a. ²⁰ Má

am ma am wara fi ka ma se am ka, akoo tara má i mibié. Nzen bu yo kereeri m wuwuruwa, so ye bu kére am gusu wuwuruwa a. Na nzen bu yo deeri m noanié, bu dé am gusu déé ni. ²¹ Bu yó am nyini n kére, m déé ti, dama bu si má m Si bo i sunmaari m ni. ²² Nzen má ma ba akan má m nju jore akere má bu, má bu si má ka ba yo satié, ama, kisa na ma kan akere bu ni, bu koro kan fite má nu ka ba yo má satié. ²³ Sono kére bo i kpo m, i kpo mini ni m Si n kére wo léé. ²⁴ Ma yo alekutura sam bo ba nju i. Be wo má bere bo i koro yo nyini alekutura sam so. Nzen má ma yo má nyini alekutura sam na ba nju má i, má be fa má bu ngasi ka bu ti satieyofom. Ama, kisa, ba nju nyini n kére, na bu toko kpo m ni m Si ni. ²⁵ Nyini ma kabo ba kére i Nyeme Jore Kadasi n nu n ayo yiiwa n a, ka, 'Bu kpo m kpo ngbeen wo.'

²⁶ Na Bukafó n bo m sunma i fite m Si do na i bá am do ni, yiri ti Awiewie Casi n bo i kere kabo Nyeme ti nahore su n a, yiri dí m nusu daani kere am a. ²⁷ Na am gusu di m daani, dama m ni amberé wo bere a, fite m juma n bumboori ba ju ni kisa.

16

¹ M suse am ahin sam kére bo bu bá yo n wo, na bu ba yoori, na má am kaaki am sin bo m. ² Bu bá fon yi am fite bu tientienbunoo soom n nu, ama, sanja suba bo bu bá kun am, na bu sunsun ka bu susu Nyeme wo. ³ Bu si má m ni m Si n déé ti, ye bu yó nyini sam kére n a. ⁴ Ma se am sam bo bu bá yo léé, na i sanja ba juuri, na am ténge su ka m yo seeri am."

Kabo Awiewie Casi n juma ti barasu ni

Na Yesu asa su ase bu ka, "M ni amberé yo woori bumboori n déé ti, ye ma yo ase má am ahin kére a. ⁵ Ama, kisa m sukaaki ko yiri bo i sunmaari m n do o, ye am be akoro abisa má m ka, 'Ye a sukoo ni wo?' ⁶ Bo ma se ka m kó yaki am déé ti, am ahore asaaki agaya. ⁷ Ama, nahore ye m suse am n a, i ti am buka su wo ka m ko, dama nzen má m ko má, má Bukafó ni bá má, ama, nzen m koori, m sunma i am do. ⁸ I baari, i kére durunya n nufom deke bo i ti satie, na i kére bu deke bo i ti sakpa na i ko atin su Nyeme do, na i kaaki kere bu kabo Nyeme bá di sono kére jore barasu. ⁹ I kére bu deke bo i ti satie, dama bu yo má m yarada. ¹⁰ Na i kére bu deke bo i ti kpa na i ko atin su Nyeme do, dama m sukoo m Si n do o, na am nju má m kun. ¹¹ Na i kaaki kere bu kabo Nyeme bá di sono kére jore, dama Nyeme adi Sitana bo i ti durunya n nufom kére tii n jore ayo i ngbeen.

¹² M toko la jɔrɛ dɔŋgu bo má m se am, ama, am koro de má i kerɛ kisa. ¹³ Ama, Awiewie Casi n bo i se nahɔrɛ n ba baari, yiri kére am nahɔrɛ atin kerɛ a, dama jɔrɛ kerɛ bo i kán kere am ni, má i dɛɛ yiko nu ye i fá kan, ama, kabo Nyemɛ kére i ni, sɔ ye i kán, na i kére am sam bo bu bá yo ni. ¹⁴ Yiri wúra m kpiri a, dama i kán m ɲu jɔrɛ kere am. ¹⁵ Deke kerɛ bo i ti m Si dɛɛ, i ti m dɛɛ wɔ, nyini dɛɛ ti ye ma se am ka, i kán m ɲu jɔrɛ kere am n a.”

Kabo Yesu kaanri ahoresaaki ni ahorejɔ jɔrɛ ni

¹⁶ Na Yesu ase bu ka, “Wɔ ka kaan na am ɲú má m, ama, i ba yoori kaan buka su na am ɲú m bekun.” ¹⁷ Na i susufɔm n nbem abisa bu ɲuɲu nu ka, “Nzu jɔrɛ ye i jɔjɔri i sɔ n a? I ɲa, wɔ ka kaan na ya ɲú má i, ama, i ba yoori kaan buka su, ya ɲú i bekun. Ye wɔ kaaki ase bekun ka, i sukɔ i Si dɔ ɔ.”

¹⁸ Na ba kaaki abisa bu ɲuɲu nu ka, “Ye ahin dɛɛ, i ba yoori kaan n bu la ka sɛ wɔ lɛɛ? Ya si má i jɔjɔwa n bu.”

¹⁹ Na Yesu afa nu ka bu koro ka bu bisa i nyini jɔjɔwa n bu wɔ. Na wɔ bisa bu ka, “Bo m seeri ka wɔ ka kaan na am ɲú má m, ama, i ba yoori kaan buka su, am ɲú m bekun n ye am subisa am ɲuɲu nu, na am si i bu, nzen sɛ?”

²⁰ Nahɔrɛ ye m suse am a, amɛrɛ bá sun na am kóko, ama, na durunya n nufɔm berɛ ahore jɔ. Amɛrɛ ahore bá saaki, ama, am ahoresaaki ni bá kaaki ahorejɔ. ²¹ Nzen bara anya akutu ka i wu baa, i la ahoresaaki, dama i wahara sanɲa ye wɔ ju a, ama, i ba wuuri baa n wieeri, i tɛŋge má i wahara n bo wɔ sin n su kun, dama baa n bo wɔ wu i durunya n nu n ti, i ahore ajo. ²² I ti sɔ ɔ, am gusu dɔ, kisa, am la ahoresaaki, ama, m bá ɲu am bekun, na am ahore jɔ bo sɔnɔ koro dé má am ahorejɔ n am dɔ. ²³ Nyini cɛɛn ni, am bísá má deke be busu m dɔ. Nahɔrɛ ye m suse am a, deke kerɛ bo am sereeri m Si ni, m duma n nu, i yó i ma am. ²⁴ Am nya sere má m Si deke be m duma n nu haari ni nyuma. Kisa am sere i, na am nya i, na am ahore jɔ kɔ sin su.”

Kabo Yesu akunma durunya n ni

²⁵ Na Yesu ase bu ka, “Ma se am ahin n kere anyundɛrɛ nu wɔ lɛɛ, sanɲa suba bo m bó má am anyundɛrɛ kun, ama, m kán m Si ɲu jɔrɛ kerɛ kpain kere am a. ²⁶ Nyini cɛɛn ni, am fá m duma n fa sere Nyemɛ, má mini sere Nyemɛ ma am a. ²⁷ Yiri m Si ni i tii koro am a, dama am koro m na am ayo yarada ka m fite i dɔ ɔ. ²⁸ M fiteeri m Si dɔ ɔ baari durunya n nu a, ye kisa m sufite durunya n nu kaaki kɔ i dɔ a.”

²⁹ Na Yesu susufɔm n ase i ka, “Kisa a jɔjɔ ya dɔ wein-wein wɔ, a bo má ya anyundɛrɛ kun. ³⁰ Ama, kisa ya si ka

a si deke kere, wo ti má ye ni ka be bisa u deke be, dama kana bu ba bisa u deke be, a si kabo bu koro ka bu bisa u ni, nyini ma ya si ka a fite Nyeme do n a.”

³¹ Na wo bisa bu ka, “Am ayo yarada kisa? ³² Ama, sanja suba bo wo ju awie, bo am kere bá sandi yaki mini ngumi, na sono kere kó i dika, ama, m wo má m ngumi, dama m Si Nyeme wo m do. ³³ Ma se am ahin kere na am la ahoreda m do. Am nú kekereke durunya n nu, ama, am fa ahoresi, dama ma kunma durunya ni.”

17

Kabo Yesu sereeri Nyeme maari i susufom n ni

¹ Yesu seeri so wieeri ni, na wo ye i tii su anie angoro na wo sere Nyeme. I na, “M Si, sanja n aju. Wura mini u Wa n kpiri, adena m gusu wura u kpiri. ² Dama a ma m yiko ka m nie minem kere su, na bo a fa bu ama m ni, m má bu ngoo bo i la má awieeri. ³ Woro ngumi ti Nyeme nahore su a. Na mine bo bu si u, na bu si mini Yesu Kristo n bo a sunmaari m ni, bere la ngoo bo i la má awieeri n a. ⁴ Ma wura u kpiri durunya n nu, dama ma yo juma n bo a ma m ka m yo i n awie. ⁵ M Si, sanja bo durunya nya bo má i bu ni, m yo woori u do o, ye a wura m kpiri a. Kisa, kaaki wura m kpiri u do bekun.

⁶ Minem n bo a yiiri bu fiteeri durunya n nu fen, ma kere bu kabo a ti barasu. Bu tiiri u deem wo, ye a faari bu maari m a, ye ba de u noanie n a. ⁷ Kisa bu si ka deke kere bo a fa ama m ni, fite u do o. ⁸ Dama noanie n kere bo a jajo fa maari m ni, m gusu ajajo ama bu, ye ba de i, ye ba si ka i ti nahore ka m fiteeri u do o, ye ba yo yarada ka woro sunmaari m a. ⁹ M susere u ma bere wo, má bo bu wo durunya n nu ni, ama, minem bo a fa bu ama m ni, bere ye m sere u ma bu a, dama bu ti u dee minem wo. ¹⁰ M minem kere ti u deem wo, ye u deem gusu kere ti m deem, ye ba ma minem anu m jirima woowa ni. ¹¹ Kisa, m suba u do lee, m ka má durunya n nu fen kun, ama, bere ka fen wo. M Si, woro bo a ti casi ni, yo bu kanda u duma n bo a fa maari m n yiko nu, na bu yo deke kun, kabo mini ni woro ti kun ni. ¹² Sanja bo m woori bu do ni, m yoori bu kanda u duma n bo afa ama m yiko nu wo. M nieeri bu su, na bu be aka má ngbeen, má ka bo wo ka ngbeen haari i ni kunnu ni, adena kabo ba kere i Nyeme Jore Kadasi n nu n yo yiiwa.

¹³ Kisa m suba u do lee, ama, m toko wo durunya n nu ye m jajo ahin jajoowa n na bu nya m dee ahorejo n ko sin su. ¹⁴ Ma fa u noanie n afa ama bu, na kabo m ti má durunya n nu fen fo be ni, so ye bu gusu ti má durunya n nu fen fom a,

nyini dɛɛ ti, durunya n nufɔm koro má bu jɔrɛ. ¹⁵ M susere má u ka a yi bu fite durunya n nu wɔ, ama, m susere u ka a kanda Sitana satieyofɔ ni, na i yaki bu. ¹⁶ Kabo m ti má durunya n nu fɛn fɔ ni, sɔ ye bu gusu ti má durunya n nu fɛn fɔm a. ¹⁷ U nɔaniɛ n ti nahɔrɛ wɔ. Ma u nɔaniɛ n bo i ti nahɔrɛ n yo bu casi. ¹⁸ Kabo a sunmaari m durunya n nu ni, sɔ ye m gusu asunma bu a. ¹⁹ Bere dɛɛ ti, ye ma fa m ɲu ama u a, adena bere gusu fa bu ɲu ma u nahɔrɛ n dɛɛ ti.

²⁰ M susere má u ma má bere ɲgumi wɔ, ama, m susere u ma minem bo bu bá yo m yarada ahinm dɛɛ nɔaniɛ kaanwa n ti wɔ. ²¹ M Si, m sere u ka a ma bu kere yo kun, kabo a wo m dɔ, na m gusu wo u dɔ ni, ma bere gusu wo ya dɔ, adena durunya n nufɔm yo yarada ka wɔrɔ sunmaari m a. ²² U jirima woowa n bo a maari m ni, ma fa ama bu, na bu yó kun kabo m ni wɔrɔ ti kun ni. ²³ M wo bu dɔ, na u gusu wo m dɔ, nyini ma bu yo deke kun kabo a koro ka bu ti n a, na durunya n nufɔm si ka wɔrɔ sunmaari m a, na kabo a koro m ni, a koro u minem gusu sɔ ɔ.

²⁴ M Si, m koro ka a ma minem bo a fa bu ama m n bá wo m dɔ, deke bo m wo ni, na bu ɲú m jirima woowa n bo a fa maari m ni, dama sanɔa bo a nya ayi má durunya n ye a koro m a. ²⁵ M Si, wɔrɔ yo sa kere bo i kɔ atin su n a, durunya n nufɔm si má u, ama, mini si u, na ahinm gusu si ka wɔrɔ sunmaari m a. ²⁶ Ma kere bu kabo a ti barasu, na m toko sukere bu wɔ, adena koro n bo a koro m n wó bu nu, na m ni bere yó kun."

18

Kabo bu kɔɔri ka bu kɔ tara Yesu ni

¹ Yesu sereeri Nyemɛ wieeri ni, na i ni i susufɔm n ayasu akɔ akpiɛ Kɛdɔrɔn nzuetin n buekun dɔ, deke bo baka fie be wo ni, na ba kɔ awura baka fie n nu. ² Yudasi bo i suto Yesu ma i kpɔfɔm ni si dika n nu, dama Yesu ni i susufɔm nati tien bu nɔɔ dɔ ɔ sanɔa sanɔa. ³ Na Yudasi aba dɔ. Sojam su i su, ni tintinijinafɔm bo Nyemɛ sayoowa dɔnguyofɔm nkpiɛnkpiɛnm n ni Farasifɔm asunma bu n buka su. Bu bita fitanam, ni wura sinm, ni biesɔya nengem. ⁴ Yesu si sa kere bo i bá tu i ni, na wɔ kpa bu atin abisa bu ka, "Am koro ɲma a?" ⁵ Na ba bo i nu ase i ka, "Ya koro Yesu Nazaretifɔ n wɔ." Na wɔ se bu ka, "Yiri la mini." Yudasi bo i tɔɔri i ni jina sojam n nu. ⁶ Yesu seeri ka, "Yiri la mini" ni, na bu kere akɔkɔ bu sin akpakpaasi asiɛngu. ⁷ Na wɔ kaaki abisa bu bekun ka, "Am koro ɲma a?" Na ba se i ka, "Ya koro Yesu Nazaretifɔ n wɔ." ⁸ Na wɔ se bu ka, "Ma se am ka yiri la mini. Nzen am koro mini wɔ, am ma ahin minem bere

ko.” ⁹ I seeri so ni, na i noanie bo i yo jɔjɔri i n ayo yiiwa, ka, “Minem bo a fa bu ama m ni, m ma má bu be ka má ngbɛɛn.” ¹⁰ Nyini sanɔa Simon Petoro jina bita takobe, na wo cin awɔrɔ i akpie sɔnɔ be sui, i saa fɔmbɔrɔ dɛɛ ni, nyini sɔnɔ n ti Nyeme sayoowa dɔnguyofɔm kpien n akɔɔ ɔ. Bu fere i ka Malikusi. ¹¹ Na Yesu ase Petoro ka, “Fa u takobe n wura i buɛ nu. A ɔa má m ɔu anyumboro n bo m Si afa ama m n wo?”

Kabo bu taraari Yesu kɔri bu kpien Anasi do ni

¹² Na sojam, ni bu kpien, ni Yudafɔm nkpienkpienm n tintinijinafɔm n atara Yesu acici i nyama. ¹³ Bu du mo faari i kɔri sɔnɔ be bo bu fere i ka Anasi n do ɔ ka. Anasi sibie la Kayafasi. Kayafasi ti Nyeme sayoowa dɔnguyofɔm kpien n nyini afo n a. ¹⁴ Yiri Kayafasi ti bo i yo seeri Yudafɔm ka i ti ye ni ka sɔnɔ kun wu ma minem kere n a.

Kabo Petoro keteeri ka i si má Yesu ni

¹⁵ Bu taraari Yesu suko ni, na Simon Petoro ni Yesu susufɔ n kun asu i su ako. Nyeme sayoowa dɔnguyofɔm kpien n si nyini Yesu susufɔ n dɛɛ ti, ye i suuri Yesu su wuraari yiri Nyeme sayoowa dɔnguyofɔm kpien n gisan nu a. ¹⁶ Ama, na Petoro yiri aka ajina dasin anɔ n nu, na yiri susufɔ n bo Nyeme sayoowa dɔnguyofɔm kpien n si i ni afite, na wo ba afani n bo i jina kanda anɔ n do, na wo sere i atin na wo fa Petoro awura. ¹⁷ Na afani n bo i jina kanda anɔ n abisa Petoro ka, “Wɔrɔ mmɔɔ ti nyini sɔnɔ n susufɔm nu kun wo, má so?” Na Petoro ase i ka, “Ai, m ti má bu kun.”

¹⁸ Ayere sanɔa lee, na Nyeme sayoowa dɔnguyofɔm kpien ni ngbefenem, ni tintinijinafɔm atɔrɔ sin wo tun su, na Petoro gusu ajina bu bi sutun sin n be.

Kabo Nyeme sayoowa dɔnguyofɔm n kpien n diiri Yesu jɔre ni

¹⁹ Na Nyeme sayoowa dɔnguyofɔm n kpien n abisa Yesu fa ko i susufɔm n jɔre, ni kabo i kereewa n ti barasu ni. ²⁰ Na Yesu ase i ka, “Sanɔa kere m jɔjɔ sɔnɔ kere nyunu wo, na m kere bu Nyeme noanie ni bu tientienbunɔɔ soom n nu, ni Nyeme Sereebiri Awuru n nu, deke bo Yudafɔm kere tien bu noo ni, m kan má jɔre be fieɛwa nu. ²¹ Ye nzu ti ye a bisa m a? Bisa minem bo bu tiiri m kereewa n ka m seeri bu se wo. Bere si kabo m seeri bu n a.” ²² Yesu seeri so ni, na tintinijinafo n bo i jina dodo i n abo i nyɔɔnu, na wo bisa Yesu ka, “So ye a bo Nyeme sayoowa dɔnguyofɔm kpien n nu a?” ²³ Na Yesu ase i ka, “Nzen ma jɔjɔ jɔre bo wo ko má atin su, kan na m ti. Ye nzen bo ma se n ti nahɔre, nzu ti ye a bo m nyɔɔnu a?” ²⁴ Na Anasi ama ba fa i ni nyama ciciwa n

sɔ akɔ Kayafasi bo i ti Nyeme sayoowa dɔnguyofɔm n kpɛn n dɔ.

Kabo Petoro keteeri bekun ka i si má Yesu ni

²⁵ Simon Petoro jina woori sin n tun su ni, na ba bisa i ka, “Wɔrɔ mmɔɔ ti i susufɔm kun wɔ, má sɔ?” Na Petoro akete, i ɲa, “Ai, m ti má bu kun.” ²⁶ Na Nyeme sayoowa dɔnguyofɔm kpɛn n akɔɔ be, i dikafɔ la sɔnɔ n bo Petoro kpɛ yiiri i sui ni, na wɔ se Petoro ka, “Ma ɲu má u ka a wo i bi baka fie n nu dɔ?” ²⁷ Na Petoro akete bekun, kpenɲa akɔnyuma abo.

Kabo bu faari Yesu baari Gomina Pilato dɔ ni

²⁸ Na alecin ɲgarama fun na ba fa Yesu afite Kayafasi dika n nu, na ba fa i akɔ gomina n dika, bu fere gomina n ka Pilato. Yudafɔm awura má gisan nu, adena má bu yo bu ɲu fin, na bu koro di má Butara cɛɛnkpɛri ni. ²⁹ Nyini ti, na Pilato afite aba bu dɔ dasin abisa bu ka, “Ahin sɔnɔ n bo am afa i aba m dɔ ni, i ɲgasi la bɔnɔ?” ³⁰ Na ba se i ka, “Nzen má wɔ do má ɲgasi be, má ya fa má i ba má u dɔ.” ³¹ Na Pilato ase bu ka, “Amberɛ mmɔɔ ni am tii fa i kɔ di i jɔrɛ kabo am jɔrɛdi atin kere ni.” Na Yudafɔm n ase i ka, “Ya la má atin bo ya kun sɔnɔ.” ³² Bu seeri sɔ ni, adena Yesu nɔaniɛ n bo i seeri kabo i bá wu barasu n yo yiiwa.

³³ Na Pilato akaaki awura gisan n nu, na wɔ fere Yesu abisa i ka, “Wɔrɔ ti Yudafɔm Fɛmɛ n a?” ³⁴ Na Yesu abisa i ka, “U dɛɛ sunsunni nu lɛɛ, nzen be seeri u a?” ³⁵ Na Pilato abisa i ka, “M ti Yudafɔ ɔ? U minem ni Nyeme sayoowa dɔnguyofɔm nkpienkpienm ni faari u baari m dɔ a. A do nzu ɲgasi wɔ?” ³⁶ Na Yesu ase i ka, “M femɛya n ti má durunya n nu fɛn femɛya. Nzen má m femɛya n ti durunya n nu fɛn femɛya, má m susufɔm bá kun lue m busu, na má be koro tara má m wura má Yudafɔm saa nu. Ama, m femɛya n ti má durunya n nu fɛn dɛɛ.” ³⁷ Na Pilato abisa i bekun ka, “Nka a ti femɛ wɔ lɛɛ?” Na Yesu ase i ka, “Bo a ɲa m ti femɛ ni, i ti sɔ ɔ. Bu wuuri m durunya n nu ka m ba di nahɔrɛ n daani wɔ. Na sɔnɔ kɛrɛ bo i su nahɔrɛ n su, i de m nɔaniɛ n wɔ.” ³⁸ Na Pilato abisa i ka, “Nahɔrɛ la nzu wɔ?”

Kabo bu maari nɔɔ ka bu kun Yesu ni

Pilato seeri i sɔ, na wɔ kaaki afite akɔ Yudafɔm dɔ akɔ ase bu ka, “Ma ɲu má i ɲgasi be wɔ do i. ³⁹ Ama, am la am yoowa be bo i ma m atin ka m yi dansaraka kun ma am Butara cɛɛnkpɛri n di sangɔ. Am koro ka m yi amberɛ Yudafɔm Fɛmɛ ni ji ma am a, nzen sɛ?” ⁴⁰ Na ba tien ase ka, “Má yiri. Ya koro Barabasi wɔ.” Barabasi ti sɔnɔ bo i nati fin minem di wɔ.

19

¹ Na Pilato ama ba fa Yesu akɔ afin i ngbere. ² Na sojam n awura i tanlɛ kɔkɔrɛ yorom ka fɛmɛya dɛɛ su, na ba fa buwe aɲɔ i ka kaba dɛɛ su, na ba fa aforo i tii. ³ Na bu suba i dɔ suyo i anzasi se i ka, “Yudafɔm Fɛmɛ, ya yo u ansɛ.” Na ba bo i nyɔɔnu. ⁴ Na Pilato akaaki afite aba Yudafɔm dɔ aba ase bu ka, “Am ti fɛn, m sufa i fite ba kere am wɔ, na am si ka ma ɲu má ɲgasi bo wɔ do i.” ⁵ Yesu tiɛ fiteeri ni tanlɛ kɔkɔrɛ yorom ni, ni i tii buwe kaba n ni, na Pilato ase bu ka, “Am niɛ, sɔnɔ n yaa.” ⁶ Deke bo i tiɛ fiteeri na Nyɛmɛ sayoowa dɔɲguyofɔm nkpiɛnkpiɛnm ni tintinijinafɔm ɲuuri i sɔ ni, kpɛɲga na ba tiɛn, bu ɲa, “Am kpama i baka jaanu n su na i wu. Am kpama i.” Na Pilato ase bu ka, “Amberɛ mmɔɔ ni am tii fa i kɔ kpama i e. Mini, ma ɲu má ɲgasi bo wɔ do i.” ⁷ Na ba se i ka, “Ya la nɔɔniɛ kpamaawa be, wɔ yo daka ka i wu, dama i ɲa i ti Nyɛmɛ Wa a.”

⁸ Pilato tiiri ka Yesu ɲa i ti Nyɛmɛ wa ni, na sɛrɛ ati i abuka su. ⁹ Na wɔ kaaki awura gisan n nu abisa Yesu ka, “A fite ni wɔ?” Ama, Yesu abɔ má i nu. ¹⁰ Na Pilato akaaki abisa i ka, “A bɔ má m nu? A si má ka m la yiko bo m koro ma bu fa u ji, na m kaaki la yiko bo m koro ma bu kpama u baka jaanu n su?” ¹¹ Na Yesu ase i ka, “Nzɛn má Nyɛmɛ ama má u atin, maala má yiko bo a koro yo m pui. Nyini ti, sɔnɔ n bo i faari m wuraari u saa nu ni, i satie yoowa tara u dɛɛ.” ¹² I seeri sɔ ni, na Pilato akpi kabo i yo na i yaki Yesu nu ji. Ama, na Yudafɔm sutientien suse ka, “Nzɛn a yakiiri i nu jiiiri, u ni Fɛmɛ Siza danfoya awie lɛɛ, dama sɔnɔ kɛrɛ bo i yo i ɲu ka i ti fɛmɛ, i mi ti Fɛmɛ Siza kpɔfɔ ɔ.”

¹³ Pilato tiiri sɔ ni, na wɔ fa Yesu afite, na wɔ tana jɔrɛ diibiri n su bimbindi n su. Yudafɔm aniɛ nu bu fere i ka *Gabata*, i bu la ka, deke bo ba fa yabue asese su ayo i dɔɲgu ni. ¹⁴ Nyini cɛɛn n tiiri bu Butara cɛɛnkpiri n kpokpo cɛɛn wɔ, wiesu kerefi buru ni nnyɔ sanɲa a. Na Pilato ase Yudafɔm ka, “Am fɛmɛ n yaa.” ¹⁵ Na ba kaaki atien ase ka, “Am fa i kɔ, am fa i kɔ kpama i baka jaanu n su.” Na Pilato abisa bu ka, “M fá am fɛmɛ n kɔ kpama i baka jaanu n su?” Na Nyɛmɛ sayoowa dɔɲguyofɔm nkpiɛnkpiɛnm n ase ka, “Ya la má fɛmɛ be sin Fɛmɛ Siza ɲu.” ¹⁶ Bu seeri sɔ wieeri ni, na Pilato anya afa i ama bu ka bu kɔ kpama i baka jaanu n su.

Kabo bu kpamaari Yesu baka jaanu n su ni

Na ba de Yesu akɔ. ¹⁷ Na yiri ni i tii asɔ i baka jaanu n akɔ awɔrɛ n bo bu fere i ka Tereawa Woobiri ni, Yudafɔm aniɛ nu bu fere dɔ ka *Gologota*. ¹⁸ Na ba kpama i baka jaanu n su dɔ, na ba kaaki akpama mine nnyɔ nbem adodo i, bu

kpamaari kun i saa fɔmbɔɔ su, na ba kpama kun i saa biɛ su, na Yesu awo bu afiɛn. ¹⁹ Na Pilato akere kereɛwa be amata i tii su baka jaanu n su. Kereɛwa n la ka, “Yesu Nazaretifo n bo i ti Yudafɔm Fɛmɛ n lɛɛ.” ²⁰ Bu kereɛri nyini kereɛwa n Yudafɔm, ni Romafɔm, ni Girikifɔm dɛɛ aniem kere nu wɔ, na Yudafɔm dɔngɔ anɔ i, na ba kan i, dama deke bo bu kpamaari i n waari má ni miɛ kunnu. ²¹ Na Nyemɛ sayoowa dɔnguyofɔm nkpienkpienm n akete ase Pilato ka, “Má a kere ka, ‘Yudafɔm Fɛmɛ n lɛɛ,’ ama, kere ka, ‘Ahin sɔnɔ ɲa, ‘Mini ti Yudafɔm Fɛmɛ n a.’ ” ²² Na Pilato ase bu ka, “Bo ma kere i ni, nyini lɛɛ wɔ.”

²³ Sojam n kpamaari i baka jaanu n su wieeri ni, na ba kpaaki i nenje wuraawam nu busu nna, na bu kere afa kun kun, na wɔ ka i tanlɛɛ yorom bo i wo i bu na i wura be gɔ su ni, i la má gise kpaabiri, ama, ba wu i kere angoro kɔ jura asiɛngu wɔ. ²⁴ Na ba se ka, “Má am ma ya sɔnsɔn i nu, ama, am ma ya tu mbaa na ya si bo i dí i.” Bu yoori sɔ adena Nyemɛ Jɔre Kadasi n yo yiiwa, bo ba kere i ka, “Ba kpaaki m nenje wuraawam nu,

na ba tu mbaa m tanlɛɛ n bo i wo m bu n busu ni.”
Nyini ti ye sojam yoori sɔ n a.

²⁵ Na Yesu ni, ni Yesu ni niemabara, ni Kolopasi yi Mariya, fa kɔ tuuri Mariya n bo i fite Magadala n jina dodo deke bo bu kpamaari Yesu ni. ²⁶ Yesu niɛ ɲuuri i ni ni, ni i susufɔ n bo i koro i agaya n ka bu jina dodo i ni, na wɔ se i ni n ka, “M ni, niɛ fɛn, u wa la ahin.” ²⁷ Na wɔ se i susufɔ n gusu ka, “Niɛ fɛn, u gusu ni lɛɛ.” Nyini cɛɛn n kere na Yesu susufɔ n afa Yesu ni, na wɔ kɔ awo i dɔ.

Kabo Yesu wuuri ni

²⁸ Nyini sin na Yesu asi nu ka wɔ yo i juma kere awie, na wɔ se ka, “Nzuehɔɛ ti m wɔ.” I seeri sɔ ni, adena Nyemɛ nɔɔniɛ n yo yiiwa. ²⁹ Nyini sanɔa dundu be taka bere, wɔ yi ni nzan gagaraki, na ba fa mɛnɛ afa awɔ baka su afa abo nu alaandi atɔ i nɔɔ. ³⁰ Yesu de nu wieeri ni, na wɔ se ka, “Wɔ wie.” Na wɔ biri i tii, na wɔ yo Nyemɛ dɛɛ.

Kabo bu wɔɔri Yesu kpɛ i nvin nu ni

³¹ Nyini cɛɛn n ti ɲumiya cɛɛn n kpokpo cɛɛn n ti, ba koro má ka minɛm bo ba kpama bu baka jaanu n su n ka sense su bu ɲumiya cɛɛn ni, dama ɲumiya cɛɛn n bo i suba n ti cɛɛnkpɛri bambaka bu dɔ ɔ. Nyini dɛɛ ti, ye bu sereeri Pilato ka i ma bu kɔ bubu bo ba kpama bu baka jaanu n su jaam n a, na bu yi bu kɔ se bu. ³² Nyini ti, na sojam n akɔ abo abubu sɔnɔ n kun jaam, ni nyinga n gusu dɛɛ, bere n bo bu kpamaari bu dodoori Yesu ni. ³³ Ama, sanɔa bo bu ba kpuraari Yesu ni, bu ɲuuri ka yiri awu, nyini dɛɛ ti, ba bubu

má i jaam. ³⁴ Ama, na sojam kun afa kpíe awɔ Yesu nvin nu, kpenɔa na nzue ni mbunja susonɔgi fite. ³⁵ Sɔnɔ n bo i nyumbaa njuuri i ni, yiri di i daani a, adena am yo yarada. I jɔre n ti nahɔre wɔ, na kabo i di daani n gusu ti nahɔre wɔ. ³⁶ Ahin n kere yoori, adena kabo ba kere i Nyeme Jɔre Kadasi n nu n yo yiiwa. Ba kere ka, “I buwe kun n kpein mmɔɔ bu má.” ³⁷ Ye ba kaaki akere ka, “Minem bá nie yiri n bo ba wɔ i kpíe n wɔ.”

Kabo bu seeri Yesu ni

³⁸ Nyini deɛ sin, na sɔnɔ be bo bu fere i ka Yosefu n asere Pilato atin na i yi Yesu nɔnie n kɔ se i. Na Pilato ama i atin, na wɔ kɔ ayi i nɔnie n baka jaanu n su akɔ. Yiri Yosefu fite mie kpíri n bo bu fere i ka Aramatiya n su wɔ, i yo tiiri Yesu susufɔm kun wɔ, ama, i soroori Yudafɔm ahore ti, wɔ yi má i nɔ fofoe nu. ³⁹ Na Nikodemo bo i yo baari Yesu dɔ kɔngue be n gusu aba, i bita nɔguin nvanvani ni tulaaleɛ sanɔgaawa, i nɔnɔori ju pobu aburana. ⁴⁰ Na ba fa Yesu nɔnie ni, na ba yo i kabo Yudafɔm yo bu fuin na bu se i ni, bu faari tulaaleɛ n gɔori i nɔ wɔ, na ba nya afa nzee apɔɔndi i. ⁴¹ Deke bo bu kpamaari Yesu ni, baka fie be wo dɔ. Nyini baka fie n nu yabue buɛ bo ba lokoti i ayo i fanɔkunma wo dɔ, bo bu nya se má fuin nu ni. ⁴² Nyini cɛen n ti Nɔmiyi cɛen n kpokpo n deɛ ti, na bekun, fanɔkunma n waari má ni bere ni, ye bu faari i kɔ seeri nu n a.

20

Kabo Yesu tengeeri i yiwee n nu ni

¹ Yudafɔm bakue n bumboori, mɔne cɛen nɔgarama fuun, nyini sanɔga dika toko ti liim, na Mariya n bo i fite Magadala n akɔ yabue buɛ fanɔkunma n su. I kɔ juuri ni, i njuuri ka ba yi yabue bambaka n bo bu fa tɔori fanɔkunma n anɔ ni. ² Na wɔ nɔmati akɔ Simon Petoro ni Yesu susufɔ n bo i koro i agaya n dɔ, na wɔ se bu ka, “Ba yi Mibie n fanɔkunma n nu, ya si má deke bo ba fa i akɔ ase.” ³ Na Petoro ni i lamɔkɔ n ayasu ka bu kɔ fanɔkunma n su. ⁴ Bu mine nnyɔ ni sunɔmati kɔ a, ama, na kun n anɔmati asin Petoro nɔ adu mɔ aju fanɔkunma n su. ⁵ Na wɔ kasi anie fanɔkunma n nu, anɔ ka nzee n da, ama, wɔ wura má fanɔkunma n nu. ⁶ Ama, na Simon Petoro yiri aka sin aba aju, na wɔ wura fanɔkunma n nu, anɔ ka nzee n da, ⁷ na wɔ nɔ ka tani n bo bu fa ciinri Yesu tii ka kaba n gusu bubu nu da i nɔgumi. ⁸ Nyini sanɔga na yiri n bo i du mɔ juuri fanɔkunma n su n awura nu, i njuuri i ni, na wɔ yo yarada kabo Yesu yo seeri bu ni. ⁹ Ama, ba nya asi má Nyeme Jɔre Kadasi n bo i nɔ Yesu tenge i yiwee n nu n bu. ¹⁰ Na ba kaaki akɔ awuru.

Kabo Yesu yiiri i ɲu kereeri Mariya n bo i fite Magadala ni

¹¹ Ama, na Mariya aka ajina faɲkunma n su, na i susun. I wo sun su ni, na wo kasi anie faɲkunma n nu. ¹² Na wo ɲu merəkem nnyo ka bu wura tanlee fofoe tana deke bo bu faari Yesu ɲunie n daari ni, kun tana deke bo bu faari i tii woori ni, na nyinga gusu tana deke bo bu faari i jaa woori ni. ¹³ Na ba bisa i ka, “Bara, nzu ti ye a sun a?” Na wo se bu ka, “Ba yi m Mibie n wo, ye m si ma deke bo ba fa i ase.” ¹⁴ I seeri so ni, na wo kaaki anie i sin. I ɲuuri ka Yesu jina, ama, wo si ma ka Yesu lee. ¹⁵ Na Yesu abisa i ka, “Bara, nzu ti ye a sun a? A koro ɲma a?” Mariya ɲuuri i so ni, i sunsun ka fie n niefo a. Na wo se i ka, “M jakpien, nzen woro ayi i ako ase deke be a, kere m na m ko fa i.” ¹⁶ Na Yesu afere i ka, “Mariya.” Na wo kaaki anie Yesu do, na wo se i ka, “*Raboni.*” Yudafom dee anie n nu, i bu la ka, ya Kerefɔ. ¹⁷ Na Yesu ase i ka, “Ma a fa u saa kan m, dama ma nya ako ma Si do, ama, ko na a ko se m ninbaam n ka, ‘M sukɔ m Si bo i ti am Si ni, ni m Nyeme bo i ti ambere mmoo Nyeme n do.’ ” ¹⁸ Na Mariya n bo i fite Magadala n ako ase bu ka, “Ma ɲu Mibie ni.” Na wo se bu jore n kere bo Yesu akan akere i ni.

Kabo Yesu yiiri i ɲu kereeri i susufom ni

¹⁹ Na bakue n bumboori, mone ceen n naaso sanja, na Yesu susufom woori so be nu, na ba tu ano n ago bu ɲu, dama bu soroori Yudafɔ nkpienkpienm wo. Na Yesu aba ajina bu afien ase bu ka, “Am ma am ahore da.” ²⁰ I seeri so wieeri ni, na wo fa i saam deke bo bu boori i bulaari ni, ni i nvin deke bo bu woori i kpie n akere bu. I susufom ɲuuri i so ni, na bu ahore ajo. ²¹ Na wo kaaki ase bu ka, “Am ma am ahore da, kabo m Si sunmaari m ni, so ye mini gusu susunma am a.” ²² I seeri so wieeri ni, na wo yi i ɲumi ago bu ɲu, na wo se bu ka, “Am de Nyeme Awiewie Casi ni. ²³ Sono kere bo am faari i satie ceeri i, Nyeme fa i satie ce i. Ama, sono kere bo am fa ma i satie ce ma i, Nyeme fa ma i satie ce ma i.”

Kabo Yesu yiiri i ɲu kereeri Tomasi ni

²⁴ Sanja bo Yesu yiiri i ɲu kereeri i susufom buru ni nnyom ni, bu nu kun awo ma bu nu. Yiri la Tomasi bo bu fere i ka Ndaa ni. ²⁵ I ba baari ni, na ba se i ka, “Ya ɲu Mibie ni.” Na wo se bu ka, “Ma ka ma ɲu i saa kunma n bo bu kpamaari i ni, na m fa m saa maraka wura nu, na m fa m saa wura i nvin nu deke bo bu woori i kpie ni, m yo ma yarada fieo.”

²⁶ Na i lemocue ceen, na ba wo soo n nu bekun. Nyini ceen ni, Tomasi gusu woori bu nu, na ba yandi atu ano ni. Na Yesu aba ajina bu nu, na wo se bu ka, "Am ma am ahore da." ²⁷ Na wo se Tomasi ka, "Fa u saa maraka ba wura m saa kunma n nu, na a fa u saa ba wura m nvin kunma n nu. Na a yaki sika na a yo yarada." ²⁸ Na Tomasi ase i ka, "Woro ti m Mibie, ni m Nyeme a." ²⁹ Na Yesu ase i ka, "Bo a nu m ti ye a yo yarada? Terefie wo bu do, bo bu nya nu ma m na bu yo yarada ni."

Deke bo i ti na bu kereeri ahin kadasi n ni

³⁰ Yesu yo yoori alekutura sam beberebe na i susufom n anu i, ama, ba kere ma i kere awura ma ahin kadasi n nu. ³¹ Ama, ba kere ahinm ni, adena am yo yarada ka Yesu Nyeme Wa ni ti Kristo n a, Tiidefo n bo Nyeme ase ka i sunma i ni, na am yarada ni ma am nya ngoo i dee duma n nu.

21

Kabo Yesu yiiri i nu kereeri i susufom n bekun ni

¹ Nyini sin, na Yesu ayi i nu akere i susufom n bekun kunma kpiri n bo bu fere i ka Tiberiya n noo su. Kabo i faari i nu kereeri bu n la ka, ² i susufo nbem atien bu noo, bere la Simon Petoro, ni Tomasi n bo bu fere i ka Ndaa ni, ni Natanieli n bo i fite Kana bo i wo Galili asien n su ni, ni Zebedi nbaa nnyom ni, ni i susufo nnyo nbem. ³ Na Simon Petoro ase bu ka, "M sukoo jombaa tara lee." Na ba se i ka, "Yere mmoo su u su koo." Na ba wura lee n nu ako, bu woori nzue n nu haari ale koo sucin, ba nya koro tara ma poi.

⁴ Sanga bo ale ba ciinri wein ni, na Yesu aba ajina kunma n noo su, ama, i susufom n asi ma ka yiri lee. ⁵ Na wo bisa bu ka, "M nbaam, am anya ma jombaa, ma so?" Na ba se i ka, "Ai, ya nya ma be." ⁶ Na wo se bu ka, "Am sandi am diendie n lee n fomboro su dee bue ni, am nya be." Bu sandiiri ni, na ba tara jombaa beberebe, haari ba koro ama ma diendie n su. ⁷ Na Yesu susufo n bo i koro i agaya n ase Petoro ka, "Ya Mibie lee." Deke bo Petoro tiiri ka, bu Mibie lee ni, nyini sanga i jina i hunie ngbeen wo. Na wo yo ndende afa i tanlee abo i wi nu, na wo ti ato nzue n nu. ⁸ Ama, na i bengu susufom n bo bu wo lee n nu ni, sucin diendie n bo wo yi ni jombaa ni, na bu fa ba kunma n noo su ni. Deke bo bu wo n ni kunma n noo su n waari ma, i tiiri ajaari natiwa yaa kun wo.

⁹ Bu cin koo juuri kunma n noo su ni, na bu fiteeri lee n nu ni, bu juuri ka sinmone da, jombaa nana su, kpono da

berɛ. ¹⁰ Na Yesu ase bu ka, “Am fa jombaa n bo am atara bu kisa n be bra.” ¹¹ Na Simon Petoro awura lee n nu, na wɔ cin diendie n bo wɔ yi ni jombaa ngbingbiri n aba aheme. Jombaa n kɛrɛ kɔ yasuuri yaa ni aburunu ni nsan a, ama, haari ni nyini jombaa beberebe n kɛrɛ, diendie n ati má. ¹² Na Yesu ase i susufɔm n ka, “Am ba yo daraka.” Bu be abo má su, na i bisa i ka, “Wɔrɔ ɲma?” dama bu kɛrɛ si ka bu Mibie n a. ¹³ Na Yesu aba afa kpɔnɔ n ama bu, na wɔ fa jombaa n gusu abuka bu su. ¹⁴ Ahin yoori kpe nsan su, bo i yiiri i ɲu kereeri i susufɔm n a, sanɲa bo i tengeeri i yiwee n nu ni.

Kabo Yesu ni Petoro boori anzama ni

¹⁵ Bu yoori daraka n wieeri ni, na Yesu abisa Simon Petoro ka, “Yohane wa Simon, a koro m tara kabo nyingam ni koro m ni?” Na wɔ se i ka, “Ɛɛn, m Mibie, wɔrɔ mmɔɔ si ka m koro u.” Na Yesu ase i ka, “Nie m nbɔmbaam dika.” ¹⁶ Na wɔ kaaki abisa i kpe nnyɔ su ka, “Yohane wa Simon, a koro m?” Na Petoro ase i ka, “Ɛɛn, m Mibie, wɔrɔ mmɔɔ si ka m koro u.” Na Yesu ase i ka, “Nie m nbɔɛm dika.” ¹⁷ Na wɔ kaaki abisa i kpe nsan su ka, “Yohane wa Simon, a koro m?” Na Petoro ahore asaaki kabo wɔ bisa i kpe nsan su kɛrɛ ka, i koro i ni? Na Petoro ase i ka, “M Mibie, wɔrɔ si deke n kɛrɛ a, a si ka m koro u.” Na Yesu ase i ka, “Nie m nbɔɛm dika. ¹⁸ Nahɔrɛ ye m suse u n a, ka sanɲa bo a yo ti gɛfene ni, wɔrɔ mmɔɔ ni u tii bo u wi nu kujara kɔ deke kɛrɛ bo a koro a, ama, a ba yoori kpɛɛn, a yé u saa su angoro wɔ, na be bó u kujara na i fá u kɔ deke bo a koro má ni.” ¹⁹ I seeri sɔ n na i kere kabo Petoro bá wu barasu, na minem ɲú kabo Nyeme jirima woowa n ti barasu. Nyini sin na wɔ se Petoro ka, “Su m su.”

Yesu ni i susufɔ n bo i koroori i agaya n jɔrɛ

²⁰ Na Petoro akaaki anie anu ka berɛ susufɔm nu kun bo Yesu koro i agaya n su bu su. Yiri la bo bu yo sudi diire na i tana mataari Yesu na i bisaari i ka, “M Mibie, ɲma tó u n a?” ²¹ Petoro ɲuuri ka i su bu su sɔ ni, na wɔ bisa Yesu ka, “M Mibie, ye ahin n gusu di?” ²² Na Yesu ase i ka, “Nzen m koro ka i wo berɛ haari sanɲa bo m bá kaaki ba, i nya u sɛ? Wɔrɔ su m su.” ²³ I seeri sɔ n na labari n abara aye i susufɔm dɔ, ka i nyini susufɔ ni wú má. Yesu ase má ka i wú má, ama, i ɲa, “Nzen m koro ka i wo berɛ haari sanɲa bo m bá kaaki ba, i nya u sɛ?”

²⁴ Nyini Yesu susufɔ ni diiri ahin jɔrɛm kɛrɛ daani a, yiri kaaki kereeri ahin jɔrɛm kɛrɛ a, na ya si ka i daani diiwa n ti nahɔrɛ n a. ²⁵ Yesu yo yoori sam dɔngu, bo má bu ɲa bu

kere i kere, ma de má ka bu nyá fofoe durunya n nu, bo bu fá nyini kadasim n kere fa se.

Yesu Jaramasam SAYOOWAM

¹ Ya si Teyofilosi, m kadasi n bo m du mɔ kere maari u ni, m yo seeri u fa kɔ sam bo Yesu yo yoori bu n kere, ni kabo i kereeri minem, sanɔa bo i boori i juma n bu ni, ² haari fa kɔ ju sanɔa bo Nyeme faari i fun kɔori angoro ni. Kana i ba fun kɔ ni, Nyeme Awiewie Casi n deɛ yiko nu ye i yo seeri i jaramasam bo wɔ yi bu n sam bo bu bá yo n a. ³ Yesu wu tengeeri n deɛ sin, na wɔ wo durunya n nu cɛen aburana, na i suyi i ɲu sukere bu sanɔa sanɔa su, bo i kere ka i la ɲɔɔ nahore su. Na ba ɲu i, na wɔ jɔjɔ bu dɔ fa kɔ Nyeme femeya n su. ⁴ Na sanɔa bo Yesu ni i jaramasam ba tieɛnri bu nɔɔ wo diire di su ni, na wɔ se bu ka, “Má am se ka am fite Yerusalem miɛ kpiri n nu, ama, am ɲminda kɔ ju sanɔa bo m Si Nyeme fá Awiewie Casi n bá ma am, yiri ye i yo seeri ka i fá ma am n a. Yiri ye m yo kaanri i jɔre kereeri am n a. ⁵ Yohane yo faari nzue bieeri am a, ama, i cɛ má, mini fá Awiewie Casi n ba wura am ɲu a.”

Kabo Nyeme ma Yesu fun kɔori angoro barasu ni

⁶ Na sanɔa bo Yesu ni i jaramasam n ba tieɛnri bu nɔɔ ni, na ba bisa i ka, “Ya Mibiɛ, kisa ye a káaki fa femeya n ma yeɛre Yisarelifom, nzen se?” ⁷ Na Yesu ase bu ka, “Deke bo m Si Nyeme koro ka i yo i, ye i yo a, amberɛ koro si má nyini sanɔa wara cɛen ni.” ⁸ Ama, sanɔa bo Awiewie Casi n ba wuraari am ɲu, i má am fanɔa na am dí m ɲusu daani Yerusalem miɛ kpiri n nu, ni Yudiya awɔre n kere nu, ni Samariya awɔre n kere nu, haari kɔ kpura durunya n kere pepere su. ⁹ Sanɔa bo Yesu seeri sɔ wieeri ni, na Nyeme ama wɔ fun akɔ angoro, bu toko jina wo nie su ni, na yinyingu akata i ɲu, ba ɲu má i kun. ¹⁰ Bu jina wo nie su kabo i sufun kɔ angoro n nu barasu ni, na mine nnyɔ nbem akaba aba ajina bu bi, bu wura sutura fofoe, ¹¹ na ba bisa bu ka, “Galilifom, nzu ti ye am jina nie angoro n nu sɔ a? Yiri Yesu ni, kabo am anu ka i sufun kɔ angoro n nu barasu ni, am bá kaaki ɲu i sɔ ɔ lɛɛ, sanɔa bo i bá sukpie i nyi ba ni.”

Sɔnɔ bo i deeri Yudasi jinaabiri n jɔre

¹² Nyini sanɔa ni, Yesu jaramasam yo woori buka n bo bu fere i ka Oliva Buka n su wɔ. Dɔ ni Yerusalem miɛ kpiri n nu waari má. Na ba kpie bu nyi akɔ Yerusalem. ¹³ Bu kɔ juuri n na ba fun akɔ angoro sɔɔ n bo bu da nu n ni. Bere bo bu kɔori dɔ n la Petoro, ni Yohane, ni Yakobo, ni Andere,

ni Filipu, ni Tomasi, ni Batolomeyo, ni Matio, Yakobo bo i si la Alafeyo ni, ni Simon bo i tu ŋgoni fa kɔ i asien su ni, ni Yudasi bo i si la Yakobo ni. ¹⁴ Bu tien bu nɔɔ sɔ sɔ saŋga kere, na bu susere Nyeme, bu ni nbaram nbem, ni Yesu ni Mariya, ni Yesu niemam ni.

¹⁵ Cɛɛn be sɔ sɔ, na yaradayofɔm n atien bu nɔɔ, bu kere kɔ yasuuri mine yaa ni aburanyɔ sɔ. Dɔ na Petoro ayasu ajina bu afien ase bu ka, ¹⁶ "M ninbaam, wɔ yo daka ka nɔɔnɛ n bo Awiewie Casi n yo maari Feme Davidi nɔɔ na i kereeri i Nyeme Jɔre Kadasi n nu n yo yiiwa, kabo i kereeri fa kɔ Yudasi jɔre ni, ka yiri dɔ minem bo bu ba tara Yesu n mɔ a. ¹⁷ Yudasi yo tiiri ya nu kun wɔ, ya ni yiri saŋga yoori juma n a." ¹⁸ Ya si Teyofilosi, si nu ka Yudasi afa ŋwaa n bo i yoori satie na i nyaari i ni, na wɔ fa ato asien, dɔ na wɔ kpaasi, na wɔ wu, na i kunnu atie, na i ayaya kere afite ago. ¹⁹ Na Yerusalemfɔm kere ati nyini jɔre ni, nyini ti, na ba fere nyini asien ni, bu anie nu ka *Akelidama*, i bu la ka, Mbunja Asien. ²⁰ Tɔ, na Petoro akaaki ase bu ka, "Bu yo kereeri i Kansi Jue kereewam n nu, ka,

'Ma i dika n ka bɔnfɔ,
na má be wo nu.'

Na wɔ kaaki akere ka,

'Ma sɔnɔ be de i jinaabiri ni.'

²¹⁻²² Nyini ti, wɔ yo daka ka i mi ti sɔnɔ bo i woori ya nu, saŋga bo ya Mibie Yesu woori bere na ya nati tien ya nɔɔ i dɔ ni, fite saŋga n bo Yohane bieeri Yesu Nyeme nzue ni, haari fa kɔ juuri cɛɛn n bo Nyeme maari Yesu fun kɔɔri angoro yakiiri ya ni." ²³ Nyini ti, na ba yi mine nnyɔ ajina. Bu kun la Yosefu bo bu fere i ka Basabasi, na bu kaaki fere i ka Jusitosi ni, ye kun n la bo bu fere i ka Matiyasi ni. ²⁴ Dɔ na ba sere Nyeme, bu ŋa, "Ya Mibie, wɔɔ si kabo sɔnɔ kere sunsunni ti barasu a. Ahin mine nnyɔm ni nu, kere ya bo a koro ka ya yi i, ²⁵ na i yo u jaramasa na i yo ahin juma ni, na i jina Yudasi jinaabiri, yiri bo wɔ yaki u akɔ i koroobiri ni." ²⁶ Na ba tu mbaa na bu yi mine nnyɔm nu kun, na ba yi Matiyasi abuka Yesu jaramasa buru ni kunm n su.

2

Kabo Awiewie Casi n wuraari Yesu susufɔm n ŋu ni

¹ Yudafɔm cɛɛnkpiri n bo bu fere i ka Pentekoti n di cɛɛn, nyini saŋga ni, na Yesu susufɔm kere atien bu nɔɔ dika hɔre kun. ² Kpenɔa na ba ti nanmie be ŋga angoro n nu ka anjuma bo i sukpie fanga su, na wɔ de sɔɔ n bo bu tana nu n kere abara aye. ³ Dɔ na ba ŋu deke be ka sin taferema dee su, na wɔ sandi atantana bu kun kun n kere tii su. ⁴ Na

Awiewie Casi n awura bu kere ɲu, na bu sujojo anie barasu barasu bo Awiewie Casi n ma bu koro jojo i.

⁵ To, nyini sanga, Yudafom bo bu soro Nyeme n atien bu noo Yerusalem mie kpiri n nu, bu fiteeri durunya n awore n kere baari a, ka bu ba su Nyeme. ⁶ Sanga bo bu tiiri nanmie ni nga so ni, na jama beberebe aba atien bu noo, na jore n amie bu, dama bu kere tiiri ka Yesu susufom ni sujojo bere kun kun n kere bo ba tien bu noo n dee anie nu. ⁷ Na ba birisi na ba yo alekutura, na ba se ka, "Ahin minem kere bo bu wo jojo su n ti Galilifom wo, ⁸ ye i baari se, ye bu sujojo, ye ya kun kun n kere ti ka bu jojo ya dee aniem n a? ⁹ Ya fite awore barasu barasu kere n nu wo, nbem fite Patiya, na nbem fite Mediya, na nbem fite Elam, na nbem fite Mesopotamiya, na nbem fite Yudiya, na nbem fite Kapadosiya, na nbem fite Pontusi ni Esiya, ¹⁰ na nbem fite Firigiya, na nbem fite Pamfliya, na nbem fite Ijipiti asien n su, na nbem fite Libiya asien bo i wo dodo Sirene mie kpiri n ni. Ya nbem gusu fite Roma mie kpiri n su wo. ¹¹ Ya nbem ti Yudafom, ni minem bo bu ti ma Yudafom na ba kaaki bu wo ka bu ti Yudafom ni, ye ya nbem gusu fite Kereti asien n su, na nbem fite Arabiya asien n su, ama, ya kere ti ka bu jojo ya dee aniem n nu wo, fa ko sakpakpam kere bo Nyeme ayo bu n su." ¹² Na ba yo alekutura, ba si ma kabo bu yo, na bu subisa bu ɲɲu nu ka, "Ahin sa n bu la ka se wo lee?" ¹³ Ama, na bu nbem ayo Yesu susufom n anzasi, na ba se ka, "Ai, ba nu nzan abo wo."

Kabo Petoro kaanri Nyeme noanie barasu ni

¹⁴ Do na Petoro ni i benguru buru ni kunm n ayasu ajina, na wo ye i konvi su ase jama n ka, "M lamoko Yudafom, ni ambere kere bo am wo Yerusalem mie kpiri n nu ni, am so am sui nyunyumi na am ti deke n bo m sukan kere am ni. ¹⁵ Ahin minem bo am sunsun ka ba nu nzan abo ni, ba nu ma nzan, kisa ngarama kerefi ngona ye ya wo nu n a. ¹⁶ Ama, nyini n bo am ti ka bu jojo anie barasu barasu ni, i ti kabo Nyeme noanie kanfo Joweli yo jojori n wo lee, i ɲa, ¹⁷ 'Nyeme ɲa o, fa ko durunya n awieeri,

m fa m Awiewie n wura minem kere ɲu.

Na am nbaabiesom ni nbaabaram kan Nyeme noanie n kere minem,

na am ngbefenem ɲu deke nbem nahore su ka alele nu,
na am nkpienkpienm da cin alele.

¹⁸ Nahore, nzen een n ba juuri,

m fa m Awiewie n wura m akoom n ɲu,

i bara ni i bieso kere,

na bu kan m noanie n kere mine.

- 19 Na m yó alekutura sam barasu barasu beberebe
 angoro ni asienggu fen,
 na am n̄ú mbunja, ni sin, ni n̄misini bambaka.
- 20 Na wie n sí biri,
 na sara n káaki kókore ka mbunja.
 Nyini sin, na Mibié n c̄een bambaka n bo i la jirima n nyá
 ju.
- 21 Nyini c̄een ni, s̄on̄o kere bo i bo fereeri Mibié n duma, i
 mi nyá tiide.' "

22 Na Petoro ase bu ka, "Ambere Yisarelifom, am so am
 sui na am ti fen. Nyeme akere am ka yiri sunmaari Yesu
 bo i fite Nazareti mie n nu n a. Nyini ti, ye i ma i yoori
 alekutura sam, ni sa ngbingbirim am nu n a, kabo ambere
 ni am tii si i ni. 23 Nyeme dee koroyanu, ye i du mo ciciiri
 ka i má am nya Yesu taraabiri a, ye am faari i wuraari mine
 tiem saa nu, ye bu kpamaari i baka jaanu n su kuunri i n a.

24 Ama, na Nyeme atenge i afite i yiwee n nu, yiwee akoro
 ala má i yiko, dama i tiiri kekereke na yiwee koro kunma i.

25 Dama Feme Davidi yo j̄oj̄ori fa ko yiri Yesu n̄usu j̄ore, i
 na,

'Ma n̄u i ka Mibié n wo m d̄o san̄ga kere,
 nyini dee ti, puitiripui koro yo má m.

26 Nyini dee ti, m ahore ti daawa, na m j̄oj̄o ni ahorejo,
 haari ni bo m bá wu ni, m la tama fa ko m n̄uniembaa
 n su,

27 dama w̄or̄o Nyeme, a yáki má m na m ka fuinm n nu,
 a yáki má na u dee amusuisuf̄o casi ka mini so
 wu kp̄or̄o.

28 A kere m atin bo m fa na m nya n̄ḡoo,
 na kabo a wo m d̄o ni, nyini má m la ahorejo nahore
 su a.'

29 M ninbaam, m koro ka m se am nahore su wo, fa ko
 ya na Feme Davidi n̄usu j̄ore. I yo wuuri wo, na ba se i,
 i fan̄kunma toko wo ya nu fen haari ni nyuma. 30 I tiiri
 Nyeme n̄on̄an̄ie kan̄fo n dee ti, na wo si ka Nyeme atan ndie
 ka, i yí yiri Feme Davidi busu nufom n nu kun, na i dí i
 femeya n kabo yiri Feme Davidi yo tiiri barasu ni. 31 Feme
 Davidi du mo n̄uuri sa n bo Nyeme bá yo i ni, na wo j̄oj̄o fa
 ko Kristo su, Tiidefo n bo Nyeme ase ka i súnma i ni, ka i bá
 wu na i t̄enge i yiwee nu, i na,

'Nyeme yáki má na i ka fuinm nu,
 na i n̄uniembaa n kp̄or̄o.'

32 Yiri Yesu n ye Nyeme tengeeri i yiwee n nu a, na ya kere
 an̄u i, ye ya sudi i daani a. 33 I Si Nyeme aye i su ako angoro
 afa atana i saa f̄omb̄or̄o su, ye wo ma i Awiewie Casi n bo
 wo se ka i fá ma i ni. Deke bo am an̄u i ni, ni deke n bo am

ati i ni, yiri la Awiewie Casi n bo i seeri ka i fá ma ya ni.
³⁴ Má Feme Davidi ni i tii fun koori angoro a, ama, na wo se ka,

‘Micera n ase m Mibie n ka,

“Bra, ba tana m saa fomboro su fen,

³⁵ haari m bá ma a kunma u kpofom.” ’ ’ ”

³⁶ Na Petoro akaaki ase ka, “I ti ye ni ka Yisarelifom kere si ka, yiri Yesu n bo ambere yo kpamaari i baka jaanu n su n ye Nyeme afa i ayo Mibie n ni Kristo, ya Tiidefo n a.”

³⁷ Sanga bo minem n tiiri ahin jore n so ni, na bu ahore asaaki agaya, na ba bisa Petoro ni Yesu jaramasa nyingam n ka, “Ya ninbaam, ye ya yo se wo?” ³⁸ Na Petoro ase bu ka, “Am kaaki am wo, na ya bie am kun kun kere Nyeme nzue, Yesu Kristo dee duma n nu, na Nyeme fá am satie ce am, na i fá Awiewie Casi n ce am. ³⁹ Dama Nyeme yo seeri ka i fá Awiewie Casi n ma ambere ni am busu nufom, ni minem bo bu wo dede ni, ni minem kere bo ya Micera Nyeme n fere bu ka bu bra yiri ni i tii do n wo.” ⁴⁰ Na Petoro ajojo jore beberebe atu bu fo ni anyumboro su, i na, “Am yi am nu fite suicin n bo Nyeme bá fa cin ahin nyumafó satieyofom n nu.” ⁴¹ Na bu dongu ayo i noanie n yarada, na ba bie bu Nyeme nzue, nyini ceen ni, na ba nya mine, ba yo ka akpii nsan abuka bu nu su. ⁴² Na bu nyunu aboro ka bu sonsón Yesu jaramasam kereewam ni, na bu kere ayo anookun, na bu sanga di diire, na bu sanga sere Nyeme.

Kabo Yesu susufom woowa tiiri barasu ni

⁴³ Na Nyeme ama Yesu jaramasam n ayo alekutura sam barasu barasu beberebe, na sono kere asoro Nyeme. ⁴⁴ Na yaradayofom n ayo deke kere ni anoose, na ba soro su ka, deke kere bo bu la i n ti bu kere dee wo. ⁴⁵ Bu to bu nenje kere bo bu la i wo, na bu kpaaki nwaa n nu, na bo bu la má be n kere nya be. ⁴⁶ Ceen n kere ceen, bu ba tien bu noo Nyeme Sereebiri Awuru n nu wo, na bu nati sutien bu noo awuru awurum nu, na bu sanga di diire ni ahorejo, ni bu kunnu fofoe, ⁴⁷ na bu sukansi Nyeme, na minem akoro bu jore. Na ceen kere ceen na bu sunya minem bo Nyeme ma bu anya tiide n abuka bu nu su.

3

Kabo wobuka be nyaari laifie barasu ni

¹ Ceen n be naaso wie kerefi nsan sanga, na Petoro ni Yohane ako Nyeme Sereebiri Awuru n nu ka bu ko sere Nyeme. Sanga bo bu fa sere Nyeme lee. ² Sono be woori do, bu wuuri i wobuka wo, na mine nbem aso i aba atana Nyeme Sereebiri Awuru nu ano n bo bu fere i ka Ano

Nyunyumi ni, na i tana susere minem bo bu ba nyemɛsere ni, ka bu ma i ηwaa. Cɛɛn n kere cɛɛn bu fa i ba wɔ, na i ba susere. ³ Nyini cɛɛn ni, sanɔa bo i ηuuri Petoro ni Yohane ka bu suwura Nyemɛ Sereebiri Awuru n nu ni, na wɔ sere bere gusu ka bu ma i deke be. ⁴ Na Petoro ni Yohane afa bu nyumbaa akpama i ηu, na Petoro ase i ka, "Nie ya dɔ fen." ⁵ Nyini ti, na wɔ tu i tii sunie bu dɔ, i sunsun ka bu má i deke be wɔ.

⁶ Na Petoro ase i ka, "M la má ηwaa bo m ma u, ama, deke bo m la i na m fa ma u yaa, Yesu Kristo Nazaretifo n deɛ duma nu, m ηa, a yasu nati." ⁷ Dɔ na Petoro aso wɔbuka n saa fɔmbɔɔ nu, na wɔ ye i su ajina, kpenɔa sɔnɔ n jaam kere ayo fanɔa, ⁸ nyini ti, na wɔ warakpin, na wɔ jina i jaa su, na wɔ bo i bu sunati bara ye. Dɔ na wɔ su bu su awura Nyemɛ Sereebiri Awuru n nu, na i sunati, na i suwarakpin, na i sukansi Nyemɛ. ⁹ Na jama n kere anu ka i sunati, na i sukansi Nyemɛ. ¹⁰ Sanɔa bo minem ni siiri nu ka, yiri bo i yo tana Nyemɛ Sereebiri Awuru n Anɔ Nyunyumi n nu sere n lee ni, na ba mie atana, na sa n bo i yoori sɔnɔ n ayo bu alekutura.

Kabo Petoro kaanri Nyemɛ nɔanie n Nyemɛ Sereebiri Awuru n nu ni

¹¹ Sanɔa bo wɔbuka n bita Petoro ni Yohane barasu ni, na mine kere ayo alekutura, na ba ηmati aba bu dɔ awɔre be bo bu fere i ka Solomon deɛ Lele n nu. ¹² Sanɔa bo Petoro ηuuri minem sɔ ni, na wɔ se bu ka, "Yisarelifɔm, nzu ti ye am fa ahin sa n yo alekutura ye am nie ya sɔ a? Am sunsun ka ya deɛ yiko nu ye ahin sɔnɔ n anati a, wara am sunsun ka ya yo sa bo i kɔ atin su Nyemɛ dɔ n deɛ ti, nzen se? Ai, i ti má sɔ. ¹³ Nyemɛ bo Abraham ni Izaki ni Jakɔbu ni ya nam suuri i ni, yiri ye wɔ wura i amusuisufɔ Yesu n kpiri bambaka a. Ama, am faari i wuraari yikofɔm saa nu wɔ, na am akete i Gomina Pilato nyunu, ka am koro má i, haari ni bo má gomina n ηa i yaki i nu ji ni. ¹⁴ I ti Nyemɛ sɔnɔ fofoe wɔ, bo i yo sa bo i kɔ atin su Nyemɛ dɔ, ama, na am akete i, na am asere gomina n jande ka i yaki sɔnɔ kunfɔ nu ji. ¹⁵ Na am akun yiri Yesu n bo i ma ya ηgɔɔ ni, ama, Nyemɛ atenge i yiwee n nu, ya ηuuri i wɔ ye ya sudi i daani a. ¹⁶ Ahin sɔnɔ bo am ηu i na am si i ni, Yesu deɛ duma n yiko nu ma i jaam kere ayo fanɔa n a. Deke n bo am anu i ni, i fite ka sɔnɔ n ayo Yesu duma n yarada n deɛ ti, nyini ma wɔ nya laifie ye am kere anu i n a."

¹⁷ Na Petoro anya ase bu ka, "M ninbaam, m si ka ambere ni am tereterefɔm kere be mmɔɔ asi má sam bo am yo yoori bu ni. ¹⁸ Dawa sanɔa, Nyemɛ ma i nɔanie kanfɔm kere yo

jɔjɔri ahin jɔre kere, ka, Kristo, Tiidefo n bo Nyeme ase ka i sunma i ni ba, na i ba di wahara, nyini lee ye wo yo yiiwa bere n a. ¹⁹ Nyini dee ti, am kaaki am wo, na am su Nyeme, na i fa am satie ce am, ²⁰ na i ma am nya nuniyi, na i nya sunma Kristo, Tiidefo n bo wo yi i ka i ba am do ni, yiri la Yesu. ²¹ Wo yo daka ka i wo Nyeme do angoro, haari fa ko ju sangha n bo Nyeme ma deke kere yo yiiwa, kabo dawa sangha na i maari i noanie kanfo casim n noo na bu seeri ni. ²² Moyisi yo seeri ka, 'Am Micera Nyeme sunma i noanie kanfo kabo i sunmaari mini Moyisi n wo. Nyini sono ni yo am dee tiengu sono bo i fite am nu wo. I ti ye ni ka am de i noanie, na am yo deke kere bo i se ka am yo i. ²³ Sono kere bo i de ma Nyeme noanie kanfo n noanie ni, Nyeme yi i mi fite i dee minem nu wo, na i ka ngbeen.' ²⁴ Nyeme noanie kanfo kere bo bu jɔjɔri fite Samuweli sangha haari ba ju ni nyuma, bu kere jɔjɔri fa ko ahin sam bo bu suyo nyuma n su wo. ²⁵ Ambere ti Nyeme noanie kanfo dee busu nufom a, am dee la sesesu n bo Nyeme yo diiri i di ni am nam ni. Na wo se ya na Abraham ka, 'U busu nufom dee ti ye m yo durunya n nufom kere kisi a.' ²⁶ Nyini dee ti, ye i du mo yiiri i amususufo n ye i sunmaari i am do n a, ka i ba yo am kisi, nyini la ka, i ma am kaaki am wo, na i yi am fite am satie kere nu."

4

Kabo Yudafɔ tereterefoɔ diiri Petoro ni Yohane jɔre ni

¹ Petoro ni Yohane toko jɔjɔ jama n do ni, na minem nbem aba bu do, bere la Nyeme sayoowa dongyufofoɔ nbem, ni Nyeme Sereebiri Awuru n nu tintinijinafoɔ kpɛn, ni Sodusifoɔ nbem. ² Bu baari ni yaa su wo, kabo Yesu jaramasa nnyom ni sukere minem ka Yesu wuuri ni, i teŋgeeri i yiwee nu wo, nyini kere ka minem wu, bu teŋge bu yiwee nu wo lee. ³ Nyini ti, na ba tara Petoro ni Yohane. Bu taraari bu naaso sangha a, na ba nyi bu haari ale ako acin. ⁴ Ama, na mine dongu bo bu tiiri Yesu jaramasa ni kereewa n ayo yarada. Nyini ti, bere kere bo bu yoori yarada ni, bu nbiesom ko yasuri mine akpii nnu wo. ⁵ Alecin ngarama na Yudafom tereterefoɔ, ni bu nkpienkpienm, ni Nyeme noanie kerefoɔ kere atien bu noo Yerusalem mie kpɛri n nu. ⁶ Bo bu gusu woori do n la Anasi bo i ti Nyeme sayoowa dongyufofoɔ kere kpɛn ni, ni mine nbem bo bu fere bu ka Kayafasi, ni Yohane, ni Alekizanda, ni minem bo bu wo Nyeme sayoowa dongyufofoɔ busu nu n kere tieenri bu noo o. ⁷ Na ba fa Petoro ni Yohane aba ajina bu afien, na ba bisa bu ka, "Am yoori se yoori ahin sa n a? Am la yiko

bɔnɔ, wara ŋma dɛɛ duma nu ye am fa tuntuunri sɔnɔ n ye wɔ nya laifɛ n a?”

⁸ Na Awɛwɛ Casi n awura Petoro ŋu, na wɔ se bu ka, “Ya tereterefɔm ni ya nkpienkpienm, ⁹ sakpa n bo ya yo i ama wɔbuka ni, ni kabo i yoori barasu na wɔ nya laifɛ n dɛɛ ti, ye am sudi ya jɔrɛ bisa ya sɔ a, nzen sɛ? ¹⁰ I ti ye ni ka amberɛ ni Yisarelifɔm kere si ka o, ahin sɔnɔ n bo i jina bere na wɔ nya laifɛ ni, i fite Yesu Kristo Nazaretifɔ n duma n nu wɔ. Yiri ye am kuunri i, ye Nyemɛ tengeeri i fiteeri i yiwee n nu n a. ¹¹ Ba kere i ŋusu jɔrɛ Nyemɛ Jɔrɛ Kadasi n nu ka,

‘Yabuɛ n bo amberɛ bondo tafɔm faari i tuuri ni,
yiri ye wɔ kaaki bondo n jaa yabuɛm kere tii a.’

¹² Yiri ŋgumi ye Nyemɛ ayi i ka i ba de sɔnɔ kere tii a, duma be wo má durunya n kere nu bo i koro de ya tii ji, má ka Yesu Kristo dɛɛ duma ni ŋgumi.”

¹³ Na Yudafɔ yikofɔm ni tereterefɔm n aŋu kabo Petoro ni Yohane la ahoresi barasu ni, na ba si ka ba kɔ má kara be mmɔɔ, na wɔ yo bu alekutura. Dɔ na ba si nu ka bu yo suuri Yesu su wɔ. ¹⁴ Bu ŋuuri ka sɔnɔ n bo wɔ nya laifɛ n jina Petoro ni Yohane bi ni, nyini dɛɛ ti, ba koro ase má jɔrɛ be. ¹⁵ Na ba se Petoro ni Yohane ka bu fite sɔɔ n nu. Bu fite wieeri ni, na bere nkpienkpienm n abo Petoro ni Yohane n ŋusu anzama. ¹⁶ Na ba bisa bu ŋuŋu nu ka, “Ye ya yó ahin minɛm sɛ wɔ? Dama sɔnɔ kere bo i wo Yerusalem miɛ kpiri n nu si ka ba yo ahin alekutura sa bambaka ni, ya koro se má ka ba yo má i e. ¹⁷ Ama, nzen ya koro má ka ahin jɔrɛ n bara ye deke n kere, am ma ya ŋɔŋɔnɔ bu ka, má bu se ka bu bo Yesu duma mmɔɔ na be ti.” ¹⁸ Nyini ti, na ba kaaki afere Petoro ni Yohane awura, na ba ma bu nɔɔ ka, má bu se ka bu bo Yesu duma, wara bu kan i ŋusu jɔrɛ kere minɛm. ¹⁹ Ama, na Petoro ni Yohane ase bu ka, “Amberɛ mmɔɔ ni am tii, am niɛ nu na am niɛ e, Nyemɛ atin su, bɔnɔ ti ye a, ya de am dɛɛ nɔanie n wɔ, nzen ya de Nyemɛ dɛɛ n wɔ? ²⁰ Ya sukan kere minɛm n wɔ fa kɔ sam n bo yere ni ya tii ati bu, na ya ŋu bu ni, ya koro mɔ má ya nɔɔ.” ²¹ Na bere yikofɔm, ni tereterefɔm n aŋɔŋɔnɔ bu nahɔrɛ su, na ba yaki bu nu aji. Bu niɛeri nu, bu ŋu ka bu koro yo má bu pui, dama minɛm kere wo Nyemɛ kansi su wɔ fa kɔ sa n bo wɔ yo ni. ²² Sɔnɔ n bo bu yoori nyini alekutura sa n maari i na i nyaari laifɛ ni, i tara afɔ aburana.

Kabo yaradayofɔm n sereeri Nyemɛ ka i ma bu ahoresi ni

²³ Saŋa bo Petoro ni Yohane nyaari bu tii ni, bu kaba kpieeri bu nyi kɔɔri bu beŋgu Yesu susufɔm n dɔ ɔ, na ba kan jɔrɛ n kere bo Nyemɛ sayoowa dɔŋguyofɔ nkpienm, ni

nkpienkpienm n seeri ni. ²⁴ Yaradayofom ni tiiri nyini jore n kere so ni, na bu kere ayo anookun, na ba sere Nyeme, bu na, "Ya Micera Yikofom, woro yiiri angoro ni asienngu a, ni tieku n ni dekem kere bo bu wo nu ni. ²⁵ Woro yo ma u Awiewie Casi n wurari ya na Davidi bo i ti u dee amusuisufom n nu a, na wo se ka,

'Nzu ti ye minem bo bu ti ma Yudafom afa yaa agaya so a. ye minem bita sunsunni bo i la ma kperere a?

²⁶ Ye durunya n nu nfemem ayasu ajina, na bu yikofom atien bu noo,

ka bu tu lue ni Micera Nyeme ni,

ni Kristo, Tiidefom n bo Nyeme ase ka i sunma i n a.'

²⁷ To, kabo Feme Davidi yo kaanri ni, i ti nahore wo, ka Feme Herode, ni Gomina Pontiyoo Pilato fa sangha ni minem bo bu ti ma Yudafom, ni Yudafom yo tienri bu noo ahin mie n nu wo, na ba kete Yesu, u amusuisufom casi n bo a yiiri i ka yiri ti Tiidefom ni. ²⁸ Bu tienri bu noo o, na ba yo dekem kere bo u dee yiko n ni u koroyanu na a du mo acici ka bu yo ni. ²⁹ Ya Mibie, ti kabo kisa bu nonnono ya barasu, nyini ti, ma yere u akoom n ahoresi, na ya kan u dee labari kpa n na ma ya soro sere. ³⁰ Fa u yiko n tuntun tukpakifom na bu nya laifie, na a ma ya yiko na ya tuntun mine, na ya yo alekutura sam barasu barasu, u amusuisufom casi Yesu n dee duma nu." ³¹ Sangha bo bu sereeri Nyeme n wieeri so ni, na dika n bo bu wo nu n akpisi. Na Awiewie Casi n awura bu kere nu, na ba kan Nyeme jore ni ahoresi.

Kabo Yesu susufom ni yoori anoose barasu ni

³² Yaradayofom n yo yoori anoose wo, na ba sangha ayo deke n kere kun. Be wo ma bere bo i se ka i nenge be tiiri i tienngu dee. Ama, bu kere kpaaki deke n kere bo bu la i nu ma bu benngu wo. ³³ Na Yesu jaramasam n akan Nyeme jore ni yiko bambaka, na ba kan akere minem kabo Yesu tengeeri i yiwee n nu ni. Na Nyeme ama bu kere adi ahorama beberebe. ³⁴ Be awo ma bu nu bo i miere deke be busu. Bo bu laari asienm, ni awurum toori bu wo, na ba fa nwaa kere bo bu nyaari i ni, ³⁵ aba ama Yesu jaramasam ni, na bere gusu akpaaki i nu ama bo bu la ma pui ni, na ba fa ayo deke bo i mie bu. ³⁶ Sono be yo woori bu nu, bu fere i ka Yosefu, i ti Levi busu nufom o, bu wuuri i asien be bo bu fere i ka Sipurusi n su wo. Na Yesu jaramasam n atun i duma ka Banabasi, i bu la ka, sono bo i ma mine ahoresi ni. ³⁷ Nyini sono n toori i asien n bo i la i, na wo fa nwaa n aba ama Yesu jaramasam ni.

5

Ananiyasi ni i yi Safira dɛɛ jɔrɛ

¹ Sɔnɔ be yo woori dɔ bu fere i ka Ananiyasi, na bu fere i yi ka Safira, na ba tɔ bu aja be. ² Ama, na yiri ni i yi n ayo bu nɔɔkun, na wɔ yi ηwaa n be afiɛ, na wɔ fa bo i kaari n ama Yesu jaramasam ni. ³ Na Petoro abisa i ka, “Ananiyasi, nzu ti ye a ma Sitana awura u sunsunni nu, ye a fa ηwaa n bo a tɔɔri u asien n na a nyaari i n be afiɛ a, ye a ηa a dadaka Nyemɛ Awiewiɛ Casi n a? ⁴ Sanga n bo a nya tɔ má i ni, i ti u dɛɛ wɔ, kisa gusu bo a tɔ i ni, ηwaa n ti u dɛɛ wɔ. Ye nzu ti ye a yo ahin sa n a? Má adamande ηgumi ye a ηa a dadaka a, ama, a ηa a dadaka Nyemɛ wɔ.” ⁵ Ananiyasi tiiri nyini nɔaniɛ n sɔ ni, i kaba kpaasiiri wɔ, na wɔ wu, na sɔnɔ kere bo i tiiri nyini sa n bo wɔ yo ni, na sere ati bu agaya. ⁶ Na ngbɛfenem ayasu afa tani apɔɔndi i, na ba fa i afite ako ase i.

⁷ Wɔ cɛ má, na i yi gusu aba, wɔ si má sa bo wɔ yo ni. ⁸ Na Petoro abisa i ka, “U ni u hun aja n bo am tɔɔri i n ηwaa n kere lɛɛ?” Na wɔ bɔ Petoro n nu ka, “Ɛɛn, i kere lɛɛ.” ⁹ Dɔ na Petoro abisa i ka, “Nzu ti ye u ni u hun ayo am nɔɔkun na am yo Micerɛ n Awiewiɛ n na am niɛ a? Niɛ fɛn, minɛm bo bu faari u hun kɔ seeri i ni, bu jaa busu wo aɔ n nu, bu fá wɔrɔ mmɔɔ fite lɛɛ.” ¹⁰ Jina n nu bere, na wɔ kaba akpaasi Petoro jaa bu, na wɔ wu. Bo bu seeri i hun n ba ηuuri ka yiri gusu awu, na ba fa i ako ase i adodo i hun ni. ¹¹ Na Kristo jama n kere, ni minɛm kere bo bu tiiri nyini sa n bo wɔ yo ni, na sere ati bu kere agaya.

Kabo Yesu jaramasam n yoori alekutura sam barasu ni

¹² Na Yesu jaramasam n ayo alekutura sam barasu barasu dɔɔngu minɛm n nu bo i kere ka Nyemɛ wo bu dɔ. Na yaradayofɔm n kere atien bu nɔɔ Solomon Lele n bo i wo Nyemɛ Sereebiri Awuru n nu ni. ¹³ Minɛm bo ba yo má Yesu yarada ni soroori sere wɔ, ba koro asaŋga má bu nu, ama, na minɛm n awura bu kpiri. ¹⁴ Na mineɛ beberebe ayo Mibie n yarada, subuka bu su saŋga kere, bu sunnu, nbiesɔm ni nbaram. ¹⁵ Na alekutura sam bo Yesu jaramasam yoori bu n dɛɛ ti, na mineɛ aɔ bu tukpakifɔm, ni bu dasum aba ase atingberem nɔɔ su, adena Petoro ba sunati sin, na haari i awiewiɛ mmɔɔ tɔ gɔ bu nbem ηu, na bu nyá laifie. ¹⁶ Na mineɛ beberebe afite miɛ miɛm bo bu bara ye Yerusalem miɛ kpiri n su ni, na ba fa tukpakifɔm ni minɛm bo ajinim yaki má bu n aba, na bu kere anya laifie.

Kabo bu kereeri Yesu jaramasam n wuwuruwa barasu ni

17 Na Nyeme sayoowa dɔɔguyofɔm n kere kpien ni, ni i beɔgum bo bu su Sadusifɔm atin su ni, aba asi Yesu jaramasam ni kore agaya. 18 Na ba tara Yesu jaramasam ni, akɔ anyi bu dansaraka. 19 Ama, nyini cɛɛn n kɔɔgue, na Nyeme mereke aba ateke dansaraka aɔɔ ni, na wɔ yi Yesu jaramasam n afite, na wɔ se bu ka, 20 “Am kɔ na am kɔ jina Nyeme Sereebiri Awuru n nu, na am kan ahin ɔgɔɔ fɔfɔre n bo am anya i n jɔre kere kere minem.” 21 Na jaramasam n ade i nɔanie ni, na alecin ɔgarama fuun, na ba kɔ ajina Nyeme Sereebiri Awuru n nu, na ba bo i bu sukere mine.

Saɔga bo Nyeme sayoowa dɔɔguyofɔm n kere kpien n ni i dɛɛ jama nbaam n ba juuri ni, na ba fere Yudafɔ tereterefɔm ni, ni Yisareli nkpienkpienm kere, na ba tien bu nɔɔ na bu fa sɛsɛsu, dɔ na ba ma nɔɔ ka bu kɔ yi Yesu jaramasam ni dansaraka n nu bra. 22 Ama, minem n bo bu sunmaari bu n kɔ juuri ni, ba ɔu má jaramasam ni dansaraka sɔɔ n nu, na ba kpie bu nyi aba ase bu. 23 Bu ɔa, “Saɔga bo ya kɔ juuri ni, dansaraka aɔɔ n kere nyi wɔ kenken, tintinijinafɔm gusu jina aɔɔ n nu bere, ama, saɔga bo ya ba tekeeri aɔɔ n ni, ya ɔu má sɔɔɔ kun n kpein mmɔɔ sɔɔ n nu.” 24 Saɔga bo Nyeme sayoowa dɔɔguyofɔ n kere nkpienm, ni Nyeme Sereebiri Awuru n nu tintinijinafɔm kpien n tiiri sɔ ni, na ba birisi, ba si má sa bo wɔ yo. 25 Dɔ na sɔɔɔ be aba ase bu ka, “Am ti fen. Minem bo am taraari bu kɔ nyiiri bu ni, bu wo Nyeme Sereebiri Awuru n nu wo minem kere su.” 26 Nyini ti, na Nyeme Sereebiri Awuru n nu tintinijinafɔm kpien n afa i minem akɔ, na ba kɔ atara Yesu jaramasam n aba. Bu kɔ faari bu ni, ba mie má bu, dama bu soroori ka minem ni tu bu yabue wɔ.

27 Na ba fa jaramasam n aba, na ba fa bu ajina minem bo ba tien bu nɔɔ n nyunu. Na Nyeme sayoowa dɔɔguyofɔm n kere kpien n abisa bu bisaawam. 28 I ɔa, “Ya maari am nɔɔ nahɔre su ka, má am se ka am kere kereewa be ahin sɔɔɔ n duma nu. Ama, am nie kabo am ayo a. Am afa am kereewa n abara aye Yerusalem mie kpiri n kere nu, ye am koro ka am se ka yere kuunri i a.” 29 Na Peto ni jaramasa nyiɔgam n abɔ bu nu ka, “Wɔ yo daka ka ya de Nyeme nɔanie wɔ, má adamande dɛɛ. 30 Nyeme bo i ti ya nam dɛɛ Nyeme ni, yiri tengeeri Yesu fiteeri i yiwee n nu, yiri bo am kuunri i na am kpamaari i baka jaanu n su ni. 31 Yiri Yesu, ye Nyeme afa i atana i saa fɔmbɔɔ su, ka i yo ya Mɔfɔ ni ya Tiidefɔ, na i ma yere Yisarelifɔm atin, na ya kaaki ya wo, na Nyeme fa ya satie kere ce ya. 32 Yere ni Awiewie Casi ni di ahin sam n daani kan kere mine a. Yiri Awiewie Casi ni ye Nyeme afa ama minem bo bu de i nɔanie n a.”

³³ Saŋga bo minem bo ba tien bu nɔɔ n tiiri nyini jɔɛ n sɔ ni, na yaa ati bu agaya, má bu koroori ka bu kun Yesu jaramasam wɔ. ³⁴ Ama, na bu nu kun, i ti Farasifo ɔ, bu fere i ka Gameli, i kaaki ti Nyeme nɔaniɛ kpamaawa n kerefɔ ɔ, bo minem kere ma i jirima agaya. Na wɔ yasu ajina, na wɔ ma nɔɔ ka bu fa jaramasam n fite dasin kaan ka. ³⁵ Dɔ na wɔ se jama n kere ka, “M lamokɔ Yisarelifom, am nie am tii su donɔgu fa kɔ sa n bo am koro ka am fa yo ahin minem ni. ³⁶ Am tenge su ka afɔ be, na sɔnɔ be, bu fere i ka Tiyodasi, na wɔ ba, na wɔ yo i ŋu ka i ti sɔnɔ bo i ŋusu nya má durunya n nu wɔ, na mine ba yo ka yaa nna kere asu i su. Ama, wɔ ce má, na mine akun i, na i susufom n kere aɲmati asandi, na i deɛ atin n aka ŋgbɛɛn. ³⁷ Nyini sin, saŋga bo bu ŋa bu kere asien n su jama дума na bu si bu nɔ ni, na sɔnɔ be gusu aba, yiri la Yudasi bo i fite Galili asien n su ni. Na jama beberebe asu i su, ama, na mine akun yiri gusu, na i susufom n kere aɲmati asandi. ³⁸ Nyini ti, kabo i ti ni, m suse am wɔ, má am se ka am yo ahin minem ni pui. Am yaki bu benɛ. Nzen atin n bo bu bita i n ti adamande deɛ, i ká ŋgbɛɛn wɔ. ³⁹ Ama, nzen i ti Nyeme deɛ, am koro yo má ahin mine ni pui. Am bá ŋu ka am si má na am sukun lue ni Nyeme.” ⁴⁰ Na ba de Gameli fotuuwa ni. Na ba fere Yesu jaramasam n awura, na ba fin bu ŋgbere, na ba ma bu nɔɔ ka, má bu se ka bu bo Yesu дума mmɔɔ kere mine kun. Na ba yaki bu, na ba kɔ. ⁴¹ Yesu jaramasam ni fiteeri minem bo ba tien bu nɔɔ n dɔ wieeri ni, na bu ahore ajo agaya, ka Nyeme abu bu awura be nu, dama ba di nyinse Yesu deɛ дума n nu. ⁴² Na cɛɛn n kere cɛɛn, na bu suwura Nyeme Sereebiri Awuru n nu, ni minem dika, na bu yaki má Nyeme nɔaniɛ n kere ni, na bu sukan Nyeme labari kpa n kere bu ka Yesu ti Kristo n a, Tiidefɔ n bo Nyeme ase ka i súnma i ni.

6

Kabo bu yiiri bukafɔ nsom ni

¹ Na fa kɔ saŋga su, na Yesu susufom n asunnu abuka su, na Yudafoɲ bo bu jojo Giriki anie n ni aɲuɲuti Yudafoɲ bo bu jojo Hiburu anie ni. Bu ŋa cɛɛn kere cɛɛn na bu ce nkunafom diire ni, bu bu má bu deɛm wura má nu. ² Nyini ti, na Yesu jaramasam buru ni nnyom n afere susufom n kere pepere atien bu nɔɔ, na ba se bu ka, “I ti má ye ni ka yere ni ya tii yaki Nyeme jɔɛ n kan, na ya sunie diire jɔɛ su. ³ Nyini ti, m ninbaam, am nie am ŋuɲu nu, na am yi mine nso bo bu la anyunuyi, na Awiewie Casi n wo bu dɔ, na bu la alecira, na bu kaaki la sunsunni kpa, na ya má bere

niε nyini sereyam n kere su. ⁴ Na yere ni ya tii nyá ya ηu, na ya nyunu bóro nyemesere, ni Nyeme nɔanie n kan su.”

⁵ Yesu jaramasam n seeri sɔ ni, na wɔ yo minem kere fie fa kɔ bu jɔjɔwa n su. Na ba yi sɔnɔ be, bu fere i ka Satefano, i ti sɔnɔ bo i la yarada nahɔre su wɔ, na Awiewie Casi n wo i ηu, ni Filipu, ni Porokoron ni, ni Nikanɔ, ni Timona, ni Pamenasi, ni Nikola bo i fite mie kpiri n bo bu fere i ka Antiyoki n su, na wɔ kaaki i ηu ka i ti Yudafɔ, na i su bu dɛɛ atin n su ni. ⁶ Na jama n afa bu aba Yesu jaramasam n dɔ, na ba fa bu saa anana bu ηu, na ba sere Nyeme ama bu.

⁷ Na Nyeme nɔanie ni susandi subuka su. Na mine beberebe ayo yarada abuka Yesu susufɔm su Yerusalem mie kpiri n nu. Na Nyeme sayoowa dɔnguyofɔm gusu dɔngu ayo yarada.

Kabo bu taraari Satefano barasu ni

⁸ Satefano ti sɔnɔ bo i diiri Nyeme ahɔrɔma wɔ beberebe, na Nyeme ama i yiko nahɔre su, na wɔ yo alekutura sa barasu barasu minem n nu. ⁹ Ama, na Yudafɔ nbem ayasu ajina ase akuruwa ni yiri. Nyini minem wo asese n bo bu fere i ka Ma De M Tii tientienbunɔɔ sɔɔ n nu wɔ. Bu nbem fite mie kpirim n bo bu fere bu ka Sirene, ni Alekizanderiya n wɔ. Na bu nbem gusu fite Silisiya ni Esiya dɛɛ awɔrem n nu wɔ. ¹⁰ Ama, na Awiewie Casi ni ama Satefano alecira, na wɔ koro akan ayi bu. ¹¹ Nyini dɛɛ ti, na ba ma mine nbem ηwaa ka bu kpie kɔre sɔ Satefano ka, ba ti ka wɔ kpie Moyisi ni Nyeme nzukɔ. ¹² Bu seeri sɔ n dɛɛ ti, na ba ye minem yaa su, ni nkpienkpienm ni, ni Nyeme nɔanie kerefɔm, na ba tara i akɔ Yudafɔ tereterefɔm dɔ. ¹³ Dɔ na ba fa mine nbem aba, na ba kpie kɔre asɔ i. Bu ηa, “Sanga kere ahin sɔnɔ n jɔjɔ ηgbɛenηgbɛen wɔ fa kɔ ya Nyeme Sereebiri Awuru casi n su, na i kaaki jɔjɔ ηgbɛenηgbɛen fa kɔ Nyeme nɔanie kpamaawa su. ¹⁴ Ya ti ka i ηa, Yesu Nazaretifɔ ni bó fufu ya Nyeme Sereebiri Awuru n kere gɔ, na i kaaki ya nana sayoowam kere bo Moyisi fa kereeri ya ni.” ¹⁵ Na bere tereterefɔm n kere afa bu nyumbaa akpama Satefano ηu, na ba ηu ka i nyunuawa akaaki wo ka Nyeme mereke dɛɛ su.

7

Kabo Satefano jɔjɔri barasu ni

¹ Na Nyeme sayoowa dɔnguyofɔm kere kprien n abisa Satefano ka, “Ahin jɔre n kere bo ba kan i n ti nahɔre wɔ?”

² Na Satefano abɔ i nu ka, “M sim ni m ninbaam, am so am sui na am ti fen. Kana ya na Abraham kɔ wo Harani mie kpiri n nu ni, Nyeme Kpiri n yo yiiri i ηu kereeri Abraham

Mesopotamiya dɛɛ asien n su wɔ. ³ Na wɔ se i ka, 'Fite yaki u asien n bo a tana su ni, ni u minem, na m kɛrɛ u asien bo m koro ka a kɔ tana su ni.' ⁴ Nyini ti, na Abraham ayasu Kaladiya asien n su, na wɔ kɔ awo Harani miɛ kpiri n nu. I woori dɔ ye i si ba wuuri a. Nyini sin, na Nyɛmɛ ama wɔ yasu dɔ aba atana ahin asien n bo ya wo su kisa ni. ⁵ Nyini sanɔ, Nyɛmɛ nya fa mǎ asien n haari kampiti sɔ mmɔɔ ma mǎ Abraham na i se ka i ti i dɛɛ. Nyɛmɛ yo seeri i ka i fá asien n ma i ni i busu nufɔm wɔ. Sanɔ bo i seeri i sɔ ni, na Abraham nya wu mǎ baa. ⁶ Na Nyɛmɛ ase i ka, 'U busu nufɔm bá kɔ yo wɔfɔm wɔ asien be su, na bu fá bu yo nkɔkɔm, na bu kɛrɛ bu wahara agaya kɔ ju afo yaa nna.' ⁷ Ama, na Nyɛmɛ ase ka, 'M bá cin minem n bo bu fá u minem yo bu nkɔkɔm n sui, na m nyá yi u minem fite nyini asien n su, na bu káaki ba fɛn, na bu bá su m.' ⁸ Dɔ na Nyɛmɛ afa sɛsɛsu na wɔ di i di ni Abraham, i ŋa, 'Baa kɛrɛ bo a wuuri i, i ti ye ni ka a wura i kɛnkɛnɛ. Nyini kere ka a bita sɛsɛsu n bo ya di i di n a.' Nyini ti, Abraham ba wuuri Izaki ni, i wuraari i kɛnkɛnɛ wɔ lemɔcɛɛ cɛɛn. Na Izaki gusu aba wu Jakɔbu, na wɔ wura i kɛnkɛnɛ i lemɔcɛɛ cɛɛn, na Jakɔbu gusu aba awu i nbaa buru ni nnyɔm bo bu ti ya nam ni, na wɔ wura bu kɛnkɛnɛ lemɔcɛɛ cɛɛn.

⁹ Na Jakɔbu nbaam n asi bu niema Yosefu kɔrɛ, na ba tɔ i afa ama Ijipiti asien n sufɔm. Ama, na Nyɛmɛ awo i dɔ, ¹⁰ na wɔ yi i afite kekereke kɛrɛ bo i tuuri i nu, na wɔ ma i alecira, na wɔ di Ijipiti Fɛmɛ Faaro ahɔrɔma. Na fɛmɛ n afa i dika n kɛrɛ, ni Ijipiti asien n ama i ka i niɛ i dika. ¹¹ Na ahɔɛ aba atɔ Ijipiti, ni Kanana asien n su, abi aboro mine ŋu, bo ya nam anya mǎ diire bo bu di. ¹² Na bu si Jakɔbu ati ka diire wo Ijipiti asien n su, na wɔ sunma i nbaam. Ciciri su dɛɛ sunma ni, na ba kɔ ato diire n aba. ¹³ Bu ba kpieeri bu nyi kɔɔri ajaari nnyɔ su ni, na Yosefu ayi i ŋu akere i sinbaam ni, na Fɛmɛ Faaro gusu asi Yosefu dikafɔm. ¹⁴ Na Yosefu asunma i sinbaam n ka bu kɔ fa bu si, ni i dikafɔm kɛrɛ ka bu bra i dɔ Ijipiti asien n su. Minem kere kɔ yasuuri aburaso ni nnu wɔ, bo bu baari Ijipiti asien n su. ¹⁵ Na Jakɔbu, ni i dikafɔm kɛrɛ akɔ Ijipiti asien n su, dɔ ye i ni i nbaam n kɛrɛ kɔ wuuri a. ¹⁶ Na ba fa bu aba Sɛkɛm miɛ kpiri n nu, na ba se bu fanɔkunma n bo Abraham toori i jɛtɛ ŋwaa beberebe Hamɔ nbaam dɔ ni.

¹⁷ Sanɔ na ba dodoori bo deke n bo Nyɛmɛ yo seeri ka i yo ma Abraham n yo yiiwa ni, nyini sanɔ ni, na ya minem ni atɛrɛ ade Ijipiti asien n kere su. ¹⁸ Bo woori dɔ sɔ ɔ, haari na sɔnɔ be aba adi Ijipiti asien n su fɛmɛ, yiri asi mǎ Yosefu. ¹⁹ Na yiri ni afa sunsunni tie adadaka ya nam, na wɔ bita

bu ni tie bita, na wɔ se ya nam ka bu fa bu nbaam fa tu, adena bu wu. ²⁰ Nyini san̄ga n ye bu wuuri Moyisi a, i yo ti baa bo i yo nyumi agaya Nyemē dɔ ɔ. Na ba bita i i si dika haari sara n̄san, ²¹ na ba nya ayi i afite, na Femē Faaro wa baabara afa i ayo i kunnu wa. ²² Na ba kere i Ijipitifom̄ ngonlē ni alecira barasu barasu kere, na wɔ yasu, na i duma ata fa kɔ i sayoowa ni i jɔjɔwa kere nu.

²³ San̄ga bo Moyisi ba juuri afō aburana ni, na i sunsunni ama i ka i kɔ nie i lamokɔ Yisarelifom̄ busu. ²⁴ Na wɔ ɲu ka Ijipitifom̄ be sukere Yisarelifɔ kun be wuwuruwa. I ɲuuri i sɔ ni, wɔ sun má i nu, na wɔ kɔ abo akun Ijipitifɔ ni. ²⁵ Moyisi sunsuunri ka, i dɛɛ minem ni tí i bu wɔ, ka, Nyemē ye wɔ yi i ka i ba de bu tii ji a, ama, ba ti má i bu sɔ. ²⁶ I alecin, na wɔ ɲu ka Yisarelifom̄ minē nnyɔ sudi aluwa n bu ɲuɲu nu, na wɔ kɔ akpata bu, na wɔ se bu ka, ‘Njam, am ti fen, m ɲa am kere ti kun wɔ e, ye nzu ti ye am sudi aluwa?’ ²⁷ Ama, na yiri n bo i sukere i ben̄gu n wuwuruwa n asun Moyisi ako i sin, na wɔ bisa i ka, ‘Nma fa u yoori ya niesufɔ ni ya jɔredifɔ a?’ ²⁸ A koro ka a kun mini gusu, kabo anuma a kuunri Ijipitifom̄ wɔ, nzen se a?’ ²⁹ Moyisi tiiri nyini jɔre n sɔ ni, na wɔ ɲmati afite Ijipiti asien n su ako awo Madiya asien n su akaaki wɔfō dɔ. Dɔ na wɔ ba aja bara, na wɔ wu nbaabiesom̄ nnyɔ.

³⁰ Na afō aburana sin, na Nyemē mereke be ayi i ɲu akere Moyisi boro kpantain n nu, fa dodo buka n bo bu fere i ka Sinayi n su, i ɲu ka sin fofoe be je buwe baka be su, ama, i yara má, mereke n wo sin n nu. ³¹ Moyisi ɲuuri i sɔ ni, na wɔ yo alekutura, na wɔ cin adodo ka i nie i nyunyumi. Dɔ na Micera n ajɔɔ i dɔ, ase i ka, ³² ‘Mini ti u nam Nyemē a, u na Abraham, ni Izaki, ni Jakɔbu.’ Na serē ati Moyisi, na i ɲunie subobo i, wɔ bo má su ka i nie i kun. ³³ Na Micera n ase Moyisi ka, ‘Deke bo a jina n ti m tiengu dɛɛ asien casi wɔ, cin yi u gbagbaa ni. ³⁴ Ma ɲu kabo m minem wo kekereke nu Ijipiti asien n su barasu. Ma ɲu kabo bu fiefie barasu, nyini dɛɛ ti ye ma jura aba ka m ba de bu tii ji. Bra na m sunma u Ijipiti asien n su.’

³⁵ Tɔ, yiri Moyisi ye Yisarelifom̄ keteeri i n a, na ba bisa i ka, ‘Nma fa u yoori ya niesufɔ ni ya jɔredifɔ a?’ Moyisi, yiri ye Nyemē sunmaari i mereke i dɔ baka n bo i je sin fofoe na i yara má n su, na mereke n ase i ka i kɔ de minem tii ji na i yo bu kp̄ien n a. ³⁶ Na wɔ du Yisarelifom̄ mɔ, na wɔ yi bu afite Ijipiti asien n su, na wɔ yo alekutura sam beberebe dɔ, ni kunma kp̄iri n bo bu fere i ka Kunma Kɔkɔrē n su, ni san̄ga bo bu wo boro kpantain n nu afō aburana ni. ³⁷ Yiri Moyisi yo seeri Yisarelifom̄ ka, ‘Nyemē bá yi am busu nufɔ

be na i yó i nɔ́anié kanfɔ́, kabo m ti ni.’ ³⁸ Yiri Moyisi, i ni ya na Yisarelifɔ́m yo woori boro kpantain n nu n a, yiri ye Nyeme mereke n jɔ́jɔ́ri i dɔ́ Sinayi Buka n su n a, yiri ye Nyeme yo faari i nɔ́anié n bo i ma ngɔ́ɔ n maari i ka i fa ma ya nam n a. ³⁹ Ama, ya nam akoro má ka bu de i, na ba kete i na ba koro ka má bu kpie bu nyi kɔ́ Ijipiti asien n su. ⁴⁰ Na ba se Moyisi gɔ́ɔ́ Aaron ka, ‘Ta amɔ́em ma ya na bu du ya mɔ́ fa ya nati. Ya si má sa bo wɔ́ yo yiri Moyisi n bo i faari ya fiteeri Ijipiti asien n su ni.’ ⁴¹ Na ba yi yi bu sikam, na ba fa ata amɔ́e ka nambaa dɛɛ su, na ba yo tie ama i, na ba su i, na ba di cɛ́enkpiri fa kɔ́ nyini deke n bo bere ni bu tii ayo i n su. ⁴² Nyini ti, na Nyeme akaaki i sin abo bu, na wɔ́ ma bu susu asarambaam bo bu wo aɗgoro ni, kabo ba kere i Nyeme nɔ́anié kanfɔ́m dɛɛ kadasi n nu lɛɛ. Bu ɗa, ‘Amberɛ Yisarelifɔ́m, am yo yoori yoowam boro kpantain n nu a fɔ́ aburana ni, am yo maari mini wɔ́?’

⁴³ Ai, am yo sɔ́ori amɔ́e n bo bu fere i ka Mɔ́leki na am afa tani abo i nambue n sɔ́ i nati wɔ́, ni amɔ́e n bo bu fere i ka Refani na i ti ka asarambaa be ni. Bere ye am ta bu ka amɔ́em ye am su bu a. Nyini ti, ye m má bu taraari am kɔ́ miɛ be bo i sin Babilɔ́n miɛ kpiri n ɗu n a.’

⁴⁴ Ya nam ni, bere yo laari nambue n bo i kere ka Nyeme wo bu dɔ́ n boro kpantain n nu a. Bu yoori i kabo Nyeme kereeri Moyisi ka i yo i n wɔ́. ⁴⁵ Ya nam yo faari nyini nambue n maari bu sinfɔ́m wɔ́, na bu ni bu mɔ́fɔ́ Yosuwa afa i akɔ́ asien n bo Nyeme fɔ́n yiiri minem su na i fa maari bu ni. Na nyini nambue n awo bu dɔ́ haari Feme Davidi sanɗa. ⁴⁶ Na Feme Davidi adi ahɔ́rɔ́ma Nyeme dɔ́, na wɔ́ sere Nyeme ka i ma i ta awuru bo Jakɔ́bu ni i dikafɔ́m fa su Nyeme. Feme Davidi akoro ata má i, ⁴⁷ ama, i wa Feme Solomon yo taari awuru n maari Nyeme a. ⁴⁸ Haari ni nyini mmɔ́ɔ, Micera Nyeme Kpiri n yiri tana má awuru bo adamande ata i nu, kabo Nyeme nɔ́anié kanfɔ́ n a jɔ́jɔ́ i ni. I ɗa,

⁴⁹ ‘Micera n ɗa o,

Angoro ni ti m femeya tanaabiri a,
na asienɗu nya ti deke bo m jaa gbagbaa tien.

Ye am ta nzu awuru barasu ma m a?

Am nya nyini fofoe n ni ye m wo nu a?

⁵⁰ Má mini yoori ahin dekem ni kere a?’ ”

⁵¹ Na Satefano akaaki ase bu ka, “Amberɛ, am ahorembaa ti kekereke, na am sui ti tantanantan ka minem bo bu su má Nyeme ni. Am nati kete Nyeme Awiewie Casi n wɔ́, kabo am

nam yo yoori læ. ⁵² Nyeme noanie kanfo bono ye am nam akere má i wuwuruwa? Na ba kun minem ni, bo bu seeri ka Sono n bo i yo sa bo i ko atin su ni bá ni. ⁵³ Ambere ye Nyeme yo sunmaari i merékem ye bu faari i noanie kpamaawa maari am n a, ama, am ade má i.”

Kabo bu tuuri Satefano yabue bo kuunri i barasu ni

⁵⁴ Kabo Satefano jooori so ni, na yaa ati Yudafo tereterefom n agaya, na ba kan bu noo awura nu, na bu sukpeŋe bu jee. ⁵⁵ Ama, na Awiewie Casi n awura Satefano ŋu, na wo tu i tii anie angoro, na wo ŋu kabo Nyeme woowa ata papasi barasu. Na wo ŋu ka Yesu jina Nyeme saa fomboro su. ⁵⁶ Na wo se bu ka, “Am nie, ma ŋu ka angoro n ateke ye Adamande Wa n jina Nyeme saa fomboro su.” ⁵⁷ I seeri so ni, na Yudafo tereterefom n atien kpa, na ba fa bu saa ato bu suim. Do na ba kaba abereki ato Satefano ŋu. ⁵⁸ Na ba cin i afite mie n aheme, na bu sutu i yabue, na bere bo bu di daani jaraki i, na bu sutu i yabue, na ba yi bu suturam ama gbefene anyunutifo be ka i sunie bu dika, bu fere nyini gbefene n ka Soolu. ⁵⁹ Bu wo Satefano yabue n tu su so ni, na i gusu subo fere Mibie ni, i ŋa, “M Mibie Yesu, de m ngoo ni.” ⁶⁰ Na wo kutu asienngu, na wo bo awie kpa, i ŋa, “M Mibie, má a fa bu ngasi fa ko sa n bo bu suyo i n su.” I seeri so wieeri ni, kpena na i ni durunya n akpaaki.

8

¹ Soolu yo soroori su ka bu kun Satefano a.

Kabo Soolu kereeri Kristo jama n wuwuruwa barasu ni

Nyini ceen n gbingbin ye bu boori i bu kereeri Kristo jamam wuwuruwa agaya, bere bo bu wo Yerusalem mie kpiri n nu ni. Na bu kere anmati asandi ako Yudiya, ni Samariya dee awore n kere nu, i ko kaari Yesu jaramasam ni ngumi wo, Yerusalem mie kpiri n nu a. ² Na Nyeme sufobnem ako ayo Satefano sutura, na ba sun sukoko agaya. ³ Ama, na Soolu aboro i nyi kabo i yo na i ka Kristo jama ni ngbeen, na i suwura awuru awurum nu, na i sucin yi yaradayofom ni, nbaram ni nbiesom kere, na i ma bu ko nyi bu dansaraka.

Kabo Filipu kaanri labari kpa n jore kereeri Samariyafom ni

⁴ Yaradayofom n bo bu sandiiri awore n kere nu ni, na ba nati sukan labari kpa n kere minem kere. ⁵ Na Filipu ako Samariya mie kpiri n su, ako sukan kere minem fa ko Kristo, Tiidefo n bo Nyeme ase ka i sunma i ni. ⁶ Na wo yo alekuturasam. Bu tiiri kabo i joo na bu nuuri alekuturasam bo i yoori

bu ni, na bu kere aso bu sui nyunyumi, na ba ti kabo i se ni. ⁷ Na wo fon ayi ajinim mine dongu nu. Bu ba sufite yaki minem ni, bu tien ni fanga su na bu fite. Na minem beberebe bo bu saam ni bu jaam awu ni, ni wobukam kere anya laifie. ⁸ Nyini ti, na ahorejo bambaka aba Samariya mie kpiri n nu.

⁹ Na sono be ayo awo Samariya mie kpiri n nu, bu fere i ka Simon, i nati yo boboyaya wo, na minem bo bu wo mie n nu ayo alekutura, na i sukere i nu ka i ti sono bambaka a. ¹⁰ Na sono kere, tarakam ni nfangafom kere asoro su ka yiri la Nyeme dee yiko n a. Na ba fere i ka Yiko Bambakafo n bo i fite Nyeme do n a. ¹¹ Deke bo i ti na bu koro i jore n la ka, i yo yoori nyini boboyaya juma n bu do ace. ¹² Ama, sangha bo Filipu ba kaanri labari kpa n jore n fa ko Nyeme femeya n ni Yesu Kristo dee atin n su, na bu deeri i noanie ni, na wo bie bu Nyeme nzue, nbaram ni nbiesom kere. ¹³ Na Simon mmoo ni i tii ayo yarada, na Filipu abie i Nyeme nzue, na i susu Filipu su deke kere bo i ko, na wo nu abonoo sam barasu beberebe bo Filipu yoori bu ni, na wo yo i alekutura.

¹⁴ Na Yesu jaramasam bo bu wo Yerusalem mie kpiri n nu n ati ka Samariyafom gusu ade Nyeme noanie n ni, nyini ti, na ba sunma Petoro ni Yohane bu do. ¹⁵ Sangha bo bu ko juuri do ni, na ba sere Nyeme ama bere bo ba yo yarada ni, adena Awiewie Casi n wura bu nu. ¹⁶ Dama ba bie bu Nyeme nzue ya Mibie Yesu dee duma n nu wo, ama, Awiewie Casi n nya wura ma bu nu. ¹⁷ Na Petoro ni Yohane afa bu saa anana bu tii su, na ba sere Nyeme ama bu, na Awiewie Casi n awura bu nu. ¹⁸ Simon nuuri ka Yesu jaramasam faari bu saa nanaari yaradayofom ni tii su, na bu sereeri Nyeme maari bu, na Awiewie Casi n wuraari bu nu ni, na wo fa njwaa aba ka i fa ma Petoro ni Yohane, ¹⁹ na wo se bu ka, "Am ma mini mmoo ahin yiko n be, adena sono kere bo m fa m saa nana i nu na Awiewie Casi n wura i mi nu." ²⁰ Ama, na Petoro ase i ka, "Woro, u ni u njwaa kere ka ngbeen, dama a sunsun ka a koro fa njwaa to Nyeme aceeri n wo. ²¹ U saa wo ma juma n nu fieo, dama u sunsunni ti ma kpa Nyeme do. ²² Kaaki u wo fa ko u satie n bo a bita i n su, na a sere Nyeme, adena nyini sunsunni tie n bo i wo u ahore su ni, i fa ce u. ²³ Dama ma nu ka u ahorembaa yo wi agaya, na u satie akunma u." ²⁴ Do na Simon ase Petoro ni Yohane ka, "Jande, am sere Mibie n ma m, adena ma ahin sam kere bo am ajoo i n be ba tu m."

²⁵ Petoro ni Yohane diiri daani n na bu kaanri Mibie n labari kpa n jore kereeri mine wieeri ni, na ba kpie bu nyi

ako Yerusalem mie kpiri n nu. Bu wo ko su ni, na ba kan labari kpa n Samariya mie aheme aheme dongu su.

Filipu ni Itiyopiya sɔnɔ n jɔre ni

²⁶ Na Micera n merɛke aba ase Filipu ka, "Yasu na a fa wie atɔɔri u saa bie su deɛ atin n bo i fa Yerusalem mie kpiri n nu fa ko Gaza mie kpiri n nu ni." I ti atin bo i fa boro kpantain n nu wo. ²⁷ Na Filipu ayasu, na wo ko, i wo ko su n na wo ko atu Itiyopiya sɔnɔ bo i fite Itiyopiya asien su, i la jinaabiri bambaka, yiri nie Itiyopiya femɛ bara n nenje kere su a. Wo ko asu Nyeme Yerusalem ²⁸ sukpie i nyi ko awuru, i tana i kpɔngɔ toroku nu wo, na i sukan Nyeme nɔanie kanfo Esaya deɛ kadasi ni. ²⁹ Na Awiewie Casi n ase Filipu ka, "Cin dodo kpɔngɔ toroku n na a su i su." ³⁰ Na wo nmati ako ati ka i sukan Nyeme nɔanie kanfo Esaya deɛ kadasi ni. Na wo bisa sɔnɔ n ka, "A ti kadasi n bo a sukan i n bu?" ³¹ Na sɔnɔ n abo i nu ka, "M yo se ti i bu a, bo ma ka sɔnɔ akan i bu akere m?" Na wo se Filipu ka i wura toroku n nu ba tana i bi. ³² Nɔanie n bo i wo i kan su n la bo ba kere i ka,

"Yiri ti ka boe bo bu sufa i ko kpie i kom wo,
i kaaki ti ka bombaa bo bu sukpiekpie i ndore,
na i sun ma,
so ye wo se ma jore be a.

³³ Bu yo faari i wuraari joredifom saa nu wo,
na ba kpie kore aso i, na ba wura i nyinse.

Be wo ma bere bo i ba koro jɔjɔ fa ko i busu nufom do,
dama bu yo yiiri i ngɔɔ durunya n nu fen."

³⁴ Na Itiyopiya sɔnɔ n abisa Filipu ka, "Jande, m koro ka a se m, Nyeme nɔanie kanfo n yo jɔjɔ ahin jore n ni nma a? I jɔjɔ niiri i nu wo, nzen be a?" ³⁵ Do na Filipu abo i bu ni nyini Nyeme Jore Kadasi n bo yiri sɔnɔ n sukan i ni, na wo kan Yesu labari kpa n jore n akere i. ³⁶ Bu wo ko su ni, na ba ko aju awore be nu, na ba nu nzue, na sɔnɔ n ase i ka, "Nie, nzue yaa e, ye nzu kanda ka a koro bie ma m Nyeme nzue a?" [³⁷ Na Filipu abo i nu ka, "Nzen a yoori Yesu Kristo yarada ni u ahorembaa kere, m koro bie u." Na sɔnɔ n ase i ka, "Ma yo yarada ka Yesu Kristo ti Nyeme Wa n a."] ³⁸ Na wo ma toroku n ajina, na bu kere ajura awura nzue n nu, na Filipu abie i Nyeme nzue ni. ³⁹ Na ba fite nzue n nu, bu fite wieeri ni, na Mibie n Awiewie n akaba akpara Filipu ako, sɔnɔ n anu ma i kun, na wo ko awuru ni ahorejo. ⁴⁰ Na Filipu anu ka i wo mie kpiri n bo bu fere i ka Azotusi n nu, na wo yasu do sukɔ, na wo kan labari kpa n akere minem mie kere bo i siinri su ni, haari na wo ko aju Sizariya mie kpiri n nu.

9

Kabo Soolu wo kaakiiri barasu ni

¹⁻² Nyini sanja n kere ni, na Soolu suboro i nyi se kabo i yo na i kere Yesu susufom n wuwuruwa haari i ba kun bu. Na wo koro ka i ko Damasiko mie kpiri n nu, na i ko tara nbaram ni nbiesom bo bu su Yesu atin su ni, na i wura bu joroko, na i fa bu ba Yerusalem mie kpiri n nu. Nyini dee ti, na wo ko Nyeme sayoowa dnguyofom kere kprien n do, ako ade kadasi bo i koro la atin wura Yudafo m tientien-bunoo soom n nu na i tara bu. ³ Na wo de atin ako, i ko sudodo Damasiko, na sin akaba afite angoro ata abara aye i. ⁴ Na wo kpaasi haari asienngu, na wo ti akonvi be nga, i na, "Soolu, Soolu e, nzu ti ye a kere m wuwuruwa so a?" ⁵ Na wo bisa ka, "M Mibie, woro nma a?" Na wo bo i nu ka, "Mini Yesu, mini ye a kere m wuwuruwa n a." ⁶ Ama, yasu jina na a wura mie n kunnu na m ma sono be kere u deke bo wo yo daka ka a yo ni." ⁷ Na minem n bo bu su Soolu su n aka ajina surum, ba koro ase ma jore be, bu tiiri akonvi ni nga a, ama, ba nu ma sono be. ⁸ Na Soolu ayasu ajina, na wo teke i nyumbaa, ama, wo nu ma asi. Nyini ti, na ba so i saa nu, na ba cin i awura Damasiko mie n kunnu. ⁹ I woori do, i lesan bo wo nya koro nu ma asi, nyini sanja n gusu, i di ma, i nu ma.

¹⁰ Yesu susufo n kun be woori Damasiko mie kpiri n nu do, bu fere i ka Ananiyasi. Na Mibie ni aba i do ka alele nu. Na wo joro i do ka, "Ananiyasi." Na wo bo i nu ka, "M Mibie, mini yaa." ¹¹ Na Mibie n ase i ka, "Yasu, fa atin n bo bu fere i ka Atingbere Tengeewa n su, na a ko sono n bo bu fere i ka Yudasi n dika, na a bisa ka a koro sono be bo bu fere i ka Soolu ni, na i fite mie kpiri n bo bu fere i ka Tarasu n wo. Yiri Soolu n wo do wo nyemesere su, ¹² wo nu sono be ka alele nu, bu fere i ka Ananiyasi, wo wura i do afa i saa anana i nu ka i kaaki nu asi bekun." ¹³ Na Ananiyasi abo i nu ka, "M Mibie, mine dnggu akan nyini sono n jore akere m, kabo i kere u minem ni wuwuruwa Yerusalem mie kpiri n nu barasu." ¹⁴ Ye wo de yiko afite Nyeme sayoowa dnguyofo nkprienkprienm do, aba Damasiko fen, na i ba tara minem bo bu su u n kere." ¹⁵ Ama, na Mibie n ase i ka, "Ko, dama mini ye ma yi i ka i yo m juma a, na i ko bo m duma kere minem bo bu ti ma Yudafo m ni, ni bu nfemem, ni Yisarelifom, adena bu si m." ¹⁶ Na m kere i wahara n kere bo wo yo daka ka i di i, mini dee ti ni." ¹⁷ Nyini ti, na Ananiyasi ako Yudasi dika, na wo wura Soolu do, na wo fa i saa anana i nu, na wo se i ka, "M niwa Soolu, ya Mibie ni sunmaari m u do a, yiri Yesu n ye i yiiri i nu kereeri u sanja bo a wo atin n nu suba n a. Yiri sunmaari m ka m ba ma a

ɲu asi bekun, na Awiewie Casi n wura u ɲu a.” ¹⁸ Kpenɲa na deke be afite Sɔɔlu nyumbaa n nu atɔ, i ti ka jombaa bui wɔ. Na wɔ kaaki aɲu asi bekun. Na wɔ yasu ajina, na Ananiyasi abie i Nyeme nzue, ¹⁹ na wɔ di diire, na wɔ nya faɲga bekun.

Kabo Sɔɔlu kaanri Nyeme jɔre Damasiko mie kpiri n nu barasu ni

Na Sɔɔlu awo Yesu susufɔm n dɔ lennyɔ Damasiko mie kpiri n nu. ²⁰ Na wɔ kaba sukan Nyeme jɔre Yudaɔm tientienbunɔɔ sɔɔm nu, ka Yesu ti Nyeme Wa n a. ²¹ Na jɔre n amie minem kere bo bu tiiri ka i sukan Nyeme jɔre ni, na ba bisa bu ɲuɲu nu ka, “Má sɔnɔ n bo i wo Yerusalem mie kpiri n nu kun minem bo bu su Yesu su n lɛɛ? Ye kisa wɔ ba fen ka i ba tara minem wura bu jɔrɔkɔ, fa bu kpie bu nyi kɔ ma Nyeme sayoowa dɔɲguyofɔ nkpienkpienm ni, má sɔ?” ²² Ama, na Sɔɔlu anya faɲga abuka su, na wɔ kan akunma Yudaɔm bo bu wo Damasiko n nu, na wɔ kan ateke bu nyi na wɔ ma ba si ka Yesu ti Kristo n a, Tiideɔ n bo Nyeme ase ka i sɔnma i ni.

²³ Na wɔ yo lennyɔ, na Yudaɔm n atien bu nɔɔ afa sɛsɛsu kabo bu yo na bu kun Sɔɔlu, ²⁴ ama, na wɔ ti kabo ba sɛsɛsu ka bu kun i ni. Na ba ɲminda i mie ni anɔm n nu, wiesu ni kɔɲɲue, ka nzen i ba sufite na bu kun i. ²⁵ Ama, na cɛɛn n be kɔɲɲue, na Sɔɔlu susufɔm afa i awura kandie nu, na ba fa i aɔɔndi mie n kobe tukoro nu ase.

Kabo Sɔɔlu kɔ juuri Yerusalem mie kpiri n nu ni

²⁶ Saɲga bo Sɔɔlu kɔ juuri Yerusalem mie kpiri n nu ni, na wɔ koro ka i fa i ɲu bo Yesu susufɔm n su, na i ni bere yo kun, na sere ati bu, dama ba yo má yarada ka i ti Yesu susufɔm n be wɔ. ²⁷ Dɔ na Banabasi afa i akɔ Yesu jaramasam n dɔ. Na yiri Banabasi akan akere bu kabo Sɔɔlu wo atin n nu sukɔ Damasiko mie kpiri n nu, na i ɲuuri Mibie ni, ni kabo Mibie n jɔjɔri i dɔ barasu ni, ni kabo Sɔɔlu kaanri Nyeme jɔre Yesu duma nu Damasiko, ni ahoresi ni. ²⁸ Banabasi seeri sɔ ni, na ba soro su, na Sɔɔlu awo bu dɔ Yerusalem, na i sujɛɲɲbe sukan Nyeme jɔre Yesu duma nu, ni ahoresi. ²⁹ Na i ni Yudaɔm bo bu jɔjɔ Giriki anie ni abo anzama haari na ba se akuruwa ni bu benɲu. Na ba koro ka bu kun i. ³⁰ Saɲga bo yaradayofɔm n tiiri ahin jɔre n sɔ ni, na ba fa Sɔɔlu ako aju Sizariya mie kpiri n nu, na ba ma wɔ kɔ Tarasu mie kpiri n nu.

³¹ Na Kristo jama n anya faɲga abuka su, na bu susoro Mibie n nahɔre su, na bu suwo ni Awiewie Casi n deɛ ahoresi nu, na bu sunya minem subuka su.

Kabo Petoro yoori abonɔ sam ni

³² Na Petoro ajengbe ka i bara ye awɔre n kere, na cɛen n be sɔɔ, na wɔ kɔ ka i kɔ nie Nyeme minem n bo bu wo Luda dɛɛ mie kpiri n nu n busu. ³³ Dɔ na wɔ kɔ anu sɔɔ be, bu fere i ka Aniyasi, i saam ni i jaam kere awu, i da sɔɔɔ, i afɔ mɔcɛ lɛɛ bo i koro yasu má. ³⁴ Na Petoro ase i ka, “Aniyasi, Yesu Kristo ama u laifiɛ. Yasu na a nyanya u dasu ni.” Kpenga na wɔ kaba ayasu. ³⁵ Minem kere bo bu wo Luda mie kpiri n nu, ni bo bu wo Saroni awɔre n nu n kere ŋuuri i sɔ ni, na ba kaaki bu wo na ba fa bu ŋu ama Mibiɛ ni.

³⁶ Bara be yo woori mie kpiri be bo bu fere i ka Jopa n nu, bu fere i ka Tabita, i ti Yesu susufɔɔ, bu fere i duma Giriki anie nu ka Dɔkasi, i bu la ka aja. I yo sakpa wɔ sanɔga kere, na i si yaarifɔm anunfɔ. ³⁷ Ama, na wɔ ba ada tukpaki na wɔ wu, na ba bie i nzue, na ba fa i ada angoro sɔɔ nu. ³⁸ Jopa gusu waari má ni Luda, na sanɔga bo Yesu susufɔm bo bu wo Jopa n tiiri ka Petoro wo Luda ni, na ba sunma mine nnyɔ i dɔ ka i yo anie na i bra ndende. ³⁹ Nyini ti, na Petoro ayasu asu bu su na bu kere akɔ. Sanɔga bo i kɔ juuri ni, na ba fa i afun akɔ angoro sɔɔ n nu, na nkunafɔm kere atien bu nɔɔ abara aye i, na bu susun, na ba fa tanlɛem ni tani barasu barasu bo Dɔkasi la ŋɔɔ na i kpa maari bu n akere yiri Petoro. ⁴⁰ Na Petoro afɔn bu kere afite sɔɔ n nu, na wɔ kutu i nanɔgoroma su, na wɔ sere Nyeme, na wɔ kaaki i nyunu awɔ fuin ni, na wɔ se i ka, “Tabita, yasu.” Sanɔga bo i tekeeri i nyumbaa ni, na wɔ ŋu Petoro, na wɔ yasu atana. ⁴¹ Na Petoro aso i saa nu abuka i, na wɔ yasu ajina, na wɔ fere Nyeme minem n ni nkunafɔm ni kere, na wɔ fa i akere bu ka wɔ tenɔge. ⁴² Na nyini labari ni abara aye Jopa mie n kere nu, na mine beberebe ayo Mibiɛ n yarada. ⁴³ Na Petoro awo Jopa lennyɔ, i yo woori jereke be dika a, bu fere i ka Simon.

10

Petoro ni Koneliyo dɛɛ jɔre

¹ Sɔɔ be yo woori Sizariya mie kpiri n nu, bu fere i ka Koneliyo, i ti Romafo sojam n kpɛn wɔ, i nie soja mbaa yaa su a. Bu fere nyini soja jama mbaa n ka Itali sojam. ² Koneliyo ti sɔɔ bo i su Nyeme atin su wɔ, i ni i dikafɔm kere, na bu soro Nyeme. Na i suyo sakpa ma Yudafo bo bu ti yaarifɔm ni, na i susere Nyeme sanɔga kere. ³ Na cɛen n be wiesu kerefi nsan sanɔga, na wɔ kaba anu Nyeme mereke be, na mereke n aba ase i ka, “Koneliyo.” ⁴ Na wɔ nie i gbirim, na sere ati i, na wɔ bisa i ka, “M Mibiɛ, nzu a?” Na mereke n

abo i nu ka, “Nyeme ade u sere, wo ɲu sakpa n bo a yo ama yaarifom ni, i wara koro fi má nyini sam kere. ⁵ To, kisa, sunma minem na bu ko Jopa mie kpiri n nu na bu ko fere sonɔ bo bu fere i ka Simon Petoro ni. ⁶ I wo jereke be dika a, bu fere i gusu ka Simon, i dika n wo fa dodo tieku n wo.” ⁷ Mereke n jɔɔɔri i do wieeri ni, na wo ko, na Koneliyo afere i ngbefenem nnyo, ni soja kun be bo i su Nyeme atin su na i wo i dika ni. ⁸ Na wo kan jore n kere bo mereke n seeri i ni akere bu, na wo sunma bu Jopa mie kpiri n nu.

⁹ Na alecin ngarama, na ba de atin na bu ko Jopa, bu ko sudodo do fa ko wie kekete sangá, na Petoro gusu ayasu afun soɔ su ka i sere Nyeme. ¹⁰ Na ahoe ati i, na wo koro deke be i di. Sangá bo bu wo diire n yo su ni, na deke be aba i do ka alele nu de e su. ¹¹ Na wo ɲu ka angoro n ateke, na wo ɲu deke be i ti ka tani bambaka wo, ba cici i bue nna n kere, i succondi ba asienɲu. ¹² Ajaanna barasu kere, ni cinbukunnusufom barasu kere, ni lanɲkpetefom barasu kere ka bu wo nu. ¹³ Na wo ti akonvi be ɲga, i ɲa, “Petoro, yasu na a kun di.” ¹⁴ Ama, na Petoro ase i ka, “M Mibie, ai. M nya di má deke bo i ti ciire na i la fin.” ¹⁵ Na akonvi n akaaki ase i bekun ka, “Deke kere bo Nyeme ayo i casi, má a se ka i ti fin.” ¹⁶ Deke n yoori so ko juuri kun kun kpe nsan a, na wo kaba afun ako angoro.

¹⁷ Sangá n bo Petoro subirisi fa ko deke n bo wo ɲu i n su ni, nyini sangá, minem bo Koneliyo sunmaari bu ni, abisa asi Simon dika, na ba ka ajina awuru n ano nu. ¹⁸ Na ba fere sonɔ be, abisa i ka, Simon Petoro wo do ɔ? ¹⁹ Petoro toko wo sunsun su, fa ko deke bo i baari i do ka alele nu n bu. Do na Awiewie Casi n ase i ka, “Ti fen. Mine nsan nbem wo fen sunienie u busu. ²⁰ Nyini ti, yasu na a jura, na u ni bere ko, má a yo sika, dama mini sunmaari bu a.” ²¹ Na Petoro ajura ako minem n do, na wo se bu ka, “Mini ye am nienie m n a. Am natiiri bu la ka se wo?” ²² Na ba bo i nu ka, “Sojam kpien Koneliyo sunmaari ya u do a. I ti sonɔ kpa a, na i soro Nyeme, na Yudafom kere bu i agaya. Nyeme mereke be seeri i ka i fere u, na a ba i dika na a ba kan jore bo a la i kere i a.” ²³ Nyini ti, na Petoro ade minem n awura, na ba da i do.

Alecin ngarama, na Petoro ayasu, na i ni minem n ako, bu sukɔ ni, na yaradayofom nbem bo bu wo Jopa n gusu asu i su ako. ²⁴ Na i alecin fofore, na ba ju Sizariya, bu ko ɲu ka Koneliyo atien i lamosim, ni i danfo kpam noɔ sunminda yiri Petoro. ²⁵ Sangá bo Petoro ko ɲa i wura awuru n nu ni, na Koneliyo akpa i atin akutu i jaa bu haari asienɲu, na wo su i. ²⁶ Ama, na Petoro aye i su ajina, na wo se i ka, “Mini ni

m tii mmoo, ti adamande wo.” ²⁷ Petoro ni Koneliyo bitaari anzama so o haari bu ko wuraari awuru n nu, do na wo nu ka mine beberebe atien bu noo. ²⁸ Na wo se bu ka, “Amberε mmoo ni am tii si ka, i ti ciire wo ka yere Yudafo m fa ya nu sanja ni daanfie barasu be nu, wara ya wura bu dika. Ama, Nyeme akere m ka ma m sinndi sono be ka i woowa ti fin. ²⁹ Nyini ti, ye a sunma fereeri m ye ma kete ma ye ma ba n a. M koro ka m bisa u wo, nzu ti ye a sunma fereeri m a?”

³⁰ Na Koneliyo ase i ka, “I nyuma lenna lee, ka ahin sanja n so, fa ko wiesu kerefi nsan, m wo m dika n nu wo nyemesere su, na sono be akaba aba ajina m nyunu, i wura sutura fofoe papasi, ³¹ na wo se m ka, ‘Koneliyo, Nyeme ade u sere, ye wo tenge u sakpa bo a yo ama yaarifom n su. ³² Nyini ti, sunma na bu ko Jopa, na bu ko fere Simon Petoro ni. I wo jereke be dika a, bu fere i gusu ka Simon, i dika n wo dodo tieku n wo.’ ³³ Nyini ti, ye m kaba sunmaari ka bu fere u n a, ye woro gusu a yo sakpa ye a ba. Kisa, ya kere gusu atien ya noo fen Nyeme nyunu, na ya ti deke n kere bo Mibie n ama u noo ka a fa ma ya ni.”

Kabo Petoro kaanri Nyeme jore n Koneliyo dika ni

³⁴ Na Petoro anya ase ka, “Kisa, ma si nahore su ka adamande kere ti kun wo Nyeme do, i tambu ma nu. ³⁵ Sono kere bo i soro Nyeme na i yo sa bo i ko atin su i do, i mi koro i ti nzu daanfie sono, Nyeme de i wo. ³⁶ Am si labari n bo Nyeme fa maari Yisarelifom, nyini labari kpa n kere ka minem nya tanalaifie Yesu Kristo dee ti, yiri ti sono kere Mibie a. ³⁷ Am kere si sa bo i boori i bu Galili dee awore n nu, sanja bo Yohane kaanri Nyeme nzue bie n jore ni, haari na wo bara aye Yudiya dee awore n kere nu. ³⁸ Am si Yesu Nazaretifo n jore ni, kabo Nyeme faari i Awiewie Casi n ni yiko n wuraari i nu ni, ni kabo i nati bara yeeri deke kere suyo sakpa sutuntun minem kere bo Sitana mie bu n na bu nya laifie, dama Nyeme woori i do a. ³⁹ Yere, ya nuuri deke n kere bo i yoori bu Yudafo m dee asien su, ni Yerusalem mie kpiri n nu ni. Na ba kpama i baka jaanu n su, na wo wu. ⁴⁰ Ama, i lesan ceen, na Nyeme atenge i afite i yiwee n nu, na Nyeme ama minem anu i. ⁴¹ Ma sono kere nuuri i a, ama, yere bo Nyeme du mo yiiri ya ka ya di i daani ni, yere nuuri i a, na ya ni yiri asanga adi, na ya nu, sanja bo i tengeeri ni. ⁴² Na wo ma ya noo ka ya ko kan labari kpa n kere minem na ya di daani ka, yiri ye Nyeme ayi i ka i ba di ngoofo m, ni bo ba wu n kere jore a. ⁴³ Nyeme noanie kanfo m kere yo jooori Yesu jore, bu na, ‘Sono kere bo i yoori i yarada, Nyeme fa i mi satie bo wo yo i fa ce i, Yesu dee duma n nu.’ ”

Kabo Awiewie Casi n wurari minem bo bu ti má Yudafom n ŋu ni

⁴⁴ Saŋga bo Petoro toko jina wo jojo su ni, na Awiewie Casi n aba awura minem kere bo bu jina suti labari n ŋu. ⁴⁵ Na Yudafom bo bu ti yaradayofom na bu suuri Petoro su fiteeri Jopa mie kpiri n nu baari n ayo alekutura, kabo Nyeme afa i Awiewie Casi n awura minem n bo bu ti má Yudafom mmoo ŋu ni. ⁴⁶ Na bere Yudafom ni, ati ka minem n sujoo anie barasu barasu sukansi Nyeme. Na Petoro ase ka, ⁴⁷ "Nyeme afa i Awiewie Casi n awura ahin minem n ŋu, kabo i fa wurari ya ŋu ni. Ye ŋma koro kete ka má ya bie bu Nyeme nzue a?" ⁴⁸ Nyini ti, na Petoro ama noo ka bu bie bu Nyeme nzue, Yesu Kristo duma n nu. Na ba sere i ka i wo bu do lennyo.

11

Kabo Petoro kaanri i sa n bu kereeri Kristo Jama n Yerusalem ni

¹ Na Yesu jaramasam ni, ni yaradayofom n kere bo bu wo Yudiya awore n nu n ati ka, minem bo bu ti má Yudafom n gusu ade Nyeme noanie n ayo i yarada. ² Nyini ti, saŋga bo Petoro ko Yerusalem mie kpiri n nu ni, na Yudafom yaradayofom nbem ajaraki i. ³ Bu ŋa, "Nzu ti ye a ko minem bo bu wurari má kenkene n dika ye u ni bere ko saŋga di diire a?" ⁴ Do na Petoro abo i bu, na wo kan kabo jore n kere boori i bu kun kun n akere bu. ⁵ I ŋa, "M wo Jopa mie kpiri n nu, wo nyemesere su ni, na ma ŋu deke be, i yo m ka alele dee su wo. M ŋuuri deke be, i ti ka tani bambaka wo, ba cici i bue nna n kere, i succondi fite angoro n nu suba asienngu, na wo ba ajina m bi. ⁶ Na ma nie i nu nyunyumi, na ma ŋu ajaannam barasu kere, ni cinbukunnusufom barasu kere, ni lanjketefom barasu kere ka bu wo nu. ⁷ Na ma ti akonvi be ŋga, i ŋa, 'Petoro, yasu na a kun di.' ⁸ Ama, na ma se i ka, 'M Mibie, ai. M nya di má deke bo i ti ciire na i la fin.' ⁹ Na ma kaaki ati akonvi ni ŋga bekun, i fite angoro wo, i ŋa, 'Deke kere bo Nyeme ayo i casi, má a se ka i ti fin.' ¹⁰ Deke n yoori so ko juuri kun kun kpe nsan a, na wo kaaki afun ako angoro. ¹¹ Nyini saŋga n nu, na mine nsanm n bo bu sunmaari bu m do n afite Sizariya mie kpiri n nu aba aju awuru n bo m wo nu ni. ¹² Na Nyeme Awiewie Casi n ase m ka m yasu na m su bu su ko, má m yo sika. Na ma su bu su, na ya kere ako. Na ahin yaradayofom nsenm n gusu asunma m afite Jopa, na ya kere ako Sizariya, na ya ko awura Koneliyo dika. ¹³ Na wo se ya kabo i ŋuuri Nyeme mereke i dika barasu ni, ni kabo mereke n ase i ka i sunma

na bu kɔ Jopa, na bu kɔ fere sɔnɔ n bo bu fere i ka Simon Petoro ni, ¹⁴ na i bá kan jɔɛ be kere u ni u dikafɔm kɛɛ na am nya tiide. ¹⁵ Na ma bo i bu ka m jɔjɔ. Saŋga bo m wo jɔjɔ su ni, na Awiewie Casi n ajura awura bu ŋu, kabo i yo ba wuraari ya ŋu bumboori ni. ¹⁶ Na ma tenge su kabo Mibie n yo seeri ni. I ŋa, ‘Yohane yo faari nzue biɛeri am a, ama, mini fá Awiewie Casi n ba wura am ŋu a.’ ¹⁷ I ti nahɔɛ wɔ ka Nyeme faari i Awiewie Casi n wuraari yere Yudafɔm bo ya yo ya Mibie Yesu Kristo yarada n ŋu, ye wɔ fa awura bo bu ti má Yudafɔm gusu ŋu. Mini la ŋma bo m koro kanda Nyeme ka má i yo sa bo i koro ka i yo i a?” ¹⁸ Saŋga bo bere Yudafɔm tiiri sɔ ni, ba se má jɔɛ be kun, na ba kansi Nyeme, bu ŋa, “Nyeme ama minem bo bu ti má Yudafɔm n atin ka bere gusu kaaki bu wo na bu nya ŋɔɔ.”

Kristo jama n bo i wo Antiyoki n jɔɛ

¹⁹ Fite saŋga n bo bu kuunri Satefano n dɛɛ sin, na ba kere yaradayofɔm wuwuruwa, nyini ti, na ba sandi abara aye deke kɛɛ, na nbem akɔ Fonisiya awɔɛ n nu, ni Sipurusi asien n su, ni Antiyoki mie kpiri n nu, na bu kɔ sukan Nyeme nɔanie n sukere Yudafɔm ŋgumi. ²⁰ Ama, bu nbem wo nu, bu fite Sipurusi, na nbem gusu fite Sirene mie kpiri n nu, na ba kɔ Antiyoki, na bu sukan ya Mibie Yesu labari kpa n jɔɛ sukere minem bo bu ti má Yudafɔm ni. ²¹ Na Mibie n yiko awo bu dɔ nahɔɛ su, na mine beberebe ayo yarada, na ba kaaki bu wo, na ba su Mibie n dɛɛ atin n su.

²² Nyeme minem bo bu wo Yerusalem mie kpiri n nu n tiiri nyini labari sɔ ni, na ba sunma Banabasi Antiyoki dɔ. ²³ Saŋga bo i juuri na i ŋuuri sakpa bo Nyeme ayo ama minem sɔ ni, na i ahore ajɔ, na wɔ tu bu fɔ ka bu ma bu nyunu boro yarada n bo bu bita i fa kɔ Mibie n dɛɛ atin n su ni, na bu su i su ni bu ahorembaa kun. ²⁴ Banabasi tiiri sɔnɔ kpa a, na Awiewie Casi n awo i dɔ, na i la yarada agaya. Na mine beberebe aba ayo Mibie n yarada. ²⁵ Na Banabasi akɔ Tarasu mie kpiri n nu ka i kɔ nienie Sɔɔlu. ²⁶ Saŋga bo Banabasi kɔ ŋuuri Sɔɔlu ni, na wɔ fa i na ba kɔ Antiyoki, na bere mine nnyɔ n kere akɔ awo dɔ afɔ kun, na ba tien Kristo jama n nɔɔ, na ba kere mine beberebe. Antiyoki dɔ ye bu du mɔ fereeri yaradayofɔm n ka Kristofɔm a.

²⁷ Nyini saŋga n nu, na Nyeme nɔanie kanfɔ nbem afite Yerusalem aba Antiyoki dɔ. ²⁸ Bu fere bu nu kun ka Agabusi, dɔ na Awiewie Casi n ama i yiko, na wɔ yasu ajina ajɔjɔ ka, ahɔɛ bambaka be bá tɔ durunya n kere nu. Nyini ahɔɛ n ba tɔɔri saŋga bo Romafɔm feme kpiri bo bu fere i ka Kalodisi n diiri i femeya n a. ²⁹ Na Kristo susufɔm ni ayo anɔɔkun ka bu kun kun n kere yiya ŋwaa kabo bu faŋga nyaari ti

barasu, na bu fa kɔ buka bu benɔu yaradayofɔm bo bu wo Yudiya awɔre n nu ni. ³⁰ Na ba yiyi ŋwaa ni, na ba fa ŋwaa n asunma Banabasi ni Soolu ka bu fa kɔ ma Kristo jama nkpienkpienm ni.

12

Kabo bu kereeri Kristo jama n wuwuruwa barasu ni

¹ Fa kɔ nyini sanɔa n nu, na Feme Herode abo i bu sukere Kristo jama mine nbem wuwuruwa. ² Na wo ma ba fa takobe akun Yohane ɔro Yakobo. ³ I yoori sanɔa bo Yudafɔm sudi bu Butara cɛenkpiri n wo. ⁴ Bu taraari Petoro wuraari dansaraka nu ni, na ba fa i awura sojam buru ni nsen saa nu ka bu nie i dika. Na bere gusu akpaaki nu ka mine nna nie i dika kɔ ju sanɔa su, na nyingam nya de. Na Feme Herode asese su ka bu diiri Butara cɛenkpiri n siinri, i fa Petoro jina jama n kere nyunu wo, na i di i jore. ⁵ Nyini ti, na wo ka dansaraka n nu, na Kristo jama n asere Nyeme ni anyumboro ama i.

Kabo Nyeme mereke n yiiri Petoro fiteeri dansaraka n nu ni

⁶ Nyini cɛen n kɔngue n bo i alecin na Feme Herode ma bu yi Petoro fite na bu di i jore ni, i da sojam nnyɔ afien wo. Na ba wura i jorokɔ aminda bu i bue nnyɔ n kere, na nbem gusu kaaki jina dansaraka anɔ n nu ŋminda. ⁷ Kpenga na Nyeme mereke be aba ajina dansaraka n nu, na soɔ n ata wein. Na mereke n abo Petoro gbengben, na wo tenge i, na wo se i ka, "Yasu ndende." Na jorokɔ n bo i wo Petoro saa n afite atɔ. ⁸ Na mereke n ase i ka, "Bo u dambara ni, na a fa u gbagbaa n wura." Na Petoro ayo so, na wo kaaki ase i ka, "Fa u tanlee n wura, na a su m su." ⁹ Na Petoro asu i su afite dansaraka soɔ n nu, wo si ma ka sa n bo mereke n suyo i n ti nahore wo, i sunsun ka i yo i ka alele dee su wo. ¹⁰ Na ba kɔ asin sojam ciciri su dee n ŋu, na ba kɔ asin nnyɔ su dee n gusu ŋu, na ba kɔ aju bulaari anɔ n bo bu teke i ka na bu sin kɔ mie n kunnu ni. Na anɔ n ni i tii ateke, na ba fite. Bu toori atingbere n nu koori mo kaan, na mereke n akaba ayaki Petoro. ¹¹ Do na Petoro nyunu akoro, na wo se ka, "Kisa, ma si ka i ti nahore wo, ka Micera n ye wo sunma i mereke n ka i yi m fite Feme Herode saa nu, ni deke n kere bo Yudafɔm sunsun ka bu yo m ni."

¹² I faari nyini sa n kere nu so ni, na wo kɔ Mariya dika, i wa la Yohane n bo bu kaaki fere i Marako ni, nyini sanɔa, jama beberebe atien bu noɔ wo nyemesere su. ¹³ Na Petoro abobo dasin anɔ ni, na afani be, bu fere i ka Roda, na wo ba ka i ba nie soɔ n bo i bobo anɔ ni. ¹⁴ Na wo si akonvi n ka

Petoro lɛɛ, i ahore ajo agaya n dɛɛ ti, wɔ teke má anɔ ni, na wɔ ŋmati akpie i nyi, na wɔ kɔ ase minɛm bo bu wo awuru n nu n ka Petoro jina dasin. ¹⁵ Na ba se i ka, “A bo fie wɔ.” Ama, na wɔ kaaki ajojo ni anyumboro ka i ti nahɔrɛ wɔ. Do na ba se ka, “Kisa, i merɛke a.”

¹⁶ Nyini sanɔa n kere Petoro toko jina anɔ n nu wo bobo su. Kasin, na ba ba ateke anɔ ni, na sanɔa bo bu ŋuuri ka yiri ni, na ba yo alekutura. ¹⁷ Na Petoro afa i saa ayo bu ka bu yaki nanmie. Na wɔ kan akere bu kabo Mibiɛ n yiiri i fiteeri dansaraka sɔɔ n nu barasu ni. Na wɔ se bu ka, “Am kɔ kan ahin jɔrɛ n kere Yakobo ni yaradayofɔ nyingam n kɛrɛ.” Na wɔ fite bu bi bere ako deke be.

¹⁸ Ale ba ciinri ni, na jɔrɛ n amie sojam ni, ba si má kabo bu yo. Na ba se ka, “Ye nzu ayo Petoro a?” ¹⁹ Na Feme Herode ama nɔɔ ka bu nienie Petoro busu, ama, ba ŋu má i. Nyini ti, na wɔ bisa sojam bu jɔrɛ ni, na wɔ ma nɔɔ ka bu kun bu. Nyini sin, na Feme Herode afite Yudiya awɔrɛ n nu, na wɔ kɔ awo Sizariya mie kpiri n nu fa kɔ sanɔa su.

Kabo Feme Herode wuuri barasu ni

²⁰ Na Feme Herode afa yaa agaya Tiro ni Sidon mie n nufoɔm ŋu, nyini ti, na ba fa sesesu, na ba kɔ ka bu ŋu i. Bu du mo kɔɔri sɔnɔ be do ɔ ka, bu fere i ka Blasitusi, na bu ni i dɛɛ ayo kun ka. Blasitusi ti Feme Herode gisan n niefo kprien wɔ. Na wɔ nya fa bu ako Feme Herode do, na ba kɔ asere ka i ma bu ni yiri nya tanalaifie. Deke bo i ti na bu yoori sɔ n la ka, dama bu diire kere fite yiri feme n dɛɛ asien n su wɔ. ²¹ Cɛɛn n bo bu kpamaari i ba juuri ni, na Feme Herode awura i femeya sutura, na wɔ tana i femeya bie n su, na wɔ jojo minɛm n do. ²² I jojo wieeri ni, na mine kere atien, bu ŋa, “Ahin yiri, nyeme be ajojo a, má adamande.” ²³ Kpenɔa na Micera n mereke akaba abo i aji, dama wɔ ma má Nyeme jirima n dɛɛ ti. Na wɔ da tukpaki, na kakabam awura i, na wɔ wu.

²⁴ Na Nyeme noanie n asandi abara aye deke n kere, na ba nya mine donɔgu abuka su. ²⁵ Banabasi ni Soolu yoori bu juma n Yerusalem mie nu wieeri ni, na ba fa Yohane bo bu kaaki fere i ka Marako ni, na ba fite Yerusalem na ba kaaki ako Antiyoki mie kpiri n nu.

13

Kabo bu yiiri Soolu ni Banabasi sunmaari bu ni

¹ Kristo jama n bo i wo Antiyoki mie kpiri n nu ni, bu nu nbem ti Nyeme noanie kanfoɔm wɔ, na nbem gusu ti kerefoɔm. Bere la Banabasi, ni Simeyon bo bu kaaki fere i ka Nigero ni, ni Lukiyosi bo i fite Sirene mie kpiri n nu ni, ni

Manaye bo bu yo san̄ga taari i ni Feme Herode, ni Soolu ni.
² San̄ga bo bu cici bu nɔɔ na bu wo Mibiε n su su ni, na Awiewie Casi n ase bu ka, “Am yi Banabasi ni Soolu ma m, na bu yo juma n bo ma yi bu ka bu yo i ni.” ³ Bu ciciiri bu nɔɔ, na bu sereeri Nyeme n wieeri ni, na ba fa bu saa anana bu ŋu, na ba ma bu atin na ba kɔ.

Kabo Banabasi ni Soolu kɔɔri Sipurusi ni

⁴ Na Awiewie Casi n asunma Banabasi ni Soolu na ba kɔ aju miε kpiri be su, bu fere i ka Selusiya, na ba fa lee bambaka dɔ, na ba kɔ miε be bo i wo lui bambaka be su, bu fere nyini lui n ka Sipurusi n su. ⁵ San̄ga bo bu kɔ juuri lui n miε kpiri n bo bu fere i ka Salamisi n su ni, na ba kan Nyeme jɔre Yudafoɔm tientienbunɔɔ sɔɔm nu. Na Yohane bo bu kaaki fere i ka Marako n awo bu dɔ abuka bu juma. ⁶ Na ba fa bere asin akɔ aju lui bambaka n wie atɔɔri dεε bue ni, miε kpiri be su, bu fere i ka Pafosi. Na ba kɔ an̄u boboyayafɔ be dɔ, bu fere i ka Baari Yesu, i ti Yudafo ɔ, i yo i ŋu ka i ti Nyeme nɔanie kanfɔ ɔ, ama, i ti má i. ⁷ I yo wo lui bambaka n su gomina n dɔ ɔ, bu fere gomina n ka Segosi Pɔɔlu, i ti sifo ɔ. Na wo fere Banabasi ni Soolu, dama i koroori ka i ti Nyeme nɔanie n wo. ⁸ Ama, boboyayafɔ ni, bu kaaki fere i duma Giriki anie nu ka Elamasi ni, na wo boro i nyi ka i kanda gomina n na má i yo Yesu yarada. ⁹ Ama, na Nyeme Awiewie Casi n awura Soolu, bo bu kaaki fere i ka Pɔɔlu ŋu, na wo nie boboyayafɔ n gbirim, na wo se i ka, ¹⁰ “Wɔɔɔ, a ti Sitana dεε wa a. A ti deke kere bo i ti kpa n kpɔfɔ ɔ. Kɔre ni satieyo asunnu u ŋu. A ti Mibiε n atin kpa n saakifo ɔ. Cεen bɔnɔ ye a yaki i a? ¹¹ Ti fen, Mibiε ni bó u ji kisa, na a yó anyinsin fa kɔ san̄ga su, na a ŋú má wie ka i ta kun.” Kpen̄ga na i nyunu akaba asi biri, na i suturingi sunienie sɔnɔ bo i kere i atin. ¹² San̄ga bo gomina n ŋuuri nyini n sɔ ni, na i tiiri kabo bu kan Nyeme nɔanie ni, na wo yo i alekutura, nyini dεε ti, na wo yo Mibiε n yarada.

Kabo Pɔɔlu ni Banabasi kɔɔri Pisidiya dεε Antiyoki miε n nu ni

¹³ Na Pɔɔlu ni i lamokɔm n afa lee bambaka afite Pafosi dεε miε kpiri n nu akɔ aju miε kpiri n bo bu fere i ka Peregga na i wo Pamfiliya awɔre n nu ni. Na Yohane bo bu kaaki fere i ka Marako n akpaaki ayaki bu, na wo kpie i nyi akɔ Yerusalem miε kpiri n nu. ¹⁴ Na ba fite Peregga akɔ aju Antiyoki miε kpiri n bo i wo Pisidiya awɔre n nu ni. Na Numiyi cεen, na ba kɔ awura atana bu tientienbunɔɔ sɔɔ n nu. ¹⁵ San̄ga bo bu kaanri Nyeme nɔanie kpamaawa kadasi n bo Moyisi kereeri i ni, ni Nyeme nɔanie kanfɔm dεε kadasi n wieeri ni, na bu tientienbunɔɔ sɔɔ ni nkpienkpienm n

asunma ase Pɔɔlu ka, “Njam, nzen am la jɔɔɛ be bo am kan kere jama ni, na i ma bu ahoresi, am kan kere bu.” ¹⁶ Dɔ na Pɔɔlu ayasu ajina, na wɔ ye i saa su, na wɔ bo i bu na i jɔɔɔ, i ɲa, “M lamɔkɔ Yudafɔm, ni ambere bo am ti má Yudafɔm na am su Nyeme ni, am ti fen. ¹⁷ Yisarelifɔm Nyeme ni, yiri yo yiiri ya nam a, na wɔ ma ba tere abuka su, sangga bo bu yo ti wɔfɔm Ijipiti asien su ni. Na Nyeme afa i deɛ yiko bambaka n na wɔ yi bu afite Ijipiti asien n su, ¹⁸ na wɔ mindi abita bu boro kpantain n nu akɔ aju afɔ aburana. ¹⁹ Na wɔ butu daanfɛ barasu nso n bo bu wo Kanana asien n su ni, na wɔ fa bu asien n ama Yisarelifɔm ka bu fa yo bu tienngu deɛ. ²⁰ Ahin n kere yoori sɔ kɔ juuri afɔ yaa nna ni afɔ aburunu wɔ. Nyini sin, na Nyeme ayi mɔfɔm ama bu haari fa kɔ ju sangga bo i yiiri i noanie kanfɔ Samuweli maari bu ni. ²¹ Na ba ba ase Samuweli ka bu koro femɛ wɔ, na Nyeme ama Sɔɔlu bo i ti Kisi wa n ayo bu femɛ, i fite Benjamin n deɛ busu nu wɔ, na wɔ bita bu akɔ aju afɔ aburana. ²² Na Nyeme ayi Sɔɔlu femɛya n nu, na wɔ fa Feme Davidi bo i ti Jese wa n ajina i jinaabiri. Na Nyeme adi i ɲusu daani, i ɲa, ‘Yiri Davidi, Jese wa n ti sɔnɔ bo m ahore atara i a, yiri yɔ m sa koroowa kere a.’ ²³ Yiri Feme Davidi deɛ busu nu ye Nyeme seeri ka Yisarelifɔm Tiidefɔ Yesu ni fite n a. ²⁴ Kana Yesu ba ba, Yohane du mɔ ba kaanri Nyeme jɔɔɛ kereeri Yisarelifɔm wɔ, ka bu kaaki bu wo na i bie bu Nyeme nzue. ²⁵ Na sangga bo Yohane ba sukoro ka i wie i juma n ni, na wɔ se minem n ka, ‘Am sunsun ka mini la ɲma a? Ai, má mini la sɔnɔ n bo am ɲmindia i ka i bá n a. Ama, am ti fen. Yiri bo i wo m sin suba ni, m ti kaan mmɔɔ ni bo m dodo i.’

²⁶ M ninbaam, ambere bo am ti Abraham busu nufɔm ni, ni ambere bo am ti má Yudafɔm na am su Nyeme ni, yere ye Nyeme ma ba fa ahin tiide labari n ama ya a. ²⁷ Dama Yerusalemfɔm ni bu nkpienkpienm kere asi má Nyeme noanie kanfɔm deɛ kadasi n bu, haari ni bo bu kan i bu ɲumiyi cɛɛn n kere mmɔɔ ni. Ba kaaki asi má kabo Yesu ti barasu, na ba ma ba kun i. Nyini ma Nyeme noanie kanfɔm kadasi n ayo yiiwa a. ²⁸ Haari ni bo ba yo aɲu má deke n bo i ti na wɔ yo daka ka bu kun i ni, bu sereeri Gomina Pilato wɔ, ka i ma bu kun i. ²⁹ Na sangga bo bu yoori sa n kere bo ba kere i Nyeme Jɔɔɛ Kadasi n nu fa kɔ i ɲusu jɔɔɛ ni, na ba jura i baka jaanu n su, na ba fa i awura yabue bue fanjunma nu. ³⁰ Ama, na Nyeme atenge i yiwee n nu, ³¹ na wɔ yi i ɲu bo i la má nɔ akere minem kere bo bu suuri i su fiteeri Galili awɔɔɛ n nu kɔɔri Yerusalem ni. Bere n bo bu ɲuuri sam bo bu yoori ni, kisa bere sudi i daani kere ya minem n a. ³² Nyini ti, ya ba ka ya kan labari kpa

sam n bo Nyeme seeri ka i fa ma ya nam ni kere am a, ³³ ye i ma noanie n ayo yiiwa ama yere bo ya ti bu busu nufom n a, wo tenge Yesu i yiwee n nu, kabo ba kere i Kansi Jue kereewam n nu, i jue nnyo su ni. Nyeme na,

‘Woro ti m Wa a,
nyuma, m kaaki u Si.’

³⁴ Bekun, kabo i tengeeri i yiwee n nu na i kporo ma fan-
kunma nu ni, Nyeme akaaki ase ka,

‘M fa deke kpa n bo i ti casi na i la anyunuyi n ma u,
yiri ye m seeri ka m fa ma Feme Davidi n a.’

³⁵ Ba kaaki akere i Kansi Jue kereewam n awore be nu, ka,
‘A yaki ma na u Amusuisufo Casi n wu kporo.’

³⁶ Feme Davidi yo yoori Nyeme kun koroowa haari na wo
ba awu, na ba se i deke bo bu seeri i nam ni, na i nuniembaa
n akporo fan-
kunma n nu. ³⁷ Ama, yiri n bo Nyeme tengeeri
i yiwee n nu ni, wo kporo ma. ³⁸ Nyini ti, m ninbaam, m
koro ka am si ka yiri Yesu dee ti ye bu kaanri labari kpa n
jore kereeri am a, ka Nyeme afa am satie ace am. ³⁹ Sono
kere bo i yoori yiri n yarada, Nyeme afa i mi satie kere ace i.
Noanie kpamaawa n bo Moyisi fa maari ni, wo koro afa ma
minem satie ace ma bu. ⁴⁰ Am si am nu sa, adena ma sam
bo Nyeme noanie kanfom yo seeri n be tu am. ⁴¹ Bu yo seeri
ka,

‘Amberere bo am yo Nyeme anzasi ni, am ti fen,
am yo alekutura na am ka ngbeen,

dama m suyo juma be am dee sangha nu,

haari ma be kan kereeri am, am de ma i.’ ”

⁴² Na sangha bo Poolu ni Banabasi sufite tientienbunoo soo
n nu ni, na minem n asere bu ka bu kaaki bra Njumiye een
n bo i suba ni, na bu ba kan nyini jorem bo ba kan akere
bu ni, na bu ti bekun. ⁴³ Sangha bo minem ni ba sandiiri
tientienbunoo soo n ni, na Yudafom nbem, ni bo bu ti ma
Yudafom na ba kaaki bu woowa na bu su Yudafom atin n
su ni, na bu dongu asu Poolu ni Banabasi su. Na Poolu ni
Banabasi atu bu fo, ka ma bu kaaki bu sin bo sakpa n bo
Nyeme ayo ama bu ni. ⁴⁴ Njumiye een n ba juuri ni, na
minem n dongu bo bu wo mie n nu n aba atien bu noo
tientienbunoo soo n nu na bu ti Nyeme jore ni. ⁴⁵ Sangha
bo Yudafom nkpienkpienm ni juuri jama n so ni, na ba si
Poolu kore, na bu ni yiri awura akuruwa, na ba kpie i nzuko.

⁴⁶ Ama, na Poolu ni Banabasi ajojo ni ahoresi, bu na, “I ti
ye ni ka ya du mo kan Nyeme noanie n kere amberere wo ka.
Ama, kabo am akete i na am koro ma ka am nya ngoo n bo
i la ma awieeri ni, ya yaki am wo, na ya ko kan kere minem
bo bu ti ma Yudafom ni. ⁴⁷ Dama noanie maawa bo Mibie
n fa maari ya n lee. I na,

'Ma yi u ka a yo wein ma minem bo bu ti má Yudafom ni, adena durunya n nufom kere nya tiide.' "

⁴⁸ Saŋga bo minem n bo bu ti má Yudafom tiiri ahin noanie n so ni, na bu ahore ajo, na ba kansi Mibie n noanie ni. Na minem bo Nyeme ayi bu ka bu nya ngoo n bo i la má awieeri n ayo yarada. ⁴⁹ Na Mibie n noanie n asandi abara aye nyini awore n kere nu. ⁵⁰ Ama, na Yudafom nkpienkpienm n awura minem bu sin, bere la nbaram bo bu la wo na bu su Nyeme ni, ni nbiesom bo bu wo mie n nu na bu se na i bi ni. Na ba kere Poolu ni Banabasi wuwuruwa, na ba fon bu afite bu asien n su. ⁵¹ Na Poolu ni Banabasi akponkpon bu jaa tuturi ago bu nu, nyini kere ka ba kete mie n nufom lee, na ba ko mie kpiri be bo bu fere i ka Ikoniom n su. ⁵² Na Yesu susufom bo bu wo Antiyoki do ni, bu ahore ajo agaya, na Awiewie Casi n awo bu do.

14

Kabo Poolu ni Banabasi koori Ikoniom mie kpiri n nu ni

¹ Poolu ni Banabasi ko juuri Ikoniom mie kpiri n nu ni, bu kaaki yoori so bekun, na ba wura bu tientienbunoo soo n nu, na ba kan Nyeme jore n ni anyumboro haari na mine beberebe ayo yarada, Yudafom, ni bo bu ti má Yudafom n kere. ² Ama, na Yudafom nbem bo bu yo má yarada n awura minem bo bu ti má Yudafom bu sin akpura bu ni yaradayofom n tii. ³ Na Poolu ni Banabasi awo do ayo lennyo. Na bu sujoko Mibie n jore ni ahoresi, na Mibie n ama bu fanja, na wo ma bu atin na ba yo alekutura sa barasu barasum, adena mine nu bu na bu si ka i ti nahore wo. ⁴ Na kpakpaakinu aba mie n nufom do, na nbem ajina Yudafom n sin, na nbem gusu ajina Yesu jaramasam n sin.

⁵ Na bo bu ti má Yudafom ni, ni Yudafom ni, fa saŋga ni bu mofom n afa sesesu atara kabo bu yo Yesu jaramasam ni tie, na bu tu bu yabue. ⁶ Na Yesu jaramasam n afa nu fa ko kabo bu koro ka bu yo ni, na ba nmati ako mie kpiri nbem bo bu fere bu ka Lisitira ni Derebi n su. Bu wo Likawoniya awore n nu wo, na bu nya nati subara ye aheme ahemem. ⁷ Do na ba kan labari kpa n akere minem.

Kabo Poolu ni Banabasi ko woori Lisitira mie kpiri n nu jore ni

⁸ Sono be woori Lisitira mie kpiri n nu, i jaa awu, kabo bu wuuri i ni, i ti wobuka a, wo nati ma. ⁹ Na wo tana aso i sui ati kabo Poolu sujoko ni. Na Poolu afa i nyumbaa akpama i nu, na wo fa nu ka sono n ayo yarada, ka i koro tuntun i na i nya laifie. ¹⁰ Na wo tien kpa ase i ka, "Yasu jina cencen." Na sono n ayasu kungerekun awarakpin sunati

bara ye. ¹¹ Saŋga bo jama n ŋuuri sa n bo Pɔɔlu ayo i sɔ ni, na ba tien kpa Likawoniya anie n nu, bu ŋa, “Ya nyemem akaaki ka adamandem wɔ, ye ba jura aba ya dɔ a.” ¹² Na ba fere Banabasi duma ka Ziyosi, bu amɔɛ kpiri duma lee, na ba fere Pɔɔlu ka Heremesi, dama yiri ti amɔɛ n cem a. ¹³ Na amɔɛ n bo bu fere i ka Ziyosi n sɔɔ jina mie n aheme, na amɔɛ n fɔ n ni mie n nufɔm anyɔndi tooram ni baka pum afa aba mie n anɔ nu ka bu fa yo tie ma Pɔɔlu ni Banabasi. ¹⁴ Saŋga bo Pɔɔlu ni Banabasi tiiri kabo minem koro ka bu yo ni, na bu ahore asaaki na yaa ati bu, nyini ti, na ba cin asɔn bu sutura bo bu wura i, na ba ŋmati awura jama n afien sutien bu ŋu, ¹⁵ bu ŋa, “Njam o e, nzu ti ye am suyo sɔ a? Yere mmɔɔ ni ya tii, ti adamandem kabo am ti n wɔ. Ya ba ka ya kan labari kpa n kere am wɔ, na am yaki nyini deke ŋgbɛɛnm ni, na am su Nyeme bo i wo bere saŋga kere ni. Yiri yiiri angoro, ni asiɛngu, ni tieku n ni dekem kere bo bu wo nu n a. ¹⁶ Dawa saŋga ni, yiri Nyeme yo maari atin wɔ ka daanfie kere yo kabo i koro. ¹⁷ Ama, haari ni nyini n kere, saŋga kere i yo sakpa ma am wɔ, i ma nzue tɔ ma am wɔ, na am alembaa bo am dɔ bu n yo nyunyumi, na am di, na am kunnu yi, na i ma am ahorejɔ. Nyini kere kere am ka i wo bere a.” ¹⁸ Haari ni nyini jɔjɔwa n kere n mmɔɔ ni, i yoori kekereke maari Pɔɔlu ni Banabasi ye bu koro kandaari jama n ye ba yo má tie ama bu n a.

¹⁹ Na Yudafo nbem afite Antiyoki ni Ikoniom mie kpirim n nu aba Lisitira, na ba ma minem ade bu nɔanie, na ba tutu Pɔɔlu yabuɛ, bu sunsun ka wɔ wu wɔ, na ba cin i afite mie n nu. ²⁰ Ama, na Yesu susufɔm n atien bu nɔɔ abara aye i, na wɔ yasu, na wɔ kpie i nyi awura mie n nu. Na alecin fɔfɔre, na yiri ni Banabasi afite dɔ, na ba kɔ Derebi mie kpiri n nu.

Kabo Pɔɔlu ni Banabasi kaaki kɔɔri Siriya dɛɛ Antiyoki n su ni

²¹ Na Pɔɔlu ni Banabasi akan labari kpa n Derebi mie kpiri n nu, na ba nya susufɔm beberebe dɔ. Na ba kpie bu nyi akɔ Lisitira, ni Ikoniom mie kpirim n nu, na ba nya akɔ Antiyoki mie kpiri n bo i wo Pisidiya awɔre n nu ni. ²² Na ba se yaradayofɔm ni ka, bu ma bu yarada n yo biiwa, na ba ma bu ahoresi. Na ba se bu ka, “Wɔ yo daka ka bu kere ya wuwuruwa beberebe ka, na ya nya koro wura Nyeme femeya n nu.” ²³ Mie kere bo bu wɔori su, bu yi nkpienkpienm wɔ Kristo jama n nu, na bu cici bu nɔɔ, na bu sere Nyeme, na bu fa bu wura yiri Mibie n bo ba yo i yarada n saa nu ka i nie bu dika. ²⁴ Bu fite dɔ ni, na ba fa Pisidiya awɔre n nu akɔ atie Pamfiliya dɛɛ awɔre n nu. ²⁵ Dɔ na ba

kan Nyeme jore Perega mie kpiri n nu, na ba nya ako Ataliya mie kpiri n nu, ²⁶ na ba fa lee bambaka afite do akpie bu nyi akaaki ako Antiyoki mie kpiri n bo i wo Siriya awore n nu. Do ye bu du mo sereeri Nyeme maari bu ka bu di i ahorma fa ko nyini juma n bo kisa ba yo i awie ni. ²⁷ Sangha bo bu ko juuri Antiyoki ni, na ba tien Kristo jama n noo, na ba kan sam n bo Nyeme ayo bu ni, ni kabo wo teke atin ama bo bu ti ma Yudafo m na ba yo yarada barasu ni. ²⁸ Na ba wo yaradayofom n do mie n nu ace.

15

Kabo Kristo jama n tienri bu noo Yerusalem ciciri su ni

¹ To, na mine nbem afite Yudiya awore n nu aba Antiyoki mie kpiri n nu, na bu sukere yaradayofom ni bu dee kereewam. Bu na, "Ma ka ba wura am kenkenne kabo Moyisi yo kereeri ni, am koro nya ma tiide." ² Na Poolu, ni Banabasi, ni bere ase akuruwa nyannyan fa ko nyini jore n bu su. Nyini ti, na ba fa seseu ka Poolu, ni Banabasi, ni yaradayofom nbem bo bu wo Antiyoki ni, ka bu ko Yerusalem mie kpiri n nu na bu ko bisa Yesu jaramasam ni, ni Kristo jama nkpienkpienm n nyini jore ni.

³ Na Kristo jama n akaari bu na ba ko. Bu wo ko su ni, na ba fa Fonisiya, ni Samariya aworem n nu, na ba kan akere dofom kabo minem bo bu ti ma Yudafo m n ayo Nyeme yarada barasu ni, na nyini labari n ama yaradayofom n ahore ajo ako asin su. ⁴ Sangha bo bu ko juuri Yerusalem ni, na Kristo jama ni, ni Yesu jaramasam, ni nkpienkpienm n ade bu ni bu saa nnyo, na ba kan akere bu fa ko deke n kere bo Nyeme ma ba koro ayo i ni. ⁵ Ama, na yaradayofom nbem bo bu su Farasifom atin n su n ayasu ajina, ase ka, "Wo yo daka ka minem bo bu ti ma Yudafo m na ba yo Yesu yarada n awura kenkenne ka, na bu nya ma bu noo ka bu su Nyeme noanie kpamaawa n bo i fa maari Moyisi n su."

⁶ Na Yesu jaramasam ni nkpienkpienm ni, atien bu noo, na bu kpokpo jore n nu nyunyumi. ⁷ Na ba se nyini jore n akuruwa bu nnu nu ace, na Petoro ayasu ajina, na wo se bu ka, "M ninbaam, am si ka mini ye Nyeme du mo yiiri m fiteeri am nu, ka m ma minem bo bu ti ma Yudafo m n ti labari kpa ni, adena bu yo yarada. ⁸ Na Nyeme bo i si kabo adamande ahorembaa ti barasu ni, akere ka ba yo yarada nahore su, dama wo fa i Awiewie Casi n ama bu, kabo i yo fa maari yere mmoo ni. ⁹ Nyeme do, yere ni bere la ma kpakpaakinu lee, dama yarada n bo ba yo i n dee ti, wo nmisi ayi satie kere bo i wo bu ahore su ni. ¹⁰ Kisa, nzu ti ye am koro ka am yo Nyeme na am nie a, ye am suso

yaradayofom soori bo ya nam, ni yere ni ya tii akoro aso má i a? ¹¹ Ai. Yere ayo yarada ka ya Mibie Yesu ahoroma n dæe ti, ye ya nya tiide a, nyini ma bere gusu nya tiide a.”

¹² Na minem kere ato amuna, na bu ti kabo Banabasi ni Pɔɔlu sukan kere bu fa ko alekutura sa barasu barasum bo Nyeme ma bu koro yo maari minem bo bu ti má Yudafom ni. ¹³ Sanga bo bu jɔɔ wieeri ni, na Yakobo gusu ayasu ajoɔ. I ɲa, “M ninbaam, am ti fen. ¹⁴ Simon atenge ya su kabo Nyeme ni i tii adu mo akere ka i cece wo minem bo bu ti má Yudafom nu ni, ni kabo wo yi bu nbem afa bu ayo i dæe minem ni. ¹⁵ Nyeme noanie kanfom dæe noanie n bo bu yo seeri n ni ahinm n kere ti kun wo, dama bu kereeri ka, ¹⁶ Micera n ɲa,

‘Nyini sin, m káaki ba ye Feme Davidi awuru n bo wo to n su,

na m tá i bonfo ni, na m yó i dongu.

¹⁷ Adena daanfem n bo ba ka n kere bá kpini Mibie busu, bere la minem bo bu ti má Yudafom na ma fere bu ka bu ti m dæem ni.

Micera ni seeri so a,

¹⁸ yiri bo i yo seeri dada kere ka i yó i ni.’ ”

¹⁹ Na Yakobo akaaki ase bu ka, “Mini dæe sunsunni la ka, minem bo bu ti má Yudafom na bu suba Nyeme do ni, wo yo má daka ka ya mie bu. ²⁰ Ama, i ti ye ni ka ya kere kadasi ma bu, na ya se bu ka, má bu di tie nie, na má bu yo sakaraya, na má bu di nie bo ba kpie má i kom, na má bu di nie mbunja. ²¹ Dama ba du mo akan Moyisi noanie kpamaawa n jore ya nam sangá, haari ni nyuma bu toko kan i kadasi mie n kere su wo, na bu sukan i na sono kere ti bu tientienbunoo soom nu Njumiya ceen kere.”

Kabo bu kereeri kadasi maari Antiyokifom ni

²² Do na Yesu jaramasam ni, ni nkpienkpienm ni, ni Kristo jama n kere afa sesesu asoro su ka bu yi bu nu nbem, na bu sunma bu ni Pɔɔlu, ni Banabasi Antiyoki mie kpiri n nu, bere la Yudasi bo bu fere i ka Basabasi ni, ni Silasi. Nyini mine nnyom kere ti Kristo jama n mofom wo. ²³ Na ba kere kadasi ama bu ka bu fa ko. Kereewa n la ka,

“Yere am ninbaam, ni Kristo jaramasam, ni nkpienkpienm ni subisa am dongu, ambere bo am ti má Yudafom na am wo Antiyoki ni, ni bo bu wo Siriya ni Silisiya dæe aworem nu ni. ²⁴ Ya ti ka ya nbem afite ya nu fen aba am do, aba akan jore nbem akere am bo wo mie am, na wo yo am sunsunni agaya. Yere ni ya tii asunma má bu. ²⁵ Nyini ti, ye ya kere atana asese su, asoro su ayi minem asunma bu ni ya danfo kpm Banabasi ni Pɔɔlu am do. ²⁶ Bere ye ba fa bu ngoo ama ya Mibie Yesu

Kristo dɛɛ ti n a. ²⁷ Nyini ti, ya súsunma Yudasi ni Silasi am dɔ, na bɛrɛ ni bu tii bá teke bu nɔɔ, na bu kán jɔrɛ kɛrɛ bo i wo kadasi n nu kere am. ²⁸ Kabo ya ni Awiewie Casi n dɛɛ ayo kun, na ya soro su lɛɛ, ka ya sɔ má am sɔɔri nɔnɔɔri be, sin ahin dekem bo wɔ yo daka ka am yo bu ni. ²⁹ Má am di tiɛ niɛ, má am di niɛ mbunja, má am di niɛ bo ba kpɛ má i kɔm, na má am yo sakaraya. Nzen am tara am ŋu na am ayo má ahin sam ni, i yó kpa ma am. Tɔ, ya ka saŋga lɛɛ.”

³⁰ Na minem bo bu sunmaari bu n akɔ aju Antiyoki. Bu kɔ juuri ni, na ba nya atien yaradayofɔm kɛrɛ nɔɔ, na ba fa kadasi n ama bu. ³¹ Saŋga bo bu kaanri kadasi n wieeri ni, na bu ahore ajɔ, na wɔ kaaki ama bu ahoresi. ³² Na Yudasi, ni Silasi bo bɛrɛ ni bu tii ti Nyemɛ nɔaniɛ kanfɔm ni, akan Nyemɛ jɔrɛ beberebe akere bu, na bu ahore asi, na wɔ buka bu faŋga. ³³ Na ba wo dɔ aɛ, na yaradayofɔm n akaari bu ni ahoreda, na ba kpɛ bu nyi akɔ bɛrɛ n bo bu sunmaari bu n dɔ. [³⁴ Ama, Silasi ase ka i ka bu dɔ.] ³⁵ Ama, na Pɔɔlu ni Banabasi aka Antiyoki, na bu ni bu beŋgu dɔŋgu akan na ba kere minem Mibiɛ n nɔaniɛ ni.

Kabo Pɔɔlu ni Banabasi kpaaki yakiiri bu beŋgu ni

³⁶ Tɔ, fa kɔ saŋga su, na Pɔɔlu ase Banabasi ka, “Ma ya kpɛ ya nyi kɔ miɛm kɛrɛ bo ya kaanri Mibiɛ n jɔrɛ kereeri bu n su, na ya kɔ niɛ kabo ya ninbaam ti barasu.” ³⁷ Má Banabasi koro ka bu fa Yohane bo bu kaaki fere i ka Marako n na bu kɛrɛ kɔ ɔ, ³⁸ ama, na Pɔɔlu akete ka i sù má bu su, dama saŋga bo bu wo Pamfiliya awɔrɛ n nu ni, i ŋmati yakiiri bu wɔ, wɔ su má bu su abuka má bu ni juma ni. ³⁹ Dɔ na akuruwa bambaka aba bu afiɛn, na ba kpaaki ayaki bu beŋgu, na Banabasi afa Marako abuka i ŋu su, na ba fa lee bambaka akɔ Sipurusi asien n su, ⁴⁰ na Pɔɔlu gusu afa Silasi ka i su i su, na yaradayofɔm n atien bu nɔɔ asere Nyemɛ ama bu, ka bu di Mibiɛ n ahɔrɔma. ⁴¹ Na wɔ kɔ abara aye Siriya, ni Silisiya awɔrɛm n nu, na wɔ ma Kristo jama n ahoresi.

16

Kabo Timoti, ni Pɔɔlu, ni Silasi nati yoori juma ni

¹ Na Pɔɔlu anati haari na wɔ kɔ aju Derebi, ni Lisitira miɛ kpirim n nu, sɔnɔ be woori dɔ, i ti Kristo susufɔ ɔ, bu fere i ka Timoti. I ni ti Yudafɔ bara bo wɔ yo Kristo yarada wɔ, ama, na i si ti Girikifɔ. ² Na yaradayofɔm bo bu woori Lisitira ni Ikoniyyom miɛ kpirim n nu n kere ase ka Timoti ti sɔnɔ kpa a. ³ Pɔɔlu koroori ka i fa Timoti buka i ŋu su wɔ, na bu sunati, na wɔ wura i kɛnkɛnɛ. Má deke

be dɛɛ ti a, ama, Yudafɔm bo bu woori dɔ n dɛɛ ti, dama bu kɛrɛ si ka Timoti si ti Girikifo ɔ. ⁴ Na ba nati miɛ miɛm su, na ba kan akere yaradayofɔm fa kɔ jɔrɛ n kɛrɛ bo Yesu jaramasam, ni nkpienkpiɛnm bo bu wo Yerusalem miɛ kpiri n nu n asɛsɛ su asoro su ka bu yo i n su. Na ba se bu ka bu su nyini atinm su nyunyumi. ⁵ Nyini ti, na Kristo jamam n anya fanja, na bu yarada ayo biiwa abuka su, na bu sunya minɛm subuka su ale kɛrɛ bo i cin.

Kabo Pɔɔlu ŋuuri sɔnɔ be ka alele nu dɛɛ su ni

⁶ Na ba fa Firigiya, ni Galatiya dɛɛ awɔrɛ n nu asin, dama Awiewiɛ Casi n ama má bu atin na bu kan Nyɛmɛ jɔrɛ n Esiya dɛɛ awɔrɛ n nu. ⁷ Saŋga bo bu kɔ juuri Masiya dɛɛ awɔrɛ awieeri ni, má bu koroori ka bu wura Bitiniya dɛɛ awɔrɛ n nu wɔ, ama, Yesu dɛɛ Awiewiɛ n asoro má bu su ka bu wura dɔ. ⁸ Nyini ti, na ba fa Masiya awɔrɛ n nu, na ba sin akɔ miɛ kpiri be bo bu fere i ka Tɔrasi n nu. ⁹ Nyini cɛɛn n kɔŋgɛ, na Pɔɔlu aŋu deke be ka alele nu dɛɛ su, ka sɔnɔ be wo Makɛdoniya awɔrɛ n nu, jina susere i, i ŋa, “Jande, bra Makɛdoniya fɛn na a ba buka ya.” ¹⁰ Pɔɔlu ŋuuri nyini deke n ka alele nu n dɛɛ ti, ya kaba yoori siriya a, na ya kɔ Makɛdoniya, dama ya si ka Nyɛmɛ ye wɔ se ka ya kɔ dɔ na ya kɔ kan i labari kpa n jɔrɛ kere minɛm n bo bu wo dɔ n a.

Kabo Lidiya yoori Yesu yarada ni

¹¹ Na ya fa lee bambaka afite Tɔrasi miɛ kpiri n nu akpiɛ akɔ aju miɛ be bo i wo lui bambaka be su, bu fere nyini lui n ka Samotarase. I alecin fɔfɔrɛ na ya kɔ aju miɛ kpiri n bo bu fere i ka Nɛpolisi n su. ¹² Na ya fite bɛrɛ akɔ miɛ kpiri be bo bu fere i ka Filipiya n su, yiri ti Makɛdoniya awɔrɛ n nyini bue n miɛm kɛrɛ tii a. Romafɔm niɛ i su a. Na ya yo lennyɔ dɔ. ¹³ Na Nɔmuyi cɛɛn ni, na ya fite miɛ n nu akɔ kunma nu, dɔ ye ya sunsun ka ya kɔ ŋu ka deke bo Yudafɔm n tien bu nɔɔ sere Nyɛmɛ a. Na ya tana, na ya ni nbaram bo ba tien bu nɔɔ n abo anzama. ¹⁴ Bara be woori bu nu, bu fere i ka Lidiya, i fite miɛ kpiri be bo bu fere i ka Tiyatira n su wɔ, i tɔ sanvuin kpakpam bo i la gɔ, i ti bara bo i su Nyɛmɛ wɔ, na Nyɛmɛ ateke i sunsunni, na wɔ so i sui nyunyumi, na wɔ ti kabo Pɔɔlu suse ni. ¹⁵ Na ba biɛ i ni i dikafɔm kɛrɛ Nyɛmɛ nzue, na wɔ sere ya jande ka, “Nzen am asoro su ka ma yo Mibiɛ n yarada nahɔrɛ su, am ba wo m dika.” I yoori ya awaraye n dɛɛ ti, na ya soro su.

Kabo bu nyiiri Pɔɔlu ni Silasi dansaraka nu ni

¹⁶ Cɛɛn n be sɔ ɔ, ya sukɔ deke bo Yudafɔm n tien bu nɔɔ sere Nyɛmɛ ni, na ya ni sunɔguru be ayɛ, i ti afani wɔ, ajini wo i ŋu, na i nati yi munzue. Nyini dɛɛ ti, na i tofɔm anya

ɲwaa beberebe afite i munzue yi n nu. ¹⁷ Na i nati susu ya ni Pɔɔlu su, na i sutien suse ka, “Ahin minem ti Nyeme Kpiri n dɛɛ amusuisufɔm wɔ. Bere kere am kabo am yo na am nya tiide a.” ¹⁸ I nati yoori sɔ ɔ, cɛɛn n kere cɛɛn, haari na yaa aba ati Pɔɔlu, na wɔ kaaki anie i, na wɔ tien ajini n bo i wo sunguru n ɲu n na wɔ se i ka, “Yesu Kristo dɛɛ duma n dɛɛ yiko nu, fite yaki i.” Kpenga, na ajini n afite ayaki i.

¹⁹ Tɔ, sanga bo afani n tofɔm ɲuuri ka bu koro nya má ɲwaa fite má i n dɔ kun ni, na ba tara Pɔɔlu ni Silasi, na ba cin bu akɔ mie n kunnu afa bu awura yikofɔm saa nu. ²⁰ Bu faari bu kɔ juuri jɔredifɔm nkpienkpienm dɔ, na ba se ka, “Ahin minem ni ti Yudafɔm wɔ, na bu nati sukpini jɔre ya mie n nu. ²¹ Bu nati sukere sayoowam bo ya dɛɛ nɔanie kpamaawa atin n su, wɔ yo má daka ka ya de bu, wara ya su bu su, dama ya ti Romafɔm wɔ.” ²² Na jama n kere atɔ Pɔɔlu ni Silasi ɲu ni jɔre ɲgbɛɛnɲgbɛɛn. Na jɔredifɔ nkpienkpienm ama ba yi Pɔɔlu ni Silasi suturam, na ba ma nɔɔ ka bu fin bu ɲgbere. ²³ Nyini dɛɛ ti, na ba bo bu nyunyumi, na ba kɔ anyi bu dansaraka, na ba ma dansaraka niefɔ n nɔɔ ka i tu anɔ n na i nie bu dika nyunyumi. ²⁴ Dansaraka niefɔ n deeri nyini nɔanie n wieeri sɔ ni, na wɔ fa bu akɔ awura dansaraka n sɔɔ n bo i wo mɔ n nu, na wɔ bo bu tobarim.

²⁵ Na fa kɔ kɔɲgue jinanjin sangá, na Pɔɔlu ni Silasi susere Nyeme, na bu sudi jue kansii, na bu bengɔ dansarakam ni suso bu sui suti. ²⁶ Jina n nu bere, na asien n akpisi agaya, haari na dansaraka sɔɔ n jaafa bo bu fa boori i bu n kere akpisi, na anɔm n kere ateke, na tobari n kere n bo bu fa boori bu n akporo atoto. ²⁷ Na dansaraka niefɔ n abo nu ayasu, na wɔ ɲu ka dansaraka sɔɔ anɔm n kere ateke, i sunsun ka dansarakam kere anmati asandi wɔ, nyini ti, na wɔ cin awɔɔ i takobe ka i kun i ɲu wɔ. ²⁸ Ama, na Pɔɔlu atien kpa ase ka, “Má a ma u ɲu mandim. Ya kere wo fɛn.” ²⁹ Na dansaraka niefɔ n afere ka bu fa sin bra, na wɔ bereki awura Pɔɔlu ni Silasi sɔɔ n nu, na sere ati i, na i ɲunie subobo i, na wɔ kɔ akutu bu jaa bu. ³⁰ Dɔ na wɔ fa bu afite, na wɔ bisa bu ka, “M mibiɛm, m yo se ye m nya tiide a?” ³¹ Na ba bɔ i nu ka, “Yo Mibiɛ Yesu yarada, na a nyá tiide, wɔɔ ni u dikafɔm kere.” ³² Na ba kan Mibiɛ n nɔanie n akere i, i ni bo bu wo i dika n kere. ³³ Nyini cɛɛn n kɔɲgue n kere, na dansaraka niefɔ n afa Pɔɔlu ni Silasi akɔ, na wɔ kɔ anmisi bu kani n kere, na ba kaba abie yiri ni i dikafɔm kere Nyeme nzue. ³⁴ Dɔ na wɔ fa bu akɔ i dika, na wɔ ma bu diire, na ba di. Na yiri ni i dikafɔm kere ahore ajo agaya ka ba yo Nyeme yarada n dɛɛ ti.

³⁵ Alecin ngarama, na jɔredifɔm n asunma npulisim ka bu kɔ se dansaraka niefo n ka i yaki nyini minem nu ji na bu kɔ. ³⁶ Nyini ti, na dansaraka niefo n asere Pɔɔlu ka, “Jɔredifɔm n ama nɔɔ ka ya yaki am na am kɔ. Nyini ti, am kɔ ni ahoreda.” ³⁷ Ama, na Pɔɔlu ase npulisim ni ka, “Haari ni bo ya ti Romafɔm ni, ba di má ya jɔre aɲu má ya ngasi be, na ba bo ya jama n kere nyunu, na ba nyi ya dansaraka. Ye kisa bu sukoro ka bu fie yi ya ji benle, nzen se? Nyini koro yo má, má ka bere ni bu tii aba na bu ba yi ya ji.” ³⁸ Na npulisim n akɔ ase jɔredifɔm ni. Bu tiiri ka Pɔɔlu ni Silasi ti Romafɔm ni, na sere ati bu. ³⁹ Nyini ti, na ba ba atara Pɔɔlu ni Silasi jaa, na ba nya ayi bu afite dansaraka n nu, na ba sere bu jande ka bu fite mie n nu. ⁴⁰ Na ba fite dansaraka sɔɔ n nu, na ba kaaki akɔ Lidiya dika, na ba kɔ aɲu yaradayofɔm ni, na ba ma bu ahoresi, na ba nya afite mie n nu akɔ.

17

Kabo Pɔɔlu kɔɔri Tesalonika mie kpiri n nu ni

¹ Na Pɔɔlu ni Silasi afa asin Amfipolisi, ni Apoloniya mie kpirim su, na ba kɔ aju Tesalonika mie kpiri n nu. Yudafɔm tientienbunɔɔ sɔɔ wo dɔ. ² Nyini ti, kabo i nati yo ni, na Pɔɔlu awura bu tientienbunɔɔ sɔɔ n nu akɔ aju Njumiya cɛɛn nsan, na i ni bere subo anzama fa kɔ Nyeme Jɔre Kadasi n su, ³ na i sukan, na i suyi i bu kere bu, kabo wɔ yo daka ka Kristo Tiidefo n ba di wahara na i tenge i yiwee nu ni. Na wɔ se bu ka, “Yiri Kristo Tiidefo n la Yesu n bo m kan i jɔre kere am ni.” ⁴ Na Yudafɔm nbem ade jɔre n bo Pɔɔlu kaanri i ni, ni Girikifɔm beberebe bo bu su Nyeme ni, ni nbaram beberebe bo bu la anyunuyi ni, na bu kere afa bu ɲu amata Pɔɔlu ni Silasi. ⁵ Ama, na Yudafɔm n asi bu kɔre agaya, na ba fere minem ngbeɛnngbeɛn nbem bo bu la má kperɛ na bu nati tana gɔɔsu ni, na ba tien jama dɔngɔ nɔɔ. Na ba kpisi mie ni, na ba kɔ sɔɔ be bo bu fere i ka Jason n dika, akɔ ajina i dika aɔ nu, deke bo Pɔɔlu ni Silasi wo ni, na bu sutientien ka i yi bu ma bu na bu fa bu kɔ jama n nu. ⁶ Ama, bu kɔ nienieeri na ba ɲu má bu ni, na ba tara Jason ni yaradayofɔ nbem acin bu afa bu akɔ mie n nu yikofɔm dɔ, na bu sutien suse ka, “Ahin minem n bo ba saaki durunya n abara aye ni, aba ya mie n nu fen, ⁷ haari Jason ade bu awura i dika. Ba kete Romafɔm femɛ kpiri n nɔanɛ n bo wɔ fa ama ka ya su i su ni, bu ɲa femɛ be wo bere bekun, bo bu fere i ka Yesu.” ⁸ Bu seeri sɔ ni, na wɔ ye yikofɔm ni jama n ahore su. ⁹ Na yikofɔm n akpɛ Jason ni i bengum kɔbuka, na ba tɔ kaari, na ba nya ayaki bu aji.

Kabo Pɔɔlu woori Beriya mie kpiri n nu ni

¹⁰ Nyini cɛɛn n kɔŋgɛ n kɛrɛ, na yaradayofɔm n ase Pɔɔlu ni Silasi atin nu akɔ aju mie kpiri be bo bu fere i ka Beriya n su. Bu kɔ juuri dɔ n na ba kɔ awura Yudaɔfɔm tientienbunɔɔ sɔɔ n nu. ¹¹ Dɔ dɛɛ Yudaɔfɔm joko n ti kpa tara bɛrɛ n bo bu wo Tesalonika mie kpiri n nu ni. Bu soori bu sui wɔ ni nahɔrɛ su, na ba ti kereewa n bo bu kere bu ni, na ale kɛrɛ bo i cin, bɛrɛ ni bu tii kan Nyemɛ Jɔrɛ Kadasi n wɔ, na bu niɛ ka, deke n bo Pɔɔlu sukere bu n ti nahɔrɛ wɔ, nzen i ti má nahɔrɛ. ¹² Na Yudaɔfɔm ni dɔŋgu ayo yarada, fa saŋga ni Girikifɔm beberebe, nbaram bo bu la anyunuyi n ni nbiesɔm. ¹³ Ama, saŋga bo Yudaɔfɔm bo bu wo Tesalonika n tiiri ka Pɔɔlu akɔ akan Nyemɛ jɔrɛ Beriya dɔ gusu ni, na ba ba dɔ aba awura minɛm bu sin, na ba yɛ bu yaa su. ¹⁴ Kpɛŋga na yaradayofɔm n ayo ndende afa Pɔɔlu akɔ ase haari tieku n nɔɔ su, ama, na Silasi ni Timoti yiri aka Beriya dɔ. ¹⁵ Na minɛm n bo bu seeri Pɔɔlu atin nu ni, afa i akɔ aju haari mie kpiri be bo bu fere i ka Atensi n su. Bu kpieeri bu nyi sukɔ ni, na Pɔɔlu akaari bu ka bu kɔ se Silasi ni Timoti ka bu bra na bu ba tu i dɔ ndende.

Kabo Pɔɔlu kɔɔri Atensi mie kpiri n nu ni

¹⁶ Saŋga bo Pɔɔlu wo Atensi mie kpiri n nu sunmindanda Silasi ni Timoti ni, na i ahore asaaki agaya kabo i ŋuuri ka amɔɛm asunnu mie n nu ni. ¹⁷ Nyini dɛɛ ti, na wɔ kɔ awura Yudaɔfɔm tientienbunɔɔ sɔɔ n nu, na i ni bɛrɛ, ni minɛm bo bu ti má Yudaɔfɔm na bu su Nyemɛ ni, subo anzama. Na i sukɔ gɔɔsu cɛɛn n kɛrɛ cɛɛn, na i sukan kere minɛm bo bu wo dɔ ni. ¹⁸ Sifɔm asɛsɛ nbem wo mie n nu, bu fere bu kun ka Epikurifɔm, na bu fere nyiŋga n ka Sitɔwafɔm, na bu suse akuruwa ni Pɔɔlu, na bu nbem abisa ka, “Ye ahin jɔrɛ beberebefɔ n ŋa sɛ wɔ lɛɛ?” Na bu nbem abɔ nu ka, “I jɔɔ fa kɔ amɔɛ fɔfɔrɛ nbem jɔrɛ wɔ.” Deke bo i ti na bu seeri sɔ n la ka, Pɔɔlu sukan Yesu ni yiwee tenge n su jɔrɛ wɔ. ¹⁹ Na ba fa Pɔɔlu akɔ awɔrɛ be bo bu fere i ka Aropagɔsi na bu tien bu nɔɔ di jɔrɛ n nu. Na ba se i ka, “A koro kere ya na ya ti ahin kereewa fɔfɔrɛ n bo a sufa kere n bu? ²⁰ Ahin kereewa n bo a sukere i ni, ya si má i, ya koro ka a ma ya ti i bu wɔ.” ²¹ Dama Atensifɔm ni wɔfɔm bo bu wo mie n nu n dɛɛ la ka, saŋga kere bu sukan na bu suti kereewa fɔfɔrɛm wɔ.

²² Na Pɔɔlu ayasu ajina mie n nu teretereɔfɔm n afien, na wɔ se ka, “Ma ŋu kabo ambɛrɛ Atensifɔm su amɔɛm na am yo munzue sam ni anyumboro. ²³ Dama kabo m nati bara yɛ niɛ yi kɔrɛsi ni, ma ŋu dekem bo am su bu ni, na ma ŋu bimbindi be bo am akere su ka, ‘Nyemɛ n bo ya si má i n dɛɛ

woobiri læe.' Tɔ, yiri n bo am su i na am si má i ni, yiri ye m kan i jɔɛ kere am a. ²⁴ Nyeme bo i yiiri durunya n ni deke n kere bo i wo nu ni, yiri ti angoro ni asienɔgu kere Mibiɛ a, i wura má amɔɛ sɔɔm bo adamande afa i saa ata bu n nu na i da. ²⁵ Sasu bekun, i fun má deke be bo i se adamande ka i yo ma i, dama yiri ni i tii ma adamande ɔɔɔ ni ɔumi a, ni deke n kere a. ²⁶ Yiri ma adamande n kere fite sɔɔɔ kun busu n nu wɔ, na wɔ ma ba tere ade durunya n kere. Na wɔ nya akpama sanɔa sanɔa ama bu kere, na wɔ kaaki akere bu kabo bu asien nyaari ti. ²⁷ Deke n bo i ti na i yoori sɔ n la ka, bu bá turingi nienie i busu na beni bu ɔú i. Ama, haari ni nyini mmɔɔ ni, i wo má dede ni yere kere be. ²⁸ Dama yiri dɛɛ ti ye ya la ɔɔɔ ye ya wo bere ye ya nati a. Kabo am juedifo nbem gusu ase ni, ka,

'Yere mmɔɔ ti i nbaam wɔ.'

²⁹ Nyini dɛɛ ti, kabo ya nya ti Nyeme nbaam ni, má ya sunsun ka i woowa ti ka sika, wara jete, wara yabue nyunyumi, wara deke be bo juma sifom afa bu alecira ayo i. ³⁰ Dawa sanɔa ni, Nyeme ayo anie má minem fa kɔ bu sayoowam su, dama bu yo si má. Ama, kisa, wɔ ma nɔɔ ka sɔɔɔ kere bo i wo deke kere kaaki i wo na i yaki i satie. ³¹ Dama wɔ du mɔ akpama cɛen na wɔ yi sɔɔɔ be ka i bá di durunya n nufom jɔɛ ni nahɔɛ. Deke bo i kere ya kere ka i bá yo sɔ n la bo i tengeeri i yiwee n nu ni."

³² Sanɔa bo bu tiiri ka Pɔɔlu sukan fa kɔ yiwee tenge n su n jɔɛ ni, na bu nbem ayo i anzasi. Ama, na bu nbem ase ka, "Ya koro ka a kaaki ba kan ahin jɔɛ n bekun na ya ti." ³³ Dɔ na Pɔɔlu akɔ ayaki bu. ³⁴ Na bu nbem asu i su na ba yo yarada. Bere la Diyonusiyoɔsi, i ti Aropagɔsifom n nu kun wɔ, ni bara be bo bu fere i ka Damarisi ni, ni minem nbem.

18

Kabo Pɔɔlu kɔɔri Korinto mie kpiri n nu ni

¹ Nyini sin, na Pɔɔlu afite Atensi mie kpiri n nu, na wɔ kɔ Korinto mie kpiri n nu. ² Na wɔ kɔ atu Yudafo sɔɔɔ be dɔ, bu fere i ka Akuyila, i ti Pontusi asien su fɔɔ, i ni i yi, bu fere i ka Pirisila, bu fiteeri Itali asien su baari a, wɔ nya cɛ má ye Pɔɔlu ɔuuri bu n a, dama Romafom feme kpiri n bo bu fere i ka Kalodisi n ama nɔɔ ka Yudafo kere fite i asien n su. Nyini dɛɛ ti, na Pɔɔlu akɔ ka i kɔ nie bu busu, ³ na wɔ kɔ aseke bu wɔfo, na i ni bere asanɔa ayo juma, dama bu kere ti jerekem ni tani wufom wɔ. ⁴ Na ɔumiyi cɛen kere, i suwura bu tientienbunɔɔ sɔɔ n nu, na i subo anzama ni bere, ni Girikifom kere, adena i kaaki bu sunsunni na bu yo yarada.

⁵ Saŋga bo Silasi ni Timoti fiteeri Makēdoniya awɔre n nu ba juuri ni, Pɔɔlu nyunu aboro ni labari kpa n jɔre kan su ŋgumi wɔ. Na i sukere Yudafoɔm n ka, Yesu ti Kristo n a, Tiidefo n bo Nyeme ase ka i sunma i ni. ⁶ Ama, Yudafoɔm n keteeri i noanie n wɔ, na ba kpie i nzuko. Nyini dee ti, na wɔ kpɔnkpɔn i sutura wuraawa tuturi ago bu ŋu, na wɔ se bu ka, “Amberɛ, nzen am nya ma tiide, i ti am dee jɔre wɔ, ma m dee. Fite kisa fa ko, m ko minem bo bu ti ma Yudafoɔm n do o lee.” ⁷ Do na Pɔɔlu afite tientienbunoo soo n nu ayaki bu, na wɔ ko sono be dika, i ti ma Yudafo, ama, i su Nyeme wɔ, bu fere i ka, Titosi Jusitosi, i dika n mata tientienbunoo soo n wɔ. ⁸ Na sono n be bo bu fere i ka Kirisipusi na i ti bu tientienbunoo soo n kpian n ayo Mibie n yarada, i ni i dikafom kere, na Korintofom dongu bo bu tiiri labari n bo Pɔɔlu kaanri i ni, na bu kere ayo yarada, na ba bie bu Nyeme nzue.

⁹ Ceen n be kongue so o, na Mibie n ajojo Pɔɔlu do ka alele nu dee su, i ŋa, “Ma a soro sere, ama, ko su na a sukan labari kpa n kere bu, ma a mo u noo, ¹⁰ dama m wo u do. Be koro fa ma i saa kan ma u na i yo u pui. Nie fen, m la mine beberebe mie n nu fen bo bu ti m dee.” ¹¹ Na wɔ wo bu do ako aju afo kun ni kpaaki nu, na i sukere bu Nyeme noanie ni.

¹² To, bu wo bere na sono n be bo bu fere i ka Galiyo n aba adi Akaya awɔre n nu gomina. Nyini saŋga n na Yudafoɔm kere noo ayo kun, na ba kete Pɔɔlu ŋu na ba fa i ako jɔre diibiri. ¹³ Na ba se ka, “Ahin sono ni suboro i nyi sukere minem kereewa bo i wo i ŋgumi ni Nyeme noanie kpamaawa ni.” ¹⁴ Saŋga bo Pɔɔlu tekeeri i noo ka i jojo ni, na Gomina Galiyo ase Yudafoɔm ka, “Nzen ma i ti ka wo yo satie be, wara wo do ngasi be, ye am sujaraki i a, ma m ti i bu ma am. ¹⁵ Ama, kabo i nya ti bisaawam fa ko noaniem, ni dumam, ni am dee noanie kpamaawam n su ni, amberɛ ni am tii ko yo i dongu. Mini, m koro di ma nyini jɔre ni.” ¹⁶ Na wo ma ba fon ayi bu afite jɔre diibiri soo n nu. ¹⁷ Na bu kere akaba ato sono n bo bu fere i ka Sositeni n ŋu na bu subo i wɔ, jɔre diibiri n nyunu bere, yiri ti tientienbunoo soo nkpien a. Ama, Gomina Galiyo cee awo ma nyini n be nu.

Kabo Pɔɔlu kpieri i nyi kɔɔri Antiyoki mie kpiri n nu ni

¹⁸ Na Pɔɔlu awo Korinto mie kpiri n nu ace, nyini sin na wo kaari yaradayofom ni na i ni Pirisila ni Akuyila ako. Bu ko juuri mie kpiri n bo bu fere i ka Kenciriya n su ni, na Pɔɔlu ayi i tii do, dama wo du mo atan ndie n dee ti. Na ba wura lee bambaka be nu do, i sukɔ Siriya awɔre n nu. ¹⁹ Bu ko juuri Efeso mie kpiri n nu ni, na wo yaki Pirisila ni

Akuyila dɔ, ama, na yiri akɔ awura YudaƆm tientienbunɔɔ sɔɔ n nu, na i ni bɛrɛ abo anzama fa kɔ labari kpa n su. ²⁰ Na ba sere i ka i wo bu dɔ lennyɔ, ama, wɔ soro má su. ²¹ Na wɔ sere bu atin na wɔ kaari bu, na wɔ se bu ka, “Nzen Nyeme maari m atin, m kpíe m nyi ba am dɔ.” Na wɔ yasu Efeso dɔ, na wɔ fa lee bambaka akɔ. ²² Saŋga bo i kɔ juuri Sizariya miɛ kpiri n nu ni, na wɔ sin akɔ Yerusalem miɛ kpiri n nu akɔ ayo Kristo jama n anse, na wɔ nya kɔ Antiyoki miɛ kpiri n nu. ²³ Na wɔ yo lennyɔ dɔ, na wɔ nya akaaki ayasu dɔ, abara aye miɛ miɛm bo bu wo Galatiya, ni Firigiya dɛɛ awɔrɛm n nu n kɛrɛ, na wɔ ma yaradayoƆm n kɛrɛ ahoresi.

Kabo Apolosi kɔɔri Efeso ni Kɔrinto miɛ kpirim n nu ni

²⁴ Nyini saŋga ni, YudaƆ sɔnɔ be aba Efeso miɛ kpiri n nu, bu fere i ka Apolosi, bu wuuri i Alekizanderiya miɛ kpiri n nu wɔ. I yo la si fa kɔ Nyeme Jɔrɛ Kadasi n su, na i koro jɔjɔ nahɔrɛ su. ²⁵ Ba du mɔ akere i kereewam fa kɔ Mibiɛ n dɛɛ atin su, na i ahore abi na i ŋuniɛ ti nyakanyaka, na i sukan na i kere minɛm Yesu jɔrɛ nahɔrɛ su. Ama, i si má nzue biɛɛwa be, má ka Yohane dɛɛ Nyeme nzue biɛɛwa ni ŋgumi. ²⁶ Na wɔ bo i bu na i sukan i ni ahoresi YudaƆm tientienbunɔɔ sɔɔ n nu. Saŋga bo Pirisila ni Akuyila tiiri i kereewam n sɔ ni, na ba fa i akɔ awuru, na ba kere i Nyeme atin n su jɔrɛ nyunyumi abuka su. ²⁷ Nyini sin, na Apolosi akoro ka i kɔ Akaya awɔrɛ n nu, na yaradayoƆm ni bo bu wo Efeso n ama i ahoresi, na ba kɛrɛ kadasi ama bu ninbaam bo bu wo Akaya n ka bu de i wɔfɔ nyunyumi. Saŋga bo i kɔ juuri dɔ ni, na wɔ buka minɛm bo Nyeme dɛɛ ahɔrɔma n nu na ba yo yarada ni. ²⁸ Na YudaƆm seeri akuruwa n dɛɛ ti, na wɔ fa Nyeme Jɔrɛ Kadasi n na wɔ kan ayi bu fieo fieo jama n kɛrɛ nyunu, ka, Yesu ti Kristo n a, TiideƆ n bo Nyeme ase ka i súnma i ni.

19

Kabo Pɔɔlu kɔɔri Efeso miɛ kpiri n nu ni

¹ Saŋga bo Apolosi toko wo Kɔrinto miɛ kpiri n nu ni, na Pɔɔlu anati abara aye dɔ dɛɛ aheme miɛ miɛm n kɛrɛ su, haari na wɔ kɔ aju Efeso miɛ kpiri n nu. Dɔ na wɔ kɔ atu Yesu susufɔ nbem, ² na wɔ bisa bu ka, “Saŋga bo am yoori yarada ni, Awiewie Casi n awura am ŋu?” Na ba bo i nu ka, “Ai, ya nya ti má ka Awiewie Casi wo bɛrɛ mmɔɔ.” ³ Dɔ na Pɔɔlu abisa bu ka, “Ye nzu Nyeme nzue ye bu biɛeri am a?” Na ba bo i nu ka, “Bu biɛeri ya Yohane dɛɛ nzue biɛɛwa n wɔ.” ⁴ Na Pɔɔlu ase bu ka, “Yohane nzue biɛɛwa n bu la ka, mine kaaki bu wo na bu yaki bu satie wɔ. Na wɔ se minɛm n ka bu yo sɔnɔ n bo i wo i sin suba n yarada, yiri

la Yesu.” ⁵ Bu tiiri nyini n sɔ wieeri ni, na ba biɛ bu Nyɛmɛ nzue ya Mibiɛ Yesu n dɛɛ duma nu. ⁶ Na Pɔɔlu afa i saa anana bu ŋu, na Awiewiɛ Casi n awura bu ŋu. Na ba jɔjɔ anie barasu barasu nbem, na ba kan Nyɛmɛ nɔanie akere minem. ⁷ Bu kɛrɛ kɔ yasuuri nbiesɔm buru ni nnyɔ ɔ.

⁸ Na wɔ wo dɔ haari sara nshan, na Njumiya cɛɛn kɛrɛ, na i suwura bu tientienbunɔɔ sɔɔ n nu, na i sukan kere bu fa kɔ Nyɛmɛ femɛya n su ni ahoresi, na i ni bɛrɛ subo anzama, na wɔ boro i nyi akere bu ka, kabo i kan n ti nahɔrɛ wɔ. ⁹ Ama, na bu nbem afa ahorembaa kekereke, na ba kete ka bu yo mǎ yarada. Na ba jɔjɔ jɔrɛ tie fa kɔ Mibiɛ n dɛɛ atin n su, jama n kɛrɛ nyunu. Nyini ti, na Pɔɔlu ayaki bu, na wɔ fa yaradayofɔm n afite akɔ Tiranusi tientienbunɔɔ sɔɔ bambaka n nu, na i ni bɛrɛ sutien bu nɔɔ subo anzama, fa kɔ Yesu dɛɛ atin n su cɛɛn n kɛrɛ cɛɛn. ¹⁰ Pɔɔlu bitaari i sɔ ɔ, haari afɔ nnyɔ, na minem kɛrɛ bo bu wo Esiya dɛɛ awɔrɛ n nu n ati Mibiɛ n nɔanie ni, bo bu ti Yudafɔm, ni bo bu ti mǎ Yudafɔm n kɛrɛ.

Sikeva nbaabiesɔm n jɔrɛ

¹¹ Na Nyɛmɛ ama Pɔɔlu ayo alekutura sam bo bu la mǎ ŋusu. ¹² Haari na sanvuinm ni suturam kɛrɛ bo ba kan i ŋunie, na bu fa kɔ nana tukpakifɔm ŋu, bu nya laifie wɔ, na ajinim fite yaki minem bo bu wo bu ŋu ni. ¹³ Na Yudafɔm nbem bo bɛrɛ gusu nati jɛngbe fɔn yi ajinim fite minem ŋu ni, aboro bu nyi ka bu fa Yesu duma n fɔn yi ajinim. Bu ŋa, “Yesu n bo Pɔɔlu kan i jɔrɛ n dɛɛ duma nu, ye m se am ka am fite yaki sɔnɔ n a.” ¹⁴ Yudafɔm mine nso nbem nati yo nyini sam n a. Bɛrɛ la Nyɛmɛ sayoowa dɔnguyofɔm n kɛrɛ kpɛn be bo bu fere i ka Sikeva n dɛɛ nbaabiesɔm ni.

¹⁵ Ama, na ajini n ase bu ka, “M si Yesu, na m kaaki si Pɔɔlu, ama, ye amɛrɛ la ŋma n wɔ?” ¹⁶ Na sɔnɔ n bo ajini n wo i ŋu ni, atɔ bu ŋu na wɔ kunma bu kɛrɛ faŋga, na wɔ bo bu na wɔ ma bu mandim, na ba ŋmati afite i dika n nu bu bu ŋgbɛɛn. ¹⁷ Saŋga bo Yudafɔm ni minem bo bu ti mǎ Yudafɔm na bu wo ɛfɛso mie kpɛri n nu n kɛrɛ tiiri nyini sa n sɔ ni, na sɛrɛ ati bu, na ba kansɛ Mibiɛ Yesu n duma agaya. ¹⁸ Na mine dɔngɔ bo ba yo yarada n afite ajina, na ba kan bu ŋgasim ni bu satiem kɛrɛ bo ba yo bu n akere jama ni. ¹⁹ Na mine dɔngɔ bo bu nati yo boboyaya juma n afa bu boboyaya kadasim ni, na ba tien bu nɔɔ jama n kɛrɛ nyunu, na ba yara bu kɛrɛ. Kadasim n kɛrɛ bo bu yaraari bu ni, i ŋwaa sunnu agaya, bu buuri i akunta, i kɛrɛ kɔ yasuuri bu dɛɛ jɛtɛ ŋwaa akpii aburunu wɔ. ²⁰ Nyini n dɛɛ ti, na mine beberebe ati Mibiɛ n nɔanie ni, na wɔ sandi abara ye ni faŋga.

Kabo minem tientien yoori nanmie Efeso mie kpiri n nu ni

²¹ Nyini n kere sin, na Pɔɔlu afa sunsunni ka i kɔ Makedoniya ni Akaya de awɔrem n nu, na i nya sin kɔ Yerusalem mie kpiri n nu. Na wɔ se ka, “Nzen m nya nyuuri m natiiri n kere nyaari, wɔ yo daka ka m kɔ Roma mie kpiri n nu gusu.” ²² Na wɔ sunma i bukafɔ nnyom ni, bere la Timoti ni Irasitusi ka bu kɔ Makedoniya, na yiri aka Esiya de awɔre n nu, ayo lennyɔ.

²³ Nyini sangha n ye Mibie n atin n su su n ayo jɔre agaya Efeso mie kpiri n nu n a. ²⁴ Jete tunmi be yo wo dɔ, bu fere i ka Demetirɔsi, i fa jete wɔ, na i fa yo sɔ kan kanm, bu ti ka amɔe n bo bu fere i ka Atemisi n wɔ, na i sufa tɔ ma minem. Na minem bo bu yo nyini juma n anya kperɛ beberebe afite nu. ²⁵ Tɔ, na yiri Demetirɔsi afere minem bo bu yo nyini juma atien bu nɔɔ, na wɔ se bu ka, “Njam, am si ka ya nya ya de ajɛke kere fite ahin juma n bo ya yo i n nu wɔ e. ²⁶ Yiri Pɔɔlu ni, kisa, am anu i e, am ati kabo wɔ koro akan ateke mine beberebe nyi ni, mɔ bo bu wo Efeso fen ngumi, ama, ni bo bu wo Esiya de awɔre n nu kere, i na amɔem bo adamantem yo bu n ti mɔ nyeme ni. ²⁷ Nyini n bo i wo su ni, nzen ya yakiiri na i yɔ sɔ ɔ, ya juma n bo ya yo i ni, i kɔ ngbeen wɔ. Mɔ nyini ngumi, ama, minem fɔ mɔ ya amɔe kpiri Atemisi sɔ n yo mɔ pui, dama yiri Atemisi n ye minem bo bu wo Esiya awɔre n nu ni durunya n nufɔm kere su yiri wɔ. I nya yoori sɔ, Atemisi fɔn nyini jirima n wɔ lee.”

²⁸ Jama n tiiri ahin jɔjɔwa n sɔ ni, na yaa ati bu, na ba tien kpa, bu na, “Yere Efesofɔm de amɔe Atemisi ni, yiri ti yikofɔ a.” ²⁹ Na mie n abo nu, na minem suyo nanmie. Na jama n akaba akɔ atara Gayosi ni Arisitakusi, bere bo bu suuri Pɔɔlu su fiteeri Makedoniya baari ni. Na ba cin bu akɔ tientienbunɔɔ fofoe paa n nu. ³⁰ Mɔ Pɔɔlu ni i tii koroori ka i kɔ deke bo jama n atien bu nɔɔ n wɔ, na i jɔjɔ bu dɔ, ama, yaradayofɔm n asoro mɔ i su. ³¹ Haari na nyini awɔre n nu yikofɔm bo bu ti i danfɔm n asunma asere i jande ka mɔ i kɔ tientienbunɔɔ fofoe n nu. ³² Nyini sangha n kere ni, bu nyunu ata, na jama n sutientien, suyo nanmie, nbem na sɔ, nbem gusu na ahin, ama, bu dɔngu asi mɔ deke n bo i ti na ba ba atien bu nɔɔ ni. ³³ Na Yudafɔm asun sɔnɔ be bo bu fere i ka Alekizanda n adu jama n nyunu, nyini de ti, mine nbem sunsun ka yiri faari nyini sam n kere baari a. Dɔ na wɔ ye i saa su ka jama n yaki nanmie, na i sukan na minem si deke bo i wo nu. ³⁴ Ama, sangha bo bu faari nu ka i ti Yudafɔ ni, na bu kere atien kungerekun, bu na, “Yere Efesofɔm de amɔe Atemisi ni, yiri ti yikofɔ a.” Ba

tientien sɔ ɔ ace haari sanɔa su. ³⁵ Na sɔnɔ be bo i ti bu mie n nu kadasi kerɛfɔ n aba bu dɔ, na wɔ se bu ka, “Am yaki nanɔmie.” Dɔ na wɔ nya se bu ka, “Amberɛ Efesofɔm, am ti fen, nɔma wo berɛ bo i si má ka Efesofɔm niɛ Atemisi amɔɛ kpiri sɔɔ n ni yabuɛ n bo i fiteeri anɔgoro tɔɔri n su a?” ³⁶ Sɔnɔ be wo má berɛ bo i koro se ka ahin jɔrɛ n ti má nahɔrɛ. Nyini ti, wɔ yo daka ka am tara am nɔ, má am koro nde yo sa be bo i kunma am. ³⁷ Ahin minem bo am afa bu aba fen ni, ba wɔ má puitiripui afite má amɔɛ sɔɔ n nu, ba kaaki akpɛ má nzukɔ be ajaraki má ya amɔɛ ni. ³⁸ Nzen Demetirɔsi ni i benɔgu jumayofɔm ni, la jaraki fa kɔ bu be dɔ, jɔrɛdifɔm ni gomina nkpienkpienm wo berɛ, bu koro jaraki nyini minem bu dɔ. ³⁹ Ama, nzen sa be wo berɛ buka su na am koro ka ya yo i dɔnɔgu a, am fa bra sanɔa bo mie n nu jama n kerɛ la bu tientienbunɔɔ ni. ⁴⁰ Nanɔmie n bo am ayo i nyuma ni, i la má kperɛ, i koro fa ya wura jɔrɛ nu, dama ya koro kan má deke n bo i ti na am ayo sɔ ni. ⁴¹ I jɔjɔri sɔ wieeri ni, na wɔ ma jama n asandi.

20

Kabo Pɔɔlu kɔɔri Makedoniya ni Girikifɔm dɛɛ awɔrɛ n nu ni

¹ Minem ni yoori nanɔmie n wieeri ni, na Pɔɔlu afere yaradayofɔm n atien bu nɔɔ, na wɔ ma bu ahoresi, na wɔ kaari bu, na wɔ kɔ Makedoniya awɔrɛ n nu. ² Na wɔ fa nyini awɔrɛ n kerɛ nu, na wɔ jɔjɔ yaradayofɔm kerɛ dɔ, na wɔ ma bu ahoresi, na wɔ fa dɔ akɔ aju Girikifɔm dɛɛ awɔrɛ n nu, ³ na wɔ wo dɔ haari sara nsan. Na sanɔa bo i wo sesesu su ka i kɔ Siriya awɔrɛ n nu ni, na wɔ ti ka Yudafɔm akpa bu nɔ akɔ anɔminda i atin nu, nyini dɛɛ ti, na wɔ yo i sunsunni ka i kpɛ i nyi fa Makedoniya a. ⁴ Na mine nbem asu i su akɔ, berɛ la Sopateri bo bu fere i si ka Pirihusi na i fite Beriya mie kpiri n nu ni, ni Arisitakusi, ni Sekundosi bo bu fite Tesalonika mie kpiri n nu ni, ni Gayosi bo i fite Derebi mie kpiri n nu ni, ni Tikikusi, ni Torofimosi bo bu fite Esiya dɛɛ awɔrɛ n nu ni, ni Timoti. ⁵ Na berɛ kerɛ adu mɔ akɔ anɔminda ya Tɔrasi mie kpiri n nu. ⁶ Na yerɛ aka Filipiya mie kpiri n nu, haari na Yudafɔm aba adi bu cɛenkpiri n asin, bo bu di i ni kpɔnɔ na bu gɔ má ayiri nu na i yasu ni, na ya nya afa lee bambaka, na i lennu cɛen na ya kɔ atu bu Tɔrasi, na ya wo dɔ akɔ aju lesɔ.

Kabo Pɔɔlu kɔɔri Tɔrasi mie kpiri n nu awieeri su ni

⁷ Na Yudafɔm bakue n bumboori, mɔnɛ cɛen, na ya kerɛ atien ya nɔɔ ka ya sanɔa di diire. Na Pɔɔlu ajɔjɔ minem dɔ,

haari kɔŋgue jinanjin, dama i koroori ka nyini cɛɛn alecin i kaari bu wɔ, na i kɔ yaki bu. ⁸ Ya tieɛnri ya nɔɔ angoro sɔɔ be nu wɔ, fitanam sunnu nu dɔ. ⁹ Na gbɛfɛnɛ be, bu fere i ka Itikusi, na wɔ fun atana sɔɔ angoro nsan n tukoro n su, na daafiri ati i. Pɔɔlu jɔjɔ cɛɛri na wɔ daafi, na wɔ fite angoro aba atɔ asiɛngu. Bu jura kɔ maari i su ni, nyini sanɔa wɔ wu. ¹⁰ Na Pɔɔlu ajura akɔ asiɛngu, na wɔ fun abutu i ŋu, na wɔ fa i saa abara aye i, na wɔ se bu ka, “Má am ma sere ti am, dama i la ŋɔɔ.” ¹¹ Dɔ na Pɔɔlu akpie i nyi afun akɔ angoro sɔɔ n nu dɔ, na i ni bere kere asanɔa adi diire, na ba bo anzama, haari ale akɔ acin, na wɔ kaari bu na wɔ kɔ. ¹² Na ba nya afa gbɛfɛnɛ n akɔ awuru ni laifie, na bu ahore ajo akɔ asin su.

Kabo Pɔɔlu fiteeri Torasi kɔɔri Miletosi ni

¹³ Na Pɔɔlu afa sɛsɛsu ka yere fa lee bambaka du mɔ ɔ, na yiri nati na ya ni yiri kɔ saa nu Asosi mie kpiri n nu. ¹⁴ Sanɔa bo i ba tuuri ya dɔ ni, na wɔ wura lee n nu, na ya ni yiri kere akɔ mie kpiri n bo bu fere i ka Mitulene n su. ¹⁵ Na ya yasu dɔ, i alecin, na ya kɔ dodo lui bambaka n bo bu fere i ka Kiyɔsi n su. Na i alecin bekun, na ya kɔ aju lui bambaka nyinɔa n bo bu fere i ka Samosi, na i alecin fɔfɔre, na ya kɔ aju mie kpiri n bo bu fere i ka Miletosi n su. ¹⁶ Na Pɔɔlu aboro i nyi ka i ju Yerusalem mie kpiri n nu ka, na bu di Pentekoti cɛɛnkpiri ni, nyini ti, wɔ koro má ka i cɛ Esiya dɛɛ awɔre nu, na wɔ san asin Efeso mie kpiri n dɛɛ bue ni.

Kabo Pɔɔlu kaariiri Efeso dɛɛ Kristo jama nkpienkpienm ni

¹⁷ Sanɔa bo Pɔɔlu wo Miletosi mie kpiri n nu ni, na wo sunma afere Kristo jama nkpienkpienm bo bu wo Efeso mie kpiri n nu n ka bu ma bu ni yiri ye. ¹⁸ Sanɔa bo bu ba juuri i dɔ ni, na wɔ se bu ka, “Amberɛ ni am tii si kabo m woowa ti barasu, sanɔa kere bo m woori am dɔ ni, fite cɛɛn gbingbin n bo m ba juuri Esiya awɔre n nu ni. ¹⁹ M yoori m ŋu kaan wɔ, na ma yo Mibie n juma n ni nyunvuin. Haari ni bo Yudaɔm sɛsɛeri su ka bu kere m wuwuruwa barasu n kere ni, m mindi deer i wɔ. ²⁰ Am si ka deke kere bo i ti kpa na i buka am ni, m kaanri i kereeri am wɔ jama n kere nyunu, ma fa afie má am su, na m sunati awuru awurum n kere nu na m sukere am. ²¹ M kan kereeri Yudaɔm ni bo bu ti má Yudaɔm n kere wɔ, ka bu kaaki bu wo fa kɔ Nyeme dɔ, na bu yo ya Mibie Yesu n yarada. ²² Tɔ, kisa Awiewie Casi ni ma m sukɔ Yerusalem mie kpiri n nu n a, ama, m gusu si má deke bo i kɔ yo m dɔ. ²³ Deke bo m si i n la ka, mie kere bo m kɔ su ni, Awiewie Casi n se m ka bu kere m wuwuruwa, na bu nyi m dansaraka. ²⁴ Ama, m fa má m

tienggu ngɔɔ yo má pui. Deke bo i kpɛ m daafiri n kere la ka, má ka ma yo juma n bo Mibiɛ Yesu n afa ama m n awie. Yiri la ka, m kan labari kpa n fa kɔ Nyemɛ ahɔrɔma n bo wɔ fa ama minem ni.

²⁵ Kisa m si ka am be mmɔɔ nɔ́ má m kun, amberɛ bo m yo nati am nu kan Nyemɛ jɔrɛ fa kɔ i femeya n su kere am ni. ²⁶ Nyini dɛɛ ti, m suse am wɔ lɛɛ nyuma, ka wɔrɔ kere bo a kaari ngbɛɛn, i ti má m jɔrɛ. ²⁷ Dama deke kere bo Nyemɛ koroori ka am yo i ni, ma fa afiɛ má am su, ma kan i akere am. ²⁸ Nyini ti, am bita am nɔ nyunyumi, na am kaaki niɛ Kristo jama minem kere su, bere bo Awiewiɛ Casi n afa ama am ka am niɛ bu dika ni, kabo bɔɛsasafɔ niɛ i nbɔɛm su ni. Nyini minem ye Nyemɛ faari i tienggu Wa mbunja deerɛ bu jiiri n a. ²⁹ M si tenle su ka m kɔ yakiiri am, mine tiem ba wura am nu, kabo bedi wura nbɔɛm nu sandi bu n wɔ. ³⁰ Haari na am dɛɛ minem nbem bo bu wo am nu fen ni, bu bá kaaki nahɔrɛ ni, na bu dádaka yaradayofɔm nbem na bu su bu dɛɛ atin n su. ³¹ Nyini dɛɛ ti, am kpa am nɔ, na am tenge su ka afɔ nsan lɛɛ bo m nati bɔbɔ am ni nyunvuin, kɔngue ni wiesu. ³² Kisa, m sufa am wura Nyemɛ saa nu wɔ lɛɛ, na i niɛ am dika, na m kaaki fa am wura i dɛɛ nɔɔniɛ n bo i ma am ahɔrɔma nu, na i buka am na i má am nya deke n bo Nyemɛ ase ka i fá ma i tienggu minem kere ni. ³³ M konviki awo má be nɔwaa, wara sutura nu. ³⁴ Amberɛ mmɔɔ ni am tii si ka m yo faari m saa yoori m juma a, ye m fa bukaari m nɔ ni m lamɔkɔm n kere a. ³⁵ Kabo ma yo juma n sɔ ni, m sukere am ka am gusu yo i sɔ ɔ lɛɛ, na am buka yaarifɔm, na am tenge su kabo ya Mibiɛ Yesu n ni i tii seeri ni. I nɔ, 'Terefiɛ wo sɔnɔ bo i ce aceeri n dɔ tara sɔnɔ bo i de aceeri ni.' " ³⁶ Saɔga bo Pɔɔlu jojo wieeri ni, na i ni bere kere akutu bu jaa nanɔgoroma su, na wɔ sere Nyemɛ. ³⁷ Na bu kere asun, na ba fa bu saa abara aye i, na ba biti i. ³⁸ Na bu ahore asaaki agaya, dama i seeri bu ka bu nɔ́ má i kun. Na ba se i atin nu, na wɔ kɔ awura lee bambaka n nu.

21

Kabo Pɔɔlu kɔɔri Yerusalem ni

¹ Na ya kaari bu, na ya fa lee bambaka, na ya wɔ ya tii cein akɔ aju miɛ n bo i wo lui bambaka n su na bu fere i ka Kosi ni. Na i alecin na ya kɔ aju awɔrɛ n bo bu fere i ka Rodesi ni, na ya fite dɔ, na ya kɔ Patara miɛ kpɛri n nu. ² Dɔ na ya nɔ lee bambaka be ka i sukɔ Fonisiya dɛɛ awɔrɛ n nu, na ya wura i akɔ. ³ Ya sukɔ ni, na ya nɔ Sipurusi lui bambaka ni, na ya yaki ya saa biɛ su, na ya sin akɔ Siriya awɔrɛ n nu. Na ya nya akɔ ajina Tiro miɛ kpɛri n nu, dɔ ye bu yi bu sɔori n lee n nu a. ⁴ Na ya kɔ anienɛ Yesu susufɔm

busu, na ya wo bu dɔ lesɔ. Na Awiewie Casi n ama ba se Pɔɔlu ka má i kɔ Yerusalem miɛ kpiri n nu. ⁵ Ama, ya yasu cɛɛn n ba juuri ni, na ya fite ka ya kɔ, na bu ni bu yim, ni bu nbaam ase ya atin nu afite miɛ n nu akɔ tieku n nɔɔ su. Dɔ na ya ni berɛ kere akutu ya jaa nanɔgoroma su, na ya sere Nyeme. ⁶ Nyini sin, na ya kaari ya benggu, na yere awura lee bambaka n nu, na berɛ gusu akpie bu nyi akɔ awuru.

⁷ Na ya fite Tiro akɔ aju miɛ kpiri n nu, na ya kɔ anie yaradayofɔm ni busu, na ya da bu dɔ lekun. ⁸ I alecin fɔfɔre na ya fite berɛ akɔ aju Sizariya miɛ kpiri n nu. Dɔ na ya kɔ awo sɔnɔ be dika, bu fere i ka Filipu, i ti Nyeme jɔre kanfɔ ɔ. Yiri bukaari mine nsom bo bu yo yiiri bu ka bu buka Kristo jama n bo bu wo Yerusalem n a. ⁹ I yo la nbaabaram nna a, bu be nya ja má. Berɛ nati yo Nyeme nɔanie kanfɔ juma n a. ¹⁰ Ya woori dɔ yoori lennyɔ, na Nyeme nɔanie kanfɔ be aba dɔ, bu fere i ka Agabusi, i fite Yudiya awɔre n nu wɔ. ¹¹ Na wɔ ba ya dɔ, na wɔ fa Pɔɔlu dambara, acici i dɛɛ jaam ni i saam. Na wɔ nya ase ka, “Awiewie Casi n ɔa o, kabo Yudafɔm bo bu wo Yerusalem ni cíci ahin dambara n fɔ lee, na bu nyá fa i ma minem bo bu ti má Yudafɔm ni.” ¹² Sanɔa bo ya tiiri nyini jɔre n sɔ ni, na ya ni minem n bo bu wo dɔ n asere Pɔɔlu jande ka má i kɔ Yerusalem. ¹³ Ama, na wɔ bisa, “Nzu ti ye am suyo sɔ na am saaki m ahore a? Mini, ma yo siriyá na m kɔ Yerusalem, na bu kó cíci m nyama, má nyini ɔgumi, ama, haari na bu kún m, ya Mibie Yesu n dɛɛ ti.” ¹⁴ I seeri sɔ ni, ya koro akanda má i ka má i kɔ, na ya mɔ ya nɔɔ, na ya se i ka, “Tɔ, ma Mibie n dɛɛ koroowa yo.”

¹⁵ Ya diiri lennyɔ dɔ ni, nyini sin, na ya sese ya ɔu su, na ya nya akɔ Yerusalem. ¹⁶ Na Yesu susufɔm nbem bo bu fite Sizariya n asu ya su, na ba fa ya akɔ ka ya kɔ wo sɔnɔ be dika, bu fere i ka Manesoni, i ti Sipurusifɔ ɔ, wɔ su Yesu dɛɛ atin n su ace.

Kabo Pɔɔlu kɔ nieeri Yakobo busu ni

¹⁷ Sanɔa bo ya kɔ juuri Yerusalem miɛ kpiri n nu ni, na ya ninbaam n ade ya ni ahorejɔ nyunyumi. ¹⁸ I alecin na Pɔɔlu afa ya akɔ Yakobo dɔ, na ya kɔ atu Kristo jama nkpienkpienm kere ka bu wo i dɔ. ¹⁹ Ya bisaari ahin n wieeri ni, na Pɔɔlu akan deke n kere kun kun fa kɔ kabo Nyeme ma wɔ yo i juma ama minem bo bu ti má Yudafɔm ni. ²⁰ Bu tiiri nyini nɔanie n sɔ ni, na ba kansi Nyeme. Ama, na ba se i ka, “Ya niwa Pɔɔlu, m ɔa a ɔu Yudafɔm akpii beberebe bo bu wo ya nu fen na ba yo Yesu yarada, ye bu gusu nyunu aboro ka bu su Nyeme nɔanie kpamaawa n su. ²¹ Ba ti ka a kere Yudafɔm bo bu tana minem bo bu ti má Yudafɔm n nu ni,

ka má bu su Nyeme noanie kpamaawa n bo Moyisi fa maari n su, ye a se bu ka má bu wura bu nbaam kenkenne, na má bu kaaki su Yudafoṃ nana sayoowam su. ²² Nahore, bu tí ka a ba. Ye ya yo se wɔ? ²³ Ti fen, kabo ya yo n la ka, mine nna nbem wo ya nu fen bo ba tan ndie. ²⁴ Su bu su na a kɔ bie fin kabo bu yoowa kere ni, na a tɔ bu tii su kaari, adena bu koro yi bu tii. Nyini ni má sɔnɔ kere si ka jɔre n kere bo bu kan i fa kɔ u dɔ n ti kɔre wɔ, na bu si ka wɔrɔ mmɔɔ ni u tii su Nyeme noanie kpamaawa n su wɔ. ²⁵ Ama, minem bo bu ti má Yudafoṃ na ba yo yarada n yiri, ya kere kadasi ama bu, ka má bu se ka bu di tie nie, wara mbunja, wara deke bo wɔ wu i ngumi na ba kpie má i kɔm, na má bu yo sakaraya." ²⁶ I alecin, na Pɔɔlu afa minem n ako na ba kɔ ayo fin bieewa yoowa ni, na wɔ nya awura Nyeme Sereebiri Awuru n nu, na wɔ jɔjɔ akere Nyeme sayoowa donɔguyofɔm ni, cɛen n bo bu ba bie fin n wie, na bu kun kun n kere yo bu tii su sayoowa ni.

Kabo bu taraari Pɔɔlu Nyeme Sereebiri Awuru n nu ni

²⁷ Sangá bo wɔ ka kaan na leso cɛen n wie ni, na Yudafoṃ nbem afite Esiya dɛɛ awɔre n nu aba dɔ, na ba ŋu Pɔɔlu Nyeme Sereebiri Awuru n nu. Na ba ye jama n kere ahore su, na ba tara Pɔɔlu. ²⁸ Na ba tien, bu ŋa, "Yisarelifɔm, am buka ya. Ahin sɔnɔ ni nati jengbe deke n kere kere minem kere ɔ, ka má bu bu Yisarelifɔm, ni Nyeme noanie kpamaawa ni, ni Nyeme Sereebiri Awuru ni. Ye wɔ kaaki afa minem bo bu ti má Yudafoṃ aba awura Nyeme Sereebiri Awuru n nu, na wɔ yo ahin woobiri casi n fin." ²⁹ Deke n bo i ti na bu seeri sɔ n la ka, ba du mɔ aŋu Torofimosi bo i fite Efeso mie kpiri n nu ni, ni Pɔɔlu mie kunnu, nyini dɛɛ ti ye bu sunsuunri ka Pɔɔlu afa i awura Nyeme Sereebiri Awuru n nu n a. ³⁰ Na mie n abo nu, na minem kere aŋmati atien bu nɔɔ, na ba tara Pɔɔlu acin ayi i afite Nyeme Sereebiri Awuru n nu. Na ba kaba anyi Nyeme Sereebiri Awuru n anɔ ni ndende. ³¹ Má bu koroori ka bu kun Pɔɔlu wɔ. Dɔ na labari n atu Romafɔm sojam kere kpien n ka Yerusalem mie kpiri n abo nu. ³² Kpenɔga na wɔ yasu ndende, na wɔ fa sojam ni bu nkpienkpienm, na ba ŋmati aju dɔ. Sangá bo jama n ŋuuri soja kpien n ni i sojam ni, na ba yaki Pɔɔlu, ba bo má i kun. ³³ Na sojam kpien n ako atara Pɔɔlu, na wɔ ma nɔɔ ka bu wura i jɔrɔkɔ nnyɔ. Na wɔ bisa ka, "Ahin sɔnɔ ti nzu sɔnɔ ɔ? Ye wɔ yo nzu wɔ?" ³⁴ Na jama ni nbem sutientien sujɔjɔ, bu jɔjɔɔwa n woori i ngumi ngumi wɔ, ba jɔjɔ má jɔre kun. Bu nanmie dɛɛ ti, wɔ koro asi má jɔre n bu. Na wɔ ma nɔɔ ka bu fa Pɔɔlu kɔ bere sojam dika bambaka n nu. ³⁵ Bu faari Pɔɔlu kɔ juuri bimbindi bo bu

tientien su fun na bu wura gisan nu ni, na i boori i bu ka i fun kɔ sɔɔ n angoro ni, sojam n kukuuri i wɔ, dama jama n biekpɔ n dɛɛ ti. ³⁶ Na bu suɲmati su i su, sutien kpa, bu ŋa, "Am kun i, am kun i."

Kabo Pɔɔlu kaanri i jɔɛ n kereeri jama n ni

³⁷ Saŋga bo bu sukoro ka bu fa Pɔɔlu wura sojam dika bambaka n nu ni, na Pɔɔlu ase sojam kɛɛ kpien n ka, "Ma m kan jɔɛ be na a ti." Na sojam kɛɛ kpien n abisa i ka, "A ti Giriki anie? ³⁸ Nyini yiri, a ti má Ijipiti sɔnɔ n bo i yo duuri mine akpii nna mɔ ka bu tu gomina n ni, na i faari nyini mine akpii nna n kɛɛ kɔɔri boro kpantain n nu ni." ³⁹ Na Pɔɔlu abɔ i nu ka, "Ai, mini, m ti Yudafo ɔ, m ti miebaa a, m fite Tarasu wɔ, mie kpiri n bo i la duma na i wo Silisiya awɔɛ n nu ni. Jande, ma m jɔjɔ minem ni dɔ." ⁴⁰ Na sojam kɛɛ kpien n ama i atin ka i jɔjɔ, na Pɔɔlu ajina bimbindi n bo bu tientien su fun na bu wura gisan nu ni, na wɔ fa i saa ayo minem n ka bu yaki naɲmie. Na ba tɔ amuna, na Pɔɔlu ajojɔ bu dɔ Hiburu anie nu.

22

¹ I ŋa, "M sim ni m ninbaam, am ti fen, m koro ka m kan m jɔɛ n na am ti." ² Saŋga bo bu tiiri ka i sujɔjɔ bu dɔ Hiburu anie nu ni, na ba yaki naɲmie na ba mɔ bu nɔɔ surum. Na Pɔɔlu ase ka, ³ "M ti Yudafo ɔ, bu wuuri m Tarasu mie kpiri n nu wɔ bo i wo Silisiya awɔɛ n nu ni, ama, bu taari m Yerusalem mie kpiri n nu fen wɔ, Gameli kereeri m kara a, ye m sɔnsɔnri ya nam sayoowa atin n kɛɛ ni anyumboro. Na ma fa m ŋu kɛɛ ama Nyeme, kabo ambere bo am jina fen nyuma n afa am ŋu ama i ni." ⁴ Na ma kere minem bo bu su ahin atin n su n wuwuruwa, haari na ma kun bu nbem. Na ma tara bu nbiesɔm ni nbaram anyi bu dansaraka. ⁵ Nzen am bisaari Nyeme sayoowa dɔnguyofɔm n kɛɛ kpien ni, ni tereterefɔm ni, bu sé am ka nɔanie n bo m sujɔjɔ i n ti nahɔɛ wɔ. Haari na ba ma m kadasi ka m fa kɔ ma ya minem bo bu wo Damasiko mie kpiri n nu ni, adena m koro tara Yesu minem ni, na m wura bu jɔɔkɔ fa bu ba Yerusalem na bu bá cin bu sui."

Kabo Pɔɔlu kaanri kabo i kaakiiri i wo barasu ni

⁶ Na Pɔɔlu asa su ase bu ka, "Saŋga bo m wo kɔ su n na m kɔ dodoori Damasiko mie kpiri n ni, wie kekete saŋga lɛɛ, na sin be akaba afite angoro ata abara aye m." ⁷ Na ma kpaasi haari asiɛŋgu, na ma ti akonvi be ŋga, i ŋa, 'Sɔɔlu, Sɔɔlu e, nzu ti ye a kere m wuwuruwa sɔ a?' ⁸ Na ma bisa i ka, 'M Mibie, wɔɔ ŋma a?' Na wɔ bɔ m nu ka, 'Mini Yesu Nazaretifo n a, mini ye a kere m wuwuruwa n a.' ⁹ Na

minem bo bu su m su n anju sin ni, ama, ba ti má akonvi n yiri nga. ¹⁰ Na ma bisa i ka, 'M Mibié, ye a nga m yo nzu wɔ?' Na wɔ se m ka, 'Yasu na a kɔ Damasiko, dɔ ye bu sé u deke n kere bo Nyeme koro ka a yo i ni.' ¹¹ Sin n bo i ta wurari m nyumbaa nu agaya n dɛɛ ti, na ma yo anyinsin, na minem ni bo bu su m su n aso m saa nu afa m awura Damasiko. ¹² Tɔ, sɔnɔ be woori mie n nu, bu fere i ka Ananiyasi, i su Nyeme wɔ, na i su i nɔanie kpamaawa n su, i ti sɔnɔ n bo Yudafoɔm bo bu wo mie n nu n kere ma i jirima agaya a. ¹³ Na wɔ ba m dɔ ajina adodo m, na wɔ se m ka, 'M niwa Sɔɔlu, nié, a nju asi.' Jina n nu bere na ma nju asi bekun, na ma nie anju i. ¹⁴ Na wɔ se m ka, 'Nyeme n bo ya nam su i ni, yiri ye wɔ yi u a, na a si i sa koroowam, ye wɔ yi Sɔnɔ n bo i yo sa bo i kɔ atin su n akere u, na a ti yiri ni i tii nɔanie jɔjɔwa. ¹⁵ Dama deke bo a nju i na a ti i ni, wɔɔ kán kere minem kere. ¹⁶ Ye kisa, a n minda nzu wɔ? Yasu na bu bie u Nyeme nzue. Bo fere i duma na i nmisi yi u satie kere.' "

Kabo Pɔɔlu kaanri ka Nyeme asunma i minem bo bu ti má Yudafoɔm dɔ ni

¹⁷ Na Pɔɔlu asa su ase bu ka, "Nyini ti, na ma kpie m nyi akɔ Yerusalem mie kpiri n nu, sanɔga bo m wo Nyeme Sereebiri Awuru n nu wo nyemesere su ni, na wɔ yo m ka alele dɛɛ su wɔ, ¹⁸ na ma nju Yesu ka i sujɔɔ m dɔ, i nga, 'Yasu na a fite Yerusalem ndende, dama minem bo bu wo fen ni dé má m jɔre n bo a kan kere bu ni.' ¹⁹ Na ma bɔ i nu ka, 'M Mibié, bere ni bu tii si tenle su ka m yo wurari bu tientienbunɔ sɔɔm nu wɔ, na ma tara minem bo bu yo u yarada ni, na ma nyi bu dansaraka, na ma bo bu. ²⁰ Sasu bekun, sanɔga bo bu sukun Satefano bo i diiri u nusu daani kereeri minem ni, m yo jinaari bere, na ma soro su, mini nieeri minem bo bu kuunri i n suturam su a.' ²¹ Na Mibié n ase m ka, 'Wɔɔ kɔ, m súnma u dede minem bo bu ti má Yudafoɔm ni dɔ.' "

²² Nyini sanɔga n kere ni, minem ni soori bu sui wɔ, na ba ti jɔre n kere bo Pɔɔlu kaanri i ni, ama, i ba kaanri sɔ ni, na ba tien kpa, bu nga, "Am yi i fite fen. Am mini i mmɔɔ. Wɔ ti má ye ni ka i wo ni ngɔɔ." ²³ Na bu sutientien, yaa ati bu n dɛɛ ti, na bu sufikindi bu suturam tu, na bu susa fa sutu sandi angoro. ²⁴ Na Romafoɔm soja kere kpien n ama nɔɔ ka bu fa Pɔɔlu wura bu dika bambaka n nu, na bu bisa i bisaawam na bu fin i ngbere na bu si deke bo i ti na Yudafoɔm ni tientien sɔ ni. ²⁵ Ama, sanɔga bo bu ciciiri Pɔɔlu nyama n ka bu bo i ni, na wɔ bisa soja kpien n bo i jina dodo i ka, "Atin wo nu ka am bo Roma miebaa na am asi má satie bo wɔ yo i?" ²⁶ Sanɔga bo soja kpien n tiiri nyini

jɔrɛ n sɔ ni, na wɔ kɔ sojam kɛrɛ kpiɛn n dɔ, akɔ abisa i ka, “A koro ka a yo ahin sɔnɔ n sɛ wɔ? I ti Roma miɛbaa a.”
²⁷ Nyini ti, na sojam kpiɛn n akɔ Pɔɔlu dɔ, akɔ abisa i ka, “A ti Roma miɛbaa a, nahɔrɛ su?” Na wɔ bɔ i nu ka, “Ɛɛn.”
²⁸ Na sojam kpiɛn n ase i ka, “Mini, m tɔɔri ɲwaa beberebe wɔ ye m nya kaakiiri Roma miɛbaa a.” Na Pɔɔlu ase i ka, “Ama, mini yiri, bu wuuri m miɛbaa a.”
²⁹ I seeri sɔ ni, kɛngɛ na sɛrɛ ati sojam bo ba yi bu ka bu bisa i bisaawa ni, na ba kɔ bu sin. Na sɛrɛ ati soja kpiɛn ni mmɔɔ, dama wɔ du mɔ abo Pɔɔlu jɔrɔkɔ ka, ye i nya siiri ka i ti Roma miɛbaa a.

Kabo bu faari Pɔɔlu kɔɔri Yudafɔ tereterefɔm dɔ ni

³⁰ Na i alecin, sojam kpiɛn n akoro ka i si sa bo Pɔɔlu ayo i na Yudafɔm jaraki i ni, na wɔ yi Pɔɔlu jɔrɔkɔ ni, na wɔ ma nɔɔ ka Nyɛmɛ sayoowa dɔnguyofɔ nkpiɛnkpiɛnm ni, ni Yudafɔ tereterefɔm n kɛrɛ tien bu nɔɔ. Na wɔ ma Pɔɔlu aba ajina bu nyunu.

23

¹ Na Pɔɔlu afa i nyumbaa akpama Yudafɔ tereterefɔm n ɲu, na wɔ se ka, “M ninbaam, m sunsunni ti kpa wɔ Nyɛmɛ dɔ, fite m kaan nu haari ni nyuma.”
² Na Ananiyasi bo i ti Nyɛmɛ sayoowa dɔnguyofɔm n kɛrɛ kpiɛn n ama minɛm bo bu jina dodo Pɔɔlu n nɔɔ, ka bu bo i nɔɔ dika, fa kɔ i nɔɔniɛ jɔjɔowa n dɛɛ ti.
³ Na Pɔɔlu ase i ka, “Nyɛmɛ bɔ wɔrɔ mmɔɔ, wɔrɔ bo a tana dɔ ka kobe dawa bo ba bo i ɲgoro fofɔe ni. A tana na a di m jɔrɛ, fa kɔ Nyɛmɛ nɔɔniɛ kpamaawa n dɛɛ atin su, ama, wɔrɔ ni u tii asu má i nɔɔniɛ kpamaawa n su na a tana ma nɔɔ ka bu bo m.”
⁴ Na minɛm bo bu jina dodo Pɔɔlu n ase i ka, “Wɔrɔ la ɲma na a kpiɛ i nzukɔ a, yiri Nyɛmɛ sayoowa dɔnguyofɔm n kɛrɛ kpiɛn ni?”
⁵ Na Pɔɔlu abɔ bu nu ka, “M ninbaam, ma si má ka yiri ti Nyɛmɛ sayoowa dɔnguyofɔ n kɛrɛ kpiɛn n a. Dama ba kɛrɛ i Nyɛmɛ Jɔrɛ Kadasi n nu ka, ‘Má a jɔjɔ sɔnɔ bo i niɛ u minɛm su jɔrɛ tiɛ.’ ”
⁶ Saɲga bo Pɔɔlu faari nu ka, minɛm ni nbem ti Sadusifɔm, na bu nbem gusu ti Farasifɔm ni, na wɔ tien kpa jama n nu, i ɲa, “M ninbaam, m ti Farasifɔ ɔ. M sim mmɔɔ suuri nyini atin ni su a. Deke n bo i ti na ya tien ya nɔɔ n la ka, m la tama ka minɛm wu, bu tɛngge bu yiwee nu wɔ.”
⁷ Pɔɔlu seeri sɔ wieeri na akuruwa aba Sadusifɔm ni Farasifɔm n afien, na bu tientienbunɔɔ n akpaaki nu nnyɔ.
⁸ Sadusifɔm n ɲa, sɔnɔ wu, i tɛngge má i yiwee nu kun, ye bu kaaki ɲa, Nyɛmɛ merɛkem, wara awiewiem wo má berɛ. Ama, Farasifɔm berɛ yo nyininim n kɛrɛ yarada a.
⁹ Na jama ni sutientien suyo naɲmie agaya

buka su. Na Nyeme noanie kerefo nbem bo bu wo Farasifom aseese n nu n ayasu ajina atien fanja su, bu na, "Yere anu ma ahin sono ni ngasi bo wo do i. Beni, awiewie be, wara Nyeme mereke ajojo i do a."

¹⁰ Sanga bo akuruwa n ba bi boroori agaya ni, na sere ati soja kpien ni, ka minem ni ba cincin titi Poolu nu. Nyini ti, na wo ma sojam noo ka bu wura jama n nu na bu yi Poolu fite bu nu, na bu fa i ba wura bu dee dika bambaka n nu. ¹¹ Nyini seen n kongue, na Mibie n ayi i nu akere Poolu, na wo se i ka, "Ma u ahore si, na ma a soro sere. Kabo a di m nu daani Yerusalem mie kpiri n nu fen ni, so ye i ti ye ni ka a ko di i Roma mie kpiri n nu gusu a."

Kabo mine nbem seseeri su ka bu kun Poolu ni

¹² I alecin fofore, na Yudafo nbem atien bu noo, na ba fa seseesu na ba tan ndie ka bu di ma, bu nu ma, ma ka ba kun Poolu. ¹³ Bere n bo bu tana faari nyini seseesu ni, bu taraari mine aburana. ¹⁴ Na ba ko Nyeme sayoowa dongu-yofko nkpienkpienm ni, ni Yudafo tereterefom ni do, ako ase bu ka, "Yere, ya tien ya noo atan ndie ka ya di ma pui, ma ka ya kun Poolu. ¹⁵ Nyini ti, ambere ni tereterefom ni, am sunma Romafom soja kpien n do ko se i ka, i fa Poolu bra am do ka am koro ka am nie i jore n nu nyunyumi bekun wo. Ama, na ya yo siriya nminda i, na ya kun i atin nu na i nya ba ju fen." ¹⁶ Ama, na Poolu niwa bara be wa ati seseesu n bo ba fa i ni, na wo ko awura sojam soo bambaka n nu, na wo se Poolu. ¹⁷ Do na Poolu afere sojam n kun, na wo se i ka, "Fa ahin gbefene n ko am kpien n do, i la jore be bo i kan kere i." ¹⁸ Na soja n afa i ako bu kpien n do, na wo se i ka, "Poolu bo ba nyi i dansaraka ni fereeri m a, na wo se m ka m fa ahin gbefene n ba u do, dama i la jore bo i kan kere u." ¹⁹ Na sojam kere kpien n aso i saa nu, na i ni yiri ngumi afite aheme, na wo bisa i ka, "A koro ka a kan nzu jore kere m a?" ²⁰ Na wo se sojam kpien n ka, "Yudafom n aseese su ye ba soro su ka ahunma bu ba sere u na a fa Poolu ma bu na bu fa i ko bu tereterefom ni do, na bu yo bu nu ka bu koro ka bu nie i jore n nu nyunyumi wo. ²¹ Ama, ma a soro bu su, dama bu nbem na bu ko nminda i atin nu wo, bu tara minem aburana. Ba tan ndie ka bu di ma, bu nu ma, ma ka ba kun Poolu. Kisa ba yo siriya su nminda na bu ti kabo a se." ²² Na sojam kere kpien n abobo i ka, "Ma a ma be si ka a kan ahin jore n akere m." Na wo ma gbefene n atin na wo ko.

Kabo bu faari Poolu korri Gomina Felika do ni

²³ Na sojam kere kpien ni, afere soja nkpienkpienm ni nnyo, na wo ma bu noo ka, "Am fa sojam yaa nnyo, ni soja

kpɔŋgɔfunfɔm aburaso, ni soja kpɛbitafɔm yaa nnyɔ, na am yo siriya kɔŋgue n nu, kerefi ŋɔna sanɔa, na am kɔ Sizariya mie kpiri n nu. ²⁴ Na am nya kpɔŋgɔ ma Pɔɔlu gusu, na am fa i haari na am kɔ ju Gomina Felika dɔ, na má pui yo i.” ²⁵ Na sojam kpien n akere kadasi ama gomina n ka,

²⁶ “Mini Kalodisi Lisiyasi sukere ahin kadasi n bisa wɔɔ, m si Gomina Jirimafɔ Felika dɔŋgu a. ²⁷ Yudafɔm taraari ahin sɔnɔ n a, má bu koro ka bu kun i wɔ. Ama, na ma ti ka i ti Roma miebaa a, nyini ti, na ma fa m sojam, na ya kɔ ade i aji. ²⁸ Na ma koro ka m si deke n bo i ti na bu jarakiiri i ni, nyini ti, na ma fa i akɔ Yudafɔ tereterefɔm dɔ. ²⁹ Na ma ŋu ka fa kɔ bu nɔanie kpamaawa n dɛɛ atin su ye bu jarakiiri i a, ama, wɔ yo má sa be bo i ti ye ni ka bu kun i, wara bu nyi i dansaraka. ³⁰ M tiiri ka Yudafɔm asese su akɔ ada aɲminda atin nu ka bu kun i, nyini dɛɛ ti, ye m ma ba kaba afa i aba u dɔ n a. Ma se minem bo bu jarakiiri i n ka bu fá jɔre n bra u dɔ.”

³¹ Na sojam n ayo kabo i kereeri bu ka bu yo ni, na ba fa Pɔɔlu nyini kɔŋgue n kere, na ba fa i akɔ aju mie kpiri n bo bu fere i ka Antipatiriso n su. ³² Na i alecin fɔfɔre na sojam bo bu nati bu jaa su n akpie bu nyi akɔ sojam sɔɔ bambaka n nu, na ba ma soja kpɔŋgɔfunfɔm n afa i akɔ aju deke bo bu sukɔ ni. ³³ Bu kɔ juuri Sizariya ni, na ba fa kadasi n ama gomina ni, na ba nya afa Pɔɔlu awura i saa nu. ³⁴ Gomina n kaanri kadasi n wieeri ni, na wɔ bisa Pɔɔlu awɔre bo i fite nu. I faari nu ka i fite Silisiya awɔre n nu wɔ, ³⁵ na wɔ se i ka, “Minem bo bu jarakiiri u n ba juuri, m tí u nɔanie.” Na wɔ ma nɔɔ ka bu fa Pɔɔlu wura Feme Herode dika n nu, na bu nie i dika nyunyumi.

24

Kabo Yudafɔm jarakiiri Pɔɔlu Gomina Felika n nyunu ni

¹ Na i lenu cɛen sin, na Ananiyasi bo i ti Nyeme sayoowa dɔŋguyofɔ n kere kpien n aba aju Sizariya mie kpiri n nu, i ni Yudafɔ tereterefɔ nbem, na ba fa jɔresifo be bo bu fere i ka Tetulɔsi n abuka bu ŋu su. Na ba jaraki Pɔɔlu gomina n nyunu. ²⁻³ Bu faari Pɔɔlu ba juuri n na Tetulɔsi abo i bu na i kan ŋgasi bo Pɔɔlu ado i. I ŋa, “Ya si Felika jirimafɔ, u ŋɔnle kpa n bo a la i n dɛɛ ti, nyini ma ya nya tanalaifie ace a, ye kaaki aba ya asien n su a, fa kɔ nyini sunsunni n bo a la i ni. Deke kere bo ya wo ni sanɔa kere, ya nyunu ayi u fa kɔ deke n kere bo a yo ama ya ni, nyini dɛɛ ti, ya da u asi beberebe. ⁴ Tɔ, m koro má ka m jɔɔ saaki u sanɔa, ama, m sere u wɔ, sawɔre n bo a la i n dɛɛ ti, ti ya

ahin jɔrɛ kaan ni. ⁵ Ya ɲu ka ahin sɔnɔ n ti miɛbofɔ ɔ, na i nati sukpukpura Yudafɔm tii durunya n kere nu, na bu sudi aluwa ni bu benɲu. I ti mɔfɔ ɔ, fa kɔ minɛm bo bu su Nazaretifɔ n atin n su ni. ⁶ Haari i yo koroori ka i wura Nyemɛ Sereebiri Awuru n nu wɔ na i saaki i na i yo i fin, ye ya taraari i a. [Má ya koroori ka ya fa ya nɔaniɛ kpamaawa n atin su di i jɔrɛ wɔ, ⁷ ama, na sojam kpɛien Lisiyasi n ade i ya dɔ ni fanɲa, ⁸ na wɔ ma nɔɔ ka, bo bu ni yiri la jɔrɛ n kere bra u dɔ.] Na nzen wɔrɔ mmɔɔ ni u tii niɛeri jɔrɛ n nu, a sí deke n bo i ti na ya jaraki i ni.” ⁹ Na Yudafɔm n kere ajina su ka, jɔrɛ n kere bo bu jɔjɔ i n ti nahɔrɛ wɔ.

Kabo Pɔɔlu kaanri i nahɔrɛ Gomina Felika n nyunu ni

¹⁰ Na Gomina Felika ama Pɔɔlu atin ka i jɔjɔ, na Pɔɔlu ase ka, “M si ka a di jɔrɛ ahin asien n su ace, nyini ti, m ahore ti siiwa ka ma ba u dɔ na m kan de m tii. ¹¹ Wɔrɔ mmɔɔ ni u tii koro bisa na a ti, ka i nyuma leburu lennyɔ lɛɛ, bo m kɔɔri Yerusalem miɛ kpɛiri n nu ka m kɔ su Nyemɛ. ¹² Bere n aɲu má ka m ni be suse akuruwa Nyemɛ Sereebiri Awuru n nu, ba kaaki aɲu má ka m ni be suwura minɛm bu sin na bu yo sa be tientienbunɔɔ sɔɔm n nu, wara miɛ n nu. ¹³ Bere gusu koro kan kere má u deke n bo i ti na kisa bu sujaraki m ni. ¹⁴ Ama, deke bo m soro i su ka i ti nahɔrɛ n la ka, m su Nyemɛ wɔ, kabo ya nam su i ni, nyini atin n gusu ye bu ɲa i ti má nahɔrɛ n a. Ama, m yo deke bo ba kere i nɔaniɛ kpamaawa n nu n yarada, na m kaaki yo deke bo ba kere i Nyemɛ nɔaniɛ kanfɔm dɛɛ kadasi n nu n yarada. ¹⁵ M la tama Nyemɛ dɔ ka minɛm bo bu yo sa bo i kɔ atin su, ni bo bu yo sa bo i kɔ má atin su n kere bá tenɲe bu yiwee n nu, kabo bere n bo bu jaraki m n gusu la nyini tama ni. ¹⁶ Nyini dɛɛ ti, sanɲa kere m boro m nyi wɔ, na m sunsunni ti casi fa kɔ Nyemɛ ni adamandem dɔ. ¹⁷ M fiteeri Yerusalem, wɔ ce, nyini sin, na ma kpɛie m nyi akɔ dɔ ka m kɔ fa ɲwaa ce m minɛm bo bu ti yaarifɔm n na m yo m dɛɛ yoowa ma Nyemɛ. ¹⁸ M wo nyini yoowa n yo su ye bu ɲuuri m Nyemɛ Sereebiri Awuru n nu a. Nyini sanɲa ni, ma yo fin biɛ yoowa n awie mmɔɔ. Jama be awo má m dɔ, be gusu ayo má nanɲmiɛ be. ¹⁹ Ama, Yudafɔm nbem bo bu fite Esiya awɔrɛ n nu ni, yo woori dɔ a. Wɔ yo daka ka má bere mmɔɔ ni bu tii wo fen, na bu kan m ɲgasi bo ma do i n kere u. ²⁰ Nzen má nyini, yaki na ahin minɛm bo bu jina fen n kan ɲgasi bo m doori, sanɲa bo m jinaari bu tereterefɔm nyunu na bu diiri m jɔrɛ ni. ²¹ Má ka deke kun n kpein be bo bu yo sudi m jɔrɛ na m jinaari bu nyunu ni. Yiri la bo m seeri ka minɛm wu, bu káaki tenɲe bu yiwee nu ni, nyini dɛɛ ti, ye a sudi m jɔrɛ nyuma n a.”

²² Na Gomina Felika si Mibiε n atin n sereya n kere nyunyumi n dεε ti, na wɔ se bu ka, “Am kɔ ka, na sojam kpɛn Lisiyasi ba baari, na m nyá di jɔre ni.” ²³ Na wɔ ma nɔɔ ka soja kpɛn n niε Pɔɔlu dika nyunyumi, ama, i ma i atin na i nati i koroyanu, na i ma i danfom gusu atin na bu koro ba buka i.

Kabo bu faari Pɔɔlu jinaari gomina n ni i yi n nyunu ni

²⁴ I yoori lennyɔ, na Gomina Felika akaaki aba, i ni i yi Durusila, i ti Yudafo baa a. Na wɔ sunma afere Pɔɔlu na i ba kan kabo sɔnɔ yo Yesu Kristo yarada barasu ni. Na wɔ so i sui ati. ²⁵ Ama, sanɔa bo Pɔɔlu wo jɔjɔ su fa kɔ sa bo i kɔ atin su, ni tarabuɔ, ni kabo Nyemε bá di minem n jɔre ni, na sere ati Gomina Felika na wɔ se ka, “Tɔ, kisa, wɔ se su. A koro kɔ, na m ba nya sanɔa na m fére u.” ²⁶ Nyini sanɔa n kere ni, i sunsunni la ka Pɔɔlu má i ηwaa a, nyini ti ye sanɔa sanɔa i fere Pɔɔlu, na bu subo anzama n a. ²⁷ Na afɔ nnyɔ aba asin, na sɔnɔ be bo bu fere i ka Pɔkiyɔsi Fesitosi ade Felika jinaabiri ni. Na Gomina Felika akoro ka i jɔ Yudafo n ahore, nyini dεε ti, na wɔ yaki Pɔɔlu dansaraka n nu, i ma ba yi má i.

25

Kabo Pɔɔlu sereeri ka bu fa i jɔre n kɔ Romafom femε kpɛri n do ni

¹ Gomina Fesitosi ba juuri nyini awɔre n nu ni, i lesan, na wɔ fite Sizariya miε kpɛri n nu, na wɔ fun akɔ Yerusalem miε kpɛri n nu. ² Na Nyemε sayoowa dɔnguyofɔ nkpien-kpienm, ni Yudafo tereterefo n aba akan ηgasi bo Pɔɔlu ado i n akere Gomina Fesitosi. Na ba sere i jande ³ ka i boro i nyi na i ma bu fa Pɔɔlu ba Yerusalem. Deke n bo i ti na bu seeri sɔ n la ka, ba sese su ka bu kɔ ηminda i atin nu wɔ na bu kun i. ⁴ Na Gomina Fesitosi abɔ bu nu ka, “Pɔɔlu wo dansaraka nu Sizariya, mini ni m tii, m kpɛ m nyi kɔ do kisa. ⁵ Am ma am nu nbem bo bu la yiko n su m su, na ya kɔ Sizariya, na nzen wɔ do ηgasi be a, na bu koro kan i na bu jaraki i.”

⁶ Na Gomina Fesitosi awo bu do, lemɔcue ni leburu afien, na wɔ nya aba Sizariya. I alecin na wɔ kɔ atana jɔre diibiri ni, na wɔ ma nɔɔ ka bu fa Pɔɔlu bra. ⁷ Sanɔa bo bu faari Pɔɔlu ba juuri n ni, na Yudafo bo bu fiteeri Yerusalem baari n atien bu nɔɔ abara ayε i. Na ba kan i ηgasi tietie beberebe bo bu ηa wɔ do i, bu gusu akoro akere má ηgasi n bo bu ηa wɔ do i n tenle su. ⁸ Na Pɔɔlu ase ka, “Ma do má ηgasi be fa kɔ Yudafo dεε nɔanie kpamaawa n su, ma do má ηgasi be fa kɔ Nyemε Sereebiri Awuru n su, ma

kaaki ado má ngasi be fa kɔ Romafɔm Feme Kpiri Siza n do.”⁹ Ama, na Gomina Fesitosi akoro ka i buka Yudafɔm ni, na i da bu ahore, nyini dɛɛ ti, na wɔ bisa Pɔɔlu ka, “A soro su ka ya kɔ Yerusalem na bu kɔ di u jɔre n do m nyunu, fa kɔ ahin sereyam kere su?”¹⁰ Ama, na Pɔɔlu abɔ i nu ka, “M jina Romafɔm feme kpiri n jɔre diibiri wɔ lɛɛ, fen ye wɔ yo daka ka bu di m jɔre a. Wɔrɔ mmɔɔ ni u tii si tenle su ka ma do má Yudafɔm ngasi be.”¹¹ Nzen ma do ngasi be bo wɔ yo daka ka bu kun m, ma kete má ka má bu kun m. Ama, nzen jɔre n kere bo ba kan i n be ti má nahɔre, be la má atin bo i koro fa m wura bu saa nu. Nyini ti, m sere ka a fa m jɔre n kɔ Romafɔm feme kpiri n do.”¹² Na Gomina Fesitosi ni i nkpienkpienm n atana anu bu nu, na ba soro su, na wɔ se Pɔɔlu ka, “A sere ka ya fa u jɔre n kɔ Romafɔm feme kpiri n do. Tɔ, ya fá u kɔ i do.”

Kabo bu faari Pɔɔlu baari Feme Agiripa n nyunu ni

¹³ Na wɔ yo lennyɔ, na Feme Agiripa ni i siwa baabara Berenisi aba Sizariya mie kpiri n nu, ka bu ba nie Gomina Fesitosi busu. ¹⁴ Bu woori do cɛeri kaan n dɛɛ ti, na Gomina Fesitosi akan Pɔɔlu jɔre n kere n akere feme ni. I na, “Felika yo yakiiri sɔnɔ be dansaraka n nu fen. ¹⁵ Saŋga bo m kɔɔri Yerusalem mie kpiri n nu ni, na Yudafɔ Nyeme sayoowa dɔnguyofɔ nkpienkpienm, ni Yudafɔ tereterefɔm n aba m do, na ba kan nyini sɔnɔ n jɔre, ka m boro m nyi di i jɔre n na m se ka wɔ do ngasi. ¹⁶ Ama, na ma se bu ka yere Romafɔm, ya yo má sɔ, nzen minem ajaraki sɔnɔ, ya ma bu kere tien bu nɔɔ ɔ, na i mi si deke n bo i ti na bu jaraki i ni, na i gusu nya kan i dɛɛ bo i la i ni. ¹⁷ Saŋga bo bu suuri m su ba juuri fen ni, ma wura má nnyɔ nu, i alecin m kaba kɔ tanaari jɔre diibiri n wɔ, na ma ma nɔɔ ka bu fa sɔnɔ n bra. ¹⁸ Saŋga bo bu yasu jinaari na bu jaraki i ni, ba kan má satie bo má m sunsun ka wɔ yo i na bu fa jaraki i ni. ¹⁹ Ama, i ti akuruwa ye bu seeri a, fa kɔ bu nyemesu atin su, ni sɔnɔ be bo bu fere i ka Yesu n busu, bu na wɔ wu, ama, Pɔɔlu na i toko la ngɔɔ. ²⁰ Ma si má kabo m tara ahin jɔre n tii ni i jaa barasu, na ma bisa Pɔɔlu ka, i koro ka ya fa i kɔ Yerusalem na bu kɔ di i jɔre n do, nzen se? ²¹ Ama, na Pɔɔlu asere ka, i koro ka i ka dansaraka n nu haari i ba kɔ Romafɔm feme kpiri n do. Nyini ti, na ma ma nɔɔ ka bu subita i haari m ba nya atin na m ma bu fa i kɔ feme kpiri n do.” ²² Na Feme Agiripa ase Gomina Fesitosi ka, “M koro ka mini ni m tii ti ahin sɔnɔ n jɔre ni.” Na Gomina Fesitosi ase i ka, “Ahunma a tí i jɔre ni.”

²³ Tɔ, na i alecin, na Feme Agiripa, ni Berenisi afite ni bu femeya jirima bambaka, na bu ba wura tientienbunɔɔ sɔɔ

bambaka n nu, bu ni soja nkpienkpienm, ni miε n nu mine anyunuyifom. Na Gomina Fesitosi ama nɔɔ, na ba fa Pɔɔlu awura. ²⁴ Na Gomina Fesitosi ase ka, “Ya si Feme Agiripa, ni ambere kere bo am atien am nɔɔ fen ni, am nie ahin sono ni. Yiri dεε ti ma Yudafom kere bo bu wo Yerusalem, ni bo bu wo fen n yo baari m do a, na bu sutientien ka i ti ma ye ni ka i wo ni ngɔɔ. ²⁵ Ama, m gusu afiiti i jore n nu, ma nu ma i ngasi bo wo do i na i ti ye ni ka i wu. Nyini ti, kabo yiri ni i tii asere ka m fa i jore n ko Romafofom feme kpiri n do ni, m fa i ko do o. ²⁶ Ama, m la ma deke be tenle su bo m kere fa ma feme kpiri ni, fa ko ahin n jore n su. Nyini ti ye ma fa i aba wɔɔ Feme Agiripa do a, adena m ni ambere kere nie i jore n nu, na m si deke bo m kere ko ma feme kpiri ni. ²⁷ Dama mini do, wo ko ma atin su ka m fa sono bo ba nyi i dansaraka ko ma feme kpiri n na m la ma jore bo m kan kere i fa ko deke n bo i ti na bu jaraki i n su.”

26

Kabo Pɔɔlu kaanri i jore Feme Agiripa nyunu ni

¹ Na Feme Agiripa ase Pɔɔlu ka, “Atin wo nu ka wɔɔ ni u tii jojo.” Na Pɔɔlu aye i saa su, na wo bo i jore n bu, i na, ² “Feme Agiripa, wo yo m fie nyuma ka m jina u nyunu, na m kan m jore n nahore su fa ko deke n kere bo Yudafom jaraki m n su. ³ Dama wɔɔ ni u tii asi kabo Yudafom nana sayoowam n ti, ni kabo ya se bu akuruwam barasu ni. Nyini dεε ti, m sere u wo, ka a fa sawore na a ti m jore ni.

⁴ Yudafom kere si kabo m woowa yo ti barasu fite m gbefeneya nu, sanja bo m wo m bɔsufom nu ni, haari ni bo m ko woori Yerusalem miε kpiri n nu ni. ⁵ Bu si m sa kabo m woowa yo ti, ma nyuma. Nzen bu na bu kan nahore, bu se u ka m yo ti Farasifom be wo, na ma su ya dεε nyini atin n bo i su ti kekereke n su ni anyumboro. ⁶ Kisa, deke bo i ti na m jina am nu nyuma na am sudi m jore ni, yiri la tama n bo m la i fa ko deke n bo Nyeme seeri ka i yo ma ya nam ni. ⁷ Nyini n ye ya anɔ buru ni nnyo n bo ya su Nyeme ni anyumboro wiesu ni kongue n nminda ka ya nya i n a. Feme, ti fen, nyini tama n bo m la i n dεε ti, ye Yudafom jaraki m n a. ⁸ Nzu ti ye am de ma ka Nyeme koro tenge minem bu yiwee nu a? ⁹ Nahore mini ni m tii yo sunsunri ka wo yo daka ka m yo sam dɔngu na m saaki Yesu Nazaretifo n duma. ¹⁰ Kabo m yo yoori Yerusalem lee. Nyeme sayoowa dɔnguyofɔ nkpienkpienm yo maari m yiko, na ma tara Nyeme minem beberebe anyi bu dansaraka, na sanja bo bu diiri bu jore na bu na bu kun bu ni, mini mmɔɔ jina bu sin wo. ¹¹ Sanja kere sanja, m

nati wura ya tientienbunɔɔ sɔɔm nu wɔ, na m sucin bu sui, na m sumie bu ka bu kete Yesu. Na ma fa yaa bu ɲu agaya, haari na m sukɔ mie nyinjgam su, kɔ sukere bu wuwuruwa.”

Kabo Pɔɔlu kaanri kabo i kaakiiri i wo ni

¹² Na Pɔɔlu asa su ase ka, “Nyini dɛɛ ti, na ma sere atin Nyemɛ sayoowa dɔɲguyofɔ nkpienkpienm n dɔ, na ba ma m yiko ka m kɔ Damasiko mie kpiri n nu. ¹³ Fɛmɛ, ti fɛn, m wo atin n nu wo kɔ su ni, fa kɔ wie kekete sangɔ, na ma ɲu sin be ka i fite aɲgoro, i ta tara wie, na i wein ata abara aye m ni minɛm kɛrɛ bo bu su m su ni. ¹⁴ Na yɛrɛ kɛrɛ akpaasi haari asiɛɲgu, na ma ti akonvi be ɲga, ka i sujɔɔ m dɔ Hiburu dɛɛ anie n nu, i ɲa, ‘Sɔɔlu, Sɔɔlu e, nzu ti ye a kere m wuwuruwa sɔ a? A sukere u ɲu yaari ɲgbɛɛn wɔ, kabo bu fa toora dɔdɔɔrifɔ sudɔ na i kete, na bu fin i baka n wɔ.’ ¹⁵ Na ma bisa ka, ‘M Mibiɛ, wɔrɔ ɲma a?’ Na Mibiɛ n abɔ nu ka, ‘Mini Yesu ye a sukere m wuwuruwa n a. ¹⁶ Ama, yasu jina. Deke n bo i ti na ma yi m ɲu akere u n la ka, m fa u yo m amusuisufɔ, na a di m daani kere minɛm fa kɔ deke bo a ɲu i nyuma n su, ni dekem bo m bá yi m ɲu kere u bekun n su. ¹⁷ Na m dé u tii fite minɛm saa nu, Yudaɔm ni bo bu ti má Yudaɔm ni, dama m susunma u bɛrɛ dɔ a, ¹⁸ na a teke bu nyi, na a yi bu fite awosin nu ba wein nu, na a yi bu fite Sitana saa nu, na a fa bu wura Nyemɛ saa nu, adena bu yo m yarada na m fa bu satie ce bu, na bu nya jinaabiri Nyemɛ mine n nu, na bu kɛrɛ sangɔ wo.’ ”

Kabo Pɔɔlu kaanri kabo i yoori i juma n ni

¹⁹ Na Pɔɔlu asa su ase ka, “Fɛmɛ Agiripa, nyini dɛɛ ti ni, ma kete má deke n bo Nyemɛ yi kereeri m ka alele nu dɛɛ su ni. ²⁰ Nyini ti, m du mɔ boori i bu Damasiko mie kpiri n nu wɔ, na ma kan akere bu ka bu kaaki bu wo na bu su Nyemɛ, na bu yo sakpa bo i kere ka ba kaaki bu wo. Na ma kɔ akan akere Yerusalemɔm n gusu, na ma nya akɔ akan akere Yudiya dɛɛ awɔrɛ n nu fɔm kɛrɛ. Nyini sin, na ma kɔ akan akere minɛm bo bu ti má Yudaɔm n gusu. ²¹ Nyini dɛɛ ti, ye Yudaɔm taraari m Nyemɛ Sereebiri Awuru n nu, ka bu kun m n a. ²² Ama, Nyemɛ abuka m dɛɛ ti, ye m toko wo bɛrɛ haari ni nyuma n a, adena m jina fɛn di daani kere nfaɲɲafɔm ni tarakam kɛrɛ, ni mine barasum kɛrɛ. M sukan má jɔrɛ fɔfɔrɛ be wɔ, má ka sam bo Nyemɛ nɔanie kanɔm ni Moyisi yo seeri ka bu yó ni, ²³ ka, wɔ yo daka ka Kristo, Tiideɔ n bo Nyemɛ ase ka i súnma i ni bá di wahara. Yiri ti sɔnɔ bo i wú na i dú mɔ tenge i yiwee n nu a. Na i kán wein n jɔrɛ kere Yudaɔm, ni minɛm bo bu ti má Yudaɔm n kɛrɛ.”

²⁴ Pɔɔlu wo nyini jɔjɔri n su na i kan i nahɔre ni, na Gomina Fesitosi atien i ɲu kpa, i ɲa, “Pɔɔlu, a bo fie wɔ. U kara sɔnsɔn ni u si agaya n ma u tii yo má juma.” ²⁵ Na Pɔɔlu abɔ i nu ka, “Gomina Fesitosi jirimafɔ, ma bo má fie, ama, m jɔjɔ anyun̄koro ni nahɔre jɔre wɔ. ²⁶ Feme Agiripa si ahin jɔrem kere, nyini deɛ ti, ye m la ahoresi jɔjɔ i nyunu n a. M si tenle su ka i si ahin sam n kere bo m sukan kere am ni, dama i be mmɔɔ ayo má fieewa nu. ²⁷ Feme Agiripa, a yo Nyeme nɔaniɛ kanfɔm jɔre n yarada a? M si tenle su ka a yo yarada.” ²⁸ Na Feme Agiripa ase Pɔɔlu ka, “Ahin sangka kaan nu, a sunsun ka a koro jɔjɔ na a ma m kaaki Kristo susufɔ ɔ, nzen se?” ²⁹ Na Pɔɔlu abɔ i nu ka, “Nzen i ce o, i ce má o, mini yiri, m nyemesere la ka, wɔrɔ ni minem n kere bo m sujɔjɔ am dɔ nyuma ni, am ba kaaki na am yo kabo m ti barasu ni, ama, bu wura má am jɔrɔkɔ kabo ba wura m ni.”

³⁰ I seeri sɔ ni, na feme n ayasu ajina, yiri ni gomina ni, ni Berenisi, ni nyingam n kere bo bu tana bere ni. ³¹ Bu yasuuri na bu wo kɔ su ni, na ba se bu ɲuɲu nu ka, “Ahin sɔnɔ n ayo má sa be bo i ti ye ni ka bu kun i, wara bu nyi i dansaraka nu.” ³² Na Feme Agiripa ase Gomina Fesitosi ka, “Nzen má ahin sɔnɔ n asere má ka bu fa i jɔre n kɔ Romafɔm feme kpiri n dɔ, má ya koro yaki i nu ji.”

27

Kabo bu faari Pɔɔlu sufa kɔ Roma miɛ kpiri n nu ni

¹ Tɔ, sangka bo bu faari seseɛsu ka ya fa lee bambaka kɔ Roma miɛ kpiri n bo i wo Itali n asien n su ni, na ba fa Pɔɔlu ni dansaraka nyinga nbem ama soja kpien be bo bu fere i ka Juliyosi ni, yiri niɛ soja asese be su a, bu fere i ka Romafɔm Feme Kpiri Agusito deɛm. ² Na ya kɔ awura lee bambaka be, i fite miɛ n bo bu fere i ka Adaramuteno n wɔ. Lee n ayo siriya sukɔ Esiya awɔre n nu deɛ miɛ nbem su, na ya wura i akɔ. Yere ni sɔnɔ be bo bu fere i ka Arisitakusi n kɔri a, i fite Tesalonika miɛ kpiri n bo i wo Makedoniya awɔre n nu wɔ. ³ Na i alecin, na ya kɔ aju Sidon miɛ kpiri n nu, na Juliyosi ayo Pɔɔlu sakpa, i maari i atin wɔ, na wɔ kɔ anie i danfom busu, adena i kɔ nya deke bo i koro. ⁴ Ya yasuuri Sidon ka ya kɔ ni, ya faari Sipurusu lui bambaka n deɛ bue n wɔ, ya koro fa má deke bo má ya sukoro ka ya fa ni, dama anjuma n cin ya kɔ ya sin wɔ. ⁵ Ya yasu bere ni, na ya kpie tieku n bo i wo Silisiya, ni Pamfiliya deɛ awɔrem n nu ni, na ya nya akɔ aju miɛ kpiri n bo bu fere i ka Mira na i wo Lisiya deɛ awɔre n nu ni. ⁶ Dɔ na soja kpien n anj lee bambaka be ka i fite Alekizanderiya miɛ kpiri n nu

sukɔ Itali, na wɔ fa ya awura nu. ⁷ Ya yasuuri bere ka ya kɔ ni, anuma n kpa ya atin wɔ, ya koro akɔ má ndende. I yoori kekereke ye ya nya kɔ dodoori mie n bo bu fere i ka Kinidosi n a. Anuma n dɛɛ ti, ya koro akɔ má deke bo má ya sukɔ ni. Nyini dɛɛ ti, na ya fa lui bambaka n bo bu fere i ka Kereti dɛɛ bue ni, akpɛ akɔ adodo mie n bo bu fere i ka Salamone ni. ⁸ Ya faari bere ni, i yoori ya kekereke ye ya nya kɔ juuri mie kpiri n bo bu fere i ka Dika Nyunyumi n a, lee ngbingbirim jinaabiri ni, i mata mie kpiri n bo bu fere i ka Lasiya n wɔ.

⁹ Na ya wo dɔ ace, haari na Yudafoɔm nɔɔ cici n aba asin, bu ɲa nyini sanɲa ni, tieku n su natiiri ti tie. Nyini dɛɛ ti, na Pɔɔlu abɔɔ bu, i ɲa, ¹⁰ “Njam, ma ɲu ka nzen ya ɲa ya kɔ ya nyunu, i yɔ kekereke, na deke dɔɲgu sáaki, má lee bambaka n ni nengem ɲgumi, ama, ya ɲɔɔ mmɔɔ wo nu.” ¹¹ Ama, haari ni nyini mmɔɔ, soja kpɛn n keteeri Pɔɔlu nɔaniɛ n wɔ, na wɔ de leekanfo n ni lee n fo n dɛɛ nɔaniɛ ni. ¹² Deke bo ya wo ni, i ti má kpa ka ya wo dɔ haari fufuku ba tu ya, nyini dɛɛ ti, na ya dɔɲgu asoro su ka ya yasu dɔ, na ya nie, beni, ya koro kɔ ju mie kpiri n bo bu fere i ka Foniki n su na i wo Kereti lui bambaka n su ni. Lee ngbingbirim jinaabiri wo dɔ ɔ, i nɔɔ wɔ wie atɔɔri dɛɛ bue n wɔ, ya koro kɔ wo dɔ, haari na fufuku n ba sin.

Kabo anuma bambaka be yasuuri tieku n nu ni

¹³ Na anuma fafari be sukpiɛ fite ya nyunu ndiema bie su. Na ba sunsun ka bu koro kɔ deke bo ba fa bu tii awɔ ni. Nyini dɛɛ ti, na ba cin atu bulaari n bo bu fa kpamaari lee ni, na ya san tieku n aheme akɔ adodo Kereti lui bambaka n dɛɛ bue ni. ¹⁴ Ama, wɔ ce má, na sɔɔ sin anuma be bo i nati kpɛ fite wie afiiri saa fombɔɔ su n akpɛ faɲga su afite Kereti dɔ. ¹⁵ Ya kpa anuma n atin wɔ, ya koro akɔ má deke bo ya fa ya tii awɔ ni. Nyini dɛɛ ti, na ya yaki lee bambaka ni, na wɔ su anuma n su. ¹⁶ Na ya kɔ adodo lui be bo bu fere i ka Kawuda ni, na ya fa i sin. Lee kaan be sa lee bambaka n su, i yoori kekereke ye ya nya koro taraari i jinaari a. ¹⁷ Na ba nya acin i afun awura lee bambaka n nu. Na ba fa nyama awura lee bambaka n bu, na ba cici i kenken, na i bu n ayo faɲga. Bu soro sere ka lee ni kpama tetɛke n dika wɔ, mie kaan be wo bere, bu fere i ka Siritisi. Nyini dɛɛ ti, na ba jura lee tani n bo i bo anuma na lee n kɔ ni, na ba nyanya i, na lee n asu anuma n su. ¹⁸ Kabo anuma n kereeri ya wahara sɔ ni, i alecin, na ba yiɲi nengem bo bu wo lee n nu ni nbem ajiji nzue n nu. ¹⁹ I lesan cɛɛn, na bu kere afa bu saa ayi lee n dɛɛ nenɲe kere aji nzue n nu.

²⁰ Na wɔ cɛ bo ya ɲu má wiɛ, wara asarambaam, na aɲuma n sukpiɛ agaya sɔ, haari na ya ba ayi tama ka ya fite má nu.

²¹ Tɔ, wɔ cɛ bo minɛm n adi má diire n dɛɛ ti, na Pɔɔlu ayasu ajina bu aɸiɛn, na wɔ se bu ka, “Njam, nzen má am tiiri m nɔaniɛ ni, má ya yasu má Kereti, má ya nenɲem ni saaki má, na bu ka ɲgbɛɛn sɔ. ²² Ama, kisa, m sutu am fɔ ɔ, am ma am ahoresi. Am be mmɔɔ ɲɔɔ ká má nu, má ka lee bambaka ni ɲgumi saaki a. ²³ Dama anuma kɔɲɲue, Nyɛmɛ n bo m su i na i dɛɛ la m ni, i mɛrɛkɛ be ba jinaari m bi, ²⁴ na wɔ se m ka, ‘Pɔɔlu, má a ma sɛrɛ ti u. Wɔ yo daka ka a kó jina Romafɔm fɛmɛ kpiri n nyunu wɔ, na i dí u jɔrɛ. Ti fɛn, Nyɛmɛ afa minɛm kɛrɛ bo u ni bɛrɛ saɲga wo lee n nu n ama u.’ ²⁵ Nyini ti, njam, am fa ahoresi. Dama m daafi Nyɛmɛ ɲu ka i yó kabo i seeri m n wɔ. ²⁶ Haari ni nyini mmɔɔ, aɲuma ni sún ya kɔ jina lui bambaka be su wɔ.”

²⁷ Tɔ, i bita ya fikindi Adiriya tieku n nu sɔ ɔ, haari i leburu lenna cɛɛn kɔɲɲue fa kɔ i jinanjin saɲga, na lee jumayofɔm n afa nu ka bu sudodo asiɛn. ²⁸ Nyini ti, na ba fa nyama bo bu bita sunsun niɛ kabo nzue ɲɔɲɔ ti barasu. Na ba ɲu ka i toko wo ɲɔ. Na ba kɔ mɔ kaan abuka su, na ba sunsun bekun, na ba ɲu ka i wo má ɲɔ kun. ²⁹ Na sɛrɛ ati bu, bu sunsun ka lee bambaka ni kó si yabuɛm wɔ, na i sandi nu, nyini dɛɛ ti, na ba cɔɔndi lee n sin bulaari nɔnɔɔri nna asiɲɲu. Na bu susere Nyɛmɛ ka ale cin bu. ³⁰ Na lee jumayofɔm n akoro ka bu wɔ ɲmati, na ba yi lee kaan n afa ase nzue n su, na ba kpiɛ mbenle ka bu suyi bulaari nɔnɔɔri nbem lee bambaka n tii dika a. ³¹ Ama, na Pɔɔlu ase soja kpiɛn n ni i sojam ni ka, “Má ka ahin minɛm n aka lee n nu, am be mmɔɔ fite má nu.” ³² Na sojam n akpiɛ nyamam bo bu bita lee kaan n aji, na wɔ kɔ.

³³ Saɲga bo ale ba sukoro cin ni, na Pɔɔlu asere minɛm kɛrɛ ka, bu nya diire be di. I ɲa, “I nyuma leburu lenna lɛɛ, bo am wo ahoresaaki nu, na am adi má pui. ³⁴ Nyini ti, m sere am wɔ, am di diire, adena i buka am na am nya ɲɔɔ. Haari am be mmɔɔ tiɲmɛ kun n kpein ká má ɲgbɛɛn.” ³⁵ Pɔɔlu seeri sɔ wieeri ni, na wɔ fa kɔnɔ, na wɔ da Nyɛmɛ asi bu kɛrɛ nyunu, na wɔ bu i nu, na wɔ di. ³⁶ Na bu kɛrɛ afa ahoresi, na bɛrɛ gusu adi diire. ³⁷ Yɛrɛ bo ya yo woori lee bambaka n nu ni, ya ti mine yaa nnyɔ ni mine aburaso ni nsen wɔ. ³⁸ Bɛrɛ kɛrɛ diiri na bu kunnu yiiri ni, na ba sasa diire mbaa n bo wɔ ka n aɲɔ nzue n nu, adena lee bambaka n ka fafaki.

Kabo lee bambaka n sandiiri nu barasu ni

³⁹ Saɲga bo ale ba ciinri ni, lee jumayofɔm ɲuuri asiɛn be, ba si má i, ama, na ba ɲu ka nzue be ati ada bɛrɛ, ɲmɛ

abara aye i. Na ba fa sunsunni ka nzen má bu koro yo, na ba boro bu nyi na bu fa lee bambaka n kɔ wura ηmie n nu na i kpama. ⁴⁰ Na ba nyan̄gi lee bambaka n bulaari nɔnɔrim n aji nzue n nu, na ba nyan̄gi bakam bo bu fa kan lee n dɛɛ nyamam ni, na ba ye tani n bo i wo lee n tii su n angoro ka an̄juma n fa lee n kɔ, na bu sukan sukɔ aheme. ⁴¹ Ama, na ba kɔ aju kunma kpiri san̄gaabiri, na ba wura ηmie be nu, na lee bambaka n tii dika n aka akpama, wɔ koro akɔ má. Na nzue nyama ni subo lee ni, na wɔ paparaki i sin dika ni. ⁴² Na sojam n asese su ka bu kun dansarakam n kere wɔ, adena má be wie kpie na i ηmati kɔ. ⁴³ Ama, soja kpien n koroori ka i de Pɔɔlu tii ji n dɛɛ ti, na wɔ kete bu ηu ka má bu yo sɔ. Na wɔ ma nɔɔ ka, bo bu si nzue wie n kere, bu du mɔ ti to nu na bu wie kpie kperɛ su, ⁴⁴ na minem bo bu kaari n kere nya so baka sinsinm, ni lee buebuem n nu, na bu wie kɔ ju aheme. Kabo i yoori na ya kere koro fiteeri nu, na pui ayo má be n lɛɛ.

28

Deke bo i yoori Pɔɔlu Malite lui bambaka n su n jɔɛ

¹ San̄ga bo ya fiteeri nzue n nu wieeri ni, na ba se ya ka bu fere lui bambaka n ka Malite. ² Na mie n nufɔm ade ya na ba yo ya sakpa agaya. Nzue sutɔ na ayere wo bere n dɛɛ ti, na ba tɔɔ sin ama ya, na ya kere atun. ³ Na Pɔɔlu atientien yee nɔɔ agɔ sin n nu, jaa pumpuni wo yee n nu, na sin n waran̄gu awura i, na wɔ fite akan i saa aka asense su. ⁴ Mie n nufɔm ni ηuuri ka woo n akan asense Pɔɔlu saa su sɔ ni, na ba se bu ηuηu nu ka, “Ahin sɔnɔ n ti sɔnɔ kunfɔ ɔ nahɔɛ su, haari ni bo wɔ koro afite n nzue n nu ni, i nyeme atin su, wɔ yo má daka ka i nyá ηgɔɔ.” ⁵ Ama, na Pɔɔlu akpisi woo n aji sin n nu, wɔ ηu má yaari be. ⁶ Na minem n asunsun ka i cé má, i ηunie wúra a, wara i kába kpaasi wu. Ama, bu ηminda cɛeri na bu ηu má ka deke be ayo i ni, na ba kaaki bu sunsunni, na ba se ka, “I ti nyeme be wɔ.”

⁷ Deke bo ya sekeeri ni, fie be wo dodo dɔ, i fɔ n ti lui bambaka n su sɔnɔ anyumbaafɔ ɔ, bu fere i ka Pubiliyosi. Na wɔ de ya wɔfɔ nyunyumi, na ya ka ada i dika haari lesan. ⁸ Nyini san̄ga Pubiliyosi si gusu la má laifie, i da sɔɔ, i ηunie ado, na i suje tɔtɔkɔ. Na Pɔɔlu awura sɔɔ n bo i da nu ni, na wɔ fa i saa anana i ηu, na wɔ sere Nyeme ama i, na wɔ nya laifie. ⁹ I yoori sɔ n dɛɛ sin, na tukpakifɔm kere bo bu wo lui bambaka n su n gusu aba Pɔɔlu dɔ, na wɔ tuntun bu, na ba nya laifie. ¹⁰ Na ba wura ya kpiri, na ba ce ya aceerim beberebe. Na san̄ga bo ya ba suyasu ka ya fa lee na ya kɔ

ni, na ba fa deke kere bo i ti ya miεwa awura lee bambaka n nu ama ya.

Kabo Pɔɔlu yasu Malite na i kɔ juuri Roma miε kpiri n nu ni

¹¹ Ya woori dɔ haari sara nsan, na ya nya fa lee bambaka be bo i fite Alekizanderiya dεε miε kpiri n nu wɔ. Amɔε ndaam anyaari seewa mata i. Fufuku sanɔa n dεε ti, wɔ jina dɔ aεε. ¹² Na ya kɔ aju miε kpiri n bo bu fere i ka Sarakusasi n su, na ya wo dɔ lesan. ¹³ Na ya nya akaaki ayasu bere bekun, akɔ aju miε kpiri n bo bu fere i ka Regiyoni n su. Na i alecin, na anjuma abo i bu sukpie fite ya nyunu ndiema saa bie su. Na i lennyɔ cεen n na ya kɔ aju miε kpiri n bo bu fere i ka Potiyoli n su. ¹⁴ Na ya nɔ yaradayofɔ nbem dɔ, na ba sere ya ka ya wo bu dɔ lesɔ. Na ya nya yasu aba Roma miε kpiri n nu. ¹⁵ Sanɔa bo yaradayofɔm n bo bu wo Roma n tiiri ya nɔa ka ya suba ni, na ba fite akpa ya atin, na ya ni bu nbem akɔ aye miε n bue bo bu fere i ka Apiyɔsi Goo n su, na ya ni bu nbem gusu akɔ aye Wɔfɔm Daabiri Awuru Nsan miε n nu. Sanɔa bo Pɔɔlu nɔuri bu ni, na wɔ da Nyeme asi, na wɔ nya ahoresi.

Kabo Pɔɔlu kaanri Yesu jɔre Roma miε kpiri n nu ni

¹⁶ Sanɔa bo ya kɔ juuri Roma miε kpiri n nu ni, na ba ma Pɔɔlu atin ka i nya awuru be na yiri ni i tii suwo nu, na ba ma i soja kun ka i sunie i dika. ¹⁷ I woori dɔ i lesan, nyini sin, na Pɔɔlu afere Yudaɔm bo bu la anyunuyi na bu wo miε n nu ni, ka bu tien bu nɔɔ. Bu tien bu nɔɔ wieeri ni, na wɔ se bu ka, "M ninbaam, ma yo má ya minem n sa be, ma bu má ya nana sayoowa n be nɔbeɛn, ama, haari ni nyini mmɔɔ, bu taraari m Yerusalem miε kpiri n nu wɔ, na ba nya afa m awura Romaɔm saa nu. ¹⁸ Bere gusu bisaari m bisaawam wieeri ni, má bu nɔa bu fa m ji wɔ, dama ba nɔ má satie bo ma yo i na i ti ye ni ka bu kun m. ¹⁹ Ama, na Yudaɔm n akete ka má Romaɔm n yaki m nu ji, na wɔ yo daka ka m sere ka bu fa m jɔre n kɔ Romaɔm femε kpiri n dɔ, haari ni bo m la má jɔre be bo m fa jaraki m tienɔu minem ni. ²⁰ Nyini dεε ti, ye m fere am a, na m jɔjɔ am dɔ na am si bo i wo bere, ka, sɔnɔ n bo Yisarelifɔm yo i tama n dεε ti, ye m wo ahin jɔrɔkɔ n nu a."

²¹ Na ba se ka, "Ya nya de má kadasi be Yudiyafɔm dɔ fa kɔ u jɔre su. Ya minem bo bu fiteeri dɔ baari n gusu, be nya kan má, wara i jɔjɔ jɔre tie be fa kɔ u dɔ. ²² Ama, ya koro ka ya ti fite u dɔ kabo u sunsunni ti, dama ya si ka nyini atin n bo a bita i ni, deke kere bo a kɔ, mine jaraki i wɔ." ²³ Na ba kpama cεen ka bu tien bu nɔɔ. Nyini cεen n na mine beberebe aba atien bu nɔɔ deke bo Pɔɔlu da ni. Na wɔ kan

akere bu kabo Nyeme femeya n atin ti barasu. Fite ngarama haari kɔngue, na wɔ boro i nyi na i ma bu si kabo Yesu ti barasu, fite kabo ba kere i Moyisi deɛ noanie kpamaawa kadasi n nu ni, ni kabo ba kere i Nyeme noanie kanfɔm deɛ kadasi n nu ni. ²⁴ Na bu nbem ade i noanie ni, ama, na nbem akete, ba yo má yarada. ²⁵ Nyini ti, bu nɔɔ ayo má kun, na ba yasu ka bu kɔ awuru, na Pɔɔlu ase bu jɔre kun be abuka su, i ɲa, “Nahɔre ye Nyeme Awiewie Casi n jɔjɔri am jɔre n a. I yo maari Nyeme noanie kanfɔ Esaya seeri am nam ka,

²⁶ ‘Kɔ na a kɔ se nyini minem ka, Nyeme ɲa o,

Am só am sui ni nahɔre su,

ama, am tí má deke bo am so am sui ka am ti i n bu.

Am káaki niɛ ni nahɔre su,

ama, am ɲú má pui.

²⁷ Dama ahin minem tii ti kekereke,

ba tɔ bu sui na má bu ti,

ba kata bu nyumbaa na má bu ɲu.

Má nyini, bu nyumbaa ɲú i wɔ,

na bu sui tí,

na bu sí bu ahore su,

na bu káaki bu wo,

na m má bu nya laifɛ.’ ”

²⁸ Na Pɔɔlu akun i jɔjɔwa n nɔɔ, na wɔ se bu ka, “Nyini ti, m koro ka am si ka Nyeme asunma ya ka ya fa tiide labari kpa n kɔ ma minem bo bu ti má Yudafɔm ni. Bere dé i a.”

[²⁹ Na Pɔɔlu kaanri sɔ wieeri ni, na Yudafɔm n ayasu afite akɔ ase akuruwa nyannyan bu ɲuɲu nu.] ³⁰ Na Pɔɔlu ade sɔɔ, na i suto kaari, na wɔ wo nu haari afo nnyɔ, na i sude minem kere bo bu ba i dɔ ni, ³¹ na i sukan Nyeme femeya n ɲusu jɔre, na i sukere minem ya Mibiɛ Yesu Kristo jɔre ni ahoresi, be akanda má i.

Pɔɔlu kadasi bo i kere fa maari ROMAFOM ni

1 Mini Pɔɔlu sukere ahin kadasi n fa ma am a. M ti Yesu Kristo akɔɔ ɔ, ye wɔ fere m ka m kaaki i jaramasa, na wɔ yi m ka m kan labari kpa n bo i fite Nyeme dɔ n jɔre. 2 Nyini labari kpa n ye Nyeme yo seeri ka i fá ma ya n a, na wɔ ma i nɔanie kanfom akere i nusu jɔre ase i jɔre kadasi n nu. 3 Nyini labari kpa n kere ya i Wa n jɔre wɔ, nzen ya nie i fa kɔ i adamande dɛ woowa su, bu yo wuuri i fiteeri Feme Davidi dɛ busu n nu n wɔ. 4 Ama, kabo Nyeme faari i yiko tengeeri i yiwee nu ni, nyini ma Awiewie Casi n kere ka i ti Nyeme Wa a, yiri la ya Mibie Yesu Kristo ni. 5 Yiri dɛ ti, ma di Nyeme ahɔroma, ye wɔ ma ma yo i jaramasa, adena i duma n dɛ ti, na m ma daanfie barasu kere de i nɔanie ni, na bu yo i yarada. 6 Ambere Romafom gusu, am wo nyini minem bo Nyeme afere bu n nu wɔ, ka am kaaki Yesu Kristo dɛ minem. 7 Tɔ, ambere bo am wo Roma mie kpiri n nu ni, ye m sukere ahin kadasi n ma am a. Ambere bo Nyeme koro am na wɔ fere am na am ayo i dɛ minem ni, ya Si Nyeme ni ya Mibie Yesu Kristo ma am wura bu ahɔroma nu na am nya ahoreda.

Kabo má Pɔɔlu koroori ka i kɔ nie Romafom busu ni

8 Ciciri su, Yesu Kristo dɛ ti, m da m Nyeme asi ma am kere, dama durunya n nufom kere ati kabo am ayo Yesu Kristo yarada ni. 9 Nyeme bo m su i ni m ahorembaa kun ni, na m kan i Wa n labari kpa n jɔre ni, yiri di m daani a, kabo m nati sere Nyeme ma am ni. 10 Saŋga kere m sere i wɔ, ka nzen i ti i dɛ koroyanu, i teke atin ma m kisa, na i awieeri su na m koro ba nie am busu. 11 Dama m nyunu aboro ka m bá ŋu am wɔ, adena m fa aceeri n bo i fite Awiewie Casi n dɔ ba ma am na am koro jina faŋga kenken ni nyemesu ni. 12 Nahore, i ti deke bo ya fa ma ya beŋgu na ya nya ahoresi wɔ, m ni ambere kere, kabo ya yo Yesu yarada n dɛ ti.

13 M ninbaam, m koro ka am si ka saŋga kere, má m koro ka m bá nie am busu wɔ, ama, m nya má atin. Má m koro ka m ba nya mine am nu ma Nyeme wɔ, kabo ma nya am beŋgu nbem bo bu ti má Yudafom ni. 14 Dama wɔ yo daka ka m yo sɔ ma mine barasu kere, bo bu nyunu ateke, ni bo bu nyunu ateke má, ni bo ba sɔnsɔn kara, ni bo ba sɔnsɔn má kara. 15 Nyini dɛ ti, ye m ahore abi ka m ba kan labari

kpa n jore kere ambere gusu bo am wo Roma mie kpiri n nu n a.

Yiko bo i wo labari kpa n nu ni

¹⁶ Nyinse ti ma m fa ko labari kpa n su, dama yiri ti Nyeme yiko bo i ma sono kere bo i yo yarada n nya tiide a, bo bu ti Yudafo m ni du mo a, na bo bu ti ma Yudafo m n nya to su. ¹⁷ Labari kpa n kere kabo Nyeme de sono ka i yo sa bo i ko atin su i do a. Sono kere bo i yo yarada, i fite i yaradayo n dee ti ye Nyeme de i mi ka i yo sa bo i ko atin su i do a, na nyini ma i yarada n yo biiwa. Kabo ba kere i Nyeme Jore Kadasi n nu ka, Nyeme na, "Sono bo i yo sa bo i ko atin su m do, i nya ngoo, i yarada n dee ti."

Kabo adamande kere ayo satie ni

¹⁸ Nyeme wo angoro akere kabo wo fa yaa acin minem sui ni, bere bo bu sunsunni ti tie na bu yo satie ni, bu satie n dee ti, ba kete ka ma minem si Nyeme nahore su. ¹⁹ Deke bo i ti na wo fa yaa n la ka, ba nu deke n kere bo i ma bu si Nyeme ni, dama yiri ni i tii ayi i kpain afite fofoe nu. ²⁰ Fite sanja bo Nyeme yiiri durunya n ba juuri ni kisa, mine anu i woowa, i ti ma ka bu nyumbaa anu i kabo i ti barasu wo, ama, ba nu dekem bo wo yi bu ni. Nyini dekem ni kere ka i ti Nyeme nahore su a, ni kabo i la yiko bo i la ma awieeri ni. Nyini ti, be wo ma bere bo i koro se ka i si ma i. ²¹ Haari ni bo bu si i n kere, ba kete ka bu ma ma i jirima ka i ti Nyeme, na bu kaaki da ma i asi. Nyini dee ti, ye bu sunsunni kere aka ngbeen ye ngone akpie bu su, ye bu ahorembaa ayo biri n a. ²² Bu bu bu nu ka bu ti ngonlefom wo, ama, bu ti sinnzinm wo. ²³ Jirima bo ma bu fa ma Nyeme bo i wo bere sanja kere ni, ba fa ama amom bo ba yo bu na bu ferema ni adamandem, ni lanjketefom, ni ajaannam, ni cinbukunnusufom wo.

²⁴ Nyini dee ti, ye Nyeme ayaki bu ye bu yo bu kunnu koroowa n a, na bu suyo dangba sam bu nu nu suwura bu nu nyinse. ²⁵ Dama ba kete Nyeme nahorefom ni, na bu nya susu kore su. Na bu su dekem bo Nyeme ayi bu ni, bu su ma yiri bo i yiiri deke n kere ni. Yiri dee la kansa sanja kere a. Ami. ²⁶ Ba kete Nyeme n dee ti, ye wo yaki bu a, na bu suyo nyinse sam kabo bu kunnu koro n a, haari na nbaram yaki nbiesom do daari, na bu sufa bu benggu nbaram da, na bu yo kabo ma wo yo ma daka ka bu yo ni. ²⁷ Na nbiesom n gusu yaki nbaram do daari, na bu la konviki agaya fa ko bu benggu nbiesom do, na bu ni bere sanja da ka bara ni bieso dee su. Nyini nyinse sam dee ti, ye ba nya suicin kabo wo yo daka ka bu nya i n a.

²⁸ Kabo ba kete ka bu si má Nyeme ni, nyini ma wɔ yaki bu, ye bu sunsunni tie n ma bu yo sa bo má wɔ yo má daka ka bu yo i n a. ²⁹ Bu ahorembaa ayi ni satie barasu kere ngumi wɔ, bu konviki wura bu beŋgu neŋgem nu wɔ, na bu suyo bu beŋgum tie, na bu susi bu beŋgum kɔre, na bu sukun bu beŋgum, na bu sudi aluwa, na bu sudadaka bu beŋgum, na bu sukpo bu beŋgum, na bu sukan bu beŋgum jɔre, ³⁰ na bu susaaki bu beŋgum duma, na bu sukpo Nyeme, na bu sukpie bu beŋgum nzuko, na bu la karambani, na bu sufɔ, na bu susunsun kabo bu yo na bu yo satiem, na bu sukete bu wufom nɔanie, ³¹ na bu la má ngonle, na bu yo má sa bo ba se ka bu yo i ni, na bu koro má minem, na bu si má bu beŋgum anunfo. ³² Bu si kabo Nyeme akere ka, sɔnɔ kere bo i nati yo sɔ, wɔ yo daka ka i mi wú ni, haari ni nyini mmɔɔ, bu toko yo nyini sam wɔ, ama, bo i kɔ tara i kere n la ka, bu jina mine bo bu gusu nati yo nyini sam ni sin wɔ.

2

Kabo Nyeme bá di sɔnɔ kere jɔre barasu ni

¹ Tɔ, wɔrɔ kere bo a kan nyini minem jɔre ni, a la má kabo a yo na a kan fite nu Nyeme dɔ. Dama jɔre n bo a kan jaraki u beŋgu na wɔrɔ ni u tii yo nyini sam ni, nyini ma a kan jaraki u ŋu n a. ² Ya si kabo Nyeme di minem kere bo bu yo sɔ n jɔre, na i jaraki bu ni, i jɔre diiwa n ti nahɔre wɔ. ³ Ye wɔrɔ kere bo a kan minem n bo bu yo nyini sam n jɔre jaraki bu, na wɔrɔ mmɔɔ ni u tii yo sɔ ni, a sunsun ka a koro fite Nyeme jɔre diiwa n nu, nzen se? ⁴ Kabo Nyeme ayo sakpa bambaka ama u na i la mindi ni sawɔre ni, nzu ti ye a bu i ngbeen a? A si má ka deke bo i ti na i yoori nyini sakpa n la ka, i koro ka a kaaki u wo wɔ, nzen se? ⁵ Ama, kabo a yo u ahorembaa kekereke na a kete ka a kaaki má u wo ni, a sukpini suicin ma u ŋu wɔ læe, cɛen n bo Nyeme bá di minem jɔre nahɔre su, na i cín bu sui na sɔnɔ kere ŋú i ni. ⁶ Na i tó sɔnɔ kere ŋkatɔ kabo i sayoowa ti barasu. ⁷ Mine nbem dɛe la ka, bu mindi nati yo sakpa, na bu kpini kansi, ni jirima, ni anuniɛmbaa bo i kpɔrɔ má n busu ni, bere ye Nyeme má bu ŋɔɔ bo i la má awieeri n a. ⁸ Ama, minem bo bu nati yo anyii sam, na bu kete deke kere bo i kɔ atin su Nyeme dɔ, na bu su satie atin su ni, bere ye Nyeme fá yaa bu ŋu na i cín bu sui n a. ⁹ Minem kere bo bu nati yo satie ni, bu dí wahara na bu ŋú anyumboro, bo bu ti Yudafom ni dú mɔ ŋu nyini kekereke n a, na bo bu ti má Yudafom gusu nyá tɔ su. ¹⁰ Ama, minem kere bo bu nati yo sakpa ni, Nyeme má bu nya kansi ni jirima ni ahoreda, bo

bu ti Yudafoṃ ni dú mọ nya nyini deke kpam n a, na bo bu ti má Yudafoṃ n gusu nyá tọ su. ¹¹ Dama Nyeme tambu má nu.

¹² Minem kere bo bu la má Nyeme nɔaniɛ kpamaawa n na bu yoori satie, bu ká ṅgbɛɛn, haari ni bo bu la má Nyeme nɔaniɛ kpamaawa n ni. Na minem kere bo bu la Nyeme nɔaniɛ kpamaawa n na bu yoori satie, bere ye Nyeme fá i nɔaniɛ kpamaawa n di bu jore, na i bó bu asi a. ¹³ Má minem bo bu sui ti Nyeme nɔaniɛ kpamaawa ni ye Nyeme de bu ka bu yo sa bo i kọ atin su i dọ a. Ama, bo bu yo kabo Nyeme nɔaniɛ kpamaawa n kere ni, bere ye Nyeme de bu ka bu yo sa bo i kọ atin su i dọ a. ¹⁴ Minem bo bu ti má Yudafoṃ na bu la má Nyeme nɔaniɛ kpamaawa ni, ama, na bu yo kabo nɔaniɛ n kere ni, bu sunsunni ni bu ahorembaa kpa n dɛɛ ti, bere ni bu tii akpama nɔaniɛ ama bu ṅu lɛɛ. ¹⁵ Kabo ba de i sọ ni, nyini kere ka Nyeme nɔaniɛ kpamaawa n wo bu ahore su a, na bu sunsunni gusu kere ka i ti sọ ọ, na i kaaki jaraki bu ka ba yo sa bo i kọ má atin su, wara i koro jina bu sin ka ba yo sa bo i kọ atin su. ¹⁶ Nyini kere yó cɛɛn bo Nyeme má Yesu Kristo ba di adamande kere jore bo i wo asiri nu n wọ. M labari kpa n bo m kan i kere mine ni, kabo m kere i lɛɛ.

Yudafoṃ ni Nyeme nɔaniɛ kpamaawa n jore

¹⁷ Amberɛ bo am ṅa am ti Yudafoṃ, na am daafi Nyeme nɔaniɛ kpamaawa n ṅu, na am fa fọ ka am si Nyeme ni, ¹⁸ na am si kabo Nyeme koroowa ti, na am sunsun nyunyumi, na am yi sa bo i ti kpa, dama am asi Nyeme nɔaniɛ kpamaawa n kere awie, ¹⁹ am yo am ṅu ka amberɛ bita anyinsinm kpama a, na am ti wein ma minem bo bu wo awosin nu ni. ²⁰ Am ṅa amberɛ teke minem bo bu la má ṅgɔnlɛ nyi a, na am kaaki kere minem bo bu ti ka nbaatumam ni, dama am ṅa am si Nyeme nɔaniɛ kpamaawa n dɛɛ ti, am sunsun ka am si ṅgɔnlɛ ni nahore kere bo i wo i nu ni. ²¹ Amberɛ bo am kere minem ni, nzu ti ye am kere má am ṅu a? Ye amberɛ bo am se minem ka má bu wọ ni, am wọ, nzen am wọ má? ²² Am ṅa má be saaki ajaa ciire ni, ye am saaki i, nzen am saaki má i? Am ṅa am koro má amɔɛ jore ni, ye am wọ nenɓem amɔɛ sọom n nu, nzen am wọ má? ²³ Amberɛ bo am bita Nyeme nɔaniɛ kpamaawa n fa fọ ka am si i, na am su má i su ni, amberɛ kaaki wura Nyeme nyinse a. ²⁴ Kabo ba kere i Nyeme jore Kadasi n nu ni, ka, "Amberɛ Yudafoṃ dɛɛ ti, ye minem bo bu ti má Yudafoṃ jọjọ wura Nyeme ṅgasi nu a."

²⁵ Nzen am yo kabo Nyeme nɔaniɛ kpamaawa n kere ka am yo ni, nyini yiri, am kenkenne n bo am awura i n la

kpere. Ama, nzen am yo má kabo noanie kpamaawa n kere ni, i ti ka am awura má kenkenne lee. ²⁶ Nzen bo ba wura má kenkenne n yo kabo Nyeme noanie kpamaawa n kere ka bu yo ni, Nyeme de bu ka ba wura kenkenne wo lee. ²⁷ Nyini ti, i sukere ka, bere n bo ba wura má kenkenne na bu yo kabo Nyeme noanie kpamaawa n kere ni, bu di ambere Yudafom jore jaraki am, dama am awura kenkenne na am la noanie kpamaawa ni, ama, am yo má kabo i kere ni. ²⁸ Dama má Yudafom bo ba wura kenkenne anuniembaa su ni ngumi ti Yudafom nahore su a. ²⁹ Ama, sono bo i ti Yudafom nahore su la bo wo kaaki wo i ahorembaa su ni, na kenkenne wuraawa nahore su fite ahorembaa su wo, Nyeme Awiewie ni kaaki sono a, má noanie kpamaawa ni. Nyini sono so, Nyeme kansi i a, má adamande.

3

¹ To, bo bu ti Yudafom ni, bu la nzu kpere wo? Ye kenkenne wura buka nzu wo? ² Nahore, Yudafom tara minem bo bu ti má Yudafom ni deke dongu nu. Ciciri su, Nyeme du mo faari i noaniem n wuraari bere saa nu a, ka bu nie i su. ³ Ye nzen Nyeme fa wuraari bere saa nu a, ye bu nbem ayo má yarada, nyini kere ka Nyeme la má dabunu lee, nzen se? ⁴ Ai, má so. Haari ni bo sono kere ti korefom ni, Nyeme yiri ti i nahorefom o, kabo ba kere i Nyeme Jore Kadasi n nu ni, ka,

“Deke bo a kan ni, bu nu ka nyini ti nahore a,
na nzen bu di u jore jarakiiri u, a kuma bu.”

⁵⁻⁶ Ye nzen ya satiem n bo ya yo bu n kere kabo Nyeme yo sa bo i ko atin su, na i cin ya sui, ya koro se ka wo yo má sakpa, nzen se? Ai, má so. Adamande sunsunni lee. Nzen Nyeme yo má sa bo i ko atin su, i yo se koro di durunya n nufom jore a? ⁷ Be koro se ka nzen m bu kore, na i ma minem nu kabo Nyeme nahore ti barasu, adena bu ma i jirima, ye nzu ti ye i di m jore cin m sui ka m ti satieyofom a? ⁸ I ti kabo mine nbem nati kan wo, bu na, am ma ya yo satie adena Nyeme ba ma i kaaki sakpa. Bu kpie m nzuko ka mini mmoo se so o. Bu bu kore wo. Nyeme di bu jore na i cin bu sui.

Be wo má bere bo i yo sa bo i ko atin su sangá kere

⁹ To, ya se se wo? Yere bo ya ti Yudafom ni, ya tara bo bu ti má Yudafom n nzu nu wo? Ai, ya tara má bu pui, dama ma du mo ase am ka yere Yudafom ni, ni bo bu ti má Yudafom n kere ti satieyofom wo. ¹⁰ Kabo ba kere i Nyeme Jore Kadasi n nu ni, ka,

“Be wo má bere bo i yo sa bo i ko atin su, haari sono kun n kpein mmoo.

- 11 Be wo má bere bo i la ngonle,
be wo má bere bo i nienie Nyeme busu.
- 12 Sono kere akaaki bu sin abo Nyeme dee atin ni, bu kere
aka ngbeen,
be wo má bere bo i yo sakpa,
haari sono kun n kpein mmoo wo má bere.”
- 13 Ba kaaki akere ka,
“Bu konvi ti ka fanjunma bo ba teke i su wo,
na bu fa bu taferema sudadaka minem.”
- “Na jore bo i fite bu noo nu yo ya ka pumpuni bore wo.”
- 14 “Nzukolee ni jore tie ngumi fite bu noo nu a.”
- 15 “Bu ce má na bu yi mine ngoo ndende.
- 16 Deke kere bu ko, bu dee la ka bu yo minem ngbeen-
ngbeen,
na bu saaki bu.
- 17 Bu dee la ka bu nati sukpini jore, bu koro má tanalaifie.”
- 18 “Bu nyunu yi má Nyeme, nyini dee ti, bu soro má i.”
- 19 Ya si ka deke n kere bo ba kere i Nyeme noanie kpamaa-
wa n nu ni, i joro ni Yudafoim bo bu su i su n wo, adena má
be koro teke i noo kan jore be, ama, durunya n nufom kere
ba jina Nyeme nyunu na i di bu jore na i cin bu sui. 20 Dama
be wo má bere bo i koro se ka i su noanie kpamaawa n su
dee ti, ye Nyeme de i ka i yo sa bo i ko atin su i do a, ama,
noanie kpamaawa ni ma minem si ka bu ti satieyofom a.

Kabo Nyeme na sono yo sa bo i ko atin su i do ni

21 Ama, kisa Nyeme ayi akere ya kabo ya yo sa bo i ko atin
su i do, má yiri la bo ya su noanie kpamaawa n su ni, ama,
yiri la bo noanie kpamaawa n ni Nyeme noanie kanfom diiri
i nusu daani ka i yo n wo. 22 Yiri la ka, sono kere bo wo yo
Yesu Kristo yarada, yiri ye Nyeme na i yo sa bo i ko atin su i
do a, nyini ti, ya la má kpakpaakinu, 23 dama sono kere ayo
satie afun Nyeme jirima woowa ni, 24 ama, Yesu Kristo ade
sono kere tii aji, nyini dee ti ye Nyeme na sono kere ayo sa
bo i ko atin su i do n a, i ti Nyeme aceeri wo. 25-26 Yiri Yesu
ye Nyeme ma i deeru adamande jinaabiri n a, na wo fa i nu
ayo yoowa na wo wu, adena nzen minem yoori i yarada, i
mbunja n dee ti, Nyeme fá bu satie ce bu. Deke bo i ti na
Nyeme yoori so n la ka, i koro ka i kere kabo yiri ni i tii yo
sa bo i ko atin su n wo, dama dawa sangá Nyeme yo laari
sawore fa ko minem bo bu yo satie n do. Ama, kisa wo kere
ka yiri ni i tii yo sa bo i ko atin su wo, na sono kere bo i
yoori Yesu yarada, Nyeme de i mi ka yiri yo sa bo i ko atin
su i do a.

27 Nyini dee ti, nzu deke ye ya koro fa fo a? Deke be wo
má bere. Noanie kpamaawa ni ma minem yo sa bo i ko atin

su Nyeme do a, nzen se? Ai, ma so. Ama, bo minem yo Yesu yarada n dee ti a. ²⁸ Ya nie ka deke bo i kere ka Nyeme de sono ka i yo sa bo i ko atin su i do n la kabo wo yo Yesu yarada n wo, ma ka i su noanie kpamaawa n su n dee ti a. ²⁹ I ti nahore wo, ka Nyeme ti ma Yudafo m ngumi Nyeme, i ti bo bu ti ma Yudafo m n gusu Nyeme wo. ³⁰ Nyeme ti kun wo. Yarada n dee ti, ye Nyeme na Yudafo m bo ba wura kenkenne n yo sa bo i ko atin su i do a, ye minem bo bu ti ma Yudafo m na bu wura ma kenkenne ni, bu yarada ma Nyeme de bu ka bu yo sa bo i ko atin su i do a. ³¹ Nyini sukere ma ka ya yo Yesu yarada n dee ti, ya fa ma noanie kpamaawa n yo ma juma a. I ti ma so, ama, nyini ma ya bita noanie kpamaawa n kenken a.

4

Kabo Abraham yoori Nyeme yarada barasu ni

¹ To, am ma ya nie ya na Abraham jore. Ya busu nu, yiri ti ya kere na a. ² Nzen ma i sakpa yoowa dee ti ye Nyeme ade i ka i yo sa bo i ko atin su i do, ma i koro fa fo yanfoya, ama, Nyeme do, i ti ma so. ³ Dama ba kere i Nyeme Jore Kadasi n nu ka, "Abraham yoori Nyeme yarada, nyini dee ti ye Nyeme ade i ka i yo sa bo i ko atin su i do n a." ⁴ Nzen sono yo juma na ba to i kaari, i ti ma ka bu na ba ce i aceeri wo, i ti i juma ni nkato o. ⁵ Ama, sono bo i yoori yarada, ma ka i sakpa bo wo yo i n dee ti ye Nyeme ade i ka i yo sa bo i ko atin su i do n a, ama, wo yo yarada ka Nyeme de satieyofa ka i yo sa bo i ko atin su i do n dee ti a. ⁶ Feme Davidi mmoo yo kaanri nyini minem nusu jore, ka i mi la terefie, dama Nyeme ade i ka i yo sa bo i ko atin su i do, ma ka i sakpa n dee ti a. I na,

⁷ "Terefie wo bu do, minem bo Nyeme fa bu ngasi ce bu ni.

Terefie wo bu do, minem bo Nyeme kata bu satie su ni.

⁸ Terefiefo la sono bo Micera n na i la ma satie be ni."

⁹ To, minem bo bu wuraari kenkenne n ngumi la nyini terefie ni, nzen se a? Ai, minem bo bu wura ma kenkenne ni mmoo la i. Dama ya du mo ase ka, Abraham yarada n dee ti ye Nyeme ade i ka i yo sa bo i ko atin su i do n a. ¹⁰ Sangha bono ye Nyeme seeri so n a? Nyini sangha Abraham awura kenkenne, nzen wo nya wura ma? Ai, nyini sangha wo nya wura ma. ¹¹ Nyini sangha n sin, ye i ba wuraari kenkenne n a. Na i kenkenne wuraawa n kere ka i yarada n dee ti ye Nyeme deeri i ka i yo sa bo i ko atin su i do, sangha bo i nya wura ma kenkenne ni. I yoori so ni, adena yiri Abraham ba yo minem bo ba yo yarada n kere si, haari ni bo ba wura ma kenkenne ni, ye Nyeme ade bu ka bu yo sa bo i ko atin su i

dɔ n a. ¹² Yiri gusu kaaki ti minem bo ba wura kenkenne n si a, má ka ba wura kenkenne n dɛɛ ti, ama, bo ba yo yarada kabo i yoori yarada sanɔa bo i nya wura má kenkenne ni.

¹³ Nyeme yo seeri Abraham ni i busu nufom ka i fá durunya n kere ce bu ni, má ka i su Nyeme noanie kpamaawa n su dɛɛ ti a, ama, kabo wo yo Nyeme yarada n ti ye Nyeme deeru i ka i yo sa bo i ko atin n su i dɔ a.

¹⁴ Nzen mine su Nyeme noanie kpamaawa n su ye bu nya deke n bo Nyeme seeri ka i cé bu ni, nyini la ka yaradayo n ti ngbeen wo lee, na kabo Nyeme ase n gusu la má kperɛ.

¹⁵ Nzen minem saaki noanie kpamaawa ni, nyini ma Nyeme fa yaa na i cin bu sui a, ama, nzen má noanie kpamaawa be wo má bere, má deke be wo má bere bo i kere ka sono ayo satie.

¹⁶ Nyini ti, deke bo Nyeme yo seeri ka i fá ma ni, i baari minem bo bu yo yarada n dɛɛ ti wo. I yoori so ni, adena deke n bo i yo seeri ka i yó n yó aceeri kpama ma Abraham busu nufom kere, má bo bu su noanie n kpamaawa n su ngumi, ama, bo ba yo yarada kabo Abraham yoori ni. Yiri ti ya kere si a, ¹⁷ kabo ba kere i Nyeme Jore Kadasi n nu ni, ka, Nyeme na o, "M má a yo mine barasu donɔu si." Nyeme nuuri ka Abraham ayo yarada ka yiri Nyeme tenge minem bo ba wu n yiwee nu, na yiri ma deke n bo i yo wo má bere n wo bere a. ¹⁸ Nyini ti, sanɔa bo Abraham yoori yarada na i la tama ni, i ti kekereke na i yo tama ka i bá yo mine barasu donɔu si, kabo ba kere i Nyeme Jore Kadasi n nu ka, "U busu nufom bá sunnu beberebe ni." ¹⁹ Haari ni sanɔa bo wo ju afo yaa, na i si ka wo yo kpien ni, na i yi Saara ti noroka na wo yo buke n kere ni, i nunie ayoroki má i, i yoori yarada a. ²⁰ Wo yo má sika fa ko deke bo Nyeme seeri ka i yó i n su, ama, yarada n bo i yoori i n dɛɛ ti, na wo nya fanɔa na wo kansi Nyeme. ²¹ Na wo si tenle su ka Nyeme koro yo deke n bo i yo seeri ka i yó i ni. ²² Abraham yoori yarada a, nyini dɛɛ ti ye Nyeme ade i ka i yo sa bo i ko atin su i dɔ n a. ²³ Kabo ba kere i ka, Nyeme ade i ka i yo sa bo i ko atin su i dɔ ni, má Abraham ngumi dɛɛ ti ye bu kereeri i so a, ²⁴ ama, yere gusu dɛɛ ti ye bu kereeri so n a, yere bo Nyeme bá de ya ka ya yo sa bo i ko atin su i dɔ n na ya yo i yarada ni, yiri bo i tengeeri ya Mibie Yesu i yiwee n nu ni. ²⁵ Ya satie dɛɛ ti ye Yesu wuuri a, na wo tenge i yiwee n nu, adena Nyeme de ya ka ya yo sa bo i ko atin su i dɔ.

5

Kabo Nyeme ade ya ka ya yo sa bo i ko atin su ni

¹ Tɔ, ya yo yarada, na Nyeme ade ya ka ya yo sa bo i ko atin su i do ni, ye ya ni yiri afien ayo dongu a, ya Mibie Yesu Kristo dee ti. ² Yesu Kristo dee ti ma ya la atin jina deke bo ya wo kisa n a, yiri la Nyeme ahoroma n bo wo fa ama ya ni, na ya la ahorejo, dama ya la tama ka ya nya Nyeme dee jirima woowa n be. ³ Na nzen ya gusu la ahorejo sanja bo ya di wahara, ya si ka wahara di ni ma ya mindi a. ⁴ Nzen ya la mindi, nyini ma ya la wo kpa a, nzen ya la wo kpa, nyini ma ya la tama a. ⁵ Na tama n bo ya la i ni, i ma ya di ma nyinse, dama Nyeme afa i Awiewie Casi n ama ya, yiri ma ya si ya ahore su kabo Nyeme koro ya agaya barasu a.

⁶ Sanja bo ya la ma fanja mmoo ni, nyini sanja n ye Kristo ba wu maari satieyofom n a. ⁷ I ti kekereke ka sono soro su na i to i ngoo na i wu ma sono bo i yo sa bo i ko atin su, ama, beni, be koro fa ahoresi na i soro su na i de sono bo i yo sakpa agaya jinaabiri na i wu ma i. ⁸ Ama, Nyeme yiri akere ya kabo i koro ya barasu, dama sanja bo ya toko yo satiem ni, ye Kristo ba wu maari ya a. ⁹ Nyini dee ti, i yiwee n bo i wu maari ya ni, ye Nyeme ade ya ka ya yo sa bo i ko atin su i do n a, nyini ti, i ti nahore wo ka i de ya fite suicin n bo Nyeme fa cin satieyofom ni. ¹⁰ Sanja bo ya yo ti Nyeme kpofom ni, ye i wa Yesu wu maari ya n a, na wo yo ya ni Nyeme afien dongu, kisa na ya ni Nyeme afien ayo dongu ni, i de ya tii ji nahore su, dama Yesu la ngoo n dee ti. ¹¹ Ma nyini ngumi a, ama, ya la ahorejo na ya bo tuntun Nyeme ya Mibie Yesu Kristo dee ti, dama wo yo ya ni Nyeme afien dongu.

Adam ni Yesu Kristo jore

¹² Am ma ya tenge ya kere na Adam jore su. Yiri sono kun dee sa bo i yoori i ni faari satie baari durunya n nu a, ye satie n gusu faari yiwee ba kuunri sono kere n a, dama sono kere yo satie wo. ¹³ Satie yo woori durunya n nu ka, ye Nyeme nya ba faari i noanie kpamaawa n maari a, ama, sanja bo Nyeme nya fa ma i noanie kpamaawa n ma ma ni, minem yo kan ma satie jore, dama noanie kpamaawa be wo ma bere n dee ti. ¹⁴ Ama, haari nyini mmoo, fite Adam sanja n kere ko ju Moyisi sanja ni, yiwee la yiko kun minem so o, haari ni bo ba yo ma satie kabo Adam yoori ni. Adam woowa kere ya deke be fa ko yiri n bo i ba ba n jore a.

¹⁵ Ama, aceeri n bo Nyeme afa ama ya ni, i ti ma ka Adam dee satie ni. Sono kun satie dee ti ye mine dongu wuuri a, ama, deke bo i tara i kere n la ka, mine dongu anya ahoroma bambaka, i ti aceeri bo i fite Nyeme do o, sono kun ahoroma dee ti. Yiri la Yesu Kristo. ¹⁶ Bekun, Nyeme aceeri n ti ma ka sono kun n dee satie ni, dama sono kun n dee satie ni, nyini

ma Nyeme di mine jore cin bu sui a, ama, mine dongu satie bo ba yo i n dæ sin, ye Nyeme ace bu aceeri a, na wo de bu ka bu yo sa bo i ko atin su i do. ¹⁷ Ya nu ka sono kun dæ satie ti, ye yiwee la yiko kun mine so n a, yiri sono kun n satie dæ ti. Ama, deke bo i tara i kere n la kabo mine anya ngoo adi femeya n wo, dama ba nya ahoroma bambaka n bo i ti Nyeme aceeri ni, Nyeme ade bu ka bu yo sa bo i ko atin su i do a. I kere fite sono kun n dæ ti wo, yiri la Yesu Kristo.

¹⁸ Nyini ti, kabo sono kun dæ satie ti na Nyeme di minem kere jore cin bu sui ni, so bekun ye sono kun dæ sakpayo ni ma Nyeme de minem kere ka bu yo sa bo i ko atin su i do na bu nya ngoo a. ¹⁹ Na kabo sono kun keteeri Nyeme noanie n na minem kere ayo satieyofom ni, so bekun ye sono kun gusu ade Nyeme noanie n a, nyini ye Nyeme de minem kere ka bu yo sa bo i ko atin su i do a. ²⁰ Nyeme faari i noanie kpamaawa n kereeri a, na mine si kabo satieyo asunnu barasu a, ama, deke bo satieyo sunnu, Nyeme ahoroma n bo wo fa ama n sunnu tara so. ²¹ Nyini ti, kabo satie la yiko na i ma yiwee kun minem so ni, so ye Nyeme ahoroma n dæ ti, ye i de minem ka bu yo sa bo i ko atin su i do a, na bu nya ngoo bo i la ma awieeri a, ya Mibie Yesu Kristo dæ ti.

6

Yesu Kristo dæ ti ya la ngoo

¹ To, ye ya se se wo? Ya koro ko su suyo satie, adena Nyeme ahoroma buka su, nzen se? ² Ai. I koro yo ma so. I ti ka ya ti minem bo ba du mo awu wo, fa ko satie su. Ye nzu ti ye ya toko yo satie bekun a? ³ Am si ma Nyeme nzue n bie n bu wo? Yere bo bu bieeri ya Nyeme nzue ni, ya ni Yesu Kristo ayo kun læ, na ya ni yiri asanga awu yiwee kun læ. ⁴ Sanga bo bu bieeri ya Nyeme nzue ni, i ti ka ya ni Yesu asanga awu, na ba kaaki ase ya ni yiri wo læ. Na kabo ya Si Nyeme Yikofa n tengeeri Yesu i yiwee nu ni, so ye i ma ya gusu nya nyini ngoo fofore n a.

⁵ Ya ti kabo i ti n wo, sanga bo i wuuri ni, so ye wo yo daka ka ya ba ti kabo i ti n a, i yiwee tenge n nu. ⁶ Ya si ka, ya woowa dawa ni, ba sanga akpama i ni Kristo i baka jaanu n su, adena ma ya yo akoom fa ko satie su kun, dama anuniembaa n bo i yo satie n wo ma bere kun. ⁷ Dama sono kere bo wo wu, wo de i tii afite satie nu læ. ⁸ To, kabo ya ni Kristo sanga wuuri ni, so ye ya yo yarada ka ya ni yiri sanga nya ngoo a. ⁹ Ya si ka Kristo tengeeri i yiwee n nu ni, i wu ma kun, dama yiwee la ma i nusu yiko kun. ¹⁰ Yiwee

n bo i wuuri ni, i wuuri kpekun n kpein wɔ, na i yi satie, ama, ηγγɔ n bo i la i ni, i wo Nyeme dɛɛ wo wɔ. ¹¹ Sɔ ye i ti ye ni ka amberɛ ni am tii si ka am awu fa kɔ satie su a, na am ni Yesu ayo kun, ye am la ηγγɔ wo Nyeme dɛɛ wo a.

¹² Nyini ti, má am ma satie la yiko fa kɔ am ηuniembaa n su, na am yo am kunnu koroowa. ¹³ Má am fa am ηuniembaa be ma satie, na i kaaki deke bo i yo satie, ama, am fa am ηu ma Nyeme ka minem bo ba tenge yiwee nu anya ηγγɔ kisa, na am fa am ηuniembaa n kerɛ ma Nyeme na i fa am yo deke bo i yo sa bo i kɔ atin su. ¹⁴ Satie la má yiko fa kɔ am dɔ, dama Nyeme nɔanie kpamaawa n nie má am su kun, ama, Nyeme ahɔrɔma ni nie am su a.

Minem bo ba kaaki sa bo i kɔ atin su akɔm

¹⁵ Tɔ, nzu bekun a? Kisa, Nyeme nɔanie kpamaawa n nie má ya su kun, ama, Nyeme ahɔrɔma ni nie ya su a. Nyini ti, ya koro yo satie, nzen sɛ? Ai, má sɔ. ¹⁶ Am si ka nzen am faari am ηu maari be na am deeri i mi nɔanie, am ti i mi n akɔɔ ɔ lɛɛ. Kabo i nya ti sɔ ni, nzen am faari am ηu maari satie, am ti satie akɔɔ ɔ, na am wú ɔ lɛɛ. Ama, nzen am gusu deeri Nyeme nɔanie ni, i dé am ka am ayo sa bo i kɔ atin su i dɔ ɔ lɛɛ. ¹⁷ Sanga be am yo ti satie akɔm wɔ, ama, kisa ya da Nyeme asi ka Nyeme nɔanie n bo bu fa kereeri am, na am ade i ni am ahorembaa kerɛ ni, ¹⁸ am ade am tii afite satie nu lɛɛ, am akaaki sa bo i kɔ atin su n akɔm wɔ. ¹⁹ M fa adamande dɛɛ woowa, ye m fa kere kabo Nyeme ti a, dama am suti má i bu. Am yo fa am ηuniembaa n be yoori dangba sam wɔ, ni satie barasum wɔ, nyini ma am saaki nɔanie kpamaawa n a, sɔ ye kisa am fa am ηuniembaam yo sa bo i kɔ atin su, nyini ma am yo Nyeme mine casim a.

²⁰ Sanga bo am yo ti satie akɔm ni, be mie má am ka am yo sa bo i kɔ atin su. ²¹ Satiem bo am yo yoori bu ni, nzu kperɛ ye am nyaari i a? Pui. Kisa, bu ti am nyinse wɔ, na i awieeri kerɛ la yiwee wɔ. ²² Ama, kisa na am ade am tii afite satie nu, na am ayo Nyeme akɔm ni, kperɛ bo am anya i ni, yiri la bo am ayo i mine casim ni, na i awieeri, am nyá ηγγɔ bo i la má awieeri ni. ²³ Dama satie ηkato la yiwee wɔ, ama, Nyeme aceeri n bo wɔ fa ama ya n la ηγγɔ bo i la má awieeri na i wo ya Mibie Yesu Kristo nu n wɔ.

7

Ajaa woowa kere kabo atin fɔfɔre n ti barasu a

¹ Tɔ, m ninbaam, m sujɔɔ amberɛ bo am si nɔanie kpamaawa ni dɔ a. Am si má ka nzen sɔnɔ toko la ηγγɔ, ye nɔanie kpamaawa n nie i su a? Ama, i nya wu wieeri, i koro nie má i su kun. ² Ya fa i ka, nzen bara aja, na i hun

toko la ngoo, noanie kpamaawa n ma má atin ka i yaki i ajaa, ama, nzen i hun n nya wuuri, i la atin bo i koro ko ja bieso fofore. ³ Nyini ti, nzen i hun n toko la ngoo na i ko jaari bieso fofore, bu fére i ka bara bo wo saaki ajaa ciire wo, ama, nzen i hun n awu ye i ko jaari bieso fofore, noanie kpamaawa n ma i atin wo, wo saaki má ajaa ciire lee. ⁴ To, nyini ti, m ninbaam, i ti so o lee, ambere mmoo do. Kabo am ni Kristo ayo kun na wo wu ni, bu sanja kuunri am ni yiri wo lee. Nyini ti, noanie kpamaawa n nie má am su kun, nyini ma am la atin na am kaaki be deem n a. Nyini la ka, am ti Kristo deem wo lee, yiri bo i tengeeri i yiwee n nu ni. Deke n bo i ti na i yo so n la ka, ya koro yo sakpa ma Nyeme. ⁵ Sanja bo ya yo su ya adamande woowa su ni, ya koroowa la ka, ya sufa ya nuniambaam suyo satiem, noanie kpamaawa n dee ti. Nyini satiem n awieeri la yiwee wo. ⁶ Ama, kisa, ya nya ya tii afite noanie kpamaawa n bo i yo nie ya su ni, dama ya wu wo. Nyini ti, ya su Nyeme wo, ya su má atin dawa n bo i su noanie kpamaawa n bo ba kere ase n su, ama, ya su Nyeme ni atin fofore n bo Awiewie Casi n afa ama ya ni su a.

Kabo noanie kpamaawa n ma mine yo satie barasu ni

⁷ To, ye ya se se wo? Ya koro se ka noanie kpamaawa n ti satie, nzen se? Ai, má so. Nzen má noanie kpamaawa n awo má bere, má m si má kabo satie ti. Dama nzen má noanie kpamaawa n ase má ka, “Má a ma u konviki wura be dee nenje nu,” má m si má ka nzen u konviki wuraari be dee nenje nu, i ti satie wo. ⁸ Noanie maawa n bo i seeri so n dee ti, satie anya atin m ahore su, nyini ma m la konviki barasu barasu fa ko minem nenje nu n a. Nyini kere ka nzen noanie kpamaawa n wo má bere, satie la má yiko, i ti ka deke bo wo wu wo. ⁹ Sanja be m yo la ngoo o, na m si má noanie kpamaawa n jore, ama, sanja bo noanie maawa n baari ni, na wo ye satie su m ahore su, ¹⁰ na ma wu. Na ma nu ka noanie maawa n bo má i ma ngoo ni, mini do, i faari yiwee baari a. ¹¹ Noanie maawa n dee ti, ye satie anya atin awura m ahore su adadaka m, ye i kun m a. ¹² Nyini kere kere ka noanie kpamaawa n ni i tii, ti deke kpa fite Nyeme do o, na noanie maawa kun kun n kere ti deke kpa a, na i kere sa bo i ko atin su.

¹³ Nyini ti, noanie kpamaawa n bo i ti kpa ni, wo ma ma wu wo, nzen se? Ai, má so. Ama, satie fa nyini noanie kpa n su wo, ye i ma m wu a, adena satie kere kabo i ti barasu nahore su, na noanie maawa n ma minem si kabo satie ti deke tie agaya ni.

Woowa barasu nnyo bo i wo adamande nu ni

¹⁴ Ya si ka nɔaniɛ kpamaawa n ti awiewiɛ jɔrɛ wɔ, ama, mini yiri, m bita adamande dɛɛ woowa a, na m ti satie akɔɔ. ¹⁵ Sam bo m yo bu ni, m koro si má deke n bo i ti na m yo bu ni, dama deke n bo m koro ka m yo bu ni, m yo má nyini, ama, deke n bo m kpɔ bu ni, m yo nyini wɔ. ¹⁶ Nyini ti, nzen m yoori satie be, na m koro má i, ma soro su ka nɔaniɛ kpamaawa n ti kpa wɔ lɛɛ. ¹⁷ Ma ŋu ka má m koroyanu ye m yo nyini satiem n a, ama, satie n bo i wo m ahore su ni ma m yo sɔ a. ¹⁸ M si ka woowa n bo m bita i ni, i ti má kpa haari kaan sɔ, i ti adamande woowa a, nyini ti, sakpayo wo m ahore su, ama, m koro yo má i. ¹⁹ M koro ka m yo sakpa, ama, m koro yo má i, satie n bo m koro má ka m yo i ni, m yo nyini wɔ. ²⁰ Satie n bo m yo bu na m koro má ka m yo bu ni, nyini la ka, má mini ni m tii yo bu a, ama, satie n bo i wo m ahore su ni yo bu a.

²¹ Ma ŋu ka nyini jɔrɛ n ti nahɔrɛ wɔ, ka, sanɔa kɛrɛ bo m koro ka m yo sakpa, nyini sanɔa ye m yo satie a. ²² Dama m sunsunni ni m ahore su, m koro Nyemɛ nɔaniɛ kpamaawa ni. ²³ Ama, ma ŋu ka nɔaniɛ barasu be wo m ŋuniɛmbaa n kɛrɛ nu, nyini nɔaniɛ tie n kun lue ni nɔaniɛ kpamaawa n bo i wo m sunsunni ni m ahore su n wɔ, na i kunma m ŋuniɛmbaa n kɛrɛ nu, na i tara m nyi m. ²⁴ Oi. Mini aɲunfofo sɔ. Nɲa dé m tii ji a, na i yí m fite ahin adamande aɲuniɛmbaa n nu a, bo i sucin m kɔ yiwee n nu, na m ka ŋgbɛɛn n a? ²⁵ M da Nyemɛ asi, dama wɔ de m tii aji, ya Mibiɛ Yesu Kristo dɛɛ ti.

Tɔ, mini dɔ, m sunsunni ni m ahore su, m su Nyemɛ nɔaniɛ kpamaawa n su wɔ, ama, m adamande dɛɛ woowa su, m su satie atin su wɔ.

8

Minɛm bo bu woowa ti kabo Awiewiɛ Casi n koro ni

¹ Nyini ti, kisa, sɔnɔ kɛrɛ bo i ni Yesu Kristo ayo kun, Nyemɛ di má i jɔrɛ cin má i sui. ² Dama Awiewiɛ Casi n dɛɛ nɔaniɛ kpamaawa n bo i ma ya ŋɔɔ, na i fite Yesu Kristo dɔ ni, ade u tii aji, na wɔ yi u afite nɔaniɛ kpamaawa n bo i ma a yo satie na a wu n nu ni. ³ Nyini nɔaniɛ kpamaawa n la má fanɔa, dama adamande aɲuniɛmbaa woowa n ayɔrɔki. Deke bo nɔaniɛ kpamaawa n akoro ayo má i ni, Nyemɛ ayo i, yiri la bo i sunmaari i tienɔu Wa durunya n nu fɛn, ni aɲuniɛmbaa bo i ferema ni adamande dɛɛ n bo i yo satie ni, na wɔ di satie bo i wo adamande ŋunie n nu n jɔrɛ, na wɔ yo i ŋgbɛɛn. ⁴ Deke bo i ti na Nyemɛ yoori sɔ n la ka, adena ya yo sa bo i kɔ atin su kabo nɔaniɛ kpamaawa n kereeri ni, dama yerɛ, ya su má adamande aɲuniɛmbaa

woowa n atin su kun, ama, ya su awiewie n dee atin ni su a. ⁵ Minem kere bo bu su adamande anuniembaa woowa n atin su ni, bu sunsunni kere wo adamande sa koroowa su wo, ama, minem bo bu su Awiewie Casi n dee atin n su ni, bu sunsunni kere wo Awiewie Casi n jore su wo. ⁶ Bo i sunsunni wo adamande anuniembaa woowa n su, i mi wu o, ama, bo i sunsunni wo Awiewie Casi n jore su, i mi nya ngoo, na i nya ahoreda. ⁷ Dama sono kere bo i sunsunni kere wo adamande anuniembaa woowa n su ni, i mi ti Nyeme kpof o, i de ma Nyeme nonie kpamaawa ni, i koro de ma i wo mmoo fieo, ⁸ na bo i su adamande dee anuniembaa woowa n su ni, i koro yo ma sa bo i sun Nyeme nu.

⁹ Ama, ambere yiri, am su ma adamande anuniembaa woowa n atin n su, am su Awiewie Casi n dee atin ni su a, dama Awiewie Casi n wo am nu n wo. Ama, sono kere bo i la ma Kristo Awiewie ni, i mi ti ma Kristo dee. ¹⁰ Ama, ambere bo Kristo wo am do ni, am nuniembaa n ba wu wo, satie dee ti, ama, Awiewie Casi ni ama am ngoo, dama Nyeme do, i de am ka am yo sa bo i ko atin su wo. ¹¹ Nahore su, Nyeme tengeeri Yesu i yiwee n nu, nyini ti, nzen i Awiewie Casi n wo am nu, haari am nuniembaa wuuri mmoo, i tenge i kabo i tengeeri Yesu i yiwee n nu n wo, dama i Awiewie n wo am nu n dee ti.

¹² Nyini dee ti, m ninbaam, ya di kaari, ma yere adamande anuniembaa woowa n su dee kaari, bo ma ya fa su yere adamande anuniembaa woowa n atin su ni. ¹³ Dama nzen am su adamande dee anuniembaa woowa n atin su, am wu wo lee, ama, nzen am ma Awiewie Casi n bukaari am, na am yakiiri adamande anuniembaa woowa ni, am nya ngoo. ¹⁴ Minem kere bo bu ma Nyeme Awiewie n kere bu atin, bere ti Nyeme nbaam a. ¹⁵ Dama Awiewie Casi n bo am ade i ni, i yaki ma am na am kaaki yo akoom kun na am soro sere, ama, yiri ma am yo Nyeme nbaam a, na yiri ma am koro bo fere Nyeme ka, "Abba," i bu la ka, "M Si." ¹⁶ Awiewie Casi n ni i tii buka ya dee awiewie n ye i di daani ya ahore su se ka ya ti Nyeme nbaam a. ¹⁷ Kabo ya ti Nyeme nbaam ni, ya nya deke n bo Nyeme ase ka i fa ma i minem ni, na ya ni Yesu Kristo gusu sangga nya deke n bo Nyeme ase ka i fa ma i minem n a. Nzen ya ni yiri sangga diiri wahara, ya ni yiri gusu sangga nya i jirima woowa ni.

Kabo ya woowa ba ti kabo Nyeme dee n ti ni

¹⁸ M sunsun ka wahara n bo ya sudi i kisa ni, i ti ma pui, ya koro fa ma i sunsun ma jirima woowa n bo Nyeme ba yi i kere ya ni. ¹⁹ Deke n kere bo Nyeme ayi bu n nminda ni anyumboro wo, na bu ba nu kabo Nyeme yi i nbaam fite

fofoe n nu. ²⁰ Dama deke n kere bo Nyeme ayi bu n wo bere wo, bu la ma kpere, ma ka bere koro so a, ama, Nyeme ma bu la ma kpere a. Deke bo i ti na i yo so n la ka, i la tama ²¹ ka deke n kere bo wo yi bu ni, bu nya bu tii, na ma bu yo akom kun, na bu wu na bu korow, ama, na bu nya tiide ni jirima woowa kabo Nyeme nbaam kere nya i barasu ni. ²² Ya si ka deke n kere bo Nyeme ayi bu ni, wo waraki ni yaari nu wo, haari ni kisa, kabo bara ba suwu baa na i di yaari ni. ²³ Ma deke n bo Nyeme ayi bu ni ngumi wo waraki su a, ama, yere mmoo bo ya de i Awiewie bo i ti ciciri su aceeri ni, ya wo waraki su sunminda ni anyumboro wo, ka Nyeme ba fa ya yo i nbaam, na i de ya nuni ni. ²⁴ Tiide n bo ya nya i ni, nyini ma ya la tama n a. Nzen a la deke, a se ma ka a la tama ka a nya i. Deke bo sono la i, i se ma ka i la i tama. ²⁵ Ama, nzen ya la tama ka ya nya deke be na ya nya nya ma i, ya mindi nminda ni anyumboro wo, na ya ba nya i.

²⁶ I ti so lee, sangha kere bo ya yoroki na ya si ma kabo ya yo ni, Awiewie Casi n ba buka ya, beni, ya si ma kabo ya sere Nyeme barasu, ama, Awiewie Casi n ni i tii waraki so o sere Nyeme ma ya, ni waraki bo adamande koro joko ma i. ²⁷ Nyeme fiiti adamande ahorembaa su na i si kabo i ti barasu a, yiri si deke bo i wo i Awiewie Casi n sunsunni nu a, dama Awiewie Casi n su kabo Nyeme koro ni su a, na i sere Nyeme ma i minem. ²⁸ Ya si ka Nyeme wo minem bo bu koro i n do, na i buka bu, adena i yo deke kere dongu ma bu, bere la minem bo i du mo seseeri su ka i fere bu ni, na wo fere bu. ²⁹ Nyeme du mo siiri nyini minem wo, na wo cici ka bu ba yo kabo i Wa n ti ni, nyini ma i Wa n yoori baakpien, i nbaam kere nu n a. ³⁰ Nyeme du mo ciciiri nyini n kere wo ka, na wo nya fere bu, na bere n bo wo fere bu n ye wo de bu ka bu yo sa bo i ko atin su i do n a, na bere n bo wo de bu ka bu yo sa bo i ko atin su i do ni, ye wo ma bu i jirima woowa n be n a.

Kabo Nyeme akere i koro barasu ni

³¹ To, kisa, ye ya se se wo bekun a, fa ko ahin sam kere su a? Nzen Nyeme wo ya do, nma koro yo ya sa be a? ³² Nyeme akete ma ka i fa ma i tienngu Wa ni mmoo ma ma ya, ama, i faari i maari ya kere wo. Nyini ti, i yo se kete ka i ma ma ya deke n kere bo i ti kpa n a? ³³ Nma koro fa jore fa so Nyeme minem bo wo yi bu n a? Be wo ma bere, dama Nyeme ni i tii ade bu ka bu yo sa bo i ko atin su i do a. ³⁴ Nyini ti, nma koro di ya jore cin ya sui a? Be wo ma bere. Dama Kristo ni i tii wuuri wo, nahore na wo tenge i yiwee n nu, i tana Nyeme saa fomboro su,

susere i ma ya. ³⁵ Koro n bo Kristo koro ya ni, nzu deke koro kpaaki ya ni yiri a? Ai. Deke be koro kpaaki má ya ni yiri n nu. Kekereke o, wahara o, wuwuruwa o, ahɔɛ o, yaari o, anyumboro o, yiwee o. Deke be wo má bere bo i koro kpaaki ya ni yiri nu. ³⁶ Dama ba kere i Nyeme Jore Kadasi n nu ka,

“Woro deɛ ti, ale kere bo i cin, bu kun ya so o,
ya ti ka nbɔem wo, ye bu kpɛ ya kom a.”

³⁷ Haari ni nyini n kere mmoo ni, ya di nasara a, na ya toko di nasara buka su, Kristo bo i koro ya n deɛ ti. ³⁸⁻³⁹ M si tenle su ka, deke be wo má bere bo i koro kpaaki ya ni koro n bo Nyeme koro ya, ya Mibie Yesu Kristo deɛ ti ni, yiwee wara ngoo o, merɛkem wara Sitana yikofom o, deke n bo bu wo bere o, wara deke n bo bu bá yo o, yiko bo i wo angoro wara asien bu o. Deke n bo Nyeme ayi bu ni, bu be wo má bere bo i koro kpaaki koro n bo i wo ya ni Kristo afien ni.

9

Minem bo Nyeme afere ayi bu n jore

¹ To, deke bo m sukan kere am ni, i ti nahore wo, m bu má kore, m ti Kristo deɛ wo, Awiewie Casi n gusu kere m sunsunni nu a, ye i di daani m ahore su a. ² Yiri la ka, m ahore asaaki agaya, na sanja kere i suyo m yaa ³ fa ko m ninbaa Yisarelifom deɛ busu. Nzen má mini ni m tii kaari ngbeen, na m kpaaki yakiiri Kristo, adena i buka m ninbaam, m deɛ tienngu minem ni, má m koro. ⁴ Bere la Yisarelifom bo Nyeme maari bu atin ka bu yo i nbaam, na bu nuuri i jirima woowa ni, na i faari sesesum diiri i di ni bere ni, na i faari nɔanie kpamaawa n maari bu ni, na i kereeri bu kabo bu su i barasu ni, na i seeri ka i yó sakpa beberebe ma bu ni. ⁵ Bu ti ya nam busu nufom wo, haari Kristo Tiidefo n bo Nyeme sunmaari i na i kaaki adamande baari durunya n nu ni, bu wuuri i fite bu deɛ busu n nu wo. Kristo Tiidefo ni la yiko tara deke n kere, yiri ti Nyeme a, yiri ti ye ni kansi sanja kere a. Ami.

⁶ I ti má ka Nyeme nɔanie n ti má nahore wo, dama má bu kere bo bu wuuri bu Yisarelifom busu nu ni n ti Yisarelifom nahore su a. ⁷ Nahore, má nbaam kere bo Abraham wuuri bu ni ti i nbaam nahore su a, ama, Nyeme yo seeri Abraham ka, “U wa Izaki sinfom ngumi yó u busu nufom a.” ⁸ Nyini la ka, má nbaam kere bo Abraham wuuri bu kabo adamande wu nbaam ni ti Nyeme nbaam nahore su a, ama, i nbaam bo Nyeme seeri ka i wú bu ni ngumi, ti i busu nufom nahore su a. ⁹ Dama kabo Nyeme yo seeri i n yaa, i na, “Ti fen, ngoo cɛen ka buuso, m káaki ba na m bá nu ka u yi Saara

bita baabieso.” ¹⁰ Má nyini ngumi a, am tenje su ka ya na Izaki yo maari i yi Rebeka akunnu, ye i wuuri ndaam n a. ¹¹⁻¹² Saŋga bo Rebeka nya wu má i ndaam ni, na bu nya yo má sakpa wara satie be ni, nyini saŋga n ye Nyeme seeri i ka, “Baakpien ni bá su baakan n a.” Nyeme dee koroyanu ye i yoori so n a, yiri koro i sono ye i yiiri i a, má ka bu be sayoowa dee ti a. ¹³ Kabo ba kere i Nyeme Jore Kadasi n nu ni, ka, Nyeme na,

“Jakobu, ye m koro i a,
ama, Isawu yiri, m kpo i wo.”

¹⁴ Ye ya se se wo? Ya koro se ka Nyeme ayo má sa bo i ko atin su, nzen se? Ai, ya koro se má so fieo. ¹⁵ Dama Nyeme yo seeri Moyisi ka,

“Sono kere bo m koro ka m buka i, m buka i wo,
na sono kere bo m koro ka m si i anunfo, m si i anunfo o.”

¹⁶ Nyini ti, má adamande koroyanu, wara deke bo i boro i nyi yo i ni ti jore a, ama, kabo Nyeme si anunfo ni, nyini ti jore a. ¹⁷ Dama ba kere i Nyeme Jore Kadasi n nu ka, Nyeme yo seeri Ijipiti Feme Faaro ka, “Deke n bo i ti na m yiiri u tanaari femeya bie n su n la ka, m kere m yiko u ngoo su, na m duma tá bara ye durunya n kere nu.” ¹⁸ Nyini kere kere ka, sono kere bo Nyeme koro ka i si i anunfo, ye i si i mi anunfo a, na minem bo i koro ka i yo bu ahorembaa kekereke ni, na i yo bu.

Nyeme yaafa ni i anunfo si n jore

¹⁹ Nyini ti, beni, be koro bisa m ka, “Nzen i ti so, nzu ti ye Nyeme di minem bo ba kete i n jore na i jaraki bu a? Nma koro kete na i kanda sa bo Nyeme koro i n a?” ²⁰ M na, woro la nma na a se Nyeme akuruwa a? Dundu koro bisa má yakati tafu n ka, “Nzu ti ye a taari m so a?” ²¹ Yakati tafu n la atin bo i fa i yakati n ta dundu bo i sufa yo juma ceen n kere ceen, na i kaaki la atin bo i fa be ta dundu bo i fa yo juma ceen kpiri ceen. ²² Nyini ti, Nyeme la atin bo i koro fa yaa, na minem nu kabo i yiko ti barasu. I gusu koro mindi agaya fa ko minem bo bu ma yaa ati i ni, bere bo má wo yo daka ka bu ka ngbeen ni. ²³ Na i gusu la atin bo i fa i jirima woowa bo i la má anusu n fa kere minem bo wo si bu anunfo ni, na wo du mo asese su ka bu bá nya i jirima woowa n be ni. ²⁴ Yere la nyini minem bo i si ya anunfo, na ya nya i jirima woowa n be ni, má ka yere Yudafo ngumi, ye wo fere ya nbem a, ama, wo fere bo bu ti má Yudafo ni mmoo nbem abuka su. ²⁵ I ti kabo Nyeme noanie kanfo Hoseya akere i dee kadasi n nu n wo ka, Nyeme na,
“Minem bo bu yo ti má m minem ni, m fere bu ka m minem.

Na yiri n bo ma koro má i ni, m fére i ka m sɔnɔ koroo-wa.

²⁶ Dika n bo i nu na m fereeri bu ka, ‘Am ti má m minem ni,’

ɔɔ ye bu fére bu ka Nyemɛ bo i wo bere sanɔa kere n deɛ nbaam n a.”

²⁷ Tɔ, na Nyemɛ nɔaniɛ kanfɔ Esaya abo awie fa kɔ Yisarelifɔm jɔre su, i ɲa, “Haari ni bo Yisarelifɔm sunnu beberebe ka ɲmie ni, bu nu mine kaan sɔ nyá tiide a. ²⁸ Dama sa n bo Micera ni yó i durunya n nu ni, i yó i wie ndende.” ²⁹ I ti kabo Esaya du mɔ seeri n wɔ, i ɲa,

“Nzen má Micera Yikofɔ n ayaki má ya busu nufɔm nbem, má i yo ya kabo i yoori Sodomfɔm ni Gomorafɔm wɔ, mie tiem bo Nyemɛ saaki bu ni.”

Yisarelifɔm ni labari kpa n jɔre

³⁰ Tɔ, ye ya se se wɔ? Minem bo bu ti má Yudafɔm ni, akpini má atin kabo bu yo sa bo i kɔ atin su Nyemɛ ɔɔ, ama, kisa, Nyemɛ ade bu ka bu yo sa bo i kɔ atin su i ɔɔ, bu yarada n deɛ ti. ³¹ Ama, na Yisarelifɔm bere, akpini atin kabo bu su nɔaniɛ kpamaawa n su, adena Nyemɛ de bu ka bu yo sa bo i kɔ atin su. Ama, haari ni nyini mmɔɔ, ba koro asu má i su nyunyumi, na bu yo sa bo i kɔ atin su Nyemɛ ɔɔ. ³² Nzu ma i yoori sɔ n a? Dama ba kpini má atin kabo bu yo yarada na Nyemɛ de bu ka bu yo sa bo i kɔ atin su i ɔɔ, ama, bu kpiniiri atin ka bu sayoowa ma Nyemɛ de bu ka bu yo sa bo i kɔ atin su i ɔɔ a. Na ba bo bu jaa yabue n su na ba kpaasi. ³³ Kabo ba du mɔ akere i ase ni, Nyemɛ ɲa,

“Am ti fen, m sufa yabue be se Siyon mie kpiri n nu lee, nyini yabue ni, minem bó bu jaa su na bu kpáasi.

Ama, sɔnɔ kere bo i yoori i yarada, i mi dí má nyinse.”

10

¹ M ninbaam, deke bo m koro i m ahore su la ka, m minem Yisarelifɔm nya tiide, m nyemɛsere lee sanɔa kere. ² M si tenle su ka bu nyunu aboro ka bu su Nyemɛ atin n su nahɔre su, ama, bu si má kabo bu yo na bu su i su. ³ Dama bu si má atin bo Nyemɛ de minem ka ba yo sa bo i kɔ atin su i ɔɔ ni, ama, bu kpini bu tienɔgu atin wɔ, na bu su i su. Nyini ti, na ba kete Nyemɛ atin ni, ba de má kabo Nyemɛ ɲa bu yo sa bo i kɔ atin su i ɔɔ ni. ⁴ I ti nahɔre wɔ, ka Kristo juma n bo i yoori i ni, yiri kuunri nɔaniɛ kpamaawa n kere nɔɔ a, adena sɔnɔ kere bo i yoori i yarada, Nyemɛ de i mi ka i yo sa bo i kɔ atin su i ɔɔ.

Sɔnɔ kere koro nya tiide

⁵ Moyisi yo kere fa koori kabo mine koro su noanie kpamaawa n su, na bu yo sa bo i ko atin su Nyeme do, i na, "Sono kere bo i su noanie kpamaawa n kere su, i mi nya ngoo." ⁶ Ama, fa ko kabo yarada dee ti, na sono yo sa bo i ko atin su Nyeme do ni, i na, "Ma a sunsun u ahore su ka, nma fun ko angoro a?" Nyini la ka, i ko fa Kristo jura ba lee. ⁷ Wara "Nma jura kunma ngongo n bo i la ma awieeri nu a?" Nyini la ka, i ko fa Kristo fun fite bo ba wum n nu ba lee. ⁸ Deke bo i suse n la ka, "Nyeme noanie n waari ma ni woro.

I wo u noo nu, ni u ahorembaa mmoo su."

Yiri la labari n bo ya kaanri i n fa ko yaradayo su ni. ⁹ Nzen a teke u noo jooori minem nyunu ka, Yesu ti u Mibie nahore su, na a yoori yarada u ahore su ka Nyeme tengeeri i yiwee n nu, a nya tiide. ¹⁰ Dama sono kere bo i yoori yarada i ahore su, ye Nyeme de i ka i yo sa bo i ko atin su i do a. Na sono kere bo i teke i noo jooori minem nyunu ka wo yo yarada, nyini ma i nya tiide a. ¹¹ Dama ba kere i Nyeme Jore Kadasi n nu ka, "Sono kere bo i yoori i yarada, i mi di ma nyinse." ¹² Nyini ti, bo bu ti Yudafoim, ni bo bu ti ma Yudafoim, bu la ma kpakpaakinu, Micera kun ni ti bu kere Mibie a. Yiri ma minem kere bo bu bo fere i duma deke kpa bo i la ma anusu n a. ¹³ Dama ba kere i Nyeme Jore Kadasi n nu ka, "Sono kere bo i bo fereeri Mibie n duma, i mi nya tiide."

¹⁴ To, bu yo se koro bo fere i duma, ma ka ba du mo ayo i yarada? Ye bu yo se koro yo i yarada, ma ka ba du mo ati i jore? Ye bu yo se koro ti i jore a, ma ka be adu mo akan i labari kpa n akere bu? ¹⁵ Ye bu yo se koro kan i labari kpa n kere minem a, ma ka be asunma bu minem do? Kabo ba kere i Nyeme Jore Kadasi n nu, ka, "Bo bu suba kan Nyeme labari kpa n ma ya ni, bu natiiri yo fie." ¹⁶ Ama, ma sono kere soroori su deeri labari kpa n a, kabo Nyeme noanie kanfo Esaya yo seeri ni, ka, "Ya Mibie, nma ayo ya labari n yarada? Ai, be ade ma i." ¹⁷ Nyini ti, kana sono ba yo Yesu Kristo yarada, ma ka wo ti i labari kpa n ka, kana sono gusu ba ti labari kpa ni, ma ka be akan Kristo noanie ni akere i.

¹⁸ Ama, mine bo ba de ma labari kpa ni, ba ti ma jore n wo, nzen se a? Nahore, ba ti i. Dama ba kere i Nyeme Jore Kadasi n nu ka,

"Ba bo ndoori abara aye durunya n kere nu,
na bu noanie aju asien n kere su."

¹⁹ M koro ka m bisa bekun ka, Yisarelifom ni, ba si ma? Ba si. Moyisi du mo seeri ka, Nyeme na,

"M ma am si kore fa ko minem bo bu ti ma daanfie n nahore su ni,

m má am fa yaa fa kɔ minem bo bu la má ngɔnlɛ n ɲu.”
 20 Na Esaya ayo ahoresi, na wɔ se bu ka, Nyemɛ ɲa,
 “Haari minem bo bu yo niɛniɛ má m busu ni, m ma ba ɲu m.
 Na minem bo bu yo bisa má m busu ni, ma bɔ bu nu
 afa m ɲu akere bu.”
 21 Na Esaya akaaki ase fa kɔ Yisarelifom su ka, Nyemɛ ɲa,
 “Ale kɛrɛ bo i cin, m tenɛge m saa fere nyini minem n wɔ,
 ama, bu ti atii kekereke ni ketemafom wɔ.”

11

Kabo Nyemɛ ma Yisarelifɔ nbem diiri i ahɔrɔma ni

¹ M koro ka m bisa ka, Nyemɛ akete i minem wɔ, nzen se a? Ai, wɔ kete má bu e. Am ti fɛn. Mini Pɔɔlu ni m tii, m ti Yisarelifɔ ɔ. M ti Abraham busu nufɔ ɔ, m fite Benjamin dɛɛ lɛɛ anɔ n nu wɔ. ² Nyemɛ akete má i minem bo i du mɔ yiiri bu ni. Am nya kan má Nyemɛ Jɔrɛ Kadasi n nu fa kɔ i nɔaniɛ kanfɔ Eliya n su, kabo i jarakiiri Yisarelifom Nyemɛ dɔ n wɔ, nzen se? ³ Bo i ɲa, “Micera, ba kun u nɔaniɛ kanfom kɛrɛ, ba kaaki afufu u yoowa yoobirim n kɛrɛ, wɔ kɔ aka mini ngumi kpein wɔ, ye bu koro ka bu kun m gusu n a.” ⁴ Ama, Nyemɛ yo seeri i se wɔ? I ɲa, “Ma yaki Yisarelifom mine akpii nso afa ase Yisareli asien n su. Bɛrɛ ye bu nya kutu má amɔɛ Baali n na bu su i a.” ⁵ Nyini dɛɛ ti, kisa gusu, i ti sɔ ɔ lɛɛ. Nyemɛ ayi Yisarelifom nu mine kaan sɔ ɔ, ye wɔ fere bu a, fa kɔ i ahɔrɔma n dɛɛ ti. ⁶ I ahɔrɔma n dɛɛ ti, ye wɔ yi bu a, má ka bu sayoowa dɛɛ ti a. Nzen má i ti ka bu sayoowa n dɛɛ ti, má ahɔrɔma n ti má aceeri kun.

⁷ Nzu bekun a? Yisarelifom n anya má deke n bo bu kpiiri i busu ni, ama, minem n bo Nyemɛ yiiri bu ni, bɛrɛ nyaari i a, na bo bu kaari n kɛrɛ ahorembaa ayo kekereke. ⁸ I ti kabo ba kɛrɛ i Nyemɛ Jɔrɛ Kadasi n nu n wɔ, ka,
 “Nyemɛ ama bu ahorembaa nɔnɔri,
 na i ma bu nyumbaa ɲu má asi,
 na i ma bu sui ti má asui,
 haari ni nyuma.”

⁹ Na Fɛmɛ Davidi ase ka,
 “Ma bu cɛɛnkpiri diire diibiri n kaaki toroku ni diɛndiɛ tara
 bu.

Ma bu kpaasi, na bu nya bu satie ɲkatɔ.

¹⁰ Ma bu nyunu si biri na bu koro ɲu má asi,
 ma bu wi biri sanɛa kɛrɛ sanɛa ka ba sɔ sɔri
 nɔnɔri wɔ.”

Kabo bo bu ti má Yudaɔm n anya tiide ni

¹¹ M koro ka m bisa ka, bo bu boori bu jaa kpaasi ni, bu yasu má kun wɔ? Ai, má sɔ. Ama, nahɔrɛ, bu kpaasi sɔ n

dɛɛ ti, ye minem bo bu ti má Yudafom nyaari tiide a, adena Yudafom ŋu i na bu si bu kɔrɛ. ¹² Nyini ti, ba kpaasi n dɛɛ ti, ye durunya n nufom anya deke kpa beberebe a, ba fun deke n bo má bu nya i n dɛɛ ti, ye bo bu ti má Yudafom n anya deke kpa beberebe n a. Tɔ, nzen i ti sɔ, na Yudafom bo bu bá yo yarada n búka su, i yó deke kpa tara sɔ.

¹³ Kisa m sujɔɔ amberɛ bo am ti má Yudafom ni gusu dɔ a. Juma n bo Nyemɛ afa ama m ni, i sunmaari m ka m yo i jaramasa amberɛ bo am ti má Yudafom dɔ ɔ, nyini ti ye m fa m juma n fa fɔ a, ¹⁴ na i má m tienɔgu minem si kɔrɛ, adena bu nbem nya tiide. ¹⁵ Dama sanɔa bo Nyemɛ keteeri bu ni, ye i ni durunya n nufom kɛrɛ ayo kun a, ama, nzen i kaaki deerɛ bu bekun, i tí sɛ wɔ? I yó ka ba nya ŋɔɔ afite yiwee nu wɔ lɛɛ. ¹⁶ Nzen be faari i alembaa fɔfɔrɛ be fa yoori yoowa na i fa maari Nyemɛ, nyini la ka, i alembaa n kɛrɛ ti Nyemɛ dɛɛ wɔ lɛɛ. Ye nzen baka bunlɛi n ti Nyemɛ dɛɛ, nyini la ka, i asambaa n kɛrɛ gusu ti Nyemɛ dɛɛ wɔ lɛɛ.

¹⁷ Nahɔrɛ, Yisarelifom ti ka baka n bo i su suuwa kpa n wɔ, ye ba kpɛ i asambaa ni nbem atu, na amberɛ ti ka boro baka bo i suuwa la má fanɔa, ye ba kpɛ am asa baka n bo i su suuwa kpa n dɛɛ asambaa n su a, nyini ti, am ni baka n bo i su suuwa kpa n asambaa n kɛrɛ sanɔa nya ŋɔɔ fite i bunlɛi n dɔ ɔ. ¹⁸ Nzen i nya ti sɔ, má am fa fɔ ka am ti kpa tara baka n bo i su suuwa kpa n ni i tii, dama má asambaa ni ma bunlɛi ni ŋɔɔ a, ama, bunlɛi ni ma asambaa ni ŋɔɔ a.

¹⁹ Beni, a se ka, “Ba kpɛ baka n bo i su suuwa n dɛɛ asambaa n be, adena mini nya sasuubiri a.” ²⁰ Tɔ, i ti nahɔrɛ wɔ, Yudafom ayo má yarada n dɛɛ ti, ye Nyemɛ kpɛɛri bu jiiri n a, ye u yarada n dɛɛ ti, ye a jina jinaabiri n bo a jina n a. Nyini ti, má a yo kpirikoro, ama, si u ŋu sa. ²¹ Dama nzen Nyemɛ ayaki má baka kpa n ni i tii dɛɛ asambaa ni, beni, i bá yaki má wɔrɔ boro baka ni mmɔɔ dɛɛ asambaa ni. ²² M ŋa a ŋu kabo Nyemɛ yo sakpa barasu ni, ni kabo i di mine jɔrɛ na i cin bu sui ni anyumboro barasu ni. Minem bo bu yo má i yarada n ye i di bu jɔrɛ cin bu sui ni anyumboro n a, ama, wɔrɔ yiri, i yo sakpa ma u wɔ, nyini ti, susu i sakpa n bo i yo ma u n su, má nyini, i kpɛ wɔrɔ mmɔɔ ji wɔ lɛɛ. ²³ Nzen Yudafom kaakiiri bu wo, na bu bá yoori Nyemɛ yarada, i koro fa bu sa bu woobiri dawa n su, dama i la yiko bo i koro yo sɔ. ²⁴ Ti fɛn. Wɔrɔ mmɔɔ ni u tii ti ka boro baka asambaa n bo ba kpɛ i afa asa baka n bo i su suuwa kpa n su wɔ. Nyini ti, a si ka Nyemɛ dɔ, i ti má kekereke na i káaki ba fa baka n bo i su suuwa kpa n asambaam n ba sa bu woobiri dawa n su bekun.

Kabo Nyeme si sɔnɔ kere anjunfo n jɔre

²⁵ M ninbaam, asiri nu jɔre be yaa, ye m koro ka am si i a, adena má am yo am ɲu kpiri ka am la si. Yiri la ka, kabo Yisarelifom nbem ayo bu ahorembaa kekereke ni, bu bíta i sɔ haari fa kɔ ju sangá bo minem bo bu ti má Yudafom kere bá ba Nyeme dɔ. ²⁶ Tɔ, i yó sɔ ɔ, na Yisarelifom kere bá nya tiide, kabo ba kere i Nyeme Jɔre Kadasi n nu ni, ka, “Tiidefo ni fíte Siyon miɛ kpiri n nu ba, na i bá yi deke n kere bo i kɔ má atin su fa tu, na i yó Jakɔbu busu nufom casi.

²⁷ Kabo m fá sɛsesu di i di ni bere lɛɛ, sangá bo m ba yiiri satie n bo i wo bu ɲu ni.”

²⁸ Kabo Yudafom n akete labari kpa n ni, nyini ma ba kaaki Nyeme kpɔfom kisa n a, amberɛ bo am ti má Yudafom n dɛɛ ti. Ama, fa kɔ kabo Nyeme fereeri bu nam na i yiiri bu ni, bu ti i mine koroowam wɔ. ²⁹ Dama nzen Nyeme faari i aceeri fa ceeri mine nbem, wara nzen wɔ fere sɔnɔ, i kaaki má i sunsunni. ³⁰ Amberɛ, am yo keteeri Nyeme nɔanie n wɔ, ama, kisa, wɔ si am anjunfo, bere bo ba kete i nɔanie n dɛɛ ti. ³¹ Tɔ, kisa, i ti sɔ ɔ, bere akete Nyeme nɔanie ni, dama Nyeme asi am anjunfo, adena i awieeri su, na i bá si bere gusu anjunfo. ³² Dama Nyeme abo sɔnɔ kere kun ka bu kere kete i wɔ, adena i awieeri su na i bá si bu kere anjunfo.

Nyeme kansi jɔre

³³ Nahɔre, Nyeme alecira ni i si bo i la i n wo ɲgo. Kabo i di i jɔre ni, be koro fíti má nu na i ti i bu, i atin n gusu kere, sɔnɔ koro si má i bu. ³⁴ Ba kere i Nyeme Jɔre Kadasi n nu ka,

“Nma nya si deke bo i wo Micera n sunsunni nu a?

Wara nma nya koro tu i fo a?”

³⁵ “Nma nya ce Nyeme deke be a, adena Nyeme kaaki tɔ i mi kaari a?”

³⁶ Dama deke kere fite yiri dɔ a, deke kere ti i dɛɛ wɔ, na deke kere bá yo i dɛɛ wɔ. Yiri ti ye ni ka ya kansi i sangá kere sangá. Ami.

12*Minem bo bu yo Nyeme sa koroowa n woowa jɔre*

¹ Nyini ti, m ninbaam, m sere am wɔ, am niɛ kabo Nyeme asi am anjunfo ayo am sakpa ni, na am fa am ɲu ma i, kabo má am yo yoowa fa ma i ni, ama, am toko la ɲgɔɔ, na am kaaki Nyeme minem na am su i ni anyumboro. Nyini ti nyemesu bo i sun i nu a, dama wɔ yo sakpa ama am.

² Má am ma am woowa ti kabo durunya n nufom woowa ti

barasu ni, ama, am kaaki am sunsunni fofore, na am kaaki am wo, nyini ma am koro si Nyeme koroyanu sa a, bo i ti kpa, na i sun i nu, na i ti kabo i koro ka i ti ni.

³ To, Nyeme aceeri n bo wo fa ama m dee ti, m sutu am kere fo o ka, ma be wura i nu kpiri tara kabo i ti ni, ama, sono kere sunsun na i nie i nu kabo i ti nahore su barasu, na i si kabo Nyeme ama i mi yarada barasu ni. ⁴ Adamande anuniembaa n ti momo kun wo, ama, i la bue bue, i kere ni i juma bo i yo i. ⁵ Ya gusu do i ti so o lee, ya sunnu, ama, ya ni Kristo ayo kun n dee ti, ya ti anuniembaa momo kun wo, na ya kere ti anuniembaa n bue be bo ya buka ya benju wo. ⁶ Nyini ti, aceeri barasu barasum bo Nyeme ahorama n dee ti na wo fa ama ya ni, am ma ya fa yo i juma ni. Nzen aceeri n bo Nyeme afa ama be n la ka i sukan Nyeme nonie ni, i ti ye ni ka i mi sufa yo juma, kabo i yarada n ti barasu ni. ⁷ Nzen Nyeme ama be aceeri ka i su amusui, i ti ye ni ka i mi sufa su. Nzen wo ma be aceeri ka i fa kere minem, i ti ye ni ka i mi sufa kere bu. ⁸ Nzen wo ma be aceeri ka i sutu minem fo na i wura bu kpekperere kekereke, i ti ye ni ka i mi sutu fo yo so. Nzen wo ma be aceeri ka i suyo sakpa na i ce minem aceeri, i ti ye ni ka i mi yo i ni ahorembaa kun. Nzen wo ma be aceeri ka i yo minem mofa, i ti ye ni ka i yo so ni anyumboro. Ye nzen wo ma be aceeri ka i suyo sakpa ma minem bo bu wo ahoresaaki nu ni, i ti ye ni ka i yo so ni ahorejo.

⁹ Am koro minem ni akunnu fofoe, am kpo satie, na am su deke bo i ti kpa su. ¹⁰ Am koro am benju Kristofom ka am ti nibaam wo, na am bu am benjum ka bu tara am. ¹¹ Am su Mibie n ni anyumboro, ma am yo nvieya, am ma am ahorembaa bi ni nyemesu. ¹² Am la ahoresi n dee ti, am ma am ahore jo. Sangha kere bo am sudi wahara, am mindi, na am sere Nyeme sangha kere ni anyumboro. ¹³ Am kpaaki am nengem nu ma Nyeme minem bo bu la ma be ni, na am boro am nyi sude minem wofa.

¹⁴ Am sere deke kpa Nyeme do ma minem bo bu kere am wuwuruwa ni, am sere deke kpa ma bu, ma am sere deke tie ma bu. ¹⁵ Nzen minem wo ahorejo nu, am ma am ni bere kere ahore ti jowa. Nzen minem wo ahoresaaki nu, am ma am ni bere kere wo ahoresaaki nu. ¹⁶ Am ma am ni am benjum sangha wo ni sawore, ma am koro kpiri, ama, am fa am nu mata tarakam. Ma am se ka amberere ngumi la ngone a.

¹⁷ Nzen sono yo am satie, ma am woro tie to i kaari. Ama, am boro am nyi na am suyo sa bo i ti kpa, na sono kere nu i, na bu se ka i ti kpa. ¹⁸ Nzen am koro yo i, am boro am nyi

na am ni sɔnɔ kere tana ni laifie. ¹⁹ M danfo kpam, nzen be ayo am satie, má am wɔɔ tie tɔ i kaari, ama, am yaki i, na Nyeme cín i mi sui, dama ba kere i Nyeme Jɔre Kadasi n nu ka, Micera n ɲa, “Mini cín bu sui a, mini tó bu kaari a.” ²⁰ Ama, am yo kabo ba kere i Nyeme Jɔre Kadasi n nu ni, ka, “Nzen ahɔe ati u kpɔfɔ na a la diire, ma i na i di. Nzen nzuehɔe ati i, ma i nzue na i nu. Nzen a yoori sɔ, i ti ka a tɔɔ sinmone agɔ i mi tii su wɔ lee.” ²¹ Má a ma satie yoowa kunma u, ama, ma u kpayo n kunma satie ni.

13

Kabo i ti ye ni ka ya de tereterefom nɔanie barasu ni

¹ I ti ye ni ka sɔnɔ kere de tereterefom nɔanie, bere bo bu la yiko na bu nie am su ni, dama yiko be wo má bere bo i fite má Nyeme dɔ. Bo bu la yiko kisa n kere, Nyeme akpama bu a. ² Nyini ti, sɔnɔ kere bo i keteeri tereterefom nɔanie ni, i mi sukete deke bo Nyeme akpama i n wɔ lee. Sɔnɔ kere bo i yoori sɔ, i sukpini suicin ma i ɲu wɔ lee. ³ Dama sɔnɔ kere bo i yo sakpa soro má tereterefom ni sere, ama, sɔnɔ kere bo i yoori satie ni, yiri soro tereterefom n a. Nyini ti, nzen a koro má ka a soro tereterefom ni, yo sakpa, na bu kansu u. ⁴ Nyeme ma tereterefom wo bere yo bu juma a, na bu buka u na a yo sakpa. Ama, nzen a yoori satie, ma sere ti u, dama Nyeme ama bu yiko ka bu yo bu juma ma yiri Nyeme a, na bu cin minem bo bu yo satie n sui. Bu cin má minem sui ɲgbɛɛnɲgbɛɛn. ⁵ Nyini dɛɛ ti, i ti ye ni ka am de tereterefom n nɔanie, má ka am soro ka bu cin am sui n ɲgumi dɛɛ ti a, ama, am ahore su, ni am sunsunni kere ka am yo sɔ n dɛɛ ti a. ⁶ Nyini dɛɛ ti, i kaaki ti ye ni ka am tɔ am lampom, dama gominam n yo bu juma ni anyumboro wɔ, Nyeme akere ka bu yo sɔ a. ⁷ Nyini ti, deke bo i ti ye ni ka am yo ma sɔnɔ kere ni, am yo ma bu. Am tɔ am lampom kaari, wara nzen ba kpie am kaari be, am tɔ i, sɔnɔ kere gusu bo i ti ye ni ka am ma i jirima, am ma i.

Kabo i ti ye ni ka ya yo fa kɔ ya beɲgum n dɔ ni

⁸ Má am ma be deke be kaari su am su. Deke bo wɔ yo daka ka am bita am beɲgu kaari la ka, am sukoro am beɲgu. Dama sɔnɔ bo i koro i beɲgu, i mi su Nyeme nɔanie kpamaa-wa n kere su wɔ lee. ⁹ Dama am si Nyeme nɔanie maawam n kere, ka, “Má a saaki ajaa ciire, má a kun sɔnɔ, má a wɔ,” ni bo i ɲa, “Má a ma u konviki wura be dɛɛ nenje nu,” haari ni bo ba ka n kere jina nyini nɔanie kun ni su a, ka, “Koro u beɲgu kabo a koro u ɲu ni.” ¹⁰ Sɔnɔ kere bo i koro

i benngu yo má i mi satie. Nyini kere ka noanie kpamaawa n kere jina koro su wo lee.

Minem bo bu wo wein nu n jore

¹¹ I ti ye ni ka am yo so, dama am si kabo ahin sannga n ti ni. Sannga n aju, i ti ye ni ka am tenge, má am daafi. Dama sannga n bo ya nyá tiide n adodo, i waari má ka sannga bo ya du mo yoori yarada ni. ¹² Wo ka kaan na ya fite kongue nu, ale sucin lee. Nyini ti, am ma ya yaki awosin nu juma kere, na ya yo wein sayoowa, kabo luekunfom sana bu biesoya nengem na bu ko kun lue ni. ¹³ Ya wo wiesu wo lee, nyini ti, am ma ya woowa ko atin su. Má ya sudi ya tii, sunu nzan subo, suyo ngbeenngbeen, má ya suyo sakaraya, suyo konvikiya ngbeenngbeen, má ya sukpini jore, na má ya susi kore. ¹⁴ Ama, am ma ya fa ya Mibie Yesu Kristo n yo deke bo ya fa wura, kabo sono fa sutura wura barasu ni, na má ya su ya nuniembaa koroowa n su.

14

Má a jaraki u benngu

¹ Am de minem bo bu yarada ti má biiwa n ni am saan nyo, má am se bu akuruwa fa ko deke n bo bu ci bu n su na am tanda bu ahore. ² Ma ya fa i ka, nbem la yarada bo bu koro di deke kere bo bu koro, ama, nbem gusu wo bere, bu yarada ti má biiwa, bu ciire la nie, bu di toro nyawa n ngumi wo. ³ Sono bo i di nie kere nie ni, má i mi bu bo i di má nie ni ngbeen. Sono kere gusu bo i di nyawa n ngumi ni, má i mi jaraki bo i ci má pui ni, dama Nyeme ade i a. ⁴ Woro la nma na a jaraki be dee gbefene? I dee tienngu mibie ni sé ka i jina wara i kpási a. I ti nahore wo ka i jina a, dama i mibie ni koro ma i jina nyunyumi a.

⁵ Bekun, mine nbem do, bu sunsun ka ceen nbem ti kpa tara nbem, ama, nbem gusu sunsun ka ceen n kere ti kun wo, be tara má i benngu. I ti ye ni ka sono kere su kabo i sunsunni nu kere ka i ti kpa n su. ⁶ Sono kere bo i sunsun ka ceen be ti kpa tara ceen nbem ni, i mi koro ka i bu Nyeme dee ti, ye i yo so a, ye sono kere bo i ci má pui n gusu, i mi koro ka i bu Nyeme dee ti, ye i yo so a, dama i da Nyeme asi fa ko diire n su, ye i nya di a. Sono kere gusu bo i di má deke nbem ni, i mi gusu bu Nyeme dee ti, ye i yo so a, dama i mi gusu da Nyeme asi fa ko diire n su, ye i nya di a. ⁷ Sono be wo má bere bo i koro se ka i wo i tii su wo wo, be gusu wo má bere bo i koro se ka i wu i tii su yiwee. ⁸ Ai, nzen ya la ngoo a, Mibie n dee ti ye ya la ngoo a. Nzen ya wu gusu a, Mibie n dee ti ye ya wu a. Nyini ti, nzen ya la

ngoo wara ya wu wo, Mibiε n dεε la ya a. ⁹ Dama nyini dεε ti ma Kristo wuuri, ye i tengeeri i yiwee n nu n a, adena i yoo sɔno kere Mibiε, bo bu la ngoo n ni bo ba du mo awu n kere. ¹⁰ Woro la nma, woro bo a jaraki u benggu na a bu i ngbeen ni? A si ma ka ya kere ba jina Nyeme nyunu na i di ya jore? ¹¹ Kobo ba kere i Nyeme Jore Kadasi n nu ni, ka, Micea n na,

“Sɔno kere ba kutu m nyunu,
na sɔno kere ba teke i noo se ka mini ti Nyeme a.

Kobo ma se ni, nyini wo bere a.”

¹² Nyini ti, ya kere ba kan ya sa bo ya yo i n kere kere Nyeme.

Ma a yo sa bo i ma u benggu Kristofɔ bo i jaa na i kpaasi

¹³ Nyini ti, am ma ya yaki ya benggu jore kan, na ma ya jaraki bu kun, ama, am ma ya sunsun kobo ya yo na ma ya ma ya benggu Kristofom bo bu jaa, wara na bu kpaasi. ¹⁴ Kobo m ni ya Mibiε Yesu ayo kun ni, nyini ma m si ka deke be mmoo ni i tii ti ma ciire n a. Ama, nzen sɔno sunsun ka deke be ti ciire i do, ma i mi di i. ¹⁵ Nzen diire n bo a di i n dεε ti, na a saaki u benggu Kristofɔ n ahore, nyini yiri, a suyo ma koro sa lee. Kristo yo wuuri i dεε ti wo, ma a ma i mi ka ngbeen, u diire n bo a di i n dεε ti. ¹⁶ Ma am ma be joo jore tie fa ko deke kpa n bo am si i n su. ¹⁷ Dama kobo Nyeme nie i minem su ni, i ti ma di ni nu jore wo, ama, i ti aceeri bo Awiewie Casi n afa ama minem wo, yiri la ka, ya yo sa bo i ko atin su Nyeme do, ni tanalaifie, ni ahorejo. ¹⁸ Sɔno kere bo i suuri nyini atin n su, na i su Kristo so, i mi yo sa bo i sun Nyeme nu a, na adamande kansa i ka i ti sɔno kpa.

¹⁹ Nyini ti, am ma ya boro ya nyi na ya su deke n bo i ma ya tanalaifie n su, na ya buka ya benggu, na ya ko mo ni ya nyemesu ni. ²⁰ Ma am saaki Nyeme juma ni, diire dεε ti. Diire kere ti kpa a. Ama, nzen be di diire be na i ma i benggu bo i jaa na i kpaasi, nyini yiri, i ti ma kpa. ²¹ Nzen a di nie, wara a nu nzan, wara a yo nyini n be so, na i ma u benggu Kristofɔ bo i jaa na i kpaasi, i ti ma ye ni ka a yo so. ²² Yarada n bo a yo i u ahore su fa ko nyini jorem su, ma i wo u ni u Nyeme afien. Sɔno kere bo i yo sa bo i ko atin su, na i la ma sika i ahore su ka wo yo satie, i mi la terefie nahore su. ²³ Ama, sɔno kere bo i ba sudi diire barasu nbem na i yo sika, Nyeme adi i mi jore ajaraki i ka wo yo satie, dama diire n bo i sudi i ni, wo yo ma yarada. Deke kere gusu bo sɔno yo i, na i la ma yarada, i ti satie wo Nyeme do.

15

Ya yo sa bo i jo ya bengum ahore

¹ Yere bo ya la fanḡa fa kɔ yarada su ni, wɔ yo daka ka ya yo sawɔre ni bere n bo bu yarada la má fanḡa ni, na ya buka bu, na ya dada bu ahore, má ya yo sa bo i sun yere ni ya tii nu. ² Sono kere yo deke bo i sun i bengum nu, na i yo sakpa, na i kɔ mɔ ni i nyemesu ni. ³ Dama haari Yesu Kristo ni i tii ayo má sa bo i sun yiri ni i tii nu, ama, i ti kabo ba kere i Nyeme Jore Kadasi n nu n wɔ, ka, “Nzukolee barasu n kere bo minem fa kpiɛeri wɔɔ Nyeme ni, bu fa kpiɛeri mini wɔ.” ⁴ Deke n kere bo bu du mɔ kereeri i Nyeme Jore Kadasi n nu ni, bu kereeri i ka i kere ya a, adena ya la tama, dama deke bo ba kere i ni, nyini ma ya ahoresi a, na ya koro mindi a. ⁵ Nyeme ma ya mindi ni ahoresi a, yiri ma am la anɔɔse ni am bengum a, kabo Yesu Kristo kereeri am ni, ⁶ adena am kere tien am nɔɔ fa anɔɔse, na am kansu Nyeme, ya Mibie Yesu Kristo Si.

Kabo minem bo bu ti má Yudafoḡm gusu ade Kristo labari kpa n ni

⁷ Nyini dee ti, am de am bengum, ni am saa nnyɔ kabo Kristo ade am ni, nyini ma mine kansu Nyeme a. ⁸ Dama m suse am ka Kristo baari ka i ba buka Yudafoḡm n wɔ, i yoori sɔ n dee ti, nyini ma deke n bo Nyeme seeri ka i yo ma Yudafoḡm nam n ayo biiwa nahore su n a. ⁹ Bekun i baari ka i ba buka minem bo bu ti má Yudafoḡm wɔ, na bu gusu kansu Nyeme fa kɔ kabo wɔ si bu aḡunfo ni. Kabo ba kere i Nyeme Jore Kadasi n nu ni, ka,

“Nyini dee ti, m kánsi wɔɔ Nyeme,
m kánsi u duma minem bo bu ti má Yudafoḡm nu,
na m dí jue ma u.”

¹⁰ Ba kaaki akere i bekun ka,
“Amberɛ bo am ti má Yudafoḡm ni,
am ma am ahore jo ni Nyeme minem bo wɔ yi bu ni.”

¹¹ Bekun, i ḡa,
“Amberɛ bo am ti má Yudafoḡm ni, am kansu Micera ni,
na am ma daanfem kere kansu Nyeme.”

¹² Na Nyeme nɔaniɛ kanfo Esaya gusu ase ka,
“Sono be bá fite Jese dee lee ano n nu,
i ti kabo baka tie i bunlui su n wɔ,
na i bá yo daanfem kere femɛ,
yiri má bu nya ahoresi a.”

¹³ Nyeme ma ya tama, m sere i ka i ma am ahorejo ni tana-laifie kɔ sin su, kabo am ayo i yarada n dee ti, adena Awiewie Casi n yiko ma am tama bo i la má aḡusu.

Deke bo i ti na Pɔɔlu kereeri ahin kadasi n ni

¹⁴ Tɔ, m ninbaam, m si tenle su ka am la wo kpa, na am la si dɔŋgu, na am kaaki koro fa tu am beŋgu fɔ. ¹⁵ Haari ni nyini mmɔɔ, ma fa ahoresi, ye m sukere ahin kadasi n fa ma am a, adena m tenge am ahin sam n su, dama Nyeme ayo sakpa ama m, ¹⁶ ka m yo Yesu Kristo amususufɔ ma minem bo bu ti má Yudafom ni, adena m kan Nyeme labari kpa n kere bere bo bu ti má Yudafom ni, na Awiewie Casi n ma Nyeme de bu ka bu ti i dee mine casim. M yoori sɔ ni, i ti ka Nyeme sayoowa dɔŋguyofɔ n bo i yo yoowa bo i sun Nyeme nu ni. ¹⁷ Yesu Kristo dee ti, m la atin bo m koro fɔ fa kɔ Nyeme juma n bo wɔ fa ama m su. ¹⁸ Nahore, i la m sere na m kan sam bo nyingam ayo bu ni, má ka sam n bo Kristo ma ma yo bu ni ngumi, yiri la bo wɔ ma ma kan i noanie n akere minem bo bu ti má Yudafom ni, na ma yo alekutura sam, na ba de i noanie ni. ¹⁹ I ma m faari alekutura sam, ni Awiewie Casi n dee yiko nu fa yoori nyini juma n a. M boori i bu Yerusalem mie kpiri n nu wɔ, na ma bara aye akɔ aju haari Ilirikum awore n nu, na ma kan Kristo labari kpa n jore n kere akere bu. ²⁰ Deke bo m nyunu boro su agaya n la ka, m kan labari kpa n jore kere minem aworem n kere bo bu nya ti má Kristo duma ni, dama m koro má ka m ta be dee ataari su, ²¹ kabo ba kere i Nyeme Jore Kadasi n nu ni, ka,

“Haari ni bo minem nya kan má labari kpa n kere má bu ni,
 bu ní i,
 haari ni bo bu nya ti má labari kpa ni,
 bu tí i, na bu sí i bu.”

Kabo Pɔɔlu ŋa i koro ka i kɔ nie Romafom busu ni

²² Tɔ, nyini n kere dee ti, sanɔga kere, má m koro ka m ba nie am busu wɔ, ama, m nya má atin. ²³ Ama, kisa, mie fɔfɔre be wo má bere bo m kɔ dɔ na m kɔ yo juma ahin aworem n nu, nyini ti, kabo má sanɔga kere na m koro ka m ba nie am busu ni, ²⁴ m la tama ka m ba susin kɔ Esipani dee awore n nu, m jina am dɔ na m nie am busu, na m ni amberɛ nya tana, na am buka m na m koro kɔ ju deke bo m sukɔ ni. ²⁵ Ama, kisa yiri, m sukɔ Yerusalem mie kpiri n nu wɔ, m la buka be bo m kɔ fa ma Nyeme minem bo bu wo dɔ ni. ²⁶ Dama Kristofom bo bu wo Makedoniya ni, ni bo bu wo Akaya dee aworem n nu ni, wɔ yo bu fie ka bu yiyi ŋwaa, na m kɔ fa ma Nyeme minem bo bu wo Yerusalem na bu ti yaarifom ni. ²⁷ Bere ni bu tii afa sunsunni kpa anu ka Yerusalemfom kaari su bu su, dama Yerusalemfom du mɔ faari Nyeme deke kpa maari bere n bo bu ti má Yudafom

n wɔ, nyini dɛɛ ti, wɔ yo daka ka bɛrɛ gusu nya durunya n nu nɛngɛ ma Yerusalemfɔm ni. ²⁸ Tɔ, nyini ti, nzen m koro yoori nyini juma n kɛrɛ wieeri, na bu nya nyini buka n kɛrɛ, m bá niɛ am busu, na m nyá sin kɔ Esipani. ²⁹ M si tenle su ka m baari, m fá deke kpa fite Kristo dɔ ba ma am.

³⁰ M ninbaam, kabo Ya Mibiɛ Yesu Kristo wo ya dɔ, na Awiewiɛ Casi n koro ya agaya n dɛɛ ti, m sere am wɔ, ka am buka m na ya sere Nyɛmɛ ni anyumboro, ³¹ ka i dé m fite Yudiya awɔrɛ n nufɔ nbem bo bu yo má yarada n saa nu, na Nyɛmɛ minɛm bo bu wo Yerusalem n dé buka n bo m sufa kɔ ma bu ni. ³² Na nzen i ti Nyɛmɛ koroowa, na m bá am dɔ ni ahorejɔ, na m ni ambɛrɛ kɛrɛ koro dada ya benɔu ahore. ³³ Nyɛmɛ bo i ma tanalaifiɛ n buka ya kɛrɛ. Ami.

16

Kabo Pɔɔlu yoori Kristo jamam bo bu wo Roma miɛ kpiri n nu anse ni

¹ Tɔ, m koro ka am si ya niwa baabara n bo bu fere i ka Fibi ni, i yo Nyɛmɛ juma buka Kristo jama n bo i wo Kenciriya miɛ kpiri n nu n wɔ. ² Am de i kabo má am de Nyɛmɛ minɛm barasu ni, Mibiɛ n dɛɛ ti, na am buka i ni deke kɛrɛ bo i koro, dama yiri ni i tii abuka mine dɔŋgu, haari ni mini mmɔɔ.

³ Am bisa Pirisila ni Akuyila dɔŋgu ma m. M ni bɛrɛ sanɔa yo juma ma Yesu Kristo wɔ. ⁴ Bu yo tɔɔri bu ŋɔɔ maari m wɔ, nyini dɛɛ ti ye m da bu asi n a, má mini ŋgumi yo bu anse a, ama, Kristo jamam kɛrɛ bo bu ti má Yudaɔm gusu yo bu anse. ⁵ Am bisa Kristo jama n kɛrɛ dɔŋgu, bo bu tien bu nɔɔ bu dika ni.

Am bisa m danfo kpa Epanɛtosi n dɔŋgu ma m, yiri du mɔ yoori Kristo yarada Esiya dɛɛ awɔrɛ n kɛrɛ nu a. ⁶ Am bisa Mariya dɔŋgu, bo wɔ yo juma agaya abuka am ni. ⁷ Am bisa Andɔrɔnikusi ni Juniya dɔŋgu, m lamɔkɔ Yudaɔm bo m ni bɛrɛ yo woori dansaraka nu ni, bu la dumaye Kristo jaramasam kɛrɛ nu, bɛrɛ du mɔ yoori Kristo susufɔm ka, ye m nya ba yoori a. ⁸ Am bisa m danfo Ampiliyatusi dɔŋgu, m Mibiɛ n dɛɛ ti, m koro i agaya. ⁹ Am bisa Wuribanisi dɔŋgu ma m, bo yiri ni yere sanɔa yo juma ma Kristo ni, na am kaaki bisa m danfo Sitakisi dɔŋgu. ¹⁰ Am bisa Apelesi dɔŋgu, bo wɔ yi i ŋu ka i ti Kristo susufɔ nahɔrɛ su ni, na am bisa Arisitobulosi dikafɔm kɛrɛ dɔŋgu. ¹¹ Am bisa m lamɔkɔ Yudaɔfɔ n bo bu fere i ka Herodiyon n dɔŋgu, na am bisa Naracisi dikafɔm bo bu ti Mibiɛ n dɛɛ minɛm n buka su. ¹² Am bisa Tirifena ni Tirifosa dɔŋgu, nbara nnyɔm bo bu yo juma ma Mibiɛ ni, ni m danfo Perisisi, yiri mmɔɔ

ayo juma agaya ama Mibié n ni. ¹³ Am bisa Rufusu dɔngu, yiri bo Nyeme ayi i ka i yo i juma n ni, ni i ni bo i ti mini mmɔɔ ni ni. ¹⁴ Am bisa ahin minem kere dɔngu ma m, bere la Asinkiritusi, ni Felegon, ni Heremesi, ni Patorobasi, ni Heremasi, ni ya ninbaam kere bo bu wo bu dɔ ni. ¹⁵ Am bisa Filolokusi ni Juliya dɔngu, ni Nereyusi, ni i niemabara ni, ni Olimpasi, ni Nyeme minem kere bo bu wo bu dɔ ni. ¹⁶ Am bisa am benggu dɔngu ni koro. Kristo jamam kere bo bu wo fen n bisa am dɔngu.

Awieeri su dɛɛ fɔtuuwa

¹⁷ M ninbaam, m sere am wɔ, am si am ŋu sa ni minem bo bu saaki kereewam bo am adu mɔ ade i ni, na bu fa kpakpaakinu ba ni, na bu ma minem kpaasi fa kɔ bu yarada n su ni. Má am dodo bu. ¹⁸ Dama nyini minem sɔ, bu su má ya Mibié Yesu Kristo su, ama, bu su bu dɛɛ kunnu koroowa su wɔ, na bu bo minem bo bu si má pui n anɔɔfiɛ, na bu dadaka bu. ¹⁹ Ama, amberɛ yiri, sɔnɔ kere ati kabo am ade Kristo nɔaniɛ nahɔɛ, nyini dɛɛ ti, m ahore ajo ako asin su. M koro ka am la si fa kɔ deke n bo i ti kpa n su, ama, m koro má ka am la si haari kaan sɔ mmɔɔ fa kɔ deke n bo i ti má kpa n su. ²⁰ Nyeme bo i ma tanalaifiɛ ni, i cé má, i má am yiko na am fún tientien Sitana ŋu merɛki i. Ya Mibié Yesu Kristo buka am.

²¹ Timoti bo m ni yiri sanɔa yo juma n bisa am dɔngu, na Lukiyosi, ni Jason, ni Sosipateri, m lamɔko Yudafom n gusu bisa am dɔngu.

²² Mini Teretiyusi gusu bisa am kere dɔngu, Mibié n dɛɛ duma n nu, mini ye Pɔɔlu ma m kerɛeri ahin kadasi n sufa ma am n a.

²³ M awurufɔbiɛ Gayosi bisa am dɔngu. Kristo jama n kere tien bu nɔɔ i dika a. Irasitusi bo i ti miɛ n nu ŋwaa bitafo ni, ni ya niwa Kuwatosi kere bisa am dɔngu. [²⁴ Ya Mibié Yesu Kristo buka am kere. Ami.]

Pɔɔlu dɛɛ awieeri su nɔaniɛ ni

²⁵ Am ma ya kansu Nyeme. Yiri koro ma am jina fanga kenken fa kɔ Yesu Kristo labari kpa n bo m kaanri i jɔɛ na am ati i n su a. I ti jɔɛ bo bu yo fa fiɛeri dada kere wɔ, ama, kisa wɔ fite fofoe nu. ²⁶ Yiri ye Nyeme nɔaniɛ kanfom kerɛeri i n a, na Nyeme bo i wo bere sanɔa kere n ama daanfɛ kere ati i, na ba de i, na ba yo i yarada. ²⁷ Nyeme ŋgumi la alecira a, yiri ti ye ni ka ya kansu i a, Yesu Kristo dɛɛ ti, sanɔa kere sanɔa. Ami.

Pɔɔlu kadasi ciciri su bo i kɛrɛ fa maari KƆRINTOFƆM ni

¹ Mini Pɔɔlu bo Nyɛmɛ dɛɛ koroyanu na wɔ fere m ka m yo Yesu Kristo jaramasa ni, m ni ya niwa Sositeni ni sukɛrɛ ahin kadasi ma am a. ² Ya sukɛrɛ i na ya fa ma ambɛrɛ Kristo jama n bo am wo Kɔrinto miɛ kpiri n nu, na Nyɛmɛ afere am afa am ayo i dɛɛ minɛ casim ni, na wɔ ma am ni Yesu Kristo ayo kun ni, fa sanɔa ni minɛm kɛrɛ bo bu bo fere ya Mibiɛ Yesu Kristo duma n deke kɛrɛ ni, yiri ti ya ni bɛrɛ kɛrɛ Mibiɛ a.

³ Ya Si Nyɛmɛ, ni ya Mibiɛ Yesu Kristo buka am, na bu ma am tanalaifiɛ.

Sakpam bo Pɔɔlu ɔa Nyɛmɛ ayo ama bu ni

⁴ Sanɔa kɛrɛ m da Nyɛmɛ asi wɔ, ambɛrɛ dɛɛ ti, fa kɔ sakpa n bo wɔ yo ama am na i fite Yesu Kristo dɔ ni. ⁵ Yiri dɛɛ ti, am anya deke kpa dɔnɔgu, haari fa sanɔa ni jɔrɛ jɔjɔɔ-wa, ni si kɛrɛ. ⁶ Daani n bo ya diiri i fa kɔ Kristo ɔusu jɔrɛ ni, ambɛrɛ mmɔɔ ni am tii si ka i ti nahɔrɛ wɔ. ⁷ Nyini dɛɛ ti, am fun mǎ Nyɛmɛ aceeri kpa n haari kun n kpɛin mmɔɔ, na am ɔmindɔ fa kɔ sanɔa bo ya Mibiɛ Yesu Kristo bǎ yi i ɔu fite ni. ⁸ Yiri mǎ am fanɔa haari kɔ ju awiɛeri a, na am la mǎ ɔgasi be ya Mibiɛ Yesu Kristo dɛɛ cɛɛn ni. ⁹ Nyɛmɛ la dabuɔu, yiri afere am ka am ni i Wa ya Mibiɛ Yesu Kristo n la wo fiɛ ni am benɔu a.

Kpakpaakinu n bo i woori Kristo jama n aften ni

¹⁰ M ninbaam, m sere am wɔ, Yesu Kristo dɛɛ duma n nu, ka am kɛrɛ fa anɔɔsɛ na mǎ am ma kpakpaakinu be wo am nu, ama, am ma am sunsunni ni am nɔaniɛ yo kun nahɔrɛ su. ¹¹ M ninbaam, deke bo i ti na m se sɔ ni, Kolowe dikafɔm nbem ase m ka am la akuruwa am ɔnuɔu nu. ¹² Yiri la ka, am nbem ɔa, "Mini su Pɔɔlu su a," nbem ɔa, "Mini su Apolosi su a," nbem ɔa, "Mini su Petoro su a," ye nbem gusu ɔa, "Mini su Kristo su a." ¹³ Kristo akpakpaaki i ɔu nu wɔ, nzen sɛ? Ye bu kpamaari Pɔɔlu baka jaanu n su maari am a? Bu biɛeri am Nyɛmɛ nzue Pɔɔlu dɛɛ duma nu wɔ? Ai. ¹⁴ M da Nyɛmɛ asi ka ma biɛ mǎ am be Nyɛmɛ nzue, mǎ ka Krisipusi ni Gayosi n ɔgumi. ¹⁵ Nyini dɛɛ ti, be koro se mǎ ka m biɛeri i Nyɛmɛ nzue m dɛɛ duma nu. ¹⁶ Ɛɛnhɛɛn, ma tenɔe su bekun ka m biɛeri Satɛfanasi dikafɔm n gusu Nyɛmɛ nzue. Sin nyini sin, m koro tenɔe mǎ su ka m biɛeri be Nyɛmɛ nzue kun. ¹⁷ Dama Kristo asunma mǎ m ka m ba biɛ minɛm

Nyeme nzue wɔ, ama, i sunmaari m ka m ba kan i labari kpa n jɔre kere minem wɔ. Ma fa má adamande dɛɛ alecira, ye m fa kan kereeri minem a, nzen má m yo sɔ, má yiwee n bo Kristo wuuri baka jaanu n su n ti ngbɛɛn wɔ.

Kristo ti Nyeme yiko ni alecira a

¹⁸ Dama nzen ya kan yiwee n bo Kristo wuuri i baka jaanu n su n jɔre kere minem bo bu suka ngbɛɛn ni, bere dɔ i ti sinnzinya jɔre wɔ lɛɛ. Ama, yere n bo ya nya tiide ni, i ti Nyeme yiko sa bo wɔ yo ama ya a lɛɛ. ¹⁹ Dama ba kere i Nyeme Jɔre Kadasi n nu ka, Nyeme ŋa,

“M yó alecirafɔm alecira ni ngbɛɛn,
na m tó sifɔm si n atin.”

²⁰ Tɔ, alecirafɔm wo ni? Ye sifɔm wo ni? Ye bo bu fiiti na bu si ahin durunya n nu jɔre n wo ni? Durunya n nu alecira ye Nyeme afa akaaki sinnzinya n a. ²¹ Nyeme la alecira, be koro fa má durunya n nu alecira na i fa si Nyeme. Nyeme koroyanu ye i ma ya kan labari kpa n bo i ti ka sinnzinya jɔre n kere minem a, na bo ba yo yarada ni, Nyeme ade bu tii aji. ²² Dama bo bu ti Yudafɔm ni, bere koro ka bu ŋu alekutura sam wɔ, ye bo bu ti Girikifɔm n gusu koro ka bu ti alecira jɔre wɔ. ²³ Ama, yere kan Kristo Tiidefɔ labari kpa n jɔre wɔ, kabo bu kpamaari i baka jaanu n su ni. Yudafɔm dɔ, i ti ciire wɔ, ye bo bu ti má Yudafɔm n dɔ, i ti sinnzinya jɔre wɔ. ²⁴ Ama, minem bo Nyeme afere bu ni, bo bu ti Yudafɔm ni, ni bo bu ti Girikifɔm ni, Kristo ti Nyeme yiko ni alecira a. ²⁵ Dama Nyeme sa bo wɔ yo i na i ti ka sinnzinya sa n tara adamande alecira kere bo i la i, na Nyeme sa bo wɔ yo i na i ti ka i la má fanɔa ni, i tara adamande fanɔa kere bo i la i.

²⁶ M ninbaam, am sunsun na am niɛ kabo am yo ti na Nyeme ba fereeri am ni. Nzen ya ŋa ya niɛ, durunya n nufɔm yo bu má ka am dɔŋgu la alecira, am dɔŋgu yo ti má yikofɔm, na am dɔŋgu gusu yo fite má nfanɔafɔm n busu nu. ²⁷ Ama, Nyeme ayi dekem bo bu ti sinnzinya sa durunya n nu ni, na wɔ fa awura alecirafɔm nyinɛ, na wɔ yi dekem bo bu la má fanɔa durunya n nu ni, na wɔ fa awura nfanɔafɔm nyinɛ. ²⁸ Nyeme ayi bo bu ti tarakam durunya n nu fen, na wɔ yi minem bo bu bu má bu ni, ni dekem bo bu ti ngbɛɛn ni, na i ma dekem bo bu la fanɔa n ka ngbɛɛn. ²⁹ Deke bo i ti na Nyeme yoori i sɔ n la ka, adena má be koro fɔ yiri Nyeme dɔ. ³⁰ Ama, Nyeme ama am ni Yesu Kristo ayo kun, na wɔ ma wɔ yo ya dɛɛ alecirafɔ. Yesu dɛɛ ti ye Nyeme de ya ka ya yo sa bo i kɔ atin su i dɔ n a, ye wɔ yo ya i mine casim, na wɔ de ya tii aji. ³¹ Nyini dɛɛ ti, kabo

ba kere i Nyeme Jore Kadasi n nu ni, “Sɔnɔ kere bo i ɲa i fɔ, i ti ye ni ka i fɔ Mibiɛ n ti.”

2

Kabo Pɔɔlu kaanri Yesu Kristo ni i yiwee n jɔre ni

¹ M ninbaam, saɲga bo m baari am dɔ na m ba kaanri labari kpa n kereeri am, na am si Nyeme asiri nu n jɔre ni, ma fa má adamande alecira ni si jɔre ajɔɔ akere má am. ² Dama m yo baari ni, ma koro má ka m kan jɔre be am dɔ, má ka Yesu Kristo Tiidefɔ n dɛɛ jɔre, ni kabo i wuuri baka jaanu n su ni. ³ Saɲga bo m yo woori am dɔ ni, m ɲunie ti m yɔrɔkiiwa a, na sere ati m agaya, na m ɲunie subobo m. ⁴ M nɔɔnie jɔɔɔwa ni labari kpa n bo m kaanri i ni, i ti má adamande alecira ni si jɔre, ama, Nyeme Awiewie Casi ni yoori alekutura sam kereeri ka m nɔɔnie jɔɔɔwa n ti nahɔre wɔ. ⁵ Adena má am yo yarada adamande alecira n dɛɛ ti, ama, Nyeme dɛɛ yiko n dɛɛ ti.

Nyeme alecira jɔre

⁶ Tɔ, ama, ya jɔɔ alecira jɔre fa kere minem bo ba bi fa kɔ Nyeme atin n su n a. I ti má durunya n nu fen dɛɛ alecira, wara i ti má alecira bo durunya n nu nfanɲafɔm la i ni, bere kere bá ka ɲgbɛɛn wɔ. ⁷ Ama, yere kan Nyeme alecira asiri nu jɔre n bo i yo fa fiɛeri adamande ɲu n wɔ, nyini alecira ni, Nyeme du mɔ ciciiri i wɔ ka, ye i nya ba yiiri durunya n a. I yoori sɔ ɔ, adena ya nya i jirima woowa ni. ⁸ Durunya n nu nfanɲafɔm be mmɔɔ asi má nyini alecira ni, nzen má bu siiri i, má bu kpama má ya Mibiɛ Jirimafɔ n baka jaanu n su. ⁹ Ama, i ti kabo ba kere i Nyeme Jore Kadasi n nu n wɔ, ka,

“Deke bo be nyumbaa nya ɲu má i ni,
wara deke bo be sui nya ti má i ni,
wara deke bo be nya sunsun má i, i ahorembaa su ni,
nyini ye Nyeme asese i su,
na i fá ma bo bu koro i n a.”

¹⁰ Ama, yere yiri, Nyeme ama i Awiewie Casi n ayi nyini n sɔ akere ya, dama Awiewie Casi ni fiiti si deke n kere a, haari ni Nyeme jɔre bo i wo ɲgo ni. ¹¹ Adamande be koro si má sa bo i wo i benɲu adamande ahore su, má ka i mi ni i tii awiewie ni si deke bo i wo i ahore su a. Sɔ ye be koro si má sa bo i wo Nyeme ahore su a, má ka Nyeme Awiewie ni ɲgumi si a. ¹² Awiewie n bo yere anya i ni, i ti má durunya n nu fen dɛɛ, ama, i fite Nyeme dɔ ɔ, adena ya si acerim kere bo Nyeme afa ama ya ni. ¹³ Nyini ye ya fa kere minem a. I fite má adamande alecira kereewa n nu, ama, i ti deke bo Awiewie Casi ni kereeri ya a, ye ya fa kere minem bo bu

la Awiewie Casi n a. ¹⁴ Sɔnɔ bo i la má Nyeme Awiewie ni, koro de má deke n bo i fite Nyeme Awiewie n dɔ, dama yiri dɔ, nyini jɔrem ti ka sinnzinya jɔre wɔ, na i koro ti má i bu, dama be koro si má i bu, má ka Nyeme Awiewie ni buka i na i koro fiiti si i bu. ¹⁵ Sɔnɔ bo i la Nyeme Awiewie ni, i mi koro fiiti deke n kere a, ama, be koro fiiti má i mi yiri. ¹⁶ I ti kabo ba kere i Nyeme Jɔre Kadasi n nu barasu n wɔ ka, “Nma asi sa bo i wo Micera n sunsunni nu, na i kére i kabo i yo a?” Ama, yere yiri, ya si deke bo i wo Kristo sunsunni nu.

3

Nyeme amuisufom jɔre

¹ M ninbaam, ma koro ajɔɔ má am dɔ ka am ti minem bo bu si Awiewie Casi n jɔre, ama, m jɔɔɔri am dɔ ka am ti bo bu bita adamande woowa a, Kristo dɛɛ atin n su, am ti ka nbaatumam wɔ. ² Nbaatumam koro nu nyufini ngumi wɔ, bu koro di má diire nɔnɔɔri, nyini dɛɛ ti ye m kereeri am bumboori su dɛɛ kereewam n a, dama am koro ti má kereewam bo bu ti kekereke n bu. Haari ni kisa, am nya koro ti má i bu. ³ Dama am toko bita adamande woowa n wɔ. Am si am beɗgu kɔre wɔ, na am suse akuruwa am nɗu nu. Kabo am yo sɔ ni, durunya n nu adamande woowa atin lɛɛ, ye am bita i n a. ⁴ Dama nzen am nbem ŋa, “Mini su Pɔɔlu su a,” ye nbem gusu ŋa, “Mini su Apolosi su a,” am ti má ka durunya n nufom wɔ lɛɛ, nzen sɛ?

⁵ Apolosi la ŋma? Wara Pɔɔlu la ŋma? Ya kere ti Nyeme amuisufom bo ya ba abuka am wɔ, ya kere ni ya juma bo wɔ fa ama ya na ya yo, ye am ayo yarada a. ⁶ Fa kɔ am yaradayo n su, i ti ka mini Pɔɔlu dɔɔri alembaa n a, ye Apolosi gɔɔri i nzue a, ama, Nyeme yiko n nu ma wɔ nyi awura mbaa. ⁷ Nyini ti, bo i dɔ mbaa n ni bo i gɔ nzue n be mmɔɔ ti má pui. Deke bo i ti jɔre n la sa bo Nyeme yo i n wɔ, dama yiri ma i nyi wura mbaa a. ⁸ Bo i dɔ mbaa n ni bo i gɔ nzue n kere yo juma kun wɔ. Bu kere nyá bu ŋkatɔ kabo bu jumayoowa ti barasu n wɔ. ⁹ Dama ya kere sangá yo juma kun ma Nyeme wɔ, ye amberɛ gusu ti ka Nyeme fie ye ya dɔ i a, na am kaaki ti ka Nyeme awuru ye ya ta i a.

¹⁰ Aceeri n bo Nyeme afa ama m ti ka sɔnɔ bo i si ataari ta nyunyumi wɔ, ye m se sɔɔ n bumboori fa n a. Ye be gusu dɛɛ la ka i ta taka nyini n su a. Ama, wɔ yo daka ka sɔnɔ kere si i ŋu sa kabo i ta taka su barasu. ¹¹ Dama Yesu Kristo ngumi ti ka sɔɔ fa bumboori n bo bu fa se sɔɔ n bu n a, be koro se má sɔɔ fa be bekun sin yiri ŋu. ¹² Ama, sɔnɔ kere bo i ta taka su, na i ti ka i faari sika, na be gusu faari jete,

na be gusu faari afere bo i la anyunuyi ta takaari su, na be faari baka, na be faari wura, na be faari kara ta takaari su. ¹³ Ama, jina cƆƆƆ, sƆƆƆ kere jumayoowa bá fite fofoe nu, na bu n̄ú i kabo i ti, dama sin bá yara sƆƆƆ kere juma, na sin ni yó i na i n̄ie kabo i ti. ¹⁴ SƆƆƆ kere bo i ta takaari bumboori fa seewa n su, na nzen sin n yaraari i jumayoowa na wƆ di má i, i mi nyá n̄katƆ. ¹⁵ Ama, sƆƆƆ kere bo sin n diiri i jumayoowa ni, i nyá má n̄katƆ, ama, yiri ni i tii nyá tiide, se i ti ka sin n afundi i mi wƆ.

¹⁶ Am si má ka am ti ka awuru bo Nyeme wo am nu wƆ, nzen se? Am si má ka Nyeme Awiewie Casi n wo am nu wƆ? ¹⁷ SƆƆƆ kere bo i saakiiri Nyeme awuru ni, Nyeme sáaki i mi, dama Nyeme awuru n ti casi wƆ, ye amberɛ ni am tii ti ka nyini awuru n a.

¹⁸ Má be se ka i dadaka i n̄u. Nzen be wo am nu, na i sunsun ka i la durunya n nu alecira, ma i mi yo i n̄u ka i ti sinnzin wƆ, adena i kaaki aleciraƆ nahɔre su Nyeme dƆ. ¹⁹ Dama deke bo durunya n nufom bu i ka i ti alecira ni, Nyeme dƆ i ti sinnzinya a. Nyini ti ye ba kere i Nyeme Jɔre Kadasi n nu ka,

“AleciraƆm ye Nyeme fa bu ngɔnletie fa tara bu n a.”

²⁰ Ye ba kaaki akere i ka,

“Miceɛa ni si deke kere bo i wo aleciraƆm sunsunni nu a, i si ka i ti ngbɛɛn wƆ.”

²¹ Nyini ti, má be se ka i fa adamande be fa Ɔ, dama deke n kere ti am dɛɛ wƆ. ²² Mini Pɔɔlu ti am dɛɛ wƆ, ni Apolosi, ni Petoro gusu, ni durunya, ni ngɔɔ, ni yiwee, ni kisa dɛɛ sanɔa n bo ya wo nu ni, ni sanɔa bo i bá ba ni, deke n kere ti am dɛɛ wƆ, ²³ na amberɛ gusu ti Kristo dɛɛm, ye Kristo gusu ti Nyeme dɛɛ.

4

Kristo jaramasam juma n jɔre

¹ Tɔ, nyini ti, wƆ yo daka ka am nie ya ka ya ti Kristo amusuisufom wƆ, ya ti minem bo Nyeme afa i asiri nu jɔre n awura ya saa nu wƆ. ² Jɔre n bo i kaaki wo bere la ka, wƆ yo daka ka amusuisufo yo i juma ni nahɔre su ma i mibie. ³ Mini yiri, nzen am di m jɔre, wara adamande jɔredifom di m jɔre, m cɛcɛ wo má nu, haari mini mmɔɔ ni m tii di má m n̄u jɔre. ⁴ M sunsunni ni m ahore su, ma yo má satie be, ama, nyini kere má ka m la má ngasi be wƆ lɛɛ, má ka Mibie ni ngumi ti bo i di m jɔre a. ⁵ Nyini dɛɛ ti, má sƆƆƆ be di i bengɔ jɔre, dama sanɔa nya ju má bo Mibie ni bá. I ba baari, yiri yí deke kere bo i wo awosin nu na i fie n fite fofoe nu a, na i yí deke kere bo i wo adamande ahore su fite

fofoe nu. Nyini sanƙa ni, ye sɔnɔ kere nyá i kansi Nyeme dɔ.

⁶ Tɔ, m ninbaam, amberɛ dɛɛ ti ye m kaanri ahin n kere fa kɔ m ni Apolosi jɔre n a, na am nie ya woowa, na am su kabo ba kere i ase ni ngumi su, adena má am be yo kpirikoro ka mɔfɔ be tara i lamɔkɔ nyinga ni. ⁷ Nma ase am ka am tara am benƙu a? Nzu deke ye am la i, ye Nyeme afa ace má am a? Deke bo am deeri i ni, ye nzu ti ye am koro kpiri ka Nyeme afa ace má am a?

⁸ Am sunsun ka am anya deke n kere bo am koro i n lee fan. Am ayo nenƙefɔm lee fan. Am akaaki nfemem ayaki ya lee fan. Nzen má am adi femeya nahɔre su, má i yo m fie, adena ya ni amberɛ kere sanƙa di femeya ni. ⁹ Mini dɔ, yere n bo ya ti Kristo jaramasam ni, i ti ka Nyeme ma ya ka sin wɔ. Ya ti ka minem bo ba di ya jɔre abo ya asi ye ya wu a, na ya di nyini nyinse n na sɔnɔ kere nyumbaa ŋu i, merɛkem ni adamandem kere. ¹⁰ Yere ti sinnzinm wɔ, Kristo dɛɛ ti, ama, amberɛ ti anyunutekefɔm wɔ, Kristo atin n su. Yere ti daburukafɔm wɔ, ye amberɛ ti nfaŋƙafɔm. Bu bu amberɛ wɔ, ama, yere yiri, bu bu má ya. ¹¹ Haari fa ba ju ni kisa, ahɔɛ ni nzuehɔɛ sukun ya a, ya la má sutura wuraawa kpa, bu bita ya bo wɔ, ya kaaki la má deke bo ya da. ¹² Ya yo ya saa nu juma ni anyumboro wɔ, ye ya di a. Nzen minem kpɛ ya nzukɔ, ya sere awieeri kpa ma bu wɔ. Nzen bu kere ya wuwuruwa, ya mindi de i wɔ. ¹³ Nzen bu saaki ya duma, yere jɔjɔ kpa ma bu wɔ. Ya ti ka wura tie bo durunya n nufɔm fa ƙɔ bɔnfɔ su n wɔ, haari ni kisa.

¹⁴ I ti má ka m koro ka m wura am nyinse dɛɛ ti, ye m sukere ahin jɔrem ma am a, ama, am ti m nbaa koroowam dɛɛ ti, ye m subɔbɔ am a. ¹⁵ Dama nzen haari má am la kerefɔm akpii buru mmɔɔ fa kɔ Kristo dɛɛ atin n su, má am la má sim beberebe, mini ti am si a, Yesu Kristo dɛɛ atin n su, labari kpa n bo m kan kereeri am dɛɛ ti. ¹⁶ Nyini ti, m sere am wɔ, am sɔn m su, na am ma am woowa ti kabo m woowa ti barasu ni. ¹⁷ Nyini dɛɛ ti ye m susunma Timoti am dɔ n a. Yiri ti m wa koroowa nahɔre su a, na i kaaki la dabuŋu Mibiɛ n atin n su. I tɛnge am su kabo m woowa ti Kristo atin n su, ni kabo m kere minem ka bu wo barasu, deke kere bo m kɔ ni, Kristo jamam n kere nu. ¹⁸ Am nbem sunsun ka m ba má am dɔ kun, nyini ti, ba fa kpirikoro. ¹⁹ Ama, nzen Nyeme soro su, i cé má, m bá nie am busu, na m bá si nyini minem bo bu la kpirikoro ni, má ka bu nɔaniɛ jɔjɔwa ni ngumi, ama, m nie kabo bu yiko ti barasu. ²⁰ Dama kabo Nyeme nie i minem su ni, i ti má nɔaniɛ jɔjɔwa n wɔ, ama, i ti yiko wɔ. ²¹ Ahin jɔre nnyɔm

nu, am koro bõnõ ɔ? Am koro ka m bá cin am sui, nzen se? Wara am koro ka m bá am dõ benle, ni koro wõ?

5

Dangba sa n bo i wo Kristo jama n nu n jõre

¹ Ma ti jõre be, ka dangba sa wo am nu, yiri la ka sõnõ be bita i si yi da a. Haari bo bu su má Nyeme ni mmõõ yo má nyini dangba sa ni. ² Am ayo nyini sa n ye am toko koro kpiri n a fan? Ye am ahore saaki má n a? Wõ yo daka ka am yi nyini sõnõ n fite am nu. ³⁻⁴ Haari ni bo mini wo má am dõ ni, m awiewie wo am dõ, na sõnõ bo i yoori nyini sa ni, ma du mõ adi i jõre ajaraki i ya Mibie Yesu dæe duma n nu, kabo má mini ni m tii wo am dõ na m yo ni. Nzen am ba tieenri am nõõ, na m awiewie wo am dõ, na ya Mibie Yesu yiko n wo ya dõ, ⁵ am fa nyini sõnõ n fa wura Sitana saa nu, na i kere i kekereke fa kõ i adamande anuniembaa koroowa n su, adena i awiewie n nya tiide cæen n bo Mibie ni bá di minem jõre ni.

⁶ Am yanfõya bo am nati fõ i ni, i ti má kpa. Am si má ka ayiri kaan sõ ma kpõnõ n yasu a, nzen se? ⁷ Am sunsun fa kõ Butara cæenkpiri n su, bo bu di kpõnõ na bu gõ má ayiri nu ni, kana bu ba di cæenkpiri n ni, bu du mõ fa ayiri dawa n tu wõ. Am yi nyini ayiri dawa n fa tu, na am yo ka kpõnõ fõfõre bo ba fa má ayiri ago má nu. Deke bo m suse n la ka, nzen satie kaan woori am nu, i sáaki am kere wõ. Nyini dæe ti, am yi satie kere bo i wo am nu ni. Nahõre, am ti mine casim wõ, am ti ka kpõnõ fõfõre n wõ, dama ba fa Kristo ayo yoowa ama ya. Yiri ti ka ya Butara cæenkpiri bõmbaa n bo ba kpie i kõm n a. ⁸ Nyini ti, am ma ya bita Butara cæenkpiri nyunyumi, na ya yaki satie bo i ti ka ayiri dawa ni, ama, am ma ya di i ka ya ti minem bo ya ti casi na ya la nahõre wõ, bo i ti ka kpõnõ bo ba gõ má ayiri nu ni.

⁹ Kadasi n bo m yo du mõ kere maari am ni, m seeri am ka, má am ni minem bo bu yo dangba sam sannga wo. ¹⁰ Tõ, m sukan má durunya n nufõm ni jõre a, bere bo bu nati yo dangba sam ni, ni bo bu nyunu aboro neŋge kpini su ni, ni bo bu fin bu bengum ni, ni bo bu su amõem ni. Nzen má i ti sõ yiri, ŋka má am fite yaki durunya n wõ. ¹¹ Tõ, bo m sukan n la ka, má am sannga ni minem bo bu yo bu ŋu ka bu ti am lamõkõ Kristofõm na bu yo dangba sam, wara bu nyunu boro neŋge kpini su, wara bo bu su amõem ni, wara bo bu nati kan minem jõre, wara bo bu nati nu nzan bo ni, wara bo bu nati fin mine ni. Má am se ka am ni nyini sõnõ n be sõ mmõõ sannga di diire. ¹²⁻¹³ Má m juma la ka m di bo bu wo má Kristo jama n nu jõre. Nyeme dí bu jõre a. Bo bu

wo Kristo jama n nu ni, amberɛ ti bo am di bu jɔrɛ a. Nyini dɛɛ ti, kabo ba kerɛ i Nyemɛ Jɔrɛ Kadasi n nu ni, ka, “Am fɔn yi sɔnɔ tiɛ n bo i wo am nu ni.”

6

Kabo bu fa bu beɗgu Kristofɔm kɔ jɔrɛ diibiri ni

¹ Nzen am be ni i beɗgu Kristofɔ be nyaari jɔrɛ be, i ti ye ni ka i mi fa jɔrɛ n kɔ Nyemɛ minem n dɔ, má i se ka i fa kɔ durunya n nu jɔredifɔm bo bu si má Nyemɛ n dɔ fieo. ² Am si má ka Nyemɛ minem bá di durunya n kerɛ jɔrɛ a, nzen sɛ? Ye nzen am bá di durunya n kerɛ jɔrɛ, nzu ti ye am koro yo má am ɲuɲu nu jɔrɛ mumukum dɔɲgu a? ³ Am si má ka ya bá di haari ni merɛkem jɔrɛ? Ye nzu ti ye am koro di má jɔrɛm fa kɔ dekem bo bu wo durunya n nu n su a? ⁴ Amberɛ, nzen am la nyini jɔrɛ n be sɔ, ye nzu ti ye am fa kɔ minem bo Kristo jama n bu má bu n dɔ a? ⁵ Deke bo m sukan i ni, i ti am nyinse wɔ. Alecirafɔ haari kun n kpein mmɔɔ wo má am nu bo i koro di am ɲuɲu nu jɔrɛm, nzen sɛ? ⁶ Ama, amberɛ, am fa am beɗgum kɔ jɔrɛ diibiri wɔ, na am kɔ jina minem bo bu ti má yaradayofɔm nyunu, na bu di am jɔrɛ.

⁷ Nahɔrɛ, am akpaasi, kabo am nati fa am beɗgu kɔ jɔrɛ diibiri ni. Nzen u niwa doori u ɲgasi be, i ti ye ni ka a mindi de i. Nzen u niwa be sisiiri u, yaki ce i, i ti ye ni bo a fa i kɔ jɔrɛ diibiri. ⁸ Ama, amberɛ ni am tii wura am beɗgu ɲgasi nu wɔ, na am susisi am beɗgum, haari ni am beɗgu Kristofɔm kerɛ.

⁹ Am si má ka sɔnɔ kerɛ bo i yo satie koro wura má Nyemɛ femɛya n nu, nzen sɛ? Má am dadaka am ɲu, minem bo bu yo dangba sa koro wura má Nyemɛ femɛya n nu, wara bo bu su amɔɛm, wara bo bu saaki ajaa ciire, wara nbiesɔm bo bu fa bu ɲu kaaki ka nbaram na bu ni bu beɗgu nbiesɔm sanɲa da ka bara ni biesɔ dɛɛ su ni, ¹⁰ wara awiefɔm, wara bo bu nyunu aboro neɲge kpini su, wara bo bu nu nzan na bu bo, wara bo bu nati kan minem jɔrɛ, wara bo bu nati fin minem ni, berɛ be mmɔɔ koro wura má Nyemɛ femɛya n nu. ¹¹ Am nbem yo ti sɔ ɔ. Ama, Nyemɛ aɲmisi ayi am satiem ni, na wɔ fa am ayo i dɛɛ mine casim, na wɔ de am ka am yo sa bo i kɔ atin su i dɔ, ya Mibie Yesu Kristo duma n dɛɛ ti, ni ya Si Nyemɛ Awiewie n dɛɛ ti.

Am fa am ɲuniembaa yo deke bo i ma Nyemɛ jirima

¹² Am nbem se ka, “M la atin bo m koro yo deke kerɛ bo m koro ka m yo i,” ama, má deke kerɛ la kperɛ a. Mini mmɔɔ koro se ka m la atin bo m koro yo deke kerɛ bo m koro ka m

yo i, ama, m yaki má na deke be kunma m. ¹³ Nbem gusu ɲa, “Diire ti akunnu dɛɛ wɔ, na akunnu gusu ti diire dɛɛ.” I ti nahɔrɛ wɔ, ama, Nyemɛ bá ma akunnu n ni diire n kere ka ɲgbɛɛn a. Ama, aɲuniɛmbaa n yiri, i ti má sakaraya dɛɛ, ama, i ti Mibie n dɛɛ wɔ, na Mibie n gusu ti aɲuniɛmbaa n dɛɛ. ¹⁴ Nyemɛ dɛɛ yiko n nu ye i tengeeri Mibie ni i yiwee nu a. I yiko n nu ye i bá tenge ya gusu a. ¹⁵ Am si má ka am ɲuniɛmbaa n ti Kristo aɲuniɛmbaa n bue be wɔ, nzen sɛ? Ye m koro fa Kristo aɲuniɛmbaa n bue be yo sakaraya, nzen sɛ? Ai, atin wo má nu. ¹⁶ Am si má ka sɔnɔ kere bo i faari i ɲu mataari bara sakara na bu saɲga woori, bere nnyɔ n ayo deke kun wɔ lɛɛ, nzen sɛ? Dama ba kere i Nyemɛ Jɔrɛ Kadasi n nu fa kɔ biesɔ ni i yi jɔrɛ su, ka, “Bu mine nnyɔ n ayo deke kun lɛɛ.” ¹⁷ Sɔnɔ kere bo i faari i ɲu mataari Mibie n na bu saɲga woori ni, i ni yiri dɛɛ awiewie n ayo kun lɛɛ. ¹⁸ Am ɲmati fite sakaraya nu. Má satie kere bo sɔnɔ yo i ye i saaki i ɲuniɛmbaa n a. Ama, bo i yo sakaraya ni, i mi saaki i ɲuniɛmbaa n wɔ. ¹⁹ Am si má ka am ɲuniɛmbaa n ti ka awuru bo Awiewie Casi n wo nu n wɔ, nzen sɛ? Yiri ye Nyemɛ fa maari am n a, má am dɛɛ la am ɲu. ²⁰ Nyemɛ ato am ato kaari wɔ, nyini ti, am fa am ɲuniɛmbaa n fa yo deke bo i ma Nyemɛ jirima.

7

Kabo i ti ye ni ka biesɔ ni bara wo barasu ni

¹ Tɔ, jɔrɛ n bo am kere maari m ni, am ɲa, “I ti ye ni ka má biesɔ si bara.” ² I ti nahɔrɛ wɔ, ama, mini dɔ, sakaraya dɛɛ ti, i ti ye ni ka biesɔ kere la i tienɲu yi, na bara kere la i tienɲu hun. ³ I ti má ye ni ka biesɔ kete na má i ni i yi saɲga, i kaaki ti má ye ni ka bara kete na má i ni i hun saɲga. ⁴ Má bara n dɛɛ la i ɲuniɛmbaa ni, i ti i hun n dɛɛ wɔ, sɔ ye i kaaki ti a, má biesɔ n gusu dɛɛ la i ɲuniɛmbaa ni, i ti i yi n dɛɛ wɔ. ⁵ Má am kete am benɲu daari, má ka am ayo anɔɔkun ka am fa nyini saɲga kaan sere Nyemɛ, nyini sin, na am kaaki saɲga bekun, adena má Sitana yo am nie na i nya am, dama am koro tara má am ɲu dɛɛ ti. ⁶ I ti má ka m suma am nɔɔ ka am yaki i wɔ, ama, m suma am atin ka am koro yo sɔ. ⁷ Mini dɔ, nzen má sɔnɔ kere wo kabo m wo ni, i yo m fie, ama, sɔnɔ kere ni i aceeri bo Nyemɛ afa ama i, be dɛɛ wo i ɲgumi, na be gusu dɛɛ wo i ɲgumi, i kere ti má kun.

⁸ Kisa m sujoɔ ambere nbiesɔm ni nbaram bo am nya ja má ni dɔ a, ni nkunafɔm, nzen má am wo kabo m wo ni, na am ja má, i ti kpa. ⁹ Ama, nzen am koro tara má am ɲu, am ja. Nzen am yo sɔ, i ti ye ni bo saɲga kere am la konviki

agaya fa kƆ bara ni biɛsɔ dika, na am koro tara má am ɲu ni.

¹⁰ Ahin ti nbiesɔm ni nbaram ajaafɔm dɛɛ jɔrɛ ye m sukan i n a, má mini suse a, ama, i ti Nyɛmɛ nɔaniɛ maawa a, ka má bara yaki i hun ajaa. ¹¹ Ama, nzen i kɔ yoori ka be afite i hun dika, má i ja kun, i tana sɔ, wara i kaaki kɔ i hun n dika. Má biɛsɔ n gusu se ka i yaki i yi ajaa.

¹² Minɛm bo ba ka ni, m dɛɛ fɔ ye m sufa tu am n a, má Nyɛmɛ seeri sɔ a. Nzen Kristofɔ be yi ti má yaradayofɔ, na wɔ soro su ka i tana i hun n ajaa bu, má i yaki i ajaa, i bita i. ¹³ Nzen bara be ti Kristofɔ, na i hun ti má yaradayofɔ, na biɛsɔ n asoro su ka i ni i yi n sangɔ tana, má bara n yaki i ajaa, i tana. ¹⁴ Dama biɛsɔ n bo i yo má yarada ni, Nyɛmɛ ade i ayo i dɛɛ sɔnɔ, i yi n bo i ti Kristofɔ n dɛɛ ti, na bara n gusu bo i yo má yarada ni, Nyɛmɛ ade i ayo i dɛɛ sɔnɔ, i hun n bo i ti Kristofɔ n dɛɛ ti. Nzen má nyini, Nyɛmɛ dé má bu nbaam, ama, kabo i ti ni, Nyɛmɛ ade bu. ¹⁵ Ama, nzen bo i ti má yaradayofɔ n kete ka i ja má, yaki i na i kɔ, nyini sangɔ, Kristofɔ n la má ɲgasi be. Nyɛmɛ afere ya ka ya wo ni tanalaifɛ wɔ. ¹⁶ Wɔrɔ bara ni, beni, wɔrɔ dɛɛ ti, u hun ni nyá tiide, na wɔrɔ biɛsɔ n gusu, beni, wɔrɔ dɛɛ ti, u yi ni nyá tiide.

Kabo ya yo ti na Nyɛmɛ fereeri ya ni, ya ti sɔ

¹⁷ Tɔ, am ma sɔnɔ kɛrɛ wo kabo Mibiɛ n kereeri i sangɔ bo Nyɛmɛ fereeri i ni. Deke kɛrɛ bo m kɔ Kristo jamam n nu, kabo m kere bu ka bu yo lɛɛ. ¹⁸ Nzen be wo bɛrɛ, na wɔ du mɔ awura kenkenne ka, ye Nyɛmɛ ba fereeri i, i ti ye ni ka i mi yaki i kenkenne yoowa n sɔ. Nzen be gusu wo bɛrɛ, na wɔ wura má kenkenne, ye Nyɛmɛ afere i, i ti ye ni ka i mi wo sɔ, má i se ka i wura kenkenne. ¹⁹ Bo wɔ wura kenkenne n ni bo wɔ wura má kenkenne ni, i be mmɔɔ ti má pui, ama, deke bo i ti jɔrɛ nahɔrɛ su n la ka, sɔnɔ bita Nyɛmɛ nɔaniɛ maawam ni. ²⁰ I ti ye ni ka sɔnɔ kere wo kabo i yo ti barasu na Nyɛmɛ nya ba fereeri i ni. ²¹ Nzen a ti akɔɔ, ye Nyɛmɛ afere u, má a ma i yo u yaa, ama, nzen a si ka a koro nya atin na a de u tii, a koro yo sɔ. ²² Dama sɔnɔ kere bo i ti akɔɔ na Mibiɛ n afere i, i ti Mibiɛ n dɛɛ sɔnɔ bo wɔ de i tii aji wɔ, sɔnɔ kere gusu bo i ti má akɔɔ na Mibiɛ n afere i, sɔ ye wɔ kaaki Kristo akɔɔ a. ²³ Nyɛmɛ ato am atɔ kaari wɔ, nyini dɛɛ ti, má am yo adamandem akɔɔm. ²⁴ Nyini ti, m ninbaam, kabo sɔnɔ kere ti na Nyɛmɛ afere i ni, i ti ye ni ka i mi wo sɔ ni Nyɛmɛ.

Nbaram ni nbiesɔm bo bu ja má n jɔrɛ

²⁵ Fa kō minem bo ba nya aja má ajaa n dō ni, m la má kereewa bo i fite Mibiē n dō fa kō nyini n dika, ama, Mibiē n asi m aṅunfō na m la dabuṅu n dēē ti, ye m koro ka m se am deke bo i wo m sunsunni nu n a. ²⁶ Miē n bo ya wo nu kisa n dēē ti, mini dō, nzen má sōnō kere koro wo i wo, má i ti kpa. ²⁷ Nzen a du mō aja bara, má a kpini atin na a yaki ajaa ni. Nzen a nya ja má gusu, má a kpini atin na a ja. ²⁸ Nzen a ti biēsō ye a ja bara, a yo má satie, nzen a ti sunḡuru gusu ye a ja biēsō, a yo má satie. Ama, wahara n bo ajaajafōm di i durunya n nu n ye m koro má ka am di i be a.

²⁹ M ninbaam, deke bo m suse n la ka, saṅga n waari má kun. Nyini ti, fa kisa fa kō, bo bu la nbaram ni, i ti ye ni ka bu wo ka bu la má be. ³⁰ Na bo bu sun ni, ma bu wo ka bu sun má, na bo bu ahore ajo ni, ma bu wo ka bu ahore ajo má, na bo bu to neṅgem ni, ma bu wo ka má bu dēē la neṅge ni. ³¹ Na bo bu fa durunya n nu neṅgem fa yo bu jumam ni, ma bu wo ka bu cēcē wo má bu nu, dama ahin durunya n ni deke kere bo i wo nu n ti siinwa a.

³² M koro má ka deke be miē am, am sunsunni nu. Sōnō bo i la má bara ni, i sunsunni kere wo Mibiē n dēē juma ni su a, i dēē la ka, i yo sa bo i sun Nyemē nu wō. ³³ Ama, sōnō bo wō ja bara, i sunsunni kere wo durunya n nu dēē dekem ni su a, i dēē la ka, i yo sa bo i sun i yi nu wō, ³⁴ nyini ti, i sunsunni ti nnyō nnyō ɔ lēē. Na bara bo i ja má, wara sunḡuru bo i si má biēsō, i sunsunni kere wo Mibiē n juma ni su a, adena i wo casi i ṅuniembaa ni i awiēwīē nu. Ama, bara bo i la hun, i sunsunni kere wo durunya n nu dēē dekem ni su a, i dēē la ka, i yo sa bo i sun i hun nu wō. ³⁵ M koro ka m buka am wō, nyini ti ye m se sō n a, i ti má ka m koro ka m kanda am atin wō. Ama, m koro ka am yo sa kere bo i kō atin su wō, na am fa am ṅu ma Mibiē n nahōre su, na am su i nyunyumi.

³⁶ Ama, nzen sunḡuru be wo bere na wō nya si má biēsō, na ba ce i, na i ni biēsō n kere ayo bu sunsunni nu ka bu ja má, ama, kasin na biēsō n ba ṅu ka i koro tara má i ṅu, na bara n aju ajaa, i koro ja i, i ti má satie. ³⁷ Ama, nzen wō jina su kekereke i sunsunni nu, na i ti má deke bo bu miē i, na i koro tara i ṅu fa kō i kunnu koroowa su, na wō yo i sunsunni nu ka i ja má sunḡuru ni, ama, bu wo ka bu ti danfoya a, bo bu si má bu beṅgu ka bara ni biēsō, nyini ti kpa a. ³⁸ Nyini ti, sōnō kere bo i jaari i sunḡuru ceewa ni, nyini ti kpa, ama, bo i ja má i fieo ni, i mi yo sakpa tara bo i ja i ni.

³⁹ Nzen bara ni i hun wo bere, na bieso n nya wu má, bara n la má atin bo i fite i ajaa n bu, ama, nzen i hun wuuri, i la atin bo i ko ja sono kere bo i koro, ama, wo yo daka ka i mi ti Mibie n dee sono. ⁴⁰ M dee sunsunni nu, nzen má i wo so na i ja má, má i la terefie agaya tara bo i ja. M nie ka mini mmoo ni m tii la Nyeme Awiewie ni.

8

Amoe diire diiwam n jore

¹ To, fa ko dekem bo bu kpie bu kom yo tie fa ma amoem dee jore, ya si ka ya kere la si. Ama, si ka nyini n so ma mine wura bu nu kpiri wo, ama, koro yiri, i buka sono o, na i woowa ti kpa. ² Sono kere bo i yo i nu ka i si deke be, i mi nya la má si nahore su kabo má i sunsun ka i si i ni. ³ Sono kere bo i koro Nyeme ni, Nyeme si yiri wo.

⁴ Nyini ti, fa ko kabo minem di amoe tie diirem ni, ya si ka amoe ti má pui durunya n nu, na nyeme be wo má bere sin ya Nyeme ni ngumi kpein nu. ⁵ Haari nzen dekem bo minem na bu ti amoem wo angoro ni asienngu fen, na nzen i ti nahore ka amoem ni mibiem dongu wo bere mmoo, ⁶ yere do, Nyeme kun n kpein wo bere a, yiri la ya Si Nyeme, yiri yo yiiri deke n kere a, ya wo bere ma yiri wo. Ya kaaki la Mibie kun n kpein wo, yiri la Yesu Kristo, Nyeme ma yiri yiiri deke n kere a, i dee ti ye ya wo bere a.

⁷ Ama, má sono kere la nyini si n a, nbem wo bere bo ba su amoem ace, nyini ti, haari ni kisa nzen bu diiri nyini diire n be, bu sunsun ka bu toko di amoe tie nie wo, na bu sunsunni suma bu nnyo nnyo o, ka bu ti má casi. ⁸ Nyeme de má ya diire dee ti, nzen ya diiri i, i buka má ya pui, nzen ya di má i gusu, i kpie má ya su. ⁹ Ama, am si am nu sa, ambere bo am ade am tii ni, na má am yo sa be bo i ma am niwa n bo i jaa kpaasi, yiri n bo i yarada ti má biiwa ni. ¹⁰ Nzen sono bo i sunsunni n ti nnyo nnyo n nu ka woro bo a la nyini si n so wo amoe awuru n nu sudi amoe diire be, nyini ma i ahoresi ka i di be na i nie a, má so? Ee, i mi dí o. ¹¹ A yoori so, u si n dee ti, a suma u niwa n ka ngbeen lee, yiri n bo i yarada ti má biiwa ni. Yiri gusu ti u niwa bo Kristo wuuri i dee ti wo. ¹² Nzen am yo so, am suyo am ninbaam satie wo lee, na am sufondo bu sunsunni bo i ti nnyo nnyo n lee, nyini n so ni, am suyo Kristo gusu satie wo lee. ¹³ Nyini ti, nzen diire bo m di i, na i ma m niwa Kristofa bo i jaa kpaasi, m dí má nie bekun fieo, adena má m niwa n bo i jaa kpaasi.

9

Atin bo Kristo jaramasam la i fa kɔ bu juma n su ni

¹ M ti má sɔnɔ bo ma de m tii wɔ, nzen sɛ? M ti má Kristo jaramasa a, nzen sɛ? Ma ɲu má ya Mibiɛ Yesu wɔ, nzen sɛ? Kabo am ayo yarada ni, má amberɛ ti m jumayoowa, Mibiɛ n dɛɛ ti a, nzen sɛ? ² Haari nzen nyingam de má m ka m ti jaramasa, amberɛ si ka m ti i jaramasa a, dama kabo am ni Mibiɛ n ayo kun ni, nyini kere am ka m ti i jaramasa a.

³ Nzen mine se m jɔrɛ, ka m ti má Kristo jaramasa, má m bisa bu ka, ⁴ mini ni Banabasi, ya la má atin ka ya de deke bo ya di i, ni deke bo ya nu i, Kristo jama n dɔ ɔ, nzen sɛ? ⁵ Ya la má atin ka nzen ya sukɔ atin, ya koro fa ya yim bo bu ti yaradayofɔm bita nu, kabo ya beɲgu Kristo jaramasa nbem yo ni, ni kabo ya Mibiɛ niɛmam, ni Kefasi bo bu kaaki fere i ka Peto ro gusu yo ni, nzen sɛ? ⁶ Wara m ni Banabasi ɲgumi ye i ti ye ni ka ya yo ya saa nu juma ka, na ya nya di a? ⁷ ɲma wo bere bo i yo soja juma na i tɔ i tii su kaari a? Ai, bu tɔ bu wɔ. ɲma wo bere bo i ta bakam, na i di má suuwam be a? Ai, bu di wɔ. Wara ɲma wo bere bo i sasa neɲgendɔrem na i nu má nɔnɔ a? Ai, bu nu wɔ. ⁸ M sufa má adamande dɛɛ sunsunni nu ye m sufa se sɔ n a, ama, kabo nɔaniɛ kpamaawa n kere lɛɛ. ⁹ Ba kɛrɛ i Nyɛmɛ nɔaniɛ kpamaawa n bo i fa maari Moyisi n nu ka, “Nzen a bita toora subobo ɲgani, má a cici i nɔɔ.” Tɔ, naanim ɲgumi ye Nyɛmɛ cece wo bu nu a, nzen sɛ? Ai, má bere ɲgumi. ¹⁰ Nahɔrɛ, ya ti ka dɔdɔɔrifɔm wɔ, yɛrɛ dɛɛ ti ye bu kɛrɛeri sɔ a, adena bo i dɔ ɲgani n ni bo i bobo i n kɛrɛ la tama ka bu nyá be na bu kpáaki nu. ¹¹ Yɛrɛ kaanri Nyɛmɛ nɔaniɛ ni kɛrɛeri am a, kabo dɔdɔɔrifɔ dɔ aɛmbaa ni, na amberɛ ade i. Ye nzen i ti sɔ, yɛrɛ la má atin bo ya koro nya deke be am dɔ, nzen sɛ? ¹² Nzen nyingam la atin ka bu de neɲgem am dɔ, yɛrɛ la má atin bo ya de tara sɔ, nzen sɛ?

Ama, yɛrɛ akere má ya yiko ka ya de nyini n be sɔ, dama ya koro má ka ya kanda minɛm, na má bu de Kristo labari kpa ni. ¹³ Am si má ka, minɛm bo bu yo juma Nyɛmɛ Serebiri Awuru n nu ni di nyini nu wɔ, nzen sɛ? Na bo bu nati yo juma Mikun yoowa yoobiri n su ma minɛm gusu di nyini nu wɔ, nzen sɛ? ¹⁴ Sɔ ye Mícɛra n ama nɔɔ a, ka bo bu kan labari kpa n jɔrɛ n nya deke bo bu di i fite labari kpa n kan nu a.

¹⁵ Ama, haari ni bo má m la atin ka m yo sɔ ni, ma yo má nyini n be sɔ, na m sukɛrɛ má ahin kadasi n ka m de deke be am dɔ ɔ, dama nzen m wuuri, má i ti ye tara bo be se ka m fɔ yanfɔya ɲgbeen ni. ¹⁶ Nzen m kan labari kpa

n jƆre kere mine, m la má atin bo m Ɔ, dama i ti m juma bo Nyeme ama m ka m yo i wƆ. Nzen m keteeri ka m yo má i, m nyá suicin. ¹⁷ Nyini ti, nzen m kan labari kpa n jƆre m koroyanu, m nya ƆkatƆ, ama, i ti má m koroyanu, dama Nyeme afa nyini juma n ama m ka m yo i a. ¹⁸ M deƆ ƆkatƆ la bƆnƆ? Yiri la ka m kan labari kpa n jƆre fa kere minem ƆgbƆen, m la atin bo m sere deke be bu dƆ, ama, m yo má i.

¹⁹ Haari ni bo ma de m tii na m ti má be deƆ akƆƆ ni, m fa m Ɔju yo akƆƆ ma sƆnƆ kere wƆ, adena m koro nya mine dƆnggu na bu su Kristo su. ²⁰ Nzen m kƆƆri YudaƆm dƆ, m yo kabo bu yo n wƆ, adena m koro nya bu nbem na bu su Kristo su. Nzen m kƆƆri minem bo Nyeme nƆanie kpamaawa n nie bu su n dƆ, haari ni bo nƆanie kpamaawa n nie má mini ni m tii su kun ni, m yo kabo bu yo n wƆ, adena m koro nya minem bo nƆanie kpamaawa n nie bu su ni nbem na bu su Kristo su. ²¹ Nzen m kaaki kƆƆri minem bo bu la má nƆanie kpamaawa n dƆ, m yo kabo bu yo n wƆ, i ti má ka m su má kabo Nyeme nƆanie kpamaawa n kere n su wƆ, ama, Kristo deƆ nƆanie ni nie m su a, adena m koro nya minem bo bu la má nƆanie kpamaawa n na bu nbem su Kristo su. ²² Nzen m kƆƆri minem bo bu yarada la má faƆga n dƆ, m yo m Ɔju ka mini mmƆƆ la má faƆga wƆ, adena m koro nya bu nbem na bu su Kristo su. Deke kere bo m kƆ, m yo m Ɔju kabo nyini minem yo barasu n wƆ, adena m koro ma bu nbem nya tiide. ²³ M yo nyini n kere sƆ Ɔ, labari kpa n deƆ ti, adena m ni nyingam kere saƆga di i kperƆ.

²⁴ Am si ka nzen minem awura akuruwa ka bu Ɔmati, na bu nie bo i kunma i beƆgum, bu kere Ɔmati wƆ, ama, bu nu sƆnƆ kun bo i kƆ kunmaari bu kere ni, yiri nya aceeri n a. Nyini ti, sƆnƆ kere mie i nyi, na i wo woowa kpa fa kƆ Kristo atin n su, kabo ƆmatirifƆ n bo i kunma i beƆgu n ti ni, adena i nya aceeri ni. ²⁵ Minem bo bu Ɔmati Ɔmatiiiri ni, wara bo bu bo baalƆ ni, bu kere boro bu nyi wƆ ni anyumbo fa kƆ nyini kƆkƆrƆ n su. Bu yo sƆ Ɔ na bu nya aceeri n bo i Ɔe má ni, ama, yere yiri, ya nyá aceeri n bo i wie má na i wo bere saƆga kere n wƆ. ²⁶ Nyini deƆ ti, mini, m Ɔmati má ƆgbƆenƆgbƆen ka sƆnƆ bo i si má bo i wo nu ni. M ti má sƆnƆ bo m bo acƆre na m bo fun. ²⁷ Ama, m kere m Ɔunie n wahara a, na i yo kabo m koro ni, adena má m yo sƆnƆ bo m kan labari kpa n jƆre kere minem, na mini mmƆƆ fun aceeri ni.

10

Kabo PƆƆlu bƆbƆƆri bu ka má bu su amƆem ni

¹ M ninbaam, m koro ka m tenje am su ka saƆga bo ya nam yo suuri Moyisi su fiteeri Ijipiti asien n su ni, yinyinggu

n yo kataari bu kere ŋu wɔ, na bu kere ayo awura kunma nzue bambaka n nu na ba kpiɛ. ² Kabo i yoori sɔ ni, i yo ti ka ba bie bu Nyeme nzue, afa bu ama Moyisi wɔ lɛɛ. ³ Bu kere yo sanɔa diiri diire n bo i ti má durunya n nu fɛn dɛɛ diire n a, ⁴ na bu kere asanɔa anu deke nuuwa kun n bo i ti má durunya n nu fɛn dɛɛ ni, dama yabue n bo nzue n songi fiteeri nu na bu nuuri i n na i suuri bu su ni, i fite má durunya n nu fɛn, nyini yabue n la Kristo Tiidefɔ ni. ⁵ Ama, haari ni nyini mmɔɔ, bu dɔŋgu sayoowa asun má Nyeme nu, nyini dɛɛ ti na ba wu aka ŋgbɛɛn boro kpantain n nu.

⁶ Tɔ, ahin sam kere bo bu yo yoori ni, bu ti deke bo bu sufa kere ya a, ka má ya sufa konviki, na ya su satiem su, kabo bu yo yoori ni. ⁷ Na má am su amɔɛm kabo bu nbem yo yoori ni. Kabo ba kere i Nyeme Jɔɛ Kadasi n nu ni, ka, “Minem n yo tanaari wɔ, na ba di, na ba nu, na ba nya ayasu agɔ agɔɛ.” ⁸ Má am ma ya yo sakaraya kabo bu nbem yo yoori, na cɛɛn kun nu na bu minem kɔ akpii aburanyɔ ni akpii nsan wuuri ni. ⁹ Má am ma ya yo Mibiɛ n na ya niɛ, kabo bu nbem yo yoori i na bu niɛ, na woom kan kuunri bu ni. ¹⁰ Má am sunɔɔnti kabo bu nbem yo ŋunɔntiiri na mereke saakifɔ n ba kuunri bu na bu kaari ŋgbɛɛn ni.

¹¹ Ahin sam kere bo bu yo yoori ni, bu ti deke bo bu sufa kere ya wɔ, nyini ma bu kɛɛri bu seeri n a, na bu fa bobɔ yere n bo ya wo ahin awieeri su sanɔa n nu ni. ¹² Nyini ti, sɔnɔ kere bo i sunsun ka i jina nyunyumi, i ti ye ni ka i mi si i ŋu sa, na má i kpaasi. ¹³ Gberɛgbere be wo má bere bo wɔ tu am, na i be nya tu má adamande. Nyeme la dabuŋu, i yáki má na gberɛgbere bo i kúnma am bá tu am, ama, haari nzen gberɛgbere be bá tuuri am, i kpíni atin ma am, na i má am koro mindi de i.

¹⁴ Nyini dɛɛ ti, m ninbaa koroowam, am ŋmati fite amɔɛ su nu. ¹⁵ M sujɔɔ am dɔ ka am ti minem bo bu nyunu ateke wɔ, ambere mmɔɔ ni am tii, am si deke n bo m sujɔɔ i n bu. ¹⁶ Nzen ya sudi ya Mibiɛ n diire ni, na ya faari awa n ni nzan n na ya yo kisi gɔ su, na ya kere sanɔa nuuri i, i ti Kristo mbunja wɔ lɛɛ, ye ya nu i n a. Kpɔnɔ n gusu bo ya kpiɛkpiɛ i nu na ya sanɔa di i ni, i ti Kristo ŋuniembaa n wɔ lɛɛ, ye ya di i n a. ¹⁷ Kpɔnɔ n bo ya kere sanɔa di i n ti mɔmɔ kun wɔ, nyini dɛɛ ti, yere bo ya ti mine beberebe ni, ya ti anuniembaa kun wɔ lɛɛ, dama ya kere sanɔa di kpɔnɔ kun n wɔ. ¹⁸ Am niɛ kabo Yisarelifɔm yoori ni. Minem bo bu di dekem bo bu fa yo yoowa Mikun yoowa yoobiri n su n ni, bu ni Nyeme la wo fie bo i ma bu yo anɔɔkun, fa kɔ bu nyemesu atin n su. ¹⁹ M suse má ka dekem bo bu yo tie n ma bu n wo má bere wɔ, wara amɔɛm ni bu tii wo má bere.

Ai, má sò. ²⁰ Ama, dekem bo amœsuföm yo tie ma bu ni, bu yo ma ajinim wò, bu yo ma má Nyeme. M koro má ka am di amœ tie diirem, na am ni ajinim san̄ga. ²¹ Nahore, m koro ka am si ka am koro nu má ya Mibié ni nzan awa n nu, na am kaaki nu ajinim dœ gusu buka su, nyini koro yo má, na am kaaki koro di má ya Mibié n diire ni, na am kaaki di ajinim dœ buka su, nyini koro yo má, ²² wara ya koro ka Mibié n si ya kore na i fa yaa ya ñu wò. Ya la fanga tara i wò, nzen se? Ai, ya lá má fanga.

Ya yo sa bo i sun Nyeme nu

²³ Am nbem se ka, “Ya la atin bo ya koro yo deke kere bo ya koro ka ya yo i ni.” I ti nahore wò, ama, má deke kere la kperere a. Am ña, “Ya la atin bo ya koro yo deke kere bo ya koro ka ya yo i ni.” I ti nahore wò, ama, má deke kere buka ya a. ²⁴ Má am nie kabo am yo na ambere ñgumi yo ye, ama, am nie kabo am yo na am ben̄gum gusu yo ye. ²⁵ Nie kere bo nan̄kosim tò i ni, am di i, má am yo sika. ²⁶ Dama ba kere i Nyeme Jore Kadasi n nu ka, “Durunya n ni deke n kere bo i wo nu n ti Micera n dœ wò.” ²⁷ Nzen sònò bo i yo má yarada baandiiri am ka am ba di diire, na am soro su, am di deke kere bo bu fa ma am ni, má am kere nu, sika dœ ti. ²⁸ Ama, nzen be se am ka, ahin nie n ti tie nie wò, nyini yiri, má am di, yiri n bo wò se sò ni, i sunsunni suma i nnyò nnyò n dœ ti, má am di. ²⁹ I mi n dœ sunsunni nnyò nnyò n dœ ti, má a di i, má u dœ ti a. M dœ la m tii, ye nzu ti ye m ma be dœ sunsunni nnyò nnyò n di m jore, na má m yo kabo m koro a. ³⁰ Nzen m da Nyeme asi gò diire n su na m di i, be yo se koro jaraki m diire n dœ ti a? Dama ma du mò ada Nyeme asi agò diire n su.

³¹ Nyini ti, nzen am diiri diire, wara am nuuri deke nuuwa, wara deke kere bo am yoori i, am yo i na i wura Nyeme kpiri. ³² Má am yo sa bo i ma minem bo bu jaa na bu kpaasi, bo bu ti Yudaföm ni, ni bo bu ti má Yudaföm, haari ni Kristo jama ni. ³³ Sò ye mini mmòò ni m tii boro m nyi a, na m yo sa bo i sun sònò kere nu, m sunie má kabo m yo na mini ñgumi yo ye wò, ama, m yo deke bo i buka sònò kere wò, adena bu nya tiide.

11

¹ Am sòn m su, na am ma am woowa ti kabo m woowa ti barasu n na m sòn Kristo su ni.

Tii kata su jore fa kò nyemesere su

² Tò, m kansì am wò, dama san̄ga kere am nati tenge m su wò, na am bita kereewam bo m fa kereeri am n ni nahore su ni. ³ Ama, deke bo m koro ka am si i la ka, biesò kere tiifo

la Kristo wɔ, na bara kere tiifo la i hun, na Kristo gusu tiifo la Nyeme. ⁴ Nyini ti, bieso kere bo i susere Nyeme, wara i sukan Nyeme noanie n kere minem, na i kata i tii su, i mi awura i tiifo n nyinse wɔ lee. ⁵ Na bara kere bo i susere Nyeme, wara i sukan Nyeme noanie n kere minem, na wɔ kata má i tii su, nyini bara n suwura i tiifo nyinse wɔ lee. I ti ka wɔ yi i tii wɔ lee. ⁶ Nzen bara kete ka i kata má i tii su, nyini yiri, i ti ye ni ka i kpiekpie i tii ni, ama, nzen i ti i nyinse ka i kpiekpie i tii, wara i yi i, nyini yiri, i ti ye ni ka i fa deke kata su. ⁷ Nyini ti, i ti má ye ni ka bieso susere Nyeme na i fa deke be kata i tii su, dama i ferema ni Nyeme wɔ, i de Nyeme jirima woowa a, ama, bara n yiri, i de bieso n jirima woowa a. ⁸ Dama Nyeme afa má bara ye i fa yoori bieso a, ama, i du mo yiiri bieso o ka, na wɔ nya ayi bara afite i nunie nu. ⁹ Má bara dee ti, ye Nyeme yoori bieso a, ama, bieso dee ti, ye i yoori bara a. ¹⁰ Nyini dee ti, wɔ yo daka ka bara cin acici, na i kere ka be la i yiko, merékem dee ti. ¹¹ Ama, haari ni nyini n kere ni, fa kɔ Mibie n dee atin n su, bara wo má i ngumi, na bieso gusu wo i ngumi. ¹² Dama kabo Nyeme yo yiiri bara fiteeri bieso nunie nu ni, so ye bara gusu wu bieso a, ama, deke n kere fite Nyeme do o. ¹³ Ambere mmoo ni am tii, am sunsun na am nie, i ti kpa ka bara sere Nyeme na má i cin acici? ¹⁴ Am nie kabo adamande woowa ti a, i kere ka nzen bieso yaki i tiinmie na i yo tintiin jonjondi, minem bu má i. ¹⁵ Ama, nzen bara la tiinmie tintiin ye i la jirima a, dama Nyeme ama i tiinmie n ka i fa kata i tii su wɔ. ¹⁶ Nzen be wo am nu na i yo i nka ka i se akuruwa fa kɔ kabo m suse ni, m koro ka m se am ka, yere, ya su má nyini yoowa n su, haari ni deke kere bo Kristo jamam tien bu noo ni, be yo má so.

Ya Mibie n diire n jɔre

¹⁷ Tɔ, ahin kereewam bo m koro ka m fa kere am ni, m koro kansi má am, dama sangga bo am ba tien am noo, sam bo am yo bu ni, bu buka má am, bu ma am kɔ am sin wɔ. ¹⁸ Ciciri su, ma ti ka sangga bo am ba tien am noo na am su Nyeme ni, am la kpakpaakinu wɔ. Ma yo yarada ka, beni, i ti nahɔre wɔ. ¹⁹ Nahɔre, wɔ yo daka ka am la kpakpaakinu am nu, adena am si bo bu ti yaradayofom nahɔre su ni. ²⁰ Am ba tien am noo ni, má ya Mibie n diire n ye am tien am noo di i n a. ²¹ Dama sangga bo am ba sudi ni, sono kere di i tienngu diire wɔ, be nminda má i benngu, na ahɔe suti nbem, na nbem nu nzan subo. ²² Am la má am tienngu awurum wɔ, bo am koro di na am nu wɔ, nzen se? Wara am bu Kristo jama ni ngbeen wɔ, haari na am suwura bo

bu la má pui nyinse? Am ɲa m se am se wɔ? Am ɲa m kansu am wɔ, nzen se? Ai, m koro kansu má am ni nyini yiri.

²³ Dama deke n bo mini ni m tii deeri i fiteeri Mibiɛ n do ni, nyini ye ma fa akere am n a. Kɔngue n bo bu tɔɔri ya Mibiɛ Yesu maari i kpɔfɔm ni, na wɔ fa kpɔnɔ, ²⁴ na wɔ da Nyeme asi, na wɔ bubu i nu, na wɔ se bu ka, "Ahin kpɔnɔ n ti m ɲuniɛmbaa lɛɛ ye m sufa ma am n a. Am yo ahin sɔ adena am fa tenje m su." ²⁵ Bu diiri diire n wieeri ni, na wɔ kaaki afa awa n ni nzan ni, na wɔ se bu ka, "Ahin nzan n ti sesesu fɔfɔre n bo Nyeme sufa m mbunja n sudi i di wɔ. Saɲga kere bo am ba sunu nyini nzan ni, am tenje m su."

²⁶ Nyini la ka, saɲga kere bo am ba sudi ahin kpɔnɔ n na am sunu ahin nzan ni, am subo Mibiɛ n yiwee ni ndoori wɔ lɛɛ, haari fa kɔ ju saɲga bo i bá kaaki ba bekun ni.

²⁷ Nyini ti, sɔnɔ kere bo i diiri ya Mibiɛ n kpɔnɔ ni, wara i nuuri i nzan ni, na i bu má i, Nyeme dí i mi jɔre jaraki i, dama wɔ fa má ya Mibiɛ ɲuniɛ n ni i mbunja n ayo má juma.

²⁸ Wɔ yo daka ka sɔnɔ kere niɛ i ahorembaa su ka, na i nya di ahin kpɔnɔ ni, na i nya nu nzan ni. ²⁹ Dama sɔnɔ kere bo i diiri kpɔnɔ n na i nuuri nzan n na wɔ si má ka ya Mibiɛ ɲuniɛmbaa n lɛɛ, Nyeme bá di i mi jɔre jaraki i. ³⁰ Nyini deɛ ti ye am nu, mine dɔngɔ ayɔrɔki ada tukpaki, haari nbem awu n a. ³¹ Nzen yere ni ya tii du mɔ fiiti niɛeri kabo ya woowa ti, Nyeme di má ya jɔre cin má ya sui. ³² Ama, nzen Mibiɛ n fiiti ya na i cin ya sui, i yo sɔ sɔ adena i di má ya jɔre na i yo ya ɲgbɛɛn, cɛɛn n bo i bá di durunya n nufɔm jɔre ni.

³³ Nyini deɛ ti, m ninbaam, saɲga kere bo am ba tien am nɔɔ, na am di, am kere ɲminda am beɲgu, na am saɲga di.

³⁴ Nzen ahɔɛ ati be, i ti ye ni ka i mi di diire awuru ka, na i nya ba, adena nzen am ba tien am nɔɔ, na má Nyeme di am jɔre cin am sui. Jɔre n kere bo wɔ ka ni, nzen m ba baari, m yó i dɔngɔ.

12

Aceerim bo Awiewie Casi n fa ma minem n jɔre

¹ Tɔ, m ninbaam, m koro ka am si sa bo i wo bere fa kɔ Awiewie Casi n aceerim su. ² Am si ka saɲga bo am yo su má Nyeme ni, bu yo taari am nyi wɔ, na am susu amɔɛm bo bu koro jɔjɔ má ni. ³ Nyini ti, m koro ka am si ka sɔnɔ kere bo Awiewie Casi n wo i do, i mi koro se má ka, "Yesu aka ɲgbɛɛn," na be gusu koro se má ka "Yesu ti m Mibiɛ," má ka Awiewie Casi n wo i mi do.

⁴ Aceerim barasu barasu wo bere, ama, Awiewie Casi n ti kun wɔ. ⁵ Amusuim bo ya yo buka minem wo bere barasu barasu, ama, ya su Mibiɛ kun wɔ. ⁶ Sɔnɔ kere la atin barasu

barasu kabo i mi koro fa yo i juma, ama, Nyeme kun ni yo nyini n kere a. ⁷ Nyeme ma sono kere Awiewie Casi n aceerim n bo i kere ka Awiewie Casi n wo i mi do a, na i fa buka Kristo jama n kere. ⁸ Awiewie Casi ni ma sono be jojo alecira jore a, nyini Awiewie ni ma be gusu jojo si jore a. ⁹ Nyini Awiewie ni ma be yarada ye i yo yiko juma n a, nyini Awiewie kun ni ma be yiko ye i mi n koro tuntun tukpakifom na bu nya laifie a. ¹⁰ Nyini Awiewie ni ma be yiko ye i koro yo alekutura sam a, yiri ma be yiko ye i kan Nyeme noanie n kere minem a, yiri ma be yiko ye i koro si jore n bo i fite Nyeme Awiewie Casi n do a, yiri ma be yiko ye i koro jojo anie barasu barasu a, yiri gusu ma be yiko ye i koro kere anie barasu barasum bu a. ¹¹ Nyini Awiewie kun ni yo nyinim kere a, yiri ce sono kere aceeri barasu barasu n kabo i koro a.

Aɲuniembaa kun n ni i bue barasu n jore

¹² Aɲuniembaa n la bue barasu barasu beberebe wo, haari ni bo i la bue barasu barasu ni, i ti aɲuniembaa kun wo, Kristo gusu ti so o lee, yere ti i bue barasu barasu n a. ¹³ Awiewie kun n ye ba fa abie ya kere Nyeme nzue a, ye ya kere ayo aɲuniembaa kun, bo bu ti Yudafom, ni bo bu ti ma Yudafom, bo bu ti akoom, ni bo bu ti ma akoom, ya kere ade nyini Awiewie kun ni ya ahore su a.

¹⁴ To, aɲuniembaa n la bue barasu barasu beberebe wo, bu ti ma kun. ¹⁵ Nzen ma ajaari n seeri ka, "M ti ma asaa, nyini ti, m ti ma aɲuniembaa n be fieo," nyini kere ma ka i ti ma aɲuniembaa n bue be kun wo. ¹⁶ Na nzen ma asui n gusu seeri ka, "M ti ma anyumbaa, nyini ti, m ti ma aɲuniembaa n be fieo," nyini kere ma ka i ti ma aɲuniembaa n bue be kun wo. ¹⁷ Nzen ma aɲuniembaa n bue n kere tiiri anyumbaa, ma bu yo se koro ti deke nga a? Ye nzen ma bu kere tiiri asui, ma bu yo se koro de nvan a? ¹⁸ Ama, kabo Nyeme koro n ye wo fa ama aɲuniembaa bue barasu n kere a, ye wo yo i aɲuniembaa kun a. ¹⁹ Nzen ma i kere ti bue barasu kun, ma i ti ma aɲuniembaa lee. ²⁰ Kabo i ti ni, aɲuniembaa bue barasu n sunnu, ama, i ti aɲuniembaa kun wo. ²¹ Nyini ti, anyumbaa n koro se ma asaa n ka, "Woro, a kun ma m kpere be, m koro ma u." Wara atii n koro se ma ajaari n ka, "Woro, a kun ma m kpere be, m koro ma u." ²² Ama, haari aɲuniembaa bue barasum n bo ya na bu la ma fanga ni mmoo kun kpere wo. ²³ Na aɲuniembaa bue barasu n bo i la ma jirima ni, yiri ye ya nie i dika nyunyumi a. Na aɲuniembaa bue barasu n bo ya nu i ka i la ya nyinse ni, ya yo yiri dongu a, na ma ya di nyinse. ²⁴ Na aɲuniembaa n bue n bo bu wo fofoe nu ni, ya nie ma

bu dika nyunyumi. Ama, kabo Nyeme yoori aɲuniembaa n ni, deke n bo yeɛ fa má i yo má pui ni, yiri ye wɔ wura i jirima a, ²⁵ adena má i la kpakpaakinu, ama, na bue barasu n kere cɛɛ wo i beɲgu nu. ²⁶ Nzen aɲuniembaa bue kun diiri yaari, aɲuniembaa bue n kere sudi yaari n a, ye nzen aɲuniembaa n bue be sunya kansi, aɲuniembaa bue n kere ahore ti jɔɔwa wɔ lɛɛ.

²⁷ Ambere kere ti Kristo aɲuniembaa n wɔ, na am kere kun kun n ti i bue barasu be wɔ lɛɛ. ²⁸ Na Nyeme ayi i mine nbem Kristo jamam n nu, na wɔ ma bu kere ni bu juma. I du mo yiiri jaramasam wɔ, nnyɔ su, bo bu kan Nyeme nɔanie n kere minem ni, nsan su la kerefom, bo bu buka su la bo bu yo alekutura sam ni, ni bo bu tuntun tukpakifom na bu nya laifie ni, ni bo bu buka minem ni, ni Nyeme mine mɔfom bo bu kere nyaari ni, ni bo bu jɔɔ anie barasu barasu ni. ²⁹ Sɔnɔ kere ti jaramasa a? Ai. Sɔnɔ kere kan Nyeme nɔanie n kan kere minem a? Wara sɔnɔ kere koro kere a? Ai. Sɔnɔ kere la yiko koro yo alekutura sam a? Ai, i ti má sɔ. ³⁰ Sɔnɔ kere la yiko koro tuntun tukpakifom na bu nya laifie a? Ai. Sɔnɔ kere koro jɔɔ anie barasu barasu a? Ai. Sɔnɔ kere koro yi anie jɔɔɔwa barasu barasu n bu a? Ai. ³¹ Ama, am kere boro am nyi na am nya aceerim n bo bu la má aɲusu ni.

Kisa, m koro ka m kere am atin n bo i ti kpa tara i kere ni.

13

Koro jɔɛ

¹ Nzen m jɔɔ adamande anie barasu barasu n kere, na nzen m jɔɔ merɛkem anie, na m koro má minem, m ti ka adanwore wɔ, wara m ti ka coco bo i bobo i beɲgu na i yo nanmie nɲbeɛn wɔ. ² Nzen m de Nyeme nɔanie n Awiewie Casi n dɔ, na m kan kere minem, na m la si kere na m si deke n kere bo bu wo asiri nu ni, na nzen m la yarada haari bo m koro se bukam ka bu yasu bu tanaabiri, ama, na m koro má minem, m ti nɲbeɛn wɔ lɛɛ. ³ Na nzen m faari m nenɲem kere fa kpaaki nu maari yaarifom, na m faari m nuniembaa fa maari, na bu yara m sin, na m koro má minem, nyini n kere bo m yo i n ti nɲbeɛn wɔ lɛɛ.

⁴ Sɔnɔ bo i la koro, i mi la sawɔre wɔ, na i yo kpa, i mi si má mine kɔre, i mi fɔ má yanfoya, i mi koro má kpiri. ⁵ Sɔnɔ bo i la koro, i mi la má anyumbaa wuruuwa, i mi yo má sa bo yiri nɲumi yo ye, i mi fa má yaa ndende, i mi fa má jɔɛ se má i kunnu na i tenɲe su. ⁶ Sɔnɔ bo i la koro, i mi ahore ti má jɔɔwa fa kɔ satie su, ama, i mi n ahore ti jɔɔwa fa kɔ deke bo i ti nahɔre su a. ⁷ Sɔnɔ bo i la koro mindi de deke

kere wɔ, na i la yarada fa kɔ deke kere nu, na i la ahoresi fa kɔ deke kere nu, na i la mindi sanƆa kere.

⁸ Koro la mǎ awieeri. Ama, aceerim bo Awiewie Casi n fa ma minem na bu koro kan Nyeme nɔanie n kere minem ni, i la sanƆa bo i ba sin wɔ, minem bo bu jɔjɔ anie barasu barasum ni, bu bá mɔ bu nɔɔ ɔ, na bo bu la si ni, i la sanƆa bo i bá sin wɔ. ⁹ Kisa ya si mǎ deke n kere wie mǎ, na Nyeme nɔanie n bo ya kan kere minem ni, ya si mǎ i kere wie mǎ. ¹⁰ Ama, nzen Kristo ba baari, nyini sanƆa deke n bo ya si mǎ i kere ni aba i awieeri lɛɛ. ¹¹ SanƆa bo m yo ti baatuma ni, m yo jɔjɔ baatumaya jɔre wɔ, na m sunsun kabo baatuma sunsun ni, ama, m nyunu ba tiiri ni, na ma yaki baatumaya jɔrem n kere. ¹² Kisa dekem bo ya ɲu i ni, i ti ka ya nie ɲu i nieɛnu nu wɔ, ama, ya bá ɲu i fofoe nu, kabo ya ɲu ya ɲu n wɔ. Kisa m si mǎ deke n kere, ama, sanƆa suba bo m bá si deke n kere, kabo Nyeme si m nahɔre su ni. ¹³ Tɔ, kisa ahin deke nsanm ni wo bere a, bere la yarada, ni tama, ni koro, ama, bo i tara bu kere n la koro wɔ.

14

Awiewie Casi n aceerim bo i buka su n dɛɛ jɔre

¹ Tɔ, am bita koro atin na am koro am bengɔ ni anyum-boro, na am kpini Awiewie Casi n aceerim busu, maala bo i ma am koro kan Nyeme nɔanie n kere minem ni. ² Dama bo i jɔjɔ anie barasu barasu n jɔjɔ mǎ adamandem dɔ, ama, i jɔjɔ Nyeme dɔ a. Nahɔre, be koro ti mǎ kabo i sujɔjɔ n bu, dama Awiewie Casi n dɛɛ yiko n nu ye i jɔjɔ asiri nu jɔrem a. ³ Ama, sɔnɔ bo i kan Nyeme nɔanie n kere minem ni, i jɔjɔ ma minem wɔ, na i buka bu na bu nya fanƆa buka su, na i ma bu ahoresi, na i kaaki ma bu ahoreda. ⁴ Sɔnɔ bo i jɔjɔ anie barasu barasu n buka mǎ be, i buka yiri ni i tii ɲgumi wɔ. Ama, bo i kan Nyeme nɔanie n kere minem ni, yiri buka Kristo jama n wɔ, na i nya fanƆa buka su. ⁵ Tɔ, nzen mǎ am kere koro jɔjɔ anie barasu barasu, mǎ i yo m fie. Ama, bo i yo m fie kɔ tara i kere n la ka, am koro kan Nyeme nɔanie n kere minem. Sɔnɔ bo i kan Nyeme nɔanie n kere minem n tara bo i jɔjɔ anie barasu barasum ni, mǎ ka be akoro akere nyini anie barasu barasum bu, na i buka Kristo jama n na i nya fanƆa.

⁶ M ninbaam, nzen kisa na m baari am dɔ, na m jɔjɔɔri anie barasu barasum, nzu kperɛ ye am nyǎ i a? Ai, am nyǎ mǎ kperɛ be. Mǎ ka ma kan sa bo Nyeme ayi i akere m n ama am, wara m kan si jɔre be kere am, wara m kan Nyeme nɔanie n kere am, wara m kan kereewa bo i fite Awiewie Casi n dɔ kere am. ⁷ Sɔ ye i ti a, nzen be fitaari tere, wara

be bo biɛku, na wɔ tɔ má su, bu yo sɛ koro di jue soro su a? ⁸ Bekun nzen be kaanri lue awiɛ, na wɔ sun má kabo lue awiɛ sun ni, bu yo sɛ koro cici lue a? ⁹ I ti sɔ ɔ lɛɛ, ambere mmɔɔ dɔ, nzen am jɔjɔ anie barasu, na i la má bu, mine yo sɛ koro si kabo am suse n a? I ti ka am sujɔjɔ gɔ nzue awa sin wɔ lɛɛ. ¹⁰ Daanfie anie barasu barasum sunnu durunya n nu, i gusu be wo má bere bo i la má bu, i kere la bu. ¹¹ Tɔ, nyini ti, nzen be jɔjɔ anie be na m ti má i, m ti daanfie barasu be wɔ lɛɛ i mi dɔ, ye i gusu ti daanfie barasu be wɔ lɛɛ m dɔ. ¹² Kabo am nyunu aboro ka am nyá Awiewiɛ Casi n aceerim ni, am boro am nyi ni aceerim bo bu koro buka Kristo jama n na i nya fanɔa buka su.

¹³ Nyini ti, sɔnɔ kere bo i jɔjɔ anie barasu barasum, i ti ye ni ka i sere Nyemɛ na i ma i aceeri n bo i koro yi i bu kere minem ni. ¹⁴ Dama sanɔa kere bo m sere Nyemɛ na m sere anie barasu barasu be nu, m awiewiɛ susere Nyemɛ a, ama, m ti má i bu m sunsunni nu. ¹⁵ Nyini ti, deke bo i ti ye ni ka m yo la ka, m sere Nyemɛ fite m awiewiɛ nu wɔ, na m kaaki sere i fite m sunsunni nu, na m di jue fite m awiewiɛ nu kansɔ Nyemɛ, na m kaaki di jue fite m sunsunni nu kansɔ Nyemɛ. ¹⁶ Nzen a sukansɔ Nyemɛ na i fite u awiewiɛ nu, na be wo u bi bo i nya si má Nyemɛ atin ni, i mi yo sɛ koro ti u nyemɛsere n bu a, na i soro su se ka, “Ami” a? ¹⁷ Haari nzen u nyemɛsere ti kpa, i buka má yiri n bo i ti má i bu ni. ¹⁸ M da Nyemɛ asi ka m jɔjɔ anie barasu barasum tara am kere. ¹⁹ Ama, nzen m ni Kristo jama n aba atien ya nɔɔ susu Nyemɛ, na m jɔjɔɔri jɔre kaan bo i fite m sunsunni nu, na bu tiiri i bu, i tara bo m jɔjɔ jɔre beberebe anie barasu nu ni.

²⁰ M ninbaam, má am sunsun kabo nbaatumam sunsun ni, ama, fa kɔ satieyo dika, am yo kabo nbaatumam yo ni, na am ma am sunsunni ti kabo anyunufɔm dɛɛ ti ni. ²¹ Dama ba kere i Nyemɛ nɔanie kpamaawa n nu ka, Micera n ɔa, “M fá minem bo bu jɔjɔ daanfie anie barasu barasum na m má bu jɔjɔ m tienɔgu minem dɔ.

Ama, haari ni nyini n kere mmɔɔ,
 bu dé má m nɔanie ni.”

²² Nyini ti, anie barasu barasum jɔjɔɔwa n kere minem bo ba nya yo má Kristo yarada ni nyaari a, má bo ba yo yarada ni. Na bo bu kan Nyemɛ nɔanie n kere minem ni, bu kere bo ba yo yarada ni nyaari a, má bo bu yo má yarada ni. ²³ Nyini ti, nzen ambere Kristo jama n atien am nɔɔ, na am kere sujɔjɔ anie barasu barasum, na bo bu nya si má Nyemɛ atin ni, wara bo bu nya yo má yarada wuraari am nu, bu sé ka am nyunu akan am wɔ, má sɔ? ²⁴ Ama, nzen am atien

am nõö, na am kere sukan Nyeme nõanie ni, na bo i nya si má Nyeme atin ni, wara, bo i ti má yaradayofö aba awura am nu, na i ti kabo söno kere sujöjõ ni, i mi n sunsunni nu kere i ka i ti satieyofö ö, na Nyeme nõanie n di i jöre jaraki i. ²⁵ Nyini ma i mi n kan asiri jöre kere bo i wo i ahore su n fite fofoe nu a, na i kutu i jaa su, na i kansi Nyeme, na i se ka, “Nyeme wo am dö nahöre su.”

Kabo i ti ye ni ka söno kere tara i ñu Kristo jama n nu barasu ni

²⁶ Tö, m ninbaam, nzu deke ye i ti ye ni ka am yo i a? Deke bo m koro ka m kan kere am la ka, nzen am ba tien am nõö, na be la jue bo i di, wara be la kereewa be bo i kere, wara be la sayikereewa bo i fite Nyeme dö, wara be la anie barasu be bo i jöjõ, wara be yi anie jöjõowa n bu kere am, deke n kere bo am yo i ni, am yo i na i buka Kristo jama ni, na i nya fanja buka su. ²⁷ Nzen nbem ba sujöjõ anie barasu barasum, i ni i agaya kere, bu yo mine nnyö, wara mine nsan, má bu tara sö. Bu ña bu jöjõ, bu jöjõ kun kun, i ti ye ni ka be gusu kaaki yi i bu kere am. ²⁸ Ama, nzen be koro kaaki yi má i bu kere má am, i ti ye ni ka i mi n bo i sujöjõ anie barasu barasum n mö i nõö Kristo jamam nu, na i jöjõ ma i ñu ni Nyeme. ²⁹ Minem bo bu kan Nyeme nõanie n kere minem ni, i ti ye ni ka bu mine nnyö wara bu mine nsan jöjõ a, na nyingam bo ba ka n fiiti i nu. ³⁰ Nzen be sujöjõ, na Nyeme ayi deke be akere söno nyinga, i ti ye ni ka söno n bo i du mö sujöjõ n mö i nõö, na yiri n bo Nyeme ayi deke be akere i n jöjõ. ³¹ Dama am kere koro kan Nyeme nõanie n kun kun kere am benju wö, adena am kere sönsön deke be nu, na i ma am ahoresi. ³² I ti ye ni ka bo bu kan Nyeme nõanie n kere minem n kere la tarabuñu fa kö bu Nyeme nõanie n kan su. ³³ Dama Nyeme ti má bo i fa kpakpaakinu ba i minem dö, ama, i ma bu la tanalaifie wö.

I ti sö ö læ, Kristo jama n kere nu, ³⁴ nzen am ba tienri am nõö, i ti ye ni ka nbaram mö bu nõö, bu la má atin ka bu jöjõ. Ama, wö yo daka ka bu yo bu ñu benle, na bu su kabo nõanie kpamaawa n kere n su. ³⁵ Nzen bu koro ka bu bisa jöre be, i ti ye ni ka bu bisa bu hunm awuru, dama i ti nyinse wö ka bara jöjõ Kristo jama n nu. ³⁶ Nyeme nõanie n du mö fite ambere dö a, nzen se? Wara ambere ñgumi ade Nyeme nõanie n a? ³⁷ Nzen be sunsun ka i ti Nyeme nõanie kanfö, wara i sunsun ka i si Awiewie Casi n aceerim jöre, i ti ye ni ka i mi si tenle su ka ahin nõanie n bo m sukere ma am ni, i ti Mibië n deë nõanie maawa a. ³⁸ Nzen be wo am nu, na i de má ahin jöre n bo m sukere ma am ni, ambere mmö bu i mi ñgbeen. ³⁹ Nyini ti, m ninbaam, i ti ye ni ka

am boro am nyi na am sukan Nyeme noanie n kere minem, na má am kanda minem ka má bu jöjö anie barasu barasum ni. ⁴⁰ Na am yo deke kere nyunyumi na i kö atin su.

15

Yesu Kristo yiwee tenge n jöre

¹ Tö, m ninbaam, kisa m koro ka m tenge am su fa kö labari kpa n bo m yo kan kereeri am n su. Am yo yoori i yarada a, na am ajina i su kenken. ² Nzen am bitaari labari kpa n bo m kan kereeri am kenken, nyini ma am tiide a, nzen má nyini yiri, am yarada n bo am ayo i n ti ngbeen wö lee.

³ Dama labari kpa n bo m deeri i na m kan kereeri am ni, i jöre anyumbaa la ka, Kristo wuuri ya satie ti wö, kabo ba kere i Nyeme Jöre Kadasi n nu lee, ⁴ ka i wuuri na bu seeri i ni, na Nyeme atenge i yiwee n nu i lesan ceen, kabo Nyeme Jöre Kadasi n kere lee. ⁵ I tengeeri ni, na wö yi i nu akere Kefasi bo bu kaaki fere i ka Petoro ni, na wö ba ayi i nu akere i susufö buru ni nnyöm ni. ⁶ Nyini sin, na wö yi i nu akere ya ninbaam nbem, bu tara mine yaa nnu, bu kere sanja wo woobiri kun wö. Bu nu, bu döngu toko la ngö, nbem gusu awu. ⁷ Na wö yi i nu akere Yakobo, na wö ba akaaki ayi i nu akere i jaramasam kere. ⁸ Awieeri su, na wö yi i nu akere mini, bo m ti ka baa bo ba wu i na i sanja nya ju má ni. ⁹ Dama mini ti jaramasam kere nu kaan, haari má wö ti má ye ni ka bu fere m jaramasa mmö, dama m yo kereeri Kristo jama n wuwuruwa wö. ¹⁰ Nyeme ahöröma n dee ti, ye m ti kabo m ti n a. Ahöröma n bo wö fa ama m ni, i ti má ngbeen, ama, m koro se ka ma yo juma atara nyingam kere mmö. Má mini ni m tii yoori i a, ama, Nyeme dee ahöröma n bo wö fa ama m ni, nyini ma m koro yoori i a. ¹¹ Nyini ti, mini, wara bere o, labari kpa n ye ya kan i a, labari kpa n gusu dee ti ye am yoori yarada n a.

Kabo Nyeme minem bá tenge yiwee nu ni

¹² Tö, labari kpa n bo ya kan i ni, ya na, “Nyeme atenge Kristo i yiwee n nu.” Ye nzu ti ye am nbem na yiwee tenge wo má bere a? ¹³ Nzen yiwee tenge wo má bere, nyini la ka, Nyeme atenge má Kristo mmö i yiwee n nu lee. ¹⁴ Nzen Nyeme atenge má Kristo i yiwee n nu, nyini la ka, labari kpa n bo ya kan i ni, i ti ngbeen wö lee, na yarada n bo am ayo i n gusu ti ngbeen wö lee. ¹⁵ Má nyini ngumi, nyini la ka, ya bu köre asö Nyeme wö lee, dama ya na wö tenge Kristo i yiwee n nu, ama, bu na bo ba wu n tenge má yiwee nu. ¹⁶ Na nzen bo ba wu n tenge má bu yiwee nu, nyini la

ka, wɔ tenge má Kristo mmɔɔ i yiwee n nu lɛɛ. ¹⁷ Na nzen wɔ tenge má Kristo i yiwee n nu, yarada n bo am ayo i n ti nɔgbɛɛn wɔ lɛɛ, na am toko wo am satiem nu wɔ lɛɛ, ¹⁸ na bo bu yo yoori Kristo yarada na ba wu n kere aka nɔgbɛɛn lɛɛ. ¹⁹ Nzen durunya n nu fen nɔgumi ye ya la tama n fa kɔ Kristo dɔ, nyini yiri, ya ti minem bo ya la anɔnfɔ tara sɔnɔ kere.

²⁰ Ama, nahɔre su, Nyeme atenge Kristo i yiwee n nu. Minem bo ba wu n kere nu, yiri tiiri bo i du mɔ tengeeri i yiwee nu a. ²¹ Adamande kun dɛɛ ti, ye yiwee kun sɔnɔ kere n a, adamande kun gusu dɛɛ ti, ye mine bá tenge bu yiwee n nu a. ²² Na kabo Adam dɛɛ ti na adamande kere wu ni, sɔ ye Kristo dɛɛ ti ma adamande kere bá tenge bu yiwee nu na bu nyá nɔgɔɔ a. ²³ Ama, sɔnɔ kere ni i saɔga bo Nyeme bá tenge i. Bo ba wu n kere nu, Kristo ti bo Nyeme du mɔ tengeeri i yiwee nu a, na bo bu ti i minem n gusu bá tenge saɔga bo i bá kaaki ba ni. ²⁴ Nyini sin na deke n kere bá awieeri, na i nyá fa femeya n wura i Si Nyeme saa nu, nyini saɔga, wɔ kunma femeya kere, ni nfanɔafɔm kere, ni yikofɔm kere lɛɛ. ²⁵ Dama wɔ yo daka ka i di femeya ni haari i bá kunma i kpɔfɔm, na i nana bu kere nɔ. ²⁶ I kpɔfɔ n bo i bá kunma i awieeri su n la yiwee wɔ. ²⁷ Dama ba kere i Nyeme Jɔre Kadasi nu ka, “Wɔ fa deke n kere awura i saa nu ka i niɛ bu su.” Bo i nɔ wɔ fa deke n kere awura i saa nu ka i niɛ bu su ni, nyini kere má ka Nyeme bo i faari deke n kere wuraari yiri Kristo saa nu afa i tii awura i saa nu lɛɛ. ²⁸ Na saɔga bo i ba faari deke n kere wuraari i saa nu ni, na yiri Baa n ni i tii nya fa i nɔ wura i Si Nyeme saa nu. Nyini saɔga Nyeme dɛɛ la deke n kere, na deke n kere wo bere yiri ti wɔ.

²⁹ Tɔ, nzen bu nɔ yiwee tenge wo má bere, ye bo bu de minem bo ba wu n jinaabiri na bu bie bu Nyeme nzue ma bu n di, bu yo se wɔ? Nzen bo ba wu n tenge má bu yiwee nu, nzu ti ye bu bie Nyeme nzue ma bu a? ³⁰ Ye nzu ti ye yere tɔ ya nɔgɔ saɔga kere n a? ³¹ Ale kere bo i cin, m wo yiwee nu wɔ, i ti sɔ ɔ lɛɛ, m ninbaam, m fa ambere bo m hoe ye m se sɔ n a, ya Mibie Yesu Kristo dɛɛ ti. ³² Nzen m ni minem bo bu ti ka boro nengem, kun lue, Efeso mie kpiri n nu, na i kɔ yo ka adamande woowa dɛɛ ti m la tama, nzu kperɛ ye ma nya i a? Nzen bo ba wu n tenge má bu yiwee nu, nyini yiri, i ti kabo mine nbem n nati se n wɔ, bu nɔ,
 “Am ma ya di, na ya nu,
 dama ahunma ya wú ɔ.”

³³ Má am ma be dadaka am, kabo minem nati se ni, ka,
 “Sɔnɔ tie suuri sɔnɔ kpa su,

i sáaki i woowa kpa n wɔ.”

³⁴ Am kaaki sunsun nyunyumi, na má am yo satie kun, dama am nbem si má Nyeme. Nyini n bo m se sɔ ni, i ti am nyinse wɔ lee.

Bo bu bá tenge bu yiwee n nu n deɛ aɲuniembaa n jɔre

³⁵ Tɔ, beni, be koro bisa ka, bo ba wu ni, bu tenge bu yiwee nu se wɔ? Aɲuniembaa barasu bɔnɔ ye bu fá ba? ³⁶ Wɔrɔ sinnzin ni, a si má ka nzen a dɔ deke mbaa, má ka i wu wɔ ka, ye i nya fi a, nzen se? ³⁷ Deke mbaa n bo a dɔ i ni, beni, ɲgani mbaa wara abuwe ye a dɔ i a, ama, i ba fiiri, i kaaki nyawa a, i ti má ka mbaa n bo a dɔori i ni. ³⁸ Nyeme ma i kere aɲuniembaa n kabo i koro a, deke mbaa barasu n kere, ni i tienɲgu aɲuniembaa. ³⁹ Aɲuniembaa n kere wo i ɲgumi wɔ, i ti má kun, adamande deɛ wo bere i ɲgumi, ajaannam deɛ wo bere bu ɲgumi, lanɲkpetefɔm deɛ wo bere bu ɲgumi, na jombaam deɛ wo bere bu ɲgumi. ⁴⁰ Dekem bo bu wo aɲgoro n wo bere, na a yaki bo bu wo durunya n nu fen ni. Aɲgoro deɛm nyumi wo bere bu ɲgumi, na durunya n nu fen n deɛm gusu nyumi wo bere bu ɲgumi. ⁴¹ Wie nyumi wo bere i ɲgumi, sara nyumi wo bere i ɲgumi, asarambaam nyumi wo bere bu ɲgumi, ama, bu nbem yo nyumi tara nbem.

⁴² Tɔ, kabo i ti lee fa kɔ yiwee tenge n su. Aɲuniembaa n bo bu se i ni, i kɔrɔ ɔ, na bo i tenge, i kɔrɔ má fieo. ⁴³ Deke n bo bu se i ni, i la má anyunuyi, ama, i bá tengeeri, i woowa yo nyumi wɔ. Deke n bo bu se i ni, i la má fanɲa, ama, i bá tengeeri, i la fanɲa wɔ. ⁴⁴ Deke n bo bu se i ni, i ti durunya n nu adamande aɲuniembaa a, i bá tengeeri, i ti aɲuniembaa bo Awiewie Casi n ma i ɲɔɔ n wɔ. Kabo durunya n nu adamande aɲuniembaa wo bere ni, sɔ ye aɲuniembaa n bo Awiewie Casi ma i ɲɔɔ n gusu wo bere a. ⁴⁵ I ti kabo ba kere i Nyeme Jɔre Kadasi n nu n wɔ, ka, “Ciciri su deɛ adamande ɲɔɔfɔ n la Adam wɔ,” na Adam n bo i ka sin n ti awiewie bo i ma ɲɔɔ ni. ⁴⁶ Bo i ti awiewie ni, má yiri du mɔ baari a, ama, bo i ti adamande ɲɔɔfɔ ni du mɔ baari a, na bo i ti awiewie n anya tɔ su. ⁴⁷ Ciciri su deɛ adamande n fite durunya n nu fen wɔ, Nyeme yo faari natie yoori i a, ama, bo i tɔ su nnyɔ su n fite Nyeme dɔ aɲgoro baari a. ⁴⁸ Minem bo bu ti durunya n nufɔm ni, bu ti kabo sɔnɔ n bo Nyeme faari natie yoori i n ti n wɔ. Na bo bu ti Nyeme minem n gusu ti kabo sɔnɔ n bo i fite Nyeme dɔ aɲgoro n ti ni. ⁴⁹ Kabo ya ferema ni sɔnɔ n bo Nyeme faari natie yoori i ni, sɔ ye ya bá ferema ni sɔnɔ n bo i fite aɲgoro n a.

⁵⁰ M ninbaam, m suse am wɔ lee, ka, ya ɲuniembaa n bo i ti nie ni mbunja ni, i koro wura má Nyeme femeya n nu,

na deke n bo i kpɔɔ n koro nya má deke n bo i wo bere sanɔa kere ni. ⁵¹ Am ti fen, m suse am asiri nu jɔre wo lee, ka, má ya kere wú a, ama, ya kere nuniembaa ni bá kaaki fɔfɔre wo. ⁵² I yó kungerekun wo, anyumbaa kata ni i teke, sanɔa bo bu bá fitaari awieeri su dee awie ni, na bo ba wu n tɛnge bu yiwee nu, bu kpɔɔ má kun, na yere gusu nuniembaa n káaki fɔfɔre. ⁵³ Dama wo yo daka ka ahin anuniembaa n bo i kpɔɔ n kaaki anuniembaa n bo i kpɔɔ má ni, na anuniembaa n bo i wu n gusu kaaki anuniembaa n bo i wu má. ⁵⁴ Sanɔa bo anuniembaa n bo i kpɔɔ n bá kpɔɔ má kun ni, na anuniembaa n bo i wu n gusu bá wu má kun ni, nyini sanɔa Nyeme nɔanie ni yó yiiwa lee, bo ba kere i ka,

“Ba di nasara yiwee nɔ ayo i nɔgbɛn ni.”

⁵⁵ “Keto, yiwee, u yiko n bo a fa kan n wo ni?”

Keto, u nasara n wo ni?”

⁵⁶ Deke n bo yiwee bita kan n la satie wo, ye satie nya i yiko n fite Nyeme nɔanie kpamaawa n nu wo. ⁵⁷ Ama, ya da Nyeme asi, dama ya Mibie Yesu Kristo dee ti, i ma ya di nasara.

⁵⁸ Nyini dee ti, m ninbaa koroowam, am jina kenken na má am fa am nɔ ji, am boro am nyi suyo Mibie n juma n sanɔa kere, dama am si ka juma n bo am suyo i ma Mibie n ti má nɔgbɛn.

16

Nwaa n bo bu yiye i na bu fa kɔ ma Nyeme minem ni

¹ Tɔ, fa kɔ nwaa n bo am yiye i na am fa kɔ buka Nyeme minem ni, am yo kabo m kereeri Kristo jamam n bo bu wo Galatiya awɔre n nu n ka bu yo ni. ² Yudafoɔm bakue n bumboori, mɔne kere mɔne, am nie kabo Nyeme awura am abaraka fa kɔ dekem bo am la bu n su, na am suyiyi nwaa be se, adena nzen m bá baari, am yi má nwaa kun. ³ Nyini sanɔa na m bá juuri, m kere kadasi ma minem n bo am ayi bu ni, na m fá sunma bu na bu fá am aceerim kɔ Yerusalem mie kpiri n nu. ⁴ Na nzen i ti ye ni ka mini mmɔɔ kɔ, na m ni bere kere kó.

Kabo Pɔɔlu koro ka i kɔ nie Kɔrintofɔm busu ni

⁵ M koro ka m fa Makedoniya dee awɔre n nu, na m sin ba nie am busu. ⁶ Beni, m yó lennyɔ am dɔ, wara fufuku ni sín ka, ye m nyá ba yasu a, adena am buka m na m kɔ deke kere bo m koro ka m kɔ ni. ⁷ Dama m koro má ka m bá jina angoro nie am busu na m sin, m la tama ka nzen Mibie n soroori su, m yó lennyɔ am dɔ. ⁸ M wó Efeso mie kpiri n nu fen haari Butara Cɛenkpiri n sanɔa. ⁹ Dama atin bambaka

ateke ama m, na m yo juma n nahɔre su, ama, m kpɔfɔm gusu asunnu.

¹⁰ Nzen Timoti bá baari am dɔ, am de i ni am saa nnyɔ, má am ma i ahore saaki, yiri mmɔɔ yo Mibiɛ n juma n kabo m yo i n wɔ. ¹¹ Má be se ka i bu i nɔgbɛɛn, ama, am kaari i ni ahoreda na i ba tu m, dama m suniɛ i ni ya ninbaam n atin nu ka bu bá.

¹² Fa kɔ ya niwa Apolosi yiri, ma sere i ni anyumboro ka i yo aniɛ, na i ni ya ninbaam bá na bu bá niɛ am busu, ama, wɔ soro má su ka i bá kisa, ama, nzen Nyeme ba maari i atin, i bá.

Awieeri su jɔre ni anse

¹³ Má am fa am nɔ ji, am jina kenken ni am yarada ni, na am yo nbiɛsɔm, na am fa ahoresi. ¹⁴ Deke n kɛre bo am yo i ni, am yo i ni koro.

¹⁵ M ninbaam, am si Satefanasi ni i dikafɔm jɔre, bere duuri mɔ yoori Kristo yarada Akaya awɔre n kɛre nu a, na ba fa bu nɔ asu Nyeme minem amusui, nyini ti, m sere am wɔ jande, ¹⁶ ka am bu nyini minem bo bu ti sɔ ni, ni minem kɛre bo bu buka su, na bu yo bu juma n ni anyumboro ni. ¹⁷ Saŋga bo Satefanasi, ni Fɔtunatusi, ni Akayakusi ba tuuri m ni, na wɔ yo m fie agaya, dama bu deerɔ am dɛɛ jinaa-biri wɔ, na ba yo deke n bo má am yo i ma m ni. ¹⁸ Dama kabo bu baari ni, bu ma m ni ambere kɛre anya ahoresi, nyini ti, i ti ye ni ka am bu minem bo bu ti sɔ ni.

¹⁹ Kristo jamam bo bu wo Esiya awɔre n nu n kɛre bisa am dɔnɔgu. Akuyila, ni i yi Pirisila, ni Nyeme minem bo bu tien bu nɔɔ bu dika n kɛre gusu bisa am dɔnɔgu, Mibiɛ n dɛɛ ti. ²⁰ Ya ninbaam kɛre bo bu wo fen n bisa am dɔnɔgu. Am gusu bisa am benɔm dɔnɔgu ni koro.

²¹ Mini Pɔɔlu ni m tii sufa m saa sukere ahin kereɛwa n bisa am dɔnɔgu a.

²² Sɔnɔ kere bo i koro má Mibiɛ ni, Nyeme yó i mi nɔgbɛɛn. *Marana ta*, i bu la ka, Ya Mibiɛ, bra.

²³ Ya Mibiɛ Yesu buka am kere.

²⁴ M koro am kere Yesu Kristo dɛɛ ti. Ami.

Pɔɔlu kadasi nnyɔ su bo i kerɛ fa maari KƆRINTOFƆM ni

¹ Mini Pɔɔlu bo m ti Yesu Kristo jaramasa Nyemɛ dɛɛ koroyanu ni, m ni ya niwa Timoti sukere ahin kadasi n ma am a. Ya sukere i na ya fa ma ambere Kristo jama n bo am wo Korinto miɛ kpiri n nu ni, ni Nyemɛ minem kerɛ bo bu wo Akaya dɛɛ awɔre n nu ni. ² Ya Si Nyemɛ, ni ya Mibiɛ Yesu Kristo buka am, na am nya tanalaifiɛ.

Kabo Pɔɔlu daari Nyemɛ asi ni

³ Am ma ya kansɛ Nyemɛ, yiri bo i ti ya Mibiɛ Yesu Kristo Si ni. Yiri ti ya Si bo i si ya aɲunfo a. Yiri ti Nyemɛ bo i dada ya ahore a. ⁴ Yiri dada ya ahore a, ya wahara kerɛ nu, adena yere gusu koro dada minem ahore, bere n bo bu wo wahara n kerɛ nu ni. Kabo Nyemɛ ama yere mmɔɔ ni ya tii anya ahoreda ni, yere ma bere n gusu nya nyini ahoreda n a. ⁵ Dama kabo ya ni Kristo susaɲga di i wahara n agaya ni, so ye yiri dɛɛ ti, ye ya nya ahoreda agaya n a. ⁶ Saɲga kerɛ bo ya ŋu kekereke, i ma am nya ahoreda ni tiide wo. Na saɲga kerɛ bo ya nya ahoreda ni, i ma am ahoreda a, na am yo sawɔre mindi de nyini wahara n bo ya di i n be. ⁷ Ya la tama fa ko am do, ya yo ma sika. Dama ya si ka kabo am ni yere kerɛ susaɲga di ya wahara n be ni, so ye ya ni ambere kerɛ susaɲga nya ya ahoreda n a.

⁸ M ninbaam, ya koro ka am si kabo ya ŋuuri kekereke Esiya dɛɛ awɔre n nu barasu ni, ya ŋuuri anyumboro bo i la ma aɲusu, haari na ya yi tama ka ya wu awie. ⁹ Nahore, ya sunsun ka ya wu wo. Ama, i yo so na ma ya daafi ya ŋu su, ama, na ya daafi Nyemɛ ŋu, dama yiri tenge bo ba wu n a. ¹⁰ Wo yi ya afite nyini yiwee n bo i la ma aɲusu n nu, na i yi ya fite nu bekun. Ya yo yiri tama ka i toko sɔyi ya fite nu bekun a, ¹¹ kabo am buka ya ni am nyemesere ni. Nyini ma mine donɲu ba da Nyemɛ asi, fa ko kabo wo de mine donɲu nyemesere n na wo yo sakpam ama ya ni.

Kabo Pɔɔlu kaakiiri i sunsunni ka i kaaki ba ma bu do ni

¹² Deke n bo ya fa fo n la ka, ya sunsunni nu kere ya ka ya bo ma aɲɔfiɛ, na ya ahorembaa ti casi wo Nyemɛ do durunya n nu, maala fa ko am do, ma ka ya su durunya n nu alecira su n dɛɛ ti a, ama, Nyemɛ yo bukaari ya n dɛɛ ti a. ¹³ Ya kerɛ ma jore be ma ma am, ma ka jore bo am kan i na am kaaki koro ti i bu ni. M la tama ka am ba si i

kere haari ni i awieeri, ¹⁴ dama am adu mo asi ya nusu jore kaan, nyini ma am ba koro fa ya fo n a, kabo ya ba fa am fo, ceen n bo ya Mibie Yesu ba kaaki ba n a.

¹⁵ M la ahoresi fa ko nyini n su dee ti, ma sese su ka m du mo ba nie am busu, adena ma am nya buka kpe nnyo. ¹⁶ Deke bo i ti na m se so n la ka, ma sese su ka ma m fa am do na m nie am busu, na m sin ko Makedoniya dee awore n nu, na m ba sufite do ba, na ma m fa am do bekun, adena am buka m na m koro ko ju Yudiya awore n nu. ¹⁷ Nyini n bo m seseeri su so ni, m la ma jinakunsu wo lee, nzen se? Wara m sese su kabo durunya n nufom n yo n wo, na m se ka "Een," na m kaaki se ka "Ai," nzen se? ¹⁸ Nyeme la dabunu ni nahore n dee ti, naniem bo ya kan kereeri am ni, i ti ma "Een," na i kaaki ti ma "Ai". ¹⁹ Dama Nyeme Wa Yesu Kristo n bo ya kaanri i jore kereeri am ni, mini ni Silivanusi ni Timoti, yiri Yesu dee jore ti ma "Een," na i kaaki ti ma "Ai," ama, i deke kere ti "Een" o. ²⁰ Dama dekem kere bo Nyeme seeri ka i yo bu ni, bu kere ti "Een" o, Yesu dee ti. Nyini ti, i dee ti ye sangha bo ya kansi Nyeme, ya se ka, "Ami" n a. ²¹ To, Nyeme ni i tii ma ya ni ambere kere koro jina kenken a, kabo ya ni Kristo ayo kun ni. Yiri ayi ya ka ya su i n a. ²² Yiri ase ya nyaari ka ya ti i dee minem a, na wo fa i Awiewie Casi n awura ya ahore su na i kere kabo i ma ya deke n kere bo i seeri ka i fa ma i minem ni.

²³ Nyeme di m daani m ahore su a, ma koro ma ka m kan am ndie, nyini dee ti ye ma kaaki aba ma Korinto mie kpiri n nu n a. ²⁴ I ti ma ka ya sumie am kabo am yo yarada n wo, ama, ya ni ambere kere buka ya bengu wo, na am nya ahorejo, dama yarada n dee ti ye am jina kenken n a.

2

¹ Nyini ti, na ma yo m sunsunni nu ka m ba nie ma am busu kun na am ahore saaki. ² Dama nzen m ma am ahore saakiiri, nmam ma m ahore da a? Ma ambere bo ma saaki am ahore ni? ³ Deke bo i ti na m kereeri so n la ka, ma koro ma ka m ba na ma am ma m ahore saaki, ambere bo ma i ti ye ni ka am ma m ahore jo ni. M la ahoresi fa ko am do, ka deke n bo i ma m ahore jo ni, nyini ma am gusu kere ahore jo n a. ⁴ Dama m woori ahoresaaki, ni ahorembaa yaari, ni nyunvuin agaya nu, ye m kereeri am n a. I ti ma ka m koori ka m saaki am ahore wo, ama, m koori ka am si kabo m koro am agaya barasu n wo.

Kabo Pölu na bu fa ce be bo wo do ngasi ni

⁵ Kabo be ayo ahoresaaki sa ni, ma mini ye wo saaki m ahore a, ama, wo saaki am kere ahore a, nzen ma nyini, wo

saaki am nu be ahore. M gusu koro má ka m jöjō jōre n na i kō sin su agaya. ⁶ Suicin n bo ambere mine beberebe n kere fa kereeri i mi ni, wō se i su sō. ⁷ Ama, kisa, kabo i ti ye ni ka am yo i n la ka, am kaaki de i mi, na am fa i ngasi ce i, na am dada i ahore, má sō, ahoresaaki agaya ni má i kpaasi wō. ⁸ Nyini ti, m sere am wō, am kaaki de i na am kere i kabo am la koro fa kō i dō ni. ⁹ Deke bo i ti na m kereeri am n la ka, m koro ka m yo am na m nie ka am de deke n kere bo m se am ka am yo i ni. ¹⁰ Sōnō bo am fa i ngasi ce i ni, mini mmōō fa ce i mi. Sa bo i ti na ma fa i ngasi ace i ni, nzen i la ngasi bo i ti ye ni ka m fa ce i mmōō, ma yo sō Kristo nyunu, ambere dee ti wō. ¹¹ Ya yo sō o, adena má Sitana koro kunma ya. Dama ya si tenle su kabo i la ngonletie barasu ni.

Kabo i miēri Pōolu ka i ti bu jōre Titosi dō ni

¹² Tō, m kō juuri Tōrasi miē kpiri n nu ka m kan Kristo labari kpa n jōre kere bu ni, na ma ŋu ka Mibie n adu mō ateke atin ama m. ¹³ Haari ni nyini n kere mmōō, m ahore ada má, dama ma ŋu má ya niwa Titosi dō. Nyini dee ti, na ma kaari bu, na ma sin akō Makedoniya awōre n nu.

¹⁴ Ama, ya da Nyeme asi, dama kabo Kristo adi nasara na ya ni yiri ayo kun ni, sanja kere, yiri Nyeme ma ya nati su Kristo su, i nasara natiiri nu a, na deke kere bo ya kō ni, yiri fa ya bara ye a, na ya ma minem si i jōre, kabo deke nvani bara ye deke kere ni. ¹⁵ Dama ya ti ka ayiri kunkuunwa nvanvani bo Kristo fa ma Nyeme n wō, na i nvanvani n bara ye minem bo bu sunya tiide ni, ni bo bu suka ngbēen n dō o. ¹⁶ Bo bu suka ngbēen ni, bere bu ya ka nvanvani n bo i sufa yiwee ba bu dō o, ama, bo bu sunya tiide ni, bere bu ya ka nvanvani n bo i suma bu nya ngōō Nyeme dō o. Ahin juma n yiri, ŋma koro fa i tienngu fanja yo i a? ¹⁷ Ya ti má ka mine dōngu bo bu bita Nyeme jōre n yo wata na bu di i kpere ni, ama, yere yiri, ya ti nahorefom wō, haari na ya ti mine bo wō yi ya asunma ya wō, na ya jina i nyunu ye ya kan i jōre a, kabo ya ni Kristo ayo kun n dee ti.

3

Seesu fōfōre n bo Yesu adi i di n dee amususufom jōre

¹ Ya sukaaki kan kere am kabo ya ti na am si ya, nzen se? Wō yo má daka ka ya yo kabo nbem yo ni, ka ya fa kadasi bo i kere kabo ya ti barasu n bita nu, wara ya de kadasi am dō na i kere mine nyingam kabo ya ti barasu, nzen se? ² Ai, ya kadasi n la ambere ni am tii wō, kadasi n bo ba kere i awura ya ahore su ni, na mine kere koro kan i na bu si kabo i ti. ³ Na bu koro ŋu ka ambere ti kadasi n bo

Kristo akere awura ya saa nu afa asunma ya n a. Wɔ fa má deke kerewa nzue fa kereri i a. Ama, Nyeme bo i wo bere sanja kere n de Awiewie n ye i fa kereri i a. Wɔ kere má i ago má yabue pɛpɛrɛpɛ su wɔ, kabo Nyeme yo kereri i noanie kpamaawa n maari Moyisi ni, ama, i kereri i goori adamandem ahore su wɔ.

⁴ Deke bo i ti na ya koro jɔɔ sɔ n la ka, ya la ahoresi Nyeme dɔ, Kristo de ti. ⁵ Ya la má deke bo i kere ka yere ni ya tii koro yo juma n a. Deke bo i ma ya koro yo i n fite Nyeme dɔ ɔ. ⁶ Yiri Nyeme ama ya koro ayo i amusuisufom a, fa kɔ sɛsɛsu fɔfɔrɛ n bo wɔ di i di n su a. Nyini sɛsɛsu n fite má Nyeme noanie kpamaawa n bo wɔ kere i n dɔ, ama, i fite i Awiewie n dɔ ɔ. Noanie kpamaawa kerewa n fa yiwee ba, ama, Awiewie n ma ngɔɔ ɔ.

⁷ Tɔ, noanie kpamaawa n bo Nyeme yo kereri i goori yabue pɛpɛrɛpɛ n su na i fa maari Moyisi ni, nyini sanja, i yoori sɔ ni, i jirima bambaka n taari wɔ, na Yisarelifom n akoro anie má Moyisi nyunuawa dika, dama i nyunuawa taari wein agaya, haari ni bo i ba saari wɔ. Kabo noanie kpamaawa n bo i fa yiwee ba n ti n na Nyeme boori i juma n bu ni jirima bambaka n sɔ ni, ⁸ i Awiewie ni yó i de juma n ni jirima bambaka bo i tara nyini ni, má sɔ? ⁹ Kabo noanie kpamaawa n bo i yo diiri minem jɔrɛ ciinri bu sui n ti n na i juma yo la jirima bambaka sɔ ni, nyini yiri, juma n bo i ma Nyeme de minem ka bu yo sa bo i kɔ atin su i dɔ n de jirima bambaka tara sɔ. ¹⁰ Nahore, deke n bo i yo la jirima bambaka ni, i la má jirima kun, deke n bo i la jirima bambaka tara sɔ n de ti. ¹¹ Kabo deke n bo i ti siinwa n ti n na i yo la jirima bambaka sɔ ni, nyini yiri, deke n bo i wo bere sanja kere n de jirima bambaka n tara sɔ.

¹² Kabo ya la tama ka i ti sɔ n de ti, ye ya la ahoresi agaya koro jɔɔ sɔ n a. ¹³ Yere ti má ka Moyisi bo i yo faari sanvuin kataari na má Yisarelifom ɲu i nyunuawa bo i ta wein na i susaari ni. ¹⁴ Ama, haari ni nyini n kere mmɔɔ ni, bu sui yo tiiri tantanantan a. Haari ni nyuma, sanja kere bo bu ti ka be sukan sɛsɛsu dawa n de kadasim ni, i yoori bu ka nyini sanvuin n toko kata bu sunsunni su wɔ, má ka Kristo ngumi koro yi i a. ¹⁵ Haari ni nyuma, sanja kere bo bu kan kadasim n bo Nyeme ma Moyisi kereri bu ni, i yoori bu ka sanvuin n toko kata bu sunsunni su wɔ. ¹⁶ Ama, bu koro yi i, kabo ba kere i fa kɔ Moyisi jɔrɛ n su ni, ka, “Sanja bo i fa i nyunu wɔ Mibiɛ ni, sanvuin n kata má i nyunuawa kun.” ¹⁷ Tɔ, deke n bo bu kereri i ka “Mibiɛ n” ni, bu kere niiri i Awiewie n wɔ. Deke bo Mibiɛ n Awiewie n wo ni, dɔ ye mine nya bu tii a. ¹⁸ Yere yiri, ya la má sanvuin bo i kata ya nyunu. Kabo ya nie ɲu deke nieɛnu nu ni, sɔ ye ya nie

ñu Mibié n jirima woowa n a, na i ma ya woowa kaaki kabo i ti ni, na ya sunya i jirima woowa ni, subuka su sanja kere. Ahin n fite Mibié n Awiewié n do o.

4

Ajéke n bo i ti ka i wo dundu nu n jore

¹ Nyini ti, kabo Nyeme asi ya anunfo na wo fa ahin juma n ama ya ni, ya ñunie yoroki má ya. ² Yere, ya kete deke kere bo i ti nyinse sa na bu kata i su asiri nu ni, ya dadaka má be, ya kaaki má Nyeme ñonanie ni. Ama, ya kan nahore n fofoe nu wo, nyini ma ya fa kere sono kere na i si i sunsunni nu kabo ya wo ti Nyeme do a. ³ Na haari nzen deke be akata labari kpa n bo ya kan i n su, bere n bo bu suka ngbeen ni ngumi do, ye deke be akata i su a. ⁴ Dama Sitana bo i ti durunya n nu fen dee nyeme n ata bu nyi bu sunsunni nu na má bu yo yarada, adena má bu ñu labari kpa n dee wein n fa ko Kristo jirima woowa n su, yiri bo i ti kabo Nyeme ti ni. ⁵ Ya kan má yere ni ya tii jore wo, ama, ya kan Yesu Kristo jore a, ka yiri ti sono kere Mibié a. Yere, ya ti am dee akoom wo, yiri Yesu dee ti. ⁶ Dama Nyeme bo i yo seeri ka, “Ma wein ta fite awosin nu” ni, yiri ma i wein ata ya ahore su a, na i ma ya si i jirima woowa n bo i ta fite Yesu Kristo nyunuawa dika ni.

⁷ Ahin jore n ti ajéke bo ya la i Nyeme do o, ama, yere yiri, ya ti ka dundu bo ba fa yakati ata ya n ye ya la ahin ajéke n a. I ti so o, adena mine ñu i na bu si ka nyini yiko n bo i la má anusu n ti Nyeme dee wo, i fite má ya do. ⁸ Bu mie ya so o deke kere nu, ama, Nyeme yi ya nu wo. Ya tanda so o, ama, ya yi má tama. ⁹ Bu kere ya wuwuruwa so o, ama, Nyeme yaki má ya. Bu bo ya ji asiengu so o, ama, ya ka má ngbeen. ¹⁰ Sanja kere ya nati ñu yiwee n bo Yesu wuuri i n be wo, adena minem koro ñu ngoo n gusu bo Yesu la i n be, ya ñunie nu. ¹¹ Nahore, yere bo ya la ngoo ni, sanja kere bu fa ya wura yiwee woobiri wo, Yesu dee ti, adena bu koro ñu ngoo n gusu bo Yesu la i n ya ñunie nu. ¹² To, yere, ya wo yiwee nu wo, ama, ambere wo ngoo nu wo, Nyeme do.

¹³ Ya jore n ti kabo ba kere i Nyeme Jore Kadasi n nu wo, ka, “M yo yoori yarada a, nyini dee ti ye m jooori so n a.” To, yere gusu ayo nyini yarada kun n wo, nyini dee ti ye ya joo so n a. ¹⁴ Dama ya si tenle su ka Nyeme bo i tengeeri Yesu i yiwee n nu ni, yiri sanja tenge ya ni Yesu yiwee n nu a, na i fá ya ni ambere kere ko i nyunu. ¹⁵ Ahin n kere ma am nya kpere a, adena mine dongu sunya Nyeme ahorma ni subuka su, na i la má anusu, nyini ma bu suda Nyeme asi subuka su a, na i wura Nyeme kpiri.

Ya la yarada n ye ya nati a

¹⁶ Nyini dɛɛ ti, ya ŋuniɛ yɔrɔki má ya. Haari ni bo ya ŋuniɛmbaa sugbaraki ni, ama, ya ahore su, ya sunya faŋga fɔfɔrɛ Nyɛmɛ dɔ ɔ, ale kɛrɛ bo i cin. ¹⁷ Ahin waharam bo ya sudi bu ni, bu ti má pui, na bu cɛ má, nyini ni má ya nya jirima woowa bo i la má aŋusu na i wo bɛrɛ saŋga kɛrɛ n a. ¹⁸ Ya fa má ya nyumbaa kpama má dekem bo ya ŋu bu n su, ama, dekem bo ya ŋu má bu ni, ya fa ya nyumbaa kpama bɛrɛ su a, dama bo ya koro ŋu i ni, i cɛ má, ama, bo ya koro ŋu má i ni, i wo bɛrɛ wɔ, saŋga kɛrɛ.

5

¹ Tɔ, ya si durunya n nu fɛn dɛɛ aŋuniɛmbaa n jɔrɛ, i ti ka nambue wɔ, nzen wɔ saaki, sɔnɔ kɛrɛ la ataari kpa bo Nyɛmɛ ata i afa ase i. Má adamande taari i a, nyini awuru n wo aŋgoro wɔ, i wo bɛrɛ saŋga kɛrɛ wɔ. ² Kabo i ti sɔ na ya toko wo fɛn ni, ya wo waraki su wɔ. Ya ahore su, ya koro ka Nyɛmɛ fa ya wura ya awuru n bo i fite aŋgoro n nu wɔ, na i kata ya ŋu. ³ Ya koro i sɔ ɔ, na ya wura i ka sutura na má ya nati ya bu ŋgbɛɛn. ⁴ Yɛrɛ bo ya toko wo ahin nambue n nu ni, ya waraki wɔ, na ya wo ahore tanda nu sɔ ɔ lɛɛ. I ti má ka ya koro ka ya yi i se wɔ, ama, ya koro ka ya wura aŋgoro dɛɛ n nu wɔ, na i kata ya ŋu, adena Nyɛmɛ bá kaaki ahin aŋuniɛmbaa n bo i wu ni, na i ma ya i dɛɛ ŋgɔɔ ni. ⁵ Nyɛmɛ ni i tii adu mɔ asɛsɛ nyini deke n su ase ya a. Na wɔ fa i Awiewiɛ n ama ya, na i kɛrɛ kabo i má ya deke n kɛrɛ bo i seeri ka i fá ma i minem ni.

⁶ Tɔ, nyini ma ya la ahoresi saŋga kɛrɛ n a. Ya si tenle su ka kabo ya toko wo ahin aŋuniɛmbaa n nu ni, ya nya wo má Mibiɛ n dika n nu lɛɛ. ⁷ Kisa ya la yarada ye ya nati a, má ka ya nyumbaa ye ya fa ŋu asi nati a. ⁸ Yɛrɛ, ya la ahoresi n dɛɛ ti, ye ya ŋa ya yaki ahin aŋuniɛmbaa n a, na ya kɔ awuru Mibiɛ n dɔ. ⁹ Nyini ti, yɛrɛ yiri, nzen ya wo ya awuru n nu, wara ya wo má nu, ya boro ya nyi ka ya yo sa bo i sun Mibiɛ n nu wɔ. ¹⁰ Dama wɔ yo daka ka sɔnɔ kɛrɛ bá jina Kristo nyunu, i jɔrɛ diibiri ni, adena i mi nya i ŋkatɔ fa kɔ dekem bo i yoori bu i ŋgɔɔ n su ni, bo i ti kpa, ni bo i ti má kpa ni.

Kabo Yesu Kristo dɛɛ ti na ya ni Nyɛmɛ aƒiɛn ayo dɔŋgu ni

¹¹ Ya si kabo i ti na ya soro Mibiɛ n ni, nyini dɛɛ ti, ye ya boro ya nyi na ya ma minem kaaki bu sunsunni fa kɔ i jɔrɛ n su a. Nyɛmɛ si kabo ya woowa kɛrɛ ti barasu. Na m la tama ka am sunsunni nu, ambɛrɛ mmɔɔ si ya woowa. ¹² Ya sukaaki kan kɛrɛ má am bekun kabo ya ti wɔ, ama,

ya sukere am deke bo i ti na am koro fa ya fō n wō, adena nzen minem bá koro ka bu fō deke bo bu koro ŋu i n su, na i fite má ahorembaa su, dama bu koro ka bu bu am ŋgbēen n dēe ti, tō, am koro bō bu nu ni jōre kpa. ¹³ Nzen bu ŋa ya bo fiē wō, Nyemē dēe ti ye ya bo fiē a, ye nzen ya nyunu ti koroowa gusu a, amberē dēe ti ye ya nyunu ti koroowa a. ¹⁴ Koro n bo Kristo fa koro ya ni, yiri niē ya su a, dama ya yo ya sunsunni ka sōnō kun n bo i wu maari sōnō kerē n dēe ti ni, nyini la ka, sōnō kerē awu wō lēē. ¹⁵ I wu maari sōnō kerē wō, adena bo bu wo ni ŋgōō n bita bu ŋgōō n ka i ti má bu dēē, ama, i ti i dēē wō, yiri n bo i wu maari bu na wō kaaki atēnge i yiwee n nu bekun ni.

¹⁶ Nyini dēe ti, fa i kisa fa kō, kabo durunya n nufōm n bu sōnō ni, yerē, ya bu má be sō kun, haari ni bo ya yo buuri Kristo mmōō sō ni, kisa ya bu má i sō kun. ¹⁷ Nyini yiri, nzen be ni Kristo ayo kun, i mi n ayo deke fōfōrē wō lēē, i woowa dawa n asin, na i deke n kerē akaaki fōfōrē wō lēē. ¹⁸ Nyini n kerē fite Nyemē dō ō. Yiri ama Kristo ayo ya ni yiri ni i tii afien dōnggu a, ye wō ma ya juma n bo i yo i ni minem afien dōnggu. ¹⁹ Nyini la ka, Nyemē ma Kristo yo i ni durunya n nufōm afien dōnggu a, na i tenge má bu satie jōre su, haari kaan sō, ye wō fa nyini afien dōngguyo n jōre n awura ya saa nu, ka ya kan i. ²⁰ Nyini dēe ti, ya ti sunmafōm bo ya jina Kristo jaa nu wō. I ti ka Nyemē ni i tii sufa ya susere am jande a. Ya jina Kristo dēē jaa nu susere am wō, ka, am ma yiri yo am ni Nyemē afien dōnggu. ²¹ Yiri Kristo n bo i la má satie be ni, yiri ye Nyemē ma wō de satieyofōm n jinaabiri a, yerē dēe ti, adena ya kaaki minem bo Nyemē de bu ka bu yo sa bo i kō atin su i dō.

6

¹ Yerē bo ya ni Nyemē san̄ga yo juma ni, ya sere am wō, ahōrōma n bo am ade i ni, má am ma i ka ŋgbēen. ² Dama Nyemē ŋa,

“San̄ga kpa n ba juuri ni, ye m deer̄i am sere a,
na tiide cēen n ye m bukaari am a.”

Am ti fēn, kisa ti san̄ga kpa n a. Am ti fēn, kisa ti tiide cēen n a.

³ Ya sukanda má be atin wō, adena má be jaraki ya fa kō ya juma n bo ya yo i n su. ⁴ Ama, deke n kerē nu, ya kere ka ya ti Nyemē amuisufōm wō. Dama haari nzen ya wo wahara nu, ni kekereke nu, ni anyumboro nu, ya mindi de i wō. ⁵ Haari na ba bo ya, na ba nyi ya dansaraka, na ba di aluwa ya busu, na ya yo juma kekereke, na ya kpiē daafiri, na ya da ahōē, ⁶ nyini n kerē ni, na ya kere ka ya woowa ti casi wō, na ya la si Nyemē dō, na ya mindi, na ya

yo kpa, na ya wo ni Awiewie Casi ni, na ya la koro nahore su. ⁷ Ya kan nahore jore wo, na ya yo juma n ni Nyeme dee yiko n nu. Ya bita biesoya nenje bo i ti sa bo i ko atin su Nyeme do o, i wo ya saa fomboro, ni ya saa bie nu wo. ⁸ Bu wura ya kpiri wo, na bu kaaki yo ya kaan. Bu kansi ya a, na bu kaaki jaraki ya. Bu na ya dadaka minem wo, ama, bu kaaki na ya kan nahore wo. ⁹ Ya ti ka minem bo be si ma ya wo, ama, deke kere minem si ya so o lee. Ya ti ka ya wu wo, ama, ya la ngoo so o lee. Bu bo ya ni anyumoro so o, ama, ya wu ma. ¹⁰ Ya wo ahoresaaki nu so o lee, ama, sanja kere ya la ahorejo o. Ya wo ka ya ti yaarifom wo, ama, ya fa ajeke ma minem dongu wo. Ya ti ka ya la ma pui wo, ama, deke n kere ti ya dee wo.

¹¹ To, ambere ya danfo Korintofom, ya fa ma deke be afie ma am su, ya teke ya ahorembaa ama am. ¹² Yere, ya kpie ma am ya koro, ambere yiri, am akpie ya am koro. ¹³ Am ti ka m nbaam dee ti ye m suse am so n a, ka am gusu teke am ahorembaa ma ya, kabo ya teke ya dee ama am ni.

Ma am fa am nu bo minem bo bu yo ma Kristo yarada n su

¹⁴ Ma am fa am nu bo minem bo bu yo ma Kristo yarada n su, dama bo i yo sa bo i ko atin su Nyeme do n ni ketemafoni, i yo se ye bu koro sanja wo a? Wara wein ni awosin yo se koro sanja wo a? Ai, i koro yo ma. ¹⁵ Nzu anoose wo Kristo ni Sitana afien a? Wara nzu tana wo sono bo wo yo Kristo yarada n ni bo wo yo ma i yarada n afien a? Ai, bu la ma tana. ¹⁶ Nzu anoose wo Nyeme Sereebiri Awuru n ni amoem afien a? Ai, bu la ma anoose be. Yere ti ka Nyeme Sereebiri Awuru n a, ye yiri Nyeme bo i wo bere sanja kere n wo nu n a. Kabo Nyeme ni i tii ase ni, ka,

“M wo bu do,
na m ni bere sanja nati,
na m yo bu Nyeme,
na bu yo m minem.”

¹⁷ Nyini ti, Nyeme akaaki ase ka,
“Am fite yaki bu,
na am kpaaki yaki bu,

Micera ni seeri so a.

Na ma am fa am nu mata deke bo i ti ma casi,
na m de am.

¹⁸ Na m yo am Si,
na ambere gusu yo m dee nbaam.

Kabo Micera Kpiri n ase lee.”

7

¹ M ninbaa koroowam, ahin deke n kere bo Nyeme ase ka i yó ma ya n dee ti, am ma ya kpakpara ya nu fite deke kere bo i ma ya nuniembaa n ni ya awiewie n yo fin ni, na am ma ya soro Nyeme na ya woowa kere ti kabo Nyeme koro ka i ti ni.

Kabo bu sayoowa ma Pɔɔlu ahore jɔɔri ni

² Am teke am ahorembaa na am de ya. Ya do má am be ngasi, ya saaki má am be, ya sisi má am be. ³ Deke bo i ti na m se ahin so ni, i ti má ka m sujaraki am wo, dama ma du mo ase am ka am jore wo ya ahore su, ya ni amberɛ ti kun wo, haari yiwee nu wara ngoo nu. ⁴ M la ahoresi agaya fa ko am do, na m fa am fo agaya, na m la ahoreda agaya amberɛ dee ti, haari ni wahara n bo ya di i n kere ni, m la ahorejo bo i la má anusu.

⁵ Dama sangá bo ya ba juuri Makedoniya awore n nu ni, ya nya má numiyi haari kaan so mmoo, ama, ya nuuri kekereke wo deke kere nu. Minem fa aluwa kpura ya so o, na sere suti ya, ya ahore su. ⁶ Ama, Nyeme yiri, yiri dada minem bo bu ahore asaaki n ahore a, yiri adada ya ahore a, Titosi baawa n dee ti. ⁷ Má ka i baawa ni ngumi dee ti a, ama, ahoreda n bo am ni yiri kere nyaari i n dee ti a. Wo se ya kabo am wara ado m na am koro ka am nu m barasu ni, ni kabo am ahore asaaki fa ko jore n su ni, ni kabo am ahore abi m busu barasu ni, nyini ma m ahore ajo ako asin su n a.

⁸ Haari nzen kadasi n bo m yo kere maari am n asaaki am ahore, ma yo má m si i n so, fa ko nyini n dika. Nzen má m nuuri kabo nyini kadasi n ama am ahore asaaki, haari ni bo wo ce má ni, má m yoori m si i n so. ⁹ Kisa m ahore ajo, má ka am ahore asaaki n dee ti a, ama, am ahoresaaki ni, wo ma am akaaki am wo n dee ti a. Nyini ahoresaaki ni, yiri ama am akaaki kabo Nyeme koro n a, adena má am kpaasi fieo, yere dee ti. ¹⁰ Dama ahoresaaki bo i ti kabo Nyeme koro ni, yiri ma ya kaaki ya wo ye ya nya tiide a, na ya yo má m si i n so a. Ama, durunya n nu dee ahoresaaki n fa yiwee ba. ¹¹ Am nie sa bo Nyeme ma am ayo i a, nyini ahoresaaki n dee ti, kabo am nyunu aboro ka am yo jore n dongu na má be jaraki am ni, ni kabo yaa ti am fa ko yiri n bo wo do ngasi n su ni, ni kabo jore n ama sere ati am ni, ni kabo am wara ado m na am koro ka am nu m ni, ni kabo am ahore abi m busu ni, ni kabo am nyunu aboro ka am fa nahore cin i sui ni. Deke n kere nu, am akere ka am la má ngasi be lee, fa ko nyini jore n su. ¹² Deke bo i ti na m yo kereeri kadasi n maari am ni, má yiri n bo i doori ngasi n

dεε ti a, wara sönö n bo wö do i ηgasi n dεε ti a, ama, deke n bo i ti na m yo kerεeri i sön la ka, adena Nyεme ma am si kabo am cεce wo ya nu ni anyumboro su barasu ni. ¹³ Nyini n kerε adada ya ahore a.

Má nyini ahoreda n ηgumi ye ya la i a, ama, deke bo i ma ya ahore ajo agaya n la kabo Titosi ahore ajo ni, dama ambere kerε adada i ahore a. ¹⁴ Nyini ma ya ahore ajo sön a, dama ma du mö afa am afo kabo am ti barasu n akere yiri Titosi, na am ama ma di má nyinse. Kabo jöre n kerε bo ya kan kereeri am n ti nahöre ni, sön ye minem koro ηu kabo ya föori am ηusu jöre n kereeri Titosi n gusu n ti nahöre a. ¹⁵ Deke bo i ma yiri Titosi koro am agaya ni, maala bo i tenje su kabo am kerε deer i nönie n ni, ni kabo am deer i ni am saa nnyö n na sere ti am agaya na am ηunie subobo am ni. ¹⁶ M ahore ti jöwa, dama deke n kerε nu, m la ahoresi fa kó am dö.

8

Aceeri n bo bu de kó maari Yerusalem dεε Kristo jama n jöre

¹ Tö, m ninbaam, ya koro ka am si kabo Nyεme ama Kristo jamam bo bu wo Makedoniya dεε awöre n nu n adi i ahöröma barasu ni. ² Sanja bo bu wo wahara ni kekereke nu agaya ni, na ba kere kabo bu ahore ajo akö asin su, na ba ce aceerim beberebe ni bu ahorembaa kun, haari ni bo yaari ati bu agaya ni. ³ M koro di daani ka bu maari bu fanja nyaari wö, haari ba ma atara kabo má bu ma ni mmö. Bu koroyanu, ⁴ na ba sere ya jande ka ya ma bere mmö nya atin na bu saa wo nyini juma n nu, bo ya de aceerim fa ma Nyεme minem ni. ⁵ Haari na ba yo akö atara kabo má ya sunsun ka bu yo ni. Bu du mö faari bu ηu maari Mibie n wö ka, na ba nya fa bu ηu ama yere gusu, kabo Nyεme koro ni. ⁶ Tö, kabo Titosi ti sönö bo i boori ahin aceeri juma n bu am nu ni, wö yo daka ka ya sere i jande na i suyo i sön ma am, haari i kó wie. ⁷ Ambere, am boro am nyi deke n kerε nu wö, bere la yarada n bo am la i ni, ni kabo am koro jöjö ni, ni kabo am la si ni, ni kabo am cεce wo deke n kerε nu ni, ni kabo am la koro ma ya ni. Kabo i ti sön ni, wö yo daka ka am boro am nyi yo ahin aceeri juma n gusu.

⁸ I ti má ka m suma am nöö ka am yo sön, ama, m koro ka m kere am kabo nyingam la koro ni anyumboro na bu buka n wö, adena m yo am na m nie ka am la koro nahöre su. ⁹ Am si juma kpa n bo ya Mibie Yesu Kristo yoori i ni, i yo ti ajekefo Nyεme dö, ama, ambere dεε ti na wö kaaki

yaarifɔ, adena am kaaki ajekɛfɔm Nyɛmɛ dɔ, kabo wɔ kaaki yaarifɔ n dɛɛ ti. ¹⁰ Ahin jɔrɛ n yiri, afara, ambɛrɛ du mɔ boori nyini juma n bu a, má ka am du mɔ boori i bu ni ɲgumi, ama, ni kabo am koroori ka am yo i n gusu ni, nyini ti, fɔ bo m koro ka m fa tu am n la ka, ¹¹ i ti ye ni ka am yo juma n bo am ɲa am yo i n kɔ wie kisa, adena kabo am yo la anyumboro am sunsunni nu, na am koro ka am yo i ni, sɔ ye am kere anyumboro a, na am fa deke n bo am la i n fa yo i wie. ¹² Nzen be la anyumboro na i koro ka i ce aceeri, Nyɛmɛ de i aceeri n fa kɔ deke bo i koro ce n su wɔ, má deke bo i koro ce má ni. ¹³ I ti má ka ya koro ka ya yi nbem fie nu, na ambɛrɛ fie wɔ. Ai, ama, ya koro ka i sɛ su ma sɔnɔ kɛrɛ wɔ. ¹⁴ Tɔ, kisa am la i, na nbem la má i ni, am buka bu. Na nzen bu gusu bá la i, na am la má i, bu gusu buka am. Sɔ ye i sɛ su ma sɔnɔ kɛrɛ a. ¹⁵ I ti kabo ba kɛrɛ i Nyɛmɛ Jɔrɛ Kadasi n nu wɔ, ka,

“Bo i tambuuri beberebe ni, wɔ sunnu asin má su,
ye bo i tambuuri kaan n gusu, wɔ kpɛ má i su.”

Titosi ni i bukafɔm n jɔrɛ

¹⁶ Ya da Nyɛmɛ asi, yiri ma Titosi nyunu aboro na i cɛɛ wo am dɔ a, kabo mini mmɔɔ dɛɛ ti ni. ¹⁷ Ya sere yiri Titosi ka i ba am dɔ, na wɔ soro su, ama, yiri ni i tii dɛɛ koroyanu ye i ɲa i kɔ a, dama i cɛɛ du mɔ wo am dɔ. ¹⁸ Bo i buka i su, ya susunma ya niwa be gusu am dɔ. I ti sɔnɔ bo i yo labari kpa n juma a, nyini dɛɛ ti, Kristo jama n kɛrɛ kansi i wɔ. ¹⁹ Má nyini ɲgumi, ama, yiri ye Kristo jama n kɛrɛ ayi i ka i susu ya su buka ya a, na ya niɛ ahin aceeri ceewa juma n su n a. Ahin juma n wura Nyɛmɛ kpiri wɔ, na i kere kabo ya koro ka ya buka minɛm ni anyumboro ni. ²⁰ Ya koro má ka be jaraki ya fa kɔ kabo ya niɛ ahin aceeri beberebe n su ni. ²¹ Nyini ti, ya boro ya nyi wɔ, na ya yo sa bo i kɔ atin su, má Nyɛmɛ ɲgumi dɔ, ama, adamande mmɔɔ dɔ.

²² Ya kaaki susunma ya niwa be buka bu su. I ti sɔnɔ bo ya yo i anɛ atin barasu nu, aɲu ka i la anyumboro fa kɔ deke dɔɲgu su. Kisa ya ɲu ka i la anyumboro tara sɔ, dama i la ahoresi fa kɔ am dɔ. ²³ Titosi yiri, i ti m matafɔ bo m ni yiri saɲga yo juma ma am wɔ. Ya ninbaa nnyɔm bɛrɛ yiri, bu ti minɛm bo Kristo jamam n asunma bu wɔ, na bu kaaki wura Kristo kpiri. ²⁴ Nyini ti, am yi am ɲu fofoe nu, na am kere Kristo jamam ni kabo am la koro ni, na bu si deke n bo i ti na ya fa am fɔ ni.

9

Kabo ya buka ya beɲgu Kristofɔm bo ba fun i ni

¹ Tɔ, aceerim bo am fa kɔ buka Nyemɛ minɛm ni, mini dɔ, wɔ ti má ye ka m kɛrɛ i jɔrɛ. ² Dama m si kabo am koro ka am buka barasu ni, haari ma du mɔ afa am afɔ Makɛdoniya awɔrɛ n nufɔm dɔ, ka ambɛrɛ Akaya awɔrɛ n nufɔm n adu mɔ akpa am ɲu haari afara kɛrɛ. Kabo am nyunu aboro na am koro ka am ce ni, wɔ yo bu dɔŋgu gusu ɲuniɛ nyanyaka ye bu koro ka bu ce n a. ³ Nyini ye m susunma ahin ya ninbaam am dɔ n a, adena kabo ya fa am afɔ akere bu ni, na má i ka ɲgbɛɛn, ama, am yo siriya, kabo ma du mɔ ase bu ka am yo siriya ni. ⁴ Má nyini, nzen Makɛdoniyafɔm nbem suuri m su baari, na bu ba ɲu ka am nya yo má siriya, i ti ya nyinse wɔ, ya kan má am dɛɛ yiri, kabo ya yo am yarada n dɛɛ ti. ⁵ Nyini dɛɛ ti, ma ɲu ka wɔ yo daka ka m sere ya ninbaam ni, na bu du m mɔ am dɔ, na bu buka am, na am sɛsɛ am aceeri n bo am yo sereeri ka am yi fa ma n su. Nyini ma i yo koro aceeri a, i ti má ka bu miɛ am wɔ.

⁶ Am tenge su, ka sɔnɔ bo i dɔ kaan, i bá kpɛ kaan wɔ. Na sɔnɔ bo i dɔ dɔŋgu, i bá kpɛ dɔŋgu wɔ. ⁷ Sɔnɔ kɛrɛ ce aceeri n kabo wɔ du mɔ asunsun i ahore su ka i ce barasu ni, má ka bu miɛ i wɔ, ama, i mi ma ni ahorejɔ, dama Nyemɛ koro bo i ce ni ahorejɔ ɔ. ⁸ Yiri Nyemɛ ni, yiri koro ma am nya i aceeri barasu kɛrɛ a, na am nya deke kɛrɛ bo am koro saŋga kɛrɛ, na i sɛ am su, na am nya i buka su, adena am koro yo juma kpa kɛrɛ. ⁹ Kabo ba kɛrɛ i Nyemɛ Jɔrɛ Kadasi n nu ni, ka,

“Wɔ sandi i aceerim afa ama yaarifɔm ni,
na i kpayo n wo bɛrɛ saŋga kɛrɛ.”

¹⁰ Nyemɛ ti bo i ma dɔdɔɔrifɔ ni alemnbaa n a, na i kaaki ma minɛm diire na bu di a, yiri ma am alemnbaa n a, na i ma i sunnu buka su, na i kaaki ma am kpayo subuka su saŋga kɛrɛ. ¹¹ Na i ma am sunya beberebe deke n kɛrɛ nu, adena am koro suyo kpa ma minɛm saŋga kɛrɛ, nyini ma minɛm da Nyemɛ asi, fa kɔ deke n bo ya yo i n su a. ¹² Ahin aceeri juma n bo am yo i ni, i ti má ka i subuka Nyemɛ minɛm bo ba fun i ni ɲgumi wɔ, ama, i kaaki ma minɛm dɔŋgu da Nyemɛ asi wɔ. ¹³ Ahin juma n bo am suyo i kɔ wie ni, nyini kɛrɛ kabo am woowa ti barasu a. Na minɛm ɲu i, na bu kansɛ Nyemɛ kabo am ade yiri Nyemɛ nɔaniɛ n na am kan kɛrɛ minɛm nahɔrɛ, ka am su Kristo labari kpa n jɔrɛ n su ni. Bo i buka nyini n su la kabo am yo kpa, na am kpaaki am nɛngem nu ma bɛrɛ ni nyiŋgam kɛrɛ ni. ¹⁴ Kabo Nyemɛ ama am anya i ahɔrɔma akɔ asin su ni, bɛrɛ, bu koro am ni anyumboro na bu sere Nyemɛ ma am. ¹⁵ Am ma ya da Nyemɛ asi fa kɔ i aceeri n bo wɔ fa ama ya na i la má aɲusu ni.

10

Kabo Pɔɔlu jɔjɔ fa kɔɔri i jumayoowa nyaari n su ni

¹ Mini Pɔɔlu ni m tii, m susere am wɔ, Kristo sawɔre n ni i benle woowa n dɛɛ ti, mini bo nbem ɲa nzen m wo am dɔ, m san nya ni, ama, nzen m wo má am dɔ yiri, m la ahore wɔ. ² Deke bo i ti na m susere am n bu la ka, m koro má ka am ma m yo ahore, sanɲa bo m ba baari am dɔ ni, na m yo ahoresi jɔjɔ am, kabo m sunsun ka wɔ yo daka ka m jɔjɔ bu ni, bere bo bu ɲa ya su durunya n nufɔm woowa n su ni. ³ Haari ni bo ya wo durunya n nu ni, ya kun má lue n kabo durunya n nufɔm kun lue ni. ⁴ Biesɔya nengem bo ya fa kun lue n ti má durunya n nu fen dɛɛ biesɔya nengem. Ama, i fite Nyeme dɛɛ yiko n nu wɔ, na i kunma na i saaki fanɲa woobiri kere, na i kunma na i saaki sunsunni kere bo i ti má nahore, ⁵ na i kunma na i saaki deke kere bo i wura i ɲu kpiri na i kanda minem na má bu si Nyeme ni, na i ma ya kunma sunsunni kere bo i ti ka ya kpɔfɔm ni, na bu de Kristo nɔanɛ ni. ⁶ Amberɛ, am deerɛ i nɔanɛ n wieeri, ye ya bá cin bu kere sui a, bere bo ba kete ka bu de má i nɔanɛ ni.

⁷ Amberɛ, deke bo am nyumbaa ɲu i ni, nyini ye am sunsunni wo i su a. Nzen be la ahoresi ka i ti Kristo dɛɛ sonɔ, i ti ye ni ka i mi kaaki sunsun ka yere mmɔɔ ti Kristo minem wɔ, kabo yiri mmɔɔ ti ni. ⁸ Haari nzen m fɔ yanfɔya tara kabo má m fɔ ni, fa kɔ yiko n bo Mibiɛ n afa ama ya n su, i la má m nyinse, nyini yiko n ye Mibiɛ n maari ya, ka ya fa buka am, na am kɔ mɔ ni am nyemesu ni, wɔ ma má ya ka ya fa saaki am ji wɔ. ⁹ M koro má ka i yo ka m sukere am kadasim n na m wura am sere wɔ. ¹⁰ Dama nbem bo bu kan m jɔre ni, bu ɲa, m kadasim wo nɔ na bu la fanɲa, ama, sanɲa bo mini ni m tii ba wo am dɔ, m ti sonɔ yɔrɔkiiwa a, kabo m jɔjɔ ni, be fa yo má pui. ¹¹ I ti ye ni ka nyini minem sɔ n si ka, kabo sanɲa bo ya wo má dɔ na ya kere kadasim n nu ni, sɔ ye ya yó a, sanɲa bo ya wo am dɔ ni.

¹² Ahin minem ni, bere ni bu tii kan kere minem kabo bu ti wɔ, ama, yere yiri, ya soro sere ni bo ya fa ya ɲu bo bu su, wara na ya fa ya ɲu bu bu. Ama, kabo bu fa bu ɲu bo bu bengum su ni, na bu fa bu ɲu bu bu ni, nyini kere ka bu la má ɲɔnle haari kaan sɔ lee. ¹³ Yere yiri, ya wura má ya ɲu kpiri, na ya fɔ tara kabo i ti ye ni ka ya fɔ ni. Ya yo kɔ jina ya juma yoobiri nyaari wɔ, deke bo Nyeme afa ama ya ka ya yo ni, haari ya yo aba aju amberɛ mmɔɔ dɔ. ¹⁴ Nzen má ya du má mɔ aba má am dɔ, nyini yiri, ya suyo kɔ sin ya juma yoobiri nyaari wɔ lee, fa kɔ ahin jɔre n su. Ama, kabo i ti ni, yere ti minem bo ya duuri mɔ a, haari bo ya ba juuri am dɔ, na ya kan Kristo labari kpa n akere am.

¹⁵ Yere, ya gusu fa má nbem juma fa fö má, na má ya fö tara ya juma yoobiri nyaari. Ama, ya la tama ka kabo am yarada subuka su ni, ya juma ni sandi bara ye am nu, kabo ya juma yoobiri nyaari ti ni. ¹⁶ Adena ya koro kó kan labari kpa n kere minem, bo bu wo asienm bo bu wo am nyunu dö ni. Ya koro má ka ya yo wura nbem dee juma yoobiri bo ba du mó ayo i n nu, na ya fa fö. ¹⁷ Ama, kabo ba kere i Nyeme Jore Kadasi n nu ni, ka, "Sónó kere bo i ña i fö, i fö Mibié n dee ti." ¹⁸ Dama má sónó bo yiri ni i tii kan kere kabo i ti ni, ye Mibié n de i ka i ti sónó kpa, ama, bo Mibié n kere ni, yiri ti sónó kpa.

11

Pöolu ni jaramasa koreföm n jore

¹ Tó, má am soro su, na am yo sawore ma m, na m jójó sinnzin jore kaan só. Jande, am yo sawore ma m. ² M si am kore kabo Nyeme si am kore ni, dama am ti m dee nbaam wó, ka baabara bo i nya si má biesó, ye ma fa am ace biesó kun, yiri la Kristo. ³ Ama, m soro sere wó, dama nzen m tengeeri Hawa jore n su, yiri la kabo woo n yo faari ngonletie dadakaari i na i nyaari i na i kunmaari i ni, nyini ma m soro ka beni, ambere mmóó bá mini fa kó am sunsunni nu, na am yaki Kristo dee atin n bo am su i su, na am ahorembaa ti kun, na am woowa ti casi Kristo dö ni. ⁴ Dama nzen be ba baari am dö na i ba kaanri Yesu be jore, na i ti má Yesu n bo ya kan i jore kereeri am ni, wara nzen am deerí awiewie be, na i ti má Awiewie n bo am du mó deerí i ya dö ni, wara labari kpa barasu be bo i ti má bo am deerí i ni, ambere koro yo nyini sawore na am de nyini n só a. ⁵ Bere bo bu yo bu ñu ka bu ti Kristo jaramasam na bu la má anusu ni, mini yiri, m sunsun má ka m ti kaan ni bere fieo. ⁶ Haari ni bo m ti má sónó bo i koro jójó kabo bu jójó ni, m la si yiri, ma du mó akere am ka i ti só ó, deke n kere nu ni sanja kere.

⁷ Am anu má i? Sanja bo m ba kaanri Nyeme dee labari kpa n kereeri am ngbeen, na ma de má deke be ni, m yoori m ñu kaan wó, na m wura am kpiri, ma do ngasi wó lee, nzen se? ⁸ M koro se ka m yo finri Kristo jamam nbem wó lee, dama m yo deerí buka bu dö ó, ye m fa ba bukaari am a. ⁹ Sanja bo m yo wo am dö na m la má pui ni, ma fa má m fie afie má be, dama ya ninbaam bo bu fite Makedoniya awore n nu yo bukaari m ni deke kere bo wó kpie m su ni. Ma koro má ka m fa m fie fie am be deke be nu. M woori só ó, na m toko wo só ó lee. ¹⁰ Kristo dee nahore n bo i wo m nu n dee ti, be wo má bere bo i koro kanda m na m fö má nyini

yanfɔya ni, Akaya awɔre n kere nu. ¹¹ Nzu ti a? Ka m koro má am, nzen se? Ai, Nyeme si ka m koro am.

¹² Nyini ti, deke n bo m yo i ni, m kó su yo i sɔ ɔ, adena m tɔ bu atin, bere kɔrefɔm ni bo bu koro ka bu nya atin na bu fɔ, na bu se ka ya ni bere kere jumayoowa se ni. ¹³ Dama nyini minem sɔ ti jaramasa kɔrefɔm wɔ, bu nati bu kɔre wɔ, fa kɔ bu jumayoowa su, na bu yo bu ɲu ka bu ti Kristo jaramasam wɔ. ¹⁴ Nyini n sɔ n ti má alekutura, dama haari Sitana ni i tii mmɔɔ yo i ɲu ka i ti mereke bo i ta wein n wɔ. ¹⁵ Nyini ti, i ti má alekutura, ka i amusuisufɔm mmɔɔ yo bu ɲu ka bu su nahɔre atin su wɔ. Ama, bu awieeri bá kere kabo bu jumayoowa ti a.

Kabo Pɔɔlu diiri wahara i jumayoowa n dɛɛ ti ni

¹⁶ M koro ka m kaaki se am bekun wɔ, ka má be sunsun ka m ti sinnzin wɔ, ama, nzen am sunsun sɔ yiri, am yo sawɔre na am de m ka m ti sinnzin wɔ, adena mini mmɔɔ koro fɔ kaan sɔ. ¹⁷ Ahin ahoresi n bo m fa fɔ sɔ ni, i fite má Mibiɛ n dɔ, ama, m jɔjɔ ka m ti sinnzin wɔ. ¹⁸ Kabo minem dɔɲgu fɔ kabo durunya n nufɔm yo ni, sɔ ye mini gusu fɔ n a. ¹⁹ Am anu má i? Amberɛ la alecira a, am mindi de minem bo bu ti sinnzin n wɔ, ni ahoreda a. ²⁰ Nahɔre, haari minem bo bu miɛ am fa am yo bu akɔɔm ni, am mindi de bu wɔ, wara nzen be asisi am, am mindi de i wɔ, wara nzen be anya am taraabiri, am mindi de i wɔ, wara nzen be kere i ɲu am dɔ, am mindi de i wɔ, wara nzen be boori am nyɔɔnu, am mindi de i wɔ. ²¹ Yere, ya yo má nyini n be sɔ am nu, i ti m nyinse wɔ, beni, ya yɔrɔki ya ɲu n dɛɛ ti a.

Ama, kabo nyini minem soro má sere na bu fɔ deke kere ti ni, mini mmɔɔ, kisa m gusu soro má sere na m fɔ fa kɔ nyini dekem n su. Beni, am sunsun ka m jɔjɔ ka m ti sinnzin wɔ. ²² Bu ɲa bu ti Hiburufɔm wɔ? Tɔ, mini mmɔɔ, m ti sɔ ɔ. Bu ɲa bu dɛɛ la Yisarelifɔ nyemesu atin ni? Tɔ, mini mmɔɔ, m su nyini n su a. Bu ɲa bu ti Abraham anumam wɔ? Tɔ, mini mmɔɔ, m ti sɔ ɔ. ²³ Bu ɲa bu ti Kristo amusuisufɔm wɔ? Tɔ, m tara bu. Am niɛ, i ti ka m nyunu akan m ye m jɔjɔ sɔ n a. Ama, nahɔre, ma yo juma atara bu, ba nyi m dansaraka bo i la má nɔ, bu boori m haari m ɲɔɔ ba kaari kaan sɔ ɔ, sanɲa dɔɲgu, kaan sɔ, má ma wu. Nyinim kere nu, m tara bu. ²⁴ Kpe nnu lee bo Yudafɔm n afin m ɲgbere mbaa kun kun aburana kun kpiɛ su. ²⁵ Kpe nsen lee bo ba fin m ni bulaari ɲgbere. Ba tu m yabuɛ kpekun. Kpe nsen lee bo m wo lee bambakam nu tieku n su na ba sandi nu, haari na ma da tieku n nu kpekun, kɔɲgue ni wiesu. ²⁶ M nati sɔ lee sanɲa kere, m la má tana, ma ɲu anyumboro nzuetinm kpiɛbiri, ma ɲu anyumboro minem bo bu nati fin

bu beɗgum n saa nu, ma ɗu anyumboro m tienɗu minem saa nu, ma ɗu anyumboro minem bo bu ti má YudaƆm saa nu, ma ɗu anyumboro mie kpirim su, ma ɗu anyumboro boro kpantainm nu, ma ɗu anyumboro tieku n su, ma ɗu anyumboro ya ninbaa koreƆm n do, bere bo bu yo bu ɗu ka bu ti Kristo minem ni. ²⁷ Ma yo juma nahore su adi wahara, ma kpie daafiri sanɗa doɗɗu, ma da ahoe ni nzuehore, ma fun diire sanɗa doɗɗu, na ayere ati m, na ma nati m ɗunie ɗgbɛɛn. ²⁸ Dekem bo ba ka ni, m kan má bu jore, ama, deke bo i kpie m daafiri ale kere bo i cin ni, yiri la kabo m sunsun Kristo jama n kere jore n wo. ²⁹ Bu nu ɗma agbaraki ye i gbarakiiwa n asa má m a? Bu nu ɗma ye bu ma i yo satie ye i yo má m yaa?

³⁰ To, sanɗa bo wo yo daka ka m fo, m fo fa ko dekem bo bu kere ka m la má fanɗa n su wo. ³¹ Nyeme si ka m bu má kore, yiri ti ya Mibie Yesu Si a, yiri ti ye ni ka ya kansi i sanɗa kere a. ³² Sanɗa bo m yo woori Damasiko mie kpiri n nu ni, na gomina be wo bere, yiri ye Feme Aretasi yo faari mie n yiko wuraari i saa nu, na nyini gomina n ama tintinijinaƆm n ako arɗinda mie n ka bu tara m. ³³ Ama, na minem n afa m awura kandie bambaka nu, na ba fa m aƆƆndi kobe n tukoro nu, ajura asiɗɗu, na ma foro gomina n saa nu.

12

Sayikereewa n ni deke n bo Pɔɔlu ɗuuri i ka alele nu n jore

¹ To, wo yo daka ka m fo, haari ni bo i la má kperɛ be ni. M la deke nbem bo m kan buka su, bere la kabo Nyeme yiiri deke nbem kereeri m ka alele nu ni, ni kabo i yiiri sayoowam kereeri m ni. ² M si sɔno be jore, i ti Kristo sɔno o, yiri ye Nyeme yo faari i fun koori angoro woobiri nsan su ni i do n a, i nyuma afo buru ni nna lee. Nzen i koori ni i ɗuniɛmbaa a, wara i awiewie nu, mini, m si má, Nyeme si a. ³⁻⁴ Nahore, m si nyini sɔno n jore, yiri ye Nyeme faari i fun koori aleceema nu n a, na wo ti jorem bo bu la má kan, na be gusu la má atin ka i jojo bu, ama, kabo i yoori ni, ma si má, nzen i koori ni i ɗuniɛmbaa a, wara i awiewie nu, mini, m si má, Nyeme si a. ⁵ To, nyini sɔno n so, ye m fa fo n a, ama, mini ni m tii, m koro fo má deke be ti, má ka dekem bo bu kere ka m la má fanɗa n ye m fa fo a. ⁶ Haari nzen má m ɗa m fo mmoo, má m ti má sinnzin wo, dama má m kan nahore wo. Ama, m yaki i so o, adena má am be wura m kpiri tara dekem bo i ɗu ka m yo bu, ni dekem bo i ti ka m kan bu ni.

⁷ Tɔ, fa kɔ sayikereewa beberebe n bo Nyeme fa kereeri m su, wɔ koro má ka nyini dɛɛ ti na m wura m ɲu kpiri. Nyini ti, i maari Sitana faari tɔrɛ be wuraari m ɲuniɛmbaa nu, i ti ka buwe ye i wɔwɔ m a, na i sukere m wahara, adena má m wura m ɲu kpiri. ⁸ Kpe nsan lɛɛ bo ma sere Mibiɛ n fa kɔ ahin jɔrɛ n su, ka i ma i fite yaki m. ⁹ Ama, na wɔ se m ka, “M ahɔrɔma n aɛ u su, dama sanɲa bo a la má fanɲa ni, ye m kere m yiko kabo m koro a.” Kabo i seeri sɔ n dɛɛ ti, nyini ma m la ahoreda na m fɔ fa kɔ kabo m la má fanɲa n a, adena Kristo yiko n wo m dɔ sanɲa kɛrɛ a. ¹⁰ Nyini ma Kristo dɛɛ ti ye m ahore ti daawa n a, sanɲa bo m la má fanɲa n a, ni sanɲa bo bu kpɛ m nzukɔ ni, ni sanɲa bo m ɲu kekere ni, ni sanɲa bo bu kere m wuwuruwa ni, ni sanɲa bo m ɲu anyumboro ni. Dama sanɲa bo m la má fanɲa ni, nyini sanɲa n ye m la yiko Nyeme dɔ a.

Kabo Pɔɔlu kereeri ka bu jɔrɛ kpɛ i daafiri ni

¹¹ Tɔ, kabo m jɔjɔ ni, ma yo ka sinnzin wɔ lɛɛ, amberɛ miɛ m a, ye m yo sɔ n a. Má amberɛ ti minɛm bo am kan kereeri kabo m ti n a, má i ti ye. Dama berɛ n bo bu yo bu ɲu ka bu ti Kristo jaramasam na bu la má aɲusu ni, mini yiri, haari ni bo m ti má pui ni, m ti má kaan ni berɛ fieo. ¹² Nahɔrɛ, sam bo bu kere ka m ti jaramasa ni, ye m yoori bu am dɔ n a, ni mindi kɛrɛ, ni alekutura sam, ni yiko sam, ni abonɔ sam n a. ¹³ Nzu deke ye m yo maari Kristo jamam bo bu wo miɛ nyingam su n ye ma yo ama má am a? Má ka bo ma fa má m fie be afie má am ni. Tɔ, ma do ɲgasi, am fa ce m.

¹⁴ Am ti fɛn, kisa ma sese m ɲu su ka m ba nie am busu kpe nsan su lɛɛ, ama, m toko koro má ka m ba fa m fie fie am. M suba má ka m koro am nɛɲge be wɔ, ama, m koro amberɛ wɔ. Dama má nbaam kpini nɛɲgem se bu wufɔm a, ama, bu wufɔm ni kpini se bu nbaam n a. ¹⁵ Mini, deke bo m la i ni, m di i ka a, na m fa buka am, na m fa m ɲu kere ma am, nyini ma m ahoreda. Ma si má, m koro am agaya n sɔ n dɛɛ ti, ye amberɛ koro m kaan sɔ n a? Ai, atin wo má nu. ¹⁶ Tɔ, am nbem ɲa ma fa má m fie be afie má am, ama, bu ɲa m fa ɲɔnletie wɔ, na ma dadaka am anya am taraabiri. ¹⁷ Ka sɛ? Minɛm bo m yo sunmaari bu am dɔ ni, m ma bu be sisiiri am be maari m, nzen sɛ? Ai, be asisi má am ama má m. ¹⁸ M yo sereeri Titosi wɔ, na wɔ ba am dɔ, na ma ma ya niwa n asunma i. Titosi yo sisiiri am, nzen sɛ? Ai, wɔ sisi má am. Amberɛ mmɔɔ aɲu ka m ni yiri kɛrɛ sunsuni ti kun wɔ, na ya kɛrɛ su atin kun su a.

¹⁹ Beni, nyini n kere bo ya jɔjɔ i sɔ ni, am sunsun ka ya sukan de ya tii wɔ, nzen se? Ai, i ti má sɔ. M ninbaa koroowam, kabo ya ni Kristo ayo kun na ya jina Nyeme nyunu n ye ya se sɔ n a. Deke n kere bo ya yo i ni, i buka am na am kɔ mɔ ni am nyemesu n wɔ. ²⁰ M soro sere wɔ, m koro má ka m ba baari am dɔ, na má m ba tu am kabo m koro ka am ti ni, wara na ambere gusu ɲu m kabo má am koro ka m ti ni. M soro sere ka, beni, m bá ɲu ka, am suse akuruwa, na am susi kore, na am sufa yaa, na am suyo anyii sam, na am sukan am benɲu jɔre susaaki bu, na am sukpara tere, na am suyo kpirikoro, na am la kpakpaakinu. ²¹ M soro sere ka m ba juuri, na má Nyeme ma m yo m ɲu kaan am nyunu, na má m ahore saaki fa ma bu, bere bo ba du mɔ ayo satie, na bu nya kaaki yaki má bu dangba sayoowam, ni sakaraya, ni konvikiya ɲgbɛɛɲgbɛɛnm ni.

13

Awieeri su dee bɔbɔɔwa ni anse ni

¹ Tɔ, ahin baawa n bo m sɔba ni, yiri yo m kpe nsan su bo m ba nie am busu a. Kabo ba kere i Nyeme Jɔre Kadasi n nu ni, ka, "Jɔre kere bo ba kan i na i ti nahore, má ka mine nnyɔ, wara mine nsan adi i daani." ² Saɲga bo m yo baari am dɔ ba nieeri am kpe nnyɔ su ni, m yo bɔbɔɔri am nbem. Kisa na m wo má am dɔ ni, m koro ka m bɔbɔ bu bekun fa kɔ nyini n su, ka nzen m baari, m yáki má bere n bo bu yo yoori satie ni, ni bo bu buka bu su kisa n kere. ³ Dama am ɲa am koro ka am ɲu deke bo i kere ka Kristo fa m su, ye i jɔjɔ am dɔ sɔ a. Tɔ, am aɲu ka yiri ti má bo i la má fanɲa, ama, i la yiko am nu. ⁴ Nahore, saɲga bo bu yo kpamaari i baka jaanu n su ni, i yo la má fanɲa, ama, haari ni nyini n kere, kisa i la ɲgɔɔ wo bere, Nyeme dee yiko n dee ti. Sɔ ye i ti a, yere bo ya ni yiri kere ayo kun ni, yere mmɔɔ la má fanɲa lee, ama, Nyeme yiko n dee ti, ye ya ni yiri súwo a, na ya yo juma ma am.

⁵ Ambere ni am tii, am fiiti am ɲu na am nie ka am woowa kere ka am ayo yarada nahore su, wara am ayo má. Am si má ka Yesu Kristo wo am dɔ ɔ, nzen se? I wo am dɔ yiri, ɲka am woowa kere ka am ayo má yarada nahore su wɔ. ⁶ M la tama ka am bá si ka, yere, ya ti má bo bu woowa kere ka ba yo má yarada nahore su ni. ⁷ Haari ni nyini mmɔɔ, ya sere Nyeme ma am wɔ, ka, má am yo sa be bo i kɔ má atin su, má ka ya koro ka mine ɲu ya woowa na i kere ka ya yo yarada nahore su, ama, ya koro ka am yo sa bo i ti kpa a, haari nzen má minem ɲu ya woowa na i kere ka ya yo má yarada nahore su. ⁸ Yere, ya koro yo má deke bo i

jaraki nahɔre ni, ama, ya yo deke bo i su nahɔre ni ngumi su a. ⁹ Ya ahore ti jɔɔwa a, sanɔa kere bo ya la má fanɔa, na ambere la yiko Nyeme dɔ. Ahin n ye ya sere Nyeme ma am a, ka, i ma am woowa yo kabo i koro ni. ¹⁰ Nyini mmɔɔ dɛɛ ti, ye m wo má am dɔ ye m sukere am ahin kadasi n sɔ n a, adena m ba baari am dɔ, na má m fa Mibiɛ n yiko n fa yi am anyumboro, nyini yiko n ye i maari m ka m fa buka am, na am kɔ mɔ ni am nyemesu n a, wɔ ma má m ka m fa saaki am ji wɔ.

¹¹ M ninbaam, jɔre bo wɔ ka n la ka, am ma am ahore jɔ, am boro am nyi na am wo wo kpa, am ti kabo m sereeri am ni, am la anɔɔse ni am benɔum, am wo ni tanalaifiɛ. Nyeme ti tanalaifiɛ ni korofɔ a, yiri wó am dɔ a. ¹² Am bisa am benɔu dɔnɔgu ni koro. Nyeme minem kere bo bu wo fen n bisa am kere dɔnɔgu.

¹³⁻¹⁴ Ya Mibiɛ Yesu Kristo dɛɛ ahɔrɔma ni, ni Nyeme dɛɛ koro ni, ni Awiewiɛ Casi n dɛɛ wo fiɛ n wo am kere dɔ.

Pɔɔlu kadasi bo i kere fa maari GALATIYAFOM ni

1-2 Mini Pɔɔlu bo m ti Yesu Kristo jaramasa n ni ya ninbaam bo bu wo m do fen n kere, sukere ahin kadasi n ma ambere Kristo jama minem bo am wo Galatiya dee awore n nu n wo. Yesu Kristo ni ya Si Nyeme bo i tengeeri Kristo i yiwee n nu ni, afa m ayo i jaramasa, ma adamande yoori m a, bekun ma minem gusu faari juma n maari m a.

³ Ya Si Nyeme, ni ya Mibiɛ Yesu Kristo buka am, na bu ma am ahoreda. ⁴ Ya Si Nyeme koroyanu n dee ti, na wo ma Yesu ade ya jinaabiri awu ya satie dee ti, adena i de ya fite ahin durunya tie n bo ya wo nu n nu. ⁵ Yiri ti ye ni ka minem kere kansi i sanja kere sanja. Ami.

Labari kpa kun n kpein n wo bere a

⁶ Am jore amie m bo m si ma kabo m kan. Kristo dee anunfo si ti, ye Nyeme afere am ka am ba su i, wo nya ce ma, ye am akaaki am sin abo i ndende, susu labari barasu be bo i wo i ngumi ni labari kpa n ni. ⁷ Labari kpa nyinga be wo ma bere, deke bo i ti na m se so n la ka, minem nbem koro ka bu ta am nyi wo, na bu fa kereewa barasu nbem kaaki Kristo labari kpa ni. ⁸ Ama, haari nzen yere be, wara nzen Nyeme mereke be fiteeri angoro ba kaanri labari barasu be, na i ti ma kabo ya du mo kaanri i ni, Nyeme yo i mi ngbeen. ⁹ Kabo ya du mo ase am ni, nyini ye m kaaki suse am bekun n a, ka, nzen be ba kaanri labari barasu be bo i wo i ngumi ni bo am ade i ni, Nyeme yo i mi ngbeen.

¹⁰ Bu na m suyo m juma n ka mine kansi m wo, ama, i ti ma so, m koro ka m yo bo Nyeme kansi m wo, m suyo ma sa bo mine se ka m ti kpa. Nzen ma m na m yo sa bo i sun mine nu, ma m koro yo ma Kristo akoo.

Kabo Pɔɔlu ba yoori Kristo jaramasa barasu ni

¹¹ M ninbaam, m koro ka am si ka labari kpa n bo m kaanri i jore kereeri am ni, i ti ma deke bo i fite adamande sunsunni nu wo. ¹² I ti ma ka m deer i fiteeri adamande do o, ma be gusu kaaki fa kereeri m a. Ama, Yesu Kristo ni i tii yiiri i kereeri m a.

¹³ Am yo tiiri kabo m woowa yo ti barasu, sanja bo m yo suuri Yudafo m dee atin n su ni. M yo kereeri Kristo jama n wuwuruwa agaya, na ma m butu bu. ¹⁴ M yo suuri Yudafo m atin n su nahore su taraari m sara sufom dongu bo bu su nyini atin n su ni. M nyunu yo boroori agaya kabo m yo

na m su ya nana sayoowam su. ¹⁵ Nyeme ahoroma n dee ti, sanja bo bu nya wu ma m ni, ye i yiiri m ka m yo i juma n a. Sanja n bo i suunri Nyeme nu n ba juuri ni, ¹⁶ na wo yi i Wa n akere m, adena m ko kan i labari kpa n jore kere minem bo bu ti ma Yudafom ni, ye ma ko ma be do na i ko kere m kabo m yo n a. ¹⁷ Ma kaaki ako ma Yerusalem mie kpiri n nu na m ko nu minem bo bu du mo ti Kristo jaramasam ni. M koori Arabiya asien n su wo, na ma fite do, na ma nya akaaki ako Damasiko mie kpiri n nu. ¹⁸ I dee afo nsan sin, na ma ko Yerusalem ka m ko nie Kefasi busu, yiri bo bu kaaki fere i ka Petoro ni, na ma ko awo i do ceen buru ni nnu. ¹⁹ Sanja bo m woori do ni, ma nu ma Kristo jaramasam n be abuka ma su, ma ka Yakobo, ya Mibie niema ni.

²⁰ Noanie n bo m sukere ma am ni, i ti nahore wo, m bu ma kore. Nyeme ti m daanifo a. ²¹ Nyini sin na ma fite Yerusalem, na ma ko Siriya ni Silisiya dee aworem n nu. ²² Nyini sanja Kristo jamam n bo bu wo Yudiya awore n nu n be nya nu ma m na bu ba si m, ²³ se ba ti ka mine na, "Ahin sono n yo kere ya wuwuruwa a, na i kun mine bo ba de Kristo labari kpa n na i mini bu, kisa i nati kan labari kpa n jore kere mine wo." ²⁴ Deke n bo Nyeme ma m koro yoori i n dee ti, na ba kansi Nyeme.

2

Poolu ni i bengu jaramasa nbem jore

¹ Sanja bo ya fite Yerusalem mie kpiri n nu ni, i afo buru ni nna sin, na m ni Banabasi akaaki ako do bekun, na ya fa Titosi abuka ya nu su. ² Deke n bo i ti na m koori n la ka, Nyeme kereeri m ka m ko a. Na m ni Kristo jama nkpienkpienm n atien ya noo ya ngumi deke be, na ma kan ateke bu nyi, akere bu fa ko labari kpa n jore bo m kan kere minem bo bu ti ma Yudafom ni. Dama ma koro ma ka juma n bo m suyo i n kere ka ngbeen. ³ To, haari ni bo Titosi yo woori m do na i ti ma Yudafom ni, ba mie ma i ka i wura kenkenne. ⁴ Ama, be abisa ma ya i jore be, se mine nbem ba sanjaari ya nu, bu yo bu nu ka bu ti Kristo dee minem wo. Bere seeri ka wo yo daka ka i wura kenkenne n a. Bu faari bu nu mataari ya a, adena bu nie kabo Yesu Kristo dee ti na ya nya ya tii ni. Ma bu koro ka ya su noanie kpamaawa n su wo, na ya yo akoom. ⁵ Ama, na ya fa nu, ya ma ma bu anyunu fieo, adena ma be kaaki i sin bo labari kpa n bo i ti nahore, na ya kan kere am su. ⁶ Bere n bo mine bu bu ka bu ti nkpienkpienm ni, m cece awo ma bu nu ka bu ti nkpienm, dama Nyeme tambu ma nu, nyini nkpienkpienm

n gusu ala má kaakiiwa bo bu kaaki m fa kó m labari kpa n su. ⁷ Se deke bo bu ñuuri i n la ka, Nyeme ye wó yi m ka m kan i labari kpa n jore kere minem bo bu ti má Yudafo m n a, kabo wó yi Petoro ka i kan i labari kpa n jore kere Yudafo m ni. ⁸ Dama Nyeme ama m yiko ka m kan i labari kpa n jore kere minem bo bu ti má Yudafo m ni, kabo wó ma Petoro yiko ka i kan i labari kpa n jore kere Yudafo m ni. ⁹ Na Yakobo, ni Petoro, ni Yohane bo mine bu bu ka bu ti Kristo jama mofom n anju ka, Nyeme ama m nyini juma n ka m yo i a, nyini dee ti, na ba fa bu saa awura m ni Banabasi saa nu, na ba de ya ni bu saa nnyo. Na ya kere asoro su ka m ni Banabasi kó yo juma ni minem bo bu ti má Yudafo m ni, na bere gusu kó yo juma ni Yudafo m ni. ¹⁰ Ama, jore n bo bu seeri ya n la ka, má ya wara fi yaarifom sa. Nyini ye m yo la anyumboro ka m yo i a.

Kabo Pɔɔlu jarakiiri Petoro barasu ni

¹¹ Ama, Petoro ba baari Antiyoki mie kpiri n nu na ma jaraki i, ma fie má i su, dama sa n bo i yoori i ni, wó kó má atin su. ¹² Saŋga bo i du mɔ ba tuuri ya ni, i ni ya ninbaa Kristofom bo bu ti má Yudafo m ni saŋga di diire a. Na mine nbem afite Yakobo do aba ka bu ba nie ya busu. Bu ba juuri ni, na wó cin i ñu afite minem bo bu ti má Yudafo m n nu. I ni bere asaŋga adi má diire kun, dama i soro Yudafo m n ahore wó. ¹³ I yoori so ni, na Yudafo nyingam bo bu wo Antiyoki n gusu ayo kabo i yoori ni. Bu si kabo má bu yo, ama, ba yo má so. Na Banabasi gusu ason bu su. ¹⁴ M ñuuri ka bu su má Yesu labari kpa n bo i ti nahore n su ni, na ma se Petoro jama n kere nyunu ka, “Woro, a ti Yudafo o, ama, u woowa ti ka bo bu ti má Yudafo m wó. Ye nzu ti ye a koro ka a mie minem bo bu ti má Yudafo m na bu wo kabo Yudafo m wo barasu n a?”

Yarada dee ti ye sonɔ kere nya tiide a

¹⁵ Nahore, ya fiteebiri, yere ti Yudafo m wó, ya ti má minem bo bu su má Nyeme na ya fere bu ka satieyofom ni. ¹⁶ Ya si ka na nzen sonɔ yo Yesu Kristo yarada, ye Nyeme de i mi ka i yo sa bo i kó atin su i do a, ama, i ti má ka i mi su Nyeme noanie kpamaawa n su, ye Nyeme de i ka i yo sa bo i kó atin su i do a. To, ye yere gusu ayo Yesu Kristo yarada, adena Nyeme de ya ka ya yo sa bo i kó atin su i do, i ti má ka ya su noanie kpamaawa n su n dee ti a. Dama be wo má bere bo i su noanie kpamaawa n su na Nyeme de i ka wó yo sa bo i kó atin su i do. ¹⁷ Kabo ya boro ya nyi na ya su Kristo su na Nyeme de ya ka ya yo sa bo i kó atin su i do ni, nyini kere ka yere Yudafo m gusu ti satieyofom ka minem bo bu ti má Yudafo m ti n wó. Ama, nyini n sukere má ka Kristo

subuka minem na bu yo satie wɔ lɛɛ. Ai, i ti má sɔ. ¹⁸ M yo su nɔanie kpamaawa n su wɔ, ama, ma yaki i, nzen kisa na m ŋa m kaaki bo i bu su i su bekun, nyini sanɔga, ma fa m ŋu ayo satieyofɔ lɛɛ nahɔre su.

¹⁹ Mini dɔ, fa kɔ nyini nɔanie kpamaawa n su, i yo m ka ma wu wɔ, m su má i su kun, adena m nya ŋɔɔ Nyeme dɔ. I ti ka m ni Yesu Kristo asanɔga awu baka jaanu n su a. ²⁰ Ahin ŋɔɔ n bo m la i ni, durunya n nu fen ni, yiri Nyeme Wa n koro m dɛɛ ti, na wɔ wu ama m, na ma yo i yarada, nyini dɛɛ ti ye m la ŋɔɔ n a. ²¹ Ma kete má kabo Nyeme ayo ya sakpa akere i koro barasu ni. Ama, deke bo m suse n la ka, nzen sɔnɔ ŋa i su nɔanie kpamaawa n su, na nyini kere ka wɔ yo sa bo i kɔ atin su Nyeme dɔ, nyini la ka, yiwee n bo Kristo wuuri i n ti ŋgbɛɛn wɔ lɛɛ.

3

Nɔanie kpamaawa n ni yarada jɔre

¹ Ambere Galatiyafɔm, am la má ŋɔnle wɔ. Nma adadaka am a? M yo seeri am, kabo Yesu Kristo wuuri baka jaanu n su barasu ni, ma fie má am su. ² Am ma m bisa am ahin bisaawa ni, am suuri nɔanie kpamaawa n su n dɛɛ ti, ye am deeri Nyeme Awiewie Casi n a? Wara nzen bo am tiiri Yesu labari kpa n jɔre na am yoori yarada n dɛɛ ti, ye am deeri i a? ³ Nzu ti ye am la má ŋɔnle sɔ a? Am boori i bu ni Awiewie Casi n wɔ, ye i baari se ye am koro ka am fa am fanɔga wiewie i a? ⁴ Deke n kere bo Nyeme ayo i na am aɔu i n ti ŋgbɛɛn wɔ lɛɛ, nzen se? Mini dɔ, i ti má ŋgbɛɛn. ⁵ Bo am ati labari kpa n na am ayo yarada n dɛɛ ti, ye Nyeme afa i Awiewie n ama am, ye Nyeme yoori alekutura sam am nu a, nzen bo am su nɔanie kpamaawa n su n a?

⁶ Nyini ye ba kere i Nyeme Jɔre Kadasi n nu ka, “Abraham yoori Nyeme yarada n dɛɛ ti, ye Nyeme ade i ka i yo sa bo i kɔ atin su i dɔ n a.” ⁷ Nyini kere ya ka, bo ba yo Nyeme yarada ni, bere ti Abraham busu nufɔm nahɔre su a. ⁸ Nyeme Jɔre Kadasi n kere ka, minem bo bu ti má Yudaɔm bá yo Nyeme yarada, na i de bu ka ba yo sa bo i kɔ atin su i dɔ. Nyeme du mɔ kaanri labari kpa n jɔre kereeri Abraham wɔ, na wɔ se i ka, “Wɔrɔ dɛɛ ti, ye m yó adamande kere kisi a.” ⁹ Nyini ti, sɔnɔ kere bo i yo yarada, Nyeme yó i kisi, kabo Abraham yoori yarada, na Nyeme yoori i kisi barasu ni.

¹⁰ Sɔnɔ kere bo i su nɔanie kpamaawa n su na i sunsun ka Nyeme dé i ka wɔ yo sa bo i kɔ atin su, Nyeme nɔɔ dí i mi. Dama ba kere i Nyeme Jɔre Kadasi n nu ka, “Nyeme nɔɔ dí sɔnɔ kere bo i ŋa i su nɔanie kpamaawa n su, na i

su má i kere kpakpati su kó wie má.” ¹¹ Ya si ka, má ka sonó su nɔanié kpamaawa n su ye Nyeme de i mi ka i yo sa bo i kó atin su i dɔ a. Dama ba kere i Nyeme Jɔre Kadasi n nu ka, Nyeme ɲa, “Sonó bo i yo sa bo i kó atin su m dɔ, i nyá ɲgɔɔ, i yarada n dɛɛ ti.” ¹² Nɔanié kpamaawa n wo bere i ɲgumi, na yarada n bo ya yo Nyeme n gusu wo bere i ɲgumi. Ba kere i Nyeme Jɔre Kadasi n nu ka, “Sonó kere bo i su nɔanié kpamaawa n kere su, i mi nyá ɲgɔɔ.” ¹³ Ama, sonó kere bo i su nɔanié kpamaawa n su, Nyeme nɔɔ dí i mi, nyini dɛɛ ti ye Kristo kaari ɲgbɛɛn wuuri baka jaanu n su deeru ya tii jiiiri n a. Dama ba kere i Nyeme Jɔre Kadasi n nu ka, “Nyeme yó sonó kere bo ba sense i baka n su ɲgbɛɛn.” ¹⁴ Deke n bo i ti na Yesu Kristo wuuri nyini yiwee n la ka, nɔanié n bo Nyeme diiri i di ni Abraham ka i yó minɛm bo bu ti má Yudafoɔm kisi ni, nyini dɛɛ ti, nzen ya yo Kristo yarada, Nyeme ɲa i ma ya Awiewie Casi n bo wɔ di i di ka i fa ma ya ni.

Sesesu n bo Nyeme diiri i di ni Abraham n jɔre

¹⁵ M ninbaam, m koro ka m fa adamande woowa na m fa kere kabo Nyeme woowa ti barasu. Nzen mine nnyɔ afa sesesu adi i di ka bu yo deke be, sonó wo má bere bo i koro kete i, wara i kaaki i. ¹⁶ Nyini ti, Nyeme diiri nyini di n ni Abraham ni i busu nufɔ n wɔ, wɔ se má ka i busu nufɔm kere, ama, i ɲa i busu nufɔm kun, yiri la Kristo. ¹⁷ Deke bo m suse n la ka, Nyeme yo faari sesesu wɔ, na wɔ di i di ni Abraham ka i yo i. Na i dɛɛ afo yaa nna ni afo aburasan sin, na wɔ fa i nɔanié kpamaawa n ama Moyisi, ama, sesesu n bo wɔ du mɔ adi i di ni, i koro saaki má i. ¹⁸ Sesesu n bo Nyeme diiri i di n dɛɛ ti, ye Nyeme ceeri Abraham aceeri n a. Má ka bo i su nɔanié kpamaawa n su dɛɛ ti ye i ce i aceeri n a.

¹⁹ Nzen i ti sɔ, nzu ti ye Nyeme ma Moyisi yo faari i nɔanié kpamaawa n maari minɛm a? Nyeme koro ka mine si kabo satie n ti wɔ, ye i faari i nɔanié kpamaawa n maari a, fa kó ju sanɲa bo Abraham busu nufɔ ni bá ba. Yiri ye Nyeme diiri i di ni Abraham n a. Nyeme yo faari i nɔanié kpamaawa n maari i merékem wɔ, na ba kan akere Moyisi bo i wo Nyeme ni i minɛm aɲen, na i gusu anya akan akere minɛm ni. ²⁰ Nyeme yo faari i nɔanié kpamaawa n maari merékem, ni Moyisi wɔ, ye bu kan kereeri minɛm a, ama, sesesu n bo Nyeme yo diiri i di ni Abraham ni, be wo má bu aɲen, se Nyeme ɲgumi.

Deke n bo i ti na Nyeme faari i nɔanié kpamaawa n maari i ni

²¹ Nɔaniε kpamaawa n kete dekem bo Nyeme seeri ka i yó i ni, nzen se? Ai, i kete má. Nzen má nɔaniε kpamaawa n be wo bere bo i koro ma ηgɔɔ, nyini la ka, nzen sɔnɔ suuri nɔaniε kpamaawa n su, ye Nyeme de i ka i yo sa bo i kɔ atin su i dɔ a. ²² Ama, ba kere i Nyeme Jɔre Kadasi n nu ka, sɔnɔ kere ti satieyofɔ ɔ, adena minem bo bu yoori Yesu yarada ni, bere nyá deke n bo Nyeme seeri ka i fá ma yaradayofom n a. ²³ Saŋga bo Yesu nya ba má na ya yo i yarada ni, ya yo su nɔaniε kpamaawa n su a, nyini nɔaniε kpamaawa ni, i kere ya kabo ya yo, ye i nie ya su a, haari ba fa juuri saŋga n bo Yesu baari na ya yo i yarada ni. ²⁴ Nyini ti, kana Yesu bá ba ni, nɔaniε kpamaawa n ti ka sɔnɔ bo i bita ya a, haari na Yesu aba aba, adena Nyeme de ya ka ya yo sa bo i kɔ atin su i dɔ, ya yarada n dɛɛ ti. ²⁵ Ama, ahin saŋga n bo ya yo Yesu yarada ni, nɔaniε kpamaawa n bita má ya kun. ²⁶ Ambere kere bo am ayo Yesu Kristo yarada ni, nyini dɛɛ ti ye am ayo Nyeme nbaam a. ²⁷ Ambere kere bo bu bieeri am Nyeme nzue ni, am ni Kristo ayo kun lɛɛ, nyini kere ka am ade i dɛɛ woowa n wɔ lɛɛ. ²⁸ Nyini ti, kabo am ni Kristo ayo kun ni, am kere ti deke kun wɔ lɛɛ. Bo bu ti Yudafom ni bo bu ti má Yudafom, bo bu ti akɔɔnbaam ni bo bu ti má akɔɔnbaam, nbiɛsɔm ni nbaram kere akaaki deke kun wɔ lɛɛ. ²⁹ Kisa am ti Kristo dɛɛ minem wɔ, nyini la ka, am ti Abraham busu nufom wɔ, bo am nyá deke n bo Nyeme seeri ka i fá ma i minem ni.

4

¹ Deke n bo m suse am la ka, awurubaa bo i bá di i si nenje n kere aja, na i nyunu nya ti má ni, i ni akɔɔbaa ti kun wɔ, haari bo i si aja n kere ti i dɛɛ ni. ² Saŋga bo i toko ti kaan ni, i wo i minem saa nu wɔ, ye bu nie i su a, haari fa kɔ ju saŋga bo i si seeri ka i di aja ni. ³ Ya gusu yo ti sɔ ɔ lɛɛ, dama saŋga bo ya yo si má Yesu jɔre ni, ya yo ti akɔɔm wɔ, fa kɔ durunya n nu satie yoowam su. ⁴ Ama, saŋga n ba juuri ni, na Nyeme asunma i Wa, na ba wu i kabo bu wu adamande ni, nɔaniε kpamaawa ni bita i a, ⁵ adena i koro de minem bo nɔaniε kpamaawa n bita bu n tii ji, na bu yo Nyeme nbaam nahɔre su.

⁶ Ya ti Nyeme nbaam dɛɛ ti ye i sunmaari i Wa n dɛɛ Awiewie n ka i ba wura ya ahorembaa su. Nyini ti, ye ya koro bo fere Nyeme ka, “*Abba*,” i bu la ka, “*M Si*.” ⁷ Nyini ti, a ti má akɔɔ kun, a ti Nyeme wa a. Nzen a nya ti Nyeme wa, nyini la ka, i má u deke n kere bo i fa ma i nbaam ni.

⁸ Saɗga bo am nya si má Nyeme ni, am yo suuri dekem bo bu ti má Nyeme n wɔ, ye am ayo bu akɔɔm a. ⁹ Ama, kisa, am asi Nyeme, wara yiri Nyeme asi am. Nzu ti ye am koro ka am kaaki am sin bo Nyeme a, na am su durunya n nu satie yoowam, bo bu la má faɗga n su a? Nzu ti ye am koro ka am yo bu akɔɔm na am kaaki su bu bekun a? ¹⁰ Am nyunu aboro cɛnkpirim ni yoowam n su a, bere la yoowa n bo am bu lemɔcɛ kere ni, ni bo am yo i sara kere ni, ni bo afɔ ba ye na am yo bu ni. ¹¹ M koro má ka juma n kere bo ma yo i ama am n ka ngbeen, nyini ti ye am sayoowa kpie m daafiri cɛn kere n a.

¹² M ninbaam, m susere am wɔ, am ma am woowa ti kabo m woowa ti barasu ni, dama m woowa ti kabo am woowa ti n wɔ. Am ado má mini ngasi be. ¹³ Am si ka saɗga bo m du mɔ ba kaanri labari kpa n jɔre kereeri am ni, m yo la má laifie n deɛ ti, ye m koro nyaari atin a. ¹⁴ Haari ni bo m yo la má laifie n kere ni, na i yoori kekereke ma am ni, am akete má m, abu má m ngbeen, ama, am deeru m ni am saa nnyɔɔ, kabo má am de Nyeme mereke wara Yesu Kristo barasu n wɔ. ¹⁵ Nzu ti ye kisa am ahore ti má jɔɔwa kabo i yo ti dawa n a? Nyini saɗga ni, mini mmɔɔ ni m tii si ka, nzen má m yo seeri ka am lokoti yi am nyumbaa fa ma m, na má am koro yo i, má am yó i wɔ. ¹⁶ Bo m tu am fɔ seeri am nahore n deɛ ti, ye kisa ma kaaki am kpɔfɔ a? ¹⁷ Nyini minem bo bu boro bu nyi na bu cece wo am nu ni, bu sunsunni ti má kpa. Bu koro ka am kaaki yaki Kristo atin n wɔ, na am boro am nyi su bu deɛ atin n su. ¹⁸ Nzen má am nyunu aboro nahore su ka am yo sakpa saɗga kere, má i ti kpa, nzen haari m wo má am dɔ mmɔɔ. ¹⁹ M nbaam, am jɔre yo m yaa, kabo bara ba suwu baa na i yo i yaa barasu n wɔ, i suyo m yaa sɔɔ, má ka Kristo aba awo am nu, na am woowa ti kabo Kristo woowa ti barasu ni. ²⁰ M ahore su, má m koro ka m wo am dɔ kisa, na m da m bɔe na ya bo anzama, dama ma tanda fa kɔ am dɔ.

Saara ni Haga woowa n deɛ jɔre

²¹ Ambere bo am koro ka am su Nyeme noanie kpamaawa n su ni, am si má kabo i noanie kpamaawa n kere n wɔ, nzen se? ²² Ba kere i Nyeme Jɔre Kadasi n nu ka, Abraham yo la nbaa nbiesɔm nnyɔɔ, baa n bo afani n wuuri i ni, ni baa n bo awurubara wuuri i ni. ²³ Baa n bo afani n wuuri i ni, kabo bara kere nyinse, na bu wu baa ni, i nyinse wuuri i sɔɔ. Ama, awurubara n deɛ wa n bo i wuuri i ni, kabo Nyeme yo seeri Abraham n ye i wuuri i a. ²⁴ Kabo nbara nnyɔm woowa n ti má kun na bu woowa wo i ngumi ni, i la bu wɔ. Bu ti ka sesesu nnyɔm bo Nyeme diiri i di n wɔ. Kun

la Haga, afani n bo i dɛɛ busu nufom ti akoom ni. I kere kabo Nyeme noanie kpamaawa n bo i yo fa maari Moyisi Sinayi Buka n su n maari minem yoori akoom barasu n wo. ²⁵ Haga ade Sinayi Buka n bo i wo Arabiya asien n dɛɛ jinaa-biri wo, i ti ka Yerusalem mie kpiri n bo i wo durunya n nu fen kisa n wo, i ni i busu nufom kere ti akoom wo. ²⁶ Ama, Yerusalem n bo i wo angoro n dɛɛ minem anya bu tii, bere ti awurubara Saara dɛɛ nbaam a, yiri ti ya ni a. ²⁷ Dama ba kere i Nyeme Jore Kadasi n nu ka,

“Woro bara noroka ni, bo a wu ma baa ni,
ma u ahore jo ko sin su.

Tien, na a siri ni ahorejo,

woro bara n bo a si ma baawu yaari ni,
dama bara n bo i hun akete i n la nbaam
tara bara n bo i la hun ni.”

²⁸ M ninbaam, kisa ambere ti ka Izaki bo i ti awurubaa n a, dama yiri ye Nyeme seeri Abraham ka bu wu i n a, ye ambere gusu ti Nyeme nbaam n a. ²⁹ Kabo nyini sangha na afani n wa n yo kereeri awurubara n wa Izaki n wahara ni, yiri ye bu wuuri i ni Awiewie Casi n dɛɛ yiko nu a. Minem bo bu su Moyisi noanie kpamaawa n su ni, sumie yere n bo Nyeme Awiewie n yiko nu na ya kaaki Nyeme nbaam n so lee. ³⁰ Nyeme Jore Kadasi n se se wo? I na, “Fon yi ahin afani n ni i wa n fite fen. Wo ti ma ye ni ka ahin bara n wa n nya aja nenge n be. Ama, i ti ye ni ka awurubara n wa ni fa i kere a.” ³¹ Nyini ti, m ninbaam, ya ti ma afani n dɛɛ nbaam, ama, ya ti awurubara n dɛɛ nbaam wo.

5

Kabo ya bita ya tiide n bo ya nya i n kenken

¹ Kristo ade ya tii aji, nyini ti, am wo ni nyini tiide n bo am anya i n nu, am bita i kenken na ma am wo ka am ti akoom kun.

² Am ti kabo mini Poolu suse am ni. Nzen am soro su na be wuraari am kenkenne, nyini la ka, deke n bo Kristo ayo ama am n ti ngbeen wo lee. ³ M koro ka m bobo am wo lee bekun, ka sono kere bo i soro su na bu wuraari i kenkenne, wo yo daka ka i mi su noanie kpamaawa n kere su, ma i yaki kun n kpein mmoo. ⁴ Ambere bo am sunsun ka am su noanie kpamaawa n su, na am na nyini ma Nyeme de am ka am yo sa bo i ko atin su i do ni, am ni Kristo akpaaki lee, am di ma Nyeme ahorma n kun. ⁵ Ama, yere yiri, Awiewie Casi n ama ya yo yarada, ye ya la ahoresi nminda ka Nyeme ba de ya ka ya yo sa bo i ko atin su i do. ⁶ Nzen ya ni Kristo ayo kun, na ya wura kenkenne, i ti ma pui, nzen ya wura ma kenkenne gusu, i ti ma pui. Ama, nzen ya yo Yesu Kristo

yarada, na ya koro ya bengum na ya yo sakpa, nyini ti jore n a. ⁷ Kabo am yo su Kristo atin n su ni, am yo boro am nyi wo nahore su. Kisa nma adaka am ye am akaaki am sunsunni ka ma am de nahore n a? ⁸ Nyini nɔanie n bo ba fa akaaki am sunsunni n fite ma Nyeme bo wo fere am ka am ba su i n do. ⁹ Bu na, ayiri n bo bu fa go kpɔno nu n ti kaan so o, ama, yiri ma i yasu yo danggu a. ¹⁰ Ama, m la ahoresi fa ko am do, kabo ya ni ya Mibiɛ Yesu Kristo ayo kun ni, ka, am kaaki ma am sunsunni na am yaki atin n bo ya bita i ni. Soɔ kere bo i koro ka am kaaki am sunsunni ni, Nyeme cin i mi sui.

¹¹ M ninbaam, nbem na m toko nati kan i ka i ti ye ni ka Kristo minem kere wura kenkenne. Nzen ma i ti nahore ka m kan i so o, ye nzu ti ye Yudafoɔm kere m wuwuruwa n a? Nzen ma m kan i so, ye haari nzen m kan fa ko yiwee n bo Yesu wuuri i baka jaanu n su ni, ma i ti ma jore. ¹² Minem bo bu mie am ka am wura kenkenne ni, ma i yo m fie ka bu sa bu nu na ma bu bieso dika yo juma.

¹³ M ninbaam, Nyeme afere am ka i de am tii ji wo. Ama, ma am nie ka am anya am tii n dee ti, na am yo am kunnu koroowa, ama, am koro am benggu nahore su, na am buka am benggu. ¹⁴ Dama Nyeme nɔanie kpamaawa n kere jina nɔanie maawa kun su a, yiri la ka, "Koro u benggu kabo a koro u nu ni." ¹⁵ Ama, nzen sangga kere na am sudi aluwa na am nuni sukpi am benggu nu, na am asi ma am nu sa, am saaki am nuju nu wo lee.

Nyeme Awiewie n ni adamande woowa

¹⁶ M suse am wo, am wo kabo Awiewie Casi n kere am ka am wo ni, adena ma am yo am kunnu koroowa kabo dawa na am yo yoori barasu ni. ¹⁷ Dama deke bo yere adamande kunnu koro i ni, Awiewie Casi n koro ma i, ye deke bo Awiewie Casi n koro i ni, yere adamande dee woowa n koro ma i. Nyini ti, sangga kere yere adamande dee woowa n ni Awiewie Casi n se akuruwa ni i benggu wo. Nyini ye ya koro yo ma kabo ya koro ka ya yo n a. ¹⁸ Nzen am yo kabo Awiewie Casi n koro ka am yo ni, nɔanie kpamaawa n nie ma am su kun.

¹⁹ Soɔ kere si kabo minem bo bu su adamande woowa su n ti barasu. Yiri la sakaraya, ni dangba sayoowam, ni konvikiya ngbɛɛngbɛɛnm. ²⁰ Na bu su amɔɛ, ni ayiri di ngbɛɛngbɛɛn, na bu sukpo mine, na bu sukpini jore, na bu susi kore, na bu sufa yaa, na bu suyo anyii sam, na bu suse akuruwa kpakpaaki bu nuju nu, ²¹ na bu susi bu bengum kore, [na bu sukun mine,] na bu sunu nzan bo, na bu suyo ngbɛɛngbɛɛn kabo nzan nufom yo barasu ni, na bu suyo

sa barasu nbem. Kabo ma du mo ase am ni, m toko bobo am wo lee, ka, sono kere bo bu yo nyini sam ni koro wura ma Nyeme femeya n nu.

²² Ama, deke bo Awiewie Casi n ma mine yo i la ka, bu koro bu benju, na bu la ahorejo, na bu ahorembaa ti daawa, na bu la mindi, na bu buka mine, na bu yo sakpa, na bu la dabuju, ²³ na bu yo bu nu tarakam, na bu la tarabuju. Noanie kpamaawa be wo ma bere bo i jaraki minem bo bu bita nyini woowa atin ni. ²⁴ Minem bo bu ti Yesu Kristo deem ni, ba yaki bu dawa dee koroowa ni i sayoowam n kere, bu ti ka ba kpama bu baka jaanu n su ye ba wu a. ²⁵ Awiewie Casi n ama ya ngoo. Nyini ti, am ma ya wo kabo i kere ya ka ya wo ni. ²⁶ Ma am ma ya wura ya nu kpiri, na ma am ma ya yo sa bo i ye mine ahore su, na ma ya si kore.

6

Kabo ya buka ya lamoko Kristofom barasu ni

¹ M ninbaam, nzen am nu ka am nu be suyo satie, amberere bo am wo kabo Awiewie Casi n kere ka am wo barasu ni, am tara am nu benle, na am buka i mi na i yo sa bo i ti kpa. Na am si am nu sa, na ma am gusu yo satie be. ² Nzen am nu ka am benju wo kekereke nu, am buka i. Nzen am yo so, nyini kere ka am ade Kristo kereewam n bo wo fa ama ya n nahore su lee. ³ Woro kere bo a ti ma pui, na a sunsun ka a ti be ni, a dadaka u nu wo lee. ⁴ Sono kere nie i sayoowa, nzen i mi nu ka i sayoowa ti kpa, nyini sangha, i mi koro kansi i nu. Ama, ma i nie ka i sayoowa tara i benjum dee ti, na i fa fo. ⁵ Dama sono kere la i tienju sayoowa. ⁶ Amberere bo bu sukere am Nyeme noanie n ni, am buka bere n bo bu kere am ni, ni deke kere bo am la i.

⁷ Ma am dadaka am nu, na am sunsun ka be koro dadaka Nyeme, dama deke kere bo sono yoori, Nyeme fa nyini to i mi kaari a. ⁸ Nzen sono yo kabo adamande woowa koro barasu ni, nyini ma i mi wu a na i ka ngbeen. Nzen i yo kabo Awiewie Casi n koro ka i yo ni, nyini ma i mi ba nya ngoo bo i la ma awieeri a. ⁹ Nyini ti, ma am ma ya fie ni sakpayo, dama nzen ya fie ma, na sangha n ba juuri, Nyeme to ya nkato. ¹⁰ Nyini ti, nzen ya la deke ya saa nu bo ya fa yo sakpa, ya yo buka sono kere, maala ya lamoko Kristofom ni, bere yiri, i ti ye ni ka ya buka bu sangha kere.

Awieeri su dee noanie bo Poolu fa kaari bu ni

¹¹ Am nie, mini ni m tii sufa m saa sukere ahin kereewa n ngbingbiri n kere ma am a. ¹² Minem bo bu mie am ka am wura kenkenne ni, bu koro ka mine kansi bu wo. Deke n bo i ti na bu yo so n la ka, bu koro ma ka mine kere bu

wuwuruwa fa ko yiwee n bo Kristo wuuri i baka jaanu n su ni. ¹³ Bere bo ba wura kenkenne ni, bere mmoo ni bu tii su ma Nyeme noanie kpamaawa n su. Ama, deke bo i ti na bu koro ka am wura kenkenne n la ka, bu koro ka bu fa fo o, ka, ba ma am asu bu dee yoowa n su. ¹⁴ Ama, mini yiri, m fo ma yanfoya fa ko deke be su, ma ka fa ko yiwee n bo ya Mibie Yesu Kristo wuuri baka jaanu n su ni. Nyini yiwee n bo i wuuri i n dee ti, mini do, m bu durunya n ka i ti ngbeen wo, na durunya n gusu bu m ka m ti ngbeen wo. ¹⁵ Dama nzen sono su Kristo atin n su na wo wura kenkenne, i ti ma pui, wo kaaki awura ma kenkenne gusu, i ti ma pui. Deke bo i ti jore nahore su n la ka, i ti ye ni ka mine nya wo fofore bo i fite Nyeme do ni. ¹⁶ Nyeme ma sono kere bo i su ahin atin n bo m kere n su ahoreda, na i si bu anunfo, dama bere ti Nyeme minem bo bu ti Yisarelifom nahore su a.

¹⁷ Kisa m koro ma ka be kpini jore be ma m kun, dama m la deke bo i wo m nunie su sukere ka m ti Yesu dee wo.

¹⁸ M ninbaam, ya Mibie Yesu Kristo buka am kere. Ami.

Pɔɔlu kadasi bo i kerɛ fa maari EFESOFOM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, sukere ahin kadasi n ma ambere Nyemɛ minem bo am wo Efeso mie kpiri n nu, na am bita Yesu Kristo atin n nahɔre su, na am ni yiri ayo kun ni. ² Ya si Nyemɛ, ni ya Mibie Yesu Kristo buka am na bu ma am ahoreda.

Kabo Nyemɛ ayo ya kisi ni

³ I ti ye ni ka minem kerɛ kansi Nyemɛ, yiri bo i ti ya Mibie Yesu Kristo Si, kabo i ma ya ni Kristo ayo kun ni, nyini dɛɛ ti, wɔ fa deke kpa kerɛ bo i wo angoro na i fite i Awiewie n dɔ ni ayo ya kisi. ⁴ Dama sanɔa bo Nyemɛ nya yi má durunya ni, ye i yiiri ya ka ya yo i minem a, na ya ni Kristo yo kun, adena ya yo casi, na má be koro jaraki ya Nyemɛ dɔ. Koro n bo i koro ya n dɛɛ ti, ⁵ wɔ du mɔ acici ka i fá ya yo i kunnu nbaam Yesu Kristo dɛɛ ti. Deke bo i koro ka i yo i ni, i koroowa lɛɛ. ⁶ I Wa koroowa n dɛɛ ti wɔ ma ya ahɔroma ace ya nyini aceeri n bo i la má anusu n a. Nyini dɛɛ ti, i ti ye ni ka minem kerɛ kansi i fa kɔ sakpa n bo wɔ yo i ama ya n su. ⁷⁻⁸ Kabo ya ni Yesu Kristo ayo kun ni, i mbunja n bo i fiteeri i njunie nu sanɔa bo i wuuri n dɛɛ ti, ye Nyemɛ ade ya tii aji, afa ya satie kerɛ ace ya. Wɔ buka ya agaya, ama ya ahɔroma bo i la má anusu, wɔ ma ya alecira ni si barasu kerɛ. ⁹ Nyemɛ ayi deke bo i du mɔ koroori ka i yo i, na i wo i ahorembaa su na be si má i n akere ya, Yesu Kristo ama wɔ yo yiiwa. I koroowa lɛɛ. ¹⁰ Nyini deke n bo Nyemɛ koroori ka i yo i n la ka, nzen sanɔa n ba juuri, i bó deke kerɛ kun, bo bu wo angoro, ni bo bu wo asiɛngu n kerɛ, na i má Yesu Kristo yo i kerɛ tii. ¹¹ Deke n kerɛ bo Nyemɛ adu mɔ acici ka i yo i ni, kabo yiri Nyemɛ koro n lɛɛ ye wɔ yo i n a. Ye wɔ yi ya ka ya yo i dɛɛ minem, na ya ni Kristo yo kun. ¹² Adena minem nju ya woowa, yere bo ya du mɔ afa ahoresi ni Kristo ni, na bu kansi Nyemɛ na bu wura i kpiri.

¹³ I ti sɔɔ lɛɛ am gusu dɔ. Am tiiri labari kpa n bo i ti nahɔre na i ma am nya tiide n jɔre ni, ye am yoori Kristo yarada a, ye Nyemɛ afa i Awiewie Casi n ase am nyaari, kabo i yo seeri ni, yiri kere ka am ti i dɛɛ minem a. ¹⁴ Kabo wɔ du mɔ ama ya Awiewie Casi ni, nyini kere ka Nyemɛ má ya deke n kerɛ bo i seeri ka i fá ma i minem n a. Yiri ma ya yo yarada, na ya la ahoresi haari fa kɔ ju cɛɛn n bo ya nyá tiide nahɔre su a. Nyini dɛɛ ti, minem nju kabo ya ti barasu

na bu kansi Nyeme jirima woowa n bo i la má anjusu ni, na bu wura i kpiri.

Kabo Pɔɔlu sereeri Nyeme maari Efesofom ni

¹⁵ Nyini dɛɛ ti, fite sanja bo m tiiri ka am ayo Kristo yarada ni, ni kabo am koro Nyeme minem kere barasu ni, ¹⁶ am woowa dɛɛ ti, sanja kere m da Nyeme asi, na m susere i ma am. ¹⁷ M sere ya Si Nyeme, i jirima woowa la má anjusu. Yiri ti ya Mibiɛ Yesu Kristo Nyeme a. M sereeri i ka i ma i Awiewie Casi n buka am, na am nya alecira, na i teke am nyi, bo am si Nyeme nahore su. ¹⁸ M kaaki sere i ka i teke am nyi na am ɲu i wein ni, adena am si deke n bo i ti na wo fere am n na am la ahoresi fa ko i busu ni, na am kaaki si deke n bo i ti kpa na i la jirima agaya, bo wo se ka i fá ma i minem ni. ¹⁹ Na am si kabo i yiko n la má anjusu barasu ni, na i koro yo juma ma yere n bo ya yo i yarada ni. Nyini yiko ni ti bambaka la fanga a, ²⁰ yiri ye Nyeme fa tengeeri Kristo i yiwee n nu, afa i atana angoro i saa fomboro su n a. ²¹ Deke bo i wo lee, i la yiko tara yikofom kere, amɔɛ o, ayiri o, biɛfoya o, mereke o, jina o, ɲumi o, ni ajini o, na i duma n tara duma kere bo i wo ahin durunya n bo ya wo nu ni, ni durunya n bo i suba ni. ²² Nyeme afa deke n kere awura Kristo saa nu ka i nie bu su, na wo ma yiri Kristo bo i nie deke n kere su n ayo Kristo jama n kere tii a. ²³ Kristo jama n kere ti i ɲunie n a, ye i wo bu nu, ye i woowa ade deke n kere a.

2

Kabo ya fite yiwee nu na ya nya ɲɔɔɔ fɔfɔre barasu ni

¹ Sanja bo am yo keteeri Nyeme noanie na am yo satie ni, am ti ka am awu wo. ² Nyini sanja ni, am yo satie kabo kisa durunya n nufom yo n wo. Na am sude Sitana bo i bita asien ni angoro afien n yiko na am de i noanie. Yiri bita minem kere bo ba kete Nyeme noanie n a. ³ Nahore, yere mmoo yo ti so o lee, na ya suyo dekem bo ya konviki wo bu nu, na ya suyo deke kere bo i ti má kpa na ya ɲu i, na ya koro i ya sunsunni nu ni. Má ya kere gusu di nyini wahara n bo Nyeme afa yaa ka i fa cin minem sui, bere bo ba kete i noanie n wo.

⁴ Ama, Nyeme si anunfo agaya, na i kaaki koro ya agaya, ⁵ ya yo ti ka ya wuuri wo, fa ko i noanie n bo ya keteeri n su ni, haari ni nyini mmoo, i koro n dɛɛ ti, wo sanja ama ya ni Kristo ɲɔɔɔ. I dɛɛ ahoroama ni ma am nyaari tiide a. ⁶ Ya ni Yesu Kristo ayo kun n dɛɛ ti, Nyeme atenge ya yiwee nu kabo i tengeeri Kristo i yiwee n nu ni, na ya ni yiri kere sanja tana Nyeme femeya n nu. ⁷ Deke bo i ti na Nyeme

yoori so n la ka, fa i kisa fa ko, i kére i ahoro ma n bo i la má aṅusu ni, yiri la kabo i ma Yesu Kristo ayo sakpa abuka ya barasu ni. ⁸⁻⁹ Am yarada n bo am ayo i n deɛ ti, Nyeme ahoro ma ni ma am nyaari tiide a, má am sakpa deɛ ti a, ama, Nyeme aceeri a. Nyini ti, má be se ka i fa fo. ¹⁰ Kabo ya ti kisa ni, Nyeme yiiri ya so a. Ya ni Kristo ayo kun n deɛ ti, ye wo ma ya ngoo fofore a, ka ya fa yo sakpa n bo Nyeme yo fa seeri ya ka ya yo i n a.

Kristo ni i minem kere ayo kun

¹¹ Nyini ti, ambere bo am ti má Yudafo m ni, am tenge su kabo am woowa yo ti barasu ni. Yudafo m fere am ka tokurukum wo, na bu fere bu nu ka minem n bo ba wura kenkenne, nyini n so ti adamande aṅuniembaa su yoowa a. ¹² Am tenge su ka sangga bo am yo si má Kristo ni, am wo dede ni yiri wo, na am ti má mine n bo Nyeme ayi bu n be. Sese su n bo Nyeme yo diiri i di seeri ka i buka i minem ni, am wo má nu. Am yo wo durunya n nu wo, ama, am yo la má ahoresi be, na am kaaki si má Nyeme. ¹³ Ama, kisa, na am ni Yesu Kristo ayo kun ni, ambere bo má am yo wo dede ni Nyeme ni, Kristo mbunja n bo i fiteeri i nunie n nu, sangga bo i wuuri ni, acin am adodo Nyeme a. ¹⁴ Dama Kristo ti soṅo bo wo ma ya sese su ni tanalaifie a. Yiri yo faari i nu yoori yoowa yiiri kpo bo i ti ka kobe na i wo Yudafo m, ni bo bu ti má Yudafo m n afien a, na wo yo bu kun. ¹⁵ I yiwee n bo i wuuri i n deɛ ti, wo ma Nyeme noanie kpamaawa n yo má juma kun, i ni i noanie maawam, ni i atinm kere. I yoori so o, adena i fa yere Yudafo m, ni bo bu ti má Yudafo m n yo ya daanfie kun. Ya ni yiri ayo kun n deɛ ti, ye wo sese ya su ama ya tanalaifie n a. ¹⁶ I yiwee n bo i wuuri baka jaanu n su n deɛ ti, wo yi kpo bo má i wo ya afien ni, ayo ya mine kunm akaaki ya aba Nyeme do. ¹⁷ Kristo ba kaanri labari kpa n bo i yo minem afien dongu n maari ambere bo am ti má Yudafo m, na am wo dede ni Nyeme n wo, ni Yudafo m bo bu dodo i ni. ¹⁸ Kristo deɛ ti, ye Awiewie Casi n ama ya ni bere kere atin ka ya koro ba ya Si Nyeme do a.

¹⁹ Nyini ti, ambere bo am ti má Yudafo m ni, kisa am ti má wofom kun Nyeme minem do, ama, am anya atin abo Nyeme deɛ minem su, ye am ayo i dikafom. ²⁰ Am kaaki ti ka soṅo n bo Nyeme suta i n wo, wo ta am ataka ataari fa bumboori seewa n su, yiri la bo Kristo jaramasam, ni Nyeme noanie kanfom du mo fa seeri soṅo n bu ni. Nyini fa seewa n la Nyeme noanie n bo bu yo kaanri i n wo. Ye Yesu Kristo ti ka soṅo n jantarako n a. ²¹ Soṅo n deke n kere wo yiri su a, ye i maari i yo woobiri casi ma Nyeme a. ²² Am ni yiri kere

ayo kun n dɛɛ ti, ambere mmɔɔ ti Nyeme Sereebiri Awuru n wo lɛɛ, bo i Awiewie Casi n wo nu ni.

3

Deke bo i yo wo fiɛwa n nu na Nyeme yi kereeri Pɔɔlu ni

¹ Mini Pɔɔlu, m woori dansaraka nu, Yesu Kristo ni ambere bo am ti má Yudafo m n dɛɛ ti wo. ² Nahore, m nie ka am ati kabo Nyeme asi m aɗunfo ka m yo ahin juma n ma am ni. ³ Nyeme yo yiiri deke bo i wo i ahorembaa su n akere m, bo i koro ka i yo i na be si má i ni. Ma du mɔ akere i jore kaan akere am. ⁴ Nzen am kaanri kadasi n bo ma kere i ni, am ɗu kabo m koro siiri Kristo ɗusu jore kere bo i wo asiri nu ni. ⁵ Dawa saɗga ni, Nyeme ayo ayi má nyini asiri nu jore n akere má adamande be. Ama, kisa, Nyeme ma i Awiewie Casi n ayi i akere minem bo wo yi bu ka bu yo i jaramasam, ni i nɔanie kanfo m n a. ⁶ Asiri bo i wo bere n la ka, ya de labari kpa n na ya ni Yesu Kristo ayo kun n dɛɛ ti, bo bu ti Yudafo m, ni bo ti má Yudafo m, ya kere saɗga nya deke n bo Nyeme fá ma i minem, na ya saɗga yo i minem, na ya saɗga nya deke n bo Nyeme seeri ka i fá ma i minem ni.

⁷ Nyeme ahoro ma n dɛɛ ti, wo ce m aceeri ayi m ka m yo i labari kpa n amusuisufo, ye wo ma m yiko ka m fa yo i juma ni. ⁸ Nyeme minem n nu, mini ti bu kere kaan, ama, haari ni nyini n kere ni, Nyeme ayi m ama m ahin atin n ka m ko kan i labari kpa n jore kere minem bo bu ti má Yudafo m ni, na bu si sakpa bo Kristo ayo i, na be koro si má i kere bu ni. ⁹ Na wo kaaki ama m atin ka m ma sono kere ɗu sa bo minem si má i, na Nyeme koro ka i yo i na i yo yiiwa. Nyeme yiiri deke n kere a, na wo bita nyini asiri nu sam n bo i koro ka i yo i, i ahore su dawa ni. ¹⁰ Deke n bo i ti na i yoori so n la ka, nzen nfaɗgafo m ni yikofom bo bu wo aɗgoro n ɗu ka minem bo bu ti Yudafo m, ni bo bu ti má Yudafo m n abo kun ayo Kristo jama ni, ka kisa bu si alecira barasu barasu bo Nyeme la i na i la má aɗusu ni.

¹¹ Nyeme yoori nyini kere, kabo dawa na i sunsun ka i yo i ni, ya Mibie Yesu Kristo dɛɛ ti, ye i ma i kere yoori yiiwa a. ¹² Kabo ya yo Kristo yarada na ya ni yiri ayo kun ni, nyini ma ya la ahoresi koro ba Nyeme nyunu na ya soro má sere n a. ¹³ Nyini ti, m sere am wo, má am ma am ɗunie yoro ki am, fa ko wahara n bo m sudi i ambere dɛɛ ti ni, i ti deke bo i wura am kpiri wo.

Koro bo Kristo fa koro i minem barasu ni

¹⁴ Nyini kere dɛɛ ti ye mini Pɔɔlu kutu sere ya Si Nyeme ma am n a. ¹⁵ Yiri ti lamosi kere bo i wo aɗgoro ni asiɗgu

n kere Si a. ¹⁶ M nyemesere la ka, i la jirima woowa bo i la má aṅusu n deɛ ti, i Awiewie Casi n ma am nya yiko bambaka am ahore su, ¹⁷ na kabo am yo Kristo yarada ni, i wo am ahore su, na m kaaki sere i ka am la koro nahore su, na am jina kenken, fa kɔ koro n bo am la i n su. ¹⁸ Adena am ni Nyeme minem kere sanḡa fiiti ni anyumboro, na am si kabo Kristo koro am agaya, ni kabo i koro la má aṅusu ni. ¹⁹ M nyemesere bekun la ka, i ma am kaaki si kabo Kristo koro am ni, haari ni bo adamande koro si má nyini koro n bo i la má aṅusu ni, na m sere i ka i ma am woowa kere ti kabo yiri Nyeme woowa ti barasu ni.

²⁰ Nyeme yiko n bo i wo ya ahore su suyo juma n deɛ ti, i koro yo deke n kere ma ya tara kabo má ya sunsun ka ya sere i barasu ni. ²¹ Nyeme ti ye ni ka ya kansu i sanḡa kere sanḡa, yere kere bo ya ti Kristo jama n na ya ni Kristo ayo deke kun ni. Ami.

4

Kristo jama n kere ti deke kun wɔ

¹ Nyini ti, mini Pɔɔlu bo m su Mibie n deɛ ti na m wo dansaraka nu ni, m susere am jande ka, am wo wo bo i kɔ atin su, kabo Nyeme fereeri am na i kereeri am ka am wo barasu ni. ² Am yo am ŋu kaan na am yo benle, na am yo sawore, na am la mindi de am beṅgu ni koro, sanḡa kere. ³ Anɔɔse n bo Awiewie Casi n afa ama am na am ayo kun n deɛ ti, am boro am nyi na am tana laifie na am bita nyini anɔɔse n ni am beṅgu. ⁴ Yere kere bo ya ti Kristo minem ni ayo ka aṅuniembaa kun wɔ. Na Awiewie Casi kun ni wo ya kere dɔ a, na ya kere kaaki la ahoresi fa kɔ deke kun n bo i ti na wɔ fere ya ni. ⁵ Ya la Mibie kun wɔ, deke kun ye ya yo i yarada. Mibie kun n duma nu ye bu fa bie ya kere Nyeme nzue a. ⁶ Nyeme kun wo bere a, yiri ti ya kere Si a, yiri kaaki ti ya kere Mibie a, i ma ya kere yo i juma a, na i wo ya kere dɔ.

⁷ Ama, Kristo akpaaki i aceeri n ama ya kun kun n kere kabo i koro ni. ⁸ Nyini ti, ye ba kere i Nyeme Jɔre Kadasi n nu ka, "Sanḡa bo i fun kɔɔri aṅgoro ni, na wɔ fa domuem akɔ, na wɔ ce mine acerim." ⁹ Bo ba kere i ka wɔ fun akɔ aṅgoro n la ka, i du mɔ wo aṅgoro dɔ ye i jura baari asiṅgu fen a, ye wɔ kaaki akɔ aṅgoro dɔ bekun a. ¹⁰ Yiri n bo i jura baari asiṅgu n la bo wɔ fun akɔ aṅgoro dede n wɔ, ye i woowa ade deke n kere a. ¹¹ Yiri faari i acerim ceeri i minem n a, yiri la bo wɔ yi nbem ka bu yo i jaramasam, na wɔ yi nbem ka bu yo Nyeme nɔanie kanfɔm, ye wɔ yi nbem ka bu kan Nyeme labari kpa n jɔre kere minem, ye

wɔ yi nbem ka bu yo sasafom, ni kerefom. ¹² Kristo faari nyini aceeri maari a, na bu sese Nyeme minem su, adena bu buka bu beɲgum na bu yo i juma ni, na Kristo jama n nya faɲga buka su. ¹³ Na ya kere fa anɔɔse fa ko kabo ya yo Nyeme Wa n yarada ni, na ya si i nahore su subuka su, na ya yarada yo biiwa, na ya ko ya nyunu buka su, na ya woowa kere ti kabo Kristo wo ti barasu ni. ¹⁴ Na ma ya yo ka nbaatumam, adena ma korefom ba fa bu ngonletie kere ya na bu dadaka ya, na ya mini.

¹⁵ Ama, am ma ya koro ya beɲgu, na ya sujɔɔ nahore, na ya ko ya nyunu buka su, na ya woowa kere ti kabo Kristo woowa ti barasu ni, dama yiri ti ya tii a. ¹⁶ Na yere bo ya ti i minem ni ti ka i nuniembaa a. Kristo ti bo i bita anuniembaa bue barasu n kere a, na ya kere bo kun, na ya kere suyo juma n bo wo fa ama ya ni, subuka ya beɲgu, na ya koro ya beɲgu, na anuniembaa n kere nya faɲga buka su.

Kabo ya kaaki wo fɔfɔre barasu ni

¹⁷ Nyini ti, m koro ka m fa yiko n bo Mibie n afa ama m ni, na m bobo am, ka, ma am ma am woowa ti kabo minem bo bu su ma Nyeme woowa n ti barasu ni, dama bu sunsunni kere ti ngbeen wo. ¹⁸ Bu wo awosin nu n dee ti, bu la ma ngoo n bo Nyeme ma i minem ni, dama bu si ma be, na bu ahorembaa kaaki ti kekereke n dee ti. ¹⁹ Nyinse ti ma bu fa ko deke be su kun, saɲga kere bu dee la ka, bu suyo sa ngbeenngbeenm wo, na bu suyo dangba sam, bu tara ma bu nu, na bu suyo anyii sam barasu kere.

²⁰ Ama, amberɛ yiri, saɲga bo bu kereeri am fa ko Kristo nusu jore ni, ma kabo bu kereeri am lee. ²¹ M nie ka am adu mo asonson i nusu jore kere, am nya ti i susufom ni, ba kere am ka Yesu ti bo i la nahore n a. ²² Nyini dee ti, am yaki am woowa dawa n bo i ti ma kpa n ji. Am woowa dawa n koro ka i daka am na i saaki am a, dama i ma am yo dekem bo bu ti ma kpa a, na bu mini am. ²³ Am ma Nyeme kaaki am sunsunni ni am ahorembaa fɔfɔre. ²⁴ Na am fa wo fɔfɔre n bo Nyeme afa ama am na i ferema ni yiri Nyeme dee woowa ni. Nyini woowa ni ko atin su a, na i kaaki ti casi nahore su a.

²⁵ Nyini ti, ma am bu kore, am kan nahore ma am beɲgu, dama ya kere ti anuniembaa kun n bue barasu be wo. ²⁶ Nzen am be fa yaa, ma i yo satie, ma i fa yaa haari wie ko to. ²⁷ Ma am ma Sitana atin haari kaan so, na i ma am yo satie. ²⁸ Sono kere bo i yo wo, i ti ye ni ka i mi yaki awie, na i yo i tiɲgu juma ni anyumboro su, na i nya i koroowa, adena i koro buka yaarifom. ²⁹ Ma am ma jore tie fite am noo nu, ama, am ma am noo fite kpa, na i buka minem, na

bu kɔ bu nyunu buka su, na sɔnɔ kere bo i tiiri i, i mi koro su Nyeme atin n su nyunyumi. ³⁰ Má am saaki Nyeme Awiewie Casi n ahore, dama yiri ye Nyeme afa i ase am nyaari a, ka i bá de am tii ji cɛen be a. ³¹ Má am ma am kunnu yo wiwi, má am ma yaa ti am, má am kan am beɲgu ndie, má am se akuruwa, má am kpie am beɲgu nzukɔ, má am kpɔ am beɲgu deke be ti. ³² Ama, am yo am beɲgu kpa, na am si am beɲgu aɲunfo, na am fa am beɲgum ɲgasi ce bu kabo Nyeme afa ace am Kristo dee ti ni.

5

Nyeme minem woowa a

¹ Nyini ti, kabo am nya ti Nyeme nbaa koroowam ni, am boro am nyi, na am ma am woowa ti kabo i woowa ti barasu ni. ² I ti ye ni ka am ma koro wo am dɔ, kabo Kristo koro ya barasu na i faari i ɲu yoori yoowa maari ya na i suunri Nyeme nu ni.

³ Kabo am ti Nyeme minem ni, má am yo sakaraya, má am yo dangba sam, má am se ka am nyunu boro nenɲe kpini su, má am bo nyini sereyam n be mmɔɔ anzama am nu. ⁴ Na má am ma jɔre ɲgbɛɛnɲgbɛɛn fite am nɔɔ nu, má am jɔɔ jɔre bo ɲɔnlɛ wo má nu, má am yo kɔkɔɔ tie. Ama, i ti ye ni ka am da Nyeme asi sanɲa kere. ⁵ Am si tenle su ka sɔnɔ kere bo i yo sakaraya, ni dangba sam, ni bo i nyunu boro nenɲe kpini su, sɔnɔ kere bo i yo sɔ, i mi su má Nyeme, i su nenɲem wɔ. Kristo ni Nyeme bá nie má i su, na i nya má deke n bo Nyeme ase ka i fá ma i minem ni.

⁶ Má am ma be fa i jɔre ɲgbɛɛn be dadaka am, dama nyinim sɔ dee ti, ye Nyeme fá yaa cin minem bo ba kete ka bu de má i nɔanie n sui n a. ⁷ Nyini ti, má am ni nyini minem sɔ sanɲa wo. ⁸ Sanɲa be, amɛere mmɔɔ ni am tii yo woori awosin nu yo satie wɔ, ama, kisa, na am akaaki ya Mibie Yesu minem ni, am ti wein nufom wɔ lee. Nyini ti, am ma am woowa kere ka am ti wein nufom wɔ. ⁹ Má pui ti ye m se sɔ a, dama minem bo bu wo wein nu ni, bere la wo kpa a, ye bu yo sa bo i ti kpa kere a, na bu yo sa bo i kɔ atin su Nyeme dɔ, na bu bita nahɔre. ¹⁰ Nyini ti, am boro am nyi, na am si deke bo i sun Nyeme nu. ¹¹ Má am fa am ɲu bo minem bo bu wo awosin nu n su, na am yo sa ɲgbɛɛnɲgbɛɛn n bo bu yo i ni, ama, am yi bu nyini sayoowam fite fofoe nu. ¹² I ti nyinse wɔ mmɔɔ, ka ya bo su fa kɔ bu nyini sam bo bu yo bu asiri nu ni. ¹³ Ama, deke kere bo i wo fieewa nu, na i nya fiteeri fofoe nu, nyini sanɲa, kabo i ti kere, i nyunu da casi wɔ lee, dama i wo wein nu wɔ.

¹⁴ Dama deke kere bo i nya fiteeri fofoe nu ti wein wɔ. Nyini ti ye ba se ka,

“Wɔɔ daafirifo ni, yasu
na a tenge u yiwee nu,
na Kristo dee wein n ta go u nu.”

¹⁵ Nyini ti, am si am nu sa na am si wo, má am wo kabo bo bu si má be n wo barasu ni, ama, am wo kabo minem bo bu la ngɔnlɛ n wo barasu ni. ¹⁶ Saŋga kere am boro am nyi na am suyo Nyeme juma, na má am tana ngbeen, dama ahin saŋga n bo ya wo nu ni, satieyo asunnu agaya. ¹⁷ Nyini ti, má am yo ka sinnzinm, ama, am boro am nyi, na am si deke bo Mibie n koro ka am yo i. ¹⁸ Má am nu nzan bo, dama nzan saaki sɔnɔ tii wɔ, ama, am ma Awiewie Casi n wo am do saŋga kere. ¹⁹ Am fa Nyeme noaniem bo bu wo kansi jue kerewam n nu n fa di jue ma am benɔ, na am di jue n bo Awiewie Casi n kere am, na am di jue kansi Nyeme am ahore su. ²⁰ Am da ya Si Nyeme asi saŋga kere, fa ko deke kere su, ya Mibie Yesu Kristo dee ti.

Nbaram ni bu hunm jɔre

²¹ Am soro Kristo n dee ti, am de am benɔ noanie. ²² Nbaram, am de am hunm noanie kabo am de Mibie n noanie barasu ni. ²³ Dama bieso la yiko nie i yi su, kabo Kristo la yiko nie i jama n su barasu ni. Kristo jama n ti i nuniembaa a, yiri ni i tii, ti bu Tiidefo a. ²⁴ Kabo Kristo jama de i noanie barasu ni, so ye i ti ye ni ka nbaram de bu hunm noanie deke kere nu n a.

²⁵ Nbiesom, am koro am yim kabo Kristo koro i jama n na i tɔɔri i ngɔɔ wu maari bu barasu ni, ²⁶ adena i yo bu casi wɔ. Nyeme noanie n bo bu tiiri i ni, ye bu bieeri bu Nyeme nzue yiiri satie kere bo i wo bu ahore su a, ²⁷ adena i fa bu bo i nu su na bu wo i do, na bu yo nyumi agaya, na bu yo casi na bu la má fin be wara bu la má ngasi be, na be koro jaraaki má bu. ²⁸ So ye i ti ye ni ka nbiesom koro bu yim kabo bu koro bu nu barasu n a. Dama bieso kere bo i koro i yi koro i nu wɔ lee. ²⁹ Sɔnɔ be wo má bere bo i koro má i nu, ama, sɔnɔ kere nie i nu su wɔ nyunyumi, kabo Kristo nie i jama su barasu ni, ³⁰ dama ya kere ti Kristo nuniembaa n wɔ lee. ³¹ Ba kere i Nyeme Jɔre Kadasi n nu ka, “Nyini dee ti, bieso yaki i si, ni i ni, na i fa i nu mata i yi, nyini saŋga bu mine nnyɔ n ayo deke kun lee.”

³² Asiri nu jɔre bambaka be wo ahin noanie n nu, na ma nu i la ka, i sukan fa ko Kristo ni i jama n jɔre wɔ. ³³ Ama, jɔre n bo m koro ka m se am n la ka, i ti ye ni ka bieso kere koro i yi, kabo i koro i nu ni, na bara kere bu i hun.

6

Nbaatumam ni bu wufom jore

¹ Nbaatumam, am de am wufom noanie, Mibie n dee ti, dama nyini ti kpa a. ² Ka, "Bu u si ni u ni." Ahin n ti Nyeme noanie maawa ciciri su bo Nyeme bukaari su seeri ka nzen a yoori so, i ma u deke kpa, ³ ka, "Nyini ma a ngu u ngu fie a, na u ngoo ko tintiin durunya n nu fen a."

⁴ Nbaasim, ma am yo sa bo i ye am nbaam yaa su. Ama, am ta bu ataari bo i ti kpa, na am tu bu fo fa ko Mibie n dee atin n su.

Akoom ni bu mibiem jore

⁵ Ambere bo am ti akoom ni, am de am mibiem bo bu wo durunya n nu fen n noanie, na am soro bu ahore, na am yo deke kere bo bu na am yo i ni am ahorembaa kun, kabo am yo ma Kristo barasu ni. ⁶ Ma am yo ka bu nie am dee ti, na am koro ka am yo na bu kunnu jo am ngu, ama, am yo bo i sun Nyeme nu, ni am ahorembaa kun, ka am ti Kristo dee akoom ti. ⁷ Am yo am juma kere ma am mibiem ni ahorejo, ka am suyo ma ya Mibie Yesu wo, ama, ma ka am suyo ma adamande wo. ⁸ Nahore, ye m na am si ka, sono kere bo i yoori i juma nahore su, Mibie ni to i mi nkatoo, nzen i ti akoo o, wara i ti ma akoo o.

⁹ Ambere gusu bo am ti bu mibiem ni, am bita bu nyunyumi, ma am suwura bu sere. Ma am ma am wara fi ka am ni bere kere Mibie n bo i wo angoro n ti kun wo. I tambu ma nu.

Biesoya nenge bo Nyeme afa ama ya n jore

¹⁰ Jore n bo wo ka n la ka, am ma Mibie n ma am fanga fa ko i yiko bambaka n bo i la i n su. ¹¹ Am fa biesoya nenge n kere bo Nyeme afa ama am n sana, adena am ba koro jina kenken na am kunma Sitana ngonletie kere bo i fa dadaka am ni. ¹² Dama ma ya ni adamande kun lue n a, ama, ya kun lue n ni Sitana ni yikofom barasu barasum kere bo bu wo angoro ni, ni bo bu la yiko bita minem bo bu wo awosin nu durunya n nu fen n wo. ¹³ Nyini ti, am fa biesoya nengem bo Nyeme afa ama am sana, adena sangga kere bo Sitana ba kun am lue, am koro kete i na am kunma i nahore su, na am jina kenken. ¹⁴ Nyini ti, am kpa am ngu, na am jina kenken, na am fa nahore fa yo ka dambara bo am wii nu, na am yo sa bo i ko atin su sangga kere, nyini kanda am a, ka bulaari peperepe bo am fa kanda am hoe su. ¹⁵ Na am ma labari kpa n bo i ma ahoreda n yo ka gbagbaa bo am koro fa wura jina kenken. ¹⁶ Am yoori nyini wieeri na am nya fa yarada yo deke bo am fa kanda de Sitana awiem kere

bo i tu bu na bu je ka sin ni. ¹⁷ Am fa tiide n bo Nyeme afa ama am n yo ka bulaari kere bo am fa butu kanda am tii, na am fa Nyeme noanie n yo ka takobe bo Awiewie Casi n afa ama am. ¹⁸ Am yoori nyinim kere ni, am sere Nyeme ka i jina am sin buka am, na am susere i sangga kere, kabo Awiewie Casi n kere am ka am sere i barasu ni. Nyini dee ti, sangga kere am sere i so, ma am daafi, na ma am fa am nu ji, na am susere Nyeme ma i minem kere. ¹⁹ Am sere Nyeme ma m, na sangga kere bo m na m jojo, na Nyeme ma m noanie bo m jojo, adena m koro jojo ni ahoresi, na m koro teke m noo kan labari kpa n bo minem si ma i n jore n kere minem. ²⁰ Dama Yesu Kristo ayi m ka m yo i jaramasa na m kan nyini labari kpa n jore dee ti, ye m wo dansaraka nu n a. Nyini ti, am sere Nyeme na i ma m ahoresi, na m kan labari kpa n jore kere minem, kabo ma i ti ye ni ka m kan kere bu ni.

Awieeri su dee anse yoowa ni

²¹ Ya niwa Tikikusi bo ya koro i agaya na i la dabunu na i yo Mibie n juma n ni, yiri ba kan m nusu jore kere kere am, na am si kabo m woowa ti barasu. ²² Nyini dee ti, ye m susunma i am do a, adena am si kabo ya kere woowa ti barasu, na i ma am ahoresi. ²³ M sere ya Si Nyeme ni ya Mibie Yesu Kristo ka bu ma ya ninbaam kere ahoreda, ni koro, ni yarada. ²⁴ Nyeme buka ambere kere bo am koro ya Mibie Yesu Kristo n ni koro bo i la ma awieeri ni.

Pɔɔlu kadasi bo i kerɛ fa maari FILIPHIYAFOM ni

¹ Mini Pɔɔlu ni Timoti bo ya ti Yesu Kristo akoom ni, yerɛ sukere ahin kadasi n ma Nyeme minem bo bu wo Filipiya mie kpiri n nu ni, na ba de Yesu Kristo na bu ni yiri ayo kun ni, fa ko tu Kristo jama mafom, ni bu bukafom kere. ² Ya Si Nyeme, ni ya Mibie Yesu Kristo buka am kere na bu ma am ahoreda.

Kabo Pɔɔlu sereeri Nyeme maari Filipiyafom ni

³ Saŋga kere bo m ba teŋge am jore su, m da Nyeme asi ma am wo. ⁴ Na saŋga kere gusu bo m sere Nyeme ma am, m sere i ni ahorejo o, ⁵ dama fite cɛen n bo am deeri Kristo labari kpa haari ba ju ni nyuma ni, am abuka m bo ma koro akan Kristo labari kpa n jore akere minem. ⁶ Nyini ti, m la ahoresi ka Nyeme wo am do, yiri boori i bu yoori nyini sakpa ni am nu a, yiri suyo i so a, haari ko ju cɛen n bo Yesu Kristo ba kaaki ba ni.

⁷ Saŋga kere am jore wo m ahore su wo, nyini ti, kabo m sunsun fa ko am do ni, wo yo daka ka m yo so. Dama am kere abuka m fa ko juma n bo Nyeme afa ama m ka m yo i ni. Haari ni bo kisa m wo dansaraka nu ni, wara saŋga bo m nati m koroyanu ni, am bukaari m wo, na ma kan akere mine ka labari kpa n ti nahore wo, adena bu yo yarada nahore su. ⁸ Nyeme di m daani ka am sa wo m ahore su saŋga kere a, ka m koro am ni koro bo Yesu Kristo fa koro ya ni. ⁹ M nyemesere la ka, am sukoro am benju buka su saŋga kere, na am susi Nyeme atin n kere, na am si nahore atin, ¹⁰ adena am si na am koro tambu yi deke bo i ti kpa nahore su, na am yo casi na am la ma ngasi be fa ko cɛen bo Kristo ba kaaki ba ni. ¹¹ Na m susere Nyeme ka Yesu Kristo buka am, na am wo wo kpa, na am suyo sakpa saŋga kere, na mine ŋu i na bu kansi Nyeme na bu wura i kpiri.

Yesu Kristo dee ti ye m la ngoo a

¹² M ninbaam, m koro ka am si ka sa bo wo tu m na m wo dansaraka n nu ti ma tie, nyini ma labari kpa n akoro abara aye a. ¹³ Nyini dee ti, tintinijinafom ni minem kere bo bu wo fen n asi ka, m ti Kristo dee amuisufo dee ti ye m wo dansaraka nu a. ¹⁴ M dansaraka n nu woowa n awura ya ninbaam dongu kperɛ kekereke Mibie n dee ti, wo ma ba nya ahoresi abuka su bo bu koro sukan labari kpa n jore saŋga kere na bu soro ma sere.

¹⁵ Nahore, koresi ni akuruwa se ti, ye bu nbem kan Kristo labari kpa n jore n a, ama, nbem gusu kan i ni akunnu fofoe wo. ¹⁶ Bere n bo bu yo i ni akunnu fofoe ni, Nyeme koro ti ye bu yo so n a, dama bu si ka Nyeme ma m wo fen a, na m tu ngoni fa ko Kristo labari kpa n jore su. ¹⁷ Nyingam ni, bu kan ma Kristo labari kpa n jore ni bu sunsunni kpa, ama bu bita anyii sunsunni wo, adena bu ma m di wahara dansaraka n nu.

¹⁸ Nyini n kere bo bu suyo i ni, i be mmoo kpie ma m daafiri. Ama, deke bo i yo m fie n la ka, bu ma Kristo labari kpa ni susandi bara ye buka su wo. Nzen bu kan ma i ni bu sunsunni kpa, wara bu kan i ni bu akunnu fofoe, m dee la ka, sanja kere m ahore ti jooa. ¹⁹ Dama m si ka nyemesere bo am sere Nyeme ma m sanja kere n ni buka bo m nya i fite Yesu Kristo Awiewie Casi n do ni, nyini ma m nya m tii a. ²⁰ M fa ahoresi ni tama yo m juma ni anyumboro sanja kere, na ma nyinse ti m, adena nzen m wuuri, ni bo ma wu ma kere, m woowa koro ma mine kansi Kristo dee duma. ²¹ Mini do, nzen m la ngoo, Kristo dee ti a, nzen ma wu, i ti m kpere wo. ²² Ama, nzen m toko la ngoo ahin durunya n nu fen na m koro yo sa bo i kun kpere Nyeme do, nyini yiri, m si ma bo m yi ahin deke nnyom nu. ²³ Ma ka afien ni afien wo, dama m koro ka ma m wu wo na m ko wo Kristo do, m nu ka nyini n ti ye tara durunya n nu fen bo m wo ni. ²⁴ Ama, nzen m kaaki nie bekun a, ambere dee ti, i ti ye ni ka ma m wu, ama, m wo ni m ngoo durunya n nu fen. ²⁵ To. Nyini dee ti, m si tenle su ka m wu ma kisa, m wo bere wo, na m buka am na am koro yo Kristo yarada ni nahore, na am ahore jo. ²⁶ Adena nzen m ba kaaki ba niერი am busu bekun, nyini sanja, am la deke bo am koro fa kansi Yesu Kristo, fa ko sa n bo wo yo ama m ni.

²⁷ To, kisa, jore kere bo i wo bere la ka, am ma am woowa ti kabo Kristo labari kpa n kere ka am wo barasu ni, na nzen m ba koro ba niერი am busu, wara ma koro aba ma n kere, na m ti am jore ka Awiewie Casi n ma am la jinakunsu, na am la sunsunni kun ni anooe, suboro am nyi sutu ngoni kan Kristo labari kpa n jore kere minem na bu yo yarada. ²⁸ Na ma am soro sere fa ko am kpofom do, am ma am ahore ti siiwa sanja kere, nyini ma bu nu na bu si ka bu ka ngbeen a, ama, ambere yiri, am nya tiide, dama Nyeme ma m nya tiide a. ²⁹ Dama Nyeme ace am aceeri Kristo dee ti, ka am yo Kristo yarada, ma nyini ngumi, ama, am kaaki di wahara ma i. ³⁰ Nyini ti, kisa am koro buka m na ya kere kun nyini lue ni. Yiri ye am yo nuuri ka m tu i ngoni n a, ye kisa am ti ka m toko tu i ngoni n a.

2

Kabo Yesu Kristo yikofɔ n yoori i ɲu kaan barasu ni

¹ Kristo wo am nu n dɛɛ ti, yiri ma am ahore si a, na i dɛɛ koro bo i fa koro am ni, da am ahore. Am ni Awiewie Casi n la wo fie, am yo sakpa na am si am beɲgum aɲunfo. ² Nyini dɛɛ ti, m sere am wo, jande, am kere fa sunsunni kun, na am koro am beɲgu, na am fa anɔɔse, na m ahorejo kɔ sin su. ³ Má am sunsun kabo am yo na ambere ɲgumi nya i, má am wura am ɲu kpiri, ama, am yo am ɲu kaan, am bu am beɲgu ka bu tara am. ⁴ Má am nie kabo am yo na ambere ɲgumi yo ye, ama, am nie kabo am yo na am beɲgum gusu yo ye. ⁵ Am ma am sunsunni ti kabo Yesu Kristo dɛɛ ti barasu ni. ⁶ I woowa ti kabo Nyeme woowa ti n wo sanɲa kere, ama, wo se má cɛɛn be ka i tú ɲgoni wura i ɲu kpiri na i ni Nyeme se, ⁷ ama, i keteeri nyini n kere bo má i ti i dɛɛ n wo, na wo fa i ɲu ayo akɔɔ, na wo kaaki adamande. I woowa ti kabo adamande woowa ti barasu n wo, ⁸ i yoori i ɲu kaan wo, na wo de Nyeme noanie ni, haari na wo wu yiwee tie, yiri la bo bu kpamaari i baka jaanu n su ni. ⁹ Nyini dɛɛ ti, ye Nyeme awura i kpiri agaya aye i su angoro ama i duma bo i tara duma kere n a, ¹⁰ adena mine ni deke kere bo bu wo angoro, ni bo bu wo durunya n nu fen, ni bo bu wo asien bu n tiiri Yesu duma ni, bu kútu i na bu sú i. ¹¹ Na sɔno kere teke i nɔɔ kan ka Yesu Kristo ti deke n kere Mibie a, nyini wura ya Si Nyeme kpiri a.

Am ma ya woowa ta wein durunya n nu

¹² Nyini dɛɛ ti, m ninbaa koroowam, am yo deeri m noanie n wo sanɲa kere, kisa bo m wo má am do ni, nyini ti ye ni ka am de m noanie n tara kabo m yo wo am do n a. Tiide n bo am anya i n dɛɛ ti, am yo Nyeme juma n ni anyumboro, bo i kere ka am anya tiide, na am soro Nyeme. ¹³ Dama Nyeme suyo i juma am ahore su a, na i ma am de i noanie ni, na am yo i koroowa. ¹⁴ Deke kere bo am yo i ni, má am ɲunuti na am se akuruwa, ¹⁵ adena am yo mine casim bo be koro jaraki má am, na am yo Nyeme nbaam bo am la má ɲgasi be na am ma am woowa ti wein, na am wo nyumafɔ satieyofɔ ɲgbɛɛnm n nu, na am ta ka asarambaam. ¹⁶ Na am bita Nyeme noanie ni, yiri ma minem ɲgɔɔ a. Nzen am yo sɔ, nyini ma m koro bo m hoe fa kɔ am woowa n su a, cɛɛn n bo Kristo bá kaaki ba ni, na m si ka juma n bo m yiiri anyumboro yoori am nu ni, aka má ɲgbɛɛn. ¹⁷ Kabo am ayo Kristo yarada, na am sukun am ɲu yo i juma n ni nahore su ni, na haari nzen m wuuri mmɔɔ na am yarada buka su, m ahore ti jɔɔwa, na i yo m ni ambere kere fie,

18 am gusu ma am ahore jo kabo m ahore ti joōwa barasu ni.

Timoti ni Ipaforoditosi jore

19 Nzen ya Mibie Yesu soro su, m la ahoresi ka i ce má, m súnma Timoti am do na i ba nie am busu, na i ba kaaki baari, na m gusu ti kabo am wo ti na m ahore da. 20 Deke bo i ti na m sunma i am do n la ka, be cece wo má am nu, yiri ngumi ti bo i buka m su bo i cece wo am nu a. 21 Bo ba ka n kere, bu cece wo má Kristo juma n nu, se bu cece wo bu sa koroowam nu a. 22 Amberé mmoō ni am tii si ka Timoti woowa kere kabo i su Nyeme atin n su ni nahore su, na am si ka m ni yiri san̄ga yo juma kabo baa ni i si bo su yo juma n wo, adena mine don̄gu de labari kpa ni na bu yo yarada. 23 Nyini ti, nzen m nuuri m jore n kere nyaari, m súnma i kisa bere na i ba nie am busu. 24 Nzen Mibie n soro su, m la ahoresi ka i ce má, mini mmoō ni m tii ba nie am busu.

25 Ma nu ka, i ti ye ni ka m súnma ya niwa Ipaforoditosi am do. M ni yiri san̄ga yo juma na ya ti ka sojam bo bu buka bu benḡu lue n nu wo, ya Mibie Yesu dee atin su. Na amberé ni am tii sunmaari i m do, na wo ba abuka m ni deke kere bo m koro ni. 26 I wara ado am, ka i ba nie am busu, i ahore akaaki asaaki, dama am yo tiiri ka wo da tukpaki. 27 Nahore, i tukpaki n wuraari i, kaan so, má wo wu. Ama, na Nyeme asi i an̄unfo, má yiri ngumi, m ni yiri kere, adena má m ahore saaki buka su. 28 Nyini dee ti, ye m koro ka i ba am do ndende, na am nu i na am ahore kaaki jo bekun, na má m ahore saaki kun. 29 Am de i ni am saa nnyō ni ahorejo, Mibie n dee ti. Na am bu minem kere bo bu woowa ti kabo i woowa ti barasu ni. 30 Dama Yesu Kristo dee juma n dee ti, i yo toori i ngoō o, má wo ka kaan so na i wu. I yoori so ni, adena i buka m na i yo deke n bo am akoro ayo má i ni.

3

Sono bo i yo sa bo i ko atin su Nyeme do nahore su

1 M ninbaam, jore bo i wo bere la ka, am ma am ahore jo kabo am ni Mibie n ayo kun ni. I ti ye ni ka m kaaki kere na m ten̄ge am su fa ko kabo m yo kere seeri am ni, dama i ti deke bo i buka am wo, na má am wura kekereke nu. 2 Am si am nu sa, ni minem bo bu ti satieyofom na bu ti ka caam ni, na bu na nzen sono awura má kenkenne, i nya má tiide ni. 3 Yere ti Nyeme minem bo ba wura kenkenne nahore su a, má bere, dama Nyeme Awiewie Casi ni buka ya ye ya koro su Nyeme na ya la ahorejo a, fa ko kabo ya ni Yesu Kristo ayo kun ni. Nyini ti, ya daafi má sayoowa be nu fa ko an̄uniembaa su.

⁴ Mini ni m tii, má m la atin bo m koro se ka m daafi m ɲu fa kɔ sayoowam su. Nzen be ɲa i la atin, na i daafi i ɲu fa kɔ nyini sayoowam su, má m koro se ka, m la atin tara i mi fieo. ⁵ Bu wuuri m ni, m lemɔcɛ cɛɛn bu wuraari m kenkenne wɔ. M ti Yisarelifo baa a, na m fite Benjamin dɛɛ lɛɛ anɔ n nu wɔ, na m ti Hiburufom anuma a nahɔɛ su. M yo ti Farasifom kun wɔ, na m su Nyeme nɔanie kpamaawa n su kabo i ti ye ni ka bu su i su barasu ni. ⁶ M yo bita i ni anyumboro wɔ, kabo m yo na m kere Kristo jama n wuwuruwa ni. Fa kɔ kabo sɔnɔ de Nyeme nɔanie kpamaawa n na i su i su nahɔɛ su, mini la má ngasi be. ⁷ Ama, nyini deke n kere bo m yo buuri bu ka bu la kperɛ ma m ni, Kristo dɛɛ ti, ma ɲu ka bu kere ti ngbɛɛn wɔ kisa. ⁸ I ti nahɔɛ wɔ ka, ma ɲu ka deke n kere ti ngbɛɛn wɔ, adena m koro si m Mibiɛ Yesu Kristo, yiri tara deke n kere a. Yiri dɛɛ ti, ma yaki deke n kere bo m yo yoori bu n ka bu ti ngbɛɛn wɔ. M nie bu kere ka wura a, adena m koro de Kristo ni m saa nnyɔ, ⁹ na m ni yiri yo deke kun nahɔɛ su. Kisa m koro se má ka m yo sa bo i kɔ atin su Nyeme dɔ, kabo Nyeme nɔanie kpamaawa n kere ni, ama, kisa, kabo ma yo Kristo yarada n dɛɛ ti, ye Nyeme de m ka m yo sa bo i kɔ atin su i dɔ a. Deke n bo i ma i de m ka m yo sa bo i kɔ atin su i dɔ n la bo ma yo i yarada n wɔ. ¹⁰ Deke bo m koro i n kere la ka, m sí Kristo, na m nyá i yiko n bo i koro tengeeri i yiwee n nu ni, na m dí i dɛɛ wahara n bo i diiri n be, na m wú i dɛɛ yiwee n be. ¹¹ Nyini ma m la tama ka mini gusu téngɛ m yiwee nu a.

Kabo ya boro ya nyi na ya nya Kristo aceeri ni

¹² M suse má ka ma du mɔ aju su na m ti kabo Nyeme koro ka m ti ni, wara ma du mɔ ayo casi wɔ, ama, m toko boro m nyi wɔ, adena m nya deke n bo i ti na Yesu Kristo afa m ayo i dɛɛ sɔnɔ ni. ¹³ M ninbaam, mini ni m tii suse má ka ma ju su kabo i koro ka m woowa ti barasu n wɔ, se deke kun ye m nyunu aboro i su a, m wara afi dekem kere bo m yo yoori bu n sa, ama, m sukoro ka m boro m nyi wɔ, na m saa kan deke n bo i wo m nyunu ni. ¹⁴ Nyini ti, m mie m nyi wɔ na m kɔ m nyunu, adena m kɔ ɲu i awieeri, na m nya aceeri n bo Nyeme afere m ama m ngɔɔ i dɔ ni, Yesu Kristo dɛɛ ti. ¹⁵ I ti ye ni ka yere kere bo ya yarada ti biiwa ni, ya nyunu boro fa kɔ nyini dika. Na nzen am sunsunni ba woori i ngunɔgumi, fa kɔ i nɔanie n su, Nyeme yí i nyi kere am, na am tí i bu. ¹⁶ Ama, bo i wo bere la ka, kabo ya bita Nyeme atin ba ju haari ni nyuma ni, am ma ya toko bita i sɔ.

¹⁷ M ninbaam, am ma am woowa ti kabo m deɛ n ti barasu ni. Woowa kpa n bo ya du mo afa akere am ni, am nie minem bo bu bita nyini woowa kpa n ni, na am son bu su. ¹⁸ Dama sanja kere m nati se am ka, nbem woowa kere ka bu ti Kristo kpofom wo, fa ko i yiwee n bo i wuuri i baka jaanu n su ni. Ye kisa m kaaki suse am bekun ni nyunvuin n a. ¹⁹ Nyini minem so, bu nyeme la bu kunnu wo, na deke bo ma i ti bu nyinse ni, bu fa nyini fa yo yanfoya. Bu sunsunni kere wo durunya n nu fen nengem ngumi so a, nyini ti, bu awieeri, bu ka ngbeen wo. ²⁰ Ama, yere yiri, ya ti Nyeme dika n bo i wo angoro n nu nbaam wo, ye ya sunminda ya Mibie Yesu Kristo, ya Tiidefo ni, ni anyumboro, ka i fite Nyeme dika n bo i wo angoro n nu ba. ²¹ Na i ba kaaki ya ahin anunie n bo i wu ni, na i ma i yo anunie fofore barasu be bo i ti kabo i deɛ anunie woowa n bo i la jirima n ti barasu ni. I fa i yiko n bo i fa nie deke n kere su ni fa yo nyini kere a.

4

Kabo Pɔɔlu tuuri bu fo ni

¹ M ninbaam, m koro am agaya, na m ahore abi ka m nu am ni, amberɛ ti, ye m ahore ti jowa sanja kere a, amberɛ ti m kperɛ bo ma di i m jumayoowa n nu a. Nyini ti, am bita Mibie n deɛ atin n ni nahore su. ² Yuwodiya, ni Sintiki, m sere am wo jande, ka, am fa anose, dama am ti nibaam wo, Mibie n deɛ ti. ³ To, woro gusu bo a ti m matafo nahore su ni, m sere u wo, ka, a buka nyini nbara nnyom ni, dama bere yiiri anyumboro bukaari m, ye ya kaanri labari kpa n jore n a, fa sanja ni Kerementi, ni nyingam bo m ni bere sanja yo juma ni. Nyeme akere bu kere duma awura ngoo kadasi n nu. ⁴ Ya Mibie n deɛ ti, am ma am ahore jo sanja kere, m kaaki suse am bekun wo ka, am ma am ahore jo. ⁵ Am ma sono kere nu ka am ti benle, dama Mibie ni kaaki ba kisa. ⁶ Ma am koko fa ko deke be su, ama, am kan am sa bo i ti am mieewa kere fa kere Nyeme sanja kere, na am sere i, na am da i asi am ahore su. ⁷ Am yoori so, Nyeme ma am ahoreda bo i la ma anusu, na i sunie am dika fa ko am ahore su ni am sunsunni nu, dama am ni Yesu Kristo ayo kun n deɛ ti.

⁸ M ninbaam, jore n bo wo ka n la ka, am ma am sunsunni kere wo dekem bo bu ti kpa, na bu la kansi n su. Bere la deke bo i ti nahore, ni bo i la anyunuyi, ni sa bo i ko atin su, ni bo i ti casi, ni bo i ti koro sa, ni bo i la jirima. ⁹ Dekem bo am sonson bu fiteeri m do ni, ni bo am deeri m do ni, bere

la m nɔaniɛ ni, ni m sayoowa ni, am su bu su na am fa yo juma. Nyeme la ahoreda, yiri wó am dɔ a.

Kabo Pɔɔlu yoori bu anse fa kɔ bu buka n su ni

¹⁰ Ya Mibiɛ n dɛɛ ti, m ahore ajo akɔ asin su, dama wɔ cɛ bo m ti má am nga, ama, kisa am akaaki akere ka am cɛcɛ wo m nu. M si ka sanɔa kere am cɛcɛ wo m dɔ, se kabo am yo na am buka m n ye am anya má atin a. ¹¹ Bo m suse sɔ ni, i ti má ka deke be miɛ m wɔ ye m sukan sɔ n a, dama nzen m la i, ni bo m la má i kere, m si kabo m tara m ŋu na m wo barasu. ¹² M si kabo yaari ti sɔnɔ na i ti barasu, na m kaaki si kabo sɔnɔ nya i agaya na i ti barasu. Deke kere bo m wo, na sa be atu m, nzen m di na m kunnu yi o, wara nzen m da ahɔe o, nzen m la nenɔge beberebe o, wara i ti kaan o, m si kabo m tara m ŋu barasu na m nyunu yi i. ¹³ Yesu Kristo maari m fanga n dɛɛ ti ye m koro yo deke n kere a.

¹⁴ Ama, am ayo sakpa, kabo miɛ tuuri m na m ni ambere kere sanɔa di wahara ni. ¹⁵ Ambere Filiphiyafom si ka fite sanɔa bo m boori i bu ba kaanri labari kpa n jɔre kereeri am ni, nyini sin, na m ba fiteeri Makedoniya awɔre n nu ni, Kristo jama kun n kpein be mmɔɔ ace má m aceeri be, má ka ambere ŋgumi ceeri m aceeri a. ¹⁶ Sanɔa bo m toko wo Tesalonika miɛ kpiri n nu ni, na miɛ tuuri m ni, am yo sunmaari m dɔ ni aceeri kpe nnyɔ. ¹⁷ I ti má ka m koro ka sanɔa kere m sude aceeri fite am dɔ ɔ, ama, m koro ka am yo sɔ, na Nyeme yo am kisi. ¹⁸ Deke n kere bo am fa sunmaari m dɔ ni, m saa akan i, am ace m atara kabo má m koro ni mmɔɔ. Kisa m koro má pui kun, dama Ipaforoditosi afa am aceeri n kere aba ama m. I ti ka yoowa bo ba yo i ama Nyeme na wɔ sun i nu ade i ni akunnuɔ wɔ. ¹⁹ M Nyeme Feme ni, yiri la nenɔge ni ajeke kere a, i kere wo Yesu Kristo dɛɛ jirima nu wɔ, i má am deke kere bo am fun i. ²⁰ Ya Si Nyeme ni, yiri ti ye ni ka ya kansa i sanɔa kere sanɔa. Ami.

Kabo Pɔɔlu yoori bu anse awieeri su ni

²¹ Am bisa Nyeme minem kere dɔngɔ ma m. Bere ti Yesu Kristo dɛɛm a. Ya ninbaam bo bu wo m dɔ fen n bisa am kere dɔngɔ. ²² Nyeme minem kere bisa am dɔngɔ, maala bo bu yo juma Romafom Feme Kpiri Siza dika ni. ²³ Ya Mibiɛ Yesu Kristo buka am kere.

Pɔɔlu kadasi bo i kerɛ fa maari KOLOSİYAFŌM ni

¹ Mini Pɔɔlu bo Nyemɛ dɛɛ koroyanu na m ti Yesu Kristo jaramasa ni, m ni ya niwa Timoti ² sukɛɛ ahin kadasi n ma Nyemɛ minɛm bo wɔ yi bu Kolosiya miɛ kpiri n nu n a, na bu ti ya ninbaam bo bu su Kristo su nahɔrɛ su ni. Ya Si Nyemɛ buka am na i ma am ahoreda.

Kabo Pɔɔlu sereeri Nyemɛ na i daari i asi ni

³ Saŋga kerɛ ya sere Nyemɛ ma am wɔ, yiri ti ya Mibiɛ Yesu Kristo Si a, na ya da i asi fa kɔ kabo am woowa ti barasu n wɔ, ⁴ dama ya ti kabo am ayo Yesu Kristo yarada, ni kabo am koro Nyemɛ minɛm kerɛ barasu ni. ⁵⁻⁶ Deke n bo i ti na am yoori sɔ n la ka, am la ahoresi ka am nyá deke n bo Nyemɛ afa ase angoro ka i fá ma am ni. Am du mɔ tiiri nyini ahoresi n jɔrɛ saŋga bo minɛm ba kaanri labari kpa n bo i ti nahɔrɛ n jɔrɛ kereeri am n wɔ. Labari kpa n bo am deer i ni, wɔ tɛrɛki abara aye durunya n kerɛ, mine ade i, bu suyo sakpa durunya n kerɛ nu. Fite saŋga bo am tiiri i ni, am deer i ye am siiri sakpa n bo Nyemɛ ayo ama am ni nahɔrɛ su n a. ⁷ Ya lamɔkɔ akɔɔ Ipafarasi bo ya koro i ni, yiri du mɔ kereeri am ahin labari kpa n a. Yiri ti Kristo amusuisufɔ bo i la dabuɔu na i yo i juma buka am a, ⁸ yiri seeri ya kabo Nyemɛ Awiewie Casi n abuka am na am koro minɛm barasu n a.

⁹ Nyini ti, fite cɛɛn bo ya tiiri kabo Nyemɛ ayo sakpa n ama am ni, saŋga kerɛ ya sere Nyemɛ ma am wɔ, ka i ma am si nahɔrɛ su kabo i koro ka am yo barasu ni, na i kaaki ma Awiewie Casi ma am nya si ni alecira barasu kerɛ. ¹⁰ Nyini ma am koro wo kabo i ti ye ni ka Ya Mibiɛ minɛm wo barasu n a, na am yo kabo i koro n kerɛ, na am yo sakpa barasu barasu kerɛ, na am si Nyemɛ nahɔrɛ su buka su. ¹¹ Ya kaaki sere Nyemɛ ka i ma i jirima ni i yiko n bo i la má anusu n ma am faŋga barasu kerɛ, na am koro mindi, na am la sawɔrɛ fa kɔ kekereke kerɛ bo i tu am, ni ahorejɔ. ¹² Na am da ya Si Nyemɛ asi, dama yiri ama am ayo minɛm bo am aju su ka am saŋga nya deke n bo i fá ma i minɛm bo bu wo wein n nu ni. ¹³ Yiri ye wɔ yi ya afite awosin dɛɛ femeya yiko n kerɛ nu, ye wɔ fa ya awura i Wa koroowa n dɛɛ femeya n nu a. ¹⁴ Yiri Kristo dɛɛ ti, ya nya tiide, ye wɔ fa ya satie ace ya.

Kabo Kristo woowa ni i juma ti barasu ni

¹⁵ Kabo Nyeme bo ya ŋu má i n woowa ti ni, yiri Kristo woowa ti sɔ ɔ, yiri ti Nyeme Wa kpien n bo i ti deke kere bo Nyeme ayi bu n tii a. ¹⁶ Yiri ye Nyeme maari i yiiri deke kere bo i wo angoro ni asienɔgu n a, ni dekem bo ya ŋu bu, ni bo ya ŋu má bu ni, ni yikofom kere, ni nfangafom, ni nfemem kere. Nyeme maari yiri yiiri deke n kere a, adena deke n kere wura i kpiri. ¹⁷ Yiri du mɔ woori bere wo ka, ye Nyeme nya ba yiiri deke n kere a. Yiri ma deke n kere toko wo bere a. ¹⁸ Yiri ti i jama n kere tii a, ye i jama n ti i ŋuniembaa ni, yiri ti i jama n bumboori a, yiri ye Nyeme adu mɔ atenɔge i yiwee nu a, adena i yo deke n kere bo Nyeme ayi bu n mɔfo. ¹⁹ Dama wo sun Nyeme nu ka, i dee woowa kere wo i Wa n nu. ²⁰ Na Baa n dee ti ma Nyeme akoro akaaki deke n kere bo bu wo angoro ni asienɔgu ama bu ni Nyeme ayo kun, i mbunja n bo i fiteeri i ŋunie nu baka jaanu n su ni, ayo bu ni Nyeme afien donɔgu a.

²¹ Amberɛ, sanɔga be, am yo woori dede ni Nyeme wo, am yo ti i kpofom wo, dama am yo yo satiem wo, na am sunsunni ti má kpa, ²² ama, kisa i Wa n woori ka adamande wo, na i wuuri baka jaanu n su ni, nyini ma am ni yiri ayo kun a, adena i yó am casi, na má be koro jaraki am, na am lá má ŋgasi be Nyeme dɔ. ²³ Ama, i ti ye ni ka am subita yarada n bo am la i kenken sanɔga kere, na má am yaki i, má am ma deke be kanda am fa kɔ kabo am tiiri labari kpa n bo i maari am yoori i tama n jɔre ni. Nyini labari n ye bu kaanri i jɔre durunya n kere nu n a, ye mini Pɔɔlu mmɔɔ ti i amusuisufɔ, ye m kan i jɔre n a.

Kabo Pɔɔlu yo juma ma Kristo jama n barasu ni

²⁴ Ama, kisa wo yo m fie kabo m sudi wahara amberɛ dee ti ni, na wahara n bo m di i m ŋunie n nu ni, m sudi i sɔ haari m kɔ wie i, kabo Kristo gusu diiri wahara ni, m dí i ma i jamam bo bu ti i ŋuniembaa n wo. ²⁵ Nyeme ayi m ka m yo Kristo jama n amusuisufɔ a, ye wo ma m ahin juma n ka m yo buka am a. Nyini la bo i ŋa m kan i nɔanie n kere pepere kere am ni. ²⁶ I ti jɔre bo Nyeme yo fa fieeri dawafom kere su wo, ama, kisa wo fa i akere i minem bo wo yi bu ni. ²⁷ Bere ye Nyeme koro ka i kere bu jɔre bo i wo fieewa nu n a, yiri la alekutura sa bo i la má anusu na i koro ka i yo ma amberɛ bo am ti má Yudafom ni. Yiri la ka, Kristo wo am nu, na am la ahoresi ka am nyá i dee jirima woowa n be. ²⁸ Ya kan Kristo jɔre kere sɔnɔ kere wo, na ya kere bu na ya bɔbɔ bu, ni alecira bo wo fa ama ya ni, na bu ba i dɔ ba su i ka minem bo bu nyunu ati Kristo dee atin su. ²⁹ Nyini dee ti, ye m yo ahin juma n ni anyumboro n a.

I dɛɛ yiko n bo i la má anjusu ni ma m fanja ye m koro yo juma n a.

2

¹ M koro ka am si kabo m tu ŋgoni yo juma n ni anyum-boro ma amɛɛ, ni Lawodikayafom, ni minem bo bu nya si má m ni. ² M koro ka m yo so na i wura am kperɛ kekereke, na am la anɔɔsɛ, na am koro am benju ni nahɔɛ su, na am si Nyemɛ nahɔɛ su, na am de i nɔɔnie ni, na i ma am ahorejo, na am si jɔɛ n bo Nyemɛ yo fa fiɛeri ni. Yiri la Yesu Kristo. ³ Yiri ŋgumi ti bo i koro ma ya alecira ni si kere fa ko Nyemɛ jɔɛ n bo i wo fiɛewa nu wo i do ni.

⁴ M koro má ka be fa anɔɔfiɛfiɛ daka am, nyini dɛɛ ti, ye m se am so n a. ⁵ Haari ni bo m wo má am do ni, m sunsunni yiri wo am do, kabo am ayo Kristo yarada nahɔɛ su na am la anɔɔsɛ bita i atin kenken ni, nyini ayo m fiɛfiɛ agaya.

Am ma am woowa ti kabo Kristo dɛɛ ti ni

⁶ Kabo am asoro su ade Yesu Kristo ka am Mibiɛ ni, am ma am woowa ti ka minem bo bu ni yiri ayo kun ni. ⁷ Am bita i kekereke, na am subuka su fa ko Nyemɛ atin su, na am ma am yarada yo biiwa nahɔɛ su kabo ba kere am ni. Na am suda i asi agaya.

⁸ Am si am ŋu sa, na má be fa adamande ŋgonɛ, ni sa ŋgbɛɛn be dadaka am na am su bu su. Bɛɛ la adamande kereewam, ni durunya n nu satie yoowam bo bu fa kere minem na i ti má Kristo dɛɛ kereewa ni. ⁹ Dama Nyemɛ dɛɛ woowa kere wo Kristo dɛɛ ŋuniɛ n nu wo. ¹⁰ Kabo am ni yiri ayo kun ni, nyini ma am anya deke kere pepere a. Yiri ti yikofom, ni nfanɔɔfom kere tii a.

¹¹ Kabo am ni Kristo ayo kun ni, nyini kere ka am awura kenkenne nahɔɛ su a, má anjuniɛmbaa su yoowa bo adamande yo i ni, ama, yiri la bo Kristo ayi am satie n kere ni. ¹² Saŋga bo bu biɛeri am Nyemɛ nzue ni, i kere ka ba saŋga ase am ni Kristo wo lɛɛ, na am ni yiri asaŋga atenge i yiwee n nu lɛɛ, dama am la yarada ka Nyemɛ dɛɛ yiko n nu ye wo tenge Kristo i yiwee n nu a. ¹³ Saŋga be, am yo ti fuinm wo, dama am ti satieyofom wo, na am ayo awura má kenkenne na am su má Nyemɛ. Ama, kisa Nyemɛ ama am ni Kristo asaŋga anya ŋɔɔ fɔfɔɛ. Wo fa ya satie kere ace ya. ¹⁴ Satie kere bo ya yo yoori na ba kere i ka i ti ŋgasi jɔɛ ni, Yesu yiwee n bo i wuuri baka jaanu n su n dɛɛ ti, wo ŋmisi ayi nyini ŋgasi sa n kere, ¹⁵ na wo kunma yikofom ni nfanɔɔfom kere, awura bu nyinse fofoe nu.

¹⁶ Nyini ti, má am ma be jaraki am fa kɔ sayoowa be su, kabo am yo fa kɔ diire diiwam ni bu ciirem, wara deke nuuwam ni bu ciirem, wara cɛɛnkpiri ciirem, wara sara fɔfɔrɛ ciire yoowam, wara Njumiyi cɛɛn n ciirem. ¹⁷ Nyini yoowam kɛrɛ ferema ni deke n bo i suba n wɔ, yiri la Kristo. ¹⁸ Am si am nju sa ni minɛm bo bu nja ba nju deke yikereewa nbem, na bu yo bu nju ka bu ti tarakam, na bu su mɛrɛkɛm ni. Adamande dɛɛ sunsunni nu kpirikoro la nyini n kɛrɛ bo bu yo sɔ ni. Má am ma bu nju am nɔgasi be. ¹⁹ Nyini minɛm sɔ da má Kristo bo i ti i jama n tii n nju. I jama n ti i nuniɛmbaa a. Yiri niɛ i nuniɛmbaa barasu barasu n kɛrɛ suyo i kun a, na i ma i wura i bɛngu nu, na i sasa suyo fanja, na i buka nyɛmɛsu atin su, kabo Nyɛmɛ koro ni.

²⁰ Kabo am ni Kristo asaŋga awu ni, am anya am tii afite durunya n nu satie yoowam kɛrɛ nu. Nzu ti ye am su bu nyini ciirem su a? ²¹ Bo bu nja, má am tara ahin, má am di ahin, ni bo bu nja má am fa am saa kan ahin dekem ni. ²² Nyini ciirem kɛrɛ ti adamande dɛɛ kereewam wɔ, nzen sɔnɔ suuri bu su, bu kɛrɛ kaari nɔgbɛɛn wɔ. ²³ Nyini ciirem ni, mine sunsun ka bɛrɛ n bo bu su nyini n kɛrɛ su n ti alecirafɔm wɔ, ama, bu ti má alecirafɔm, bu su dekem bo bu ahorembaa koro ni su a, na bu yo bu nju taraka, na bu sukere bu nju wahara, ama, nyini n kɛrɛ bo bu yo i ni, bu koro tara má bu nju fa kɔ adamande konviki dika.

3

Woowa dawa n ni woowa fɔfɔrɛ n jɔrɛ

¹ Nyini ti, kabo am ni Kristo asaŋga atenge i yiwee n nu ni, am ma am ahorembaa kɛrɛ wo dekem bo bu wo aŋgoro n su, dika n bo Kristo tana Nyɛmɛ saa fɔmbɔrɔ su ni. ² Am ma am sunsunni kɛrɛ wo dekem bo bu wo aŋgoro n su, ama, má dekem bo bu wo durunya n nu fɛn ni. ³ Dama am ni Kristo asaŋga awu wɔ, ye am ni yiri ayo kun a, ye Nyɛmɛ afa am ni yiri nɔɔɔ afie yiri ni i tii dɔ a. ⁴ Kristo ti am nɔɔɔ nahɔrɛ su a, i ba baari, am ni yiri kɛrɛ sánja fite a, na am nyá i jirima woowa ni.

⁵ Nyini dɛɛ ti, am yaki am nuniɛmbaa sa koroowa kɛrɛ, má am yo sakaraya, am yaki dangba sayoowam, am yaki konviki nɔgbɛɛnnɔgbɛɛn, má am ma am nyunu boro satieyo su. Má am ma am nyunu boro nɛnge kpini su, sɔnɔ kɛrɛ bo i yo sɔ, i mi su má Nyɛmɛ, i su nɛngem wɔ. ⁶ Nyini dɛɛ ti, ye Nyɛmɛ fá yaa cin minɛm sui a, bɛrɛ bo ba kete ka bu de má i nɔaniɛ na bu yo nyini sam ni. ⁷ Saŋga be, ambɛrɛ mmɔɔ ni am tii yo yo nyini sam wɔ, dama kabo am woowa yo ti lɛɛ. ⁸ Ama, kisa, am yaki nyini kɛrɛ fieo, yaafa ni aŋjunkpini,

na má am ma nzukɔ kpɛ ni jɔɛ ɲgbɛɛɲgbɛɛn fite am nɔɔ nu, ⁹ má am bu kɔɛ sɔ am bɛɲgu, dama am ayaki am dawa dɛɛ yoowa n kɛɛ fieo fieo, ¹⁰ am afa wo fɔfɔɛ. Nyɛmɛ suma am nyini woowa fɔfɔɛ n a, adena i má am woowa ti kabo i dɛɛ woowa ti barasu ni, na am koro si i nahɔɛ su. ¹¹ Nyini woowa fɔfɔɛ n bo Nyɛmɛ ayo i n dɛɛ ti, Yudaɔm ni minɛm bo bu ti má Yudaɔm ti kun wɔ, minɛm bo ba wura kɛnkɛnɛ o, ni bo ba wura má kɛɛ ti kun wɔ, ni minɛm bo bu jɔjɔ anɛ barasu nbem, ni minɛm bo bu nyunu nya teke má, ni akɔɔm ni awurunbaam, bu kɛɛ ti kun wɔ. Ama, bo i kɔ tara bu kɛɛ n la Kristo, yiri wo bu kɛɛ ahore su a.

¹² Am ti minɛm bo Nyɛmɛ koro am, na wɔ yi am afa ayo i dɛɛm wɔ. Nyini ti, i ti ye ni ka am si aɲunɔ na am buka minɛm, na am yo am ɲu kaan, na am yo bɛnɛ, na am la mindi, ¹³ na am yo sawɔɛ de am bɛɲgum. Nzen be ni i bɛɲgu anya jɔɛ, am fa ce am bɛɲgu. Kabo Kristo afa am ɲgasi ace am ni, amɛɛɛ gusu fa am bɛɲgum ɲgasi ce bu. ¹⁴ Bo i tara i kɛɛ n la ka, am koro am bɛɲgu, dama koro ma am yo kun a, na am yo anɔɔɛ nahɔɛ su. ¹⁵ Kristo afere am ayo am deke kun ama am ahoreda, nyini dɛɛ ti, am ma nyini ahoreda n wo am dɔ sanɲa kɛɛ, na am suda Nyɛmɛ asi. ¹⁶ Am ma Kristo jɔɛ n wo am ahore su ni nahɔɛ su. Am fa Nyɛmɛ nɔaniɛ na am fa kɛɛ am bɛɲgu, ni alecira kɛɛ bo am la i ni, na am fa tu am bɛɲgu fɔ. Am fa Nyɛmɛ nɔaniɛm bo bu wo kansɛ jue kɛɛɛwam n nu n fa di jue kansɛ Nyɛmɛ, na am di jue n bo Awɛwɛ Casi n kɛɛ am, na am di jue da Nyɛmɛ asi am ahore su. ¹⁷ Am sayoowa, ni am jɔjɔowa kɛɛ nu, am yo i ya Mibɛɛ Yesu dɛɛ duma n nu, na am da ya Si Nyɛmɛ asi Kristo dɛɛ ti.

Kabo i ti ye ni ka Kristo susufɔm bita bu awuru barasu ni

¹⁸ Nbaram, am de am hunm nɔaniɛ kabo i ti ye ni ka Mibɛɛ n susufɔm yo ni. ¹⁹ Nbiesɔm, am koro am yim, má am bita bu ni joko tiɛ. ²⁰ Nbaatumam, am de am sim ni am nim nɔaniɛ fa kɔ deke kɛɛ su. Nzen am yo sɔ, nyini yo Mibɛɛ n fie a. ²¹ Nbaasim, má am yo sa bo i ye am nbaam yaa su, na bu ahore saaki. ²² Amɛɛɛ bo am ti akɔɔm ni, am de am mibiɛm bo bu wo durunya n nu fɛn n nɔaniɛ deke kɛɛ nu, má am yo ka bu niɛ am dɛɛ ti, na am koro ka am yo na bu ahore jɔ am ɲu, ama, am yo deke kɛɛ bo bu ɲa am yo i n ni am ahorembaa kun, ka am su Mibɛɛ n dɛɛ ti. ²³ Am yo am juma kɛɛ ni am ahorembaa kun, ka am suyo ma Mibɛɛ n wɔ, ama, má ka am suyo ma adamande wɔ. ²⁴ Am si ka am nyá ɲkatɔ bo Nyɛmɛ ase ka i fá ma i minɛm ni. Dama am Mibɛɛ n bo am su i ni, yiri la Kristo wɔ. ²⁵ Sɔnɔ kɛɛ bo

i yoori sa bo i ti má kpa, Nyeme tó i mi kaari, dama Nyeme tantambu má nu.

4

¹ Ambere gusu bo am ti mibiem ni, am yo am akoom kpa, na am yo deke bo i ti ye ni ka am yo ma bu ni, dama am si ka am gusu la am Mibie n bo i wo angoro.

Nyemesere ni fotu jore

² Am susere Nyeme sanja kere ni anyumboro, má am fa am nu ji, am suda i asi. ³ Nzen am sere Nyeme, am sere ma ya gusu, na Nyeme teke atin ma ya na ya kan labari kpa n fa ko Kristo jore n bo i yo wo fiewa nu n kere minem. Dama labari kpa n dee jore ti, ye m wo dansaraka nu n a. ⁴ Am sere Nyeme ma m, na i jina m sin na m koro kan labari kpa n kabo i ti ye ni ka m yi i bu nyunyumi kere minem na bu ti i bu. ⁵ Am fa ngone na am si kabo am wo fa ko minem bo bu ti má Kristofom do. Sanja kere bo am nya atin, am fa yo sakpa, kabo i ti ye ni ka am yo ni. Má am saaki am sanja n bo am la i ni. ⁶ Sanja kere bo am na am jajo minem do, am ma am nanie fite kpa na i yo bu fiefie, na am si kabo am bo sono kere nu barasu.

Kabo Pɔɔlu yoori bu anse awieeri su ni

⁷ Ya niwa Tikikusi bá kan m nusu jore kere kere am. Yiri ye ya koro i agaya, i bita nahore fa ko i juma su, i ti ya lamoko akoo, fa ko Mibie n juma n su. ⁸ Nyini ti, ye m susunma i am do n a, ka i ba kan kere am kabo ya kere ti barasu, na am ahore si.

⁹ I ni Onisimo suba a. Yiri mmoo ti ya niwa bo ya koro i wo, i bita nahore fa ko i juma su, i ti am be wo. Bu bá kan deke kere bo i suyo fen kere am.

¹⁰ Arisitakusi bo m ni yiri kere wo dansaraka nu fen ni, bisa am kere dongu. Banabasi niema Marako gusu bisa am kere dongu. Ma du mo ase am kabo am yo barasu, ka i baari, am de i ni am saa nnyo. ¹¹ Yesu n bo bu kaaki fere i ka Jusitosi n gusu bisa am kere dongu. Bere mine nsan n ngumi ti m lamoko Yudafom bo ba yo yarada, na m ni bere sanja yo Nyeme femeya n nu juma n a. Bu ti minem bo bu ma m ahoresi. ¹² Ipafarasi gusu bo i ti am be na i ti Kristo akoo n bisa am dongu. Sanja kere i sere Nyeme ni anyumboro ma am wo, adena am la jinakunsu na am su Nyeme ni nahore, na am yarada yo biiwa, na am de i nanie ni kabo Nyeme koro n kere. ¹³ Mini mmoo ni m tii koro di i daani, kabo i yi anyumboro yo juma ma ambere, ni Lawodikayafom, ni Herapolisifom barasu. ¹⁴ Luka bo ya koro i na i ti dokotie ni, i ni Demasi kere bisa am dongu.

¹⁵ Am bisa ya ninbaam kere bo bu wo Lawodikaya ni, ni Nimfa, ni Kristo jama n kere bo bu nati tien bu nɔɔ i dika n dɔŋgu. ¹⁶ Nzen am kaanri ahin kadasi n wieeri, am yo anie na am fa ma Lawodikayafom na bu gusu kan i. Na am boro am nyi na am gusu kan m kadasi n bo bere Lawodikayafom fa ma am ni. ¹⁷ Am se Akipusi ka i boro i nyi, na i yo juma n bo Mibie n fa maari i ni, na i wie i.

¹⁸ Mini Pɔɔlu ni m tii sufa m saa sukere ahin kerewa n bisa am dɔŋgu a. Má am ma am wara fi ka m wo dansaraka nu wɔ. Nyeme buka am kere.

Pɔɔlu kadasi ciciri su bo i kerɛ fa maari TESALONIKAFOM ni

¹ Mini Pɔɔlu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme ni ya Mibie Yesu Kristo dee minem ni. Nyeme buka am, na i ma am ahoreda.

Kabo Tesalonikafom woowa ni bu yarada tiiri barasu ni

² Saŋga kere ya da Nyeme asi ambere kere dee ti wo, na ya susere Nyeme ma am, ³ na ya sutenge am su ya Si Nyeme do, kabo am fa am yarada fa yo juma barasu ni, ni kabo am la koro, na am fa yo juma barasu ni, ni kabo am bita am tama n kenken fa ko ya Mibie Yesu Kristo do ni. ⁴ Ya ninbaam, Nyeme koro am, na ya si ka wo yi am ka am yo i tienngu dee minem, ya si ka i ti so o, ⁵ dama saŋga bo ya kaanri labari kpa n kereeri am ni, wo ti ma noanie jooowa ngumi wo, ama, i fite Awiewie Casi n dee yiko n nu wo, ye am siiri tenle su ka i ti nahore a. Saŋga bo ya woori am do ni, am nuuri kabo ya wo tiiri barasu, i fiteeri ka ambere dee ti ye ya woori so a, adena i buka am. ⁶ Na am ason ya ni Mibie n dee wo n su, haari ni bo am diiri wahara agaya n kere ni, am deeri labari kpa n wo, ni ahorejo n bo i fite Awiewie Casi n do ni. ⁷ Am nyini wo n ti, yaradayofom kere bo bu wo Makedoniya ni Akaya aworem n nu anu ka i ti ye ni ka bu son am su. ⁸ Ma ka Makedoniya ni Akayafom tiiri Mibie n labari n fiteeri am do n ngumi, ama, yarada n bo am yoori Nyeme ni, i jore abara aye deke kere. Nyini ti, ya la ma jore be bo ya kan kun. ⁹ Nyini minem n kere kan kabo am deeri ya barasu, saŋga bo ya baari am do ni, ni kabo am kaakiiri am sin boori amem na am su Nyeme bo i ti nahorefona i wo bere saŋga kere ni, ¹⁰ na am nminda i Wa Yesu, yiri fite Nyeme do angoro ba a, yiri ye Nyeme atenge i yiwee n nu n a, yiri yi ya fite jina ceen dee kekereke n nu a.

2

Kabo Pɔɔlu yoori i juma Tesalonika mie kpiri n nu barasu ni

¹ Ya ninbaam, ambere mmoo ni am tii si ka, ba n bo ya baari am do ni, wo ka ma ngbeen. ² Am si kabo bu boori ya, na bu wuraari ya nyinse Filipiya mie kpiri n nu ka, ye ya nya baari am do Tesalonika a. Ama, na Nyeme ama ya

ahoresi na ya koro akan i labari kpa n akere am, haari ni bo mine dɔŋgu asoro má ya su mmɔɔ ni. ³ Nɔɔnie n bo ya kan kereeri am ni, i ti má ka ya mini atin wɔ, wara i ti má ka ya la sunsunni tie be wɔ, i sa su ti má ka ya koro ka ya dadaka be wɔ. ⁴ Ama, sanɔa kere ya jɔjɔri kabo Nyeme koro n wɔ, dama yiri jina ya sin a, ye wɔ fa labari kpa n ama ya ka ya kan i. Ya yo má ka i sun adamande nu wɔ, ya yo ka i sun Nyeme nu a, dama yiri fiiti si deke bo i wo ya ahore su a. ⁵ Am si tenle su ka ya ba abo má am anɔɔfie wɔ, na ya ba akan má labari kpa n ka ya nyunu aboro nenɔge kpini su wɔ. Nyeme wo ya daani, ⁶ ya yo akoro má kansi am dɔ, wara be dɔ. ⁷ Má kabo ya ti Kristo jaramasam ni, má ya koro se am ka am yo deke kere ma ya. Ama, sanɔa bo ya woori am dɔ ni, ya woori benle wɔ, kabo bara baawufɔ nie i nbaam dika n wɔ. ⁸ Koro bo ya fa koro am n deɛ ti, ye ya kaanri Nyeme labari kpa n maari am a, na ya gusu akun ya ŋu ama am, dama ya koroori am agaya n deɛ ti. ⁹ Nahɔre, ya ninbaam, am tenɔge su kabo ya boroori ya nyi yoori juma nahɔre su, ya yoori juma wiesu, ni kɔŋgue, adena má ya fa ya fie fie be, sanɔa bo ya kaanri Nyeme labari kpa n maari am ni.

¹⁰ Ambere yaradayofɔm ni, am ni Nyeme mmɔɔ kere wo ya daani, kabo ya wo tiiri, sanɔa bo ya woori am dɔ ni. Ya woori am dɔ ni akunnu fofoe wɔ, na ya sa kere akɔ atin n su, ya yo má sa be bo i fa jaraki ba. ¹¹ Am si ka sanɔa bo ya woori ni ambere ni, ya bitaari am kabo sɔnɔ bita i nbaam n wɔ. ¹² Ya maari am ahoresi, na ya dada am ahore, na ya ye am nyi ka am wo kabo i ti ye ni ka Nyeme minem wo barasu n a. Yiri fereeri am a, ka, am ba yo i deɛ minem bo i nie am dika, na am bá nya i deɛ jirima ni.

¹³ Na ya gusu da Nyeme asi sanɔa kere, dama sanɔa bo am deeri Nyeme nɔɔnie n bo ya kan kereeri am ni, am ade má i ka i fite adamande dɔ ɔ, ama, am ade i ka i ti Nyeme nɔɔnie wɔ, na i ti sɔ ɔ nahɔre su, ye i wo ambere yaradayofɔm ahore su yo juma a. ¹⁴ Ya ninbaam, sam bo bu yo tuuri Kristo jamam bo bu wo Yudiya asien n su ni, nyini sam ye ba tu ambere gusu n a. Kabo am tienɔgu minem akere am wahara barasu ni, sɔ ye Yudafɔm yo fa kereeri Kristo jamam n a. ¹⁵ Bere kuunri Nyeme nɔɔnie kanfɔm ye bu kaaki kuunri ya Mibie Yesu, na ba kere ya wuwuruwa, na ba yo sa bo i sun má Nyeme nu, na ba yo adamande kere kpɔfɔm. ¹⁶ Na ba koro ka bu kanda ya ka má ya kan Nyeme nɔɔnie n kere minem bo bu ti má Yudafɔm ni, adena má bu nya tiide. Na nyini satie n aba abuka bu satie n kere su akɔ asin su. Ama, kisa, Nyeme afa yaa bu ŋu, i sudi bu jɔre.

Kabo má Pɔɔlu koroori ka i kɔ nie Tesalonikafɔm busu ni

¹⁷ Ya ninbaam, san̄ga bo ya kpaaki yakiiri am kaan so ni, ya sunsunni yiri woori am do o, na ya wara ado am agaya, na ya boro ya nyi ka ya ba nie am busu. ¹⁸ Má ya koroori ka ya kpie ya nyi ba am do. Haari na mini Poolu ni m tii akoro ka m kpie m nyi ba am do, kpe nyenyε kere, ama, Sitana akanda ya. ¹⁹ Ya koro ka ya kpie ya nyi ba am do, dama san̄ga bo ya Mibie Yesu bá kpie i nyi ba ni, ya lá ahoresi amberε deε ti, na ya lá ahorejo, na ya káaki koro fo ka ya nya teremasu i do. ²⁰ Nahore, amberε ti, ye ya la ahorejo koro bo ya hoe n a.

3

¹ Kabo ya ni amberε akpaaki ace n deε ti, ya wara ado am agaya, nyini ti, ya ŋa yeε ka Atensi mie kpiri n nu. ² Na ya sunma ya niwa Timoti ka i ba nie am busu. Ya ni yiri san̄ga yo juma fa ko Kristo labari kpa n kan su, ye ya sunmaari i ka i ma am nya ahoresi, na i ma am jina kenken fa ko am yarada n su. ³ Adena má am be ŋunie yoroki i fa ko ahin wuwuruwam bo bu sukere am n ti. Amberε mmoo ni am tii si ka, nyini sam bo bu tú yeε yaradayofom ni, Nyeme koroowa lee. ⁴ Dama san̄ga bo ya toko wo am do ni, ya yo seeri am ka bu bá kere ya wuwuruwa. Kabo am si ni, nyini lee ye wo tu ya n a. ⁵ Nyini ti, ma koro amindi má, ye m sunmaari Timoti na i ba nie ka am toko bita am yarada n kenken n a. Beni, kisa Sitana akoro anya atin adadaka am, wo ma ya juma n bo ya yo i am do n kere aka ngbeen.

⁶ Ye kisa, Timoti akpie i nyi afa labari aba ama ya fa ko kabo am yarada, ni am koro n ti barasu. Wo se ya ka am la sunsunni kpa fa ma ya san̄ga kere, na am koro ka am ŋu ya kabo ya gusu koro ka ya ŋu am ni. ⁷ Nyini ti, ya ninbaam, haari ni bo ya wo kekereke nu na ya sudi wahara n kere ni, am yarada n ama ya ahoresi. ⁸ Na nzen am jinaari kun su, fa ko Mibie n deε atin n su, ya koro da na ya daafi. ⁹ Kisa ya si má kabo ya da Nyeme asi fa ma am mmoo, fa ko ahorejo bambaka n bo wo fa ama ya, am deε ti. ¹⁰ Kongue ni wiesu kere ya sereeri Nyeme nahore su wo, ka, i ma ya ba ŋu ya ŋu, na ya kere am dekem bo i kpie am su fa ko am yarada n su.

¹¹ Ya sere ya Si Nyeme, ni ya Mibie Yesu ka bu teke atin ma ya, na ya koro ba am do. ¹² Na ya sere Mibie ni, ka, i ma am la koro buka su, na am fa koro am ben̄gu ni minem kere ko sin su, kabo ya gusu koro am ni. ¹³ Na i ma am nya ahoresi, na am jina kenken, na am ba yo mine casim bo be koro jaraki má am, ya Si Nyeme do, san̄ga bo ya Mibie Yesu bá baari ni i tien̄gu minem kere ni.

4

Kabo ya wo wo bo i sun Nyeme nu barasu ni

¹ Ya ninbaam, ya yo kereeri am kabo i ti ye ni ka am wo barasu na i yo Nyeme fie. Ya si ka am wo nyini wo n wo nahore su. Ama, ya sere am jande wo, ya Mibie Yesu duma n nu, ka, am wo wo bo i ko tara so. ² Dama am si noanie n bo ya Mibie Yesu fa maari ya na ya gusu fa maari am ni. ³ Nyeme koro ka am wo wo casi wo, na ma be yo sakaraya. ⁴ I ti ye ni ka bieso kere ni i yi tara bu nu, na bu wo wo bo i ti casi na i la kansi. ⁵ Ma am ma am konviki wo sakaraya sereya nu kabo minem bo bu su ma Nyeme n yo ni. ⁶ Kabo i nya ti so ni, ma Kristo susufo be se ka i bu i niwa Kristo susufo ngbeen fa ko nyini sam su. Ya yo seeri am wo ni nahore kekereke, ka, sono kere bo i yoori so, Mibie ni cin i mi sui. ⁷ Nyeme fereeri ya ka ya wo wo bo i ti casi wo, i koro ma ka ya fa ya nu wura sakaraya sereya n nu. ⁸ Nyini ti, sono kere bo i keteeri ahin kereewa ni, i ti ma ka i sukete adamande wo, ama, i sukete Nyeme wo, yiri ma am i Awiewie Casi n a.

⁹ To, fa ko kabo am koro am ninbaam ni, ya la ma jore be bo i ti ye ni ka ya kere ma am, dama Nyeme akere ambere ni am tii kabo am koro am bengu barasu. ¹⁰ I ti nahore wo, ka, am koro ya ninbaam kere bo bu wo Makedoniya awore n nu ni. Haari ni nyini mmoo, ya susere am wo, am koro bu koro bo i ko tara so. ¹¹ Am yo anie na am wo benle, na am nie am tienngu juma bo am yo i, na am fien anjuye na am di, kabo ya du mo seeri am ni. ¹² Nzen am yoori so, nyini ma minem bo bu nya yo ma Yesu yarada n bu am a, na am nie ma be anyumbaa fa ko am sa koroowa su.

Kabo Mibie ni ba kpie i nyi ba n jore

¹³ To, ya ninbaam, ya koro ka am si deke bo i ti nahore fa ko minem bo ba wu n do, adena ma am ahore saaki ka minem bo bu la ma tama be ni. ¹⁴ Ya yo yarada ka Yesu wuuri wo na wo tenge bekun, nyini ti, ya kaaki la yarada ka Nyeme tenge minem bo bu yoori Yesu yarada na ba wu ni, na i ma bu su Yesu su ba. ¹⁵ Kereewa bo ya sufa kere am kisa n fite Mibie n do o, ka, yere bo ya toko la ngoo ni, ceen n bo Mibie n ba baari ni, yere, ya du ma bere n bo ba wu n mo. ¹⁶ Dama Mibie n ni i tii ba fite angoro n nu jura na i ma noo, na Nyeme mereke kpien n tien, na bu kan Nyeme awie ni. Na minem bo bu yoori Yesu yarada na ba wu n du mo tenge bu yiwee n nu. ¹⁷ Nyini sanja, na Nyeme fa bere, ni yere bo ya toko la ngoo ni, na ya kpa Mibie n atin angoro yinyingu n nu. Na ya ko wo Mibie n do sanja kere. ¹⁸ Nyini ti, am fa ahin noaniem fa si am bengum ahore.

5

¹ Ya ninbaam, fa kɔ sanɔa n bo Mibiɛ ni bá ba ni, ya la má jɔɛ be bo i ti ye ni ka ya kɛɛ ma am fa kɔ nyini sanɔa n su kun. ² Dama ambɛɛ mmɔɔ ni am tii si tenle su ka cɛɛn n bo Mibiɛ ni bá kaaki ba ni, i yó kabo awiefɔ ba kɔŋɔɛ ba wɔ n wɔ. ³ Sanɔa bo minɛm ba suse ka tanalaifɛ ni ahoreda wo bɛɛ ni, nyini sanɔa n nu ye kekereke kába ba tu bu a, kabo bara ba kutu ka i wu baa na i ti barasu ni. Nyini kekereke ni, sɔnɔ be kóro fite má nu. ⁴ Ama, ambɛɛ, ya ninbaam ni, am wo má awosin nu bo Mibiɛ n ba cɛɛn ni bá fura am nu, kabo awiefɔ ba fura sɔnɔ nu na i wɔ n wɔ. ⁵ Ambɛɛ kɛɛ ti minɛm bo am wo wein n nu wɔ, kabo wiesu ti ni. Ya wo má kɔŋɔɛ nu, wara awosin nu. ⁶ Nyini ti, má am ma ya daafi kabo nyingam daafi ni, am ma ya nyunu wo su na ya tara ya ŋu. ⁷ Kɔŋɔɛ ye minɛm daafi a, kɔŋɔɛ gusu ye minɛm nu nzan bo a. ⁸ Ama, yɛɛ wo wein nu wɔ, nyini ti, am ma ya tara ya ŋu, na ya fa yarada ni koro fa kanda ya ŋu ka bulaari pɛpɛɛɛ bo ya fa kanda ya hoe su, na ya fa ahoresi ka ya nya tiide yo ka bulaari kere bo ya fa butu kanda ya tii. ⁹ Dama Nyɛmɛ ayi má ya ka i fá yaa na i cin ya sui wɔ, ama, i yiiri ya ka ya nyá tiide, ya Mibiɛ Yesu Kristo dɛɛ ti wɔ. ¹⁰ I wuuri yɛɛ dɛɛ ti wɔ, na sanɔa bo i bá ba ni, nzen ya la ŋɔɔ o, wara nzen ya wu wɔ o, ya ni yiri sánɔa wo a. ¹¹ Nyini ti, am ma am bɛŋɔ ahoresi, na am buka am bɛŋɔ na am kɔ mɔ ni am nyɛmesu ni, kabo kisa na am suyo ni.

Fɔtu jɔɛ

¹² Ya ninbaam, ya sere am wɔ, ka, am bu mɔfɔm ni, bɛɛ bo bu yo Nyɛmɛ juma ni anyumboro ma am ni, na bu nie am su, na bu kere am Nyɛmɛ atin ni. ¹³ Am ma bu jirima nahɔɛ su, ni koro, fa kɔ bu juma n bo bu yo i n dɛɛ ti. Am ma tanalaifɛ wo am ni am bɛŋɔm dɔ.

¹⁴ Ya ninbaam, ya kaaki sere am wɔ, ka, am bɔbɔ nviɛyafɔm ni, na am ma sɛɛfɔm n ahoresi, na am buka daburukafɔm ni, na am fa sawɔɛ ni sɔnɔ kɛɛ. ¹⁵ Má be se ka i fa i bɛŋɔ satie bo i yo i fa tɔ i mi kaari, ama, sanɔa kɛɛ am ma am sunsunni la ka, am yo sakpa ma am bɛŋɔm ni sɔnɔ kɛɛ.

¹⁶ Am ma am ahore jɔ, sanɔa kɛɛ, ¹⁷ na má am se ka am yaki am nyɛmɛsere, ¹⁸ na am da Nyɛmɛ asi, haari fa kɔ sa kɛɛ bo i tu am. Kabo Nyɛmɛ koro ka am yo lɛɛ, dama am ni Yesu Kristo ayo kun n ti. ¹⁹ Má am kanda Awiewie Casi ni, am ma i yo i juma. ²⁰ Nɔanɛ bo minɛm deerɛ i Awiewie Casi n dɔ kan kereeri am ni, má am bu i ŋgbɛɛn, ²¹ ama, am

fiiti i kere nu na am nie, na am de bo i ti kpa ni, na am su i su, ²² na am kete sa ηgbεηηgbεη kere pepere.

Awieeri su δεε anse yoowa

²³ Ya sere Nyεμε, yiri n bo i ma ahoreda n ka, i ηmisi am ahorembaa, ni am ηunie, ni am sunsunni kere casi, adena am wo wo bo fin be mata má am, haari fa kɔ ju sanja bo ya Mibiε Yesu Kristo bá kpie i nyi ba ni. ²⁴ Yiri bo wo fere am ni, yiri la dabuηu, i yó nyini sam n kere.

²⁵ Ya ninbaam, am sere Nyεμε ma ya gusu, ²⁶ na am bisa ya ninbaam kere dɔηgu ni koro. ²⁷ M susere am wo, am nie Mibiε n ti, na am kan ahin kadasi n kere ya ninbaa yaradayofom n kere na bu ti.

²⁸ Ya Mibiε Yesu Kristo buka am.

Poolu kadasi nnyo su bo i kere fa maari TESALONIKAFOM ni

¹ Mini Poolu, ni Silivanusi, ni Timoti sukere ahin kadasi n ma ambere Kristo jama n bo am wo Tesalonika mie kpiri n nu na am ti ya Si Nyeme, ni ya Mibie Yesu Kristo dee minem n a.

² Ya Si Nyeme ni ya Mibie Yesu Kristo buka am, na bu ma am ahoreda.

Kabo Yesu ba di minem jore barasu ni

³ Ya ninbaam, wo yo daka ka ya da Nyeme asi, ambere ti, sanja kere. Atin wo nu ka ya yo so, dama am yarada n buka su wo nahore su, na koro bo am koro am benju n gusu subuka su so o. ⁴ Nyini dee ti, ya fa am fo so o, deke bo Kristo jamam wo kere. Ya fo fa ko kabo am ayo yarada na am la mindi fa ko wuwuruwa n kere bo minem sukere am, ni wahara n kere bo am wo i nu ni. ⁵ Nyini kere ka Nyeme di minem jore ni i nahore atin su a, na i se ka ambere ti ye ni ka am wura i femeya n nu a, wahara n bo am adi i n dee ti. ⁶ Nahore, Nyeme yo sa bo i ko atin su wo, i ma minem bo bu sukere am wahara n gusu di wahara, ⁷ na i ma ambere bo am sudi wahara n ni yere kere nya ya nu. Nyini sam kere ba yo so sanja bo ya Mibie Yesu ba fite angoro ba ni i merekem, ni bu yiko bambaka ni, ⁸ ni sin, na i ba cin minem bo ba kete Nyeme n sui, ni bo ba de ma ya Mibie Yesu labari kpa ni. ⁹ Nyeme cin bu sui haari bu duma ba bo ma, na bu nu ma Mibie ni, ni i yiko bambaka ni. ¹⁰ Nyini ceen n bo i ba baari n ye i minem kere wura i kpiri a, na nyini minem kere bo bu yo i yarada n ma i jirima. Ambere mmoo wo nyini minem n nu, dama am ayo labari n bo ya fa maari am n yarada.

¹¹ Nyini dee ti, ye ya sere Nyeme ma am sanja kere n a. Ya sere i ka i ma am wo wo bo i ti ye ni ka i dee minem bo wo fere bu n wo ni. Na ya kaaki sere i ka i fa i yiko n buka am, na am yo am kunnu koroowa, ni juma kere bo i ti kpa ko wie. ¹² Nzen am nya yoori so, nyini ma minem ma ya Mibie Yesu duma n jirima a, am dee ti, na i gusu ma am nya jirima. Nyeme ni ya Mibie Yesu Kristo dee ahoroma n ma i yo so a.

2

Sonotie n jore

¹ Tɔ, ya ninbaam, m sujɔɔ am dɔ fa kɔ ya Mibiɛ Yesu Kristo ba n su wɔ, ni kabo ya tɛn ya nɔɔ na ya ni yiri kɔ ye n wɔ. Ya sere am wɔ, ² ka, má am kaaki am sunsunni wara am birisi, dama nbem ɛa Mibiɛ n adu mɔ aba asin n dɛɛ ti. Haari nzen be ɛa wɔ de nɔanɛ Nyɛmɛ Awɛwɛ Casi n dɔ, wara nzen be jɔjɔori nyini jɔrɛ n sɔ, wara nzen be seeri ka yere akere i kadasi n nu ase sɔ a, má am de i. ³ Má am ma be dadaka am fa kɔ deke be su fieo, dama nyini cɛɛn ni bá má, má ka sanɔa n bo minem dɔngɔ bá kete ka bu su má Nyɛmɛ ni, na sɔnɔtɛ n bo i bu má ka pui wo bere n nyá yi i ɛu fite fofoe nu, yiri n bo Nyɛmɛ fá i ji cɛɛma sin n nu ni. ⁴ I kéte deke kere bo bu fere i ka Nyɛmɛ, ni deke kere bo adamande kutu su i, na i kére i ɛu ka i tara bere kere pepere. Haari na i kɔ wura tana Nyɛmɛ Sereebiri Awuru n nu, na i sé ka yiri ti Nyɛmɛ a. ⁵ Am tenge má su ka sanɔa bo m woori am dɔ ni, m yo seeri am ahin jɔrem kere, nzen se? ⁶ Kisa, am si deke bo i kanda i na wɔ nya ba má ni, má ka sanɔa n aju bo i yí i ɛu fite fofoe nu. ⁷ Ama, sɔnɔtɛ n bo i bu má ka pui wo bere ni, yiri suyo i asiri nu juma wɔ kisa, má ka yiri n bo i kanda i ni, aba acin ayaki atin ni. ⁸ Dɔ na sɔnɔtɛ n nyá yi i ɛu fite fofoe nu, ama, sanɔa n bo ya Mibiɛ Yesu bá ni, na i fíta kun i, na i baawa n dɛɛ wein n gusu yó i ɛgbɛɛn. ⁹ Tɔ, kabo sɔnɔtɛ ni bá ba n yaa. I bá ni Sitana dɛɛ yiko n na i bá yo alekutura sam beberebe fa dadaka minem ka nyini sam fite Nyɛmɛ dɔ ɔ, ¹⁰ na i bá bu kɔrɛ ɛgbɛɛnɛgbɛɛn barasu barasu dadaka minem bo bu ɛɔɔ ka ɛgbɛɛn ni. Bu ɛɔɔ ka ɛgbɛɛn, dama ba koro má ka bu su atin n bo i ti nahɔrɛ n su na bu nya tiide. ¹¹ Nyini ti, na Nyɛmɛ tá bu nyi, adena bu yó deke kere bo i ti kɔrɛ n yarada. ¹² Nyini minem sɔ, bo ba yo má nahɔrɛ n yarada ni, ama, na ba fa satieyo acici bu tii ni, Nyɛmɛ dí bu jɔrɛ na i cín bu sui.

Kabo Nyɛmɛ ayi am ka am nya tiide ni

¹³ Ya ninbaam, ambere bo Mibiɛ n koro am ni, wɔ yo daka ka ya da Nyɛmɛ asi ambere dɛɛ ti sanɔa kere, dama fite bumboori n ye Nyɛmɛ yiiri am ka am nya tiide a. Deke bo i ma am nya tiide n la ka, Awɛwɛ Casi ni ma am yo Nyɛmɛ mine casim a, na am bita nahɔrɛ atin, na am yo yarada. ¹⁴ Labari kpa n bo ya kan kereeri am na am deerɛ n dɛɛ ti, ye Nyɛmɛ fereeri am ka am nya tiide a, na am nyá ya Mibiɛ Yesu Kristo dɛɛ jirima woowa n be. ¹⁵ Nyini ti, ya ninbaam, am bita nahɔrɛ atin n kenken, bo ya kaanri i na ya kereeri i maari am ni, má am kaaki am sin bo i. ¹⁶ Ya sere ya Mibiɛ Yesu Kristo ni i tii, ni ya Si Nyɛmɛ, yiri bo i koro ya, na i dɛɛ ahɔrɔma n nu, na wɔ ma ya ahoresi sanɔa kere, ni tama

kpiri ni, ¹⁷ ya sere bu ka bu ma am ahoresi buka su, na bu ma am fan̄ga, na am yo sakpa, na am jɔjɔ jɔrɛ bo i kɔ atin su san̄ga kerɛ.

3

Am sere Nyemɛ ma ya

¹ Ya ninbaam, jɔrɛ bo wɔ ka n la ka, am sere Nyemɛ ma ya, na Mibiɛ n labari kpa n sandi bara yɛ ndende na bu de i ni jirima, kabo am deeri i ni. ² Am kaaki sere Nyemɛ, na i yɛ ya fite mine tiɛm saa nu, dama mǎ sɔnɔ kerɛ yo labari kpa n yarada a. ³ Ama, Mibiɛ n la dabuɔ, yiri mǎ am fan̄ga, na i yó am kanda bo Sitana koro yo mǎ am pui. ⁴ Ya Mibiɛ n ama ya ahoresi ka am suyo deke n kerɛ bo ya ma am nɔɔ ka am yo i ni, am kɔ su suyo i san̄ga kerɛ. ⁵ Ya sere Mibiɛ n ka i ma am si kabo Nyemɛ koro am barasu, ni kabo Kristo mindiiri barasu ni.

Wɔ yo daka ka sɔnɔ kerɛ yo juma

⁶ Ya ninbaam, ya maari am nɔɔ ya Mibiɛ Yesu Kristo dɛɛ duma n nu ka, mǎ am fa am ɲu gɔ ya ninbaam bo bu koro mǎ ka bu yo juma, na bu ti nviɛyafom n ɲu, ba kete ka bu su mǎ nɔaniɛ n bo ya fa maari am n su lɛɛ. ⁷ Amberɛ ni am tii si tenle su ka, i ti ye ni ka am yo kabo ya yo ni. Am si ka san̄ga bo ya woori am dɔ ni, ya yo ti mǎ nviɛyafom. ⁸ Ya di mǎ sɔnɔ be diire ɲgbɛɛn. Ama, ya yoori juma wɔ nahɔrɛ su, wiesu ni kɔɲgue, adena mǎ ya bo be kaari. ⁹ Ya yoori sɔ ni, i ti mǎ ka ya la mǎ atin bo ya se ka am buka ya a, ama, ya yoori sɔ, adena am ɲu i na am gusu sɔn ya su wɔ. ¹⁰ San̄ga bo ya woori am dɔ ni, ya maari am ahin nɔɔ ni, ka, sɔnɔ kerɛ bo i kete ka i yo mǎ juma, mǎ am ma i na i di. ¹¹ Mǎ pui ti ye ya se sɔ a, dama ya ti labari ka am nbem wo bɛrɛ bo bu ti nviɛyafom wɔ, bu yo mǎ juma be, se bu nati ɲgbɛɛnɲgbɛɛn wɔ, na bu sufa bu nɔɔ bɔ minɛm jɔrɛ nu. ¹² Nyini ti, ye ya sutu bu fɔ ni anyumboro su ya Mibiɛ Yesu Kristo dɛɛ duma n nu n a, ka, bu yo aniɛ tara bu ɲu, na bu yo juma na bu koro bita bu ɲu. ¹³ Ama, ya ninbaam, amberɛ yiri, mǎ am ma am ɲunie yɔrɔki am ni sakpayo. ¹⁴ Sɔnɔ kerɛ bo i keteeri nɔaniɛ n bo ya kerɛ i ahin kadasi n nu afa ama am ni, am yi kɔrɛsi na am si i mi. Mǎ am dodo i mi, adena nyinɛ ti i. ¹⁵ Ama, mǎ am fa i mi yo am kpɔfɔ, am tu i fɔ ka am niwa a.

Awieeri su dɛɛ anɛ yoowa

¹⁶ Ya sere Mibiɛ n ni i tii, yiri bo i ma ahoreda ni, ka, i ma am ahoreda san̄ga kerɛ fa kɔ deke kerɛ nu, na i wo am kerɛ dɔ.

¹⁷ Mini Pɔɔlu ni m tii sufa m saa sukere ahin kereewa n bisa am dongu a. Kabo sanga kere na m kere lee. ¹⁸ Ya Mibiɛ Yesu Kristo buka am kere.

Pɔɔlu kadasi ciciri su bo i kɛrɛ fa maari TIMOTI ni

¹ Mini Pɔɔlu sukɛrɛ ahin kadasi n a. M ti Yesu Kristo jaramasa a, Nyɛmɛ bo i ti ya Tiidefɔ ni, yiri ama m nɔɔ ka m yo nyini juma n a, i ni Yesu Kristo bo i ma ya tama ni.

² M sukɛrɛ ahin kadasi n ma wɔrɔ Timoti wɔ, a ti ka m wa a nahɔrɛ su, dama mini ni wɔrɔ yo yarada kun wɔ. Ya Si Nyɛmɛ, ni ya Mibiɛ Yesu Kristo buka u, na bu si u aɲunfɔ, na bu ma u ahoreda.

Am si am ŋu sa ni minɛm bo bu kereewa kɔ má atin su ni

³ M koro ka a wo Efeso miɛ kpiri n nu, kabo sanɓa bo m sukɔ Makɛdoniya dɛɛ awɔrɛ n nu na m seeri u ni. Mine nbem wo dɔ bo bu kereewa kɔ má atin su, i ti ye ni ka a ma bu nɔɔ ka bu yaki nyini kereewa ni. ⁴ Se bu na bu yaki kɔrɛ jɔrɛm, ni nana dumam beberebe ni. Nyini jɔrɛm fa akuruwa ba a. Bu koro buka má sɔnɔ na i yo deke n bo Nyɛmɛ koroori ka i yo i. Be koro yo má kabo Nyɛmɛ koro, má ka i mi ayo i yarada. ⁵ Deke n bo i ti na m maari u ahin nɔɔniɛ n la ka, i fa koro ba a, nyini koro n fite ahorembaa fofɔe wɔ, ni sunsunni kpa, ni yarada nahɔrɛ su. ⁶ Nyini mine n nbem amini ahin kereewam ni, na bu subo anzama ŋgbɛɛnŋgbɛɛn. ⁷ Bu koro ka bu yo Nyɛmɛ nɔɔniɛ kerefɔm, bu kan i ni ahoresi wɔ, ama, bɛrɛ ni bu tii si má bu tienɓu nɔɔniɛ jɔjɔwa n bu.

⁸ Ya si ka Nyɛmɛ nɔɔniɛ kpamaawa ni ti kpa a, nzen ya bitaari i kabo i ti ye ni ka ya bita i ni. ⁹ Ya kaaki si nu ka, ba fa má nɔɔniɛ kpamaawa n ase má sakpayofɔm n ti wɔ, ama, ba fa ase ama minɛm bo bu ma má Nyɛmɛ nɔɔniɛ kpamaawa n jirima n wɔ, ni bo bu kete i ni, ni bo bu soro má Nyɛmɛ ni, ni bo bu nati yo satie ni, ni bo bu woowa ti má casi ni, ni bo bu bu Nyɛmɛ ŋgbɛɛn ni, ni bo bu nati kun mine ni, ni bo bu kun bu nim ni bu sim mmɔɔ ni. ¹⁰ Fa kɔ bo bu nati yo sakaraya ni, ni bo bu nati fa bu ŋu kaaki ka nbaram na bu ni bu beɓgu nbiesɔm sanɓa da ka bara ni biesɔ dɛɛ su ni, ni bo bu tara minɛm fanɓa tɔ bu ni, ni bo bu bu kɔrɛ ni, ni bo bu di kɔrɛ daani ni, ni sa kɛrɛ bo i kɔ má kereewa kpa atin su ni, bɛrɛ kɛrɛ dɛɛ ti, ye ba fa nɔɔniɛ kpamaawa n ase n a. ¹¹ Nyini kereewa n fite Nyɛmɛ labari kpa n nu wɔ, bo Nyɛmɛ afa ama m ka m kan kere minɛm ni. Labari kpa n ti Nyɛmɛ kpiri n dɛɛ wɔ, yiri ti ye ni ka minɛm kansɩ i a.

Pɔɔlu daari Nyeme asi fa ko kabo Nyeme siiri i anjufɔ ni

¹² M da ya Mibiɛ Yesu Kristo asi ka, yiri ye wo ma m fanɔa, na m koro yo m juma n a. M da i asi ni kabo wo bu m ka m la dabuɔ, na wo yi m ka m su i ni, ¹³ haari ni bo m yo jɔjɔ wuraari i ngasi nu, na m kpɛɛri i nzuko, na m kereeri i wuwuruwa ni, ama, nyini n kere ni, Nyeme siiri m anjufɔ ɔ, dama m yo nya yo ma i yarada, nyini ti, m yo si ma sa bo m yo i ni. ¹⁴ Na yiri Mibiɛ n ama ma di i ahɔroma ako asin su, na wo ma ma yo i yarada na m koro minem, kabo ya ni Yesu Kristo ayo kun n deɛ ti. ¹⁵ Ahin noaniɛ n ti nahore wo, i ti ye ni ka sɔno kere de i ni bu saa nnyo, yiri la ka, Yesu Kristo baari durunya n nu ka i ba de satieyofom tii ji wo. Mini ti sɔno bo m satie taraari sɔno kere deɛ a. ¹⁶ Ama, Nyeme siiri m anjufɔ. I yoori so ɔ, adena Yesu Kristo koro kere kabo i la sawore beberebe ni mini bo m satie sunnu taraari sɔno kere deɛ ni. I yoori nyini so ɔ, adena i fa m fa kere minem bo bu ba ka sin ni, na bu yo i yarada nya ngoo bo i la ma awieeri ni. ¹⁷ Yiri ti Feme Kpiri a, na i femeya n la ma awieeri, i wo bere wo sanɔa kere, na be gusu koro nu ma i, yiri ngumi kpein ti Nyeme a, i ti ye ni ka minem kere kansa i na bu ma i jirima. Ami.

¹⁸ M wa Timoti, m sufa ahin noaniɛ n fa wura u saa n nu wo lee, i su kabo Nyeme noaniɛ kanfom du mo jɔjɔri i fa ko u do n su wo. Fa nyini noaniem ni yo ka u biesoya nenɔgem na a fa kun lue nyunyumi, ¹⁹ na a bita u yarada ni sunsunni kpa. Nbem akete ka bu fa ma sunsunni kpa na bu yo sa bo i ko atin su, nyini ti, bu yarada bo bu yo yoori i ni aka ngben. ²⁰ Bere nbem la Himenasi ni Alekizanda, bere ye ma fa bu awura Sitana saa nu ka i kere bu ngonle, adena bu sɔnsɔn kabo ma bu wura Nyeme ngasi nu kun.

2

Kabo i ti ye ni ka ya su Nyeme barasu ni

¹ Deke bo i du mo la ka, m susere am ni anyumboro wo, ka, am sere Nyeme ma minem kere, fa ko deke bo i ti bu mieɛwa su, na am da i asi fa ma sɔno kere. ² Sere Nyeme ma nfemem, ni bo bu wo yiko woobiri n kere, na ya koro wo ni tanalaifɛ, na ya woowa kere ka ya su Nyeme atin n su ni nahore, na ya wo jirima wo ni ya benɔu. ³ Nyini nyemesere n ti kpa a, na i sun Nyeme nu, yiri ti ya Tiidefo a. ⁴ Yiri koro ka sɔno kere nya tiide a, na bu si nahore atin ni. ⁵ Dama ya kere si ka

Nyeme kun n kpein wo bere a,

na sɔno kun be gusu wo bere

bo i yo adamande ni Nyeme afien donɔu a,

yiri la Yesu Kristo,

⁶ i wu maari adamande na i de bu kere tii ji.

Kabo i yoori so n kere ka, sanja bo Nyeme koro ka i de adamande kere tii ji lee. ⁷ Nyini ti ye Nyeme yiiri m ka m ba yo Yesu jaramasa, na m kan i labari kpa n kere minem bo bu ti ma Yudafom ni, na m kere bu kereewam bo bu ti nahore ni. M sukan nahore wo, m bu ma kore.

⁸ Deke kere bo Kristo jamam tien bu noo, m koro ka nbiesom ye bu saa su sere Nyeme. Nyini nbiesom ni, i ti ye ni ka bu nyemesu ko atin n su, na ma yaafa wara akuruwa be wo bu ahore su. ⁹ M koro ka nbaram gusu di sunguruya nyunyumi, bo i se su. I ti ma ye ni ka bu di bu tiijmie sunguruya ko sin su, na ma bu wura sika, wara aferem bo bu la go agaya, wara suturam bo bu la go agaya. ¹⁰ Ama, bu nyumi kere fite bu sakpa yoowa a, kabo i ti ye ni ka nbaram bo bu se ka bu su Nyeme atin n su n yo ni. ¹¹ I ti ye ni ka nbaram mo bu noo na bu yo bu nu benle, na bu so bu sui ti kereewam bo i ti ye ni ka bu sanson i ni. ¹² M soro ma su na bu kere nbiesom kereewam, wara bu la yiko nie nbiesom su. Bu dee la ka, bu mo bu noo. ¹³ Dama Nyeme du mo yiiri Adam wo ka, ye i nya ba yiiri Awa. ¹⁴ Ma Adam ye woo dadakaari i a, ama, i dakaari Awa wo, na wo kete Nyeme noanie ni. ¹⁵ Ama, nzen nbaram laari yarada, ni koro, ni wo casi, na bu bita bu nu nyunyumi sanja kere, bu nya bu tiide fite bu baawu nu.

3

Kristo jama n mafom ni bukafom jore

¹ Ahin noanie jooowa n ti nahore wo, ka, sono kere bo i boro i nyi na i yo Kristo jama n mafom, i mi koro juma kpa lee. ² Kristo jama n mafom ni, wo yo daka ka ma i la ngasi be, na i ja bara kun n kpein, na i bita i nu, na i la tarabuju, na i yo sa bo i la anyunuyi. I ti ye ni ka i de wofom, na i koro kere minem Nyeme noanie nyunyumi. ³ I ti ma ye ni ka i nu nzan agaya, wara i ti aluwa korofom, ama, i yo i nu benle, na i koro tanalaifie. I kaaki ti ma ye ni ka i koro njwaa agaya. ⁴ Wo yo daka ka i koro bita i awurufom nyunyumi, na i ma i nbaam de i noanie na bu ma i jirima deke kere nu. ⁵ Dama nzen sono koro bita ma i awurufom, i mi yo se koro bita Kristo jama n a? ⁶ I ti ma ye ni ka i mi ti Yesu susufom fofore, adena ma i wura i nu kpiri na Nyeme di i jore yo i ngbeen kabo i yoori Sitana ni. ⁷ Wo kaaki ayo daka ka i mi ti sono bo minem bo bu ti ma Kristo jama n nufom ma i jirima, adena, ma Sitana nya i taraabiri na i yo sa be bo i di nyinse.

⁸ I ti sɔ ɔ fa kɔ Kristo jama n bukafɔm gusu dɔ. Wɔ yo daka ka bu ti minem bo bu la anyunuyi, na má bu yo anɔ nnyɔ nnyɔfɔm, na má bu nu nzan agaya, na má bu nyunu boro ɲwaa kpini su. ⁹ Wɔ yo daka ka bu subita Kristo jama n kereewa n bo Nyemɛ ayi akere n kenken, na bu la má ɲgasi be bu sunsunni nu. ¹⁰ I ti ye ni ka bu du mɔ fiiti berɛ Kristo jama n bukafɔm ni na bu niɛ. Na nzen bu la má ɲgasi be, am ma bu yo bukafɔm n juma ni. ¹¹ I ti sɔ ɔ nbaram gusu dɔ. Wɔ yo daka ka bu ti minem bo bu la anyunuyi, na má bu susaaki mine duma. Wɔ yo daka ka bu bita bu ɲu, na bu la dabuɲu deke n kerɛ nu. ¹² Kristo jama n bukafɔ, i ti ye ni ka i ja bara kun n kpein, na i koro bita i nbaam, ni i dikafɔm nyunyumi. ¹³ Nyini bukafɔm bo bu yo bu juma na i kɔ atin su ni, bu kpini duma kpa ma bu ɲu wɔ, na bu kaaki koro jɔjɔ ni ahoresi kabo bu yo Yesu Kristo yarada ni.

Kereewa n bo Nyemɛ ayi akere Kristo jamam ni

¹⁴ Kabo m sukere ahin kadasi n ma u ni, m la tama ka m bá u dɔ kisa. ¹⁵ Ama, nzen haari ma ba aba má nde, ahin kadasi ni má a si kabo wɔ yo daka ka Nyemɛ minem wo ti barasu a. Berɛ ti Kristo jama n a, yiri n bo i wo berɛ sanɲa kerɛ n dɛɛm a, berɛ bita i kereewa n bo i ti nahɔrɛ n kenken a, kabo sɔɔ fa seewa n ni i jantaraka n bita i kenken ni. ¹⁶ Be koro kete má ka ya nyemɛsu atin n bo i wo asiri nu la má aɲusu, ka o,

“Na wɔ kaaki adamande ayi i ɲu fofoe nu.

Na Nyemɛ Awiewie Casi n akere ka wɔ yo sa bo i sun Nyemɛ nu.

Na Nyemɛ merɛkem aɲu i.

Na i susufɔm n akɔ aɔjɔ i jɔrɛ durunya n kerɛ nu.

Na durunya n nufɔm dɔɲgu ayo i yarada.

Na Nyemɛ afa i akɔ awo i bi aɲgoro, jirima kere woobiri ni.”

4

Nɔaniɛ barasu barasu bo Pɔɔlu fa maari Timoti ni

¹ Awiewie Casi n aɔjɔ wein ka, ahin awieeri su sanɲa n bo ya wo nu ni, mine nbem yáki bu yarada atin ni, na bu su ajnim bo bu dadaka minem su, ni bu kereewam ni. ² Nyini kereewam sɔ fite minem bo bu ti dadakafɔm na bu nati bu kɔrɛ n dɔ ɔ, bo bu sunsunni akaaki haari na bu yo satie mmɔɔ, na bu sunsunni ma má bu ka ba yo satie. ³ Nyini minem sɔ kere minem wɔ, ka, má bu ja ajaa, na má bu kaaki di diire barasu nbem. Ama, Nyemɛ ayi nyini diirem n ka ya di bu wɔ, nyini ti, yerɛ bo ya yo i yarada na ya si kabo nahɔrɛ atin n ti barasu ni, i ti ye ni ka ya sere Nyemɛ, na

ya da i asi ka, na ya nya di bu. ⁴ Deke kere bo Nyeme ayi i ti kpa a, deke be wo má bere bo ya kete i, ama, i ti ye ni ka ya de i na ya da Nyeme asi, ⁵ dama Nyeme noanie n ni nyemesere ma nyini diire n yo casi wo Nyeme do.

⁶ Nzen a faari ahin kereewam kere ya ninbaam ni, nyini kere ka a ti Yesu Kristo amusuisufo kpa. Nyini kereewam bo a du mo ade bu ni, na a yo bu yarada, na a si ka bu ti nahore, na a su bu su ni, bu ti ka diire bo i ma u fanga n wo. ⁷ Ama, kete jore ngbeenngbeen bo bu ko má Nyeme atin su ni, na a boro u nyi na a sonson sa bo i ko Nyeme atin n su nahore su. ⁸ Dama sa bo a boro u nyi yo i na i buka anuniembaa n fanga n la kpere kaan, ama, nzen a boro u nyi yo Nyeme dee atin n su sa, i la kpere beberebe, nyini ma a si ka a nya deke kpa kisa, na a kaaki nya deke kpa buka su fa ko fa ba. ⁹ Nyini noanie n ti nahore wo, bo i ti ye ni ka ya de i na ya yo i yarada. ¹⁰ Nyini dee ti, ye ya boro ya nyi, na ya yo juma ni nahore su, dama ya daafi Nyeme nu, yiri wo bere sangha kere a, yiri ti mine kere Tiidefo a, maala bo bu yo i yarada ni.

¹¹ Fa ahin kereewam n fa kere bu, na a ma bu su bu su. ¹² Má a ma be bu u ngbeen ka a ti gbefene n dee ti, ama, ma yaradayofom ni nu u sayoowam na bu son u su. Bere la u noanie jowo, ni deke bo a yo i, ni kabo a koro minem ni, ni u yarada n bo a la i ni, ni u woowa casi ni. ¹³ Yo anie na a sukan Nyeme Jore Kadasi n na Kristo jama n ti, na a sukan Nyeme jore, na a sukere minem Nyeme atin ni, na m nya ba. ¹⁴ Má a ma u wara fi aceeri n bo Awiewie Casi n fa maari u ni, sangha bo i noanie kanfom jowori na Kristo jama nkpienkpienm faari bu saa nanaari u nu sereeri Nyeme maari u ni, ma u cee wo i nu, na a fa i yo juma. ¹⁵ Yo ahin juma ni anyumboro na a fa u nu ma nyinim kere, adena minem kere nu kabo u nyemesu n ko atin su barasu. ¹⁶ Si u nu sa ni u kereewam ni. Ko su suyo ahin sam ni, dama nzen a nya yoori so, woro ni minem kere bo bu ti u noanie ni nya tiide.

5

Kabo i ti ye ni ka Kristo jama n mofa n bita i jama n barasu ni

¹ Má a tien kpien nu, ama, jowo i do kabo a jowo u si do ni, na a tu ngbefenem fo ka u ninbaam, ² na a fa nbara nkpienm yo ka u nim, na a fa tarawam ni nsungurum yo ka u ninbaam, na u ni bere wo ni ahorembaa casi.

³ Bita nkunafom bo bu la má bukafu be n ni jirima. ⁴ Ama, nzen kunafu la nbaam, wara anumam, i ti ye ni ka bu sunie

i dika kabo Nyeme koro ni. Nyini kere ka, bu sufa bu wufom nkato to bu kaari wo lee. Dama nyini n so yo Nyeme fie a. ⁵ Nzen kunafow i ngumi na i la ma bukafow be, wo fa i tama kere awura Nyeme saa nu lee. Na i susere Nyeme jande wiesu ni kongue ka i buka i. ⁶ Ama, kunafow kere bo i nati yo i kunnu koroowa, haari ni bo i la ngoo mmoo ni, i ti ka wo wu wo lee. ⁷ Fa ahin kereewam kere kere nkunafom, ni bu dikafom, adena ma be nu bu ngasi. ⁸ Ama, nzen be cee wo ma nu ka i nie i lamosim dika, maala i dikafom, i ti ka i mi akete Kristo atin n lee. Nyini sangga ni, sono bo wo yo ma yarada tara i mi co lee.

⁹ Kunafow kere bo wo nya ju ma afow aburasen, ma a kere i duma buka Kristo jama nkunafom su. Bekun, na i ti bo wo du mo aja biesow kun wo, ¹⁰ na minem di i daani ka i yo sakpa a, ma pui ti, i ti bo wo ta nbaam ataari kpa, na wo de wofom i dika, na wo yo i nu kaan ka i su Nyeme minem, na wo buka minem bo bu woori kekereke nu, na wo su amusui kpa.

¹¹⁻¹² Ama, nkunafom bo bu nyunu nya ti ma ni, ma a kere bu duma buka nkunafom n su, dama nzen ajaa konvi ba wuraari bu na bu koro ka bu kaaki ja ajaa, nyini sangga, sesesu bo bu faari i na bu diiri i di ni Kristo ni, bu koro su ma i su ni nahore su lee, bu yaki i wo, na bu kaaki bu sin bo Kristo lee. Nyini ti ye Nyeme di bu jore cin bu sui a. ¹³ Bekun, nyini ma bu koro ba yo nviyafom na bu ba sunati awuru awurum nu, i ti ma ka bu yo nviyafom ngumi wo, ama, na bu sukpara tere, na bu sufa bu noo suwura minem jore nu, na bu sujowo jorem bo wo ti ma ye ni ka bu jowo bu. ¹⁴ Nyini ti, mini do, nzen nkunafom toko ti tarawam, i ti ye ni ka bu ja na bu wu nbaam, na bu bita bu awurum, na ma ya kpofom koro nu ngasi be bo bu koro nya atin jowo ya ngbeengbeekabo bu koro. ¹⁵ Dama nkunafow nbem adu mo akete Kristo atin n asu Sitana su. ¹⁶ Ama, Kristo susufow bara kere bo nkunafom wo i dika, i ti ye ni ka yiri ni i tii nie bu dika, na ma bu fa bu fie fie Kristo jama n ni, adena Kristo jama n koro nie nkunafom bo bu la ma bukafow be fieo n su.

¹⁷ Kristo jama ni nkpienkpienm bo bu yo mofow juma nyunyumi ni, i ti ye ni ka bu nya bu nkato busu nnyo, maala bere bo bu yo bu juma ni anyumboro ka bu kan Nyeme jore na bu kaaki kere minem Nyeme atin n ni. ¹⁸ Dama ba kere i Nyeme Jore Kadasi n nu ka, "Nzen a bita toora subobo ngani, ma a cici i noo." Na ba kaaki akere ka, "I ti ye ni ka jumayofow nya i nkato." ¹⁹ Ma a se ka a de jore be bo ba kpie aso Kristo jama n bukafow n kpien be, ma ka mine nnyo, wara nsan adi jore n daani ka i ti nahore. ²⁰ Ama, bo bu yo satie

ni, se bu nahore jama n kere nyunu, adena nyingam kere soro sere. ²¹ M suma u noanie lee, Nyeme ni Yesu Kristo ni merkem kere nyunu, ka, a de ahin kereewam ni, na ma a fa tantambunu, wara ma a koro be tara be fa ko deke kere bo a yo i n su. ²² Ma a koro nde na a fa u saa nana sono be nu, na a sere Nyeme ma i mi ka i yo Nyeme juma, ma a ma u saa n wo be dee satie yoowa n nu. Ma u woowa yo casi.

²³ A la ma laifie sangga sangga n dee ti, ma a nu nzue ngumi, ama, nu nzan mmoo kaan, na i buka u fa ko akunnuyaari n bo i yaki ma u ni.

²⁴ Mine nbem satie yoowa kere kaba da fofoe nu wo, na sono kere nu i, nyini satiem ye Nyeme fa di bu jore a, ama, na nbem gusu dee satie bo bu yo i ba fite fofoe nu kasin. ²⁵ I ti so o lee bekun, sakpa ti deke bo sono kere nu i fofoe nu wo, na nzen haari sakpa bo i wo ma fofoe nu ni mmoo, i ti deke bo bu koro fie ma i.

6

¹ Kristo jama nbaam bo bu ti akoom ni, i ti ye ni ka bu ma bu mibiem jirima nyunyumi, adena be koro saaki ma Nyeme duma, wara ya kereewam ni. ² Akoom bo bu mibiem gusu ti yaradayofom ni, i ti ma ye ni ka bu bu mibiem ngbeen ka bu kere ti yaradayofom n ti, ama, i ti ye ni ka bu su bu tara mibiem bo bu ti ma yaradayofom ni, dama bere n bo bu sudi bu amusui n kpere n ti bu ninbaam bo bu koro bu wo.

Kereewa bo i ko ma atin su ni nwaa koro awaraye jore

Fa ahin kereewam n kan kere u jama n na a se ka bu yo bu. ³ Mine nbem wo bere bo bu kere kereewa nbem bo bu ni ya dee n ti ma kun, na bu sunsun ka ya Mibie Yesu Kristo dee noanie kereewam n ti kore wo, na bu kereewam kaaki su ma Kristo dee atin n su. ⁴ Nyini minem n ti kpirikorofom wo, na bu kaaki si ma pui. Na bu la sunsunni tie, na bu se akuruwa ni minem fa ko noanie kereewam bu. Nyini ma bu si kore a, na bu di aluwa, na bu kpie bu benggu nzuko, na bu la sunsunmase fa ko bu benggu do, ⁵ na bu nati suse akuruwa. Bu la ma sunsunni kpa, na nahore wo ma bu do. Na bu sunsun ka nzen sono su Nyeme atin su, i nya kpere wo. ⁶ I ti nahore wo, sono kere bo i nyunu yi deke bo i la i, na i su Nyeme atin su, i mi nya kpere Nyeme do. ⁷ Dama ya fa ma pui aba ma durunya n nu fen. Ya kaaki koro fa ma pui fite ma fen. ⁸ Nyini ti, nzen ya la diirem ni suturam, i ti ye ni ka ya nyunu yi bu. ⁹ Ama, minem bo bu nyunu aboro nenje kpini su agaya, na bu koro ka bu nya ajeki beberebe ni, bu nyini nenje koro n so bu nge wo, na i nya

bu taraabiri fa kɔ bu konvikiya sunsunni ɲgbɛɛɲgbɛɛn n su. Nyini ma bu kpaasi a, na bu ka ɲgbɛɛn. ¹⁰ Dama ɲwaa koro awaraye ti satie kere bunlui a. Nbem wo bere bo bu koro ɲwaa agaya, nyini sɔ ma bu kaaki bu sin bo Kristo atin n wɔ, na i fa bu wura ahoresaaki bambaka nu.

Kabo Pɔɔlu maari Timoti nɔɔ ka i yo i juma barasu ni

¹¹ Ama, wɔɔɔ Timoti, a ti Nyeme sɔɔɔ ɔ, nyini ti, i ti ye ni ka má a dodo nyini sam kere be. Boro u nyi na a yo sa bo i kɔ atin su, na a su nyemesu atin n su, na a yo i yarada, na a koro minem, na a la mindi, na a wo benle. ¹² Boro u nyi na a tu ɲgoni kpa bita u yarada n kenken. Nyini má a di nasara, na a nyá ɲɔɔ n bo i la má awieeri ni, ahin ɲɔɔ n ye Nyeme fereeri u ka i fá ma u a, na wɔɔɔ ni u tii diiri i daani mine beberebe nyunu ni. ¹³ Nyeme ma deke n kere ɲɔɔ a, na Yesu Kristo gusu jinaari Gomina Pɔntiyo Pilato nyunu diiri daani kpa, nyini dɛɛ ti ye m suma u nɔɔ Nyeme ni Yesu Kristo nyunu n a, ¹⁴ ka, a yo u juma n bo Nyeme afa ama u n ni nahore su, na u woowa ti casi na má be koro ɲu u ɲgasi be, haari fa kɔ ju cɛen n bo ya Mibie Yesu Kristo bá kpie i nyi ba ni. ¹⁵ Nyeme afa nyini saɲga n bo i koro ka Yesu ba n afa ase, nyini saɲga n juuri, ye Nyeme má i ba a. Yiri ɲgumi nie deke n kere su ye kansi wo i dɔ a. Yiri ti nfeme ɲgbɪɲgbirim kere Feme a, na i ti mibiem kere Mibie. ¹⁶ Yiri ɲgumi kpein wo bere saɲga kere a, na i woobiri n bo i wo n ti wein wɔ, na be koro dodo má nyini wein ni. Be nya ɲu má i cɛen be da, be gusu koro ɲu má i wɔ mmɔɔ cɛen be cɛen be. I dɛɛ la jirima ni fanɲa, saɲga kere. Ami.

¹⁷ Se bo bu la ajeke durunya n nu fen n ka má bu fɔ, na má bu fa bu tama gɔ nyini ajekem bo bu ce má n ɲu, ama, bu fa gɔ Nyeme ɲu, yiri bo i ce ya deke n kere kɔ sin su n na ya fa yo ya koroowa ni. ¹⁸ Se bu ka bu yo sakpa dɔɲgu, na bu ce aceerim, na deke kere bo bu la i, na bu sukpaaki nu ma nyɲgam. ¹⁹ Nzen bu nya yoori sɔ, i ti ka ba tien ajeke nɔɔ abo i bu afa ase fa kɔ fa ba lee, adena bu nyá ɲɔɔ n bo i ti ɲɔɔ nahore su ni.

²⁰ Timoti, nie deke bo Nyeme afa ama u ka a nie i dika n su nyunyumi. Cin u ɲu yaki minem bo bu jɔjɔ jɔjɔowa ɲgbɛɛɲgbɛɛn na bu bu má Nyeme, na bu sunsun ka bu si wɔ, ama, bu si má pui. ²¹ Dama nbem afun ajina su ka bu la si, nyini dɛɛ ti, ba mini Kristo atin ni.

Nyeme buka am kere.

Ɖɔɔlu kadasi nnyɔ su bo i kerɛ fa maari TIMOTI ni

¹ Mini Ɖɔɔlu sukere ahin kadasi n a. M ti Yesu Kristo jamarasa a, Nyeme dee koroyanu, yiri Nyeme asunma m ka m ko kan kere minem kabo i yo seeri ka minem bo bu ni Yesu Kristo yo kun ni, bu nya ngoo.

² M sukere ahin kadasi n ma woro Timoti bo a ti ka m wa koroowa n wo.

Ya Si Nyeme, ni ya Mibie Yesu Kristo buka u, na bu si u anunfo, na bu ma u ahoreda.

Kabo Ɖɔɔlu maari Timoti ahoresi ka i yo juma barasu ni

³ M da Nyeme asi, yiri ye m su i ni sunsunni kpa, kabo m nam yo suuri i ni. M sere Nyeme so o, kongue ni wiesu, na m nati suda i asi ma u. ⁴ M tenge su kabo a yo suunri ni nyunvuin ni, m wara ado u, m koro ka m nu u, adena m ahore jo. ⁵ M wara fi ma u yarada n bo a yo i nahore su n sa, nyini yarada n gusu ye u nabara Loyisi, ni u ni Yunisi laari i a. Ma yo yarada ka woro mmoo la i so o. ⁶ Nyini dee ti, aceeri n bo Nyeme Awiewie Casi n fa ceeri u ni, sangba bo m faari m saa nanaari u nu, na m sereeri Nyeme maari u ni, m koro ka m tenge u su ka a kaaki ye i su fa yo juma. ⁷ Dama Awiewie Casi n bo i fa maari ya ni, wo fa ama ma ya ka ya yo serefom wo, ama, i fa maari ya ka i buka ya fanga na ya koro minem na ya la tarabu nu wo.

⁸ Nyini ti, ma a ma nyinse ti u ka a kan Mibie n jore n kere minem, wara ma a ma nyinse ti u ka m wo dansaraka nu, Kristo dee ti. Ama, woro mmoo di wahara fa ko labari kpa n kan su, kabo m diiri i ni, na Nyeme ma u fanga na a koro mindi de i. ⁹ I deeri ya tii ji wo, na wo fere ya ka ya yo i dee tienngu minem, ma ka ya sakpa bo ya yo i n dee ti, ama, i dee kunnu koroowa ni i ahorma n dee ti a. Sangba bo i nya yi ma durunya ni, ye i yoori ya nyini sakpa n a, Yesu Kristo dee ti. ¹⁰ Ama, kisa na Yesu Kristo, yiri bo i ti ya Tiidefo n aba durunya n nu ni, ya nu Nyeme koro ni. Labari kpa n dee ti, ya si ka Kristo akunma yiwee fanga, na ya koro nya ngoo n bo i la ma awieeri ni.

¹¹ Nyeme ayi m ka m yo Yesu jaramasa na m kan Nyeme labari kpa n kere minem, ¹² nyini dee ti ye m di ahin waharam n kere n a. Ama, nyinse ti ma m, dama m si sono bo ma daafi i nu ni, na labari kpa n bo wo fa ama m ni, m si tenle su ka i koro nie i su fa ko ju haari jina ceen. ¹³ Bit

nɔaniɛ n kɛrɛ bo ma kan akere u na i ti nahɔrɛ n kenken, na a yo yarada na a koro minɛm, kabo ya ni Yesu Kristo ayo kun n dɛɛ ti. ¹⁴ Bita labari kpa n nyunyumi. I ti aceeri kpiri wɔ, ye Nyɛmɛ afa awura u saa nu a. Awiewiɛ Casi n bo i wo ya dɔ n buka u, na a bita i nyunyumi.

¹⁵ A si ka yaradayofɔm kɛrɛ bo bu wo Esiya dɛɛ awɔrɛ n nu ni, fa sanɔa ni Figelosi ni Hemogenesi n kɛrɛ, aɲmati ayaki m. ¹⁶ M sere Nyɛmɛ ka i si Onesifɔrɔsi dikafɔm kɛrɛ aɲunfɔ, dama sanɔa kɛrɛ yiri titi m nyunu a. Nyinse ati má i ka m wo dansaraka nu, ¹⁷ ama, i ba juuri Roma miɛ kpiri n nu fɛn ni, i nienieeri m busu wɔ ni anyumboro, haari na wɔ ba aɲu m. ¹⁸ M sere Nyɛmɛ ka i si Onesifɔrɔsi aɲunfɔ, jina cɛɛn. Wɔrɔ ni u tii kaaki si buka bo i fa bukaari m barasu, sanɔa bo m wo Efeso miɛ kpiri n nu ni.

2

¹ Nyini dɛɛ ti, wɔrɔ m wa, ahɔrɔma n bo Yesu Kristo ma a diiri i n dɛɛ ti, má a yɔrɔki u ɲu, yo u ɲu kenken. ² Jɔrɛ n bo a tiiri i m dɔ, na minɛ beberebe woori dɔ tiiri i ni, fa wura minɛm bo bu la dabuɲu n saa nu, na bɛrɛ gusu koro fa kere nyingam. ³ Kabo a ti Yesu Kristo dɛɛ soja kpa ni, yo siriya na wɔrɔ mmɔɔ di wahara n kabo nyingam di i barasu ni. ⁴ Sɔnɔ bo i yo soja juma, i cɛɛ wo má juma bo i ti má soja juma nu, se i dɛɛ la ka i yo i soja juma a, na i yo i kpiɛn fiɛ. ⁵ Bekun, sɔnɔ bo i ɲmati ɲmatiiri ka i nya teremasu na i nya aceeri, má ka i mi asu atin bo bu fa kere nyini dɛɛ ɲmatiirifɔm n su, i koro nya má aceeri ni. ⁶ Dɔdɔɔrifɔ bo i yo juma nahɔrɛ su ni, wɔ yo daka ka yiri du mɔ nya diire fɔfɔrɛ n be di a. ⁷ Sunsun fa kɔ deke bo m suse u n su, na Mibiɛ n buka u na a ti i kɛrɛ bu.

⁸ Tenɔe su fa kɔ Yesu Kristo jɔrɛ n su, ka i fiteeri Fɛmɛ Davidi dɛɛ busu n nu wɔ, ye i wuuri a, na wɔ tenɔe i yiwee n nu, m labari kpa n lɛɛ, sɔ ye m kan i a. ⁹ Labari kpa n dɛɛ ti, ye m di wahara n a, haari ba wura m jɔrɔkɔ ase ka m ti satieyofɔ ɔ, ama, Nyɛmɛ dɛɛ nɔaniɛ n yiri, i wo má jɔrɔkɔ nu. ¹⁰ Nyini ti, minɛm bo Nyɛmɛ ayi bu ka bu ti i dɛɛ minɛm n dɛɛ ti, ma mindi ade deke n kɛrɛ, adena bɛrɛ mmɔɔ nyá tiide n bo i fite Yesu Kristo dɔ ni, na i má bu jirima n bo i la má awieeri Nyɛmɛ dɔ ni. ¹¹ Ahin jɔjɔwa n ti nahɔrɛ wɔ, bo i ɲa,

“Nzen ya ni yiri sanɔa wuuri,
ya ni yiri bá sanɔa nya ɲɔɔ.

¹² Nzen ya mindi suuri i,
ya ni yiri bá sanɔa di i fɛmɛya n a.

Nzen ya keteeri i,
yiri gusu bá kete ya.

¹³ Nzen yere la má dabuṅu,
yiri la dabuṅu wɔ sanḡa kere,
dama i koro kete má i ṅu.”

Kristo jama n mɔfɔ bo Nyeme da i ṅu ni

¹⁴ Tenḡe u minem su fa kɔ nyini jɔrem n su, na a se bu ka Nyeme wo u daani, ka má bu se akuruwa fa kɔ nɔanie kereewam bo i la má kperɛ, i saaki minem bo bu so bu sui ti nyini nɔanie n wɔ. ¹⁵ Boro u nyi na a fa u ṅu ma Nyeme juma na i sun i nu. Na a yo u juma nyunyumi na má nyinse ti u, na a kere kereewa bo i ti nahɔre na i kɔ atin su nyunyumi. ¹⁶ Má a so u sui ti jɔre ṅgbɛɛnṅgbɛɛnm bo bu kɔ má nyemesu atin su ni, dama i ma minem wo dede ni Nyeme wɔ, na bu yo satie kɔ sin su. ¹⁷ Nyini kereewam sɔ ti ka kambue bo i wie má na i tereki sanḡa kere wɔ. Mine nnyom bo bu kere nyini kereewam n la Himenasi, ni Filetosi, ¹⁸ bere kere ka sanḡa bo minem wu na bu tenḡe bu yiwee nu asin n a. Ahin kereewam n ti kɔre wɔ, nyini kereewa n sɔ ma mine nbem ṅunie ayɔrɔki bu fa kɔ bu yarada bo bu la i n su wɔ. ¹⁹ Ama, deke bo Nyeme ayi akere i jama ni, i ti ka fa bumboori seewa a, pui koro kankan má i. Nyini fa bumboori seewa ni, ye ba kere ahin nɔaniem n ago su n a, ka, “Micerca n si minem bo bu ti i dɛɛ minem ni,” na “Bo bu ṅa bu ti Micerca n dɛɛ n kere, i ti ye ni ka bu yaki satieyo.”

²⁰ Ya si ka awuru kpiri nu la taale ni ayaba barasu barasu kere, bu faari jete ni sika yoori nbem a, na nbem gusu ti baka ni yakati dɛɛ. Bu fa nbem fa yo juma cɛɛnkpiri cɛɛn, na bu fa nbem gusu yo juma cɛɛn n kere cɛɛn. ²¹ Nzen sɔnɔ kere bo i yi i ṅu fiteeri nyini kɔre kereewam n nu, Nyeme fá i mi yo ka cɛɛnkpiri ayaba a, dama wɔ fa i ṅu ama Mibie ni, na i yo juma kpa bo i kun kperɛ ma i, má pui ti, wɔ sese i ṅu su ka i yo juma kpa ma i Mibie ni.

²² Tara u ṅu fa kɔ ṅgbɛfenem konviki tie sam su. Boro u nyi, na a yo sa bo i kɔ atin su, na a yo Nyeme yarada, na a koro minem, na a la tanalaifie, nyini má a buka minem bo bu su Nyeme ni ahore casi n su a. ²³ Ama, má a fa u nɔɔ bo sinnzinya jɔrem n nu, ni bisaawa ṅgbɛɛnṅgbɛɛnm. A si ka nyini n sɔ kpura mine tii wɔ. ²⁴ Wɔ yo daka ka má Mibie n akɔɔ n suse akuruwa. I ti ye ni ka i yo aye ma sɔnɔ kere, na i koro fa sawɔre kere minem Nyeme jɔre n nyunyumi. ²⁵ Haari minem bo bu se i akuruwa ni mmɔɔ, i ti ye ni ka i fa sawɔre ni bere, na i kere bu atin bo bu fa i, beni, a ṅu ka Nyeme má bu kaaki bu wo na bu si nahɔre atin ni. ²⁶ Nyini ma bu kaaki fa sunsunni kpa na bu ṅmati fite toroku n nu a, bo Sitana n asɔ atara bu na i ma bu yo i koroowa ni.

3

Fa kɔ durunya n awieeri su dɛɛ jɔrɛ

¹ M koro ka a si ka, fa kɔ durunya n awieeri, i yɔ kekereke.
² Mine yɔ anyii sam, na bu koro ŋwaa agaya, na bu fɔ, na bu sɔnsun ka bere ŋgumi wo bere a, na bu kpɛ mine nzuko, na bu dɛ má bu wufɔm nɔaniɛ, na bu sí má aye, na bu kéte Nyemɛ woowa casi n jɔrɛ, ³ na bu koro má minem, na bu sí má aɲunfɔ, na bu sáaki minem duma, na bu lá má tarabuɲu, na bu yɔ wi, na bu kpɔ deke kere bo i ti kpa. ⁴ Na bu lá má dabuɲu, na bu yɔ sa bo bu sunsun má bu, na bu lá karambani agaya, na bu koro bu tii di tara nyemesu, ⁵ na bu yɔ bu ŋu ka bu su Nyemɛ atin n su wɔ, ama, na bu kéte Nyemɛ yiko ni. Má a dodo nyini minem sɔ. ⁶ Bu nbem nati wura awuru awurum nu wɔ, na bu bo nbaram bo bu la má tarabuɲu n aɔɔfiɛ na bu su bu su. Nyini nbaram sɔ satieyo akunma bu, na bu yo bu kunnu koroowam. ⁷ Saɲga kere bu ti kereewam wɔ, ama, bu koro si má nahɔrɛ atin n fieo. ⁸ Kabo Janesi ni Jambaresi yo keteeri jɔrɛ kere bo Moyisi yo jɔjɔri ni, sɔ ye ahin kɔrɛ kerefɔm n gusu akete Nyemɛ nɔaniɛ n a. Bu sunsunni yo má juma, na ba kete yarada atin n su su ni. ⁹ Ama, bu juma koro kɔ má i nyunu, dama sɔnɔ kere bá si ka bu ti sinnzinm wɔ, bu si má pui. Kabo mine yo siiri ka Janesi, ni Jambaresi yo ti sinnzinm ni.

Pɔɔlu awieeri su dɛɛ nɔaniɛ bo i fa maari Timoti ni

¹⁰ Ama, wɔrɔ yiri, a ŋu m kereewa, ni m woowa, ni m sunsunni bo m taraari i ni, ni m yarada ni, ni m sawɔrɛ ni, ni m koro, ni m mindi ni, ¹¹ ni m wuwuruwa bo bu kereeri m ni, ni wahara bo m diiri i n su. A si sam bo bu tuuri m, miɛ kpirim n bo bu fere bu ka Antiyoki, ni Ikoniyom, ni Lisitira ni, má wuwuruwa lɛɛ ye minem kereeri m a. Ama, na Mibiɛ n ayi m afite nyinim kere nu. ¹² Sɔnɔ kere bo i koro ka i su Nyemɛ atin su na i ni Yesu Kristo yo kun, i mi ŋú wuwuruwa, ¹³ na mine tiem ni kerefɔ kɔrɛfɔm yo satie kɔ sin su, bu dadaka mine, na mine dadaka bere gusu. ¹⁴ Ama, wɔrɔ yiri, nahɔrɛ atin n bo bu fa kereeri u, na a yoori i yarada nahɔrɛ su ni, su i su sɔ, dama a si minem bo bu kereeri u nyini atin ni. ¹⁵ A si ka fite u kaan nu kere, ye a sɔnsɔnri Nyemɛ Jɔrɛ Kadasi n kere n ye a siiri i a. Nyini koro ma u alecira a, na a yo Yesu Kristo yarada na a nya tiide. ¹⁶ Nyemɛ Jɔrɛ Kadasi n bo ba kere i n kere fite yiri dɔ a, na i la kperɛ bo a koro fa kere minem nahɔrɛ atin ni, na a fa kan sɔnɔ bo i yo satie ndiɛ, na a fa kere sɔnɔ atin fa kɔ deke bo i kɔ má atin su, na a fa kere sɔnɔ na i yo sa bo

i ti kpa. ¹⁷ Nyini n kere koro ma sɔnɔ kere bo i su Nyeme kpama bi a, na i koro yo juma kpa barasu kere.

4

¹ M suma u nɔanie lee, Nyeme ni Yesu Kristo n nyunu, yiri bá di ngɔɔfɔm ni yiweefɔm n jɔre a, na i bá di feme na i nie i minem su. ² Boro u nyi kan Nyeme nɔanie ni, sukan i sanɔa kere. Tenɔge yaradayɔfɔm su fa kɔ kereewa bo i kɔ atin su. Jaraki bu na bu yaki satiseyo. Jɔjɔ bu dɔ na bu yo sakpa buka su. Na a yo sawɔre ni nyini n kere na a kere bu nyunyumi. ³ Dama fa kɔ fa ba, minem kóro má ka bu so bu sui, na bu ti Kristo kereewa n bo i kɔ atin su ni. Ama, bu sú bu dee koroowam su wɔ, na bu tien kerefɔm dɔngɔ nɔɔ bo bu kere bu dekem bo bu koro ka bu ti i ni. ⁴ Bu káaki bu sin bo nahɔre atin ni, na bu só bu sui ti kɔre jɔrem. ⁵ Ama, wɔwɔ yiri, tara u nɔ sanɔa kere, na a mindi ni wahara di, na a boro u nyi kan Yesu labari kpa n jɔre, na a yo u juma n kere kabo Nyeme koro ka a yo i ni.

⁶ Mini yiri, sanɔa n aju bo bu yí m ngɔɔ ni, Yesu Kristo dee ti, sanɔa n aju bo m fite durunya n nu fen. ⁷ Ma boro m nyi atu ngoni Nyeme atin n su, ma yo m juma awie, ma kan labari kpa n ni m yarada kun. ⁸ Kisa Nyeme bita teremasu aceeri n minda m, dama wɔ de m ka m yo sa bo i kɔ atin su i dɔ ɔ. Ya Mibie Yesu Kristo, yiri di minem jɔre ye i kɔ atin su a, yiri fá nyini teremasu aceeri n ce m jina ceen a, má mini ngumi, ama, sɔnɔ kere bo i koro Yesu na i tana n minda ka i ba n a.

Pɔɔlu ni i tii jɔre lee

⁹ Yo anie na a bra m dɔ kisa kisa. ¹⁰ Dama Keresensi ako Galatiya awɔre n nu, ye Titosi ako Dalamatiya awɔre n nu. Demasi anɔmati ayaki m, wɔ kɔ Tesalonika mie kpiri n nu, kisa i koro ka i wo kabo durunya n nufɔm wo n wɔ. ¹¹ Luka ngumi wo m dɔ a. Fa Marako na u ni yiri bra, dama i koro buka m ni juma ni. ¹² Ma sunma Tikikusi Efeso mie kpiri n nu. ¹³ A nɔ a ba, bita m ayere tanlee n ba ma m, bo m yakiiri i Tɔrasi mie kpiri n nu, Kapusi dika ni. Fa m kadasim n gusu bita m nu, maala bo ba fa nengendɔre nɔuma ayo bu ni.

¹⁴ Alekizanda bo i ti tunmi n ayo m satie agaya, Mibie ni tó i kaari fa kɔ sa bo wɔ yo i n su a. ¹⁵ Si u nɔ sa ni yiri, dama wɔ jina su kekereke akete nɔanie n bo ya kan i ni. ¹⁶ Ciciri su bo m sukan na m de m tii jɔre diibiri ni, be ajina má m sin, bu kere nɔmati yakiiri m wɔ. M sere Nyeme ka i fa bu ngasi ce bu. ¹⁷ Ama, na Mibie n ajina m sin a, na wɔ ma m fanɔa, na ma koro akan labari kpa n akere minem, na bo bu ti má Yudaɔfɔm n kere akoro ati. Na wɔ de m afite

minem bo bu koro ka bu kun m n saa nu. ¹⁸ Yiri Mibiε ni yí m fite jore tie kere nu a, na i fá m ko wura i femeya n nu angoro ni laifíε a. Jirima bambaka ti i dεε sanja kere. Ami.

Awieeri su dεε anse yoowa ni

¹⁹ Bisa Pirisila ni i hun Akuyila fa tu Onesiforosi dika-fom kere dongu ma m. ²⁰ Irasitusi kaari Korinto mie kpiri n nu wo, na ma yaki Torofimosi gusu Miletosi mie kpiri n nu, dama wo la má i nu. ²¹ Yo anie na a bra ka, na fufuku nya ju. Ya ninbaam bisa u dongu, bere la Eyabulusi, ni Pudensi, ni Linosi, ni ya niemabara Kalodiya, ni ya ninbaam nyingam kere. ²² Ma Mibiε n wo ni woro. Nyeme buka am kere.

Pɔɔlu kadasi bo i kɛrɛ fa maari TITOSI ni

¹ Mini Pɔɔlu sukɛrɛ ahin kadasi n a. M ti Nyɛmɛ akɔɔ ɔ, na m kaaki ti Yesu Kristo jaramasa. Nyɛmɛ ayi m na wɔ sunma m ka m kɔ buka minɛm bo wɔ yi bu n na bu yarada yo biiwa, na bu si nahɔrɛ fa kɔ Nyɛmɛ atin n su. ² Kana Nyɛmɛ ba yiiri durunya n ni, i yo seeri ka i má ya ɛgɔɔ n bo i la má awieeri ni. Nyɛmɛ bu má kɔrɛ. Nyini ɛgɔɔ n tama dɛɛ ti, ye ya la yarada ni si jina kun su n a. ³ Na sangga n ba juuri ni, na wɔ yi i nɔaniɛ n afite fofoe nu, na wɔ fa ama m ka m kɔ kan i kere minɛm. Nyɛmɛ ni i tii, yiri bo i ti ya Tiidefɔ ni, maari m nɔɔ ka m kɔ kan i nɔaniɛ n a.

⁴ Mini Pɔɔlu sukɛrɛ ahin kadasi n ma wɔrɔ Titosi a. A ti m wa a, nahɔrɛ su, dama m ni wɔrɔ kɛrɛ asangga ayo Yesu Kristo yarada. Ya Si Nyɛmɛ ni ya Tiidefɔ Yesu Kristo buka u, na bu ma u ahoreda.

Juma bo Pɔɔlu ɛa Titosi yo i Kereti asien n su ni

⁵ Deke bo i ti na m yakiiri u Kereti asien n su n la ka, m koro ka a yo juma n bo wɔ wie má n wie, na a sɛsɛ i su, na a yi Kristo jama nkpiɛnkpiɛnm se miɛm kɛrɛ su, kabo m seeri u ni. ⁶ Nyini nkpiɛnkpiɛnm n kɛrɛ bo a yi bu ni, i ti ye ni ka bu be la má ɛgasi be. I ti ye ni ka bu ja bara kun n kpein. I ti ye ni ka bu nbaam yo Kristo yarada, na be koro jaraki má nbaam ka bu nati yo sa ɛgbɛɛnɛgbɛɛn na bu de má bu wufɔm nɔaniɛ. ⁷ Nyɛmɛ afa i juma n awura nkpiɛnkpiɛnm saa nu n dɛɛ ti, wɔ yo daka ka, má bu la ɛgasi be. I ti má ye ni ka bu ti aɲukerefɔm, wara bu fa yaa ndende, wara bu nu nzan agaya, wara bu ti aluwa korofɔm, wara bu koro ɛwaa agaya. ⁸ Ama, i ti ye ni ka nkpiɛnkpiɛnm kɛrɛ ti minɛm bo bu de wɔfɔm, na bu ti minɛm bo bu koro sakpayo, na bu la tarabuɲu, na bu yo sa bo i kɔ atin n su, na bu ti casi, na bu bita bu ɲu. ⁹ I kaaki ti ye ni ka bu ti minɛm bo bu bita Nyɛmɛ nɔaniɛ n bo i la dabuɲu n kenken, kabo ya kereeri bu ni, adena bu koro fa kereewa n bo i ti nahɔrɛ n fa kere minɛm na bu nya ahoresi, na bu kaaki koro kan kere minɛm bo ba kete nyini kereewa n kabo ba mini barasu ni.

¹⁰ Dama minɛm dɔɲgu wo bɛrɛ bo ba kete kereewa bo i ti kpa ni, na bu sujɔɔ jɔrɛ ɛgbɛɛnɛgbɛɛn na bu sudadaka minɛm, maala yaradayofɔm bo bu toko bita Yudaɲm sayoo-wa ni. ¹¹ Ma bu mɔ bu nɔɔ, dama bu sufa nyini kereewa n bo i ti má ye ni ka bu fa kere ni, sufa saaki awurukpa lɛɛ.

Nwaa dɛɛ ti ye bu yo sɔ a. ¹² Haari bɛrɛ Keretifɔm mmɔɔ dɛɛ tiɛngu sifɔ be yo seeri ka, “Bɛrɛ Keretifɔm ti kɔrɛfɔm wɔ dada kɛrɛ, na bu ti ka boro nɛngɛ tiɛm, na bu ti nviɛyafɔm, ni ayaa kpirifɔm wɔ.” ¹³ Kabo i yo seeri n ti nahɔrɛ wɔ. Nyini dɛɛ ti, jaraki bu, na bu yarada yo fanɔga, ¹⁴ na má bu su Yudafɔm nana jɔrɛm su, na má bu su deke bo minɛm bo ba kete nahɔrɛ n akpama i n su. ¹⁵ Minɛm bo bu woowa ti casi ni, deke kɛrɛ ti casi wɔ bu dɔ, ama, minɛm bo bu woowa ti má casi na bu yo má Yesu Kristo yarada ni, deke be mmɔɔ ti má casi bu dɔ. Bu sunsunni, ni bu ahore kɛrɛ ti fin wɔ, na nzen haari bu yo satie mmɔɔ, bu si má ka i ti satie. ¹⁶ Bu ŋa bu si Nyɛmɛ, ama, bu sayoowa kere ka bu si má i, dama bu sayoowa kɛrɛ ti ciire wɔ Nyɛmɛ dɔ, na bu de má Nyɛmɛ nɔanie ni, na bu koro yo má sakpa be.

2

Kereewa n bo i ti kpa n dɛɛ jɔrɛ

¹ Ama, wɔrɔ yiri, i ti ye ni ka a fa kereewa bo i ti nahɔrɛ na i kɔ atin su, na a sufa kere yaradayofɔm ni. ² Se nbiɛsɔ anyunutihɔm ka, bu bita bu ŋu, na bu yo sa bo i la anyunuyi, na bu la tarabuŋu. Kaaki se bu ka, bu ma bu yarada yo fanɔga, na bu koro minɛm nahɔrɛ su, na bu la mindi nahɔrɛ su. ³ Se nbara anyunutihɔm gusu ka, bu ma bu woowa kere ka bu soro Nyɛmɛ. Nyini la ka, má bu susaaki mine duma, na má bu ma nzan ja bu. Kaaki se bu ka, bu kere kereewa kpa, ⁴ na bu tu tarawam fɔ ka, bu koro bu hunm ni bu nbaam, ⁵ na bu la tarabuŋu, na bu ma bu woowa ti casi, na bu bita bu awurum nyunyumi, na bu yo sakpa, na bu de bu hunm nɔanie, adena má be koro bu Nyɛmɛ nɔanie ni ŋgbɛɛn. ⁶ Tu ngbɛfɛnɛm gusu fɔ ka, bu tara bu ŋu, ⁷ ni deke kɛrɛ. Wɔrɔ mmɔɔ ni u tii, ma u sayoowa kɛrɛ kɔ atin su, na minɛm ŋu i, na bu sɔn u su. Fa sunsunni kpa ni atin bo i la jirima fa kere minɛm ⁸ kereewa kpa, na be koro kan má jɔrɛ be. Kere bu sɔ, adena minɛm bo bu kete ya kereewa n di nyinɛ, dama bu ŋu má ŋgasi be bo bu fa saaki ya. ⁹ Se akɔɔm gusu ka, bu de bu mibiɛm nɔanie, na bu yo sa kɛrɛ bo bu mibiɛm koro, na má bu se jɔrɛ be. ¹⁰ Kaaki se bu ka, má bu wɔ awie mumuku, ama, bu kere ka bu la dabuŋu deke kɛrɛ nu. Nzen bu yoori sɔ, bu woowa kpa ni kere minɛm ka, Nyɛmɛ, yiri bo i ti ya Tiidefɔ ni, i dɛɛ kereewa n ti nahɔrɛ wɔ.

¹¹ Dama Nyɛmɛ ayi i ahɔrɔma afite fofoe nu, na sɔnɔ kɛrɛ nya tiide. ¹² I ahɔrɔma ni kere ya ka ya yaki sam bo bu kɔ má nyɛmɛsu atin n su a, ni dekɛm bo bu wura ya konvi durunya n nu ni, na ya tara ya ŋu, na ya yo sa bo i kɔ atin

su, na ya bita nyemesu atin, ahin durunya n bo ya wo nu ni. ¹³ Ya yo ahin na ya ηminda deke n bo ya la i tama bambaka ka i fite fofoe nu, yiri la ya Mibiε Yesu Kristo, kabo i fite fofoe nu ni i jirima woowa ni. Yiri ti ya Nyeme kpiri, ni ya Tiidefɔ a. ¹⁴ Yiri wu maari ya, adena i ma ya nya ya tii, na i yi ya fite ya satie nu, na i kpakpara yi ya fin kere, na i yo ya casi, na ya yo i deε minem bo bu nyunu aboro sakpayo su.

¹⁵ Ahin kereewam kere, fa kere yaradayofɔm, na a ma bu ahoresi, na a kan bu ndie. Fa yiko n bo Nyeme afa ama u n yo so, na má a ma be bu u ηgbεen.

3

Kabo yaradayofɔm wo ti barasu ni

¹ Tenje yaradayofɔm su ka, bu yo bu ηu benle ma nfemem ni gomina nkpienkpienm, na bu de bu noanie, na bu kpa bu ηu na bu yo sa kere bo i ti kpa, ² na má bu saaki minem duma, na má bu se akuruwa ni minem, ama, bu yo bu ηu kaan, na bu yo bu ηu benle ma sono kere.

³ Má pui ti, yere mmoo ni ya tii yo ti sinnzinm wo, ya si má Nyeme jore, na ya kaaki de má i noanie, na ya mini i atin ni, ya yo ti minem bo ya yo deke kere bo i wura ya konvi wo, na ya suyo ya sa koroowa, na ya la anjunkturini, na ya si kore, na ya yo ti minem bo minem kpo ya a, na ya gusu kpo ya benju. ⁴ Ama, haari ni nyini mmoo, Nyeme bo i ti ya Tiidefɔ ni, yo faari i sakpa, ni i koro kereeri ya, ⁵ na wo nya ade ya tii aji. Má ka ya sakpa yoowa deε ti, ye i deeru ya tii jiiri a, ama, i anjurfɔ si deε ti. Kabo i deeru ya tii n la ka, i Awiewie Casi ni ηmisiiri ya a, na wo ma ya wo fofore, ni ηgɔɔ fofore. ⁶ Na Nyeme ama ya Tiidefɔ Yesu Kristo afa Awiewie Casi n ama ya akɔ asin su. ⁷ Nyeme yoori so ni, adena ya yó i nbaam, na ya yó tama ka ya nya ηgɔɔ n bo i la má awieeri. Nyeme ahoroma n deε ti, wo de ya ka ya la má ηgasi be i do, nyini ti ye wo fa ya ayo i nbaam n a. ⁸ Ahin jore n ti nahore wo.

M koro ka a kere ahin dekem ni anyumboro, adena bo bu yo Nyeme yarada ni, bu fa bu sunsunni kere yo sa bo i ti kpa. Ahin kereewam n la kperε, na bu kaaki ti kpa ma sono kere. ⁹ Ama, má a fa u ηu wura akuruwa ηgbεen-ηgbεen barasu kere nu, ni ya nana Yudafɔm dumam, ni aluwa ηgbεenηgbεenm fa kɔ Nyeme noanie kpamaawa n su. Ahinm kere ti ηgbεen wo, bu kunma kperε be. ¹⁰ Sono kere bo i fa kpakpaakinu ba, i ti ye ni ka a tu i mi fo kpe nnyo ɔ, na nzen wo nya de má i, má a bu i wura am nu. ¹¹ Si

ka nyini sɔnɔ n sɔ akete kereewa kpa n lɛɛ, na i yo satie bo yiri mmɔɔ ni i tii si ka i ti satie wɔ.

Pɔɔlu dɛɛ awieeri su nɔanie bo i fa maari Titosi ni

¹² M súnma Aratema, wara Tikikusi u dɔ, nzen bu be baari, boro u nyi na m ni wɔrɔ sa nu Nikopoli mie kpiri n nu. M koro ka m wo dɔ fufuku sanɔa. ¹³ Zena bo i ti jɔredifo ni, i ni Apolosi, bu ba ɔa bu yasu, boro u nyi na a buka bu, na má deke be kpie bu su. ¹⁴ I ti ye ni ka a ma ya minem gusu sɔnsɔn kabo bu boro bu nyi suyo sa bo i ti kpa, na bu buka minem ni deke bo i ti bu miɛɛwam ni, adena má ya minem ni wo wo ɔgbɛɛn.

¹⁵ M labari n kere lɛɛ. Minem bo bu wo m dɔ n kere bisa u. Bisa ya danfom kere bo bu yo Yesu yarada ni. Nyeme buka am kere.

Pɔɔlu kadasi bo i kɛɛ fa maari FILEMON ni

¹ Mini Pɔɔlu bo Yesu Kristo dɛɛ ti na kisa m wo dansaraka nu ni, ni ya niwa Timoti sukɛɛ ahin kadasi n a. Wɔɔ Filemon bo ya koro u na ya ni wɔɔ sanɔa yo juma ni, ya bisa u dɔŋgu. ² Ya kaaki bisa Kristo jama n bo bu tien bu nɔɔ u dika ni, ni ya niwa baabara Afiya, ni ya niwa Akipusi bo ya ni yiri kɛɛ ti ka soja ni, Yesu dɛɛ atin n su ni. ³ Ya Si Nyemɛ ni ya Mibiɛ Yesu Kristo buka am, na bu ma am ahoreda.

Filemon koro ni i yarada n jɔɛ

⁴ M niwa Filemon, sanɔa kɛɛ bo m sere Nyemɛ, m wara fi má u sa, m da i asi ma u wɔ. ⁵ Dama ma ti kabo a yo ya Mibiɛ Yesu yarada ni, ni kabo a koro Nyemɛ minem kɛɛ ni. ⁶ M kaaki sere Nyemɛ ka i ma wɔɔ ni bo ba yo yarada na am sanɔa su Nyemɛ ni la wo fiɛ, nyini ma a si nahɔɛ su kabo Nyemɛ afa deke kpa ama ya, Kristo dɛɛ ti. ⁷ M niwa, koro n bo a bita i ni, wɔ ma m ahore ajɔ agaya, na wɔ kaaki ama m ahoresi, dama wɔɔ dɛɛ ti, Nyemɛ minem anya ahoresi.

Kabo Pɔɔlu taraari Filemon jaa maari Onisimɔ barasu ni

⁸ Tɔ, kabo Kristo dɛɛ ti na a ti m niwa ni, m la ahoresi, na m la atin bo m koro se u ka a yo deke bo i ti ye ni ka a yo i. ⁹ Ama, m koro u n dɛɛ ti, ye m susere u a, ka a buka m, haari ni bo m jina Yesu Kristo dɛɛ jaa nu n ni, na i dɛɛ ti na m kaaki ti dansaraka kisa ni. ¹⁰ Deke bo i ti na m susere u n la ka, m susere u ma m wa Onisimɔ n wɔ, bo Yesu Kristo dɛɛ ti na wɔ kaaki m wa dansaraka nu n ni. ¹¹ Sanɔa be, i yo kun má kɛɛ be ma má u, ama, kisa, i kun kɛɛ ma wɔɔ ni mini kɛɛ wɔ.

¹² Yiri bo m koro i ni m ahorembaa kun ni, ye m suma i ba u dɔ n a. ¹³ Kabo Nyemɛ jɔɛ kaanwa n dɛɛ ti na m wo dansaraka n nu ni, má m koro ka i wo m dɔ fɛn na i buka m, kabo má wɔɔ wo fɛn na a buka m ni. ¹⁴ Ama, m koro má ka m yo deke be bo a soro má su, ama, m koro ka wɔɔ mmɔɔ ni u tii buka m u koroyanu, má ka i yo ka m miɛ u wɔ. ¹⁵ Beni, Onisimɔ fiteeri u saa nu ni, wɔ ɛ kaan, adena i ba kaaki ba wo u dɔ sanɔa kɛɛ. ¹⁶ Kisa, i ti má u akɔɔ ŋgumi kun, ama, i tara akɔɔ ɔ. I ti ya niwa koroowa a. Koro bo m fa koro i ni, wɔɔ koro i tara ɔ. I ti u akɔɔ ɔ, ama, Mibiɛ n dɛɛ ti, i kaaki ti u niwa a.

¹⁷ Nyini ti, nzen a fa i ka m ti u matafo, de i kabo má a de m ni. ¹⁸ Nzen wɔ do u ŋgasi be, wara i bita u kaari, ma

nyini kaari n yo m dɛɛ kaari. ¹⁹ Mini Pɔɔlu ni m tii sufa m saa sukɛɛ ahin jɔɛ n a, ka m tɔ kaari n kɛɛ bo i bita i n ma u. M kaaki koro se u ka, m kaari su u su, fa kɔ u ŋɔɔ bo a nyaari i Yesu dɔ ni. ²⁰ Nyini ti, m niwa, m koro ka a yo ahin sakpa n ma m, Mibiɛ n dɛɛ ti. Kabo ya kɛɛ ti nibaa Kristo dɛɛ ti ni, da m ahore.

²¹ M la ahoresi ka a dé m nɔaniɛ ni, nyini ti ye m sukɛɛ ahin kadasi n a. Na kabo ma se ni, m si ka a yó i kɔ tara sɔ. ²² Bo i buka su la ka, m koro ka a yo sɔɔ dɔŋgu se m, dama m la tama ka Nyɛmɛ bá de am sere, na i má m kaaki ba am dɔ.

Pɔɔlu awieeri su dɛɛ anse yoowa ni

²³ M lamɔkɔ Ipafarasi bo m ni yiri wo dansaraka nu, Yesu Kristo dɛɛ ti ni, i ŋa m bisa u dɔŋgu. ²⁴ Marako, ni Arisitakusi, ni Demasi, ni Luka kɛɛ gusu ŋa m bisa u dɔŋgu, m ni bɛɛ saŋga yo juma. ²⁵ Ya Mibiɛ Yesu Kristo buka am kɛɛ.

Kadasi n bo bu kere fa maari HIBURUFOM ni

Nyeme noanie n bo i jojɔ fiteeri i Wa n do ni

¹ Dawa sanja Nyeme yo faari i noanie maari i noanie kanfom wo, sanja barasu ni atin barasu barasum, na bu sukan i kere ya nam. ² Ama, ahin awieeri su sanja n bo ya wo nu ni, Nyeme afa i Wa n su ye i fa i noanie n jojɔ ya so a. Nyeme maari yiri yiiri durunya n a. Na wo se ka, awieeri su, deke n kere ba yo i dee wo.

³ I jirima woowa wein ni kere kabo Nyeme ti a. Kabo Nyeme ti ni, i woowa ti so o. I noanie n bo i la yiko ni, i fa nyini bita durunya n kere a. I faari i nu fa yoori yoo-wa, adena Nyeme fa adamande satie ce i. Nyini dee sin, na wo nya ako atana angoro, Micera Kpiri n saa fomboro su. ⁴ Nyeme maari i jinaabiri bambaka bo i tara i merékem dee, na wo kaaki ama i duma bo i tara bu dee ni.

Kabo Nyeme Wa n tara i merékem barasu ni

⁵ Dama kabo Nyeme seeri i Wa n ni, ka,
“Woro ti m Wa a,
nyuma, m kaaki u Si,”
wo se ma i meréke n be so. Bekun, i na
“M yo u Si,
na u gusu yo m Wa.”

⁶ Sasu bekun, sanja bo Nyeme yo na i sunma i Wa kun n kpein n durunya n nu ni, na wo se ka,
“Ma Nyeme merékem kere su i.”

⁷ Fa ko kabo Nyeme jojɔori i merékem jore ni, i na,
“Mini, m ma m merékem yo bu juma
kabo anuma, ni sin yo bu juma barasu n wo.”

⁸ Ama, kabo Nyeme jojɔori i Wa n do ni, i na,
“Woro ti Nyeme a, u femeya bie n la ma awieeri.
A bita u femeya n ni nahore atin su wo.

⁹ A koro sa bo i ko atin su wo,
na a koro ma sa bo i ko ma atin su a.
Nyini dee ti ye Nyeme ayi u a,
ye wo ma u ahoreda bo i tara u bengum kere n a.”

¹⁰ Na Nyeme akaaki ase i Wa n ka,
“Ya Mibie, bumboori ni, woro yiiri asiengu a.
U sa bo a yoori i dee ti, ye angoro wo bere a.

¹¹ I kere ba ka ngbeen wo,
ama, woro wo bere wo sanja kere.

Angoro n ni asienggu kere yó dawa

kabo sutura yo dawa barasu n wɔ.

¹² A pɔ́ndi bu ka sanvuin bo wɔ do wɔ,

na a bá kaaki i fɔ́fɔ́rɛ.

Ama, wɔ́rɔ́ kaaki má fieo,

na u afo la má awieeri.”

¹³ Na Nyeme akaaki ase i Wa n ka,

“Ba tana m saa fomboro su fen,

haari m bá ma a kunma u kpɔ́fɔ́m na a nana bu kere
ɲu.”

Kabo i seeri sɔ ni, wɔ nya ase má i merɛke n be sɔ.

¹⁴ Ye i merɛkem ti nzum wɔ? Bu ti awiewiem bo bu su
Nyeme wɔ, na i sunma bu na bu kɔ buka minem bo bu bá
nya tiide ni.

2

Tiide bambaka n jɔre

¹ Nyini dɛɛ ti, wɔ yo daka ka ya bita Nyeme noanie n
bo ya du mɔ ati i nyunyumi, adena má ya mini. ² Ya si
ka noanie n bo Nyeme yo fa maari i merɛkem, na bu kan
kereeri ya nam ni, i ti nahore wɔ, na minem bo bu tiiri i na
bu keteeri, na ba de má i ni, bere nyaari suicin n a. ³ Nzen
yere gusu keteeri nyini noanie kpiri n bo i kere kabo Nyeme
de ya tii ji ni, ya yo se koro fite nu na ya nya má suicin a?
Ahin tiide n bo ya kan i jore ni, Mibiɛ n ni i tii du mɔ kan
kereeri minem a, na bo bu tiiri i n adi i daani, ase ya ka i
ti nahore wɔ. ⁴ Nyini sanɔa n na Nyeme mmɔɔ adi i daani
abuka su, yiri la bo i yoori alekutura sa barasu barasum
kereeri i yiko, na i maari minem nyaari i Awiewie Casi n
aceerim kabo i koro barasu ni.

Yesu ti adamandem gɔrɔ ɔ

⁵ Nahore, Nyeme afa má durunya fɔ́fɔ́rɛ n bo ya kan i jore,
na i suba ni, awura má i merɛkem saa nu. ⁶ Ama, be akere
i Nyeme Jore Kadasi n awore be nu, ka,

“Ya Miceɛra Nyeme, adamande gusu ti nzu wɔ,

ye u cɛɛ wo i nu a?

Adamande wa ti nzu wɔ,

ye a niɛ i dika?

⁷ Kabo a yoori i ni, a ma i jinaabiri kpieeri su sanɔa kaan
afien ni u merɛkem dɛɛ,

na a nya awura i kpiri na a ma i jirima bambaka,

⁸ na a fa deke kere awura i saa nu.”

Ba kere i Nyeme Jore Kadasi n nu kabo Nyeme afa deke n
kere awura adamande saa nu ka i niɛ i dika ni, nyini kere
ka deke be wo má bere bo i ti má i dɛɛ. Ama, kisa, kabo i ti
ni, ya nya ɲu má i sɔ. ⁹ Ama, ya ɲu Yesu kabo Nyeme yoori i

ni, i ma i jinaabiri kpiɛeri su sanɗa kaan aɓien ni i merɛkem dɛɛ wɔ. Na i dɛɛ ahɔrɔma n nu na wɔ wu sɔnɔ kere dɛɛ ti. Kisa, wahara n bo i diiri i na i wu n dɛɛ ti, Nyeme awura i kpiri, na wɔ ma i jirima bambaka.

¹⁰ Nyeme yiiri deke n kere a, yiri la deke n kere yiko a. I tiiri ye ni ka Nyeme kpini atin bo i mine beberebe ba nya i jirima woowa n be. Nyini dɛɛ ti, ye i ma Yesu ba diiri wahara n a, adena i yo minem mɔfɔ bo i ti kabo Nyeme koro ka i ti ni, dama yiri ma bu nya tiide a. ¹¹ Yiri Yesu bo i yo minem casi ni, i ni minem kere bo wɔ yo bu casi n sanɗa Si wɔ. Nyini dɛɛ ti, i la má i nyinse na i fere bu ka i ninbaam n a. ¹² Na wɔ se Nyeme ka,

“M bó u duma kere m ninbaam.
Na sanɗa kere bo bu tiɛnri bu nɔɔ,
m dí jue kansi u duma.”

¹³ Na wɔ kaaki ase ka,
“Mini, m daafi Nyeme ɗu,”
Na wɔ kaaki ase bekun ka,

“Mini ni nbaam bo Nyeme afa ama m ni, yere yaa.”

¹⁴ Kabo nbaam n ti adamande ni, nyini dɛɛ ti ye yiri mmɔɔ kaakiiri adamande a, adena i wu na i yo sɔnɔ bo i la yiwee yiko ni ɗɗɛɛn, yiri la Sitana a, ¹⁵ na i de minem tii ji, bere kere bo bu ɗɗɔɔ su na bu soro yiwee n dɛɛ ti, na ba kaaki akɔɔm ni. ¹⁶ I ti nahɔre wɔ ka, má merɛkem ye i buka deeru bu tii a, ama, Abraham busu nufom ye i buka deeru bu tii a. ¹⁷ Nyini kere ka, wɔ yo daka ka i woowa ti ka i ninbaam i deke n kere nu wɔ, adena i yo Nyeme sayoowa dɔɗɗuyofom kpiɛn bo i la dabuɗu na i si aɗunfɔ fa kɔ i nyemesu n nu, na i fa i ɗu yo yoowa ma minem na Nyeme fa bu satie ce bu. ¹⁸ Yiri ni i tii yo diiri wahara, na ba sɔ i ɗɗɛɛ na bu nie ni. Nyini dɛɛ ti, ye i koro buka minem bo bu sɔ bu ɗɗɛɛ na bu nie n a.

3

Kabo Yesu tara Moyisi barasu ni

¹ M ninbaam, ambere bo Nyeme ayi am ni yere ka matafɔ casim ni, am fa am sunsunni se Yesu ɗu, yiri bo Nyeme asunma i na i ti ya sayoowa dɔɗɗuyofom kpiɛn n ni. Ya su yiri su a, ye ya di i daani kere minem a. ² I yoori i juma n bo Nyeme yiiri i ka i yo i n ni nahɔre su wɔ, kabo Moyisi mmɔɔ yo yoori i juma kere Nyeme awuru n nu, bukaari Nyeme minem ni nahɔre su n wɔ. ³ Kabo sɔnɔ bo i ta awuru n la jirima tara awuru n ni i tii ni, sɔ ye Yesu la jirima tara Moyisi a. ⁴ Awuru kere la i tafɔ, ama, Nyeme ti deke n kere tii a. ⁵ Moyisi yo laari dabuɗu yoori i juma kere Nyeme

awuru n nu, bukaari Nyeme minem n ka amusuisufo o, na wo kere bu deke bo Nyeme koroori ka i ba se bu ni. ⁶ Ama, Kristo yiri ti Nyeme Wa a, yiri la dabuɔ Nyeme awuru n nu koro bita Nyeme minem a. Nzen ya bita ya tama n ni ahoresi, yere ti i awuru n nufom a.

Nyeme minem numiyi n dee jore

⁷ Nyini dee ti, kabo Awiewie Casi n se ni,

“Nyuma, nzen am tiiri kabo Nyeme suse,

⁸ ma am ma am sui yo tantanantan,

kabo am nam yo yoori bu sui tantanantan na bu yoori

Nyeme na bu nie ni,

sanja bo bu wo boro kpantain n nu na bu keteeri i noanie ni.

⁹ Na Nyeme ase ka,

‘Do ye am nam yo yoori m na bu nie a,

haari ni bo bu nuuri sam bo m yoori bu,

nyini afo aburana n kere nu ni,

bu yoori m wo na ba nie.

¹⁰ Nyini dee ti ye m faari yaa bu nu a,

ye m seeri ka, ba mini atin n a,

dama ba yo ma m sa koroowam ni.

¹¹ Na yaa ati m, na ma tan ndie ka,

bu ny ma atin wura ma asien n bo ma m ma bu nya numiyi n nu ni.’ ”

¹² M ninbaam, am si am nu sa na ma am be ahorembaa yo kekereke, na i kaaki i sin bo Nyeme, yiri bo i wo bere sanja kere n dee atin ni. ¹³ Een kere bo ale acin na bu fere i ka,

“Nyuma,” am sutu am bengu fo, na ma am ma be dadaka

am na am yo satie na am sui yo tantanantan. ¹⁴ Nzen ya

koro bitaari bumboori su noanie n kenken haari ko juuri i

awieeri, nyini n kere ka ya ni Kristo sanja yo juma kun wo

lee. ¹⁵ Kabo ba kere i Nyeme Jore Kadasa n nu ni, ka,

“Nyuma, nzen am tiiri kabo Nyeme suse,

ma am yo am sui tantanantan,

kabo am nam yo yoori bu sui tantanantan.”

¹⁶ Nmam yo tiiri Nyeme noanie n ye bu yoori bu sui tan-

tanantan n a? Ma minem kere bo Moyisi yo yiiri bu fiteeri

Ijipiti asien n su ni, nzen se? ¹⁷ Ye nmam ye Nyeme yo faari

yaa bu nu afo aburana n a? Ma bo bu yo yoori satie na bu

wuuri boro kpantain n nu ni? ¹⁸ Nmam ye Nyeme yo taanri

ndie ka, “Bu nya ma atin wura ma asien n bo ma m ma bu

nya numiyi n nu n a?” Ma bere n bo bu yo keteeri i noanie

ni, nzen se? ¹⁹ Deke bo i ti na ya nu ka ba wura ma asien n

su na bu nya numiyi n la ka, ba yo ma i yarada.

4

¹ Nyini ti, am ma ya si ya ɲu sa, na má be fun nyini ɲumiyi n bo Nyeme ase ka i fá ma ya na atin toko wo bere ka ya nya i ni. ² Dama yere mmɔɔ ati labari kpa n kabo bere mmɔɔ yo tiiri i ni, ama, bere ayo má i yarada, nyini deɛ ti, ye wɔ kun má kperɛ ama má bu n a.

³ Ama, yere bo ya yo Yesu yarada ni, ya nya nyini ɲumiyi n bo Nyeme seeri ka i fá ma i minem ni. I ti kabo Nyeme seeri n wɔ, i ɲa,

“Na yaa ati m, na ma tan ndiɛ ka,

bu nyá má atin wura má asien n bo má m ma bu nya ɲumiyi n nu ni.”

Fite sanɲa bo Nyeme yiiri durunya n kere wieeri ni, i juma awieeri lee. ⁴ Dama ba kere lesɔ cɛɛn n jɔre, Nyeme Jɔre Kadasi n awɔre be nu, ka, “Nyeme yo yiiri i ɲumi, i juma-yoowa kere nu wɔ lesɔ cɛɛn ni.” ⁵ Ya kaaki aɲu ka wɔ jɔɔ nyini jɔre n sɔ ka, bu nya má atin wura má asien n bo m ma bu nya ɲumiyi n nu. ⁶ Bo bu du mɔ tiiri labari kpa n ni, ba wura má nyini ɲumiyi n nu, dama ba yo má Nyeme yarada. Ama, atin toko wo bere bo nbem nya nyini ɲumiyi ni. ⁷ Nyini deɛ ti, na Nyeme ma wɔ ce ka, na wɔ kpama cɛɛn fɔfɔre be, na wɔ fere i ka nyuma, na wɔ ma Feme Davidi aɔɔ nyini cɛɛn n jɔre, kabo ba kere i Nyeme Jɔre Kadasi n nu ka,

“Nyuma, nzen am tiiri kabo Nyeme suse, má am ma am sui yo tantanantan.”

⁸ Nzen má Yosua koro maari Yisarelifom nyaari atin wuraari asien n bo Nyeme ma bu nya ɲumiyi n nu, má Nyeme ayo akaaki ase má ka cɛɛn n be wo bere bo i ma i minem nya ɲumiyi kun. ⁹ Ama, kabo i ti ni, ɲumiyi cɛɛn wo bere bo Nyeme bá fa ma i minem. ¹⁰ Dama sɔɔ kere bo i nya ɲumiyi Nyeme dɔ, i mi yi i ɲumi fa kɔ i juma su, kabo Nyeme yo yoori i juma wieeri na i yiiri i ɲumi n wɔ. ¹¹ Nyini deɛ ti, am ma ya boro ya nyi, na ya nya ɲumiyi n bo Nyeme bá fa ma ya ni. Ama, má am ma ya be kete Nyeme noaniɛ ni, adena má ya fun ɲumiyi ni, kabo Yisarelifom nbem yo keteeri na bu fuunri i ni.

¹² Nyeme noaniɛ n la ɲɔɔ na i la fanɲa. I kaaki wo na tara takobe, i kpie wura sɔɔ ahorembaa su wɔ, ni i ɲumi, ni i awiewie nu, na i kpie kpaaki buwe sasuubiri, na i kɔ kpura bɔrɔkɔ nu, na i fiti sɔɔ sunsunni nu, na i si deke bo i ahorembaa koro, deke bo i ti kpa, ni bo i ti má kpa. ¹³ Deke be wo má bere bo i koro fie Nyeme, dama deke be wo má bere bo Nyeme ayi i na i nyumbaa ɲu má i. Yiri ye ya kere bá kan ya sayoowa kere i a.

Yesu ti Nyeme sayoowa dɔnguyofom kere kpien n a

¹⁴ Kisa, na ya la Nyeme sayoowa dɔnguyofom kpien bo i la má aɲusu, na wo ko aɲgoro, na wo wura Nyeme dika n nu ni, yiri la Nyeme Wa Yesu, nyini dee ti, ye am ma ya bita i dee atin n bo ya ɲa ya yo i yarada n kenken. ¹⁵ Ya dee Nyeme sayoowa dɔnguyofom kpien n ti má be bo i koro si má ya aɲunfo ɔ. I koro si ya aɲunfo fa ko saɲga bo ya faɲga akpie su, ni i dee atin su, dama ɲgeɛ barasu barasu kere bo bu fa so ya ni, bu yo fa soori yiri mmoo so ɔ, ama, haari ni nyini n kere ni, wo yo má satie be. ¹⁶ Nyini dee ti, am ma ya fa ahoresi, na ya cin dodo Nyeme femeya tanaabiri ni, yiri ti ahoroɲafo a, adena i si ya aɲunfo, na saɲga kere bo ya ba koro buka, na i buka ya.

5

¹ Nyeme sayoowa dɔnguyofom kpien kere, bo Nyeme yo yiiri i minem n nu ka i yo juma ni, i dee la ka, i jina minem dee jinaabiri Nyeme do, na i de bu aceerim ni yoowam na i fa ma Nyeme fa ko minem satie bo ba yo i n dee ti. ² Yiri mmoo ni i tii koro si minem aɲunfo bo ba si má na ba mini atin ayo satie ni, dama yiri mmoo faɲga akpie su Nyeme do. ³ Nyini dee ti, wo yo daka ka i du mo yo yoowa ma i ɲu fa ko i ɲgasi bo wo do i ka, ye i nya koro yo yoowa ma minem kere ɲgasi n a. ⁴ Be koro wura má i ɲu kpiri na i se ka i ti Nyeme sayoowa dɔnguyofom kpien, má ka Nyeme ni i tii ayi i mi, kabo i yo yiiri Aaron ni.

⁵ Nyini dee ti, Kristo gusu awura má i ɲu kpiri ayo má i ɲu Nyeme sayoowa dɔnguyofom kpien, se Nyeme yiiri i a, na wo se i ka,

“Woro ti m Wa a,
nyuma, m kaaki u Si.”

⁶ Ba kaaki akere i Nyeme Jore Kadasi n awore be nu ka, Nyeme ɲa,

“Woro ti Nyeme sayoowa dɔnguyofom,
kabo Melekisideki busu nu ti n a,
a wo bere so ɔ saɲga kere, be de má u.”

⁷ Saɲga bo Yesu wo durunya n nu fen ni, i yo sereeri Nyeme ni anyumboro su, na wo bo afere Nyeme na wo sun, ka, i de i fite yiwee n nu. I yo yoori i ɲu kaan, na i soro Nyeme n dee ti, na Nyeme ade i sere.

⁸ Haari ni bo i ti Nyeme Wa ni, Nyeme maari i diiri wahara, adena i si kabo i deeri Nyeme noanie ni. ⁹ Saɲga bo Nyeme ma i tiiri kabo i koro ka i ti ni, ye wo ma soɲo kere bo i deeri i noanie n nya tiide bo i la má awieeri n a.

¹⁰ Dama Nyeme yiiri i ka i yo Nyeme sayoowa dɔnguyofom kpien, kabo Melekisideki yo ti barasu n a.

Fotu fa kɔ kabo má ya fa ya yarada n ji ni

¹¹ Má ya la deke dɔŋgu bo ya kan kere am fa kɔ jɔɔ bo ya jɔjɔ i n su, ama, i ti kekereke kabo ya kan teke am nyi, dama am koro ti má i bu ndende. ¹² Saŋga bo am boori i bu ka am su Nyeme ni, am ace nu, má am aju bo am sukere minem Nyeme noaniɛ ni, ama, am toko tana koro ka bu kere am dekem bo ba du mɔ afa akere am, fa kɔ Nyeme noaniɛ n su. Am toko nu nyufini wɔ, am nya koro di má diire nɔnɔori. ¹³ Dama sɔnɔ kere bo i nu nyufini toko ti baakan wɔ lɛɛ, i nya koro si má deke bo i kɔ atin su Nyeme dɔ. ¹⁴ Minem bo bu nyunu ati Nyeme deɛ atin n su, bere di diire nɔnɔori a. Ba sɔnsɔn Nyeme noaniɛ ni, na bu su i su kabo i kere ni. Nyini ti ye bu la alecira koro si deke bo i ti kpa, ni bo i ti má kpa n a.

6

¹ Nyini ti, má am ma ya ka Kristo ciciri su noaniɛ kereewam ŋgumi su, ama, am ma ya boro ya nyi na ya kɔ mɔ. I ti má ye ni ka ya sukan nyini jɔɔɔm ni saŋga kere. Nyini jɔɔɔm ni la kaaki bu wo, fa kɔ bu satie su na bu yo Nyeme yarada ni, ² ni kabo bu bie bu Nyeme nzue barasu, na bu fa bu sa nana yaradayofom ŋu ka Nyeme yo bu kisi, ni kabo mine ba wu na bu tenge bu yiwee nu ni, ni kabo Nyeme ba di mine jɔɔɔ na be koro kaaki má i kun ni. ³ Nzen Nyeme soroori su, ya koro kɔ mɔ bo i tara sɔ. ⁴ Minem bo ba yo asi ka Nyeme atin n ti wein, na ba kaaki bu sin abo i ni, bu yo se koro kaaki ba Nyeme dɔ bekun a? Dama bu yo nyaari Nyeme aceerim wɔ, na ba de Awiewie Casi ni. ⁵ Ba yo asi kabo Nyeme noaniɛ n ti kpa barasu, ni kabo durunya n bo i suba n yiko ti. ⁶ Ama, na ba kaaki bu sin abo i, i ti kekereke bo nyini minem ŋusu koro kaaki ba i dɔ bekun, dama bu sayoowa kere ka bu sukaaki kpama Nyeme Wa n baka jaanu n su bekun wɔ lɛɛ, na bu suwura i nyinse minem nyunu. ⁷ Asien kere bo nzue tɔ saŋga kere na mine dɔ su, na i yo diire nyunyumi, Nyeme wura nyini asien n abaraka beberebe. ⁸ Ama, asien bo buwe ni wura ŋgbɛɛnŋgbɛɛnm fi su na i kunma kpere, i ce má, Nyeme yó i ŋgbɛɛn, na i awieeri su, sin bá yara i kere.

⁹ Ama, m ninbaam, haari ni bo ya kan sɔ n kere ni, ya la ahoresi fa kɔ ambere dɔ, dama am bita atin kpa n wɔ, yiri la tiide n bo am anya i ni. ¹⁰ Nyeme ti kpa, i wara fi má sakpa n bo am yo i ni, kabo am abuka i minem, na am toko buka bu ni. Nyini kere ka am koro i a. ¹¹ Ya koro ka am kere boro am nyi haari kɔ ju awieeri, adena deke n bo am la i tama n yo yiiwa. ¹² Má am ma nviɛya ti am, ama, minem bo bu yo

yarada na bu la sawore, na bu nya deke n bo Nyeme seeri ka i fá ma bu ni, am su bu dee sayoowam su.

Deke bo Nyeme seeri ka i yó i ni, i kaaki má

¹³ Sanga bo Nyeme seeri Abraham ka i bá yo i kisi ni, be wo má bere bo i tara yiri Nyeme. Nyini dee ti, ye i faari i duma taanri ndie maari i a. ¹⁴ Na wo se i ka, “M yó u kisi, na u busu nufom bá sunnu beberebe.” ¹⁵ Na Abraham amindi haari na wo ba anya deke n bo Nyeme seeri ka i má i ni. ¹⁶ Nzen sɔnɔ ŋa i tan ndie, i tan deke bo i tara i mi n wo. Deke bo akuruwa nya yoori na bu taanri ndie, wo kun akuruwa n kere nɔɔ lee. ¹⁷ Nyeme yo koroori ka i kere i minem ka deke bo i bá ma bu ni, i woro má i nɔɔ i busu, nyini ti ye i kaaki taanri ndie n a. ¹⁸ Deke bo i seeri ka i yó i ni, ni i ndie taanwa n ti deke nnyo lee, bo bu kaaki má. Nyini kere ka Nyeme koro bu má kore a. Nyini ti ye yere bo ya ba i do ka ya nya tiide n la ahoresi bita ya tama n bo ya la i ni anyumboro n a. ¹⁹ Tama n bo ya la i ni, i ti kabo ba kpama lee barasu n wo. Nyini ma ya ahoembraa abi kekereke, ye ya kaaki yaki má atin n bo ya bita i n a. Nyini tama n ti bo wo sin tani bambaka n bo i kanda n ŋu awura Sɔɔ Casi n nu a. Yiri bita ya a. ²⁰ Do ye Yesu adu ya mo awura, ade ya dee jinaabiri a. Yiri ti ya Nyeme sayoowa dɔnguyofɔ kpien n bo i la má defɔ fieo, kabo Melekisideki busu nu n ti n a.

7

Nyeme sayoowa dɔnguyofɔ Melekisideki n jore

¹ Melekisideki ni, yiri yo ti mie n bo bu fere i ka Salem dee feme a, na i kaaki ti Micera Kpiri sayoowa dɔnguyofɔ. Sanga bo Abraham ko kuunri lue ni nfeme nna nbem na i kunmaari bu na i sukaaki ko awuru ni, yiri Melekisideki ni kpaari Abraham atin ye i yoori kisi goori i ŋu n a. ² Na Abraham ayi dekem kere bo i kun lue n na i deeri i ni, deke buru kere nu, na wo yi i kun kun ama Melekisideki. I duma Melekisideki n bu la ka, feme bo i sayoowa ko atin su. I kaaki ti Salem feme wo, i bu la ka, feme bo i fa tanalaifie ba. ³ Melekisideki ni, be si má i si, wara i ni, wara i busu nufom, wara kabo bu wuuri i, wara kabo i wuuri. I yo ti Nyeme sayoowa dɔnguyofɔ bo wo la má defɔ, kabo Nyeme Wa n ti n wo.

⁴ Am nie kabo i yo ti sɔnɔ bambaka barasu a. Dama ya kere na Abraham yo yiiri deke n kere bo i ko kuunri lue n na i deeri i ni, deke buru kere nu, i yiiri kun kun maari yiri Melekisideki n wo. ⁵ Nyeme noanie maawa n kun bo i wo i noanie kpamaawa n nu n kere ka, deke buru kere nu, bu yi

kun kun fa ma Levifom, bu ti Nyeme sayoowa dɔnguyofom n dɛɛ ti, haari ni bo bu kere ti mine kunm na bu ti Abraham busu nufom ni. ⁶ Melekisideki yo fite má Levifom dɛɛ busu n nu, ama, Abraham yo yiiri deke n kere buru nu kun kun maari i wɔ, na wɔ yo kisi agɔ Abraham ɲu, yiri Abraham ye Nyeme yo seeri ka i bá yo i kisi n a. ⁷ Sɔnɔ kere si ka, sɔnɔ bo i yo kisi gɔ minem ɲu n tara bo bu de kisi ni. ⁸ Levifom bo bu ti Nyeme sayoowa dɔnguyofom na minem yo yiiri bu deke kere buru nu kun kun maari bu ni, bu ti yiweefom wɔ. Ama, Melekisideki bo Abraham yiiri i deke kere buru nu kun kun maari i ni, Nyeme Jɔre Kadasi n kere ka i toko wo bere wɔ lɛɛ. ⁹ Nyini ti, saɲga bo Abraham yiiri deke n kere nu buru kun kun maari Melekisideki ni, ya koro se ka i wa Levi bo i ni i busu nufɔ yo deeri nyini n sɔ ni, bu minem gusu mmɔɔ atɔ lɛɛ. ¹⁰ Dama saɲga bo Melekisideki ni Abraham yɛeri ni, na Abraham nya wu má Levi bo i fite i busu nu ni, nyini ti, ya koro se ka Abraham deeri i wa Levi dɛɛ jinaabiri, ye i yi maari Melekisideki n a.

Nyeme sayoowa dɔnguyofɔ be bo i ti ka Melekisideki ni

¹¹ Nyeme nɔaniɛ kpamaawa ni, i yo wo Levifom bo bu ti i sayoowa dɔnguyofom n saa nu a. Ama, nzen má Levi busu nufom dɛɛ sayoowa dɔnguyofom dɛɛ juma n koro yoori deke n kere bo má i ti ye ni ka bu yo i ni, má Nyeme ayi má i sayoowa dɔnguyofɔ bo i ti ka Melekisideki. Má i kaaki yi i sayoowa dɔnguyofɔ bo i fite Aaron dɛɛ Levifom busu n nu ba. ¹² I ti nahore wɔ ka, nzen Nyeme akaaki anɔ fɔfɔre fa kɔ i sayoowa dɔnguyofom dɛɛ atin n su, wɔ yo daka ka i kaaki i nɔaniɛ kpamaawa n gusu. ¹³ Kabo bu kereeri Mibiɛ n ɲusu jɔre ni, i fite anɔ barasu be nu a, nyini anɔ n nufɔ be ayo má Nyeme sayoowa dɔnguyofɔ juma be fieo. ¹⁴ Sɔnɔ kere si ka i fite Yuda dɛɛ anɔ n nu wɔ, ama, fa kɔ Yuda dɛɛ anɔ n nu, ya ti má ka Moyisi kereeri ka bu be ba yo Nyeme sayoowa dɔnguyofɔ.

¹⁵ Deke bo i ma ya ti jɔre n bu nyunyumi n tara nyini su n la ka, Nyeme ayi i sayoowa dɔnguyofɔ bo i ti ka Melekisideki ama ya. ¹⁶ Má i nam busu dɛɛ ti ye i la atin ka i yo Nyeme sayoowa dɔnguyofɔ a, se i la ɲɔɔ bo i la má awieeri n dɛɛ ti, ye i la atin a. ¹⁷ Dama ba kere i Nyeme Jɔre Kadasi n nu ka,

“Wɔrɔ ti Nyeme sayoowa dɔnguyofɔ bo a la má defɔ fieo, kabo Melekisideki busu n nu ti n a.”

¹⁸⁻¹⁹ Nyeme nɔaniɛ maawa dawa n la má kperɛ ni fanɲa, dama wɔ ma má deke n ati má kabo má Nyeme koro ka i ti n a. Nyini dɛɛ ti, ye Nyeme ace i ase, ye wɔ ma ya tama n

bo i tara nyini n a. Nyini tama n dɛɛ ti, ye ya koro cin dodo Nyeme n a.

²⁰ Nyini sin, na Nyeme atan ndie. Ama, sanɔa bo Nyeme yo yiiri Levifom n ka bu yo i sayoowa dɔnguyofom ni, wɔ yo atan má ndie. ²¹ Sanɔa bo Nyeme yiiri Yesu ka i yo Nyeme sayoowa dɔnguyofom ni, i taanri ndie wɔ, ka,

“Mini Micera Nyeme n atan ndie,

m wɔɔ má m nɔɔ,

wɔɔ ti Nyeme sayoowa dɔnguyofom bo a la má defom fieo a.”

²² Nyeme taanri nyini ndie n dɛɛ ti, nyini ma ya si ka Yesu jina sesesu fɔfɔre n sin ka i ti kpa tara dawa n a.

²³ Deke bo i ma i kaaki wo i ngumi n la ka, Levifom dɛɛ Nyeme sayoowa dɔnguyofom yo wu wɔ, na bu nbem de bu jinaabiri, nyini dɛɛ ti ye bu yo sunnu n a. ²⁴ Ama, Yesu yiri, i ti Nyeme sayoowa dɔnguyofom bo i wo bere sanɔa kere n dɛɛ ti, be wo má bere bo i koro de i jinaabiri na i yo yoowa.

²⁵ Nyini dɛɛ ti ye i koro de minem tii ji fieo n a, bere bo i ma bu cin dodo Nyeme ni, dama yiri wo bere sanɔa kere de bu nyemesere, fa kɔ Nyeme dɔ a.

²⁶ Nyini ti, Yesu ti Nyeme sayoowa dɔnguyofom kpien bo i koro yo deke n kere bo wɔ yo daka ka i yo ma ya nahɔre su a, yiri ti bo i ti casi na i la má ngasi be a, i la má satie be, i woowa wo bere i ngumi ni satieyofom, ye Nyeme awura i kpiri atara sɔnɔ kere bo i wo angoro n a. ²⁷ Kabo Nyeme sayoowa dɔnguyofom nkpien nyingam yo ti ni, yiri ti má sɔ. Bere dɔ, ale kere bo i cin, bu du mɔ yo yoowa ma bu ŋu fa kɔ satie bo ba yo i wɔ ka, na bu nya ba yo ma minem satie bo ba yo i. Ama, yiri yiri, yoowa kpekun n kpein ye i yoori i a, yiri la bo i faari i ŋu yoori i ni. ²⁸ Kabo Nyeme nɔanie kpamaawa n kere ni, haari ni bo minem bo bu yiiri bu ka bu yo Nyeme sayoowa dɔnguyofom nkpienm n akoro ayo má deke n kere bo má wɔ yo daka ka bu yo i ni, bu yiiri bu wɔ. Ama, nyini nɔanie kpamaawa n dɛɛ sin, na Nyeme afa i tienɔu duma atan ndie, na wɔ yi i Wa n ka i yo i sayoowa dɔnguyofom kpien. Yiri ti bo Nyeme ma i tiiri kabo i koro ka i ti sanɔa kere n a.

8

Yesu ti ya Nyeme sayoowa dɔnguyofom kpien n a

¹ Deke n bo m koro ka m se n kere la ka, ya la ahin Nyeme sayoowa dɔnguyofom kpien n bo i tana angoro, Micera Kpiri n saa fɔmbɔɔ su. ² I yo i Nyeme sayoowa dɔnguyofom kpien juma n dika n nu wɔ, bo i ti Nyeme sereebiri nahɔre su, Nyeme ni i tii taari nyini dika n a, má adamande taari i a.

³ Nyeme sayoowa dɔnguyofom kpien kere bo Nyeme yo yiiri i,

i dɛɛ la ka, i de minɛm aceerim, ni bu yoowam na i fa ma Nyɛmɛ. Nyini dɛɛ ti ye wɔ yo daka ka ahin Nyɛmɛ sayoowa dɔŋguyofɔ kpiɛn n gusu la yoowa be bo i yo ma Nyɛmɛ n a. ⁴ Nzen má Yesu wo durunya n nu, má i yo má Nyɛmɛ sayoowa dɔŋguyofɔ fieo, dama minɛm bo Nyɛmɛ adu mɔ ayi bu ka bu yo sayoowa n wo bɛrɛ wɔ, kabo Nyɛmɛ nɔaniɛ kpamaawa n kere lɛɛ. ⁵ Juma n bo Nyɛmɛ sayoowa dɔŋguyofɔm yo i ni, i ti kabo i wo aŋgoro n wɔ, ama, i ti má kun. Moyisi dɛɛ n gusu yo ti sɔ ɔ, nyini ti ye saŋga bo i ŋa i bo Nyɛmɛ Sereebiri Nambue n ye Nyɛmɛ seeri i ka, “Si nu, na a yo deke n kɛrɛ kabo m kereeri u buka n su ka a yo i ni.” ⁶ Ama, kisa, Yesu dɛɛ Nyɛmɛ sayoowa dɔŋguyofɔ juma n tara nyiŋgam dɛɛ ni. Sɔ ye sɛsɛsu fɔfɔrɛ n bo Yesu afa aba na i yo Nyɛmɛ ni minɛm afiɛn dɔŋgu n tara dawa dɛɛ n a. Dama sɛsɛsu fɔfɔrɛ n dɛɛ ti, ye Nyɛmɛ ŋa i fa deke n bo i ti kpa na i la má aŋusu n fa ma ya n a.

⁷ Nzen má sɛsɛsu n bo Nyɛmɛ du mɔ diiri i di n koro yoori deke n kɛrɛ bo wɔ yo daka ka i yo ni, má i kaaki fa má sɛsɛsu fɔfɔrɛ na i di i di kun. ⁸ Ama, na Nyɛmɛ aŋu i minɛm ni ŋgasi, na wɔ se bu ka,

“Mícɛra n ŋa o,

saŋga suba bo m fá sɛsɛsu fɔfɔrɛ

na m dí i di ni Yisarelifom ni Yudafom.

⁹ I ti má ka dawa dɛɛ sɛsɛsu ni,

bo m yo faari i na m diiri i di ni am nam ni,

saŋga bo m yiiri bu fiteeri Ijipiti asien n su ni.

Ba yo abita má i kabo m yo seeri bu ni,

nyini dɛɛ ti, ye m cɛcɛ awo má bu nu n a.

Kabo Mícɛra n seeri lɛɛ.

¹⁰ Sɛsɛsu n bo m bá di i di ni Yisarelifom la ka,

fa kɔ fa ba,

m fá m nɔaniɛ n wura bu sunsunni nu,

na bu bíta i bu ahore su,

mini yó bu Nyɛmɛ a,

na bu yó m minɛm.

Kabo Nyɛmɛ seeri lɛɛ.

¹¹ Be wo má bɛrɛ bo i bá kere i lamoko

ka i si Mícɛra ni.

Dama sɔnɔ kere bá si m,

fa i tarakam kɔ tu i nfaŋgafom kɛrɛ.

¹² M sí bu aŋunfɔ, na m fá bu satie bo ba yo i n fa ce bu,

na m tɛŋge má i su fieo.”

¹³ Deke bo i ti na Nyɛmɛ yo kaanri sɛsɛsu fɔfɔrɛ be jɔrɛ ni, i bu la ka, ciciri su dɛɛ n ayo dawa. Deke kɛrɛ bo i nya yoori dawa wíɛri, i cɛ má, i busu míni wɔ.

9

Ciciri su sesesu n ni sesesu fɔfɔre n dɛɛ nyemesu jɔre

¹ Kabo i ti n la ka, ciciri su dɛɛ sesesu n bo Nyeme diiri i di ni, yo la atin kereewa kereewam bo bu fa su Nyeme, na i kaaki la dika bo ba ta i ase durunya n nu fen na bu wo nu su Nyeme. ² Bu yo boori nambue be wɔ, na ba fa sanvuin ati i nu nnyɔ. Anɔ nu dɛɛ sɔɔ ni, fitana takaabiri, ni teebiri, ni kpɔnɔ bo bu fa ma Nyeme n wo dɔ, bu fere bere n ka Sɔɔ Casi. ³ Mɔ dɛɛ sɔɔ ni, bu fere i ka Casi Kere Casi Sɔɔ. ⁴ Mikun yoowa yoobiri n bo ba mata i sika n wo dɔ, nyini yoobiri n su ye bu kunkun tulaale nvanvani fa ma Nyeme a. Alaka n bo ba mata i sika n gusu wo dɔ, nyini alaka n kere kabo Nyeme faari sesesu diiri i di n a. Deke bo bu wo alaka n nu n la sika torose n bo ba fa diire n bo bu fere i ka *mana* n awura nu ni, ni Aarɔn kpama n bo i fiefiɛeri nyawa ni, ni yabue pɛpɛrɛpɛ nnyɔm bo Nyeme akere i nɔaniɛ maawa burum n agɔ su ni. ⁵ Na ba yo deke nnyɔ nbem bo bu la lanɔkpɛtɛ ase alaka n tii su, nyini dekem ni kere kabo Nyeme wo i minem dɔ barasu a, bu fere bu ka *Cerubim*, ba fa bu lanɔkpɛtem akata dika n bo Nyeme si i minem anɔnɔ n su. Kisa, ya koro kere má deke n kere kun kun kabo bu ti barasu.

⁶ Kabo i ti ni, bu nya sese nyini nengem kere su wieeri, nyini sanɔa, Nyeme sayoowa dɔnguyofɔm suwura sɔɔ n bo i wo anɔ nu n wɔ, na bu suyo bu Nyeme juma sanɔa kere. ⁷ Ama, Nyeme sayoowa dɔnguyofɔ kpien ni ngumi koro wura sɔɔ n bo i wo mɔ n nu a. Afɔ kere afɔ, i wura dɔ kpekun wɔ, nzen i ɲa i wura dɔ gusu, i bita nengendɔrem mbunja a, na i du mɔ yo yoowa ma i ɲu ka, na i nya yo ma minem dɛɛ satie bo ba yo i na bu si má ni. ⁸ Deke bo i ti na Awiewie Casi n fa nyini atin n sɔ ni, na i kere ya ka, sanɔa bo bu yo boori nyini nambue na bu sese deke n kere su ni, Nyeme nya teke má atin na minem kere koro wura Casi Kere Casi Sɔɔ n nu. ⁹ Nyini n kere bo bu yo yoori i ni, i la bu ma ya kisa. I bu la ka, aceerim ni nengem kere bo bu yo fa yoori yoowa suuri Nyeme ni, ba koro ama má bu sunsunni ati má kabo má i ti ye ni ka i ti ni. ¹⁰ Dama nyini yoowa atin n kere diire diiwam, ni deke nuuwam, ni bu yoowam kabo bu ɲmisi bu ɲu na bu yo bu ɲu casi ngumi wɔ. Nyini n kere la i sanɔa nyaari wɔ, yiri la bo bu suyo i sɔ ɔ, haari kɔ ju sanɔa bo Nyeme bá yo deke n kere dɔngu.

¹¹ Ama, kisa, Kristo aba, yiri ti Nyeme sayoowa dɔnguyofɔ kpien n a, yiri bita atin kpa n bo bu yo seeri ka i fa ba n a. Nyeme Sereebiri Nambue n bo wɔ wura nu, na i suyo i Nyeme sayoowa dɔnguyofɔ kpien juma ni, nyini nambue

n la má aɲusu durunya n nu fɛn, i ti kabo Nyeme koro ka i ti n wɔ, dama i ti má deke bo adamande taari i ni bu saa a, wara dekem bo Nyeme yiiri bu durunya n nu fɛn n be wɔ. ¹² Má naanim ni sirim dɛɛ mbunja ye i fa wurari nambue n nu a, ama, i faari i tienɲu mbunja a, na wɔ fa awura Casi Kere Casi Soɔ n nu kpekun n kpein, na wɔ fa ayo yoowa ama ya, adena ya koro nya tiide n bo i la má awieeri ni. ¹³ Minem bo fin yo wo bu ɲu, na bu koro cin dodo má Nyeme ni, bu fa sirim ni tooram mbunja ye bu fa yɔyɔkɔti gɔ bu ɲu a, na bu yara nambaa, na bu fa nzuin n gɔ bu ɲu. Nyini sanɲa, ba kpakpara bu fin ayo bu casi lɛɛ. ¹⁴ Nzen nyini yoowam bo bu yo bu n ma mine yo casi, nyini yiri, Kristo dɛɛ mbunja ni koro yo bo i tara sɔ ɔ. Awiewie Casi ni, yiri bo i wo bere sanɲa kere n dɛɛ yiko n nu ma Kristo koro faari i ɲu yoori yoowa bo i la má gela be maari Nyeme n a. I dɛɛ mbunja ni koro kpakpara yi satiem bo bu ma ya ka ɲgbɛɛn ya ahore su, ni ya sunsunni nu n a, nyini ma ya koro su Nyeme bo i wo bere sanɲa kere n a.

¹⁵ Kristo yoori sɔ n dɛɛ ti, yiri ti aɛien dɔɲɲuyofɔ n bo wɔ fa sɛsɛsu fɔfɔre n aba, adena minem kere bo Nyeme afere bu n nya deke n bo i diiri i di ka i ma bu ni. Nyini deke n la aja n bo bu di i na i la má awieeri ni. Yiwee n bo Kristo wuuri ni, nyini de minem tii ji fa kɔ bu satie ti, na ba do Nyeme ɲgasi, ni ciciri su sɛsɛsu dɛɛ atin n su. ¹⁶ Sɛsɛsu fɔfɔre n bo Nyeme diiri i di ni, i ti kabo sɔnɔ toko la ɲgɔɔ na i kere kabo bu ba kpaaki i aja nu barasu n wɔ, má ka wɔ wu ka, ye bu koro di i aja n a. ¹⁷ Sanɲa bo i toko la ɲgɔɔ ni, be koro di má i aja ni, má ka wɔ wu ka. ¹⁸ Nyini dɛɛ ti, ye haari kana ciciri su sɛsɛsu n bo Nyeme diiri i di n bá yo juma, má ka ba yi nengendɔre mbunja. ¹⁹ Nyini sanɲa, Moyisi du mɔ kaanri Nyeme nɔanie maawam n kere kereeri minem n wɔ, kabo bu wo Nyeme nɔanie kpamaawa n nu n ka, na i nya fa tooram ni sirim mbunja na i sanɲa nzue nu, na i fa nyawa ni bɔɛ ndɔre kɔkɔre bo ba wu i tani, na i fa bo nu, na i fa yɔkɔti gɔ Nyeme nɔanie kpamaawa kadasi n su ka, na i nya yɔkɔti gɔ minem kere ɲu, ²⁰ na i nya se bu ka, “Ahin mbunja ni ti deke bo i kere sɛsɛsu n bo Nyeme adi i di ase am ka am bita i nɔanie n a.” ²¹ Sɔ ye Moyisi yo fa mbunja n yɔkɔti gɔ nambue n su a, ni nenɲe n kere bo bu bita yo juma ma Nyeme n gusu. ²² Nahɔre, kabo Nyeme nɔanie kpamaawa n kere ni, i ti ka deke kere bo bu ɲa bu yo i casi, má ka ba fa mbunja ayɔkɔti su ka. Nyeme fa má bu ɲgasi ce má bu, má ka ba yi deke mbunja.

Kabo Yesu faari i ɲu yoori yoowa na i deeru mine dɔɲɲu fiteeri bu satie nu ni

²³ Nyini dɛɛ ti, Nyɛmɛ Sereebiri Nambue ni, ni dekem n kɛrɛ bo bu wo nu ni na bu ferema ni aɲgoro dɛɛm ni, wɔ yo daka ka bu fa nɛɲgendɔrɛ mbunja yo bu casi. Ama, nɛɲgem n bo bu wo aɲgoro n yiri, wɔ yo daka ka bu fa deke bo i mbunja tara nɛɲgendɔrɛm dɛɛ fa yo bu casi a. ²⁴ Kristo awura má dika casi n bo i ferema ni aɲgoro dɛɛ n nu a, bo minɛm taari i ni, ama, i wuraari aɲgoro dɛɛ n ni i tii nu a, ye kisa, wɔ de ya jinaabiri Nyɛmɛ dɔ. ²⁵ Afɔ kɛrɛ afɔ Nyɛmɛ sayoowa dɔɲguyofom kpɛn ni yo wura Casi Kɛrɛ Casi Sɔɔ n nu wɔ, na i fa nɛɲgendɔrɛ mbunja n yo yoowa. Ama, Kristo yiri awura má aɲgoro dɛɛ dika n nu ka i sufa i ɲu yo yoowa saɲga kɛrɛ saɲga. ²⁶ Nzen má i ɲa i sufa i ɲu yo yoowa saɲga kɛrɛ saɲga, má i sudi wahara a saɲga kɛrɛ, fite kabo Nyɛmɛ yiiri durunya n ba ju ni nyuma. Ama, kabo i ti n la ka, ahin saɲga n bo deke n kɛrɛ aba awieeri su ni, na wɔ ba kpekun n kpein, afa i ɲu ayo yoowa, adena Nyɛmɛ fa adamande satie ce i. ²⁷ Nyɛmɛ akpama i ka adamande kɛrɛ wu kpekun wɔ, nyini sin, na Nyɛmɛ dí i jɔrɛ. ²⁸ Kabo Kristo gusu yoori lɛɛ. Kpekun n kpein ye i faari i ɲu yoori yoowa, adena i de mine dɔɲgu satie bo ba yo i ni. Nyini sin, i káaki ba bekun. Má mine satie bo ba yo i n dɛɛ ti ye i bá, ama, i bá de minɛm bo bu niɛ i atin nu n tii ji wɔ.

10

Kabo Yesu yoori yoowa kpekun n kpein ni

¹ Nyɛmɛ nɔaniɛ kpamaawa ni, i ferema ni deke kpa n bo Nyɛmɛ ɲa i fá ba n wɔ, ama, má yiri lɛɛ. Nyini ti, yoowa n bo bu yo bu saɲga kɛrɛ akoro ama má bɛrɛ bo bu cin dodo Nyɛmɛ ni, ati má kabo má i koro ka bu ti ni. ² Nzen má nyini yoowam n kɛrɛ koro yiiri minɛm n bo bu su Nyɛmɛ n fiteeri bu satiem nu, má bu sunsunni ma má bu cɛɛn be ka ba yo satie, má bu yaki nyini yoowam wɔ. ³ Ama, kabo i ti n la ka, nyini yoowa n bo bu yo i afɔ kɛrɛ afɔ n tenje bu su fa kɔ bu satiem bo ba yo bu n su wɔ. ⁴ Dama tooram ni sirim mbunja koro yi má satie bo i wo adamande ahore su ni, cɛɛn be.

⁵ Nyini dɛɛ ti, saɲga bo Yesu koro ka i ba durunya n nu fɛn ni, na wɔ se Nyɛmɛ ka,

“A koro má ka mine fa aceerim
ni nɛɲgendɔrɛm n yo yoowa ma u,
ama, adamande ɲuniɛmbaa ye a fa ama m
ka m fa yo yoowa n a.

⁶ U nyunu ayi má yoowam
bo bu yo bu na bu kpɛ nɛɲgendɔrɛm kɔm,
na bu yara bu sayoowa yoobiri n su ni,

ni yoowam n bo bu yo satie na bu yo bu ni.”

⁷ Na wo kaaki ase Nyeme ka,

“Mini yaa, ma ba ka m ba yo u koroowa n wo,

kabo ba kere m nusu jore u noanie kpamaawa n dee kadasi n nu ni.”

⁸ I du mo seeri Nyeme ka, “A koro ma ka mine fa aceerim ni nengendorem n fa yo yoowa ma u, u nyunu ayi ma yoo-wam bo bu yo na bu kpie nengendorem kom, na bu yara bu sayoowa yoobiri n su ni, ni yoowam n bo bu yo satie na bu yo bu ni.” I seeri so o, haari ni bo Nyeme noanie kpamaawa n kere so ni. ⁹ Na wo se Nyeme ka, “Mini yaa, ma ba ka m ba yo u koroowa n wo.” Nyini la ka, Nyeme akun ciciri su dee yoowam kere noo lee, ye wo fa fofore aba. ¹⁰ Nyeme koroowa n lee ye i yoori n a. Kpekun n kpein ye i faari i nu yoori yoowa. Nyini ti ye wo kpakpara ya kere fin ayo ya casi n a.

¹¹ Yudafom Nyeme sayoowa danguyofa kere yo i Nyeme juma ceen n kere wo, na i suyo nyini yoowa kun n sanja kere. Haari ni nyini yoowam n kere, bu be koro yi ma minem satie bo i wo bu sunsunni nu ni. ¹² Ama, Yesu yiri yoori yoowa kpekun n kpein wo, bo i yo juma sanja kere, fa ko mine satie bo bu yo i su. Na wo nya ako atana angoro Nyeme saa fomboro su. ¹³ Fite nyini sanja ni, i nminda kabo Nyeme ba ma i kunma i kpofom na i nana bu kere nu. ¹⁴ Nyini yoowa kun n dee ti, wo kpakpara minem fin kere na wo ma ba ti kabo Nyeme koro ka bu ti ni, sanja kere.

¹⁵ Awiewie Casi n gusu kaanri i so kereeri ya. Wo du mo ase ka,

¹⁶ “Micerca na, sesesu n bo m ni bere adi i di

fa ko sanja bo i suba n la ka,

m fa m noanie kpamaawa n wura bu sunsunni nu,

na m kere i go bu ahore su.”

¹⁷ Na wo kaaki ase ka,

“M tenge ma bu satiem bo ba yo bu n su,

kabo bu keteeri na ba su ma m noanie kpamaawa n su kun.”

¹⁸ To, Nyeme afa satie bo minem ayo i ace bu, nyini la ka, yoowa be wo ma bere bo be yo i fa ko satie su kun.

Am ma ya cin dodo Nyeme

¹⁹ M ninbaam, Yesu dee mbunja n ti ye ya la ahoresi kere ka ya koro cin dodo Nyeme a, na ya koro wura Casi Kere Casi So n nu a. ²⁰ Yesu ateke atin fofore bo i ma ngoo nahore su ama ya. Kabo i faari i nu yoori yoowa ni, i ti ka wo teke atin ama ya na ya koro sin tani bambaka n bo bu fa kanda n nu, na ya wura Casi Kere Casi So n nu. ²¹ To,

kisa na ya la Nyeme sayoowa danguyofɔ bambaka bo i nie yere n bo ya ti Nyeme minem n su ni. ²² Nyini dee ti, am ma ya cin dodo Nyeme ni ya ahorembaa kun, na má ya yo sika be. Yesu mbunja n akpakpara ayi satie kere bo i wo ya ahore su a, na má ya sunsunni nu suma ya sanja kere ka ya yo satie. Nyeme nzue n gusu bo ba fa abie ya ni ama ya njunie ayo casi a. ²³ Tama n bo ya na ya la i ni, am ma ya bita i ni ya saa nnyo, má am ma ya fa sika wura nu, dama ya si ka Nyeme yo deke n bo wo fa sesesu adi i di ka i yo i ni. ²⁴ Am ma ya sutu ya bengum fo, na ya buka ya bengu, na koro wo ya afien na ya yo sakpa. ²⁵ Kabo i ti ye ni ka ya sutien ya noo na ya su Nyeme sanja kere ni, má am ma ya yaki i kabo nbem suyo barasu ni, ama, am ma ya sutu ya bengu fo na bu nya ahoresi buka su, dama ya kere nu ka Micera n dee ceen n adodo lee.

²⁶ To, kisa na ya si kereewa n bo i ti nahore ni, na nzen ya toko kete i yo satie ni, yoowa be wo má bere bo ya yo i na Nyeme fa ya satie ce ya kun, ²⁷ má ka ya nminda ni sere fa ko ceen n bo i suba na Nyeme ba di minem jore, na i fa bo ba kete i noanie n wura sin n bo i ti kekere agaya n nu, na bu ka ngbeen ni. ²⁸ Nyeme noanie kpamaawa n bo i yo fa maari Moyisi ni, nzen sono be keteeri na i yoori satie, na mine nnyo wara nsan diiri daani ka i ti so, nkpienkpienm si má i mi anunfo, bu kun i wo. ²⁹ Ye nzen i nya ti so, sono kere bo i buuri Nyeme Wa ni ngbeen na i sunsun ka Yesu mbunja n bo i yo ya casi n ti ngbeen, na i jajo wura Awiewie Casi n bo i si ya anunfo ni ngasi nu, suicin barasu bono ye am sunsun ka Nyeme fa cin i a? ³⁰ Dama ya si ka Micera n ase ka, "Mini cin bu sui a. Mini to bu kaari a," na wo kaaki ase ka, "Mini di m minem jore a." ³¹ Woro kere bo a to Nyeme saa nu, yiri bo i wo bere sanja kere ni, i la sere agaya.

³² Am tenge su, na am nie sanja bo am du mo nyaari anyunuteke fa ko labari kpa n su ni, haari ni bo am yo diiri wahara agaya ni, am afa ahoresi ade nyini kekereke n kere. ³³ Sanja be bu yo kpie am nzuko, na bu kere am wuwuruwa jama nu. Na sanja be gusu na am asanja adi wahara ni am bengum bo bu kere bu wuwuruwa ni. ³⁴ I ti nahore wo ka, am asi dansarakam anunfo. Bekun, haari nzen mine fiinri am nengem kere bo am la i ni, am ahore ti jowa a, dama am si ka am la deke bo i tara nyinim bo ba de am do ni, nyini deke n yiri wo bere wo sanja kere. ³⁵ Nyini dee ti, má am ma am njunie yoroki am, dama ahoresi n bo am la i ni, nyini ma am nya aceeri bambaka Nyeme do a. ³⁶ Kisa, wo yo daka ka am la mindi, adena am yo Nyeme koroowa, na

am nyá deke n bo Nyeme afa sɛsɛsu adi i di ka i ma am ni.

³⁷ Dama ba kere i Nyeme Jore Kadasi n nu ka,

“Wɔ ka kaan, i cé má,
yiri n bo i suba ni, i bá.

³⁸ M sɔnɔ bo i yo sa bo i kɔ atin su m dɔ,
i nyá ngɔɔ, i yarada n dɛɛ ti,

ama, sɔnɔ kere bo i kaakiiri i sin boori m,
m ahore jɔ má i mi ɲu.”

³⁹ Yere yiri, ya ti má minem bo bu kaaki bu sin, na bu ka ngbɛɛn ni, ama, ya ti minem bo ya yo Nyeme yarada na ya nya tiide wɔ.

11

Yaradayo jɔre

¹ Nzen ya yo Nyeme yarada, ya la ahoresi ka deke n bo ya yo i tama ni, ya nya i, na ya kaaki la ahoresi ka deke n bo ya nyumbaa ɲu má i n wo bere nahore su. ² Dawafom yoori Nyeme yarada n dɛɛ ti, ye i se ka i nyunu ayi bu sayoowa n a.

³ Ya yo Nyeme yarada n dɛɛ ti, ye ya koro fa si ka Nyeme yo jɔjɔori nɔaniɛ wɔ, ye i fa yiiri durunya n a. Nyini ma ya si ka, dekem bo ya nyumbaa koro ɲu bu ni, Nyeme afa deke bo ya koro ɲu má i ayi bu n a.

⁴ Abeli yo yoori Nyeme yarada n dɛɛ ti, ye i koro yoori yoowa bo i ti kpa tara i gɔrɔ Keen dɛɛ n bo i yo maari Nyeme n a. I yarada n dɛɛ ti, ye Nyeme nyunu yiiri i aceeri n ye i seeri ka i ti sɔnɔ bo i yo sa bo i kɔ atin su i dɔ n a. Abeli ti sɔnɔ bo wɔ wu wɔ, ama, haari ni kisa, i yarada sayoowa toko yo juma ya dɔ.

⁵ Henoki yo yoori Nyeme yarada n dɛɛ ti, wɔ wu má, na Nyeme afa i akɔ i bi angoro, nyini ti ye be anu má i n a, dama Nyeme afa i akɔ i bi. Ba kere i Nyeme Jore Kadasi n nu ka, sanɓa bo Nyeme nya fa má i kɔ má i bi angoro ni, Nyeme nyunu yiiri i sayoowa a. ⁶ Nzen sɔnɔ ayo má Nyeme yarada, i mi koro yo má sa bo i yi Nyeme nyi, dama sɔnɔ kere bo i ba Nyeme dɔ, wɔ yo daka ka i mi yo yarada ka Nyeme wo bere, na i tɔ mine n bo bu nienie i busu ni ɲkato nahore su.

⁷ Nowa yo yoori Nyeme yarada n dɛɛ ti, ye i yo deeri kabo Nyeme bɔbɔori i fa kɔ sam bo bu bá yo n su n a. I deeri Nyeme nɔaniɛ n kpaari lee bambaka n ye i ni i dikafom wuraari nu ye ba wu má n a. I yoori sɔ n dɛɛ ti, nyini kere ka minem bo bu kaari durunya n nu n ti satieyofom a, ama, Nowa yiri, i yarada n dɛɛ ti, Nyeme ade i ka i yo sa bo i kɔ atin su i dɔ ɔ.

⁸ Abraham yo yoori Nyeme yarada n dɛɛ ti, sanɔa bo Nyeme fereeri i, na i seeri i ka i kɔ asien be bo i seeri ka i fá ma i n su ni, haari ni bo i si má deke bo i sukɔ ni, yarada n dɛɛ ti, ye i yo deerɔ Nyeme noanie n ye i fiteeri i nam asien su kɔori nyini asien n su a. ⁹ Yarada n dɛɛ ti, ye i kɔ juuri asien n bo Nyeme ase ka i fá ma i n su n a, dɔ ye i tanaari ka i ti wɔfɔ n a. I ni i wa Izaki, ni i anuma Jakɔbu yo boori nambue woori dɔ sanɔa be su wɔ. Haari ni bo bere yo ti minem bo bu nyaari deke n bo Nyeme ase ka i fá ma bu n a. ¹⁰ Abraham boroori i nyi nienieeri mie kpiri n bo Nyeme ni i tii ata i na i la má awieeri n a.

¹¹ Abraham yi Saara mmɔɔ yo yoori Nyeme yarada n dɛɛ ti, haari ni bo wɔ yo buke na i ti nɔrɔka ni, yarada n dɛɛ ti, ye i koro wuuri baa n a. I yo yarada ka Nyeme yó deke n bo i seeri ka i yó i ni. ¹² Haari ni bo má Abraham ti ka sɔnɔ bo wɔ wu ni, yiri nyini sɔnɔ kun n ye i busu nufom asunnu ka asarambaam bo bu wo anɔgoro n a, ni kabo kunma nmie sunnu na i la má nɔ n a.

¹³ Nyini minem kere yoori Nyeme yarada a, haari bu ba wuuri. Ba nya má deke n bo Nyeme seeri ka i yó ma bu, bu nɔɔ su ni. Ama, yarada dɛɛ n ti, bu njuuri deke n ka i wo dede wɔ, na ba de i ni ahorejɔ, na ba soro su ase ka bu ti wɔfom wɔ, wara nanatiirifom wɔ, durunya n nu fen. ¹⁴ Nyini minem kere bo bu seeri sɔ ni, i kere ka, bu boro bu nyi nienie bu tienɔgu asien busu wɔ. ¹⁵ Nzen má bu faari bu ahorembaa seeri asien n bo ba yo ayaki i n su ni anyumbo, má bu koro nya atin bo bu kaaki kɔ nyini asien n su bekun. ¹⁶ Ama, bu yo koroori asien be bo i tara bo bu yo yakiiri i n wɔ, yiri la Nyeme dɛɛ woobiri n bo i wo anɔgoro ni, nyini dɛɛ ti, ye i ti má nyinse Nyeme dɔ ka bu fereeri i ka bu Nyeme n a, dama yiri ye wɔ sese mie kpiri be su ase bu a.

¹⁷ Abraham yo yoori Nyeme yarada n dɛɛ ti, ye i yo faari i wa Izaki ka i fa yo yoowa, sanɔa bo Nyeme yo koroori ka i yo i na i nie n a. Yiri bo Nyeme yo seeri i ka i yó sakpa ma i ni, i soroori su wɔ, ka i fa i wa kun n kpein n yo yoowa ma Nyeme, ¹⁸ haari ni bo Nyeme yo seeri i ka, "Izaki dɛɛ ti, ye a nyá busu nufom a." ¹⁹ Abraham siiri ka Nyeme koro tenɔge Izaki fite yiwee nu. Nahɔre, i yarada n dɛɛ ti, na Nyeme atenɔge Izaki yiwee nu, dama Abraham dɔ, Izaki ti ka sɔnɔ bo wɔ wu ye wɔ tenɔge a.

²⁰ Izaki yoori Nyeme yarada n dɛɛ ti, ye i yo seeri i nbaa nnyom ni Jakɔbu ni Esawu ka, fa kɔ fa ba, Nyeme yo bu kisi n a. ²¹ Jakɔbu yoori Nyeme yarada n dɛɛ ti, sanɔa bo i ba sudodo ka i wu ni, na wɔ sere Nyeme ayo Yosefu nbaam nnyɔ ni kisi, na wɔ mie i kpama su ayasu asu Nyeme.

²² Yosefu yoori Nyeme yarada n dɛɛ ti, sanɔa bo i ba suwu ni, ye i jɔjɔri ka, Yisarelifom bá fite Ijipiti asien n su n a, na wɔ kere kabo bu yo i fuin n barasu.

²³ Moyisi si, ni i ni yo yoori Nyeme yarada n dɛɛ ti, bu wuuri i ni, ba soro má nɔaniɛ n bo Ijipitifom femɛ n fa maari ni, na ba fa i afie sara nɔan, dama bu ŋuuri ka i yo nyumi agaya. ²⁴ Moyisi yo yoori Nyeme yarada n dɛɛ ti, ye sanɔa bo i ba biiri biɛsɔ, i keteeri ka má bu fere i ka femɛ wa baabara n dɛɛ wa n a. ²⁵ I koroori kabo i ni Nyeme minem sanɔa di wahara n tara bo i di fiefie n bo i cɛ má na i do Nyeme ŋgasi ni. ²⁶ Yiri dɔ, nzen bu kpieri i nzuko kabo bu kpie Kristo Tiidefo n ni, nyini la kperɛ tara deke kere bo má i nya i Ijipiti asien n su ni, dama i nyunu yo boroori aceeri n bo i bá nya i Nyeme dɔ ni su a. ²⁷ I yoori Nyeme yarada n dɛɛ ti, ye i fiteeri Ijipiti asien n su n a, haari ni bo femɛ n faari yaa i ŋu ni, wɔ soro má serɛ. I ti ka i nie ŋuuri Nyeme wɔ, yiri bo be koro ŋu má i ni, nyini dɛɛ ti ye i koro mindi jinaari ni nahɔre su n a. ²⁸ I yoori Nyeme yarada n dɛɛ ti, ye i yo kpamaari Butara cɛenkpiri n a, na wɔ kaaki ase Yisarelifom ka, bu kun nbombaam, na bu fa mbunja bɔrɔki bu sɔɔ anɔm su, adena Nyeme mereke n bo i kun n ba baari, na má i kun Yisarelifom nbaabiesɔ nkpienm n a.

²⁹ Yisarelifom yo yoori Nyeme yarada n dɛɛ ti, ye sanɔa bo bu ŋa bu kpie kunma kpiri n bo bu fere i ka Kunma Kɔkɔre ni, ye i tiiri nu nnyɔ na atin ada afien, na ba nati asien wuruuwa su asin n a. Ama, sanɔa bo Ijipitifom koroori ka bu kpie ni, nzue n diiri bu kere wɔ.

³⁰ Yisarelifom yo yoori Nyeme yarada n dɛɛ ti, sanɔa bo bu bara yɛeri Yeriko mie kpiri n leso ni, na kobe n bo ba ta abara aye mie n kere ato. ³¹ Bara sakara n bo bu fere i ka Rahabu yo yoori Nyeme yarada n dɛɛ ti, sanɔa bo Yisarelifom kuunri i minem bo bu keteeri na ba de má Nyeme nɔaniɛ n ni, ba kun má i, dama yiri yo deeri Yisarelifom kɔresiyifom wɔfo faari bu fieeri a.

³² Tɔ kisa, m si má kabo m se kun, m la má sanɔa bo m kan fa kɔ Gedeyɔn, ni Balaki, ni Samson, ni Yefeta, ni Feme Davidi, ni Samuweli, ni Nyeme nɔaniɛ kanfom n jɔre n su.

³³ Bu yoori Nyeme yarada n dɛɛ ti, bu nbem kunmaari bu kpɔfo nfanɔafom lue nu wɔ, na nbem ayo sa bo bu kɔ atin su, na nbem anya deke n bo Nyeme seeri ka i yó ma bu ni, na nbem gusu akata jaram nɔɔ bo ba koro ayo má pui. ³⁴ Na ba fa nbem awura sin bambaka nu ka bu yara bu, ama, na sin n anɔ, wɔ koro ayo má bu pui. Na ba koro ka bu kpie nbem takobe ka bu kun bu, ama, na ba fite nu. Haari ni bo nbem ti daburukafom ni, bu nyaari fanɔa a, na ba tu lue ni asien

nbem su sojam, na ba kunma bu. ³⁵ Nbara nbem yo yoori Nyeme yarada n deɛ ti, na Nyeme atenje bu lamokom bo ba wu n yiwee nu ama bu. Ama, na ba kere nbem wahara akun bu. Ba saaki má bu nɔɔ na bu yaki bu nu ji, dama bu si ka bu bá tenje bu yiwee nu, na bu nya ngɔɔ bo i la má anjusu. ³⁶ Na ba yo bu nbem anzasi afin bu ngbere, na ba cici bu nbem jɔrɔkɔ, na ba fa bu awura dansaraka nu. ³⁷ Na ba tu nbem yabuɛ abo akun bu, na ba kpɛɛ ati nbem nu nnyɔ, na ba fa takobe akun bu, na yaari ati nbem na bu sufa nbɔɛm ni sirim nɔma sufa yo bu suturam kata bu nɔ, na minem akere bu wahara ayo bu ngbɛɛnngbɛɛn kere. ³⁸ Bu ti mine kpam bo bu woowa tara durunya n nufom woowa, bu wo má woobiri kun, bu nati yereŋgi boro kpantain n nu wɔ, ni bukam su, na bu suwura yabuɛ buɛm, ni asiɛngu kunma n nu suda.

³⁹ Nyeme nyunu yo yiiri nyini minem kere sayoowa, bu yarada n deɛ ti, ama, ba nya má deke n bo Nyeme seeri ka i yó ma bu ni. ⁴⁰ Dama Nyeme koro ka i ma yere deke kpa nahɔre su, kana deke n bo i koro ka i yo n yo yiiwa, má ka ya ni bere abo kun na i ma ya kere ti kabo i koro ka ya ti ni.

12

Kabo Nyeme cin i nbaam sui barasu ni

¹ Nyini minem bo bu yo yoori Nyeme yarada n sunnu, ba bara aye ya, na bu nie kabo ya su Nyeme atin n su. Nyini ti, am ma yere gusu yaki deke kere bo i kanda ya na ya koro su má Nyeme ni, na ya yaki satie n bo ya koro i agaya ni, na am ma ya fa anyumboro na ya su atin n bo i ti ye ni ka ya su i n su. ² Am ma ya sunie Yesu. Yiri ti ya mɔfɔ a, na i ma ya yo Nyeme yarada kabo wɔ yo daka ka ya yo ni. I yo diiri wahara baka jaanu n su, na ba wura i nyinse, ama, haari ni nyini n kere, i cece awo má nu, dama i nie nɔuri fiefie n bo i bá di i ni, nyini ti, ye kisa, i tana Nyeme saa fomboro su i femeya n nu n a.

³ Am nie kabo i yo diiri wahara satieyofom saa nu, na ba koro má i jore, na i laari mindi barasu a. Am su i su, adena má am nɔnie yɔrɔki am. ⁴ Kabo satieyofom kere am wuwuruwa na am mindi ni, am nya mindi ju má juubiri bo bu yi am ngɔɔ. ⁵ Kabo am ti Nyeme nbaam na wɔ tu am fɔ asi am ahore ni, má am ma am wara afi nyini ni, bo i nɔ, “M wa, nzen Nyeme tu u fɔ, má a kete,

nzen i cin u sui gusu a, má a ma u nɔnie yɔrɔki u.

⁶ Dama minem bo i koro bu n ye i tu bu fɔ a, na minem kere bo wɔ fa bu ayo i nbaam ye i cin bu sui a.”

⁷ Wahara n bo am sudi i ni, am mindi na am fa i ka am si sucin am sui a. Nyini sukere am ka am ti i nbaam wɔ lɛɛ, dama baa be wo má bere bo i si cin má i sui. ⁸ Nzen Nyeme acin má am sui kabo i cin bo bu ti i nbaam kere sui ni, nyini la ka, am ti má i nbaam nahore su, am ti ka soma nbaam wɔ lɛɛ. ⁹ Ya sim bo bu wuuri ya ni, bu ba yo, bu cin ya sui wɔ, na ya ma bu jirima. Nzen i nya ti so yiri, wɔ yo daka ya de ya Si Nyeme nɔanie tara bu dɛɛ, adena ya nya ngɔɔ. ¹⁰ Saŋga bo ya yo ti nbaatumam ni, ya sim yo cin ya sui saŋga kaan wɔ, kabo i ti ye ni ka bu yo ni, ama, Nyeme yiri cin ya sui, i yo i ni kpa dɛɛ ti wɔ, i koro ka ya nya i dɛɛ woowa n be wɔ. ¹¹ Saŋga kere bo bu cin ya sui ni, i ti ka ya ahore ti saakiiwa a, i yo má ya fie, ama, nyini n kere sin, minem kere bo Nyeme cin bu sui na bu si ka ba yo sa bo i kɔ má atin su, bu nya ahoreda na bu wo wo kpa.

¹² Nyini ti, má am ma am nɔnie yɔrɔki am, ama, am ma am kpekperɛ yo kenken. ¹³ Am susu Nyeme atin n su, na am nya faŋga, adena má am gbaraki buka su.

Fotu kabo wɔ yo daka ka má ya kete Nyeme nɔanie n ni

¹⁴ Am kere boro am nyi na am tana laifie ni sɔnɔ kere, na am wo wo bo i ti casi, dama wɔrɔ kere bo a ti má casi, a nɔ má Nyeme. ¹⁵ Am si am nɔ sa, na má be fun Nyeme ahɔrɔma ni. Am kaaki si am nɔ sa, na má be fa sunsunni tie be ba saaki mine dɔngu na bu kaaki bu sin bo Nyeme. ¹⁶ Am si am nɔ sa, na má be sukpini nbaram, na má be gusu yo i nɔ ngbeen na i cɛɛ wo má Nyeme su nu, ka Esawu, bo diire dɛɛ ti na i tɔɔri i tienɔgu baawu kpien jinaabiri maari i niema ni. ¹⁷ I tɔɔri i baawu kpien jinaabiri n dɛɛ sin, saŋga bo i seeri i si ka, i yo nyini kisi gɔ i nɔ ni, na i si akete, haari ni bo i sun ni nyunvuin ni, wɔ koro akaaki má deke n bo wɔ yo i n kun.

¹⁸ Juubiri n bo am aba aju ni, i ti má deke bo am koro nɔ i, i ti má ka buka n bo Yisarelifom yo kɔ juuri su na bu fere i ka Sinayi ni. Bu kɔ juuri su ni, na ba nɔ ka i suje sin fofoe, na awosin awura dika n nu, na wɔ kata liim, na aɔuma akpisi dika ni. ¹⁹ Na ba ti awie nɔga ka i fita ni faŋga su, na ba ti akonvi nɔga ka i sujɔɔ faŋga su. Bu tiiri akonvi ni nɔga sɔ ni, na bu seeri ni anyumboro ka bu koro má ka bu ti nyini jɔjɔwa n kun. ²⁰ Dama ba koro ade má nɔanie n bo Nyeme fa maari bu ni, i nɔ, haari nzen nengendɔre be faari i nɔ kaanri buka ni, bu tu i yabue bo kun i. ²¹ Dekem bo bu nɔuri bu buka n su n laari sere agaya n dɛɛ ti, na Moyisi mmɔɔ ase ka, "Sere ati m agaya, na m nɔnie subobo m."

²² Ama, deke bo am aba aju ni, am aba aju buka n bo bu fere i ka Siyon ni su a, ni Nyeme bo i wo bere saŋga

kere n dee mie kpiri ni, yiri la mie kpiri n bo bu fere i ka Yerusalem na i wo angoro ni, do ye Nyeme merেকে akpiim atien bu noo ni ahorejo n a. ²³ Am aba jama n bo bu ti ka Nyeme nbaakpienm, na ba kere bu duma Nyeme dika n nu ni do a. Am aba Nyeme do, yiri bo i di sono kere jore ni. Am aba dawafom woobiri ni, bere bo bu yoori sa bo i ko atin su Nyeme do na wo ma ba ti kabo i koro ka bu ti n wo. ²⁴ Am aba Yesu do o, yiri ti afien donguyofa a, yiri ye wo fa sesesu fofore n aba. I mbunja n bo wo fite ago ni, ayo ya casi a, i la kperere tara Abeli dee.

²⁵ Am si am nu sa, Nyeme sujoko am do, ma am kete i, dama sanja bo i yo jokori Yisarelifom do durunya n nu fen na bu keteeri ni, wo yaki ma bu. Nyini ti, nzen i wo angoro sujoko ya do, na ya keteeri, ya yo se koro fite nu a? ²⁶ Nyini sanja, i konvi ngumi mmoo ma asien kpisi wo. Ama, kisa, wo se ka, "M kpisi asien n ni angoro n kere kpekun buka su." ²⁷ Kabo i seeri ka i kpisi i kpekun buka su n kere ka, deke n kere bo wo yi bu ni, i ba kpisi yi bu, adena dekem bo be koro kpisi ma bu n ba ka. ²⁸ Nyini ti, kabo Nyeme ama ya atin ka ya ni yiri sanja di i femeya n bo be koro kpisi ma i ni, am ma ya da i asi. Am ma ya kaaki da i asi, na ya bu i, na ya soro i ahore, na ya su i, kabo wo yo daka ka ya su i ni. ²⁹ Dama Nyeme bo ya su i n ti ka sin bo i di deke kere bo i ti ma kpa n wo.

13

Kabo ya yo na i sun Nyeme nu ni

¹ To, kabo Kristo dee ti na am ayo ka nibaa kun ni, am sukoro am benju. ² Am tenge su na am sude wofom. Nbem yo yoori so o haari na ba de merekem wofa, ama, ba si ma ka bu ti merekem. ³ Ma am ma am wara fi minem bo bu wo dansaraka nu n sa, am fa i ka am ni bere ye ba sanja anyi am a. Na ma am ma am wara fi minem bo bu sudi wahara n gusu sa, am fa i ka ambere sudi wahara n a.

⁴ Am ma jirima wo am ajaam nu, na bieso n ni bara n kere bita bu nu, na ma be yo ngbeenngbeen, dama Nyeme ba di minem kere jore bo bu kpini nbaram, ni bo bu ko somaya ngbeenngbeen n kere. ⁵ Ma am ma am nyunu boro njwaa koro su agaya, ama, am ma am nyunu yi deke n bo am la i ni, dama Nyeme ase ka, "M yaki ma am ngbeen, m kaaki fa ma am ji ma." ⁶ Nyini ti, am ma ya fa ahoresi, na ya se ka, "Micera ni ti m bukafu,

m soro ma sere.

Adamande koro yo m nzu wo?"

⁷ Am niε am mofom bo bu kan Nyeme jore n kereeri am ni. Am niε kabo bu woori wo kpa barasu, na am son bu yarada bo bu yoori i n su. ⁸ Yesu Kristo kaaki ma, kabo i yo ti ni, i toko ti so o, na i ti so o sanja kere. ⁹ Ma am su kereewa fofore barasu nbem su, na bu ma am mini atin kpa ni. I ti ye ni ka ya de Nyeme deε ahoroma n bo i ma ya ahoresi ni, na ma ya de atin bo bu ciirem kere fa ko diire diiwam su, bo bu su nyini ciirem su ni, i buka ma bu. ¹⁰ Sa bo Yesu ayo ama ya n deε ti, ya fa i ka ya la Nyeme sayoowa yoobiri n deε diire bo Yudafoam Nyeme sayoowa donguyofom bo bu yo juma Nyeme Sereebiri Nambue n nu n la ma atin na bu di be. ¹¹ Afo kere afo, Nyeme sayoowa donguyofa kpien n fa nengendorem mbunja a, na i fa wura Casi Kere Casi So n nu. Na i fa yo yoowa ma Nyeme, fa ko minem satie bo ba yo i n su, na i ma bu nya fa niε n kere fite mie n aheme, na bu yara i sin. ¹² Nyini deε ti, ye Yesu gusu wuuri mie n aheme n a, adena i koro fa i mbunja n yo minem casi. ¹³ Sa n bo wo yo ama ya n deε ti, am ma ya ko i do mie n aheme, na ya su i atin su, na ya ni yiri kere sanja di nyinse n bo i diiri n be. ¹⁴ Dama durunya n nu fen, ya la ma mie be bo ya suwo nu sanja kere, ama, ya boro ya nyi sunienie mie kpiri n bo i ba ba n wo. ¹⁵ Nyini ti, buka n bo Yesu ayo ama ya n deε ti, am ma ya fa kansi fa ma Nyeme sanja kere. Ya saraka yoowa n bo ya fa ma Nyeme n la ka, ya teke ya noo, na ya kan kere minem ka Yesu ti Mibie n a. ¹⁶ Ma am yaki kpayo, am buka am bengum sanja kere, dama nyini saraka yoowam so, ye Nyeme koro a.

¹⁷ Am de am mofom noanie, na am su atin n bo bu fa kere am su, dama bere sukpie daafiri am busu n deε ti, ye Nyeme ba bisa bu kabo bu yoori bu juma n barasu n a. Nzen am deeru bu noanie, bu yo bu juma ni ahoreda a, ama, nzen am ade ma bu noanie, nyini ma bu yo bu juma ni ahoresaaki a, na nyini so gusu buka ma am.

¹⁸ Am susere Nyeme ma ya sanja kere. Yere do, i ti nahore wo ka ya yo sa bo i ko atin su wo, na ya sunsunni nu ma ya ka ya yo sa bo i ko atin su wo sanja kere. ¹⁹ M sere am wo, am boro am nyi sere Nyeme ma m, na i buka m, adena i ce ma, na m kaaki ba am do bekun.

Awieeri su deε nyemesere ni

²⁰ Nyeme ahoredafo n atenge ya Mibie Yesu Kristo i yiwee n nu. Nyeme faari Yesu mbunja n faari sesesu diiri i di n ti ye Yesu yoori ya sasafa kpiri n a. Nyini sesesu n la ma awieeri. ²¹ Nyini ti, m sereeri Nyeme ka i ma am deke kpa n kere bo i ti ye ni ka am nya i, na am yo i sa koroowa, na i kaaki ya wo, na ya yo mine n bo i ahore jo ya nu. Yesu

Kristo dεε ti, ye i yo nyini n kεε a. Yiri ti ye ni ka ya kansu i saŋga kεε saŋga. Ami.

²² M ninbaam, m sere am wo, am yo sawore, na am so am sui, na am de ahin jore n bo i wo ahin kadasi n nu, na m sufa tu am fo ni. Dama jore n bo m sukere ma am n sunnu ma. ²³ M koro ka am si ka, ya niwa Timoti wo ma dansaraka nu kun, ba yaki i, nzen i ba tuuri m nde, na m ba suba, m ni yiri kere ba nie am busu.

²⁴ Am bisa am mofom kere ni Nyeme minem kere dongu ma ya. Ya ninbaa yaradayofom bo bu wo Itali asien n su n kere bisa am dongu.

²⁵ Nyeme buka am kere.

Kadasi n bo YAKOBO akerε i ni

¹ Mini Yakobo bo m ti Nyeme ni ya Mibie Yesu Kristo dεε akoo ni, m bisa Kristo jamam n kerε dongu, bere bo ba sandi abara aye durunya n kerε nu ni.

Yaradayo ni alecira jore

² M ninbaam, nzen gberεgberε be tu am, am ma am ahore jo. ³ Dama am si ka am yarada bo am ayo Nyeme n dεε ti, ye nyini gberεgberε n tu am a, na am mindi nuuri i awieeri, am koro mindi nu gberεgberεm bo bu tara nyini n mmoo awieeri. ⁴ Am ma am mindi n sun am nu, adena am woowa kerε ti kabo Nyeme koro ka i ti ni na ma pui kpie am su.

⁵ Ama, nzen alecira akpie am nu be su, i ti ye ni ka i mi sere i Nyeme do, yiri bo i ce sono kerε aceeri ni i kunnu kun ni, na i wura ma be nyinse ka i mi asere i n dεε ti. Nyini ti, nzen be sere Nyeme, yiri ma i mi alecira n a. ⁶ Ama, nzen be sere Nyeme, i ti ye ni ka i mi yo yarada ka deke bo i sere i ni, Nyeme ma i wo, na ma i mi yo sika, dama sono kerε bo i yo sika, i ti ka nzue bo anuma bo i ko i sin ba i nyunu wo. ⁷⁻⁸ Nyini sono n bo i yo sika so ni, i sunsunni ti nnyo nnyo o, fa ko Nyeme do, i si ma i jinaabiri. Ma i mi n sunsun ka i nya pui fite Mibie n do.

Fotu fa ko Kristo jama n yaarifom ni nengefom do

⁹ To, ya niwa bo i ti yaarifom, na Nyeme awura i kpiri, i ti ye ni ka i mi ma i ahore da. ¹⁰ Na ya niwa bo i ti nengefom gusu, na Nyeme ayo i kaan, i ti ye ni ka i mi ma i ahore da. Dama i ce ma na i ni i nenge n kerε ba wo ma bere, kabo wura pum ce ma, na i ni i nyumi n kerε kpunkpon barasu ni. ¹¹ I ti so o, kabo wie ba bi, na i kekerε n bo kpunkpon wura pum na i wu, na i nyumi wie ni. Kabo nengefom n gusu ni i nenge n ti lee. Sanga bo i nyunu aba aboro i juma su ni, i ni i nenge n kerε ba wo ma bere kun.

Fotu fa ko sanga bo am wo gberεgberε nu ni

¹² Terefie wo sono kerε bo gberεgberε tu i, na i mi saaki ma i noo n do. Nyini sono n koro mindi nuuri nyini gberεgberε n awieeri, i nya ngoo Nyeme do, nyini la aceeri n bo i yo seeri ka i fa ma bere bo bu koro i ni. ¹³ Nzen gberεgberε n so n atu be na i ma i wura satie nu, ma i mi se ka, "Nyeme ayo m ye m wura satie nu a." Dama pui koro yo ma Nyeme na i wura satie nu, na i gusu yo ma be na i mi wura satie

nu. ¹⁴ Ama, deke bo i ma sɔnɔ wura satie nu n la i mi ni i tii dɛɛ konvikiya a, nyini ma i cin dodo satieyo a, ¹⁵ na nyini konvikiya n nya cin i wura satie nu na i mi yo satie be, na nyini satieyo n nya ba bi wieeri, i fa yiwee ba a.

¹⁶ M ninbaa koroowam, má am daka am ɲu. ¹⁷ Aceeri kere bo i ti kpa na i ti kabo Nyeme koro ka i ti ni, i kere fite angoro ya Si Nyeme dɔ ɔ, yiri yiiri deke n kere bo i ta angoro n a. I wo ti i wo wɔ, na i ma má awosin yo má na i kaaki deke be. ¹⁸ I dɛɛ koroyanu, na wɔ fa i nɔanie n bo i ti nahore n ama ya, ye ya yo i nbaam. I yoori sɔ ɔ, adena ya yo deke n kere bo wɔ yi bu n tii.

Am de Nyeme nɔanie n na am yo kabo i kere ni

¹⁹ M ninbaa koroowam, i ti ye ni ka am ti ahin sereya n bu, ka, sɔnɔ kere so i sui ndende na i ti, má i mi koro nde jɔjɔ, má i kaaki fa yaa ndende. ²⁰ Dama yaa kere má sɔnɔ na i yo sa bo i kɔ atin su Nyeme dɔ. ²¹ Nyini ti, am yaki sa ɲgbɛɛɲgbɛɛɲ, ni satie kere yo. Am yo am ɲu kaan fa ma Nyeme, na am de i nɔanie n bo wɔ fa awura am ahorembaa su ni. Dama nyini nɔanie ni koro de am tii ji a.

²² Am yo kabo Nyeme nɔanie n kere ni. Má am dadaka am ɲu ka am ati i na am yo má kabo i kere ni. ²³ Dama nzen be tiiri nɔanie n na i yo má kabo i kere ni, i mi ti ka sɔnɔ bo i fa niɛenu niɛ, na i ɲu i ɲu wɔ, ²⁴ ama, na i nya faari niɛenu n seeri, na i kɔ wieeri, a ɲu ka i wara afi kabo i nyunuawa ti barasu. ²⁵ Ama, sɔnɔ kere gusu bo i fiitiiri Nyeme nɔanie kpamaawa n nu, nɔanie kpamaawa n bo i ti kabo Nyeme koro ka i ti n na i ma minem nyaari bu tii ni, na nzen i mi boro i nyi su nɔanie n su, na i mi ti má sɔnɔ bo i ti nɔanie n na i wara afi i, ama, na i ti sɔnɔ bo i yo kabo nɔanie n kere ka i yo ni, i mi yiri, Nyeme yó i kisi fa kɔ i sayoowa kere nu.

²⁶ Sasu bekun, sɔnɔ kere bo i ɲa i su Nyeme atin su, na i koro tara má i nɔɔ, i mi daka i ɲu wɔ lɛɛ, na i nyemesu atin n ti ɲgbɛɛɲ wɔ. ²⁷ Nyemesu atin bo be su i su n na i la má gela be ya Si Nyeme dɔ n la ahin, ka, i mi niɛ ayikam ni nkunafɔm su, bere bo bu di yaari ni, na i mi kaaki tara i ɲu na má durunya n nufɔm ma i yo fin be Nyeme dɔ ɔ.

2

Fɔtu fa kɔ tantambunu

¹ M ninbaam, kabo am yo Yesu Kristo yarada ni, yiri bo i ti ya Mibie Jirimafɔ ni, má am fa tantambunu ni am bengɔ. ² Ma m fa i ka, nzen mine nnyɔ nbem ba wuraari am tientienbunɔɔ sɔɔ n nu, na kun wura sutura kpakpa ni sika ɲgaa, na nyinga n ti jaarifɔ na i wura sutura titiiwa, ³ na

nzen am nu kun se bo i wura sutura kpakpa n ka, “Jande, ba tana ahin tanaabiri nyunyumi n su,” na i nya se yaarifo n ka, “Wɔɔ, ka jina dɔ, nzen má nyini, ba tana m jaa bu fen,” ⁴ nyini kere ka am sufa tantambunu atin lɛɛ, na am sunsunni tie ma am sufa kpakpaakinu ba lɛɛ, má sɔ?

⁵ M ninbaa koroowam, am ti fen. Má Nyeme yiiri yaarifo bo bu wo durunya n nu n ka bu ti ajekefom i dɔ, bu yarada n dɛɛ ti a, na bu nyá femeya n bo wɔ se ka i fa ma minem bo bu koro i n a, nzen sɛ? ⁶ Ama, amberɛ bu yaarifo ngbɛɛn wɔ. Nmam kere am wahara n a? Nmam kaaki cin am kɔ jɔɛ diibirim n a? Má nengefom n a? ⁷ Má berɛ jɔjɔ wura duma n bo i la anyunuyi ni ngasi nu n a? Yiri ye Nyeme afa ama am na i kere ka am ti i dɛɛm ni.

⁸ Ba kere i Nyeme Jɔɛ Kadasi n nu ka, “Koro u beɗu kabo a koro u ɗu ni.” Nyeme femeya n nu noanie kpamaawa bambaka n lɛɛ. Nzen am yo sɔ, nyini ti kpa a. ⁹ Ama, nzen am laari tantambunu, am ayo satie, na Nyeme noanie kpamaawa n kere ka am ti ketemafom wɔ lɛɛ. ¹⁰ Wɔɔ kere bo a suuri Nyeme noanie kpamaawa n kere su, ama, na a saakiiri i kun n kpein mmɔɔ, a saaki noanie kpamaawa n kere lɛɛ. ¹¹ Nyeme bo wɔ se ka, “Má a kpini u beɗu yi” ni, yiri akaaki ase ka, “Má a kun sɔɔ” n a. Ama, nzen haari a kpini má u beɗu yi, ye a kuunri sɔɔ, a yo ketemafɔ fa kɔ noanie kpamaawa n su lɛɛ. ¹² Am ma am jɔjɔwa ni am sayoowa kere ka am ti minem bo Nyeme bá fa i noanie kpamaawa ni fá di am jɔɛ a, nyini noanie kpamaawa n bo i ma minem nya bu tii ni. ¹³ Dama jɔɛdi cɛɛn, minem bo bu si má bu beɗum aɗunfɔ ni, Nyeme si má berɛ mmɔɔ aɗunfɔ. Ama, aɗunfɔ sifom ni, berɛ dí nasara, jɔɛdi cɛɛn ni.

Fotu fa kɔ yarada ni i sayoowa

¹⁴ M ninbaam, nzen sɔɔ ɗa i yo Nyeme yarada, na i sayoowa kere má ka i la yarada, nyini yarada ni koro de i tii ji, nzen sɛ? Ai, nyini ti ngbɛɛn wɔ lɛɛ. ¹⁵ Ma m fa i ka, nzen am ninbaa Kristo jama nbem wo berɛ bo bu la má diire, na bu la má sutura, ¹⁶ na nzen am nu kun seeri i ka, “Kɔ ni ahoreda. Nyeme ma u na a di, na i ma a nya sutura.” Nzen a seeri sɔ, na a ma má i mi koroowa ni, i kpa la bɔɔ? ¹⁷ Nyini ti, nzen a la yarada n ngumi, na u sayoowa kere má ka a la yarada, i ti yarada ngbɛɛn wɔ lɛɛ.

¹⁸ Be koro se ka, “Ahin sɔɔ n yiri yo Nyeme yarada wɔ, ama, ahin n yiri yo sakpa a.” Tɔ, ye sɔɔ yo se kere ka i yo Nyeme yarada, bo i yo má sakpa a? Mini yo sakpa a, nyini kere ka m yo Nyeme yarada. ¹⁹ A ɗa a yo yarada ka Nyeme ngumi wo berɛ a. Nfan. Haari ajinim mmɔɔ si i sɔ ɔ, na

bu ηunie subobo bu ni sere. ²⁰ Woro sinnzin ηgbεen ni, a koro ka m kere u ka yarada yoowa bo i kere má sakpa n ti yarada ηgbεen wɔ, nzen se? ²¹ I yo se ye Nyeme deeru ya na Abraham ka i yo sa bo i kɔ atin su i dɔ a? Abraham sayoowa n dεε ti ye Nyeme deeru i sɔ a, dama Abraham yo faari i wa Izaki fa seeri Mikun n yoowa yoobiri n ka i fa i yo yoowa ma Nyeme ni. ²² A ηu má i? I yarada yoowa fa sanɔa ni i sakpa yoowa kere yoori kun wɔ. Na i sayoowa n akere ka i yarada n ti kabo Nyeme koro ka i ti n wɔ. ²³ Sɔ ye deke n bo bu kereri i Nyeme Jɔre Kadasi n nu n ayo yiiwa a, ka, "Abraham yoori Nyeme yarada n dεε ti, na Nyeme ade i ka i yo sa bo i kɔ atin su i dɔ." Nyini ti, ye bu fereeri i ka Nyeme danfo n a. ²⁴ Tɔ, m ηa am anju i e, ka sɔnɔ sayoowa ma Nyeme de i ka i yo sa bo i kɔ atin su i dɔ a, má ka i mi yarada ηgumi ti. ²⁵ I ti sɔ ɔ lee, fa kɔ bara sakara be bo bu fere i ka Rahabu n dɔ. Dama dawa sanɔa, yiri yo bukaari Yisarelifɔm dεε kɔresiyifɔm n a, na wɔ kere bu atin na ba foro bu kpɔfɔm saa nu. Nyini sayoowa n dεε ti, na Nyeme ade i ka i yo sa bo i kɔ atin su i dɔ ɔ. ²⁶ Tɔ, kabo ηumi awo má anuniembaa n nu na i ti fuin ni, sɔ ye i ti a, nzen a la yarada na u sayoowa kere má ka a la yarada, yarada ηgbεen lee.

3

Fɔtu fa kɔ kabo ya bita ya taferema

¹ M ninbaam, má am dɔngɔ yo am ηu kerefɔm. Dama am si ka yere bo ya ti kerefɔm ni, ya jɔre diiwa bá yo kekereke agaya a. ² Ya kere ba yo, ya yo sam bo bu kɔ má atin su wɔ. Ama, nzen sɔnɔ kere bo i jɔjɔwa kere kɔ atin su, i mi woowa n ayo kabo Nyeme koro ka i yo n wɔ lee. I kere ka i mi n la tarabuɔ sa kere nu lee. ³ Am ma ya niε kpɔngɔ. Ya fa karafi wura kpɔngɔm nɔɔ ɔ, na ya kunma bu fanɔa na bu yo deke kere bo ya koro ka bu yo i ni. ⁴ Am ma ya niε lee bambaka gusu, i ni i bambaka n kere ni, haari nzen anjuma bambaka subo i kɔ deke be, lee kanfɔ n koro fa napɔku baka n bo i ti kaan ni lee ni, na i kan i kɔ deke kere bo i koro. ⁵ I ti sɔ lee ni taferema n gusu, i ni bo i ti kaan anuniembaa n nu n kere ni, i koro saaki deke dɔngɔ.

Niε kabo sin ti barasu a, haari i ti kaan se, i koro je boo bambaka. ⁶ Taferema n ti ka sin wɔ lee. Bekun, ya ηuniembaa n nu, i kaaki ti ka satiem bo ba yi durunya n nu n wɔ, i satie n sa anuniembaa n kere wɔ. I yo juma ka sin wɔ, na i saaki sɔnɔ ηuniembaa n fite cɛen n bo bu wuuri i n fa kɔ ju haari i yiwee cɛen. Yiko bo taferema n la i na i yo sɔ n fite cɛema sin n nu wɔ. ⁷ Adamande kunma deke

n kere fanja, i ajaannam o, i lanjkrpetefom o, i cinbukunnu-sufom o, ni jombaam o. Na wo koro ata bu kere. ⁸ Ama, taferema yiri, sono be nya koro kunma ma i fanja. I ti deke tie wo, bo be koro tara ma i. I ti ka wo yi ni bore bo i kun wo. ⁹ Ya fa yiri fa kansi Micera n bo i ti ya Si n a. Na ya kaaki fa yiri saaki minem bo Nyeme ayi bu ka bu ferema ni yiri n a. ¹⁰ Nyini anoo kun n ye kansi ni saaki fite nu a. M ninbaam, wo yo ma daka ka i ti so. ¹¹ Bura kun koro tie nzue kpa, ni nzue tie, nzen se? Ai, i koro yo ma. ¹² M ninbaam, am si ka damba baka koro su ma nguinmbaa. Cumi baka gusu koro su ma damba. I ti so o lee, bura bo i nzue ti lalaraki, i koro tie ma nzue bo i yo fie.

Fotu fa ko alecira bo i fite Nyeme do ni

¹³ Nma wo am nu bo i la alecira ni si a? I ti ye ni ka i mi kere ka i ti so o, fa ko i woowa kpa su, na i yo sakpa, na i wo benle, nyini kere ka i la alecira. ¹⁴ Ama, nzen am susi kore ahorembaa su, na am suyo wi, na am bita anyii sunsunni, ma am bita fo ka am la alecira, na ma am bu kore jaraki nahore n so. ¹⁵ Nyini alecira n so fite ma Nyeme do, ama, i fite durunya n nu fen wo, i nati ma Nyeme atin su, i ti Sitana dee wo. ¹⁶ Deke bo koresi, ni anyii wo, kpakpaakinu ni satie yoowa barasu kere wo do o. ¹⁷ Ama, sono bo i la alecira n bo i fite Nyeme do n la ka, i woowa ti casi. Bo i to su n la ka, i koro tanalaifie, na i la wo benle, na i de fotu, na i si anunfo agaya, na i yo sakpa beberebe, na i la ma tantambunu, na i kaaki la ma burukoonu. ¹⁸ Tanalaiefefom bo bu yo tanalaifie juma ni, bu nkatoo n la sam bo bu ko atin su Nyeme do n wo.

4

Fotu fa ko kabo ya da ya nu asienju fa ma Nyeme ni

¹ Nzu ti ma am di aluwa, na am suse akuruwa am nju nu a? I fite ka am sunsunni ti tie, fa ko am ahorembaa koroowa beberebe n bo i wo am nuniembaa nu, na i kpie am daafiri n dee ti a, ma so? ² Am koro deke nbem, na am nya ma bu n ti, ye am koro ka am kun am bengum n a. Am konviki wura minem nenje nu, na am nya ma i n ti, ye am se akuruwam, na am di aluwa n a. Am sere ma Nyeme n dee ti, ye am nya ma am koroowa n a. ³ Deke bo i ti na am sere Nyeme na am nya ma i n la ka, am sere ni sunsunni tie wo. Am sere dekem ka am fa yo am kunnu koroowa a. ⁴ Ambere bo am su ma Nyeme ni, am si ma ka sono kere bo i koro durunya n nu nengem agaya, ti Nyeme kpofoo, nzen se? Nyini ti, sono bo i fa i ahorembaa se durunya n nu nengem su, i mi ti Nyeme kpofoo o lee. ⁵ Ma am sunsun ka

deke bo ba kere i Nyeme Jore Kadasi n nu n ti ngbɛɛn wɔ, ka, “Sɔnɔ kere bo i fa i awiewie n bo Nyeme afa ama i n suuri deke be sin Nyeme ɲu, Nyeme si i kore agaya.” ⁶ Ama, ahɔrɔma n bo Nyeme afa ama ya n sunnu. Nyini ti, ye ba kere i Nyeme Jore Kadasi n nu ka, “Nyeme kete kpirikorofɔm wɔ,

ama, na i fa i ahɔrɔma n ma tarakam.”

⁷ Nyini ti, am fa am ɲu ma Nyeme. Am kete Sitana, na i ɲmáti yaki am. ⁸ Am cin dodo Nyeme, na i gusu cín dodo am. Ambere satieyofɔm, am yi am saa fite satie nu. Ambere anɔɔ nnyɔ nnyɔfɔm, am yo am ahorembaa casi. ⁹ Am satie dɛɛ ti, am ma am ahore saaki, na am sun. Am fa am siri fa kaaki sun, na am fa am ahorejo fa kaaki ahoresaaki. ¹⁰ Am da am ɲu asienɲu ma Nyeme, na yiri bá wura am kpiri.

Fɔtu fa kɔ kabo má ya jaraki ya bengum ni

¹¹ M ninbaam, má am jojo tie ma am bengɲu. Wɔrɔ bo a jojo tie ma u lamokɔ, wara a jaraki i, a jojo tie afa akɔ Nyeme nɔanie kpamaawa n su ajaraki i lee. Nzen a nya yoori sɔ, a nya ti má sɔnɔ bo i de Nyeme nɔanie kpamaawa n lee, ama, a yo u ɲu ka joredifo lee. ¹² Nyeme ɲgumi ti i nɔanie n kpamafo a, na yiri ɲgumi kaaki ti i joredifo a, yiri bo i koro de minem tii ji na i kaaki koro ma bu ka ngbɛɛn ni. Wɔrɔ la ɲma na a jaraki u bengɲu a?

Fɔtu fa kɔ yanfoya atin su

¹³ Am ti fen, ambere bo am se ka, “Nyuma, wara ahunma, ya kó ahin mie n su, na ya kó yo afo kun dɔ, na ya yó juma, na ya nyá ɲwaa beberebe ni.” ¹⁴ Ambere, haari am si má sa bo i bá yo am ahunma mmɔɔ. Am ni am ɲgɔɔ ti ka se? Am ti ka bɔre wɔ, bo i tɔ na i ce má, na wie ba tie, a ɲu ka wɔ kpɔnkpɔn ni. ¹⁵ Deke bo i ti ye ni ka am se n la ka, “Nzen Nyeme diiri su, ya wó bere, na ya yó ahin ni ahin.” ¹⁶ Ama, kabo i ti ni, ambere koro kpiri wɔ, na am sufɔ. Nyini yanfoya sɔ n kere ti má kpa. ¹⁷ Tɔ, nyini ti, sɔnɔ kere bo i si sakpa bo i yo i, na i yo má i, i mi yo satie wɔ lee.

5

Fɔtu fa kɔ nengefɔm dɔ

¹ Ambere nengefɔm, am ti fen. Sa ngbɛɛnngbɛɛnm bo bu bá tu am n dɛɛ ti, am sun na am subo awie. ² Am ajeke n kere susaaki, na nvɔrem sumuka am suturam n kere. ³ Am sika ni am jete kere suwura ɲgambulaari, na bu ɲgambulaari wuraawa ni bá ma Nyeme jaraki am, na i káaki ba yara am ka sin, am ɲuniembaa nu. Am atien ajeke

nɔɔ afa ase fa kɔ durunya n awieeri wɔ lɛɛ. ⁴ Sasu bekun, am akete ka am tɔ má jumayofɔm ŋkatɔ, bɛrɛ bo bu tambu am fiesu nenɛge mbaa ni. Am ti kabo bu kan am ndiɛ a, bu awie bo n kɛrɛ ato Micera Yikofɔ n sui nu. ⁵ Kabo am wo durunya n nu fɛn ni, am adi fiɛ, na am ayo am kunnu koroowa. Am adi ayo ŋgbiŋgbiri ka toora dɔdɔɔrifɔm bo bu sukɔ ka bu kpɛ bu kɔm ni. ⁶ Minɛm bo bu la má ŋgasi be ni, bɛrɛ n ye am ama ba di bu jɔrɛ acin bu sui akun bu a. Bu kete má am wɔ.

Awieeri su dɛɛ fɔtu jɔrɛm ni

⁷ Nyini ti, m ninbaam, am yo sawɔrɛ ŋminda fa kɔ cɛɛn n bo Mibiɛ ni bá ni. Am niɛ kabo dɔdɔɔrifɔ yo sawɔrɛ ŋminda, haari kabo bu fiesu diire bá yo kpakpa barasu. I yo sawɔrɛ ŋminda kpanyini nzue kɔ tu takoku wɔ. ⁸ Am gusu yo sawɔrɛ. Am ma am ahore si, dama Mibiɛ n ba sanɔa n adodo. ⁹ M ninbaam, má am wo waraki su, sukan am benɔu ndiɛ, adena má Nyɛmɛ bá di am jɔrɛ. Am ti fɛn, yiri Jɔrɛdifo n lɛɛ, yiri jina anɔ n nu n a. ¹⁰ M ninbaam, am ma ya tenɛge su, fa kɔ Nyɛmɛ nɔaniɛ kanfɔm n bo bu yo jɔjɔɔri Micera n duma n nu ni. Am su bu jaa yiiwa su, kabo bu yo yoori sawɔrɛ mindi diiri wahara ni. ¹¹ Nahɔrɛ, minɛm bo sa tu bu, na bu la mindi kɔ ŋu i awieeri ni, bɛrɛ ye ya fere bu ka terefiɛfɔm a. Am tiiri kabo sɔnɔ be bo bu fere i ka Yobo n yo laari mindi barasu, fa kɔ ni wahara n kɛrɛ bo i yo diiri i ni. Am si kabo kasin na Micera n abuka i ni. Dama Micera n si anɔnɔ na i la koro agaya.

¹² M ninbaam, jɔrɛ bo i buka i kɛrɛ su n la ka, má am tan deke be ndiɛ fieo. Má am se ka am tan asiɛnɔgu, wara am tan anɔgoro. Nzen u jɔjɔɔwa n bu la ka ɛɛn, am se ka, “ɛɛn.” Na nzen u jɔjɔɔwa n bu la ka ai, am se ka, “Ai.” Adena, má Nyɛmɛ di am jɔrɛ na i yo am ŋgbɛɛn.

¹³ Nzen be wo am nu bo sa be atu i, i ti ye ni ka i mi sere Nyɛmɛ. Na nzen be wo am nu bo i ahore ajɔ, i ti ye ni ka i mi di jue kansi Nyɛmɛ. ¹⁴ Nzen be wo am nu bo i la má laifiɛ, i ti ye ni ka i mi fere Kristo jama nkpienkpienm na bu ba sere Nyɛmɛ ma i, na bu nunuka i ŋguin, Mibiɛ n duma n nu. ¹⁵ Nyini nyɛmɛsere n bo bu sere i ni yarada ni, i má tukpakifo n nya laifiɛ, na Mibiɛ ni má i yasu. Na nzen haari wɔ yo satie mmɔɔ, Nyɛmɛ fá i satie n ce. ¹⁶ Nyini dɛɛ ti, am kan am satie bo am ayo i kere am benɔu, na am sere Nyɛmɛ ma am benɔu, adena am nya laifiɛ. Sɔnɔ bo i yo sa bo i kɔ atin su Nyɛmɛ dɔ ni, i nyɛmɛsere la fanɔa, na i yo juma nahɔrɛ su. ¹⁷ Nyɛmɛ nɔaniɛ kanfɔ n bo bu fere i ka Eliya ni, i yo tiiri adamande ka yerɛ wɔ, na wɔ sere Nyɛmɛ ni anyumboro su, ka, má nzue tɔ, na nzue n atɔ má asien n

su afɔ nsan ni sara nsen. ¹⁸ Na wɔ kaaki asere Nyɛmɛ, ka, i ma nzue n tɔ, na wɔ tɔ, na asien n diire mbaa kɛrɛ akaaki ayo.

¹⁹ M ninbaam, nzen am nu kun miniiri nahɔrɛ atin ni, na am nu kun be faari i kpieeri i nyi baari atin n su, ²⁰ i ti ye ni ka i mi n si nu ka, sɔnɔ kɛrɛ bo i yiiri satieyofɔ fiteeri i satie atin n su, i mi de nyini sɔnɔ n tii fite yiwee nu, na i ma Nyɛmɛ fa i mi satie beberebe n fa ce i.

Kadasi ciciri su bo PETORO akerε i ni

¹ Mini Petoro bo m ti Yesu Kristo jaramasa ni, sukere ahin kadasi n na m fa ma ambere Nyeme minem bo wo yi am na am ti wofom na am asandi abara aye, na am wo Pontusi, ni Galatiya, ni Kapadosiya, ni Esiya, ni Bitiniya aworem n nu ni. ² Nyeme koroyanu dee ti, ye wo du mo ayi am ye i Awiewie Casi n ama am ayo i dee minem a, adena am de Yesu Kristo noanie ni, na i mbunja n nmisi am na i yo am casi. Nyeme buka am na i ma am ahoreda ko sin su.

Deke bo ya la i tama ni

³ Am ma ya kansi Nyeme, yiri bo i ti ya Mibie Yesu Kristo Si. Wo si ya anunfo agaya n dee ti, ye wo ma ya yo mine fofore, ye ya la tama wo ni ngoo a, dama i tengeeri Yesu Kristo i yiwee n nu wo. ⁴ Na am nya acerim bo Nyeme afa ase angoro anminda ka i fa ma am ni. I ti aceeri bo i saaki ma, i yo ma fin, na i kaaki wie ma. ⁵ Am ayo Kristo yarada n dee ti, Nyeme la yiko bo i sasa am haari ni bo am ba nya tiide n bo wo sese i su ka am ba nya i awieeri su sang a ni.

⁶ Nyini kere dee ti, ye am la ahorejo n a, haari nzen wo yo daka ka am ahore saaki kaan fa ko kekereke barasu barasu n bo kisa am sunu i ni. ⁷ Nzen am koro mindi deer ni nyini kekereke barasu n kere, nyini kere ka am ayo Kristo yarada nahore su a. Kabo am ayo Kristo yarada ni, i la anyunuyi tara sika bo i ka ngbeen ni. Sika yiri, bu fa i wura sin nu wo, na bu nie kabo i ti barasu, so ye Nyeme ma am di nyini waharam n a, na i nie kabo am ayo Kristo yarada n barasu ni. Nzen am ayo i yarada ni nahore su, een n bo Yesu Kristo ba yi i nu fite fofoe nu ni, am nya kansi, na bu wura am kpiri, na bu ma am jirima. ⁸ Am nyumbaa nya nu ma yiri Yesu ni, ama, am koro i, haari ni bo am nyumbaa koro nu ma i kisa ni, am yo i yarada a, na am ahore ajo ako asin su, na am si ma kabo am se barasu, ⁹ dama am anya am yarada n kperε, yiri la tiide n bo am anya i ni.

¹⁰ Nyini tiide n jore ye dawa dee Nyeme noanie kanfom fitiiri i nu na bu si i n a, ye bu kan kereeri minem fa ko sakpa n bo Nyeme ba yo ma am n su n a. ¹¹ Na Kristo Awiewie n bo i wo bu do n adu mo akere bu kabo Kristo, Tiidefo n bo Nyeme ase ka i sunma i n ba diiri wahara ni, ni kabo i woowa ti kpiri barasu ni, i wahara di n sin. Na ba boro bu nyi na bu si kabo yiri Kristo Tiidefo n ti barasu,

ni san̄ga n bo nyini sam ni bá yo ni. ¹² Na Nyeme ama bu asi nu ka jore n bo ba kan i ni, i ti má ka i buka bere ni bu tii wɔ, ama, i ti deke bo i buka ambere wɔ. Yiri ye kisa am ati i afite minem bo bu kan labari kpa n kereeri am do n a. Nyeme maari i Awiewie Casi n fiteeri angoro ba maari bu yiko ye bu kaanri i jore n kereeri mine a. Nyini jorem ye Nyeme merkem mmoo koro ka bu nie nu na bu si i bu n a.

Kabo i ti ye ni ka ya woowa ti casi barasu ni

¹³ Nyini dee ti, am sese am sunsunni su, na am tara am nu, na am fa am tama kere wura sakpa n bo Nyeme bá yo ma am n nu, san̄ga bo Yesu Kristo bá yi i nu fite fofoe nu ni. ¹⁴ Am de Nyeme noanie n ka nbaatumam bo bu de bu si noanie ni, má am yo am kunnu koroowa, na am suyo satiem n bo am yo bu san̄ga bo am yo si má Nyeme atin ni. ¹⁵ Ama, am ma am woowa kere ti casi, kabo yiri Nyeme woowa ti casi ni, yiri bo wɔ yi am ka i deem ni, ¹⁶ dama ba kere i Nyeme Jore Kadasi n nu ka, “Mini, m ti casi wɔ, nyini ti, wɔ yo daka ka ambere gusu ti casi.”

¹⁷ Kabo am sere Nyeme, na am fere i ka am Si ni, am tara am nu na am bu i fa ko deke kere bo am yo i am ngoo su ni, ahin durunya n bo i ti má am woobiri n nu ni, dama kabo i di minem jore fa ko bu kere sayoowa su ni, i tambu má nu. ¹⁸ Am si kabo Nyeme ade am tii aji afite am sayoowa ngbɛɛngbɛɛnm n bo am nam yo fa maari am n nu ni. Deke n bo wɔ fa ade am tii aji n ti má ka sika wara jete bo bu koro ka ngbɛɛn ni, ¹⁹ ama, wɔ fa Yesu Kristo dee mbunja n bo i la má anusu na i ti ka bombaa bo i la laifie na i la má fin be n dee n wɔ. ²⁰ Nyeme du mo yiiri i ka i ba yo so ka, ye i nya ba yiiri durunya n a. Ama, ahin awieeri su san̄ga n bo ya wo nu n ye Nyeme ma wɔ fite fofoe nu, ambere dee ti a. ²¹ Yiri dee ti ye am ayo Nyeme yarada n a. Nyeme tengeeri i yiwee n nu, na wɔ wura i kpiri, nyini dee ti ye am yo yarada na am la tama fa ko Nyeme do n a.

²² Kabo am ade Nyeme noanie n bo i ti nahore, na wɔ yo am casi ni, nyini ma am koro am benggu bo dadaka wo má nu a. Nyini ti, am sukoro am benggu ni am ahorembaa fofoe ni nahore su. ²³ Am akaaki mine foforem, i ti má kabo adamande wu baa na i wu ni, ama, bo i wuuri am ni, i wu má. Nyeme faari i noanie n bo i la ngoo na i la má awieeri n ye i ma am akaaki mine foforem n a. ²⁴ Dama ba kere i Nyeme Jore Kadasi n nu ka,
 “Adamande kere ti ka wura a,
 i ce má na i wu.
 Na bu nyumi kere ti kabo wura pum yo nyumi barasu n wɔ,
 i ce má na i yoroki na i kponkpon.

25 Ama, Micera n dɛɛ nɔɔniɛ n wo bere wɔ sanɔa kere.”
Nyini nɔɔniɛ n ti labari kpa n bo ba kan akere am n a.

2

Nyeme mine n bo wɔ yi bu n jɔre

1 Nyini dɛɛ ti, am yaki sa kere bo i ti má kpa, má am kpo am beɔgum, má am sisi am beɔgum, má am yo am beɔgum burukɔɔnu sa, má am si am beɔgum kɔre, má am kan am beɔgum jɔre saaki bu. 2 Kabo baakan koro nyufini ni, am gusu, am koro Nyeme nɔɔniɛ n bo i ti ka nɔɔɔ casi ni, nyini buka am ye am koro nyi na am nya tiide a, 3 dama ambere ni am tii si kabo Micera n ti kpa barasu. 4 Am bra Kristo dɔ, yiri ti ka yabue n bo i la ɔgɔɔ n a. Yiri ye fatafɔm ayi i atu n a. Ama, Nyeme ayi i ka i la anyunuyi. 5 Ambere gusu, am ti ka yabuem n bo bu la ɔgɔɔ n wɔ, na Nyeme sufa am ta awuru n bo i Awiewie Casi n wo nu, na am yo i sayoowa dɔɔguyofɔ casim, na Awiewie Casi buka am na am yo yoowa bo i sun Nyeme nu, Yesu Kristo dɛɛ ti. 6 Dama ba kere i Nyeme Jɔre Kadasi n nu ka, Nyeme ɔa,

“Am ti fen, m sufa yabue bo i la anyunuyi

sufa bo Siyon mie kpiri n bu,

sonɔ kere bo i yoori i yarada,

i mi dí má nyinse.”

7 Tɔ, ambere bo am ayo i yarada ni, am anya deke bo i la anyunuyi ni, ama, minem bo bu yo má i yarada ni, ba kere i Nyeme Jɔre Kadasi n nu ka,

“Yabue n bo bondo tafɔm n faari i tuuri ni,

yiri ye wɔ kaaki bondo n jaa yabuem n kere tii a.”

8 Na ba kaaki akere i Nyeme Jɔre Kadasi n nu ka,

“Nyini yabue ni, minem bo bu jaa su,

na bu kpaasi.”

Deke n bo i ti na bu kpaasi n la ka, ba de má Nyeme nɔɔniɛ ni, kabo wɔ yo daka ka i yo lee.

9 Ama, ambere, am ti daanfie n bo Nyeme ayi am wɔ, am ti sayoowa dɔɔguyofɔm bo am su Nyeme bo i ti am feme n wɔ, am ti Nyeme dɛɛ mine casim wɔ, am ti Nyeme dɛɛ awurunbaam wɔ. Yiri ye wɔ yi am ka am kan i sakpam kere minem a, dama wɔ yi am afite awosin nu, afa am awura i dɛɛ wein n bo i la má aɔusu n nu. 10 Ba kere i Nyeme Jɔre Kadasi n nu ka,

“Sanɔa be, am yo ti má i dɛɛ minem,

ama, kisa, am ti Nyeme dɛɛm wɔ.

Nyini sanɔa, Nyeme yo si má am aɔunfɔ,

ama, kisa, wɔ si am aɔunfɔ.”

Kabo Nyeme akɔɔm woowa ti barasu ni

¹¹ M danfo kparam, am ti wɔfɔm wɔ, ni minem bo bu la má woobiri durunya n nu fen, nyini dɛɛ ti, m sere am ni anyumboro wɔ, má am ma am nyunu boro am aɲuniɛmbaa koroowa su, dama am aɲuniɛmbaa koroowam sukoro ka bu kunma am wɔ. ¹² Am ma am woowa ti kpa, na nzen minem bo bu su má Nyemɛ n jaraki am fa kɔ satie be su, bu ba ɲu am sakpa n bo am yo i ni, na bu kánsi Nyemɛ, cɛɛn n bo i bá nie i minem su ni.

¹³ Ya Mibiɛ n dɛɛ ti, am de nfanɲafɔm kere nɔanie, femɛ bo i nie adamande kere su ni, ¹⁴ ni nkpienkpienm bo wɔ yi bu ka bu sunie am su ni, am de bu nɔanie, dama ba fa bu ase ka bu cin minem bo bu yo satie n sui wɔ, na bu kansi minem bo bu yo sakpa ni. ¹⁵ Nyemɛ koro ka am yo sakpa a, na minem bo bu ti sinnzinm na bu si má be ni, na bu si má kabo bu kan. ¹⁶ Am ti minem bo am ade am tii wɔ, má am nie ka am anya am tii n dɛɛ ti, na am sufie yo satie. Ama, am ma am woowa ti kabo Nyemɛ akɔɔm woowa ti barasu ni. ¹⁷ Am bu sɔnɔ kere sɔnɔ, am koro am ninbaam kere, am soro Nyemɛ, na am bu Romafɔm femɛ kpiri ni.

Kabo ya sɔn Kristo wahara diiwa n su ni

¹⁸ Amberɛ bo am ti akɔɔm ni, am de am mibiɛm nɔanie, na am bu bu nahɔre su, má ka bo bu ti benle na bu yo am sakpa ni ɲgumi, ama, haari bo bu ti tie ni mmɔɔ, am bu bu. ¹⁹ Nzen am ayo má satie be, na bu kere am wahara na am mindi deeri i, ka am soro Nyemɛ n dɛɛ ti, nyini ti kpa a. ²⁰ Nzu kperɛ ye am nyá i a, nzen am yoori satie na bu boori am na am mindi deeri i? Ama, nzen am yoori sakpa, na bu kere am wahara, na am mindi deeri i, nyini ti kpa Nyemɛ dɔ a. ²¹ Nyini dɛɛ ti, ye Nyemɛ afere am a, dama Kristo ni i tii adi wahara ama am, nyini kere am ka i ti ye ni ka am sɔn i su di i wahara n be. ²² Bu ɲa, yiri,

“Wɔ yo má satie be,

wɔ kaaki abu má kɔre be.”

²³ Bu kpieri i nzukɔ ni, wɔ wɔrɔ má nzukɔ ama má bu. Bu kereeri i wahara ni, wɔ se má bu ka bu ɲú i. Ama, yiri faari i deke kere maari Nyemɛ wɔ, yiri bo i di jɔre bo i kɔ atin su ni. ²⁴ Ya satie dɛɛ ti, ye Kristo deeri ya jinaabiri diiri wahara wuuri baka jaanu n su a. I yoori sɔ, adena i kere ka ya wu wɔ, fa kɔ ya satie su, na ya la ɲɔɔ bo ya koro yo sakpa. Wahara n bo Kristo diiri i ɲunie nu n dɛɛ ti, ye am anya laifie a. ²⁵ Am yo ti ka nbɔem bo ba mini wɔ, ama, kisa, am akaaki aba yiri bo i ti am sasafɔ na i nie am dika n dɔ.

3

Kabo i ti ye ni ka nbaram ni bu hunm wo barasu ni

¹ Tɔ, amberɛ nbaram gusu, am de am hunm nɔaniɛ. Na nzen bu nbem nya yo má Nyemɛ nɔaniɛ n yarada, na am woowa ti kpa, nyini ma bu yo yarada, má ka am nɔaniɛ jɔjɔwa n dɛɛ ti, ² ama, nzen bu ɲuuri ka am woowa ti casi, na am ma bu jirima, nyini ma bu kaaki bu wo na bu su Nyemɛ a. ³ Deke bo i kere ka am yo nyumi ni, i ti má kabo am yo am ɲu di am tiɲmie sunɲuruya ni, ni kabo am wura sikam, ni kabo am kara sutura kpakpam n barasu ni, ⁴ ama, deke bo i kere ka am yo nyumi n la wo kpa bo i fite am ahorembaa su, na i saari má ni. I ti ye ni ka am yo am ɲu kaan, na am wo benlɛ, nyini ti deke bo i la anyunuyi nahɔrɛ su Nyemɛ dɔ a. ⁵ Dama kabo dawa saɲga, nbaram nbem bo bu ti casi na bu la tama ni Nyemɛ n yo yoori bu ɲu nyumi lɛɛ, bu deeri bu hunm nɔaniɛ wɔ, ⁶ kabo Saara gusu yo yoori lɛɛ, i deeri i hun Abraham nɔaniɛ wɔ, na wɔ fere i ka “M awurufobie.” Nzen am yoori sa bo i ti kpa na am soro má sere, am akaaki Saara nbaam wɔ lɛɛ.

⁷ Amberɛ nbiesɔm, i ti ye ni ka am gusu yo sɔ. Am si kabo am fa ɲɔnlɛ bita am yim barasu. Am si ka nbaram faɲga ni am dɛɛ sɛ má, nyini ti, am bu am yim. Dama am ni bere kere saɲga nya Nyemɛ aceeri n a, yiri la ɲɔɔ bo i la má awieeri ni. Am bita bu nyunyumi, adena má deke be kanda am nyemesere.

Kabo yaradayofɔm diiri wahara fa kɔ sakpa dɛɛ ti

⁸ Tɔ, deke bo m koro ka m fa kun jɔrɛ n kere nɔɔ n la ka, am kere fa anɔɔsɛ, na am cɛcɛ wo am beɲgu nu, na am koro am beɲgu ka am ti nibaam wɔ, na am si am beɲgu aɲunfɔ, na am yo am ɲu kaan ma am beɲgu.

⁹ Nzen be yo am satie, má am yo tie tɔ i kaari, na nzen be kpiɛeri am nzukɔ, má am wɔrɔ nzukɔ ma i, ama, kabo am yo la ka, am yo bu kisi, dama deke n bo i ti na Nyemɛ afere am la ka, i yó am kisi wɔ. ¹⁰ Dama ba kere i Nyemɛ Jɔrɛ Kadasi n nu ka,

“Sɔnɔ kere bo i koro ka i ɲu i ɲu fie,
na i wo wo bo i yo fie,

i mi tara i taferema na má i sujɔjɔ jɔrɛ tie,
na má i sudadaka minem.

¹¹ I mi yaki satieyo,
na i yo sa bo i ti kpa,

i mi boro i nyi
na i sukpini tanalafie busu.

¹² Dama Nyemɛ nyumbaa ta minem bo bu yo sa bo i kɔ atin su ni,

na i so i sui ti bu nyemesere,
ama, i koro má ka i nyumbaa ñu bo bu yo satie ni.”

¹³ Nzen am nyunu aboro ka am yo sa bo i ti kpa, ñma koro yo am pui a? ¹⁴ Ama, nzen am yo sa bo i kɔ atin su n dɛɛ ti, ye am sudi wahara, am terefie lɛɛ, má am soro bu, má am ma am ahore saaki. ¹⁵ Ama, am ma Kristo yo am Mibiɛ n na am bu i am ahore su. Na am kpa am ñu ñminda sanɓa kere, na nzen be ba bisa am fa kɔ deke n bo i ti na am la tama ni, na am si kabo am bo i nu barasu, ¹⁶ ama, am jɔɔ benle, na am bu i mi, na am si am sunsunni nu ka am ayo sakpa, adena nzen minem jɔɔɔri am ñgbɛɛñgbɛɛn fa kɔ am wo kpa n su ka am su Kristo dɛɛ ti, na bu dí nyinse. ¹⁷ Dama nzen am yo sakpa na am di wahara na i ti Nyeme koroyanu, i ti ye ni bo am yo satie na bu kere am wahara.

¹⁸ Ya satie dɛɛ ti ye Kristo gusu diiri wahara kpekun n kpein a, na yiri bo i yo sa bo i kɔ atin su n awu, yere bo ya ti satieyofom dɛɛ ti, na i yo ya ni Nyeme afien donɓu. Bu kuunri i ni, na Nyeme ama i ñɔɔ awiewie n nu, ¹⁹ na wo nya akɔ akan jɔre akere awiewiem bo bu wo dansaraka n nu ni. ²⁰ Dawa sanɓa, bere yo keteeri Nyeme noanie n a, na Nyeme ayo sawore anminda, sanɓa bo Nowa sukpa lee bambaka n ni. Nyini lee ni, mine kaan so wuraari nu n a, bu moɕue nyaari tiide, ye nzue n adi má bu a. ²¹ Nyini nzue n ti deke bo i kere fa kɔ Nyeme nzue biɛwa bo i ma am anya tiide nyuma n wo. Nyeme nzue bie ti má deke bo i yi am ñunie su fin, ama, i kere ka am si am sunsunni nu ka, am la má ñgasi be Nyeme do, dama Yesu Kristo tengeeri i yiwee n nu n dɛɛ ti. ²² Yiri ye wo kɔ angoro akɔ atana Nyeme saa fomboro su n a, ye i la yiko nie merkem kere su a, ni yikofom, ni nfanɓafom barasu kere.

4

Kabo i ti ye ni ka yaradayofom wo ni

¹ To, kabo Kristo diiri wahara i ñunie n nu ni, i ti ye ni ka am gusu kpa am ñu bita nyini sunsunni ni, dama sono kere bo i diiri wahara i ñuniɛmbaa nu yo má satie kun. ² Nyini dɛɛ ti, má am yo am kunnu koroowa, ama, am yo kabo Nyeme koro ni, haari am ñɔɔ awieeri. ³ Sanɓa be am yo yoori am kunnu koroowa, deke bo minem bo bu si má Nyeme n yo i ni, wo se su so. Am yo tara má am ñu, na am yo su konvikiya ñgbɛɛñgbɛɛnm, na am nu nzan bo, na am nu nzan yo sa ñgbɛɛñgbɛɛn kabo nzan nufom yo ni, na am susu amɔem, deke bo Nyeme koro má i ni. ⁴ Kisa na am ni bere sanɓa wo má nyini wo ñgbɛɛn ni, jɔre n amie bu wo, nyini dɛɛ ti ye bu kpie am nzuko n a. ⁵ Ama, bere

ni bu tii, bu bá jina Nyeme nyunu, na bu kán deke kere bo ba yo i. Yiri ye wɔ yo siriya ka i dí minem bo bu la ngɔɔ ni bo ba wu n jɔre a. ⁶ Nyini dɛɛ ti, ye bo ba wu n gusu tiiri labari kpa n jɔre kaanwa n a, adena haari ni bo bu wuuri kabo adamande kere wu ni, bu nyá ngɔɔ awiewie n nu kabo Nyeme la ngɔɔ ni.

Nyeme amusuisufɔm kɔm jɔre

⁷ Deke n kere suko awieeri lee. Nyini dɛɛ ti, má am fa am ɲu ji, am tara am ɲu na am koro sere Nyeme. ⁸ Sa n bo i tara deke n kere n la ka, am koro am beɲgu ni nahɔre su, dama koro kata satie dɔɲgu su wɔ. ⁹ Nzen am beɲgum aseke am wɔfo, am de bu, má am ɲuɲuti. ¹⁰ Nyeme ama am kere aceeri barasu barasu, nyini ti, i ti ye ni ka am fa nyini aceerim buka am beɲgu. Sɔnɔ kere suyo i juma nyunyumi kabo Nyeme afa ama am ni. ¹¹ Wɔrɔ kere bo Nyeme ama u aceeri ka a kan i jɔre, si ka Nyeme jɔre ye a sukan i a, wɔrɔ kere bo Nyeme ama u aceeri ka a fa buka minem, buka bu ni faɲga n bo Nyeme afa ama u ni, adena am sayoowa kere nu na Nyeme nya kansu, Yesu Kristo dɛɛ ti. Yiri la yiko ni jirima saɲga kere saɲga. Ami.

Kabo i ti ye ni ka Kristo susufɔm di wahara barasu ni

¹² M danfo kɔm, má am ma wahara kekereke n bo am sudi i n yo am fura nu, dama Nyeme suyo am na i nie a. Má am sunsun ka i ti sa bo wɔ nya tu má be wɔ. ¹³ Ama, kabo am sudi Kristo dɛɛ wahara n bo i diiri i n be ni, am ma am ahore jɔ, adena cɛɛn n bo Kristo jirima woowa bo i la má aɲusu n bá fite fofoe nu, am ahore jɔ na i yó am fie. ¹⁴ Nzen bu kpiɛeri am nzuko, ka am ti Kristo dɛɛm ti, nyini la ka am terefie lee, dama Nyeme Awiewie Casi n wo am dɔ lee, yiri bo i la jirima woowa n na i la má aɲusu ni. ¹⁵ Ama, nzen am be diiri wahara, má i yo ka i mi akun sɔnɔ, wara wɔ wɔ, wara wɔ yo sa ngbɛɛnngbɛɛn be, wara wɔ wura minem jɔre nu, nyini n sɔ ti má kpa. ¹⁶ Ama, nzen sɔnɔ sudi wahara ka i ti Kristo susufɔ n dɛɛ ti, má i mi ma nyinse ti i, ama, i mi kansu Nyeme, ka i ti Kristo dɛɛ ti.

¹⁷ Dama saɲga n aju bo Nyeme dí minem jɔre. I dú mɔ bo i bu di i tiɲgu minem jɔre wɔ ka. Ye nzen i nya du mɔ diiri yere jɔre, minem n bo ba ka na ba de má i labari kpa ni, bu wíe se wɔ lee? ¹⁸ Dama ba kere i Nyeme Jɔre Kadasi n nu ka,

“Nzen i ti kekere ka minem bo bu ti kɔm nya tiide,
ye satieyofɔm, ni bo bu bu má Nyeme ni,
i yó bu se wɔ?”

¹⁹ Nyini ti, minem bo bu sudi wahara Nyeme koroyanu n dɛɛ ti ni, i ti ye ni ka bu boro bu nyi na bu suyo sakpa, na bu fa bu ŋu wura Nyeme saa nu, dama yiri bo wɔ yi bu ni, i yáki má bu cɛɛn n be da.

5

Kristo jama n woowa jɔɛ

¹ Ambere bo am wo Kristo jama n nu, na am ti nkpienm ni, mini mmɔɔ ti Kristo jama n kpien kun wɔ, ma ŋu kabo Kristo diiri wahara barasu ni, na m bá nya i dɛɛ jirima woowa n be, sanɔa bo i bá fite fofoe nu. Nyini ti, m susere am jande wɔ, ² am nie Nyeme minem bo bu wo am dɔ n su, kabo bɔɛsasafɔ nie i nbɔɛm su barasu ni. Am nie bu dika nyunyumi, má ka bu miɛ am wɔ, ama, am koroyanu, dama Nyeme koro ka am yo i a, má am yo i ka ŋwaa kpini dɛɛ ti, ama, am yo i ka am nyunu aboro ka am yo i wɔ. ³ Bere n bo Nyeme afa bu ama am ka am nie bu su ni, má am miɛ bu ka am ti bu mibiem wɔ. Ama, am ma am sayoowa kɔ atin su, na bu ŋu i na bu sɔn am su. ⁴ Nzen am yoori sɔ, cɛɛn bo bɔɛsasafɔ kpien n bá fiteeri fofoe nu, am nyá aceeri bo i la má anjusu na i wie má fieo ni.

⁵ Ambere gusu bo am nyunu nya ti má ni, am bu nkpienm ni, na am de bu nɔanie. Am kere yo am ŋu kaan na am buka am benɔu, dama ba kere i Nyeme Jɔɛ Kadasi n nu ka, “Nyeme kete kpirikorofɔm wɔ,

ama, na i fa i ahɔɔma n ma tarakam.”

⁶ Nyini ti, am da am ŋu asienɔu fa ma Nyeme yikofɔ ni, na sanɔa n ba juuri, yiri wúra am kpiri a. ⁷ Deke kere bo i miɛ am, am fa tu Nyeme nyunu, dama yiri cɛɛ wo am nu a.

⁸ Am tara am ŋu sanɔa kere, má am fa am ŋu ji. Dama am kpɔfɔ Sitana ni, i sansan am kabo jara sansan ŋuundi koro sɔnɔ na i kpese i n wɔ. ⁹ Am yo Nyeme yarada jina kenken na am kete Sitana, dama am si ka am ninbaam bo bu wo durunya n kere nu n gusu sudi wahara n bo am sudi i n be n wɔ. ¹⁰ Nzen am diiri wahara sanɔa kaan su, Nyeme sɛsɛ am su yo am dɔŋgu a, yiri má am jina kun su a, na i wúra am fanɔa, na i kpáma am. Buka kere fite yiri Nyeme dɔ a, Kristo dɛɛ ti ye wɔ fere am ka am bá nya i dɛɛ jirima woowa n bo i la má awieeri n be a. ¹¹ Yiri la yiko sanɔa kere a. Ami.

Awieeri su dɛɛ nɔanie ni

¹² Ya niwa Silivanusi, m si i ka i la dabuɔu am dɔ, yiri bukaari m ye ma kere ahin kadasi kaan n sufa ma am n a, na am ahore si, na m ma am si ka jɔɛ n bo ma kere ama am ti Nyeme aceeri wɔ nahɔɛ su, na am jina kenken. ¹³ Kristo

jamam bo Nyeme asanga ayi am ni bere kere, na bu wo Babilon mie kpiri n nu ni, ni m wa Marako kere bisa am dɔngu. ¹⁴ Am bisa am benngu dɔngu ni koro. Nyeme ma ambere kere bo am ti Kristo dɛem ni ahoreda.

Kadasi nnyo su bo PETORO akerε i ni

¹ Mini Simon Petoro bo m ti Yesu Kristo akoo na m kaaki ti i jaramasa ni, mini sukere ahin kadasi n ma amberε bo Nyeme ama am ayo Kristo yarada n a, kabo wo ma yere mmoo ayo i yarada ni. Yesu Kristo bo i ti ya Nyeme ni ya Tiidefo ni, i sakpa yoowa n dee ti, ye ya kere ayo i yarada. ² Am Si Nyeme ni ya Mibie Yesu n dee ti, Nyeme buka am agaya, na i ma am ahoreda buka su.

Minem bo Nyeme afere bu, na wo yi bu n jore

³ Nyeme la yiko, nyini yiko n nu, wo ce ya deke kere bo wo yo daka ka ya la i na ya nya ngoo na ya su i nahore su. Ya si i n dee ti, ye wo yo nyini n kere ama ya n a. Yiri ye wo yi ya ka ya nya i woowa kpa ni i jirima n a. ⁴ Nyini n dee ti, wo se ka i ce ya aceerim bambaka bo bu la ma anusu, adena i yi ya fite durunya n nu satie kere bo i wura mine konviki na i saaki bu n nu, na ya nya Nyeme dee woowa n be.

⁵ Nyini dee ti, kabo am ayo Kristo yarada ni, wo yo daka ka am boro am nyi, na am yo yarada buka su. Ma am yo yarada ngumi, ama, am yo sakpa gusu. Ma am yo sakpa ngumi, ama, am kpini si. ⁶ Ma am kpini si ngumi, ama, am la tarabuju. Ma am la tarabuju ngumi, ama, am la mindi. Ma am la mindi ngumi, ama, am ma am woowa ko Nyeme atin su. ⁷ Ma am ma am woowa ko Nyeme atin su ngumi, ama, am yo am benju kpa. Ma am yo am benju kpa ngumi, ama, am koro minem kere. ⁸ Nzen am la nyini woowam ni, na am woowa ti so nahore su sanja kere, nyini kere ka, kabo am asi ya Mibie Yesu Kristo ni, am woowa la kperε, i ti ma ngbeen. ⁹ Ama, sono kere bo i la ma nyini woowam ni, i mi ti ka sono bo i koro nu ma nyunyumi, wara i ti ka anyinsin wo, na i kaaki ti ka sono bo i wara afi ka Nyeme akpakpara ayi i afite i satie dawam nu ayo i casi. ¹⁰ Nyini dee ti, m ninbaam, kabo Nyeme afere am na wo yi am ni, am boro am nyi, adena am woowa kere ka am ti i dee minem. Nzen am yoori nyinim so, am kpaasi ma fieo. ¹¹ Nyini ma am nya aceeri bambaka bo am la atin, na am wura Yesu Kristo dee femeya woobiri n nu a, yiri bo i ti ya Mibie ni ya Tiidefo na i femeya n wo bere sanja kere ni.

¹² Nyini dee ti, ye i wo m ahore su ka m sutenge am ahin jorem su sanja kere n a, haari ni bo am si bu na am ade

kereewam bo bu ti nahore n na am bita bu kenken n ni. ¹³ Mini do, wo yo daka ka m sutenje am su so, sanja bo m toko la ngoo ni. ¹⁴ Dama m si ka i ce ma, m ba wo ma bere, kabo ya Mibie Yesu Kristo yi kereeri m ni. ¹⁵ Nyini ma m boro m nyi yo deke kere bo m koro yo i n a, adena sanja bo m ba wo ma bere, na am koro tenje nyini jorem su sanja kere.

¹⁶ Ya yo kan kereeri am ka, kabo ya Mibie Yesu Kristo la yiko na i kaaki ba barasu ni, bo ya kan so ni, i ti ma ka ya faari ngonle boori ya tienu kaanri i a, ama, yere mmoo ni ya tii nyumbaa nuuri kabo i la yiko bambaka barasu ni. ¹⁷ Sanja bo ya Si Nyeme yo wuraari i kpiri na i maari i woowa taari wein ni, Nyeme konvi yo fiteeri angoro dika n nu na i jooori i do ni, na yiri bo i woowa la ma anusu n ase ka, "M dee Wa bo m koro i n lee, m ahore ajo i nu." ¹⁸ Yere ni ya tii tiiri kabo akonvi n fite angoro ni, sanja bo ya woori i do, Nyeme buka n su ni.

¹⁹ Nyini n kere ma ya la ahoresi buka su, ka jorem bo Nyeme noanie kanfom yo kaanri bu n ti nahore wo. Nyini ti, am boro am nyi na am de kabo bu yo seeri ni, na am su i su. Noanie n bo bu jooori i n ti ka fitana bo i taari awosin nu n ti n wo, i teke am nyi ko ju een bo Kristo kaaki ba ni, na i fa wein n ba teke am nyi nahore su, kabo alecin na asaakojo tie fa wein ba ni. ²⁰ Jore bo i tara bu kere na am si i n la ka, noanie n kere bo Nyeme fa maari i noanie kanfom na bu kereeri i Nyeme Jore Kadasi n nu ni, be wo ma bere bo i koro fa adamande si ngumi na i fa kere nyini noanie n bu. ²¹ Dama ma adamande koroyanu ye bu kaanri Nyeme noanie n a, ama, Nyeme Awiewie Casi ni maari bu noo ye bu kaanri noanie n bo Nyeme koro ka bu kan i n a.

2

Korefom bo bu yo bu nu ka bu kere Nyeme noanie n jore

¹ Kabo mine korefom woori Nyeme minem nu dawa sanja ni, bere bo bu yo bu nu ka bu ti Nyeme noanie kanfom ni, so ye kerefom korefom ba wo am gusu nu a. Bu fie wo, na bu fa bu dee kereewam kere am, kereewa bo bu ma am mini Nyeme atin ni, haari na bu kaaki bu sin bo Mibie ni, yiri bo wo to bu tii su nkato ni. Nyini ti, bu sayoowam ma Nyeme yo bu ngbeen anyumbaa kata ni i teke. ² Na mine dongu son bu sayoowa ngbeenngbeenm su. Bere dee ti, mine ba bu atin n bo i ti nahore ni ngbeen. ³ Nyini kerefom korefom ni, bu nyunu aboro nenje su dee ti, bu bo bu tienu jore kan ma am a, na bu fa am kpini. Ama, Nyeme daafi ma, wo du mo adi bu jore, i ba yo bu ngbeen wo.

⁴ Ya si ka Nyeme merékem bo bu yo yoori satie ni, Nyeme ayaki má bu. I faari bu tuuri cɛema sin n nu wɔ, na wɔ bo bu tobari ase awosin n nu, ka bu suwo dɔ haari jina cɛen n bo i bá cin bu sui ni. ⁵ Ya si ka, dawa sanɔa, minem bo bu soro má Nyeme ni, wɔ yaki má bu, i cin bu sui wɔ, na wɔ ma wɔmbu bambaka adi bu kere, ama, na wɔ de Nowa tii aji, i ni mine nso nbem, yiri kan kereeri minem deke bo i ti sakpa na i kɔ atin su n a. ⁶ Ya si ka Nyeme yo saakiiri Sodom ni Gomora miem ni, i faari sin jiiri su yaraari bu wɔ, na i kere aje atɔ nzuin. I yoori sɔ ni, i kere kabo i bá yo minem n bo bu soro má Nyeme n wɔ lɛɛ. ⁷ Ya si kabo i yo deeru Loti tii jiiri ni, i yo ti sɔnɔ bo i yo sa bo i kɔ atin su Nyeme dɔ ɔ, na i ahore yo ti saakiwa fa kɔ minem bo bu bu má deke be na bu nati yo sa ngbɛɛnngbɛɛnm ni. ⁸ Nyini sɔnɔ n bo i yo sa bo i kɔ atin su ni, yiri ni nyini minem ni yo sanɔa wo a, cɛen kere cɛen, na i sunu sa ngbɛɛnngbɛɛnm bo bu yo bu ni, na i sui suti jɔre ngbɛɛnngbɛɛn bo bu jɔjɔ bu ni, nyini dɛɛ ti, na wɔ di wahara ahoresaaki nu, yiri bo i ahore ti fofoe ni. ⁹ Tɔ, nyini n kere kere ka Nyeme si kabo i yó na i dé minem bo bu su i atin su n fite kekereke nu a. Na i si kabo i sucin minem bo bu su má i atin su n sui, kɔ ju sanɔa bo i bá di bu jɔre ni. ¹⁰ Bere n bo i cín bu sui tara minem kere n la bo bu su anuniɛmbaa koroowa ni dangba sam su, na bu kete ka má Nyeme nie bu su ni.

Nyini minem ni, bu tii ti kekereke, bu soro má be. Haari ngɔɔfɔm bo bu wo angoro na bu la jirima woowa ni, bu kpɛ bu nzukɔ ɔ, bu soro má sere. ¹¹ Haari Nyeme merékem bo bu la yiko ni fanɔa tara nyini minem ni, bu kpɛ má nyini ngɔɔfɔm ni nzukɔ na bu jaraki má bu kere má Mikun ni. ¹² Nyini minem sɔ, kabo bu koro, ye bu yo a, bu ti ka boro nenɔge tiem bo mine tara bu na bu kpɛ bu kɔm n wɔ. Bu kpɛ nzukɔ fa kɔ dekem n bo bu si má bu n su wɔ. Kabo mine ma boro nenɔge tiem ka ngbɛɛn ni, sɔ ye Nyeme má bu gusu bá ka ngbɛɛn a. ¹³ Kabo bu ma minem di wahara ni, bere gusu bá di wahara sɔ ɔ. Bu konvikiya sam bo bu yo bu ni, i yo bu fie wɔ, bu yo bu wiesu wɔ, bu fie má su. Bu ti dangbafɔm wɔ, na bu wura am nyinse sanɔa bo am ni bere tien am nɔɔ sudi diire ni, bu sunsunni kere la ka bu daka am. ¹⁴ Bu nyunu boro mine yim kpini su wɔ, na bu kunnu yi má bu satieyo. Bu dadaka minem bo bu nya si má Nyeme atin n nyunyumi n wɔ, na bu yaki i, adena bu su bu dɛɛ kereewam n su. Bu ahorembaa abi nenɔge kpini su wɔ. Nyeme ayo bu ngbɛɛn awie lɛɛ. ¹⁵ Ba yaki atin n bo i ti kpa ni, ba mini. Atin n bo Baalam bo i si la Beori n yo bitaari i ni, ba sɔn i su lɛɛ. I yo koroori njwaa bo minem ma i n wɔ,

na i yo satie. ¹⁶ Ama, na Nyeme akan i ndie, i satie yoowa n deɛ ti. Ya si ka kaako koro jojo má, ama, Nyeme ama kaako ajojo Baalam do, kabo adamande jojo ni. Na Baalam bo i ti Nyeme noanie kanfo ni, na wo yaki sa n bo má i suyo i na i ti ka i nyunu ti má koroowa ni.

¹⁷ Nyini minem ti ka bura bo i tie má nzue wo, na bu kaaki ti ka nzue munaawa bo anuma fa i sin n wo. Bere ye Nyeme asese awosin n bo i la má anusu ase bu n a.

¹⁸ Bu fo yanfoya a, na bu sujoko ngbeenngbeen, na bu fa anunie koroowa na bu fa dadaka minem bo ba kaba afite kore jorem nu na ba nya ace má ni. ¹⁹ Bu se minem ka bu má bu nya bu tii wo. Ama, bere ni bu tii bo bu kan so ni, bu ti ka akoom wo, satie bo i ma bu ka ngbeen ni aja bu, dama deke bo wo kunma sono ni, i mi n ti nyini deke n akoo lee.

²⁰ Minem bo bu si Yesu Kristo ni, yiri bo i ti ya Mibie ni ya Tiidefo ni, na i ma ba yaki durunya n nu deɛ dangba sam ni, na ba kaaki akpie bu nyi ama nyini sam atara bu akunma bu bekun ni, bu awieeri ti tie tara bumboori ni. ²¹ Nzen má ba si má woowa bo i ko atin su ni, má i ti ye tara bo ba kaaki bu sin abo Nyeme noanie maawa n bo ba du mo ade i ni. ²² Kabo bu yoori so ni, nyini kere ka ahin anyunderem ni ti nahore wo, bo bu na,

“Caa kaaki fa deke n bo wo fi i n di bekun wo,”
na bekun,

“Nzen a taraari afa bieeri i nzue,
i kaaki ko wura natie nu wo bekun.”

3

Ya Mibie n ba n jore

¹ M danfo kpm, ahin kadasi ni ti kadasi nnyo su bo m sukere ma am a. Ahin kadasi nnyo n kere, m koro ka m tenge am su na am bita sunsunni kpa. ² M koro ka am tenge su fa ko noaniem bo Nyeme noanie kanfom yo seeri bu dawa sangani, na am kaaki tenge su fa ko noanie maawa n bo Mibie n bo i ti ya Tiidefo n kaanri i, na i jaramasam seeri am ni.

³ Jore bo i tara bu kere na am si i n la ka, fa ko durunya n awieeri su, mine nbem ba ba, na bu susu anuniembaa koroowa su, na bu yo am anzasi fa ko am yarada n su, ⁴ na bu se ka, “I seeri ka i kaaki ba bekun, ye i wo ni? Ya nam wo má bere kun, ama, deke n kere toko ti i tii wo, kabo Nyeme yiiri durunya n ba ju ni nyuma.” ⁵ Bu si tenle su, ama, ba kete ka bu tenge má su ka, dada sangani, Nyeme yo faari i noo jooori ye angoro wo bere a, na wo jojo na wo kpaaki nzue n ni asien n nu, na asien n afite nzue n nu. ⁶ Nyini nzue n

ye i fa saakiiri durunya n a dawa sanja, sanja bo wɔmbu nzue n diiri deke n kere ni. ⁷ Ama, angoro ni asienngu n bo i wo bere ni, Nyeme yo jɔjɔri i noanie bekun wɔ, ka, i bita bu wɔ, na bu wɔ bere haari sanja bo i bá fa sin saaki i kere. I má i kere wo bere wɔ, kɔ ju sanja bo i bá di minem jɔre, bere bo bu soro má i ni, na bu ká ngbɛɛn.

⁸ M danfo kpam, am si tenle na má am wara fi ahin jɔre kun ni, yiri la ka, cɛɛn kun ti ka afɔ akpii wɔ Nyeme dɔ, na afɔ akpii gusu ti ka cɛɛn kun wɔ i dɔ. ⁹ Kabo Micera n seeri ka i yo ni, mine nbem bita kan ka i ti niniki. I ti má ka i ti niniki wɔ, ama, i la mindi ni amberɛ wɔ, i koro má ka be ka ngbɛɛn, ama, i koro ka sɔnɔ kere kaaki i wo wɔ. ¹⁰ Ama, Micera n cɛɛn ni, i bá kabo awiefɔ ba fura nu na i wɔ n wɔ. Nyini cɛɛn ni, angoro ni yó nanmie fanja su, na i busu míni, na sin yára deke kere bo i wo angoro ni, na i ká ngbɛɛn. Na asien n ni deke kere bo i wo asien n su n bá wo má bere.

¹¹ Kabo nyini deke n kere bá ka ngbɛɛn sɔ ni, wɔ yo daka ka am ti nzu mine barasum wɔ? Wɔ yo daka ka am woowa ti casi, na am fa am ŋu ma Nyeme ngumi, ¹² na am ŋminda fa kɔ Nyeme cɛɛn ni, na am boro am nyi yo sa bo i ma i ba ndende. Nyini cɛɛn n ye sin yára angoro n kere na i ká ngbɛɛn n a, na i kekere má deke n kere bo i wo angoro n koro. ¹³ Ama, ya ŋminda sa bo Nyeme yo seeri ka i bá yo ni, ka, i yí angoro ni asien fɔfɔre, dɔ ye bu nati yo sa bo i kɔ atin su ngumi a.

¹⁴ Tɔ, m danfo kpam, kabo am ŋminda fa kɔ nyini cɛɛn n ni, am boro am nyi, adena Nyeme bá ŋu ka am ni yiri nɔɔ ayo kun, na am woowa ti casi na am la má ngasi be i dɔ. ¹⁵ Am tenge su ka ya Mibie mindi n dɛɛ ti, ye mine nyá tiide a. Sɔ ye ya niwa koroowa Pɔɔlu yo kere maari am a, Nyeme ceeri i alecira n a. ¹⁶ Wɔ kere ahin n be sɔ i kadasi n kere n nu, ama, jɔre nbem wo nu, bo i ti kekereke na sɔnɔ ti i bu. Nyini ye minem bo bu si má be na bu nya bi má Nyeme su atin su ni, nbem fa bu dɛɛ ngɔnlɛ kaaki i, ye i kɔ má atin su n a, kabo bu kaaki kereɛwa nyingam bo bu wo Nyeme Jɔre Kadasi n nu n lɛɛ. Kabo bu yo sɔ ni, nyini ma bu ka ngbɛɛn a.

¹⁷ M danfo kpam, amberɛ, am du mɔ si nyini ni. Nyini ti, am si am ŋu sa, adena má am sɔn minem bo bu bu má be n su, na am mini atin n bo am su i su ni. ¹⁸ Ama, am kɔ su, na am subita Yesu Kristo dɛɛ atin ni, yiri bo i ti ya Mibie ni ya Tiidefɔ ni, adena am koro di i ahɔɔma, na am si i buka su. Yiri Yesu Kristo ni, i ti ye ni ka minem kere wura i kpiri, kisa ni sanja kere. Ami.

Kadasi ciciri su bo YOHANE akere i ni

Nɔanie n bo i ma ngɔɔ n dɛɛ jɔrɛ

¹ Ya sukere ma am fa kɔ nɔanie n bo i ma ngɔɔ n su wɔ. Kana Nyeme ba yi durunya n ni, nyini nɔanie n bo i ma ngɔɔ n woori bere wɔ. Deke bo ya ti i, na ya nyumbaa anu i, na ya nie anu i kabo i ti barasu, na ya fa ya saa akan i, ye ya sukere fa ma am n a. ² Nyini nɔanie n la Yesu bo i ma ngɔɔ ni, i yo fiteeri fofoe nu wɔ, na ya nyumbaa anu i, nyini ti ye ya di ngɔɔ n bo i la má awieeri n daani kan i kere am n a. Yiri bo i ma ngɔɔ n bo i la má awieeri n yo woori i Si Nyeme dɔ ɔ, ye wɔ yi i ɔu akere ya a. ³ Deke n bo ya ɔu i, na ya ti i ni, ye ya sukan i kere am n a, adena ya ni ambere la wo fie ni ya beɔgu, na ya kere la wo fie ni ya Si Nyeme ni i Wa Yesu Kristo ni. ⁴ Deke n bo i ti na ya sukere ahin dekem ma am n la ka, adena ya nya ahorejo nahore su.

Kabo i ti ye ni ka ya bita wein atin ni

⁵ Ahin labari n bo ya yo tiiri i Nyeme Wa n dɔ n lɛɛ, ye ya sukan kere am n a, ka Nyeme ti wein wɔ, na awosin haari kaan sɔ wo má i dɔ. ⁶ Nzen ya ɔa ya ni yiri la wo fie ni ya beɔgu, ama, na ya toko wo awosin nu yo satie, ya ti kɔrefom wɔ lɛɛ, ya bita má nahore. ⁷ Ama, nzen ya bita wein atin kabo yiri Nyeme atin n ti wein ni, ya ni yiri la wo fie ni ya beɔgu lɛɛ, na i Wa Yesu mbunja ni kpakpara yi ya satie kere bo i wo ya ɔu ni. Nyini ti, am ma ya bita wein n atin ni.

⁸ Nzen ya ɔa ya ti má satieyofom, ya dadaka ya ɔu wɔ lɛɛ, na nahore wo má ya ahore su. ⁹ Ama, nzen ya kan ya satie kereeri Nyeme, i fá ya satie n ce ya a, na i kpakpara yi ya fite ya sa kere bo i kɔ má atin su nu, dama i la dabuɔu, na i yo sa bo i kɔ atin n su. Nyini ti, am ma ya kan ya satie kere kere Nyeme. ¹⁰ Nzen ya ɔa ya yo má satie, ya yi Nyeme kɔrefɔ lɛɛ, na i nɔanie n wo má ya ahore su lɛɛ.

2

Yesu Kristo ti ya bukafɔ a

¹ M nbaam, m koro má ka am yo satie, nyini dɛɛ ti ye m sukere ahin jɔrɛ n ma am n a, ama, nzen am be yoori satie, ya la sɔnɔ be bo i yo ya ni ya Si Nyeme afien dɔɔgu, yiri la Yesu Kristo bo i yo sa bo i kɔ atin su sanja kere ni. ² Ya satie ti, na yiri Yesu ade ya jinaabiri, na wɔ fa i ɔu ayo tie afa ama

Nyeme, adena Nyeme fá ya satie ce ya, má yere ngumi dee satie, ama, durunya n nufom kere dee satie.

³ Am ma ya de Nyeme noanie maawam ni, nyini kere ka ya si yiri Nyeme lee. ⁴ Sono kere bo i na, i si Nyeme, na i de má i noanie maawam ni, i mi ti korefo o, na nahore wo má i ahore su. ⁵⁻⁶ Ama, sono kere bo i deeru Nyeme noanie ni, i mi ti sono bo i koro Nyeme nahore su a. Na sono kere bo i na i wo ni Nyeme, wo yo daka ka i mi wo kabo Yesu wo ti ni. Nyini ye ya fa si ka ya wo ni Nyeme a.

⁷ M ninbaa koroowam, má noanie maawa fofore ye m sukere ma am n a, ama, noanie maawa dawa n bo am du mo tiiri i n a. Nyini noanie maawa dawa n la jore n bo am yo tiiri i sangar bo am boori i bu suuri Yesu su ni. ⁸ To, ama, noanie maawa n bo m sukere ma am ni, i kaaki ti noanie maawa fofore wo bekun, na ya ru ka i ti nahore wo, fite kabo Yesu Kristo wo ti ni, ni kabo am wo ti ni, dama awosin n susin, ye wein nahore su wo ta su.

⁹ Sono kere bo i na i wo wein n nu, na i kpo i niwa, i mi toko wo awosin nu wo lee. ¹⁰ Sono kere bo i koro i niwa wo wein n nu wo, i yo má sa be bo i ma i niwa bo i jaa kpaasi. ¹¹ Sono kere bo i kpo i niwa, i mi wo awosin nu wo, na i suyo satiem, dama awosin n ata i nyi, nyini ti, ye i si má dekem bo i yo bu n a.

Sono bo i na i si Nyeme, i ti má ye ni ka i koro durunya ni

¹² M nbaam, deke bo i ti na m sukere ahin kadasi n ma am n la ka,

Nyeme afa am satie ace am, Yesu Kristo dee ti.

¹³ Sim, deke bo i ti na m sukere ma ambere n la ka, am si Yesu,

yiri bo i wo bere kana Nyeme ba yiiri durunya n kere ni.

Ngbefenem, deke bo i ti na m sukere ma ambere n la ka, am akunma Sitana n dee ti.

¹⁴ M nbaam, deke bo i ti na m toko kere ma am n la ka, am si ya Si Nyeme n dee ti.

Sim, deke bo i ti na m toko kere ma am n la ka,

am si Yesu bo i wo bere durunya n bumboori n kere ti.

Ngbefenem, deke bo i ti na m toko kere ma am n la ka, am yarada n ti fanga,

na Nyeme noanie n wo am ahore su,

na am akunma Sitana n dee ti.

¹⁵ To, má am koro durunya n ni, ni deke n kere bo bu wo nu ni. Sono kere bo i koro durunya ni, i mi koro má ya Si Nyeme lee. ¹⁶ Dama deke n kere bo i wo durunya n nu fen na i wura sono konvi, ni deke bo sono nyumbaa ru i na i koro i, ni deke bo sono nya i na i fa fo, i fite má ya Si

Nyeme do, ama, i kere fite durunya n nu fen wo. ¹⁷ Durunya n ni deke kere bo i wura mine konvi kere la awieeri, ama, sono kere bo i yo Nyeme sa koroowa, i nya ngoo bo i la ma awieeri.

Kabo ya si ya nu sa ni Kristo kpofa n ni

¹⁸ M nbaam, durunya ni sukoo awieeri lee. Am yo tiiri ka nzen durunya n ba sukoo awieeri, Kristo kpofa ni ba, ama, kisa Kristo kpofom dongu ayi bu nu fofoe nu. Nyini ti, ya si ka durunya ni sukoo awieeri lee. ¹⁹ Nyini minem n bo bu ti Kristo kpofom na ba fite ya nu ni, nahore su, bu ti ma ya minem. Nzen ma bu ti ya minem, ma bu ka ya do o. Ama, ba fite ya nu, nyini ye ya si ka, bu be mmoo ti ma ya minem a.

²⁰ Ama, amberere yiri, Kristo n afa i Awiewie Casi n awura am ahore su, na am si deke bo i ti nahore ni. ²¹ Ma ka am si ma nahore n dee ti, ye m sukere ma am n a, ama, am si i, na am si ka kore koro yo ma nahore. ²² Nma ti korefom kere ti n a? Korefo n la sono kere bo i na Yesu ti ma Kristo Tiidefo n bo Nyeme sunmaari i ni, yiri n bo i yo so n akete ya Si Nyeme, ni i Wa n lee, i mi ni ti Kristo kpofa n a. ²³ Dama sono kere bo i keteeri Nyeme Wa ni, akete i Si Nyeme mmoo lee. Ama, sono kere bo i na Kristo ti Nyeme Wa ni, i mi n ade i Si Nyeme mmoo lee. ²⁴ Nyini ti, noanie n bo am tiiri i sangha bo am boori i bu suuri Kristo su ni, am ma i wo am ahore su. Nzen am bita nyini noanie ni am ahore su, nyini ma am ni Nyeme Wa ni, ni i Si n yo deke kun a. ²⁵ Deke bo Kristo seeri ka i fa ma ya n la ngoo bo i la ma awieeri ni.

²⁶ M sukere ahin noanie n ma am, na am si am nu sa fa ko minem bo bu koro ka bu dadaka am ni. ²⁷ Ama, amberere yiri, Awiewie Casi n bo Kristo afa ama am wo am do. Nyini ti, i ti ma ye ni ka be fa kereewa be kere am kun, dama Awiewie Casi ni kere am deke kere a, na deke kere bo i kere am ti nahore wo, kore wo ma nu. Nyini dee ti, am wo ni Kristo kabo Awiewie Casi n akere am ni.

²⁸ M nbaam, kisa am wo ni Kristo, na een n bo i ba yiiri i nu fiteeri fofoe nu n na ya la ahoresi, na ma nyinse ti ya. ²⁹ Am si ka Yesu yo sa bo i ko atin n su, nyini ti, am si ka sono kere bo i yo sa bo i ko atin n su, i ti Nyeme wa a.

3

Bo bu ti Nyeme nbaam ni

¹ Am nie koro bo ya Si Nyeme fa koro ya barasu a. Nyini dee ti, ye i fere ya ka i nbaam n a, i ti nahore ka ya ti i nbaam wo. Durunya n nufom si ma ya Si Nyeme, nyini dee ti, ye bu si ma ka ya ti i nbaam n a. ² M ninbaa koroowam, kisa ya ti Nyeme nbaam wo, na Nyeme nya yi kere ma ya

kabo ya bá ti barasu, ama, ya si ka Yesu bá baari, ya tí kabo i ti n wɔ, dama ya nɔ́ i kabo i ti barasu. ³ Nyini ti, sɔ́nɔ kere bo i la tama ka i bá yo kabo Yesu ti ni, i bita i nɔ́ casi, kabo Yesu ti casi ni.

⁴ Sɔ́nɔ kere bo i yo satie, i mi ti Nyeme nɔ́anie kpamaawa n ketefo ɔ, dama satieyo ti Nyeme nɔ́anie kpamaawa n kete wɔ. ⁵ Am si ka Yesu baari durunya n nu, ka i ba yi satie bo i wo ya nɔ́ n wɔ, ama, yiri ni i tii la má satie be. ⁶ Nyini ti, sɔ́nɔ kere bo i wo ni Yesu, koro suyo má satie, ama, sɔ́nɔ kere bo i toko yo satie, nyini kere ka, wɔ nya nɔ́ má i lee, na i mi kaaki si má i.

⁷ M nbaam, má am ma be dadaka am. Sɔ́nɔ kere bo i yo sakpa, Nyeme de i ka i mi yo sa bo i kɔ atin su i do, kabo Yesu ti ni. ⁸ Sɔ́nɔ kere bo i yo satie, i mi ti Sitana dee sɔ́nɔ ɔ, dama fite durunya n bumboori n kere ye Sitana n yoori satie a. Deke bo i ti na Nyeme Wa n baari durunya n nu la ka, i ba yo Sitana n juma ngbeen wɔ. ⁹ Sɔ́nɔ kere bo i ti Nyeme wa koro suyo má satie, dama Nyeme woowa n wo i mi do, na Nyeme ti i Si n dee ti, i koro suyo má satie. ¹⁰ Deke bo ya fa si minem bo bu ti Nyeme nbaam, ni bo bu ti Sitana n nbaam n la ka, sɔ́nɔ kere bo i yo má sakpa, wara sɔ́nɔ kere bo i koro má i niwa, i mi ti má Nyeme wa.

Kabo ya koro ya bengu barasu ni

¹¹ Jɔ́re n bo am tiiri i sanga bo am boori i bu suuri Yesu su n la ka, am ma ya koro ya bengum. ¹² Má am ma ya yo ka Keen, bo i yo ti Sitana dee wa ni, na i kuunri i niema ni. Nzu ti ye i kuunri i niema n a? I sayoowa ti má kpa n dee ti, na i niema n dee n ti kpa n ti. ¹³ Nyini ti, m ninbaam, nzen durunya n nufom kpo am ka am yo sakpa n dee ti, má am ma i yo am alekutura. ¹⁴ Kabo yere koro ya ninbaam n ti, nyini ma ya si ka ya fite yiwee n nu anya ngɔɔ nahɔ́re su a. Sɔ́nɔ kere bo i koro má i niwa toko wo yiwee nu wɔ lee. ¹⁵ Sɔ́nɔ kere bo i kpo i niwa ti sɔ́nɔ kunfo ɔ Nyeme do. Am si ka sɔ́nɔ kere bo i kun sɔ́nɔ la má ngɔɔ bo i la má awieeri ni. ¹⁶ Yesu deeru ya dee jinaabiri wɔ, na wɔ to i ngɔɔ awu ama ya, nyini ma ya fa si kabo koro ti barasu a. Nyini ti, wɔ yo daka ka ya gusu to ya ngɔɔ ma ya ninbaam, haari nzen i yo yiwee mmɔɔ. ¹⁷ Sɔ́nɔ kere bo i la nenje, na i nɔ́ ka i niwa wo yaari nu, na i si má i anunfo ka i buka i, Nyeme koro wo má i mi n ahore su lee. ¹⁸ M nbaam, má am ma ya jɔ́ɔɔwa n ngumi kere ka ya la koro, ama, am ma ya sayoowa kere ka ya koro ya ninbaam nahɔ́re su. ¹⁹ Nyini ma ya fa si ka ya su nahɔ́re n su a, na i ma ya la ahoresi Nyeme do a, ²⁰ na nzen ya sunsunni maari ya ka ya yo satie, ya si ka Nyeme tara ya sunsunni ni, na i kaaki si deke n kere. ²¹ Nyini ti, m ninbaa

koroowam, nzen ya sunsunni ase má ya ka ya yo satie, ya la ahoresi Nyeme do lee. ²² Na deke kere bo ya sereeri i, ya nya i wo, dama ya de noanie maawa n bo Nyeme fa maari ya ni, na ya yo sa bo i sun i nu. ²³ Noanie maawa n bo Nyeme fa maari ya n la ka, ya yo i Wa Yesu Kristo yarada, na ya koro ya ninbaam ni, kabo wo se ya ni. ²⁴ Sono kere bo i deeri Nyeme noanie maawam n wo ni Nyeme, na Nyeme mmoo wo ni i mi ni. Awiewie Casi n bo wo fa ama ya ni, ma ya si ka Nyeme wo ni yere a.

4

Awiewie n bo i ti nahore ni bo i ti kore n jore

¹ M ninbaa koroowam, má am yo minem kere bo bu na Nyeme Awiewie n wo bu do n yarada, ama, am yo bu na am nie ka bu kereewa n fite Awiewie Casi n do, nzen i fite má. Dama korefom dongu bo bu yo bu nu ka bu ti Nyeme noanie kanfom n asandi abara aye durunya n nu. ² Nyeme noanie kanfo kere bo i se ka Yesu Kristo kaakiiri adamande baari durunya n nu fen, yiri ye Nyeme Awiewie n wo i do a. Nyini ye am fa si bo Awiewie Casi n wo bu do, ni bo i wo má bu do a. ³ Ama, sono kere bo i keteeri ka, Yesu akaaki má adamande ni, Nyeme Awiewie n wo má i mi do, ama, i dee kereewa n fite Kristo kpofa n do o. Yiri ye am yo tiiri ka i ba durunya n nu, ye kisa wo ba n a.

⁴ M nbaam, am ti Nyeme dee minem wo, ye am akunma nyini korefom bo bu yo bu nu ka bu ti Nyeme noanie n kanfom ni, dama Awiewie Casi n bo i wo am nu n la yiko tara Sitana n bo i wo durunya n nufom nu ni. ⁵ Nyini korefom bo bu yo bu nu ka bu ti Nyeme noanie kanfom ni, bu kan durunya n nu jore kere minem a, na durunya n nufom de kabo bu kere ni, dama bu ti durunya n nufom wo. ⁶ Ama, yere yiri, ya ti Nyeme dee minem wo, sono kere bo i si Nyeme de kabo ya kere n wo, ama, sono kere bo i ti má Nyeme dee de má kabo ya kere ni. Nyini ye ya fa si minem bo bu la Nyeme Awiewie n bo i kere nahore n a, ni bo bu bu kore n fite Sitana do n a.

Ya koro ya benju kabo Nyeme koro ya ni

⁷ M ninbaa koroowam, am ma ya koro ya niwa, dama koro fite Nyeme do o, na sono kere bo i koro i benju ti Nyeme wa a, na i mi si Nyeme a. ⁸ Nyeme ti koro wo, nyini ti, sono kere bo i koro má i benju si má Nyeme. ⁹ Kabo Nyeme kereeri i koro fa ko ya do n la ka o, wo sunma i kunnu Wa kun n kpein durunya n nu, adena yiri dee ti na ya nya ngoo. ¹⁰ Kabo koro ti lee, má ka yere koroori Nyeme a, ama, yiri koroori ya a, na wo sunma i Wa, na wo de ya jinaabiri na

wɔ fa i ɲu ayo tie afa ama Nyeme, adena Nyeme fa ya satie ce ya. ¹¹ M ninbaa koroowam, kabo Nyeme koro ya so ni, wɔ yo daka ka ya gusu koro ya benngu. ¹² Be nya ɲu má Nyeme, ama, nzen ya koroori ya benngu, Nyeme wo ya do lee, na nyini ma i dee koro n wo ya do na i ti kabo i koro ka i ti n a.

¹³ Awiewie Casi n bo Nyeme afa ama ya ni, nyini ma ya si ka ya wo ni yiri a, na i gusu wo ni yere a. ¹⁴ Na yere anu kabo ya Si Nyeme n asunma i Wa n ka i ba yo durunya n nufom Tiidefo, ye ya di i daani a. ¹⁵ Sono kere bo i tekeeri i noo seeri ka Yesu ti Nyeme Wa, Nyeme wo i mi n do, na i mi n gusu wo ni Nyeme lee. ¹⁶ Yere mmoo ni ya tii si kabo Nyeme koro ya barasu, ye ya yo yarada ka i koro ya.

Nyeme ti koro wɔ, nyini dee ti, sono kere bo i koro i benngu ni, i mi wo ni Nyeme, na Nyeme wo ni yiri. ¹⁷ Nyeme koro wo ya do, i ti kabo i koro ka i ti n wɔ, nyini ti ye ya ba koro jina i nyunu ni ahoresi, ceen n bo Nyeme ba di durunya n nufom kere jore ni, má pui ti, kabo Kristo ti ni, ya gusu wo ti so o, durunya n nu. ¹⁸ Sono kere bo Nyeme koro wo i do soro má sere, dama koro bo i ti kabo Nyeme koro ka i ti ni, i fon yi sere wɔ, nyini ti, sono kere bo i soro sere, Nyeme koro wo má i do kabo má Nyeme koro ka i ti ni, dama sere ni suicin nati a. ¹⁹ Nyeme du mo koroori ya, nyini dee ti ye ya gusu la koro n a. ²⁰ Sono kere bo i ɲa i koro Nyeme, na i koro má i ninbaam ni, i mi ti korefo o. Nzen i koro má i niwa bo i nyumbaa ɲu i ni, i yo se koro Nyeme bo i nyumbaa ɲu má i n a? ²¹ Noanie maawa n bo Yesu afa ama ya n la ka, sono kere bo i koro Nyeme, wɔ yo daka ka i mi koro i ninbaam gusu.

5

Kabo ya kunma durunya n ni

¹ Sono kere bo i yo yarada ka Yesu ti Kristo Tiidefo n bo Nyeme asunma i ni, i mi ti Nyeme wa a, na sono kere bo i koroori baa n wufo ni, i koro baa n gusu. ² Deke bo ya fa si ka ya koro minem bo bu ti Nyeme nbaam n la ka, ya koro Nyeme, na ya de noanie maawam n bo wɔ fa ama ya ni. ³ Nzen ya deeri Nyeme noanie maawam ni, nyini kere ka ya koro i a. I noanie maawam n gusu ti má kekereke, ⁴ dama sono kere bo i ti Nyeme wa kunma durunya n wɔ. Deke bo ya fa kunma durunya n la kabo ya yo Yesu yarada n wɔ. ⁵ ɲma koro kunma durunya n a? Bo i koro kunma durunya n la sono bo wɔ yo yarada ka Yesu ti Nyeme Wa ni.

Daani diiwa fa ko kabo Yesu Kristo ti Nyeme Wa ni

⁶ Yiri Yesu Kristo yo baari durunya n nu n a, na ba bie i Nyeme nzue, nyini sin, na wo ba awu, na i mbunja afite ago. I baari ni, ma ka bu bieeri i Nyeme nzue n ngumi wo, ama, i wuuri wo, na i mbunja afite ago. Awiewie Casi ni di i daani a, dama Awiewie Casi n ti nahorefɔ ɔ. ⁷ Deke nsan di i daani a. ⁸ Bu daani diiwa n ti kun wo. Bere la Awiewie Casi ni, ni kabo bu bieeri i Nyeme nzue ni, ni kabo i wuuri na i mbunja fite goori ni. ⁹ So ye Nyeme ni i tii adi i tienju Wa n daani a. Ya de minem daani diiwa, nyini ti, i ti ye ni ka ya de Nyeme daani diiwa, dama i daani diiwa n la fanga tara minem dee. ¹⁰ Nyini ti, sono kere bo i yoori Nyeme Wa n yarada, i mi la daani difo, yiri la Awiewie Casi n bo i wo i ahore su ni, na sono kere bo wo yo ma i yarada ayi Nyeme korefɔ lee, dama wo yo ma daani n bo Nyeme adi i fa ko i Wa n su yarada. ¹¹ Nyeme daani diiwa n la ka o, wo ma ya ngoo n bo i la ma awieeri ni, nyini ngoo n wo i Wa n do ɔ. ¹² Sono kere bo i ni Nyeme Wa n ayo kun, i mi la nyini ngoo ni, na sono kere bo i de ma Nyeme Wa ni, i la ma ngoo.

Ngoo bo i la ma awieeri n jore

¹³ M koro ka ambere bo am ayo Nyeme Wa n yarada n si ka am la ngoo bo i la ma awieeri ni, nyini dee ti ye ma kere ahin kadasi n ama am n a. ¹⁴ Ya la ahoresi ni Nyeme, ka, deke kere bo ya sereeri i, na i ti i dee koroowa, i de ya sere wo. ¹⁵ Ya si ka deke kere bo ya sereeri i, na i de ya sere, ya si ka wo yo i ama ya lee.

¹⁶ Nyini ti, nzen sono ju ka i niwa be ayo satie be bo i kpaaki ma i ni Nyeme afien fieo, i mi sere Nyeme ma yiri n bo wo yo satie ni, na Nyeme ma i ngoo. Ama, satie be wo bere bo i kpaaki sono ni Nyeme afien fieo, m suse ma ka am sere Nyeme ma minem bo bu yo nyini satie n wo. ¹⁷ Sa kere bo minem yo i na i ti ma kpa ti satie wo Nyeme do, ama, satieyo nbem wo bere bo i kpaaki ma sono ni Nyeme afien fieo.

¹⁸ Ya si ka minem kere bo bu ti Nyeme nbaam koro suyo ma satie, dama Nyeme Wa ni nminda i a, na Sitana koro yo ma i mi pui. ¹⁹ Ya si ka durunya n nufom kere wo Sitana n saa nu wo, ama, yere ti Nyeme deem wo. ²⁰ Ye ya kaaki si ka Nyeme Wa n aba na wo ba ateke ya nyi wo, adena ya si yiri n bo i ti Nyeme nahore su ni. Ye ya wo ni Nyeme n bo i ti nahore n ni i wa Yesu Kristo ni. Yiri ti Nyeme nahore su n a, na i ma ngoo bo i la ma awieeri n a.

²¹ To, m nbaam, am tara am ju, na ma am su amoem.

Kadasi nnyɔ su bo YOHANE akerɛ i ni

¹ Mini bo m ti am kpiɛn ni, sukere ahin jɔre n fa ma wɔɔ bara bo Nyeme ayi u, ni u nbaam n a. M koro am nahɔre su, má mini ngumi koro am a, ama, bo bu si nahɔre atin n kere koro am wɔ, ² dama nahɔre n wo ya dɔ ɔ, na i bá wo ya dɔ ɔ, sanja kere bo i la má awieeri.

³ Ya Si Nyeme, ni i Wa Yesu Kristo buka ya, na bu si ya anjunfɔ, na bu ma ya ahoreda, na ya su nahɔre atin su ni koro.

Am koro am beɗgu na am si am ɲu sa ni dadakafɔm ni

⁴ Ma ɲu ka am nbaam nbem bita nahɔre n kabo ya Si Nyeme afa i nɔaniɛ n ama ya ni, nyini dɛɛ ti, wɔ yo m fie agaya. ⁵ Kisa, bara, m susere am wɔ, ka am ma ya koro ya beɗgu. Ahin ti má nɔaniɛ maawa fɔfɔre ye m sukere ma am n a, ama, i ti nɔaniɛ maawa kun n bo ya tiiri i sanja bo ya boori i bu suuri Yesu su n wɔ. ⁶ Koro n bo m sujɔɔ i jɔre n la ka, ya wo kabo Nyeme nɔaniɛ maawa n kere ni. Nɔaniɛ maawa n bo am du mɔ tiiri i n la ka, am koro am beɗgu.

⁷ Dadakafɔm beberebe asandi abara aye durunya n nu, bu ɲa Yesu Kristo akaaki má adamande aba má durunya n nu. Bere ti dadakafɔm wɔ, na bu ti Kristo kpɔfɔm. ⁸ Nyini ti, am si am ɲu sa, na má deke n bo ya yi anyumboro afa akere am n ka ngbɛɛn, ama, na am ba nya i kere ɲkato. ⁹ Sɔnɔ kere bo i su má Kristo dɛɛ kereewa n su, na i kere i dɛɛ kereewa kɔ sin nyini ɲu, Nyeme wo má i mi dɔ, ama, sɔnɔ kere bo i su Kristo dɛɛ kereewa n su, ya Si Nyeme, ni i Wa n wo i mi n dɔ lɛɛ. ¹⁰ Nyini ti, sɔnɔ kere bo i baari am dɔ, na i bita má Kristo dɛɛ kereewa ni, má am ma i mi wura am dika, má am yo i anse ni ba mmɔɔ. ¹¹ Dama wɔɔ kere bo a yoori nyinim be sɔ anse, a jina i mi sin fa kɔ i satiem n bo i yo bu n su wɔ lɛɛ.

Awieeri su dɛɛ jɔre ni

¹² Má m la jɔre beberebe bo má m se am, ama, m koro má ka m kere i kere wura ahin kadasi n nu, ama, m la tama ka m bá nie am busu, na ya ɲú ya ɲu, na ya bó anzama, bo ya ahore jɔ ni nahɔre su.

¹³ U niɛmabara n bo Nyeme ayi i ni i nbaam kere bo bu wo fen n bisa am kere dɔɗgu.

Kadasi nsan su bo YOHANE akere i ni

¹ Mini bo m ti u kpien ni, sukere ahin jore n fa ma woro m don Gayosi bo m koro u nahore su n a.

² M don koroowa, m nyemesere la ka, Nyeme ma u anunie-mbaa nu laifie, na u deke kere ko atin su nyunyumi, kabo u nyemesu ni sukɔ atin su ni. ³ Dama ya ninbaa nbem baari fen, na ba se m kabo a bita nahore ni, na wo yo m fie agaya. M si ka a su nahore atin n su wo. ⁴ Deke be wo ma bere bo i yo m fie agaya tara bo m ti kabo m nbaam su nahore atin n su ni.

Boro u nyi na a sude u ninbaa Kristo susufom wofɔ

⁵ M don koroowa, a bita nahore kabo a nati yo sakpa ma u ninbaam bo bu ba u do wofɔ ni, haari ni bo a si ma bu ni mmɔɔ. ⁶ Bere bo a buka bu ni, ba kan kabo a koro bu n akere Kristo jama n bo bu wo fen ni. Boro u nyi na a buka bu kabo Nyeme koro ni, na bu koro ko deke bo bu sukɔ ni. ⁷ Kristo dee ti, bu nati kan i noanie n kere minem wo, na bu koro ma pui minem n bo bu su ma Nyeme n do. ⁸ Nyini ti, yere bo ya ti Kristo susufom ni, wo yo daka ka ya buka bu ni jama n bo bu yo i ni. Nzen ya bukaari bu, nyini la ka, ya ni bere abo kun sukan Kristo noanie n bo i ti nahore n kere minem wo lee.

⁹ M yo kereri jore be maari Kristo jama ni, ama, Diyoterefesi bo i koro ka i kere ka yiri ti mofɔ n atana su, wo bo ma jore be nu. ¹⁰ Nyini ti, nzen m baari, m yi i sayoowa fite fofoe nu, dama wo jɔjɔ jore ngbeenngbeen abu kore aso ya, ma nyini ngumi, wo kete ka i de ma Kristo minem wofɔ, na nzen nbem koro ka bu de minem wofɔ mmɔɔ, i soro ma su, na i koro ka i fon yi bere bo bu koro ka bu de wofom n fite Kristo jamam n nu ni.

¹¹ M don koroowa, ma a son satieyo su, ama, son sakpayo su. Sonɔ kere bo i yo sakpa ti Nyeme dee wo, ama, sonɔ kere bo i yo satie si ma Nyeme. ¹² Sonɔ kere di daani kpa fa ko kabo Demetirosi bita nahore n wo, na i woowa gusu kere ka i bita nahore wo. Yere mmɔɔ di i daani wo, ye a si ka kabo ya se n ti nahore wo.

Kasin dee anse yoowa ni

¹³ Ma m la jore beberebe bo ma m se u, ama, m koro ma ka m kere i kere wura kadasi n nu. ¹⁴ M la tama ka m ba nie u busu kisa, na ya nu ya nu, na ya bo anzama. ¹⁵ Nyeme

ma u ahoreda. U danfom kere bo bu wo fen bisa u dongu.
Woro gusu bisa ya danfom kere dongu ma ya.

Kadasi n bo JUDA akere i ni

¹ Mini Juda bo m ti Yakobo niema na m ti Yesu Kristo akoo ni, sukere ahin kadasi n ma ambere kere bo ya Si Nyeme koro am na wo fere am, na Yesu Kristo bita am ni. ² Nyeme si am anunfo agaya, na i ma am ahoreda buka su, na i koro am ko sin su.

Korefom bo bu yo bu nu ka bu kere Nyeme noanie n dee jore

³ M ninbaa koroowam, ma m suboro m nyi wo, na m kere kadasi ma am fa ko tiide n bo m ni ambere kere anya i n su ni. Ama, wo yo daka ka m du mo kere am, na m sere am jande ka am boro am nyi tu ngoni bita am yarada n kenken, nyini yarada ni, yiri ye Nyeme afa ama i minem kpekun n kpein n a. ⁴ Dama minem nbem awo awura am nu benle, nyini minem ni, bu soro ma Nyeme, bu kaaki Nyeme ahorma n bo wo fa ama ya n wo, na bu su bu dee konviki koroowa atin n su, na bu kete Kristo. Yiri ngumi ti ya Tiidefo ni ya Mibie a. Dawa dee Nyeme noanie kanfom kereri bu jore, ka, Nyeme di bu jore na i yo bu ngbeen.

⁵ Haari ni bo am adu mo asi ahin jore n kere ni, m koro ka m tenge am su wo, fa ko kabo Micera n yo yiiri Yisarelifom fiteeri Ijipiti asien su ni, ama, kasin na wo ma bo ba yo ma i yarada n kere aka ngbeen. ⁶ Na Nyeme merkem nbem bo bu keteeri ka bu wo ma bu yiko woobiri ni, na bu yakiiri bu jinaabiri ni, bere ye Nyeme awura bu joroko bo bu fite ma nu kun, afa bu ase awosin liim nu n a, ka bu wo do, haari fa ko ju joredi bambaka n een. ⁷ So ye Sodom ni Gomorafom, ni miem bo bu bara ye bu n mmoo yoori a, bu faari bu nu wuraari sakaraya sereyam nu wo, na bu suyo konviki sam bo bu ko ma atin su. Nyini dee ti, na Nyeme acin bu sui, afa bu awura sin n bo i je sangha kere n nu. Nyeme yoori so o, na mine nu i, na bu fa tu bu nu fo.

⁸ So ye nyini minem nati cin alele ngbeenngbeen a, na bu suyo dangba sam, na bu kete Nyeme yiko ni, na bu kpie ngoofo nmzuko, bere bo bu wo angoro na bu woowa la jirima ni. ⁹ Haari Mikali bo i ti Nyeme merkem n kere tii ni mmoo, wo yo abo ma su ka i jaraki Sitana kpie i nzuko, sangha bo Moyisi wuuri na bu seeri akuruwa fa ko i nunie-mbaa n busu ni. Ama, kabo i seeri i n la ka, "Nyeme bisa u." ¹⁰ Ama, ahin minem ni, bere yiri, deke bo bu si ma i ni, nyini

ye bu kpɛe i nzuko a. Haari nzen bu ŋa ba ti deke bu, bu sunsunni ti ka neŋgendɔrem dɛɛ wo. Bu nyini sunsunni n bo bu bita i na i ti má kpa ni, nyini ma bu ka ŋgbɛɛn a. ¹¹ Keto, keto, bu ŋú kekereke. Dama ba fa satie atin n bo Keen faari i ni, na ŋwaa dɛɛ ti, bu su Baalam dɛɛ dadaka atin n su wo, na ba kete nahɔre atin kabo Kora yo keteeri ni. Nyini ti, kabo i kaari ŋgbɛɛn ni, bere gusu ka ŋgbɛɛn so o. ¹² Nzen am ba tien am noo sudi anɔɔse diire, bu sata am afien kabo fin ta sutura n wo, dama bu ni amberɛ sanɔa di a, na bu san má nya, bu koro ka bere ŋgumi kunnu yi a, bu la má kperɛ be. Bu ti ka nzue bo i muna na aŋuma fa i sin n wo. Na bu kaaki ti ka baka bo i su má suuwa bakam su sanɔa, na i wu kpɔɔ na i bu to n wo. ¹³ Bu nyinse sam bo bu yo bu ni, bu ti kabo tieku nzue bo na i yasu fufuku n wo. Bu kaaki ti ka asarambaa bo bu jengbe bara ye n wo. Nyeme asese awosin liim su aŋminda bu ka bu kó wo do sanɔa kere.

¹⁴ Sono be bo bu fere i ka Henoki, na i to ya na Adama su nso su ni, Nyeme yo faari i noanie n maari i wo, na wo yo ajojo nyini jore n ka, "Am ti fen, Micera ni suba ni i merkem akpii akpii buru, ¹⁵ na i bá di sono kere jore, na i cin bu sui fa ko bu satiem bo ba yo bu n su, ni kabo bu jɔjɔri ŋgbɛɛn-ŋgbɛɛn na bu keteeri Nyeme ni. Bu ti satieyofom wo, nyini ti, ye bu keteeri Nyeme noanie n a." ¹⁶ Nyini minem ni so, bu ŋunuti wo sanɔa kere, na bu sujaraki bu benggu, na bu susu bu konvikiya sa ŋgbɛɛnŋgbɛɛn bo bu bita i n su, na bu sufɔ yanfoya, na bu subo minem anɔɔfie, adena bu nya bu dɛɛ sa koroowam.

Jɔre bɔbɔwam ni atin kereewam ni

¹⁷ Ama, amberɛ, m danfo kpaam, wo yo daka ka am tenge su fa ko jore n bo ya Mibie Yesu Kristo jaramasam yo seeri am ni. ¹⁸ Bu seeri am ka, "Sanɔa bo durunya n ba suko awieeri su ni, mine nbem bá ba, na bu yó am anzasi, fa ko am yarada n su, na bu sú bu dɛɛ tienɔa aŋuniɛmbaa sa koroowam n su bo bu ko má Nyeme atin su ni." ¹⁹ Ahin minem so, bu sutiti am nu wo lee, bu su adamande dɛɛ ŋɔnle su a, Nyeme Awiewie Casi n wo má bu do. ²⁰ Ama, amberɛ, m danfo kpaam, am boro am nyi na am ma am yarada casi n buka su, na am sere Nyeme, Awiewie Casi n dɛɛ yiko nu, ²¹ na am ma Nyeme dɛɛ koro n wo am do. Na am ŋminda fa ko sanɔa bo ya Mibie Yesu Kristo bá si am aŋunfo, na am nya ŋɔɔ bo i la má awieeri ni. ²² Nbem wo am nu bo bu la sika bu sunsunni nu, am si bu aŋunfo, ²³ nbem gusu, am cin yi bu fite sin nu, na am de bu tii ji, na

nyingam gusu, am si bu aɲunfo, ama, am si am ɲu sa haari na má am ma bu sutura fin mmoo ta am.

Awieeri su dɛɛ nyemɛsere

²⁴⁻²⁵ Nyeme ɲgumi ti ya Tiidefo a, ya Mibiɛ Yesu Kristo dɛɛ ti. Yiri koro bita am na am kpaasi má a, yiri koro fa am ba jina i jirima biɛ n nyunu a, na am la má ɲgasi be na i ma am ahorejo a. Yiri ye i ti ye ni ka ya kansi i na ya wura i kpiri a, yiri ti yikofɔ a, yiri ti faɲgafɔ a, yiri yo woori bere a, yiri toko wo bere kisa ni saɲga kere a. Ami.

SAYIKEREWA bo Yesu yi kereeri YOHANE ni

¹ Ahin jore n ye Nyeme seeri Yesu Kristo ka i yi kere i akoom fa ko sam bo i ce má na bu bá yo n a. Na Yesu asunma i mereke i akoo Yohane do, na i ko se i jore ni. ² Jore n bo Nyeme ni Yesu Kristo yi kereeri Yohane na i nuuri i ni, nyini ye wo di i daani akere i n a.

³ Sono kere bo i kaanri ahin kadasi ni, terefie wo i do. Na minem kere bo bu tiiri i jore na bu deer i, terefie wo bu do, dama sanja n adodo bo nyini sam kere bá yo.

Kabo Yohane kereri kadasi yoori Kristo jama n anse ni

⁴⁻⁵ Mini Yohane akere ahin kadasi n na m fa ma Kristo jama asese nso n bo bu wo Esiya awore n nu n a. Nyeme bo i wo bere, na i yo woori bere, na i bá wo bere sanja kere ni, ni i awiewie busu nsom n bo bu wo yiri Nyeme kpiri n nyunu ni ma am ahoreda, na am di bu ahorama. Bekun, Yesu Kristo, yiri bo i di i daani na i la dabunu ni, na yiri ti bo i du mo tengeeri yiwee nu ni, na i kaaki ti durunya n nu nfemem kere tii ni, ma am ahoreda, na am di i ahorama. Yiri koro ya, na wo fa i mbunja ade ya afite ya satie kere nu, ⁶ na wo yo ya i femeya n nu minem na ya yo i sayoowa donguyofom, na ya su i Si Nyeme. Yiri Yesu Kristo ni, yiri ti ye ni ka ya wura i kpiri a, i dee la yiko sanja kere. Ami.

⁷ Am nie, i fite angoro yinyingu n nu ba,

na sono kere nyumbaa bá nu i,

fa sanja ni minem bo bu woori i kpie n kere.

Yiri ti, durunya n nufom kere sun.

I ti so o. Ami.

⁸ Ya Mi Nyeme Feme Kpiri bo i wo bere ni, na i yo woori bere, na i bá wo bere sanja kere n ase ka, "Mini ti mofa a, na m kaaki ti kasinfo."

Kabo Yohane nuuri Kristo ka alele nu ni

⁹ Mini Yohane ti am niwa bo m ni ambere kere sanja di wahara ni mindi Yesu dee ti, na ya ti i femeya n nu minem ni. Nyeme noanie n bo ma kan i ni, ni Yesu daani n bo ma di i n dee ti, na ba fa m ako aji mie be bo i wo lui bambaka n bo i wo tieku n nu na bu fere i ka Patamosi n su. ¹⁰ Ya Mibie n dee ceen ni, na Nyeme Awiewie Casi n awura m nu, na ma ti akonvi bambaka be nga m sin, ka awie dee su. ¹¹ Na wo se m ka, "Kere deke n kere bo a nu i n wura kadasi n nu, na a fa ma Kristo jama asese nsom bo bu wo ahin mie

kpirim n su ni, bere la Efeso, ni Samirina, ni Perɛgamon, ni Tiyatira, ni Saradisa, ni Filadɛlɛfiya, ni Lawodikaya.”

¹² Na ma ɛɛ anie m sin ka m ɲu sɔɔ n bo i jɔjɔ m dɔ ni, m ɛɛ nieeri ni, na ma ɲu fitana takaabiri nsom bo bu ti sika ni. ¹³ Na ma ɲu be ka adamande wa ni, i wo bu afien, i wura tanlɛɛ tintiin yorom, na wɔ fa sika dambara abo i hoe su. ¹⁴ I tiinjmie kere ti fofoe papasi ka gise wɔ, na i nyumbaa kere je ka sin fofoe. ¹⁵ Na i jaa gbagbaa kere boro ka jawii bo ba fa awura sin nu na wɔ boro sonsoen, na i konvi bo awie kabo nzue beberebe songi na i bo awie barasu ni. ¹⁶ I bita asarambaam nso i saa fɔmbɔɔ nu, na takobe nana afite i nɔɔ nu. I nyunu je kabo wie ba bi na i je n wɔ.

¹⁷ M ɲuuri i sɔ ni, na ma kaba ada i jaa bu asienɲu ka ma wu dɛɛ su wɔ, na wɔ fa i saa fɔmbɔɔ anana m ɲu, na wɔ se m ka, “Má a soro sere. Mini ti deke kere bumboori ni i awieeri a. ¹⁸ Mini ti bo i wo bere sanɲa kere n a. Nie fen. M yo wuuri wɔ, ama, kisa, ma tenɲe yiwee nu. M la ɲɔɔ bo i la má awieeri. Mini bita yiwee ni Yiweefɔm Woobiri kadombaa a. ¹⁹ Nyini ti, kere sam bo a ɲu bu ni, ni bo bu suyo kisa ni, ni bo bu bá yo ahin dɛɛ sin ni. ²⁰ Asarambaa nsom bo a ɲu bu m saa fɔmbɔɔ n bu la ka, Kristo jama asese nsom n merɛkem. Na fitana takaabiri nsom bo bu ti sika ni gusu bu la ka, Kristo jama asese nsom ni.”

2

Nɔɔnie n bo bu fa maari Kristo jama n bo i wo Efeso ni

¹ Na wɔ se m ka, “Kere kadasi fa ma merɛke n bo i nie Kristo jama n bo i wo Efeso mie kpiri n nu ni, na a se bu ka, ‘Ahin nɔɔnie n fite mini bo m bita asarambaa nsom m saa fɔmbɔɔ nu ni, na m kaaki nati fitana takaabiri nsom bo bu ti sika n afien n dɔɔ. ² M si am sayoowam, m si kabo am ayo am juma ni anyumboro barasu, ni kabo am la mindi barasu ni, na m si kabo am de má satieyofɔm ni. Na m kaaki si kabo am ayi kɔresi aɲu minem bo bu ɲa bu ti m jaramasam, ama, bu woowa kere ka bu ti má sɔ, na am aɲu ka bu ti kɔrefɔm ni. ³ Mini dɛɛ ti, am ayo sawɔre amindi am wahara nu, am nya fie má, am toko su m su.

⁴ Ama, jɔre kun bo m fa jaraki am la ka, kisa am koro má m kabo am yo koro m ni. ⁵ Nyini ti, am bu am tii nu fɔ na am si deke bo am akpaasi ni, na am kaaki am wo, na am yo sam bo am yoori bu bumboori ni. Nzen am akaaki má am wo, m bá cin yi am fitana takaabiri n deke bo i taka ni. ⁶ Ama, am sa kun bo i yo m fie n la kabo am koro má Nikolaitafɔm sayoowam ni, mini mmɔɔ koro má bu sayoowam ni.’

⁷ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara, m má i atin na i di baka n bo i ma ɲɔɔ n dɛɛ suuwa na i wo Nyɛmɛ dika n nu ni.”

Nɔaniɛ n bo bu fa maari Kristo jama n bo i wo Samirina ni

⁸ Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Samirina miɛ kpiri n nu ni, na a se bu ka, ‘Ahin nɔaniɛ n fite mini bo m ti deke kɛrɛ bumboori ni i awieeri ni, na m yo wuuri na ma tenje yiwee nu ni dɔ ɔ. ⁹ M si kabo am adi wahara agaya barasu, ni kabo am ti yaarifɔm ni, ama, am ti nenɲefɔm wɔ Nyɛmɛ dɔ. Na m si kabo minɛm kpɛɛ am nzukɔ ni, bo bu yo bu ɲu ka bu ti Yudafɔm, ama, bu ti má Yudafɔm ɲɔɔba, bu ti Sitana dɛɛ jama n wɔ. ¹⁰ Am dí wahara kisa, ama, má am soro sɛrɛ. Am ti fɛn, Sitana wúra am nbem saraka na i yó am na i niɛ na am ɲú kekereke leburu. Ama, am su m ni nahɔrɛ haari am bá wu, na m tó am ɲkatɔ, yiri la ɲɔɔ bo i la má awieeri n a.’

¹¹ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara ɲú má yiwee kpe nnyo su n kun.”

Nɔaniɛ n bo bu fa maari Kristo jama n bo i wo Pɛrɛgamon ni

¹² Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Pɛrɛgamon miɛ kpiri n nu ni, na a se bu ka, ‘Ahin nɔaniɛ n fite mini bo m la takobe nana n dɔ ɔ. ¹³ M si deke bo am woori ni, am woobiri n ti Sitana femɛya tanaabiri wɔ, ama, am toko su m ni nahɔrɛ wɔ, am ayaki má m yaradayo, haari ni sanɲa bo bu kuunri Antipasi bo i diiri m daani nahɔrɛ su am miɛ n nu, deke bo Sitana wo ni. ¹⁴ Ama, m la jɔrɛ nbem bo m fa jaraki am, am nbem bita Baalam kereewa atin n wɔ. Yiri yo kereeri Fɛmɛ Balaki, ye i maari Yisarelifɔm yoori satɛ diiri tiɛ niɛ, na ba yo sakaraya. ¹⁵ Am nbem gusu ti sɔ ɔ, bu su Nikolaitafɔm dɛɛ atin kereewa n su wɔ. ¹⁶ Nyini ti, am kaaki am wo, má nyini, m bá am dɔ kisa, na m fá takobe n bo i wo m nɔɔ nu kun lue ni minɛm bo bu yo sɔ ni.’

¹⁷ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewiɛ Casi ni suse Kristo jamam barasu ni. Sɔnɔ kɛrɛ bo i di nasara, m má i mi diire n bo bu fere i ka *mana* * ni, na i wo fiɛɛwa nu ni. Na m káaki ma i mi yabuɛ fofoe be, ba kɛrɛ duma fɔfɔrɛ su, be koro si má duma n bo i wo su ni, má ka yiri n bo i de i ni si i a.”

Nɔaniɛ n bo bu fa maari Kristo jama n bo i wo Tiyatira ni

¹⁸ Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Tiyatira miɛ kpiri n nu ni, na a se bu ka, ‘Ahin nɔaniɛ n fite mini Nyɛmɛ Wa n dɔ ɔ, mini bo m nyumbaa je ka sin fofoe, na m jaa gbagbaa kɛrɛ boro ka jawii dɛɛ su ni. ¹⁹ M si am sayoowam, m si kabo am la koro barasu, ni kabo am su m ni nahɔrɛ su ni, ni amusui bo am su i ni, na m kaaki si kabo am la mindi, na m si kabo kisa am boro am nyi tara bumboori ni.

²⁰ Ama, jɔrɛ bo m fa jaraki am la ka, am amɔ am nɔɔ ye am niɛ Yezɛbeli, bara n bo i yo i ɲu ka i ti Nyɛmɛ nɔaniɛ kanfɔ ni. I kere m akɔɔm wɔ na i daka bu, na bu suyo sakaraya, na i ma m minɛm di tiɛ niɛ. ²¹ Ma se i ka i kaaki i wo na i yaki somaya kɔ ni, wɔ kete ka i kaaki má. ²² Nyini ti, m má i da tukpaki kekereke, na i ni minɛm bo bu yo sakaraya n dí wahara agaya, nzen ba kaaki má bu wo ayaki má sam bo bu ni yiri yo bu ni. ²³ Na m kún i nbaam, na Kristo jama asese n kɛrɛ sí ka, mini fiiti si deke bo i wo sɔnɔ kɛrɛ ahore su, ni i sunsunni nu. Na m fá sɔnɔ kɛrɛ sayoowa tɔ i kaari.

²⁴ Ama, ambɛrɛ Tiyatirafɔm nbem bo am aka, na am su má i kereewa atin n su ni, ambɛrɛ asɔnson má deke bo nbem fere i ka Sitana asiri nu sa bambaka ni. M suse am wɔ lɛɛ, m sɔ má am sɔɔri nɔnɔɔri buka má su. ²⁵ Ama, atin bo am bita i ni, am bita i kenken haari sangá bo m bá kaaki ba.

²⁶⁻²⁸ Sɔnɔ kɛrɛ bo i di nasara na i yo m sa koroowa kɔ juuri awieeri, m má i yiko kabo m Si ama m yiko ni, na i níɛ daanfíe daanfíe kɛrɛ su. Na i bíta bu kekereke kabo nanƙasi fa bulaari kɔrɔma tu bo i naanim barasu ni, na i fúfu bu kabo bu fufu yakatise barasu ni. Na m má i asaakojo.’ ²⁹ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewíɛ Casi ni suse Kristo jamam barasu ni.”

3

Nɔaniɛ n bo bu fa maari Kristo jama n bo i wo Saradisa ni

¹ Na wɔ se m ka, “Kɛrɛ kadasi fa ma mɛrɛkɛ n bo i niɛ Kristo jama n bo i wo Saradisa miɛ kpiri n nu ni, na a se bu ka, ‘Ahin nɔaniɛ n fite mini bo m la Nyɛmɛ awiewíɛ busu nso n na m bita asarambaam nso m saa nu dɔ ɔ. M si am sayoowam, am wo ka am la ɲɔɔ, ama, am ti fuinm wɔ. ² Nyini ti, am yasu na am bita deke n bo am toko la i n kenken, má nyini, i wú wɔ. Dama ma ɲu ka am sayoowam n akpiɛ su Nyɛmɛ dɔ. ³ Am tenge su, kabo am yo tiiri Nyɛmɛ nɔaniɛ n na am deeri i ni, am kaaki am wo na am bita i,

nzen am ayasu má, am si má san̄ga bo m bá ni, dama m bá fura am nu ka awiefɔ dɛɛ su wɔ.

⁴ Ama, m la mine nbem bo bu wo Saradisa Kristo jama n nu, bo ba saaki má bu sutura ayo má bu fin, bu sayoowam nu. Bere bá wura tanlɛɛ fofoe na m ni bere sán̄ga nati a, dama bu ti ye ni sɔ ɔ. ⁵ Sɔnɔ kere bo i di nasara, i wúra nyini tanlɛɛ fofoe n be sɔ ɔ. Na m yí má i mi duma fite má ngɔɔ kadasi n nu, ama, m bá jina m Si ni i merékem nyunu, na m sé bu ka i ti m dɛɛ sɔnɔ ɔ.’ ⁶ Sɔnɔ kere bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔanie n bo bu fa maari Kristo jama n bo i wo Filadɛlɛfiya ni

⁷ Na wɔ se m ka, “Kere kadasi fa ma meréke n bo i nie Kristo jama n bo i wo Filadɛlɛfiya miɛ kpiri n nu ni, na a se bu ka, ‘Ahin nɔanie n fite mini bo m ti casi na m ti nahɔrɛɔ, na m bita Feme Davidi kadombaa n bo i kere ka m la i dɛɛ yiko n be wɔ, na nzen m tekeeri anɔ, be koro tu má i, na nzen m tuuri i gusu, be koro teke má i. ⁸ M si am sayoowam, am nie, ma teke anɔ ama am bo be wo má bere bo i koro tu i. M si ka am la má fan̄ga agaya, ama, haari ni nyini mmɔɔ, am fite má m sin, am toko bita m nɔanie n ni nahɔrɛ wɔ. ⁹ Am yaki bo bu su Sitana n na bu yo bu ŋu ka bu ti Yudaɔm ni, bu ti kɔrɛɔm wɔ, bu ti má Yudaɔm ngba. M má bu ba kutu am nyunu na bu si ka m koro am. ¹⁰ Am ade m nɔanie ni, na am amindi n dɛɛ ti, m yí am fite kekereke n bo Nyeme bá fa yo durunya n nufɔm kere na i nie ni.

¹¹ M cé má, m káaki ba kisa. Atin n bo am bita i ni, am bita i kenken na má be fin am ŋkatɔ ni. ¹² Sɔnɔ kere bo i di nasara, m fá i yo jantaraka Nyeme Sereebiri Awuru n nu na i wó nu dɔ san̄ga kere. Na m kéré Nyeme duma mata i, na m kéré Nyeme miɛ n duma, miɛ n bo i fite an̄goro Nyeme dɔ na bu fere i ka Yerusalem fɔfɔrɛ, na m káaki kere m duma fɔfɔrɛ n gusu mata i mi ŋu.’ ¹³ Sɔnɔ kere bo i koro ka i ti ahin jɔrɛ n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni.”

Nɔanie n bo bu fa maari Kristo jama n bo i wo Lawodikaya ni

¹⁴ Na wɔ se m ka, “Kere kadasi fa ma meréke n bo i nie Kristo jama n bo i wo Lawodikaya miɛ kpiri n nu ni, na a se bu ka, ‘Ahin nɔanie n fite mini bo m ti Ami na m la dabun̄u, na m di daani ni nahɔrɛ su n dɔ ɔ. Mini ni Nyeme du mɔ yo woori bere a, ye ya yiiri deke n kere a. ¹⁵ M si am sayoowam, am ti má niniki, am kaaki ti má kekere, nzen má am ti niniki wara kekere, má m koro. ¹⁶ Ama, am ti

bɔbɔrɔki n dɛɛ ti, m púuti am m nɔɔ nu butu. ¹⁷ Am ɲa am ti nenɲefɔm wɔ, deke be kpɛ má am su, ama, am si má ka am la anɲunfɔ, na am si má ka am ti yaarifɔm, na am kaaki si má ka am ti anyinsinm, na am kaaki si má ka am nati am ɲunɛ ɲgbɛɛn wɔ. ¹⁸ Nyini ti, m koro ka m tu am fɔ, na am bra m dɔ ba to sika kpa bo ba fa awura sin nu na wɔ fite casi ni, adena am yo nenɲefɔm nahɔre su, na am ba to sutura fofoe m dɔ, na am fa kata am ɲu, na má mine ɲu ka am nati am ɲunɛ ɲgbɛɛn na i la nyinse. Na am ba to anyumbaa ayiri m dɔ, na am fa wura am nyumbaa nu na am koro ɲu asi nyunyumi. ¹⁹ Bo m koro bu ni, bere ye m jaraki bu na m cin bu sui a, nyini ti, am boro am nyi na am kaaki am wo. ²⁰ Am ti fen, m jina sɔɔ anɔ n sin subobo, sɔɔ kere bo i ti m konvi ɲga na i tekeeri anɔ ni, m bá wura i mi dɔ, na m ni yiri sánɲa di diire.

²¹ Sɔɔ kere bo i di nasara, m má i atin na i bá tana m bi m femeya bie n su, kabo ma di nasara na m ni m Si sanɲa tana i femeya bie n su ni.' ²² Sɔɔ kere bo i koro ka i ti ahin jɔre n bu, i ti ye ni ka i mi so i sui na i ti kabo Awiewie Casi ni suse Kristo jamam barasu ni."

4

Kabo bu su Nyeme i femeya n nu barasu ni

¹ Nyini sin, na wɔ yo m ka alele dɛɛ su, na ma ɲu ka anɔ be ateke anɲoro. Na ma ti akonvi ɲga ka awie dɛɛ su sujɔɔ m dɔ, i ti akonvi n bo i du mɔ jɔjɔri m dɔ n wɔ. I ɲa, "Fun bra anɲoro fen, na m kére u sam bo bu bá yo ahin sin."

² Jina nu n bere na Awiewie Casi n aba awura m ɲu na ma ɲu ka femeya bie wo anɲoro, be tana su. ³ Bo i tana femeya bie n su je piɛpiɛu kabo cenceeri nbem je barasu wɔ, nbem je fofoe na nbem je kɔkɔre, na i femeya bie ni, deke be je piɛpiɛu anɲoro kabo nzue ba muna na ayi kpɛ nu ni. ⁴ Femeya bie aburanyɔ ni nna nbem taka bara ye i femeya bie ni, na nkpienkpienm aburanyɔ ni nna tana biem su, bu wura tanleɛ fofoem na bu butu sika kere. ⁵ Na femeya bie ni sukɲese ka nzue dɛɛ su, na i sutientien, na i suyo nanɲie. Fitana nso taka femeya bie n nyunu wo je su, bere la Nyeme awiewie busu nsom ni. ⁶ Deke be gusu da femeya bie n nyunu ka nzue bambaka dɛɛ su, i nyunu da cain ka niɛnu wɔ.

Deke ɲɔɔfɔ nna nbem gusu abara aye femeya bie ni, bu la anyumbaa beberebe, bu nyunu ni bu sin n kere. ⁷ Ciciri su dɛɛ n ti ka jara a, nnyɔ su n ti ka toora, nsan su n nyunu-awa ti ka adamande wɔ, na nna su n ti ka kajiri bo i sutu landi. ⁸ Bu kun kun kere la lanɲpete nsen nsen wɔ, bu la

anyumbaam bu ηuniembaa nu, ni bu ηunie kere su. Na bu sudi jue kongue ni wiesu kere, ka,

“Casi, casi, casi la ya Mi Nyeme Feme Kpiri,

i yo woori bere, na i toko wo bere, na i bá wo bere sanja kere ni.”

⁹ Nzen bu nya sudi jue na bu fa kansi, ni jirima, ni anse ma yiri n bo i tana femeya bie n su ni, na i wo bere sanja bo i la má awieeri ni, ¹⁰ nyini sanja, a ηu ka nkpienkpienm aburanyo ni nna n sukutu i nyunu, na bu su i, yiri bo i wo bere na i la má awieeri na i tana femeya bie n su ni. Na bu yi bu kere, sufa se femeya bie n nyunu, na bu sudi jue, ka,

¹¹ “Ya Micera ni ya Nyeme, woro ti ye ni ka a de kansi a, ni jirima, ni yiko.

Dama woro yiiri deke n kere a,

u koroyanu ye a maari deke n kere la ηgoa a.”

5

Kadasi n ni Bombaa n jore

¹ Na ma ηu ka kadasi nyanyaawa be wo yiri n bo i tana femeya bie n su n saa fomboro n nu, kerewa wo i kunnu ni i sin kere su, ba fa wie mene amie amata i busu nso. ² Na ma ηu Nyeme mereke fangafō be ka i subo ndoori fanga su ka, “Nma ti ye ni bo i koro cin ηmanji wie mene n na i teke kadasi n a?”

³ Ama, angoro, ni asiengu, ni bo bu wo asien bu, be awo má bere bo i koro teke kadasi ni, na a ba kan ka i koro nie nu. ⁴ Be awo má bere bo i ti ye ni bo i koro teke kadasi ni, na a ba kan ka i koro nie nu n dee ti, na ma sun ni nyunvui ηgba. ⁵ Na nkpienkpienm n nu kun, ase m ka, “Má a sun. Nie fen, Feme Davidi anuma kpiri ni, bo bu fere i ka Yudafo m busu nu jara n adi nasara, i koro cin ηmanji wie mene nso n na i teke kadasi ni.”

⁶ Na ma ηu bombaa be, i ti ka ba kpie i kom wo, i jina femeya bie n afien. Deke ηgofo nnam, ni nkpienkpienm n abara aye i. I la mbie nso wo, i nyumbaa gusu ti nso wo. Bere la Nyeme awiewie busu nsom bo wo sunma bu durunya n kere nu ni. ⁷ Na wo ko yiri n bo i tana femeya bie n su n do, na wo de kadasi n afite i saa fomboro nu. ⁸ I ko deeru kadasi n ni, na deke ηgofo nnam, ni nkpienkpienm aburanyo ni nnam n akutu i nyunu. Bu kere la bieku, na bu kere bita sika ayaba bo wo yi ni ayiri kunkuunwa nvanvani ηgumi wo. Ayiri kunkuunwa nvanvani n ti nyemesere bo Nyeme dee mine sere i wo. ⁹ Na ba di jue fofore ama yiri Bombaa n ka,

“Woro ti ye ni ka a de kadasi ni,

na a ηmanji wie mene n a,

dama wɔɔ ye bu kpɛɛri u kɔm, ye a fa u mbunja ade minem tii aji a.

Adamande kere, ni daanfɛ kere, ni aniem kere, ni asien barasu barasu kere bo bu wo durunya n nu ni, bu nbem ayo Nyeme de minem.

¹⁰ A fa bu ayo u femeya n nu minem, na bu yo u sayoowa dɔnguyofɔm, na bu nie durunya n kere su."

¹¹ Na ma nie aju Nyeme merɛkem beberebe, akpii akpii buru nɔ, ka, ba bara aye femeya bie ni, ni deke ɛgɔɔfɔ nnam, ni nkpienkpienm ni. Na ma ti ka ¹² ba ye bu konvi su sudi jue, ka,

"Bɔmbaa n bo bu yo kpɛɛri i kɔm ni, yiri ti ye ni ka i de yiko a, ni nenɛ, ni alecira, ni fanga, ni jirima, ni kpiri, ni kansi a."

¹³ Na ma ti ka deke kere bo bu wo aɛgoro, ni asienɛgu, ni bo bu wo asien bu, ni bo bu wo nzue nu, ni deke kere bo Nyeme ayi bu, ka bu sudi jue, ka,

"Yiri n bo i tana femeya bie n su n ni Bɔmbaa ni, bere ti ye ni ka bu de kansi a, ni jirima, ni kpiri, ni yiko, saɛga kere saɛga."

¹⁴ Na deke ɛgɔɔfɔ nnam n ase ka, "Ami."

Na nkpienkpienm n akutu asu Nyeme ni Bɔmbaa ni.

6

Wie mene bo bu fa mata kadasi n jɔre

¹ Na ma ɛu ka Bɔmbaa n aba acin aɛmangi wie mene nso n bo bu fa mataari kadasi n nu kun. Na ma ti deke ɛgɔɔfɔ nnam n nu kun konvi ɛga, kabo nzue tientien barasu ni, ka, "Fite."

² M niɛri na ma ɛu ka, kpɔɛgɔ fofoe lee. Bo i fun i n bita taa ni awie, na ba butu i femeya kere, na wɔ kɔ ka luekunfɔ na i di nasara.

³ Na Bɔmbaa n acin aɛmangi wie mene nnyɔ su ni, na ma ti ka deke ɛgɔɔfɔ nnyɔ su ni suse ka, "Fite."

⁴ Na kpɔɛgɔ kɔkɔre afite, na ba ma i funfɔ n takobe tintiin, na ba ma i yiko ka i yi tanalaifɛ fite durunya n nu, na minem kun bu beɛgum.

⁵ Na Bɔmbaa n acin aɛmangi wie mene nsan su ni, na ma ti ka deke ɛgɔɔfɔ nsan su n suse ka, "Fite."

M niɛri na ma ɛu ka, kpɔɛgɔ biri lee. I funfɔ n bita deke bo bu bita sunsun diire ni i saa nu. ⁶ Na ma ti akonvi be ɛga deke ɛgɔɔfɔ nnam n nu, i ɛa, "Nɛgani ayaba ɛgboroko kun ti jumayofɔ lekun ɛkatɔ ɔ. Na abuwe ayaba ɛgboroko

nsan ti jumayofɔ lekun ŋkatɔ. Ama, má am saaki ŋguin ni nzan ni.”

⁷ Na Bɔmbaa n acin aŋmanɔgi wie mɛnɛ nna su ni, na ma ti ka deke ŋgɔɔfɔ nna su n suse ka, “Fite.”

⁸ M niɛeri na ma ŋu kpɔŋgɔ nzuin faa, i funfɔ n duma la Yiwee, na bo bu fere i ka Yiweefɔm Woobiri n gusu su i su. Na Nyɛmɛ ama bu durunya kpaaki nu nna buekun yiko ka bu fa luɛ, ni ahɔɛ, ni tukpaki, ni boro nengɛndɔrɛ tiɛm, na bu kun bu.

⁹ Na Bɔmbaa n acin aŋmanɔgi wie mɛnɛ nnu su ni, na ma ŋu minɛm awiɛwie Mikun yoowa yoobiri n bu, bɛrɛ la minɛm bo bu yo kuunri bu fa kɔ bu Nyɛmɛ jɔrɛ kaanwa, ni bu daani diiwa n dɛɛ ti. ¹⁰ Na bu sutien faŋga su ka, “Ya Mi Nyɛmɛ Fɛmɛ casi, nahɔrɛfɔ, cɛɛn nzu ye a dí minɛm bo bu yo kuunri ya n jɔrɛ na a cín bu sui ma ya?”

¹¹ Na Nyɛmɛ awura bu kun kun kɛrɛ sutura fofoe, na wɔ se bu ka, “Am yi am ŋumi kaan ka, na bu bá kun am beŋgu akɔɔm, ni am beŋgu Kristofɔm kɛrɛ kɔ wie ka, kabo bu yo kuunri am barasu ni, na m dí bu jɔrɛ.”

¹² Na ma ŋu ka Bɔmbaa n acin aŋmanɔgi wie mɛnɛ nsen su ni, na asien akpisi faŋga su, na wie akaaki biri didiki ka nambiri ŋuma, na sara n akaaki kɔkɔrɛ ka mbunja dɛɛ su. ¹³ Na asarambaam afite aŋgoro ati atɔtɔ kabo aŋuma ba kpisi damba baka na i poorim titi toto barasu ni. ¹⁴ Na aŋgoro n kɛrɛ anyanya kabo bu nyanya biɛ ni, na wɔ mini, na bukam, ni nzue nu lui bambakam kɛrɛ ayasu bu tanaa-biri. ¹⁵ Na durunya n nu nfɛmɛm, ni tereterefɔm, ni soja nkpiɛnkpiɛnm, ni nengɛfɔm, ni nfaŋgafɔm, ni akɔɔm, ni sɔnɔ kɛrɛ akɔ afiɛ yabuɛ ŋgbɛŋgbirim buɛm nu, ni yabuɛ bambakam bu, bukam su. ¹⁶ Na ba se ka, “Má bukam bereki gɔ ya ŋu, na má yabuɛ ŋgbɛŋgbirim kata ya ŋu, má i ti ye, adena má sɔnɔ n bo i tana fɛmɛya biɛ n su n ŋu ya, na má Bɔmbaa n gusu cin ya sui. ¹⁷ Dama cɛɛn bo Nyɛmɛ ni Bɔmbaa ni cin sɔnɔ kɛrɛ sui n aju, ye ŋma koro jina bu nyunu a?”

7

Yisarelifɔm minɛ akpii yaa ni akpii aburana ni nna n jɔrɛ

¹ Nyini sin na ma ŋu merɛkem nna, ka bu jina durunya n awɔrɛ nna n kɛrɛ nu na bu kanda aŋuma, na má i kpɛɛ asien n su, ni tieku nu, wara i kpɛɛ gɔ baka su. ² Na ma ŋu merɛke be ka i fite wie afiiri, i bita deke be bo Nyɛmɛ bo i wo bɛrɛ saŋga kɛrɛ n fa se i minɛm nyaari. Na wɔ tien faŋga su ajojɔ merɛke nnam bo Nyɛmɛ ama bu yiko ka bu saaki asien n ni tieku n dɔ, ³ na wɔ se bu ka, “Má am se ka

am saaki asien n ni tieku n ni bakam ni, má ka ya ba ase Nyeme minem kere n̄uma su nyaari awie ka.”

⁴ Na wɔ kan minem bo ba se bu nyaari bu n̄uma su ni, na wɔ kere m bu nɔ, bu kere kɔ yasuuri mine akpii yaa ni akpii aburana ni nna a, bu fite Yisarelifom deɛ busu n kere nu wɔ.

⁵ Yuda deɛ busu nufom ti mine akpii buru ni akpii nnyɔ bo ba se bu nyaari, na Ruben deɛ busu nufom ti mine akpii buru ni akpii nnyɔ, na Gadi deɛ busu nufom ti mine akpii buru ni akpii nnyɔ. ⁶ Na Aseri deɛ busu nufom ti mine akpii buru ni akpii nnyɔ, na Nafatali deɛ busu nufom ti mine akpii buru ni akpii nnyɔ, na Manase deɛ busu nufom ti mine akpii buru ni akpii nnyɔ. ⁷ Na Simeyon deɛ busu nufom ti mine akpii buru ni akpii nnyɔ, na Levi deɛ busu nufom ti mine akpii buru ni akpii nnyɔ. Na Izaki deɛ busu nufom ti akpii buru ni akpii nnyɔ. ⁸ Na Zabulon deɛ busu nufom ti mine akpii buru ni akpii nnyɔ, na Yosefu deɛ busu nufom ti mine akpii buru ni akpii nnyɔ, na Benjamin deɛ busu nufom ti mine akpii buru ni akpii nnyɔ.

Jama beberebe bo ba nya tiide n jɔre

⁹ Nyini sin na ma n̄u jama beberebe, bu la má nɔ, bu fite durunya asien n kere su, ni adamande kere nu, ni durunya daanfie n kere nu, ni durunya aniem kere nu, ka, bu jina yiri n bo i tana femeya bie n su n ni Bɔmbaa n nyunu. Bu wura tanlee fofoe yorom, bu bita kpakpa nyawam bu saa nu. ¹⁰ Na ba bo afere fanga su ase ka, “Nyeme bo i tana femeya bie n su n ni Bɔmbaa n ama ya nya ya tii a.”

¹¹ Na merékem n kere ajina abara aye femeya bie, ni nkpienkpienm, ni deke n̄gɔɔfɔ nnam ni, na ba dada bu nyunu su asien̄gu Nyeme bo i tana femeya bie n su n nyunu, na ba su i. ¹² Na bu suse ka, “Ami. Kansi, ni kpiri, ni alecira, ni anse, ni jirima, ni yiko, ni fanga ti ya Nyeme deɛ wɔ san̄ga kere san̄ga. Ami.”

¹³ Na nkpienkpienm n nu kun abisa m ka, “N̄mam ye a n̄u ka bu wura tanlee fofoe yorom n a, ye bu fite ni wɔ?”

¹⁴ Na ma se i ka, “M mibiɛ, wɔɔ si a, mini si má.” Na wɔ se m ka, “Bere ti minem bo ba fite anyumboro kekereke nu n a, bere ye ba n̄misi bu sutura Bɔmbaa ni mbunja n nu ayo bu fofoe n a.

¹⁵ Nyini deɛ ti, ye bu jina Nyeme Sereebiri Awuru n nu, i femeya bie n nyunu ye bu su i kɔngue ni wiesu n a,

na Nyeme bo i tana i femeya bie n su n wó bu do na i yó bu kanda.

16 Ahoe ni nzuehoe tí má bu kun ceen be,
wie bó má bu,
na i kekere gusu wúra má bu.

17 Dama Bombaa n bo i wo femeya bie n afien ni yó bu sasafó a,
na yiri fá bu ko bura nzue bo i tie
na i ma ngoo bo i la má awieeri n a.

Na Nyeme núuka bu nyunvuin kere bu nyunu.”

8

Wie mene nso su n jore

1 Saŋga bo Bombaa n cin nmanjiiri wie mene nso su n ni, na deke kere ato amuna angoro n nu, haari miti aburasan.

2 Na ma nu mereke nsom bo bu jina Nyeme nyunu ni, na ba fa awie fitaawa nso ama bu.

3 Na ma nu mereke nyinga ka i bita sika ayaba, bo bu fa ayiri kunkuunwa nvanvani go nu na bu kunkun i ni, na wo ko ajina Mikun n yoowa yoobiri n bi. Na ba ma i ayiri kunkuunwa nvanvani beberebe ka i fa buka Nyeme minem nyemesere su, na i fa kunkun Mikun yoowa yoobiri n bo bu fa sika mata su, na i wo femeya bie n nyunu ni. 4 Na ayiri kunkuunwa nvanvani n nmisini n ni Nyeme minem nyemesere n ayasu mereke n saa nu afun ako Nyeme nyunu.

5 Na mereke n ayi sin Mikun n yoowa yoobiri n su, na wo fa awura ayaba n nu, na wo yi, na wo fa atu asandi durunya n nu. Na nzue sukpara sutientien, na i sujeje, na i sukpekpese, na asien n akpisi.

Awie nso n bo bu kan i n jore

6 Na mereke nsom n bo bu bita awie fitaawam n asese bu nu su ka bu kan awiem ni.

7 Na mereke n bo i du mo n akan i dee awie ni. Na nzue yabue, ni sin, saŋga ni mbunja ato durunya n nu, na sin aje durunya n kpaaki nu nsan buekun, ni bakam kere bo bu wo durunya n nu kpaaki nu nsan buekun, ni wura mone kere.

8 Na mereke n bo i to su nnyo su n akan i awie ni, na deke be, i ti ka buka bambaka wo, ye wo so sin su a, na ba fa i atu tieku n nu, na tieku n kpaaki nu nsan buekun akaaki mbunja. 9 Na deke ngoofo m kere bo bu wo tieku n nu kpaaki nu nsan buekun awu, na lee bambakam bo bu wo tieku n nu kpaaki nu nsan buekun gusu asaaki.

10 Na mereke n bo i to su nsan su n akan i awie ni, na asarambaa bambaka bo i je sin ka wura sin afite angoro aba ato kunmam ni nzuetinm bo bu wo durunya n nu kpaaki nu

nsan buekun nu. ¹¹ Asarambaa n duma la Wiwi, na nzue n bo i wo durunya n nu n kpaaki nu nsan akaaki wiwi, nzue n ti wiwi n dɛɛ ti, na minem dɔŋgu bo bu nuuri nyini nzue n awu.

¹² Na mɛrɛkɛ n bo i tɔ su nna su n akan i awiɛ ni, na deke be aba atɔ wiɛ, ni sara, ni asarambaam kɛrɛ kpaaki nu nsan buekun su asaaki bu, na ba kaaki biri tuum. Wiesu ni kɔŋguɛ n kpaaki nu nsan buekun, ayo má wein.

¹³ Na ma niɛ, na ma ŋu ka kajiri be sulaandi tu aŋgoro, na ma ti kabo i tien barasu ni, i ŋa, “Oɪ, keto, keto, keto wo sɔŋɔ kɛrɛ bo i wo durunya n nu n ŋu, kabo mɛrɛkɛ nsanm bo ba ka n koro ka bu kan bu awiem ni, na bu tiiri.”

9

¹ Na mɛrɛkɛ nnu su n akan i awiɛ ni, na ma ŋu ka asarambaa be afite aŋgoro n aba atɔ asiɛŋgu. Na ba ma i kadombaa ka i teke kunma n bo i kɔ ŋgɔŋgo na i la má awieeri ni. ² Na wɔ teke nyini kunma n ni. I tekeeri i ni, na ŋmisini afite kunma n nu, i ti ka sin bambaka tɔrɔɔwa ŋmisini wɔ. Na ŋmisini n bo i fite kunma n nu n ama wiɛ ni aŋgoro n kɛrɛ asi biri didiki. ³ Na lalom afite ŋmisini n nu asandi ade asien n su, na Nyɛmɛ ama bu yiko, ka bundaanim dɛɛ su. ⁴ Na wɔ se bu ka má bu di wura ni diire mbaa wara bakam, ama, bu kan minem n bo bu la má Nyɛmɛ anyaari seewa bu ŋuma su ni. ⁵ Wɔ ma má bu yiko ka bu kun minem wɔ, ama, bu kere bu wahara sara nnu. Wahara ni ti kabo bundaani kan sɔŋɔ na i yo ya n wɔ. ⁶ Nyini sanɣa ni, adamande sún kpini yiwee busu na bu wú, ama, bu nyá má i.

⁷ Lalom n ti ka kɔŋgɔm bo ba cici bu ka bu kɔ lue dɛɛ su wɔ, deke be wo bu tii su, ka sika kere dɛɛ su, na bu nyunuawa ti ka adamande dɛɛ su. ⁸ Bu ndɔrɛ ti tintiin kabo bara bo i la tiɪŋmiɛ tintiin ti n wɔ, na bu jee ti ka jara dɛɛ. ⁹ Deke be kata bu hoe su pɛpɛrɛpɛ ka bulaari dɛɛ su, na bu lanɣpɛtɛm suyo nanɣmiɛ kabo kɔŋgɔm ni bu torokum n beberebe sunmati kɔ lue na bu yo nanɣmiɛ n wɔ. ¹⁰ Bu lɔ, bo bu fa kan n ti ka bundaani dɛɛ su wɔ. Bu la yiko bu lɔ n nu, bo bu fa kere mine wahara sara nnu. ¹¹ Bu femɛ n la mɛrɛkɛ n bo i niɛ kunma ŋgɔŋgo n bo i la má awieeri n su ni. Hiburu anie nu bu fere i ka, Abadon, ye Giriki anie nu bu fere i ka, Apolin, i bu la ka, saakifo.

¹² Tɔ. Ciciri su dɛɛ ahoresaaki n asin, nnyɔ wo sin suba.

¹³ Na mɛrɛkɛ nsen su n akan i awiɛ n na ma ti akonvi be ŋga ka i fite Mikun yoowa yoobiri n bue nna n kɛrɛ, ba fa sika amata su na i wo Nyɛmɛ nyunu ni. ¹⁴ Na akonvi n ajojo mɛrɛkɛ nsen su n bo i bita awiɛ n dɔ, i ŋa, “Kɔ mɛrɛkɛ

nnam bo bu wo kunma kpiri n bo bu fere i ka, Yufarati n do, na a nyaŋgi bu ji.”

¹⁵ Na wo nyaŋgi merεke nnam bo ba du mo akpa bu ŋu aŋminda nyini ceen n gbingbin na bu kun mine bo bu wo durunya n nu kpaaki nu nsan buekun ni. ¹⁶ Na ma ti kabo bu sojam bo bu fun kpɔŋɔ no ti, bu no ko yasuuri akpii akpii busu yaa nnyo o.

¹⁷ Deke n bo i yo m ka alele ni, m ŋuuri kpɔŋɔm, ni bo bu fun bu ni, ka bulaari pɛpɛrɛpɛ be kata bu hoe su, nbem boro kɔkɔre ka sin wo, na nbem ti biri ka bura nzue, na nbem ti ka ndere nzue, kpɔŋɔm tii dika ti ka jara tii wo. Na sin, ni ŋmisini, ni ferewita sufite bu noo nu. ¹⁸ Ahin deke kekereke nsanm ni kuunri mine n bo bu wo durunya n nu kpaaki nu nsan buekun n a, bere la sin, ni ŋmisini, ni ferewita n bo i fite bu noo nu ni. ¹⁹ Dama kpɔŋɔm n yiko kere wo bu noo, ni bu lom nu wo. Bu lom ti ka woom wo, bu la atiiim, ye bu fa kere mine wahara a.

²⁰ Minem bo ahin wahara n akun ma bu na bu kaari ni, ba kaaki ma bu wo, ba yaki ma amɔem su, ni dekem bo ba fa sikam, ni jetem, ni jawiim, ni yabuem, ni bakam ayo bu ka bu amɔem, nyini dekem koro ŋu ma asi, na bu koro ti ma asui, na bu koro nati ma ni, ba yaki ma bu su. ²¹ Ba kaaki ma bu wo fa ko kabo bu kun minem ni, ni kabo bu di ayiri ni, ni kabo bu yo sakaraya ni, ni kabo bu wo awie ni.

10

Merεke ni kadasi kaan n jɔre

¹ Na ma ŋu merεke faŋgafɔ be bekun ka i fite aŋgoro sujura ba. Na yinyingu akata i ŋu ka tani deε su. Na ayi bo i kpie aŋgoro n abara aye i tii, i nyunu ti ka wie wo, na i jaam ti ka sin taferema. ² I bita kadasi kaan be i saa nu, i ti tekeewa a. Na wo fa i jaa fɔmbɔro atien tieku n su, na wo fa i jaa bie atien asien n su. ³ Na wo tien faŋga su kabo jara ŋuundi ni, na nzue tieenwa nso n abo i nu. ⁴ Nzue n tieenri kpe nso ni, ma m ŋa m kere wo, na ma ti akonvi be ŋga aŋgoro. I ŋa, “Ma a kere jɔjɔowa n bo nzue tieenwa nso n ase ni. Ma a kan kere be.”

⁵ Na merεke n bo m ŋuuri i ka i jina tieku n ni asien n su, n aye i saa fɔmbɔro su akere aŋgoro, ⁶ na wo tan Nyeme bo i la ŋɔɔ na i wo bere sanga kere ni, yiri bo i yiiri aŋgoro, ni asien, ni tieku, ni deke kere bo bu wo nu ni, na wo se ka, “Nyeme ŋminda ma kun. ⁷ Ama, sanga n bo merεke nso su n ba sukan i awie n ye Nyeme asiri nu jɔre ni yo yiwa, kabo i yo seeri i akɔm bo bu ti i noanie kanfom ni.”

⁸ Na akonvi n bo i jǒǒri m dǒ angoro n nu n ajǒǒ m dǒ bekun, i ɲa, “Kǒ de kadasi kaan n bo wǒ teke na i wo mereke n bo i jina tieku n ni asien n su n saa nu.”

⁹ Na ma kǒ mereke n dǒ, na ma se i ka, “Fa kadasi kaan n ma m.” Na wǒ se m ka, “De na a kpɛɛ i, i yǒ u nǒǒ nu mamari ka wiɛ wǒ, ama, i to u kunnu, i yǒ wiwi wǒ.”

¹⁰ Na ma de kadasi kaan n mereke n dǒ, na ma kpɛɛ i. I ti mamari m nǒǒ nu ka wiɛ wǒ, m miiri na wǒ yo wiwi m kunnu. ¹¹ Na wǒ se m ka, “Kaaki jǒǒ sam bo Nyemɛ ase ka bu bá tu mine barasu dǒnggu, ni daanfɛ barasu dǒnggu, ni nfemem dǒnggu.”

11

Daanidifǒ nnyǒm jǒɛ

¹ Na ba fa deke be bo bu bita sunsun ama m, i ti ka kpama a, na ba se m ka, “Kǒ sunsun Nyemɛ Sereebiri Awuru n ni Mikun n yoowa yoobiri ni, na a kan minem bo bu wo nu dǒ su Nyemɛ ni. ² Ama, má a sunsun awǒɛ n bo i bara yɛɛri Nyemɛ Sereebiri Awuru n kere na ba ta kobe abara aye i n buka su, dama ba fa nyini fofoe n ama minem bo bu su má Nyemɛ ni, na bu náti saaki Nyemɛ miɛ casi ni, sara aburana ni nnyǒ afien. ³ M súnma m daanidifǒ nnyǒm ni, na bu fá bǒtǒ kara ka tani dɛɛ su, bo i kere ka bu wo ahoresaaki nu, na bu kán m nǒɔniɛ n kere minem, nyini cɛɛn akpii kun ni yaa nnyǒ ni aburasen n nu.”

⁴ Daanidifǒ nnyǒm ni, bere la ŋguinmbaa baka nnyǒm, ni fitana takaabiri nnyǒm bo bu jina Nyemɛ bo i dɛɛ la asien nyunu ni. ⁵ Sǒnǒ kere bo i koro ka i yo bu sa be, sin fite bu nǒǒ nu ba yara bu kpǒfǒm. Nyini ti, nzen be ɲa i yo bu sa be, kabo i ti ye ni ka i wu lɛɛ. ⁶ Bu la yiko bo bu koro kanda nzue angoro na má nzue tǒ, sanɲa bo bu wo Nyemɛ nǒɔniɛ n kan su ni, na bu la yiko bo bu koro ma nzuem kaaki mbunja, na bu kaaki la yiko bo bu koro ma alǒɔba tǒ durunya n nu, sanɲa kere bo bu koro.

⁷ Nzen bu ba diiri bu daani kaanri Nyemɛ jǒɛ n wieeri, na boro nengendǒɛ n bo i fite kunma n bo i kǒ ŋgongǒ na i la má awieeri ni kún lue ni bere, na i kúnma bu, na i kún bu. ⁸ Na bu fuin ká da miɛ bambaka n atin afien. Nyini miɛ n nufǒm sayoowa ti tie wǒ, nyini ti ye bu fa bu sunsun Sodomfǒm wara Ijipitifǒm n a. Nyini miɛ n nu ye minem kpamaari bu Mibie baka jaanu n su n a. ⁹ Bu fuin ni ká da bere lesan ni wiɛ sin, na minem, ni daanfɛm, ni aniem, ni asienm kere bo bu wo durunya n nu, bu nu nbem sín na bu niɛ bu, na bu dú má su na be se bu. ¹⁰ Bu yiwee n dɛɛ ti, durunya n nufǒm síri taari, na bu gǒ agǒɛ, na bu cé bu

ben̄gum aceerim, dama nyini Nyeme noanie kanfo nnyom bo ba wu n akere bu kere wuwuruwa.

¹¹ Lesan ni wie sin n dee sin, na Nyeme ayi i n̄umi bo i ma ngoo n ago bu nu, na ba yasu ajina, na sere ati sono kere bo bu nuuri bu ni. ¹² Na bere Nyeme noanie kanfo nnyom n ati akonvi bambaka be ka i joo angoro nu, i na, "Am fun bra angoro fen." Na ba wura yinyingu n nu ako angoro, bu kpofom jina sunie bu. ¹³ Jina n nu bere na asien akpisi fanga su, na mie bambaka n kpaaki nu buru buekun afufu, na wo kun mine akpii nso, na sere ati minem bo bu kaari ni, na bu sukansi Nyeme bo i wo angoro ni.

¹⁴ To. Na nnyo su dee ahoresaaki n gusu asin, bo i to su nsan su ni suba kisa.

Awie nso su n jore

¹⁵ Na mereke nso su n akan i awie ni, na akonvim atien fanga su angoro n nu, bu na,
"Durunya n nu femeya kere fanga ti ya Micera
ni Kristo Tiidefo n dee wo.
I dee femeya ni wo bere sanga kere a."

¹⁶ Na nkpienkpien aburanyo ni nnam n bo bu tana bu femeya biem su Nyeme nyunu n ada bu nyunu su asien̄gu na bu subo tuntun Nyeme. ¹⁷ Bu na,
"Ya Mi Nyeme Kpiri bo a la ma anusu ni,
woro bo a wo bere na a yo woori bere ni,
ya da u asi, dama a de u yiko bambaka n
ye a sunie durunya n kere su a."

¹⁸ Durunya n nufom kere afa yaa,
ye sanga aju bo u gusu ahore ayasu,
na a di minem bo ba wu n jore.

Na sanga n akaaki aju bo a to u akoom nkato,
bere bo bu ti Nyeme noanie kanfom ni,
ni u minem kere bo bu su u ni,
nfan̄gafom ni tarakam kere.

Ye sanga n akaaki aju bo a saaki bere n bo bu saaki durunya ni."

¹⁹ Na Nyeme Sereebiri Awuru n bo i wo angoro n ateke, na ma nu Nyeme alaka n bo i kereeri ka wo fa sese su adi i di n ka i wo do, na nzue sukpepe na i sutientien, na i suyo nanmie, na asien sukpisi, na nzue yabue ngbingbiri sutoto.

12

Bara ni Sitana n dee jore

¹ Na alekutura sa be ayo angoro do. Bara be awo do, wo fa wie akara ka tani dee su, na sara gusu awo i jaa bu,

asarambaa buru ni nnyo butu i tii ka femeya kere dee su.
² I bita akunnu, na baawu yaari afa i na i subo awie.

³ Na alekutura sa be gusu ayo angoro do, m nyuri woo tie kəkore bambaka be, i tii ti nso wo, na i la mbie buru, femeya kere nso butu atii nso kun kun n kere su. ⁴ Na wo fa i lo abaandi asarambaam kpaaki nu nsan buekun aji asiengu. Na wo ba ajina bara n nyunu, adena i wuuri baa n na i kaba fa baa n mi. ⁵ Na bara n awu baabieso, bo i ba nie daanfie daanfiem kere su, na i bita bu kekereke kabo nanjasi fa bulaari koroma tu bo i naanim barasu ni. Na ba fa baa n ako yiri Nyeme ni, i femeya tanaabiri n do. ⁶ Na bara n anmati ako boro kpantain awore be nu, bo Nyeme asese i su ama i na bu sunie i dika haari ko ju ceen akpii kun ni yaa nnyo ni aburasen.

⁷ To, na Nyeme mereke Mikali ni i jamam, ni woo tie ni i dee jamam sukun lue ni bu benggu angoro. ⁸⁻⁹ Ama, na Mikali ni i dee jamam n akunma woo tie n ni i dee jamam ni, na ba fon bu afite angoro, ba nya ma woobiri do kun. Na ba fa woo tie bambaka n ni i dee jamam n kere aji asiengu. Yiri ti dada dee woo tie n a, yiri la Sitana, bu kaaki fere i ka Dadakafu, yiri dadaka durunya n nufom kere n a.

¹⁰ Na ma ti akonvi bambaka be nga ka i sutien fanja su angoro. I na,

“Kisa, ya nyu kabo ya Nyeme n la fanja na i de i minem tii ji,

na i di i femeya ni.

Kisa, ye Kristo Tiidefo n akere i yiko a,
 dama ba fon ayi Sitana angoro aji durunya n nu fen,
 yiri bo i ti saakifo na i jina Nyeme nyunu
 na i jaraki ya ninbaam kongue ni wiesu ni.

¹¹ Bombaa n dee mbunja, ni bu daani diiwa
 ye bu fa kunmaari i a,

ba soro ma bu yiwee,
 bu soroori su wo, ka bu wu.

¹² Nyini ti, angoro ni ambere kere
 bo am wo angoro ni,

am ma am ahore jo,
 dama Sitana la ma am fanja kun.

Ama, ahoresaaki ba to asien n ni tieku n su,
 dama Sitana ajura am do.

Yaa ti i agaya,
 dama i si ka i sangga sunnu ma kun.”

¹³ Sangga bo woo tie n nyu ka ba yi i angoro aji asiengu ni, na wo nya nmati afon bara n bo i wuuri baabieso n ka i tara i. ¹⁴ Ama, na Nyeme ama bara n kajiri bambaka lanjpete nnyo, adena i tu ko boro kpantain n awore n bo

wɔ sɛsɛ su ama i ni, na i niɛ i dika afo nsan ni kpaaki nu, na má woo tiɛ n tu i. ¹⁵ Na woo tiɛ n apuuti nzue afite i nɔɔ nu ka wɔmbu nzue dɛɛ su, na má i sɔ bara n kɔ. ¹⁶ Ama, na asien n ade bara n aji, i kpaaki nu nnyɔ ɔ, na nzue n bo i songi fiteeri woo tiɛ n nɔɔ nu n awura asien bu, nyini ti, nzue n atu má bara ni. ¹⁷ Woo tiɛ n atu má bara n dɛɛ ti, na yaa ati i agaya, na wɔ kaaki ka i kɔ kun lue ni bara n busu nufɔm, bo ba de Nyemɛ nɔaniɛ maawam n na bu di daani ni Yesu labari kpa n ni. ¹⁸ Na woo tiɛ n akɔ ajina tieku n nɔɔ su.

13

Boro nɛngɛndɔrɛ nnyɔm jɔrɛ

¹ Na ma ŋu boro nɛngɛndɔrɛ be ka i sufite tieku n nu, i la atii nso wɔ, na i mbiɛ ti buru, mbiɛ n kɛrɛ butu femɛya kere, ye duma kɛrɛɛwa be bo i kpiɛ Nyemɛ nzukɔ n wo atii kun kun n kɛrɛ su. ² Boro nɛngɛndɔrɛ n bo m ŋuuri i n ti ka awɔba a, ama, i jaa ti bambaka, na i la fanɔa, na i nɔɔ ti ka jara dɛɛ. Woo tiɛ n afa i dɛɛ yiko, ni i femɛya, ni i fanɔa afa ama i. ³ Na ma ŋu ka ba kpiɛ boro nɛngɛndɔrɛ n kun tii, i ti ka ba kpiɛ i kɔm wɔ, ama, kani n awie, na wɔ yo durunya n nufɔm kɛrɛ alekutura na bu susu i su. ⁴ Na bu kɛrɛ sukutu na bu su woo tiɛ ni, dama wɔ fa i yiko ama boro nɛngɛndɔrɛ ni, na bu sukutu na bu su boro nɛngɛndɔrɛ n gusu, na bu suse ka, “Ŋma ti ka boro nɛngɛndɔrɛ n a? Ŋma ni yiri koro kun lue na i kunma i a?”

⁵ Na ba ma boro nɛngɛndɔrɛ n atin ka i jɔjɔ kpiri koroya jɔjɔri, na i jɔjɔ wura Nyemɛ ŋgasi nu, na ba ma i atin ka i la yiko haari sara aburana ni nnyɔ. ⁶ Na i jɔjɔ sukpiɛ Nyemɛ nzukɔ, na i susaaki i duma ni i dika ni, ni bo bu wo Nyemɛ dika n nu aɔgoro n kɛrɛ. ⁷ Na wɔ nya yiko ka i kun lue ni Nyemɛ minɛm na i kunma bu, na wɔ kaaki anya yiko na i niɛ adamande kɛrɛ, ni daanfie kɛrɛ, ni aniem kɛrɛ, ni asien barasu kɛrɛ bo bu wo durunya n nu. ⁸ Minɛm kɛrɛ bo bu wo durunya n nu ni su i wɔ, má ka minɛm n bo ba du mɔ akɛrɛ bu duma agɔ ŋgɔɔ kadasi n nu, na durunya n boori i bu ni. Kadasi n ti Bɔmbaa n bo ba kpiɛ i kɔm n dɛɛ wɔ.

⁹ Sɔnɔ kɛrɛ bo i koro ka i ti ahin jɔrɛ n bu, i ti ye ni ka i mi so i sui na i ti.

¹⁰ “Sɔnɔ kɛrɛ bo Nyemɛ ase ka bu wura i dansaraka,
 bu wúra i wɔ,
 na sɔnɔ kɛrɛ bo Nyemɛ ase ka bu kun i ni takobe,
 bu kún i wɔ.”

Nyini dɛɛ ti, i ti ye ni ka Nyemɛ minɛm fa sawɔrɛ ni mindi ni yarada na bu fa su Nyemɛ.

¹¹ Na ma ηu boro nenɔndɔre n be bekun ka i fite asien n nu, i la mbiem nnyɔ, bu ti kabo Bɔmbaa dɛe ti n wɔ, ama, i jɔjɔ kabo woo tie n jɔjɔ n wɔ. ¹² I jina bumboori dɛe boro nenɔndɔre n jinaabiri wɔ, na i la i yiko n kere, na i sumie durunya n nufɔm kere ka bu su bumboori dɛe boro nenɔndɔre bo ba kpie i tii ni, i ti ka ba kpie i kɔm wɔ, ama, kani n awie. ¹³ Na boro nenɔndɔre nnyɔ su n ayo alekutura sam beberebe, na i ma sin fiteeri aɔgoro ba tɔori asienɔgu wɔ, na minem aɔu i. ¹⁴ Alekutura sam n bo i nya yiko yoori bu bumboori dɛe boro nenɔndɔre n nyunu n dɛe ti, na wɔ dadaka durunya n nufɔm. Na wɔ se bu ka bu ta amɔe na i ferema ni boro nenɔndɔre n bo bu faari takobe fɔndɔori i ni, ama, i toko la ηɔɔ. ¹⁵ Na boro nenɔndɔre nnyɔ su n anya atin, na wɔ ma amɔe ηumi, na wɔ nya ηɔɔ na i koro jɔjɔ na i koro kun minem kere bo ba kete ka bu su má i ni. ¹⁶ Na i sumie mine barasu kere, nfanɔafɔm ni tarakam, nenɔfɔm ni yaarifɔm, minem bo ba de bu tii, ni akɔɔm, na wɔ ma ba se bu nyaari bu saa fɔmbɔrɔ wara bu ηuma su. ¹⁷ Sɔnɔ kere bo i la má nyini nyaari seewa n be, koro tɔ má deke be na i kaaki koro to má deke be gusu, dama nyini nyaari seewa n ti boro nenɔndɔre n duma, wara i duma lamba.

¹⁸ Sɔnɔ koro si má boro nenɔndɔre lamba n bu, má ka i mi la alecira, i ti adamande duma a. I lamba n ti yaa nsen ni aburasen ni nsen wɔ.

14

Bɔmbaa n ni minem bo wɔ de bu tii aji n jɔre

¹ Na ma nie aɔu Bɔmbaa n ka i jina Siyon Buka n su. Mine akpii yaa ni akpii aburana ni nnam wo i dɔ. Bere ye ba kere Bɔmbaa n ni i Si Nyeme duma aɔɔ bu ηuma su n a. ² Na ma ti ka mine nbem sudi jue aɔgoro, i yo nanmie kabo nzue songi na i yo nanmie n wɔ, na i yo kabo nzue tientien na i yo nanmie ni, na i sun kabo bu bo bieku na i sun barasu ni. ³ Na mine akpii yaa ni akpii aburana ni nnam n jina femeya bie n nyunu, ni nenɔge ηɔɔfɔ nnam ni, ni nkpienkpienm n nyunu, na bu sudi jue fɔfɔre. Be wo má bere bo i koro sɔnsɔn i, má ka bere ηgumi bo Nyeme ade bu afite durunya n nufɔm n nu ni. ⁴ Bere la minem n bo bu ni bara be ada má, na bu ti casi ni. Bere la bo deke kere bo Bɔmbaa n kɔ na bu su i su ni. Bere ye Nyeme ade bu tii aji afite durunya n nufɔm nu n a, na ba yo i ni Bɔmbaa n dɛe ciciri su minem. ⁵ Kɔre be mmɔɔ wo má bu nɔɔ nu. Na bu kaaki la má ηgasi be.

Mereke nsanm jɔre

⁶ Na ma ηu mereke be bekun ka i wo tu su angoro, na i sukan labari kpa n bo i la má awieeri n jore kere adamande kere, ni daanfie kere, ni aniem kere, ni asien barasu kere bo bu wo durunya n nu ni. ⁷ Na mereke n aye i konvi su atien fanja su agaya ase ka, “Am soro Nyeme na am wura i kpiri, dama sanja n aju bo i dí minem jore. Am su Nyeme bo i yiiri angoro ni asien, ni tieku ni nzue ni.”

⁸ Na mereke nnyo su n afite asu ciciri dee n su, na i suse ka, “Wo kpaasi, Babilon mie kpiri n akpaasi, yiri bo i maari durunya n nufom kere nuuri i nzan n na bu yoori sa ηgbεεηηgbεεn ni.”

⁹ Na mereke nsan su n afite ago ciciri deem su. Na i sujoko fanja su suse ka, “Sono kere bo i suuri boro nengendore n ni i amoe ni, na wo se bu ηuma su wara bu saa fomboro su n nyaari, ¹⁰ Nyeme fá yaa bu ηu, na i cin bu sui agaya, na i má sin ni ferewita to bu ηu na bu dí wahara agaya, i mereke casim n ni Bombaa n nyunu. ¹¹ Na ηmisini sufite nyini sin n bo i kere bu wahara n nu ko angoro sanja kere, i la má awieeri. Minem kere bo bu suuri boro nengendore n ni i amoe n na wo se bu nyaari ni, bu nya má ηumiyi, kongue ni wiesu kere.”

¹² Nyini ti, i ti ye ni ka Nyeme minem la mindi, bere bo bu de i noanie maawam ni, na bu bita bu yarada n kenken fa ko Yesu do ni.

¹³ Na ma ti ka akonvi be sujoko angoro suse m ka m kere ka, “Terefie wo minem n bo bu suuri Mibie n na bu wuuri n do fite kisa fa ko.”

Na Nyeme Awiewie Casi n asoro su ka, “I ti nahore wo, bo ba wu ni, bu yi bu ηumi, bu ηkatō ye bu sudi i n a, dama bu sakpayo su bu su a.”

Kabo Nyeme dí durunya n nufom kere jore ni

¹⁴ Na ma nie anu yinyingu fofoe be angoro n su, be tana su, i ferema ni adamande wo, i butu sika femeya kere, i bita goroku nana i saa nu. ¹⁵ Na Nyeme mereke n be bekun afite Nyeme Sereebiri Awuru bo i wo angoro n nu, na i sutien fanja su suse yiri n bo i tana yinyingu n su ka, “Durunya n nu alembaa n abi, fa u goroku n fa wura nu na a kpie i, dama sanja n a ju.” ¹⁶ Na yiri n bo i tana yinyingu n su n afa i goroku n ada awura durunya n nu na wo kpie alembaa ni.

¹⁷ Na mereke n be bekun afite Nyeme Sereebiri Awuru bo i wo angoro n nu, i gusu bita goroku nana be.

¹⁸ Na mereke n be bekun bo i nie sin su afite Mikun yoowa yoobiri n dika, na wo tien fanja su ase nyini mereke n bo i bita goroku n ka, “Fa u goroku n fa kpie durunya n nu baka suuwam go, dama baka suuwa n aboro.”

¹⁹ Na merēke n afa i gōrōku n ada awura durunya n nu akpīe baka suuwam n kere atien bu nōo ago kunma bambaka n bo bu miemie yiiri baka suuwa nzue n nu ni. Nyini kere kabo Nyeme ahorembaa ayasu na i cin minem sui. ²⁰ Na ba tientien baka suuwa n su, kunma bambaka n bo i wo mie n aheme n nu, na mbunja asonggi afite kunma n nu. Nzen kpōngō wura nu, na i kō se ka wō dodo ngōngō dika, i tii nyaari ngumi kō ka. I tintiin gusu waari agaya.

15

Merēkem bo bu bita awieeri su kekereke ayaba nsom jōre

¹ Na ma ŋu alekutura sa bambaka be aŋgoro, ka Nyeme merēke nso nbem bita kekereke barasu nso n bo bu ti awieeri su dēe ni. Nyini kekereke n dēe sin, Nyeme fá má yaa kun.

² Na ma ŋu deke be, i ti ka nzue bambaka a, i je ka niēnu wō, wō saŋga ni sin. Na ma ŋu minem bo ba kunma boro nenḡendōre n ni, ba kō ayaki i ni i amōe n ni i duma lamba. Bu jina tieku n bo i je ka niēnu n su, bu bita biēkum n bo Nyeme afa ama bu ni. ³ Na ba di Nyeme akōo Moyisi ni Bombaa n dēe jue, ka,

“Ya Mi Nyeme Feme Kpiri,

wōrō ti adamande kere feme durunya n nu a.

U sayoowa ti bambaka na i ti alekutura.

U sayoowa kere kō atin su wō, na i ti nahōre.

⁴ Micera, ŋma wo bere bo i soro má u a,
na i wura má u kpiri a?

Dama wōrō ngumi ti casi a.

Adamande kere bo bu wo durunya n nu,
bu bá kutu u na bu kánsi u,

dama u nahōre sam n afite fofoe nu.”

⁵ Nyini sin, na ma ŋu Casi Kere Casi Sōo n bo i wo Nyeme Sereebiri Nambue n nu, na i wo aŋgoro n ka bu suteke i.

⁶ Na merēke nsom n bo bu bita kekereke nsom n afite Nyeme Sereebiri Awuru n nu, bu wura sutura fofoe papasi, ba fa sika dambara abo bu hoe su. ⁷ Na deke ngōōfō nnam nu kun, afa sika ayabam n nso afa ama Nyeme merēke nsom n ni. Ayabam n ayi ni Nyeme ahorembaa yasu, bo i kere ka Nyeme bo i la ngōo na i la má awieeri n afa yaa agaya.

⁸ Na Nyeme yiko ni i jirima woowa n ama Nyeme Sereebiri Awuru n ayi ni ŋmisini, bo be akoro awura má awuru n nu, fa kō ju saŋga bo merēke nsom fa kekereke nsom n fa jiiri durunya n nu n kō wieeri.

16

Ayabam bo bu kere ka Nyeme afa yaa n jore

¹ Na ma ti akonvi bambaka be nga Nyeme Sereebiri Awuru n nu, i sujɔɔ merɛke nsom dɔ, i ɲa, “Am kɔ na am kɔ kaaki Nyeme ahore yasu ayaba nsom n gɔ durunya n nu.”

² Na merɛke ciciri su n akɔ akaaki i ayaba n agɔ durunya n nu, na kani tiem, bo bu yo ya agaya, akpie minem bo bu la boro nengendɔre n nyaari seewa n na bu su i amɔe n ni.

³ Na merɛke nnyɔ su n akaaki i ayaba n agɔ tieku nzue n nu, na tieku nzue n akaaki ka sɔnɔ bo wɔ wu mbunja. Na deke ɲɔɔfɔ kere bo bu wo tieku n nu awu.

⁴ Na merɛke nsan su n akaaki i ayaba n agɔ kunmam nzue ni buram nzue nu, na i kere akaaki mbunja. ⁵ Na ma ti ka merɛke n bo i niɛ nzue n su n ase ka,

“Nyeme, wɔrɔ ti casi a,

wɔrɔ bo a wo bere na a yo woori bere ni,

kabo a cin minem sui sɔ ni,

u sayoowa akɔ atin su.

⁶ Dama ba kun u dɛɛ minem, ni u nɔanie kanfɔm na bu mbunja afite,

ye u gusu ama bu nzuem n akaaki mbunja na bu nu.

I ti ye ni ka a yo bu sɔ ɔ.”

⁷ Na ma ti akonvi be nga ka i fite Mikun yoowa yoobiri n bi, i ɲa,

“Ya Mi Nyeme Feme Kpiri,

kabo a di bu jore ni, i ti nahore wɔ, na i kɔ atin su.”

⁸ Na merɛke nna su n akaaki i ayaba, n agɔ wie n ɲu, na Nyeme ama i kekere agaya suyara minem ka sin dɛɛ su.

⁹ Na sin n kekere ayara minem, na ba kpie Nyeme nzukɔ, yiri bo i la yiko na i ma bu di nyini wahara ni, na ba kete ka bu kaaki má bu wo na bu ma i jirima.

¹⁰ Na merɛke nnu su n akaaki i ayaba n agɔ boro nengendɔre n femeya bie n su, na i femeya asien n kere asi biri didiki. Na minem sukan bu saa, yaari n ti. ¹¹ Kambue n ni yaari n bo i wo bu ɲu n dɛɛ ti, ye bu sukpie Nyeme bo i wo aɲgoro ni nzukɔ a, haari ni nyini mmɔɔ, ba kaaki má bu wo na bu yaki bu satie ni.

¹² Na merɛke nsen su n akaaki i ayaba n agɔ kunma kpiri n bo bu fere i ka Yufarati n su, na nzue n kere anu, na wɔ kpie atin ama nfemem bo bu fite wie afiiri ni. ¹³ Na ma ɲu awiewie tie nsan nbem, bu ti ka pɔntirim wɔ, kun sufite woo tie n nɔɔ nu, kun sufite boro nengendɔre n nɔɔ nu, na kun gusu sufite sɔnɔ bo wɔ yi i ɲu ka i ti Nyeme nɔanie kanfɔ n nɔɔ nu. ¹⁴ Bu ti Sitana dɛɛ awiewie barasu nbem wɔ, na bu

suyo alekutura sam, na bu kɔ durunya n nu nƒemem kere dɔ kɔ tien bu nɔɔ, na bu cici lue ɲminda ya Mi Nyeme Feme Kpiri n jina cɛɛn.

¹⁵ Ya Mi Nyeme ɲa o, “Am ti fɛn, m ba ni yɔ am fura nu ka awiefɔ dɛɛ su wɔ, terefie wo sɔnɔ kere bo i ɲminda fa kɔ m ba n dɛɛ su, i fa má i ɲu ti má, na i wura i sutura, adena má i nati i bu ɲgbɛɛn, na má mine ɲu i, na nyinse ti i.”

¹⁶ Na Sitana awiewiem n atien nƒemem nɔɔ dika n bo bu fere i Hiburu anie nu ka, *Amagedon* n ni.

¹⁷ Na mereke nso su n akaaki i ayaba n ago anuma n nu. Na akonvi bambaka be ajojo afite femeya bie n nu, Nyeme Sereebiri Awuru n nu, i ɲa, “Wɔ yo awie.”

¹⁸ Na nzue sukpekpese, na i sutientien, na i suyɔ nanɲmie, na asien sukpisi fanɲa su. Kabo Nyeme yiiri adamande ni, be nya ɲu má nyini asien kpisiwa n ɲusu sɔ. ¹⁹ Na mie kpiri n ati nu nsan, na miem kere bo bu wo durunya n nu n atɔtɔ, dama Nyeme atenɲe Babilɔn mie kpiri n jɔre su, nyini ti ye wɔ fa yaa i ɲu, sucin i sui n a. ²⁰ Na lui bambakam kere bo bu da nzue afien, ni bukam kere amini. ²¹ Na nzue yabuem sutɔtɔ minem ɲu, i kun kun nɔnɔori la ɲma. Na minem sukpie Nyeme nzukɔ, dama nzue yabue n bo i tɔtɔ ni sukere bu wahara agaya.

17

Bara sakara n jɔre

¹ Na Nyeme mereke nsom n nu kun, bo i bita ayaba nsom n nu kun, aba m dɔ, aba ase m ka, “Bra fɛn, na m kere u kabo Nyeme cin bara sakara tie n sui ni, yiri bo i tana kunma nzue beberebem n su ni. ² Yiri ye durunya n nu nƒemem akpini i afa ayo bu soma, na wɔ fa i sakaraya asa durunya n nufɔm kere, na bu gusu akpini i afa ayo bu soma.”

³ Na Awiewie Casi n dɛɛ yiko nu, na mereke n afa m ako boro kpantain nu. Na ma ɲu bara be ka i tana boro nenɲendɔre kɔkɔre be su, duma kerɛɛwa nbem bo bu kpie Nyeme nzukɔ n wo boro nenɲendɔre n ɲunie kere su. I la atii nso, na i mbie ti buru. ⁴ Bara n adi sunɲuruya anyɔnyɔndi i ɲu, i wura sutura kɔkɔre nyunyumi, na wɔ wura i kɔm, ni i saam, ni i suim jɔrɔkɔm, ni lalankundim, ni afere nyunyumim, ni sikam, ni afere fofɔem bo bu la gɔ agaya. I bita sika kɔpu i saa nu, wɔ yi ni danɲba ni i sayoowa ɲgbɛɛnɲgbɛɛn n wo. ⁵ Ba kere i asiri nu duma i ɲuma su, nyini duma n bu la ka, Babilɔn mie kpiri, bo i ti sakaram kere ni, na i kaaki ti saa ɲgbɛɛnɲgbɛɛn yofɔm kere bo bu wo durunya n nu n ni. ⁶ Na ma ɲu ka bara n anu Nyeme minem mbunja abo,

ni minem bo bu di Yesu daani n dæ ti na ba kun bu ni gusu mbunja abo.

M ɲuuri i so ni, na wo yo m alekutura. ⁷ Na merexe n abisa m ka, “Nzu ti ye a ma wo yo u alekutura? M kere u asiri nu jore bo i wo bere fa ko bara n ni boro nengendore n bo bara n tana su, na i la atii nso ni mbiem buru ni. ⁸ Boro nengendore n bo a ɲuuri i ni, ti deke bo i yo woori bere wo, ama, kisa i wo ma bere kun. Wo ka kaan na i fite kunma ngongo n bo i la ma awieeri n nu, na i ko di wahara na i ka ngeen. Na durunya n nufom bo bu duma wo ma ngoo kadasi n nu, fite sangha bo Nyeme nya yi ma durunya ni, bu ba ɲuuri i, i yo bu alekutura, dama i yo woori bere, ye kisa, i wo ma bere kun, na i ba kaaki ba een be.

⁹ Nyini dæ ti, sono kere fa i alecira ni sunsunni na i ti ahin jore n bu. Boro nengendore n tii nso n ti buka nso bo bara n afun atana su wo. Bu gusu kaaki ti nfemem nso wo. ¹⁰ Bu nu nnu akpaasi, nsen su n toko wo bere, nso su n nya ba ma, ama, i ba baari, i ce ma, i femeya ni kpaasi wo. ¹¹ Boro nengendore n bo i yo woori bere, ama, kisa i wo ma bere kun ni, yiri ti feme n bo i buka su mocue su n a, ama, i ti nfeme nsom nu kun wo, na i ko di wahara na i ka ngeen.

¹² Mbie burum bo a ɲuuri bu n ti nfeme burum bo bu nya di ma femeya, ama, bu nya yiko na bu di feme buka boro nengendore n su sangha kaan so. ¹³ Nyini nfeme burum n yo bu nookun, na bu fa bu fanga ni bu yiko kere na bu fa ma boro nengendore ni. ¹⁴ Bu kun lue ni Nyeme Bombaa ni, ama, i ni i minem ni kunma bu, dama yiri ti mibiem kere Mibie, na i ti nfemem kere Feme. I minem bo bu wo i do n la bo wo fere bu ni, ni bo wo yi bu na bu jina i sin nahore su ni.”

¹⁵ Na merexe n ase m ka, “Kunmam nzue n bo a ɲuuri i ni, na bara sakara n tana su ni, ti durunya n nu minem, ni durunya n nu asien barasu barasu kere, ni danfie kere wo læ. ¹⁶ Mbie burum bo a ɲuuri bu ni, ni boro nengendore ni, bu ba kpo bara sakara ni, bu de i neŋge kere na i ka i bu ngeen, na bu di i ɲuniembaa kere, na bu yara bo wo ka n sin. ¹⁷ Dama Nyeme maari bu yoori kabo i koro a. I maari bu yoori bu nookun na bu fa bu femeya n kere buka boro nengendore, na i di femeya n ko ju sangha bo Nyeme noanie ni ba yo yiiwa ni.

¹⁸ Bara n bo a ɲuuri i n la mie kpiri n bo i ti durunya n nu nfemem kere tii n a.”

18

Kabo Babilon mie kpiri n kpaasi barasu ni

¹ Nyini sin, na ma kaaki aṅu merεke be ka i fite aṅgoro sujura, i la yiko agaya, na i woowa n ata wein abara aye durunya n kerε. ² Na wɔ ye i konvi su atien faṅga su ka, “Wɔ kpaasi. Babilɔn miε kpiri n akpaasi.

Wɔ kaaki awiewie tiem, ni ajinim,
ni deke ṅgbεεnṅgbεεnm,
ni anuma tiem woobiri wɔ.

³ Dama durunya n nufɔm kerε nuuri i nzan ye bu kɔɔri somaya yiri dɔ a.

Na durunya n nu nfemem kerε kɔ kpiniiri yiri yoori bu soma.

Na kabo i la ajεke na i koro tara mǎ i ṅu ni, durunya n nu watafɔm gusu nya bu ajεke fite i dɔ ɔ.”

⁴ Na ma kaaki ati akonvi be ṅga bekun, ka i sujɔɔ aṅgoro n nu, i ṅa,

“M minem, am fite miε n nu,
na mǎ am yo bu satie yoowa n be,
na mǎ wahara n bo i suba bu dɔ n tu am.

⁵ Dama miε n nufɔm satie yoowa n aju Nyeme dɔ aṅgoro, na i wara koro fi mǎ bu satie yoowa n sa.

⁶ Sam bo bara n yoori bu ni, yo i gusu sɔ, to i kaari i ṅusu nnyɔ.

Ma i ṅu kekereke tara kabo i yo ma minem ṅuuri kekereke ni.

⁷ Kabo i yo wurari i ṅu kpiri na i diiri i tii barasu ni, kere i kekereke na i ahore gusu saaki sɔ.

Dama i ṅa, ‘Ma di femε, m ti mǎ kunafo,
m ahore sǎaki mǎ cεen be.’

⁸ Nyini dεε ti, lekun ye kekereake bǎ to i ṅu a. Yiri la tukpaki, ni ahoresaaki, ni ahɔε.

Na sin yǎra i,

dama Micera Nyeme n bo i cin i sui n la yiko agaya.”

⁹ Na durunya n nu nfemem bo bu kɔ kpiniiri i na bu ni yiri diiri bu tii ni, bu ṅu kabo sin je i, na bu ṅu kabo ṅmisini yasu kɔ aṅgoro barasu, na bu sún, na bu bó awie.

¹⁰ Kekereke n bo wɔ tu i n dεε ti, i ma bu sere wɔ, na bu jina dede, na bu nya suse ka,

“Keto, keto, am niε ahin miε bambaka ni. Babilɔn bo i ti miε kpiri n lεε

ye ba kaba acin i sui, ye i kerε aka ṅgbεεn,
anyumbaa kata ni i teke n nu bere n a.”

¹¹ Na watafɔm bo bu wo durunya n nu ni susun, na bu sukoko miε ni, dama be to mǎ bu gɔɔri n kun. ¹² Be to mǎ bu sika, ni jεtε, ni afere barasu nbem bo bu yo nyumi na bu la gɔ ni. Be to mǎ bu suturam barasu barasu bo bu yo nyumi na bu la gɔ ni. Be to mǎ bu bakam bo bu fa yo bie

kpakpam ni, ni bu ayaba barasu kere bo bu fa sui jee yo bu ni, ni deke kere bo bu fa baka fa sense bu, ni deke kere bo bu fa jawii bulaari, ni yabue fa yo bu na bu la go agaya. ¹³ Be kaaki to ma bu toro nenje barasum bo bu la nvanvani, ni ayiri kunkuunwa nvanvani, ni baka nyunvui nvanvanifo, ni nzan, ni nguin, ni kpɔnɔ samene, ni diire, ni naanim, ni nbɔem, ni kpɔngɔm, ni kpɔngɔ torokum, ni akɔm, ni domuem. ¹⁴ Na watafom n ase i ka,

“Dekem bo a yo koro bu agaya n kere

anmati ayaki u,

u ajekem, ni u nenje kpakpam kere bo a la bu

ako ayaki u,

a nya ma i be kun.”

¹⁵ Watafom bo bu yoori nenjefom nyini mie n dee ti ni, bu ko jina dede wo, dama sere ti bu fa ko kekereke n bo wo to mie n nu ni, na bu ahore saaki agaya na bu sun. ¹⁶ Na bu se ka,

“Keto, keto, am nie ahin mie bambaka ni.

I yo kara sutura barasu barasu nyunyumi,

na i la sika jorokom,

ni aferem barasu barasu

bo bu yo nyumi na bu la go agaya ni.

¹⁷ Nyini nenje n kere akaba aka ngbeen,

anyumbaa kata ni i teke n nu bere n a.”

Na lee bambaka kanfom, ni leefom, ni lee wurafom, ni bo bu juma nati tieku nzue n su n kere ako ajina dede. ¹⁸ Na bu jina nie kabo mie ni suje sin barasu na nmisini yasu ko angoro ni, na bu bo awie se ka, “Mie bono wo bere bo i ju ahin mie bambaka n a?”

¹⁹ Na bu susasa tuturi go bu tii su na bu kere ka bu ahore asaaki agaya, na bu susun, na bu suse ka,

“Keto, keto, am nie ahin mie bambaka n ni.

Dama minem kere bo bu la lee bambakam na bu juma nati

tieku nzue n su n

nya bu nenjem fite nyini mie n dee ajekere n nu wo.

Ye wo kaba aka ngbeen,

anyumbaa kata ni i teke n nu bere n a.

²⁰ Ambere bo am wo angoro nu,

ni Nyeme minem, ni Yesu jaramasam, ni Nyeme nonie

kanfom,

am ma am ahore jo

fa ko kabo mie kpiri n aka ngbeen barasu bere ni,

dama Nyeme subisa i nono nu ma am a.”

²¹ Na Nyeme merere fanfafɔ be n afa yabue bambaka, na wo fa atu aji tieku nzue n nu, na wo se ka,

“So ye Nyeme fa Babilon mie kpiri n

fa ji wuum a,
na i busu be bá ñu má.

22 Be ti má deke be ñga miε n nu kun,
i bieku kanfɔ o, i jue difɔ o, i tere kanfɔ o, ni awie kan-
fɔm.

Na jumayofɔ barasu be mmɔɔ gusu wo má miε n nu
kun,

be ti má ñgani san yabuε be ñga miε n nu kun.

23 Na fitana haari kun n kpein
je má miε n nu cɛen be na be ñu i.

Be ti má konya ni konyafan kuyigindi ñga miε n nu kun,

dama watafɔm bo bu yo wo nyini miε n nu

yo ti nfanɔafɔm wɔ durunya n kere nu,

na miε nufɔm yo boboyaya sam dadaka durunya n nufɔm
kere.

24 Nyeme acin miε n nufɔm sui a,

dama bere yo kuunri Nyeme minem, ni i noanie kanfɔm
n a,

ni minem kere bo ba kun bu durunya n nu ni, bere yiiri
bu mbunja.”

19

1 Nyini sin, na ma ti akonvi be ñga angoro, ka jama
beberebe akonvi, bu ña,

“Haleluya, ya kansi Nyeme,

ya Mi Nyeme n ama ya nya tiide a,

yiri ti kpiri ni yikofɔ a.

2 I di jɔre ni i atin su, ni nahɔre wɔ.

Wɔ di bara sakara n jɔre,

yiri bo i maari durunya n nufɔm kere kpini nbaram

na bu kɔ somaya

na bu yo sa ñgbɛɛnñgbɛɛnm kere,

na wɔ cin i sui, dama yiri yo kuunri Nyeme akɔɔm n a.”

3 Na jama n bo bu wo angoro n akaaki aye bu konvi su
atien ase ka,

“Haleluya.

Sin n bo i sudi miε ni ñmisini n suyasu sukɔ angoro

haari ni sanɔa bo i la má awieeri.”

4 Na nkpienkpien aburanyɔ ni nnam, ni deke ñgɔɔfɔ
nnam sukutu sukansi Nyeme bo i tana femeya bie n su ni,

na bu se ka,

“Ami. Haleluya.”

Nyeme Bombaa n konyaya jɔre ni

5 Na akonvi be afite femeya bie n nu, i ña,

“Amberε Nyeme akɔɔm kere,

tarakam ni nfanɔafɔm,

bo am soro Nyeme ni,
am kere kansi i duma.”

⁶ Na ma ti akonvi be nanmie nga, i ti ka jama beberebe suyo nanmie wo, na i yo nanmie, kabo nzue songi na i yo nanmie ni, na i kaaki ti kabo nzue tientien na i yo nanmie ni, i na,

“Haleluya,

Ya Mi Nyeme Feme Kpiri n
adi i femeya n kisa.

⁷ Am ma ya ahore jo na ya yo ya kunnu koroowa,
na ya wura i kpiri,

dama sangi n aju bo Bombaa ni ja i konya ni,
konya n gusu asese i nu su anminda i.

⁸ Nyeme ama i sutura casi fofoe papasi ka i fa kara.”

Sutura fofoe papasi n la Nyeme minem sakpa yoowam ni.

⁹ Na mereke n ase m ka m kere ka, “Terefie wo minem bo Bombaa n abaandi bu ka bu ba di konyaya diire n be i do.”

Na wo kaaki ase ka, “Ahin noanie ti nahore wo, i fite Nyeme do o.”

¹⁰ Na ma kutu i jaa bu asienngu ka m su i, na wo se m ka ma m yo so, ama, m kansi Nyeme ngumi. Na wo kaaki ase m ka, “M ti u benngu akoo, ni u ninbaam bo bu di Yesu daani kere mine n be wo.” Jore n kere bo Nyeme noanie kanfom kaanri i ni, bu diiri ahin Yesu n daani wo.

Sono n bo i fun kpenggo fofoe n jore

¹¹ Na ma nu ka angoro ateke, kpengga na ma nu kpenggo fofoe be, bu fere bo i tana su n duma ka, Bo i la Dabu nu ni Nahoref, i di minem jore kabo i ti ye ni ka i di bu nahore su wo, na i kun i lue ni nahore su. ¹² I nyumbaa kere je ka sin fofoe, na i butu femeya kere beberebe i tii su. Duma kerewa be mata i, be si ma nyini duma ni, ma ka yiri ngumi si a. ¹³ I wura sutura yorom barasu be bo ba fa i awura mbunja nu, na bu fere sono n duma ka Nyeme Noanie. ¹⁴ Na Nyeme sojam bo bu wo angoro n fun kpenggo fofoe su i su, bu wura sutura casi fofoe papasi. ¹⁵ Takobe nana bo i fa kunma durunya n nufom wo i noo nu, na i bita bu kekereke kabo nanikasi fa bulaari koroma tu bo i naanim barasu ni, na i tientien bu su kabo bu fa baka suuwa go kunma nu na bu miemie yi i nzue ni, dama Micera Nyeme Kpiri n afa yaa agaya. ¹⁶ Ba kere i duma i sutura n su, ni i jaa soowa su ka, “Nfemem kere Feme ni mibiem kere Mibie.”

¹⁷ Na ma nu mereke be ka i jina wie n su, na wo ye i konvi su atien fanga su ase anumam kere bo bu tu angoro na bu di nie n ka, “Am bra na am ba tien am noo na am di ahin diire beberebe n bo Nyeme sufa ma am ni, ¹⁸ am ba di nfemem

ηuniembaa, ni sojam nkpienm ηuniembaa, ni nfangafom ηuniembaa, ni kpɔngɔ niε, ni minem bo bu fun kpɔngɔm n ηuniembaa, ni adamande barasu kere ηuniembaa, bo bu ti akɔm ni bo ba de bu tii, ni bo bu ti mine ηgbingbirim, ni bo bu ti mine kan kanm ni.”

¹⁹ Na ma ηu boro nengendɔre n ni durunya n nu nfemem, ni bu sojam, ka, ba tien bu nɔɔ acici na bu kun lue ni yiri n bo i tana kpɔngɔ fofoe n su ni, ni i jama nbaam. ²⁰ Na ba tara boro nengendɔre n ni kɔrefɔ n bo i yo i ηu ka i kan Nyeme nɔanie ni. Yiri yo yoori alekutura sam boro nengendɔre n nyunu, na wɔ dadaka minem bo bu deer boro nengendɔre n anyaari seewa na ba su i amɔe ni. Na ba fa boro nengendɔre n ni kɔrefɔ n ni bu ηgɔɔ aji sin n nu, bo i je ka ferewita na i da ka tieku ni. ²¹ Minem bo bu kaari ni, na yiri n bo i tana kpɔngɔ n su n afa takobe n bo i wo i nɔɔ nu n akun bu kere. Na anumam kere adi niε na bu kunnu ayi.

20

Kabo bu nyi Sitana afɔ akpii kun n jɔre

¹ Na ma ηu mereke be ka i fite aηgoro suba, i bita deke nbem i saa nu, kun la kadombaa bo i tu kunma ηgongɔ bo i la má awieeri ni, na kun gusu la jɔrɔkɔ bambaka fangafɔ be. ²⁻³ Na wɔ tara woo tie ni, dada dɛε woo tie n bo i ti Sitana ni, na bu kaaki fere i ka Dadakafɔ ni, na wɔ fa jɔrɔkɔ n acici i, na wɔ fa i atu kunma ηgongɔ n bo i la má awieeri n nu, ka i wó dɔ haari afɔ akpii, na wɔ tu kunma n anɔ ni, na wɔ ta akata su, na má i koro fite na i dadaka durunya n nufom bekun, ama, i wo dɔ haari afɔ akpii n ba ju. Nyini sin, na bu nyáŋgi i ji kaan.

⁴ Na ma ηu femeya biem, Nyeme ama bo bu tana sum n atin ka bu di minem jɔre. Na ma kaaki aηu bere bo bu yo wuuri Yesu ti ni. Mine yo kpiεeri bu tii a, dama bu yo kaanri Nyeme jɔre na ba di Yesu daani n dɛε ti. Bere keteeri ka bu su má boro nengendɔre n ni i amɔe n a, bere la bo bu kaaki keteeri ka bu de má i nyaari seewa bu ηuma wara bu saa su n a, ye ba tenge bu yiwee n nu anya ηgɔɔ, na bu ni Kristo Tiidefɔ n sanɔa di femeya afɔ akpii. ⁵ Ahin ti yiwee tenge ciciri su n a. Ama, minem bo ba wu na ba ka ni, bere tenge má haari kɔ ju afɔ akpii n awieeri. ⁶ Bere n bo bu du mɔ tengeeri bu yiwee nu ni, na bu ti mine casim n ni, terefie wo bu dɔ, bere ηú má yiwee nnyɔ su n kun, bere yó Nyeme ni Kristo Tiidefɔ sayoowa dɔnguyofom a. Na bu ni yiri sánɔa di femeya n afɔ akpii.

Kabo Nyeme kunmaari Sitana ni

⁷ Afɔ akpii n nyaari kɔ juuri, na Nyeme má bu yi Sitana n dansaraka sɔɔ n nu ji. ⁸ Na i kɔ́ dadaka adamande barasu barasu kere bo bu wo durunya n nu ni, Gogi ni Magogi asien n kere, na i tien bu kere nɔɔ na bu kɔ́ kun lue. Bu sunnu beberebe ka kunma ŋmie wɔ. ⁹ Na ba tereki abara aye durunya n deke kere, na ba bara aye mie n bo Nyeme koro i agaya ni, deke bo i minem wo ni, ama, na sin afite angoro aba ayara bu. ¹⁰ Na ba fa Sitana n bo i dadaka bu n aji cɛema sin n nu, bo i je ka ferewita na i da ka tieku ni, deke bo bu faari boro nengendɔre n ni kɔrefɔ n bo i yo i ŋu ka i kan Nyeme nɔanie n jiiri nu ni. Dɔ na bu dí wahara, kɔŋgue ni wiesu sanja kere.

Kabo Nyeme dí minem jɔre awieeri su ni

¹¹ Na ma ŋu femeya bie bambaka fofoe be, ni bo i tana su ni. Na angoro ni asienɔgu kere amini i nyunu, bu wo má bere kun. ¹² Na ma ŋu minem bo ba wu ni, nfangafɔm ni tarakam kere, ka bu jina femeya bie n nyunu. Na ma kaaki anju ka be suteke kadasim, na be gusu suteke kadasi bo i ti ŋɔɔ dɛe ni. Nyini kadasim ye bu fa diiri minem bo bu wuuri n jɔre a, bu sayoowa kere bo bu yo yoori wo nyini kadasim n nu. ¹³ Na tieku n awɔɔ minem bo ba wu n ama, na Yiwee, ni Yiweefɔm Woobiri n awɔɔ minem bo ba wu n ama, na Nyeme afa bu sayoowa bo bu yo yoori adi bu jɔre. ¹⁴ Na wɔ fa Yiwee, ni Yiweefɔm Woobiri n aji sin n nu, bo i je ka ferewita na i da ka tieku ni. Ahin sin ni ti yiwee nnyɔ su n a. ¹⁵ Na ba fa sɔnɔ kere bo i duma awo má ŋɔɔ kadasi n nu aji sin ni.

21

Angoro ni asien fɔfɔre n jɔre

¹ Na ma ŋu angoro fɔfɔre ni asien fɔfɔre, dama angoro dawa n ni asien dawa n kere wo má bere kun, na ma ŋu ka tieku nzue n gusu wo má bere kun. ² Na ma ŋu mie casi ni, Yerusalem fɔfɔre n ka i fite Nyeme dɔ angoro sujura ba asienɔgu, wɔ sese i ŋu su ka konya bo i sukɔ ajaa. ³ Na ma ti akonvi bambaka be ŋga femeya bie n nu, i ŋa, "Am nie fen, Nyeme woobiri wo adamandem dɔ, na i wó bu dɔ.

Na i fá bu yo i minem.

Yiri ni i tii wó bu dɔ na i yó bu Nyeme a.

⁴ Yiri núnuka bu nyunvuin kere bu nyumbaa nu a, yiwee wo má bere kun, ahoresaaki wó má bere kun, minem sún má kun, na minem dí má yaari kun, dama deke dawam kere asin."

⁵ Na bo i tana femeya bie n su n ase ka, “Nie fen, m suyo deke kere fofore.” Na wo kaaki ase m ka, “Kere ahin noanie ni, dama i ti nahore wo, na i la daburu.” ⁶ Na wo se m ka, “Wo yo awie, mini ti mofa, na m kaaki ti kasinfo, mini ti deke kere bumboori ni i awieeri a. Sono kere bo nzuehox tiiri i, m ma i nu nzue n bo i ma ngoo ni, na i mi to ma kaari. ⁷ Sono kere bo i diiri nasara, m ma i ahin aceerim ni, na m yo i Nyeme, na m fa i yo m wa. ⁸ Ama, serefom, ni minem bo ba yo ma m yarada, ni dangba yofom, ni mine kunfom, ni nbara kpinifom, ni somaya kofom, ni bo bu di ayiri ngbeenngbeen, ni munzueyifom, ni amox sufom, ni korofom kere, bu woobiri la cema sin n bo i je ka ferewita na i da ka tieku ni. Nyini yiwee ni ti yiwee nnyo su n a.”

Yerusalem fofore n jore

⁹ Na mereke kun aba m do, i ti mereke nsom bo bu bita awieeri su dex kekereke ayaba nsom nu kun wo, na wo ba ase m ka, “Bra, na m kere u Bombaa n konya ni.”

¹⁰ Na Awiewie Casi n dex yiko nu, na mereke n afa m ako buka bambaka n bo i ti lenlenge n tii su, na wo kere m Yerusalem mie kpiri n bo i ti casi ni, i fite Nyeme do angoro sujura ba. ¹¹ Na i je na i ta wein kabo Nyeme jirima woowa n ti ni, na i sujeje kokore ni sosofura nzue ka afere nyunyumi barasu be bo i da cain ka nienu. ¹² Ba ta kobe bambaka bo i wo angoro abara aye mie ni, na i la ano buru ni nnyo, anom kere su la mereke kun kun bo bu jina nminda. Ba kere Yisareli ano barasu buru ni nnyo n дума ago ano n kun kun kere su. ¹³ Kobe n bue nna n kere la ano nsan nsan, nsan wo wie afiiri, na nsan wo wie atoori, na nsan nsan wo gbeenngbeen bue nnyo n kere. ¹⁴ Mie n kobe n ajaari seewa yabue n ti buru ni nnyo o, ye bu nya taari kobe n taka su. Ba kere Bombaa n jaramasa buru ni nnyom дума ago yabue n kun kun kere su.

¹⁵ Na mereke n bo i jooori m do n bita sika kara i saa nu, bo i fa sunsun nie kabo mie n ti bambaka barasu, ni kabo kobem n anom ti tetere barasu, na i kaaki sunsun nie kabo kobe n angoro ti barasu. ¹⁶ Mie n ataari n ti ka soo langba dex su wo, i tintiin, ni i tetere kere se wo. Na mereke n afa i sika kara sunsuunwa n asunsun mie ni, i tintiin su ti kilo akpii nnyo ni yaa nna wo, nyini ti, i tintiin, ni i tetere, ni i angoro kere se wo. ¹⁷ Na mereke n asunsun kobe n gusu, kabo adamande bo ajaari ni, na i angoro ako ayasu ka ajaari boowa kun kun ko ju yaa ni aburana ni nna. ¹⁸ Bu faari yabue nyunyumi barasu be bo bu fere i ka jasapa ni taari kobe n a, na ba fa sika bo i da cain ka nienu, ata mie n ni i tii. ¹⁹ Yabue n bo bu fa seeri mie n kobe n ajaari n ti yabue barasu nyunyumi, na i kere busu wo i ngumi

ngumi. I ti kabo Nyeme sayoowa don̄guyof̄o kpien n sana i tanl̄e su na i wo i hoe su ni. Bu fere bu ka jasapa, ni safiri, ni agata, ni em̄eradi, ²⁰ ni oniki, ni caniliya, ni krisolite, ni berili, ni topasi, ni krisoparasi, ni jasinti, ni ametisiti. ²¹ Bu faari afere fofoe nyunyumi barasu be fa yoori an̄o buru ni nnyom̄ n a. Bu faari sika fa yoori mīe n atin natiwa kere a, na i da cain ka nīenu.

²² Ma ŋu má Nyeme Sereebiri Awuru be mīe n nu, dama ya Mi Nyeme Feme Kpiri n ni B̄ombaa n ade Nyeme Sereebiri Awuru n jinaabiri a. ²³ Mīe n koro má wīe ni sara na bu ta wein ma i, dama Nyeme jirima woowa ni ti i wein a, na B̄ombaa n ti i fitana. ²⁴ Na durunya n nu adamande barasu kere sunati i wein nu w̄o, na durunya n nu nfemem fa bu ajeke kere ba wura nu. ²⁵ Mīe n an̄o ni téke w̄o san̄ga kere, dama ka k̄ongue wo má d̄o. ²⁶ Na adamande barasu kere bo bu wo durunya n nu ni fá bu neŋge kpakpam ni bu jirima na bu fá wura nu. ²⁷ Ama, deke kere bo i ti má casi wúra má mīe n nu, ni minem bo bu su am̄oem, ni minem bo bu bu k̄oem ni. Má ka minem bo bu duma wo B̄ombaa ni ŋḡo kadasi n nu ni ngumi wúra nu a.

22

¹ Na mereke n akaaki akere m kunma nzue bo i ma ŋḡo, i da cain kabo nīenu ti n w̄o, i songi fite Nyeme ni B̄ombaa n fem̄eya bīe n nu w̄o, ² na i susonḡi mīe n atin n afien ni. Kunma n bue nnyo n kere, baka n bo i ma ŋḡo n jinjina aheme. Na i susu suuwa barasu buru ni nnyo af̄o kere, sara kere ni i suuwa. Na bu sufa i nyawa n tuntun durunya n nu adamande kere t̄oem. ³ Deke bo Nyeme ayo i n̄o ŋḡbeen wó má mīe n nu. Ama, Nyeme ni B̄ombaa n fem̄eya bīe ni wó d̄o, na i ak̄oom̄ n súsu i. ⁴ Bu ŋú i nyunuawa dika kabo i ti barasu, na i k̄ere i duma ḡo bu ŋuma su. ⁵ Awosin wó má d̄o, be koro má fitana d̄o, na bu kaaki koro má wīe d̄o, dama ya Mi Nyeme Feme ni i tii yó bu wein a. Na bu dí fem̄eya bo i la má awieeri.

Kabo Yesu seeri ka i cé má, i káaki ba ni

⁶ Na mereke n akaaki ase m ka, “Ahin n̄on̄an̄iem n ti nah̄ore w̄o, na i ti deke bo s̄on̄o yo i yarada. Ya Mi Nyeme Feme bo i faari i Awiewie Casi n wuraari i n̄on̄an̄ie kanfom̄ nu ni, yiri asunma i mereke n ka i ba se i ak̄oom̄ fa k̄o sa bo i yó kisa bere n a.”

⁷ Ya Mibīe Yesu ŋa, “Am so am sui. I cé má, m bá kisa. Terefīe w̄o s̄on̄o kere bo i deeri n̄on̄an̄ie n bo i wo ahin kadasi n nu na i j̄ōj̄o fa k̄o sa bo i bá yo n ŋu.”

⁸ Mini Yohane tiiri, ye m ŋuuri ahin deke n kere, m tiiri na m ŋuuri i s̄o ni, na ma kutu mereke n bo i kereeri nyini

dekem n jaa bu ka m su i. ⁹ Na wo se m ka, má m yo so, ama, m kansi Nyeme ngumi. Na wo kaaki ase m ka, “M ti u beṅgu akoo, ni u ninbaam bo bu ti Nyeme noanie kanfom, ni bo bu de noanie n bo i wo ahin kadasi n nu n be wo.” ¹⁰ Na wo kaaki ase m ka, má m se ka m fie noanie n bo i wo ahin kadasi n nu na i joo fa ko sa bo i ba yo n su, dama i ce má, i kere yo kisa. ¹¹ I na sono kere bo i yo satie, ma i ko su yo i satie, sono kere gusu bo i yo i dangba sa ni, ma i ko su yo i dangba sa ni, na sono kere gusu bo i yo sakpa, ma i ko su yo i sakpa ni, na sono kere gusu bo i ti casi, ma i ko su wo i casi wo.

¹² Ya Mibie Yesu na, “Am so am sui. I ce má, m ba kisa, na m ba to sono kere kaari kabo i jumayoowa ti barasu. ¹³ Mini ti mofa a, na m kaaki ti kasinfo, mini ti deke kere bumboori ni i awieeri n a.”

¹⁴ Terefie wo minem bo ba nmisi bu suturam ayo casi n do, adena bu koro nya atin di baka n bo i ma ngoo n dee suuwa ni, na bu fa mie n ano n wura mie n nu. ¹⁵ Ama, dangba yofom, ni bo bu di ayiri ngbeenngbeen, ni bara kpinifom, ni somaya kofom, ni mine kunfom, ni amoe sufom, ni bo bu bu kore bu noanie jooowa ni bu sa yoori nu n kere koro wura má mie n nu.

¹⁶ “Mini Yesu asunma m mereke n ka i ba se am ahin jore n a, amere bo am wo Kristo jamam n nu ni. Mini ti Feme Davidi anuma a, na m ti asaakojo bo i ta ni.”

¹⁷ Awiewie Casi n ni konya n na, “Bra.”

Sono kere bo i ti ahin, ma i mi gusu se ka, “Bra.”

Na sono kere bo nzuehoe ati i,

na i koro ngoo nzue ni,

i bra na i ba de nu ngbeen.

Awieeri su n jore

¹⁸ Mini Yohane subobo sono kere bo i ti ahin kadasi n nu jore fa ko sa n bo i ba yo n lee, ka sono kere bo i faari noanie be bukaari su, Nyeme fa kekereke n kere bo i wo ahin kadasi n nu n buka i mi su. ¹⁹ Na sono kere gusu bo i yiiri noanie n bo i wo ahin kadasi n nu n be, Nyeme yi i mi n aceeri na i nya ma baka n bo i ma ngoo n dee suuwa n be, na i ma i wura ma mie casi n nu, kabo ba kere bu jore ahin kadasi n nu.

²⁰ Yiri n bo i di ahin jorem kere daani n ase ka, “Nahore. I ce má, m ba kisa.”

Ma i yo so. Ya Mibie Yesu, bra. Ami.

²¹ Ma ya Mibie Yesu buka Nyeme minem kere. Ami.